

**INATSIARTUT
OMBUDSMANDIATA
UKIUMOORTUMIK
NALUNAARUTAA
2010**

**INATSIARTUT
OMBUDSMANDIATA
UKIUMOORTUMIK
NALUNAARUTAA
2010**

ROSENDAHLS-SCHULTZ GRAFISK
ISSN 1396-6782

Inatsisartunut

Ombudsmandi pillugu inatsimmi nutaami¹ 1. januar 2010-mi atortuulersumi § 10, imm. 1-ikkut aalajangersarneqarpoq Ombudsmandi Inatsisartunut sulinini pillugu ukiumoortumik nalunaaruteqartassasoq. Nalunaarut taanna tamanut saqqummiunneqartassaaq, Inatsisartullu ukiakkut nalinginnaasumik ataatsimiinneranni Inatsisartunit Ombudsmandi pillugu inatsimmi § 10 imm. 1-imi oqaaseqatigiit aappaat tunngavigalugu oqaluuserineqartassalluni. Suliat nalunaarummi ilanngunneqartut misissuiffigineqartup imminut illersorluni oqaaserisaanik ilaqartinneqartassapput (Ombudsmandi pillugu § 10, imm. 2). Inatsit taannalu pia-reersarlugu suliat nalunaarutip matuma naggataani ilanngunneqarput.

2010-mi ukiumoortumik nalunaarut aalajangersakkat taaneqartut tunngavigalugit matumuuna saqqummiuppara.

Inatsisit Atortinneqarnerannut Ataatsimiititaliamik 2010-mi ataatsimeeqateqar-ninni Ataatsimiititaliamut isumaqatigiissutigaa suliat tamanut saqqummiussassanngortinneqartut nalunaarummi ilanngunneqartarunnaassasut, cd-rommik-kulli nalunaarutip naqitanngortinneqarnerani quppernermut kingullermut nipitinneqartukku saqqummersinneqartassasut. Misissuinerne nalunaarusiat aamma suliat nammineerluni misissuiffigineqartut pillugit oqaaseqaatit kiisalu misissuiner-mi nalunaarusiat uanga naalliutsitsisarneq allatullu peqqarniingaartumik, inuppa-laanngitsumik imaluunniit nikanarsaataasumik pinnittarneq imaluunniit pillaa-sarneq akiorniarlugu Naalagaaffiit Peqatigiit isumaqatigiissutaannut ilassut 18. december 2002-meersoq nammineq piunassuseq malillugu ilannguffigineqar-sinnaasoq tunngavigalugu pinaveersaartitsisut saqqummiussakka cd-rommik-kut qulaani taaneqartukku siunissami taamatuttaaq saqqummersinneqartassap-put.

Suliat tamanut saqqummiussassanngortinneqartut manna tikillugu pisarnertut Ombudsmandip nittartagaanut www.ombudsmand.gl-imut ingerlaavartumik ilineqartassapput.

Tamakkua saniatigut kisitsisit atorlugit paasissutissat nalunaarutip naqitanngor-tinneqarnerani ilaatinneqarnissaat toqqarpara.

Inatsisit Atortinneqarnerannut Ataatsimiititaliamut aammattaaq nutaatut isu-maqatigiissutigaa nalunaarutit uanga suleqatimalu apeqqutit inatsiseqartitsiner-

1) Inatsisartut Ombudsmandiat pillugu Inatsisartut inatsisaat nr. 8, 3. december 2009-meersoq.

mullu tunngasut Atorfeqarfiup ukiumi nalunaarusiuunneqartumi immikkut maluginiarsimasaat pillugit allaaserisatsinnik ilisimatitsissutaasunik siunissami imaqtassasut.

Nuuk, juli 2011

Vera Leth

Imai

Siulequt	3
1. Atorfeqarfimmi pissutsit nalinginnaasut.....	8
1.1 Sulisut	8
1.2 Angalanerit tikeraarnerillu, nunanillu allanik suleqateqarneq	8
1.3 Ombudsmandip pisinnaatitaanera	9
1.4 Allanik Suleqateqarneq	22
2. Kisitsisit Atorlugit takussutissiat.....	23
3. Allaaserisat	35
3.1 Attartortut pisinnaatitaaffii erseqqarlupput, allaaserinnittoq inatsisilerinnermi pisortaq Michael Mikkelsen	35
3.2 Ombudsmandip suliassai nutaat, allaaserinnittoq immikkut siunnersorti Line Lander Madsen.....	43
4. Apeqqutit ingerlatsinerlu pillugit inatsiseqartitsinnermut tun- ngasut pillugit ataatsimoortumik oqaaseqaatit.....	48
4.1 Kommunip naliliineranik misiliinissamut aamma kommunip tunngavilersuutaani amigaatit naqqinnissaannut Isumaginnin- nermi Naammagittaalliuuteqartarfiup pisussaaffeqarnera (j. nr. 2008-120-0007)	48
4.2 Akiitsut isumakkeerneqarnissaannik qinnuteqaatip itigartinne- qarnerata nalunaarutigineqannginnera (j.nr. 2008-140-0001)	48
4.3 Ilinniartitsisup soraarneranut atatillugu kommunip suliamik suliarinninnera pillugu naammagittaalliuut (j.nr. 2008-323- 0011)	50
4.4 Sulianik A/S Inissiaatileqatigiiffik INI-mit aqunneqartunik toqqorterisarneq pillugu malittarisassat (j.nr. 2008-904-0002)	51
4.5 Innuttaasut kommunimit nuuttut isumaginninnermi inissia- mik innersuunneqarsinnaappat? (J.nr. 2009-519-0003).....	52
4.6 Boligstøtsimit taarsigassarsianik allanngortitsiumalluni qin- nuteqaatip itigartinneqarnissaanik aalajangiineq aamma "ilumoorluinnarluni uppersaanermik" atuneq (j.nr. 2009-520-0008).....	53
4.7 Ajoqusernermut taarsiissuteqarnissaq pillugu suliamik kom- munip suliarinninneranik naammagittaalliuut (j.nr. 2009-860- 0003)	56

5. Suliat suliniutillu nammineerluni misissugassanngortitat kommuninullu tikeraarnerit.....	58
5.1 K Kommunimut 30. januar 2010-mit 6. februar 2010-mut tikeraarnerq (j.nr. 2010-901-0034, 2010-901-0035, 2010-901-0036 aamma 2010-901-0037)	58
5.2 Kommunit Qaqiffimmiinnermut aningaasaliisarnerannut malittarisassatigut tunngavigisaq (j.nr. 2010-904-0005).....	58
5.3 Peqqinnissaqarfiup arnamik aalakoortumik angerlarsimaffeqanngitsumik napparsimmavimmut oqqiffissarsiortumik pininnera (j.nr. 2010-905-0013).....	59
6. Suliat nalinginnaasumik soqutiginaatillit, inatsiseqartitsifiusunut agguataakkat.....	60
6.1 Ineqarnermut tapiissutinik oqartussaasup paasinninnera mallillugu pissutissaqanngitsumik tunniunneqarsimasunik inatsisinik unioqquitsilluni akiliisitsiniarneq. Attartorallartitsinnermi ineqarnermut akiliutinik akiliisarnerq pillugu malittarisassat qanoq paasineqarnissaannik apeqqut ilanngullugu (j.nr. -2008-119-0001).....	60
6.2 Peqqinnissaqarfimmi atorfeqartitaanerup unitsinneqarneranut atatillugu suliami pissusiviusut taakkulu inatsiseqartitsinikkut suussulerneqarneranni kukkunerit erseqqarluttullu. Pisinnaatitaanermi amigaatit pillugit apeqqutit aamma ilanngullugit (j.nr. 2008-310-0001).....	103
6.3 Kommunip cafémik ingerlatsinnermi peqataanera (j.nr. 2008-711-0001)	150
6.4 Tusarniaasussaatitaaneq aamma oqartussaasup nammineertup qanoq nassuiarneqarnissaa pillugit apeqqutit (j.nr. 2008-820-0001).....	187
6.5 Meeqqanik inuusuttunillu ikiorsiisarnerq pillugu Inatsisartut peqqussutaat tunngavigalugu suliamik suliarinninnermi kukkunerit arlallit (j.nr. 2009-106-0001)	253
6.6 Isumaginninnermi Naammagittaalliuuteqartarfiup aamma Isumaginninnermut Naalakkersuisoqarfiup innarluutilimmut tapersersuutinik qinnuteqaammik suliarinninnerat (j.nr. 2009-146-0004).....	287
6.7 Ilinniagaqarnermut atatillugu ilinniagaqartup kommunitut najugarivitaata avataani najugaqarallernerani meeqqanik paaqqinniffimmiittuuteqarnermut akiliutinut tapiissuteqartarnerq (2009-239-0001)	336

6.8 Naalasseriitsuliorneq pissutigalugu mianersoqqussutit pillugit suliap amigartunik paasissutissartalersorneqarnera (j.nr. 2009-321-0003)	356
6.9 Suliami illua'tungiusup isumaanik tusarniaasarneq aamma tunngavilersuisarneq pillugit malittarisassat soraarsitsinermut atatillugu malinneqarsimanninnerat. Suliap oqartussaasumi qulliunerusutut naammagittaalliorfissami naammaginangitsumik paasissutissartalersorneqarnera (j.nr. 2009-323-0019)	431
6.10 Innuttaasut imerajuttunik katsorsaavimmi Qaqiffimmiinnerinut kommunip aningaasartuutaasa utertillugit akilernerqarnissaannik piumasagaat (j.nr. 2008-901-0002)	473
6.11 Tarnikkut napparsimasunik katsorsaanermi pinngitsaaliinermik atuinermik inatsiseqartitsinikkut aalajangersaaviginneq (2009-905-0009)	489
6.12 Namminersorlutik Oqartussat suliffeqarfiutaanni nammineertitani pisortat oqaaseqaateqarsinnaatitaanerit pillugu Naalakkersuisut naalakkiutaat (j.nr. 2009-905-0012).....	517
7. Suliat ukiuni siusinnerusuni nalunaarutini eqqartorneqartunut malitseqartitsineq. Naammagittaalliuutit pillugit suliat.....	524
8. Suliat ukiuni siusinnerusuni nalunaarutini eqqartorneqartunut malitseqartitsineq. Suliat nammineerluni misissugassanngortitat	546
Ilanngussat:	570
Inatsisartut Ombudsmandiat pillugu Inatsisartut inatsisaat nr. 8, 3. december 2009-meersoq, inatsisip piareersarneqarnerani sulianik ilaqartinneqartoq	570

1. Atorfeqarfimmi pissutsit nalinginnaasut

1.1 Sulisut

Seniorrådgiver Kent Fridberg 1. juni 2010-mit aallartittumik attartussagiga Inatsisartut Allattoqarfiannut 20. maj 2010-mi isumaqatigiissutigaa.

Erno Aronsen nutserisutut/oqalutsit atorfimminit 2010-mi majip qaammataata naanerani tunuarpoq.

Jens Aalkjær 1. april 2010 aallarnerfigalugu taartaagallartutut atorfeqartitaanermi Atorfeqarfimmi inatsisilerituutut fuldmægtigit aalajangersimasumik atorfeqartitaanermut nuuppoq.

Jakob Kristiansen Atorfeqarfimmi nutserisutut/oqalutsit 1. november 2010 aallarnerfigalugu atorfinitsippa.

Maria Mikkelsen 1. december 2010 aallarnerfigalugu atorfinitsippa. Maria Mikkelsen Århusip Universitetiani inatsisilerituunngorniarluni ilinniarsimasuvoq.

Atorfeqarfimmi 2010-p naanerani uku sulisorineqarput:

Inatsisilerinermi pisortaq Michael Mikkelsen
Nutserisut/oqalutsit pisortaat Jørgen Hansen
Nutserisoq/oqalutsi Lars Vahl
Allatsi Alice Møller
Immikkut siunnersorti Line Lander Madsen
Fuldmægtig Lili Rasmussen
Fuldmægtig Jonna Nordskov
Fuldmægtig Jens Aalkjær
Seniorrådgiver Kent Fridberg
Nutserisoq/oqalutsi Jakob Kristiansen
Fuldmægtig Maria Mikkelsen

1.2 Angalanerit tikeraarnerillu kiisalu nunanik allanik suleqateqarneq

Nunat Avannarliit Killiit Ombudsmandiisa Københavniimi 2010-mi februarimi ataatsimiinneranni peqataavunga. Ombudsmandit Savalimmiuni 2010-mi junimi

ataatsimiinneranni taamatuttaaq peqataavunga, ataatsimiinnerlu taanna Nunat Avannarliit Killiit ataanni ingerlanneqarpoq, Savalimmiuni Ombudsmandeqarfiup ukiunik qulinngortorsiornera nalliussillugu.

Nunat Avannarliit Ombudsmandiisa Ilulissani 2010-mi augustimi tikeraartitsisuvunga.

Nunat tamat Ombudsmandeqarfiisa Barcelonami 2010-mi septemberimi ataatsimiinneranni immikkut siunnersorti Line Lander Madsen peqatigalugu peqataavunga.

Nunat Avannarliit Killiit Ombudsmandiisa Københavnimi 2010-mi decemberimi ataatsimiinneranni peqataavunga.

1.3 Ombudsmandip pisinnaatitaanera

Illuutileqatigiiffik Illuut A/S (pilersinneqalersoq) (j.nr. 2008-922-0001)

Aningaasaqarnermut Ataatsimiititaliap uannut malugeqqullugu oqaatigaa Illuutileqatigiiffik Illuut A/S-imi (pilersinneqalersumi) tapiissuteqarnissap akuerineqarnissaanik Naalakkersuisut qinnuteqaataata suliarineqarneranut atatillugu uanga ingerlatseqatigiiffik taanna eqqarsaatigalugu pisinnaatitaasutut oqarnissanut periarfissaq Ataatsimiititaliap innersuussutigisimagaa.

Aningaasaqarnermut Ataatsimiititaliaq, Inatsisit Atortinneqarnerannut Ataatsimiititaliaq Naalakkersuisullu allakkatigut nalunaarfigaakka paasissutissat pigineqartut tunngavigalugit isumaqartunga Illuutileqatigiiffik Illuut A/S-ip (pilersinneqalersup) uanga pisinnaatitaaninni pineqartunut ilanngunnissaanut periarfissaqanngitsunga, tak. Inatsisartut Ombudsmandiat pillugu Inatsisartut inatsisaanni § 7, imm. 3, makkulu oqaatigalugit:

"(...)

Aningaasaqarnermut Ataatsimiititaliap aalajangiineranit erserpoq:

"(...)

Ingerlatseqatigiiffimmut malittarisassani § 1.5 naapertorlugu suliassat suliarineqartarnerat pillugu inatsit paasitinneqarsinnaatitaanermillu inatsit ingerlatseqati-

giiffimmut atuutsinneqassasut ataatsimiititaliamit maluginiarneqarpoq – aalajangiisuutinneqarlunilu.

(...)

Ingerlatseqatigiiffiup malittarisassai taakku kingusinnerusukku ataatsimeersuarnermi allanngortinneqarsinnaasut ataatsimiititaliamit ilisimaneqarpoq.

Aningaasaqarnermulli Ataatsimiititaliap matumani akuersineranut **tunnngavissaa-tinneqarpoq** aalajangersakkat siuliani taaneqartut malittarisassatut pituttuisutut katersorneqarnissaannik Naalakkersuisut UPA 10-mi qinnuteqarnissaat sioqqul-lugu malittarisassani siuliani taaneqartuni aalajangersakkanik allanngortitsineq aatsaat pissasoq Aningaasaqarnermut Ataatsimiititaliap siumoortumik akuersinera-tigut, tak. matuma kinguliani allassimasut.

Illuut A/S paasitinneqarsinnaatitaanermik inatsimmut aammalu suliassat suliarine-qartarnerat pillugu inatsimmut ilaatinneqarmat Ombudsmandi pillugu inatsimmi nutaami § 7, imm. 3-mi aalajangersagaq aqputigalugu Illuut A/S-ip Ombudsmandip ingerlatsineranut ilanngunneqarnissaa pillugu Inatsisartut Ombudsmandiat aalaja-ngissasoq pissusissamisoortutut Aningaasaqarnermut Ataatsimiititaliamit isigine-qarpoq.

(...)

Kingusinnerpaamik periarfissaq taanna atorlugu innuttaasut illuni Illuut A/S-imit pigineqartuniittut ineqarneq pillugu naammagittaalliuteqartarfimmik atuisinnaa-nissaat Naalakkersuisunit qulakkeerneqassasoq Aningaasaqarnermut Ataatsimiiti-taliamit naatsorsuutigineqarpoq.

Aningaasaqarnermut Ataatsimiititaliap aalajangiinera:

Siuliani allassimasut piumasaqaatigalugit tunnngavissaatillugillu Naalakkersuisut i-nassuteqaataat Aningaasaqarnermut Ataatsimiititaliamit akuerineqarput."

Naalakkersuisut tamanna tunnngavigalugu qinnuigaakka Illuutiqatigiiffik Il-luut A/S-imik Ombudsmandip sulinerani pineqartunut ilaatitsilernissannut tunnngavissaqarnerlunga, tak. Inatsisartut inatsisaanni nr. 8-mi, 3. december 2009-meersumi § 7, imm. 3, isumaliutersuuteqarninni atugassanik erseqqinne-rusunik paasissutisseeqqullugit.

Paasissutissat tigusimasakka aallaavigalugit uanga paasinninnera unaavoq Inatsisartut Ombudsmandiat pillugu Inatsisartut inatsisaat Illuutiqatigiiffik Illuut A/S-imik ingerlatseqatigiiffimillu pilersinneqalersumik Ombudsmandip

pisinnaatitaanerani pineqartunut ilaatitsilernissamik aalajangiinissannut periarfissiinnngitsoq.

Tamatumunnga uigiullugu isumaqarpunga ingerlatseqatigiiffiup taassuma ingerlatsineq pillugu inatsiseqartitsinermi malittarisassani pineqartunut tamakkiisumik ilaannakortumilluunniit inatsisiliorneq allaffissornermiluunniit aqutsineq aqutigalugu ilanngunneqarnissaa isumaliutersuutigineqarpat ajornartorsiutit arlallit qulaajarnissaat pisariaqartussat tikkuassallugit pissutissaqarlunga, tulliuttuni qupperneq 8 tulliilu takukkit.

Isumaliutersuutikka pillugit erseqqinnerusumik nassuiaatiga tulliuttuni allaa-seraara.

Naliliiniarninni atugassatut ilaatigut Naalackersuisut Siulittaasuata Naalackersuisut isummernissaannut tunngavissiaa 1. december 2009-meersoq aamma pilersitsineq pillugu uppersaat 22. december 2009-meersoq Naalackersuisunit tiguakka.

Malugaara Naalackersuisut isummernissaannut tunngavissiaq ilaatigut imaat-tunik imaqartoq:

"Ingerlatseqatigiiffiup pigisanik aalaakkaasunik sanaartornissaq pigisaqarnissarlu, tamatumalu saniatigut tunisaqartarnissaq attartortitsisarnissarlu siunertaraa, taamatullu ingerlatseqatigiiffik sulinerminut atatillugu sanaartukkanik, ingerlatseqatigiiffiup ingerlataanut ilaasunik isaterisinnaavoq. Tassalu ingerlatseqatigiiffik pigisanut aalaakkaasunut tunngatillugu allaffissornermik sullissinermillu ingerlataqas-sannngilaq.

Ingerlatseqatigiiffik ilusilersugaanermigut ingerlatseqatigiiffimmut Namminersor-lutik Oqartussanit pigineqartunut allanut arlaatigulluunniit assinguissuunngilaq. Ingerlatseqatigiiffimmi siulersuisut qullersallu Namminersorlutik Oqartussat allaf-feqarfianni atorfiliussapput. Taakku ingerlatseqatigiiffinniit akissaasersorneqas-sannngillat ajunngitsorsiassaqartinneqassanatilluunniit. Tassalu matumani ingerlat-seqatigiiffik aktianik piginneqatigiiffiuseq pisarneq malillugu "nammineq uumassu-silittut", nammineq anguniagaqartoq ingerlatsisusorlu aammalu nammineq allaffi-littut ingerlanneqannngitsoq, taamaallaalli aningaasalersuisarnerup teknikkimut tunngasortaanut sakkussatuinnaq atorneqartussannngorlugu pilersinneqarsimasoq pineqarpoq.

Allaammi ingerlatseqatigiiffik namminerisaminik allaffeqartussaannngilaq. Ingerlat-seqatigiiffik arlalitsigut pisortat ingerlataannik periaaseqareermat aammalu aqut-sisut taakkorpiaat ingerlatsisuussammata pisortat ingerlatsinerat pillugu paasitin-neqarsinnaatitaaneq pillugu inatsit aamma pisortat ingerlatsineranni suliassat su-liarineqartarnerat pillugu inatsit ingerlatsivimmi atuutsinneqassapput.

(...)

Siulersuisut katitigaaneranni Namminersorlutik Oqartussat allaffeqarfianni siulittaasup naalakkersuisoqarfiani naalakkersuisoqarfimmi pisortatut, aningaasaqarnermut aningaasaliisarnermullu naalakkersuisoqarfimmi pisortatut, kiisalu ineqarnermut illuuteqarnermullu naalakkersuisoqarfimmi pisortatut sukkulluunniit atorfeqartinneqartut siulersuisunut ilaasortatut aalajangersimasutut atuuttarnissaat siunnersuutigineqarpoq. Taamatut toqqaannartumik ilusiliinermi ingerlatseqatigiiffiup pigisaasa suliaasalu Naalakkersuisunit, taamatullu Inatsisartunit suliarineqarsimasarnerat akuerineqarsimasarnerallu tunngavigineqarpoq. Tassalu ingerlatseqatigiiffik A/S-itut ilusilerneqarsimagaluarluni aktiaatillit (Namminersorlutik Oqartussat) akuersisimatinnagit suliassanik allanik aallartitsisinnaangilaq suleqataasinnaanani luunniit. Ingerlatseqatigiiffiup pilersinneqarnerani aktiaatillit, siulersuisut qullersaqarfiullu akornanni, ingerlatseqatigiiffiup iluani avataanilu ersarissunik ilusiligaasunik paasiniaaffissalerlugit qanilluinnartumik "eqqarleriinnissaq" pingaaruteqarluinnarpoq.

(...)

7. Aningaasaqarnermut Ataatsimiititaliap ilanngutsinneqarnera

AI 2009-mi konto pingaarneq 87.72.13, Immikkut ittumik iluarsaassineq, imaattunik oqaaseqaatitaqarpoq:

"Nr. 2.

Nuummi Qapiarfiusaami tulleriiaaraluni iluarsaassinermut atatillugu inissianut aktianik piginneqatigiiffimmik pilersitsinissamut, aamma m2-mut 5.400 kr.-nik ingerlatseqatigiiffimmut tapiissuteqarnissamut imaluunniit erniaqanngitsunik akilersugassaannngitsunillu taarsigassarsitsinissamut Naalakkersuisut piginnaatinneqarput. Iluarsaassinissap ukiuni sisamani ingerlasussatut naatsorsuutigineqartup katillugit 340 mio. koruuninik akeqarnissaa naatsorsuutigineqarpoq."

Oqaaseqaatinut nassuiaatini ilaatigut allassimavoq:

"Qapiarfiusaami inissiarsuarni arfineq marlunni iluarsaassinissamut aaqqiissutissatut illuutinut aktianik piginneqatigiiffimmik pilersitsisoqassaaq, illuutinik pigisaqarnissamik siunertaqartumik.

Illuutit ingerlatseqatigiiffimmut aallarniutitut tunniunneqassapput. Inissiat aqunneqarnerat A/S Inissiaatileqatigiffik INI-mit isumagineqaannassaaq."

(...)"

Pilersitsineq pillugu uppersaammit makku erserput:

"Ataani atsiortut:

1) Kuupik Klesit, Naalakkersuisut Siulittaasuat aamma

2) Peter Schultz, Naalakkersuisoqarfiup pisortaa,

Namminersorlutik Oqartussat, Imaneq 4, Postboks 1015, 3900 Nuuk

ullumikkut pilersitsiniarlutik ataatsimeersuarsimapput, aktiaateqarlunilu ingerlatseqatigiiffik ataani taaneqartoq 2009-mi Aningaasanut Inatsimmi kontomi pingaarnermi 87.72.13-imi aamma 2010-mi Aningaasanut Inatsimmi suliaasaqarfimmut 80-89-imut, sanaartornermut nutarterinermullu tunngasut pillugit oqaasertaliussami piginnaatitsissut tunngavigalugu Naalakkersuisut piginnaatitsinerat 7. december 2009-meersoq tunngavigalugu pilersissimallugu, ileqqoreqqusanut missingiut ataani taaneqartoq tunngavigalugu:

(...)

§ 1

Ingerlatseqatigiiffiup aqqa, angerlarsimaffia siunertaalu

1.1.

Ingerlatseqatigiiffiup aqqa tassa Illuutileqatigiiffik Illuut A/S. Ingerlatseqatigiiffik tulliuttuni taaneqartassaaq: Illuut A/S.

1.2

Ingerlatseqatigiiffiup angerlarsimaffia tassa Kommuneqarfik Sermersooq.

1.3.

Ingerlatseqatigiiffiup siunertaa tassa pigisanik aalaakkaasunik sanaartorneq pigisagarnerlu, tulliullugu pigisanik aalaakkaasunik tuniniaaneq attartortitsinerluunnit, taamatuttaarlu ingerlatseqatigiiffiup sulinermit ilaatillugu illuutit pigisani isatersinnaallugit. Ingerlatseqatigiiffik taamaalilluni illuutit eqqarsaatigalugit aqutsinermik kiffartuussinermillu ingerlatassaqqanngilaq.

1.4

Ingerlatseqatigiiffik Kalaallit Nunaanni Namminersorlutik Oqartussanit pilersinneqartoq sanaartornernut sanaartugassanillu ingerlatseqatigiiffik atorlugu pilersaarusiornernut realkredit aqutugalugu aningaasalersuisinnaavoq. Ingerlatseqatigiiffik taamaalilluni Kalaallit Nunaanni Namminersorlutik Oqartussat aningaasalersuineramik teknikkikkut sakkuattut isigineqassaaq. Taamatut toqqaannartumik ilusiliineq ingerlatseqatigiiffiup ingerlatatigut pilersaarutitigullu pigisaasa suliatur Naalackersuisunit Inatsisartunillu suliarineqarsimasuunerannik akuerineqarsimasuunerannillu tunngavilersorneqarpoq. Taamaalilluni ingerlatseqatigiiffik A/S-itut ilusilerneqarsimagaluarluni piginnittut (Namminersorlutik Oqartussat) akuersisimatinnagit ingerlatanik allanik aallartitsisinnaangilaq ingerlataniluunniit allani peqataasinnaanani. Ingerlatseqatigiiffiup pilersinneqarneranut aalajangiisuulluinnartoq tassaavoq aktianik piginnittup, siulersuisut pisortaqaatigiillu akornanni "eqqarleriiaarlunnarnissaq", ingerlatseqatigiiffiup iluani avataanilu attaveqatigiinermut erseqqissunik aaqqissuussaasunillu ilusilersugaasumik.

1.5

Pisortat ingerlatsinerat pillugu paasitinneqarsinnaatitaaneq pillugu inatsit aamma pisortat ingerlatsineranni suliasat suliarineqartarnerat pillugu inatsit ingerlatseqatigiiffimmut atuupput.

(...)" (Atorfeqarfimmi nutsigaavoq)

Ingerlatseqatigiiffik paasissutissat pigineqartut aallaavigalugit suli pilersinniarneqarpoq, taamalu suli nalunaarsorneqarsimanani.

Aktiaateqarluni piginneqatigiiffiit pillugit inatsimmi § 12, imm. 1-ikkut aalajangersarneqarpoq ingerlatseqatigiiffik nalunaarsorneqarsimanngitsoq taamaattuusutut pisinnaatitaaffinnik tiguisinnaanngitsoq imaluunniit pisussaaffilersinnaanngitsoq.

Taamaattumik matuma aallaqqaasiutitut oqaatiginissaanut pissutissaqarlunga isumaqarpunga, tassalu ingerlatseqatigiiffik eqqarsaatigalugu piffissaq taasuma nalunaarsorneqarfia sioqqullugu pisinnaatitaasinnanngitsunga.

Tamatumunnga ataneqartillugu oqaatigaara manna erseqqarlussorinartoq, tassalu ingerlatseqatigiiffik Naalackersuisunit imaluunniit inunnit ataasiakkaanit pilersinneqarnerasoq, tak. aktiaateqarluni ingerlatseqatigiiffiit pillugit inatsimmi § 3, imm. 2.

Ingerlatseqatigiiffik Naalackersuisunit pilersinneqarsimappat Naalackersuisut iliuuserisassat Naalackersuisunit piffissap nalunaarsuiffiusup tungaanut aalajangiiffigisaat pillugit pisinnaatitaasussaavunga, tassami aalajangiinerit i-

1. Atorfeqarfimmi pissutsit nalinginnaasut

ngerlatsinermi oqartussaasumit aalajangerneqartarmata, tak. Inatsisartut Ombudsmandiat pillugu Inatsisartut inatsisaanni § 7, imm. 1.

Ingerlatseqatigiiffilli nalunaarsugassanngorlugu nalunaarutigineqarsimasoq naatsorsuutigigakku pilersitsisup kinaassusiata erseqqarlunna eqqarsaatigalugu annertunerusumik iliuuseqaqqissanngilanga, tamanna suliamut pineqartumut atatillugu pisariaqalinngippat.

Ingerlatseqatigiiffimmut pilersinneqartumut atatillugu oqaatigaara Inatsisartut Ombudsmandiat pillugu Inatsisartut inatsisaat § 7, imm. 3-mi aalajangersakkamik imaattumik imaqartoq:

"Ingerlatseqatigiiffiit, suliffeqarfiit, peqatigiiffiit, il.il. aqutsinermi allaffissornermi aalajangiinikkut pisortat ingerlatsineranni suliassat suliarineqartarnerat pillugu Inatsisartut inatsisaannut, pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaannut imaluunniit inuit pillugit paasissutissanik nalunaarsuineq pillugu inatsiseqartitsinermit ilanngunneqarpata Ombudsmandi aalajangiisinnaavoq suliffeqarfiit pineqartut tamatuma annertoqataanik Ombudsmandip sulinerani pineqartunut ilaatinneqassasut"

Malittarisassap taassuma manna nassataraa, tassalu ingerlatseqatigiiffimmik nakkutiginnissaguma ingerlatseqatigiiffiup taassuma ingerlatsineq pillugu inatsiseqartitsinermi malittarisassani pineqartunut inatsisikkut imaluunniit allaffissorinikkut aqutsinermi aalajangiinikkut ilaatinneqalersimanissaata piumasaaqataanera.

Illuutileqatigiiffik Illuut A/S eqqarsaatigalugu uanga paasinninnera unaavoq suliassat suliarineqartarnerat aamma pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat ingerlatseqatigiiffimmut ingerlatseqatigiiffiup ileqqoreqqusaani aalajangersakkakut atortuulersinneqarsimasut.

Aktiaateqarluni ingerlatseqatigiiffiit pillugit inatsimmi § 3, imm. 1-ikkut aalajangersarneqarpoq ingerlatseqatigiiffiup ileqqoreqqusasaanut missingiut pilersitsineq pillugu uppersaatip ilaatut suliarineqassasut.

Aktiaateqarluni ingerlatseqatigiiffiit pillugit inatsimmi § 9, imm. 1-ikkut aalajangersarneqarpoq ingerlatseqatigiiffik pilersinneqassasoq, inissitsiterniarluni ataatsimeersuarnermi aalajangiisoqarneratigut.

Aktiaateqarluni ingerlatseqatigiiffiit pillugit inatsimmi § 10, imm. 2-kkut aalajangersarneqarpoq ileqqoreqqusat oqaasertalersorneqarnerat pillugu apeqqut inissitsiterniarluni ataatsimeersuarnermi qulaajarneqassasoq.

Aktiaateqarluni ingerlatseqatigiiffiit pillugit inatsimmi § 12, imm. 2-mi oqaaseqatigiit aappaasigut aalajangersarneqarpoq pisussaaffiit pilersitsineq pillugu

uppernarsaatip nassatarisai ingerlatseqatigiiffiup nalunaarsuinermi tigussagai.

Taamaattumik ingerlatseqatigiiffiup ileqqoreqqusai inatsisitut imaluunniit allaffissornermi aqutsinikkut aalajangiinertut isigineqarsinnaanngillat, tassaallutilli inuit ataasiakkaat pillugit inatsiseqartitsineq tunngavigalugu aalajangiinermut ingerlatseqatigiiffiup inissitsiterniarluni ataatsimeersuarnerani pisi-masumut takussutissaasut.

Ileqqoreqqusat Naalakkersuisunit akuerineqarsimanerisa taakku allaffissornermi aqutsinikkut aalajangiinertut inissisimalersinngilai.

Tamatumani innersuussutigaara ileqqoreqqusat eqqarsaatigalugit - inatsimmi malittarisassani allatut aalajangersaasoqarsimanngippat - taakku ingerlatseqatigiiffiit pillugit inatsimmi malittarisassat naapertorlugit allanngortinneqas-sappata tamanna inatsisikkut tunngavissaqarnissamik piumasaaqateqarfiunngitsoq aamma ileqqoreqqussat malinneqarnerat aktiaateqarluni piginneqatigiiffiup akisussaaffigaa.

Taamaattumik paasissutissat pigineqartut aallaavigalugit Illuutileqatigiiffik Illuut A/S-ip pisinnaatitaaninni pineqartunut Inatsisartut Ombudsmandiat pillugu Inatsisartut inatsisaanni § 7, imm. 3 tunngavigalugu ilanngutsinnissaanut periarfissaqanngilanga.

Taamaalilluni Ombudsmandip pisinnaatitaanerani pineqartunut aalajangersagaq taanna tunngavigalugu ilaatitsisoqalissappat piumasaaqataasussaavoq ingerlatsineq pillugu inatsiseqartitsinermi malittarisassat ingerlatseqatigiiffimmut qanoq annertutigisimik atuutissanersut inatsisikkut imaluunniit allaffissor-nikkut aqutsinermi aalajangiinikkut erseqqissarneqassasoq.

Tamatumunnga atatillugu ajornartorsiutit arlallit Illuutileqatigiiffik Illuut A/S-ip ingerlatsineq pillugu inatsiseqartitsinermi malittarisassani pineqartunut ilaatinneqalernissaanik isumaliutersuuteqarnermi qulaajarneqartariaqartut tikkuarnissaannut pissutissaqarlunga isumaqarpunga.

Pingaarnerusutigut isiginninnermi uanga paasinninnera unaavoq ingerlatat ingerlatseqatigiiffiup isumagisassaasut siunertarineqartut tunngavigalugit piumasaaqataasooq ingerlatat taakku ingerlatsinermi oqartussaasumit isumagineqarunik ingerlatsineq pillugu inatsiseqartitsinermut tunngasuussanersut aamma ingerlatat ingerlatsineq pillugu inatsiseqartitsinermi malittarisassani pineqartunut ilaatinneqarnissaat naleqquttuussanersoq erseqqinnerusumik naliliiffigineqassasut.

Naliineq taanna ingerlatsineq pillugu inatsiseqartitsinermi malittarisassat ingerlatseqatigiiffimmut sulianut ingerlatsineq pillugu inatsiseqartitsineq tunngavigalugu aalajangiivigineqartunut attuumassuteqanngitsumut atortuuler-sinneqarnissaannut tunngavissaqarneranik apeqqut eqqarsaatigalugu inat-

siseqartitsinikkut aallaavittut ajornartorsiutaanaviannigilaq, tassami taassuma inernilerneqarnerani naalakkersuinikkut isiginiagassat naleqquttuussutsimillu aqutsinikkut isiginninnermi isiginiagassat annertunerusutigut apeqqutaasussaammata.

Taamaalilluni assersuutigalugu suliassat suliarineqartarnerat pillugu inatsimmi sulianik suliarinninnermi peqataasinnaassuseqannginneq pillugu malittarisassat atortuulersinneqarnissaannut atatillugu inatsiseqartitsinikkut aalajangiisuusunik nangaassutissaqarnaviannigilaq, tassami malittarisassat taakku ingerlatsiviup inuit ataasiakkaat pillugit inatsiseqartitsineq tunngavigalugu ingerlataanut aamma atuutereermata.

Tamatuma pissuseqataanik pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaata aamma toqqorsiveqarneq pillugu Inatsisartut inatsisaata Illuutileqatigiiffik Illuut A/S-imut atortuulersinneqarnerannut atatillugu inatsiseqartitsinikkut aalajangiisuusumik nangaassutissaqassagunannigilaq, tassami inatsisit taakku ingerlataanut pisortat ingerlatsinerinut atuuttunut tamanut aallaavittut atuummata.

Ingerlatsineq pillugu inatsiseqartitsinermi paasitinneqarsinnaatitaanermut tunngaviup Illuutileqatigiiffik Illuut A/S-imut atuutsinneqarnissaanik apeqqummut atatillugu isumaqarpunga manna malugeqqusariaqariga, tassalu ingerlatseqatigiiffiup ingerlataanik annertuumik annertusisitsinermi ingerlatseqatigiiffiup ukiuni naatsorsuusiorfiusuni marlunni malittuinnarni piffissap oqimaqatigiissutsiviup nalaani angissusiliussat uku ilaanik marlunnik qaangiiffiusunik: a) Aningaasat oqimaqatigiissinneqartut 119 mio. kr.-iusut, b) ilanngaattissat ilanngaatigereerlugit kaaviiartitat 238 mio. kr.-iusut aamma c) naalagaaffiup ingerlatseqatigiiffiutai pillugit malittarisassanik atuineq pillugu Kalaallit Nunaannut nalunaarummi nr. 775-imi, 10. juli 2008-meersumi § 1, imm. 1 aamma imm. 2 tunngavigalugit ukiup naatsorsuusiorfiusup ingerlalerani piffissaq tamaat sulisartunik agguaqatigiissitsinermi 250-nik sulisoqarneq, nassataqartuni malittarisassat naalagaaffiup aktiaateqarluni ingerlatseqatigiiffiutaanut atuuttut malinneqassasut, matumani annertunerusumik paasissutissiisarneq ingerlatseqatigiiffiullu siulersorneqarneranik nakkutilliineq ilanngullugit eqqarsaatigalugit.

Pisumi tassani matuma isumaliutersuutigineqarnissaa qanippoq, tassalu pisortani ingerlatsineq pillugu paasitinneqarsinnaatitaaneq pillugu Inatsisartut inatsisaat matumani ingerlatseqatigiiffimmut atuutissanersoq.

Suliassalli suliarineqartarnerat pillugu inatsisip tamarmi imaluunniit tassani malittarisassat suliani aalajangiiffigineqartussani ingerlatsineq pillugu inatsiseqartitsinermut attuumassuteqartut Illuutileqatigiiffik Illuut A/S-imut ator-

tuulersinneqassanersut isumaliutersuutit inatsiseqartitsineq pillugu apeqqutit immikkut saqqummersitsipput.

Oqaatigaara suliassat suliarineqartarnerat pillugu inatsimmi § 2-mi malittarisassat sulianut aalajangiiffigisassanut immikkut attuumassuteqanngitsut akornanni immikkoortisimaneqartut, tassalu sulianik suliarinninnermi peqataasinnaassuseqannginneq aamma nipangiussisimasussaataaneq pillugit malittarisassat, inatsimmili malittarisassat sinneri (soorlu suliame illua'tungiusup isumaanik tusarniaasarneq aamma tunngavilersuisarneq pillugit malittarisassat) sulianik ingerlatsinnermi oqartussaasumit aalajangiiffigineqarsimasunik aalajangiiffigineqartussanilluunniit suliarinninneq pillugu aalajangersaavinninnermik siunertaqarlutik.

Suliassat suliarineqartarnerat pillugu inatsimmi § 1, imm. 2-kkut aalajangersarneqarpoq inatsit ilaatigut aktiaateqarluni ingerlatseqatigiiffinnut pisuni marlunni allaffissornermi aqutsinikkut atortuulersinneqarsinnaasoq:

Taakku sulinerminnik ingerlatsinerinut aningaasartuutit amerlanersaat Kalaallit Nunaanni Namminersorlutik Oqartussanit kommunimilluunniit akilernerneqartarpata, imaluunniit inatsisikkut inatsilluunniit tunngavigalugu Namminersorlutik Oqartussat kommuniluunniit sinnerlugu aalajangiinissamut piginnaatitaaffilernerneqarsimappata.

Suliassat suliarineqartarnerat pillugu inatsisip ingerlatseqatigiiffimmut allaffissornermi aqutsinikkut imaluunniit immikkut inatsisiliornikkut atortuulersinneqarnissaata isumaliutersuutigineqarnera apeqqutaatinnaq suliat ingerlatsineq pillugu inatsiseqartitsineq tunngavigalugu aalajangiiffigisassat ingerlatseqatigiiffiup ingerlataanut atatillugit inatsisit atuuffii pillugit inatsiseqartitsinikkut apeqqutit saqqummertussaapput.

Illuutiqatigiiffik Illuut A/S aalajangiinernik ingerlatsinnermi oqartussaasumit aalajangerneqarsimasuugunik inatsiseqartitsineq tunngavigalugu ingerlatsineq pillugu inatsiseqartitsineq tunngavigalugu aalajangiinertut isigineqarsinnaasunik aalajangiisassasoq eqqarsaatigineqarpat suliassat suliarineqartarnerat pillugu inatsisip ingerlatseqatigiiffimmut atortuulersinnissaa qanittuussavaoq.

Tamatumunnga atatillugu isumaqarpunga manna malugeqqusariaqarlugu, tassalu A/S Inissiaatileqatigiiffik INI pillugu pisinnaatitaanera tamatumunngalu atatillugu pisortat inissiaataannut attartortittakkanut inatsiseqartitsinikkut tunngaviusoq erseqqarluttorujussuusut, tassami malittarisassani manna isummerfigineqarsimannngimmat, tassalu A/S Inissiaatileqatigiiffik INI-p inislianik aqutsineranut ilaatillugu aamma pisortat inissiaataannik nalinginnaasumik attartortitsisarnermik suliaqarnermi aalajangiinernik ingerlatsineq pillugu inatsiseqartitsinnermi suliat aalajangiiffigisassat pillugit malittarisassani

pineqartunut ilaatinneqartunik ilaatinneqarsinnaasussanilluunniit qanoq anertutigisumik aalajangiisoqartassanersoq.

Tamanna pillugu oqaaseqaatika 2005-imi ukiumoortumik nalunaarutima kalaallisuuaniittut (quppernerit 253 tulluilu), qallunaatuaniittullu (quppernerit 201 tulluilu) aamma suliamut tassunga malitseqartitsinera 2007-imi ukiumoortumik nalunaarutima kalaallisuuaniittoq (quppernerit 351 tulluilu) qallunaatuaniittorlu (quppernerit 306 tulluilu) innersuussutigaaqka. Erseqqarluttut tassani taaneqartut sulit atuupput².

Taamaalilluni uanga paasinninnera unaavoq Illuutiqatigiiffik Illuut A/S-ip ingerlatsineq pillugu inatsiseqartitsinermi malittarisassat ataanni A/S Inissiatileqatigiiffik INI-p ingerlatsineq pillugu inatsiseqartitsinermi malittarisassat ataannut ilanngunneqarneranut, tak. A/S Inissiatileqatigiiffik INI-mi suliasat suliarineqartarnerat paasitinneqarsinnaatitaanerlu pillugit nalunaarut nr. 37, 19. december 1996-imeersoq, atatillugu pisimasutut ingerlatsineq pillugu inatsiseqartitsineq tunngavigalugu aalajangiinermik oqartarnej eqqarsaatigalugu killissalersuineq aallaavigiinnarlugu ilaatinneqalernissaata malittarisassatigut aalajangersaavigineqarnissaa ajornartorsiutitalerujussuusussaasoq.

Taamatut killissalersuineq tamatumunnga peqatigitillugu ingerlatseqatigiiffiup qaqugukkut aalajangiisarnissaa erseqqissarneqanngippat piviusunik imaqarnaviannigilaq.

Illuutiqatigiiffik Illuut A/S malittarisassat sulianut ingerlatsineq pillugu inatsiseqartitsineq tunngavigalugu aalajangiiffigineqartussanut attuumassuteqartut ataanni ilaalersinneqassappat tamatumani piunasaqaataasussaavoq ingerlatseqatigiiffiup sulinerata ilaa suna sulianik aalajangiiffiginninnerunersoq imaluunniit sulianik aalajangiiffiginninnernut assersuunneqarsinnaanersoq imaaliillaannaq naliliisoqarsinnaassasoq pisumi isummerfigineqarsimanissaa, ingerlatseqatigiiffimmik Inatsisartut Ombudsmandiat pillugu Inatsisartut inatsisaanni § 7, imm. 3 tunngavigalugu Ombudsmandip pisinnaatitaanerani pineqartunut pisumi tassani ilaatitsilernerani piviusumik isumaqassappat.

Aamma malugaara 2009-mi Inatsisartut aningaasanut inatsisaanni kontomut pingaarnermut 87.72.13-imut oqaasertaliussat pillugit oqaaseqaatinit, Naalakkersuisut isummernissaannut tunngavissiami Aningaasaqarnermut Ataatsimiititaliamut tunngaviusuni aamma erseqqissarneqarsimasunit ersertoq inis-

- 2) Ajornartorsiutit taakku Ineqarnermut, Attaveqarnermut Angallanermullu Naalakkersuisumut oqaaseqaatinni innersuussutigaaqka, taannalu nittartakkanni suliamut "Ineqarnermut akiliutinut akiitsut naafferartumik akilersorneqartarnerannut inatsisikkut tunngavigisami amigaatit"-nik qulequtalimmut innersuuppara.

siat oqaasertaliussat pillugit oqaaseqaatini pineqartunut ilaatinneqartut A/S Inissiaatileqatigiiffik INI-mit suli aqunneqartut.

Oqaatigaara A/S Inissiaatileqatigiiffik INI suliassanik Kalaallit Nunaanni Namminersorlutik Oqartussat kommunillu sinnerlugit suliarinnikkaangami ingerlatsineq pillugu inatsiseqartitsineri malittarisassani aamma Ombudsmandip nakkutilliinera pillugu malittarisassani pineqartunut aatsaat ilaatinneqartarmat.

A/S Inissiaatileqatigiiffik INI suliassanik ingerlatseqatigiiffik alla (Illuutileqatigiiffik Illuut A/S) sinnerlugu suliarinnissappat suliassat suliarineqartarnerat pillugu inatsimmi, pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni aamma toqqorsiveqarneq pillugu Inatsisartut inatsisaanni malittarisassat suliffeqarfimmu A/S Inissiaatileqatigiiffik INI-p ingerlatseqatigiiffimmu pineqartumut allamut isumaqatigiissuteqarneq tungavigalugu sullissaanut atortuulersinneqarnissaanut inatsisikkut tungavis-saqanngilaq.

Ingerlatsineq pillugu inatsiseqartitsineri malittarisassat suliffeqarfimmu A/S Inissiaatileqatigiiffik INI-p Illuutileqatigiiffik Illuut A/S sinnerlugu sulissunnia-gaanut atortuulersinneqarnissaat kissaatigineqarpat tamanna inatsisikkut im-mikkut aalajangersaaviginninnermik tungaveqartariaqarpoq.

Aamma oqaatigaara Illuutileqatigiiffik Illuut A/S Ineqarneq pillugu Maalaaru-teqartarfiup pisinnaatitaanerani pineqartunut ilaatinneqalissappat tamatuma manna imaaliallaanaq kingunerissagaa, tassalu Ineqarneq pillugu Maalaaru-teqartarfiup suliannik suliarinninneranik Ombudsmandip nakkutilliinera ima killissalersorneqartigissasoq pisoq naammagittaalliuutigineqartoq Illuutileqatigiiffik Illuut A/S-ip isornartorsiornissaanut pissutissaqalersitsinersoq isum-merfiginissaanut uanga pisinnaatitaajunnaarlunga, ingerlatsineq pillugu inat-siseqartitsineri malittarisassat ingerlatseqatigiiffimmu tassunga atortuuler-sinneqarsimanngippata.

Taamaattumik Ineqarneq pillugu Maalaaruteqartarfik aaqqiagiinnngissutinik uanga pisinnaatitaanerma avataani aalajangiiviginnittartunngortinneqarpat, tak. Inatsisartut Ombudsmandiat pillugu Inatsisartut inatsisaanni § 7, imm. 2, Illuutileqatigiiffik Illuut A/S-ip Ineqarneq pillugu Maalaaruteqartarfiup pisin-naatitaanerata ataaniitilerneqarnissaanik isumaliutersuuteqarnermi manna naleqquttuussaaq, tassalu ingerlatsineq pillugu inatsiseqartitsineri malittari-sassat ingerlatseqatigiiffimmu atortuulersinneqarnissaannik apeqqut isuma-liutersuutigissallugu.

Inatsisartut Naalakkersuisulluunniit tamanna kissaatigippassuk Illuutileqati-giiffik Illuut A/S-ip Ombudsmandip pisinnaatitaanerani pineqartunut ilaatinne-qarnissaanik aalajangiisinnaassaguma inatsisikkut aalajangersaasoqassappat

inatsisikkut aalajangersakkami imaluunniit allaffissornermi aqutsinikkut aalajangersaasoqassappat allaffissornermi aqutsinikkut aalajangersakkami imarisatigut piunasaqaatit suut eqqortinneqarsimanissaannik erseqqinerusumik qulaajaanermi soorunalimi peqataarusuppunga."

Ombudsmandi ingerlatsinermi oqartussaasup allagaataanik innuttaasumut paasititsinissaminut imaluunniit allagaatinik taakkuninnga oqartussaasumut allamut ingerlatitseqqilluni nassiussinissaminut pisinnaatitaanngilaq (j. nr. 2009-521-0003)

Suliami ukiumoortumik nalunaarummi allatigut eqqaaneqanngitsumi ilaatigut imaattunik oqaaseqaateqarpunga:

"Ombudsmandip suliami allagaatit suliap suliarineqarnerani atugassatut oqartussaasumit naammagittaalliuutigineqartumit pissarsiariniartarpai.

Ombudsmandili aqutsinermi oqartussaasuunngilaq, taamaattumillu ingerlatsineq pillugu inatsiseqartitsineq tunngavigalugu aalajangiisinaanani.

Ombudsmandi taamaalilluni A-p suliami allagaatinik paasitinneqarumalluni qinnuteqaamminut akuerineqarneranik nassataqartussamik suliami allagaatit tiguneqartut pillugit iliuuseqarsinnaanngilaq, taamatuttaarlu suliami allagaatinik pisortani oqartussaasumut allamut ingerlatitseqqilluni tunniussineq Ombudsmandip pisinnaatitaanerata avataaniilluni.

Allagaatip suliami illua'tungiusup paasitinneqarsinnaatitaanerani ilaananik apeqqutip aalajangiivigineqarnera oqartussaasumi suliaq pillugu aqutsinikkut aalajangiinissamut pisinnaatitaasumi pisussaavoq, tak. suliasat suliarineqartarnerat pillugu inatsimmi § 16, imm. 1.

Taamatuttaaq paasissutissaq aqutsinermi oqartussaasumit aqutsinermut oqartussaasumut allamut ingerlateqqillugu tunniunneqassanersoq suliasat suliarineqartarnerat pillugu inatsimmi aalajangersaavigineqarsimavoq (§§-it 28-mit 32-mut), taamaattumillu ingerlatitseqqilluni tunniussisoqassaneranik aalajangiineq oqartussaasumi pineqartumi pisussaalluni."

1.4 Allanik suleqateqarneq

Ombudsmandeqarfik Inatsisartut Ombudsmandiat pillugu Inatsisartut inatsisaata nr. 8-p, 3. december 2009-meersup Inatsisartunit akuerineqarmat Naalagaaffiit Peqatigiit naalliutsitsisarneq allatullu peqqarniingartumik, inuppalaanngitsumik imaluunniit nikanarsaataasumik pinnittarneq imaluunniit pillaasarneq akiorniarlugit isumaqatigiissutaannut ilassut nammineq piumasuseq tunngavigalugu ilannguffigineqarsinnaasoq tunngavigalugu nuna tamakkerlugu pinaveersaartitsinermi suliasamik isumaginnittussatut toqqarneqarpoq.

"Institut for Menneskerettigheder" aamma "Rehabiliterings- og Forskningscentret for Torturofre" Atorfeqarfiup pisussaaffii eqqortinniarlugit isumaqatigiissummut ilassut nammineq piumasuseq tunngavigalugu ilannguffigineqarsinnaasoq taanna tunngavigalugu suleqatigiinnissamik siunertaqarneq pillugu isumaqatigiissuteqarnissamut periarfissat 2010-mi septemberip qaammataani oqaloqatiginnissutigaaqka.

Isumaqatigiissutigineqarpoq suleqatigiinnissamik siunertaqarneq pillugu isumaqatigiissut taamaattoq "Institut for Menneskerettigheder"-mut 2011-p ingerlanerani isumaqatigiissutigineqassasoq.

Taamatuttaaq 2011-p ingerlanerani naatsorsuutigaara suleqatigiinnissamik siunertaqarneq pillugu isumaqatigiissut "Rehabiliterings- og Forskningscentret for Torturofre"-mut isumaqatigiissutigissallugu.

Atorfeqarfiup naalliutsitsisarneq allatullu peqqarniingartumik, inuppalaanngitsumik imaluunniit pillaasarneq akiorniarlugit nuna tamakkerlugu pinaveersaartitsisutut pisussaaffii pillugit immikkut siunnersortip Line Lander Madsenip allaserisaa aamma innersuussutigaaq.

2. Kisitsisit atorlugit takussutissiat

Kisitsisit atorlugit takussutissiat sulianut Atorfeqarfimmi 2010-mi suliarisimasannut attuumassuteqartut tulluuttuni saqqummiunneqarput. Ukiuni nalunaarusiuunneqartuni marlunni matuma siuliini kisitsisit sanilliussissutissatut aammattaaq takutinneqarput.

Suliat inaarlugit suliarineqartut amerlassusii naammagittaalliuutit ukiup ingerlanerani takkuttut amerlassusiinut suussusiinullu ilaatigut ataneqarpoq. Atorfeqarfiup sulisoqarnikkut inissisimanagera kiisalu ingerlatai allat piffissap sulianik suliarinninnermut atorneqartup sivilissusianut taamalu suliat ukiumi pineqartumi inaarlugit suliarineqartut amerlassusiinut aamma sunniuteqarsinnaapput.

Ilitsersuinerit naammagittaalliuutillu takkuttut amerlassusii Atorfeqarfiup kommuninut tikeraarnerisa amerlassusiinut kiisalu Atorfeqarfiup tusagassiuutitigut eqqartorneqarsimaguni qanoq annertutigisumik eqqartorneqarsimaneranut aammattaaq ataneqarsorinarput.

Ukiuni nalunaarusiuunneqartumi 2010-mi (1. januar 2010-mit 31. december 2010-mut) naammagittaalliuutit tiguneqarsimasut tunngavigalugit sulianik atasiakkaanik 114-inik pilersitsivunga. Taakkua saniatigut sulianik nammineerluni misissugassanngortitanik marlunnik aallarniivunga.

Aammattaaq innuttaasunit saaffiginnissutit tunngavigalugit 2010-mi 63-eriarluni ilitsersuisoqarsimavoq. Ilitsersuinerit 2010-mi ingerlanneqarsimasut 2009-mi ingerlanneqarsimasunut 91-inut sanilliullutik 28-nik ikileriarsimapput. Sanilliussissutit oqaatigisinnaavara 2008-mi 111-riarlunga ilitsersuisimasunga.

Ilitsersuinerit ingerlattakkakka immikkoortunut marlunnut avinneqarsimagajupput. Siulliit saaffiginnissutinut naammagittaalliuutivittut uannut tunniunneqarsimasuugunik suliarineqarnissaat itigartissutigineqarsimasussaagaluanut tunngasuupput. Ilitsersuinerit taakkunani innuttaasut oqartussaasunut allanut saaffiginnissaannik innersuunneqarajuttarsimapput. Aappaat tassaapput saaffiginnissutit, sulianik innuttaasunit saaffiginnissutaasut tunngavigalugit naammagittaalliuutinik suliarinninnerpiamik allartitsivigisinnaasimasakka.

2010-mi oqartussaasunit suliffeqarfinnillu saaffiginnissutit tunngavigalugit si-samariarlunga (4) ilitsersuivunga.

Naatsorsuinerit tulliit sulianik 2010-mi inaarlugit suliarineqartunik tunngaveqarput. Taamaalillutik naatsorsuinerit taakku sulianut ukiumi nalunaarusiuunneqartumi matumani ukiumilu nalunaarusiuunneqartumi matuma siuliani tiguneqarsimasuusinnaasut inaarlugit suliarineqarsimasunut tunngasuupput.

Suliat 2010-mi inaarlugit suliarineqarsimasut naatsorsorneqarneri matuma ataani immikkoortunut pingaarnernut marlunnut avinneqarsimapput:

Suliat aalajangersimasumik suliarineqarsimannigitsut: Suliat ataani taaneqartunik pissuteqarlunga suliarisinnaanngikkukkit inissisimaffimmut tassunga ilanngunneqassapput. Oqartussaasoq suliap uannit suliarineqalereernerata kingornatigut suliamik suliarinneqqilerpat, naammagittaalliortumullu tamatuma kingornatigut tamakkiisumik ilaannakortumilluunniit tapersiilluni, taava suliat taamaattut misissuininnik inaarsaalersinnanga naammagittaalliuutinut aalajangersimasumik suliarineqanngitsunut ilaasutut, naammagittaalliortumit tunuartinneqarsimasutut naatsorsuunneqartarput.

Suliat aalajangersimasumik suliarineqarsimasut: Suliat inissisimaffimmut tassunga ilanngunneqassapput naammagittaalliuutip suliarineqarnera sulialluunniit aalajangiivigineqarnera isummerfigineqarsimappat.

Suliat aalajangersimasumik suliarineqarsimannigitsut

Ukiumi nalunaarusiuunneqartumi 2010-mi naammagittaalliuutit katillugit 69-it suliarineqarnissaat itigartitsissutigineqarput. Paasissutissat nalunaarsukkani matumani ataaniittuni itigartitsinermut pissutaasut ukiunullu 2010-mut, 2009-mut 2008-mullu tunngasunik amerlassutsit taaneqarput (procentinngorlugit naatsorsuineq assiliartami 1-imi takuuk):

	2010	2009	2008
Naammagittaalliuutit kingusinnaartumik tunniunneqarsimasut	1	6	4
Naammagittaalliuutit eqqartuussutinut eqqartuussisulluunniit atorfirminnik ingerlatsinerannut tunngasut	0	0	1
Naammagittaalliuutit naalagaaffimmi oqartussaasunut tunngasut	4	5	0
Naammagittaalliuutit namminersortunut/inunnut ataasiakkaanut tunngasut	1	1	2
Naammagittaalliuutit oqartussaasumut qulliu-			

2. Kisitsisit atorlugit takussutissiat

nerusumut suliassiissutigineqarsinnaasut	15	17	14
Naammagittaalliuutit Namminersorlutik Oqartus- sat ingerlatseqatigiiffiutaannut tunngasut	0	0	1
Naammagittaalliuutit tunuartinneqartut	9	0	0
Apeqquteqaatit	0	1	0
Naammagittaalliortut piumasagaataat akuersarneqartut	6	12	0
Suliap suliarineqarnerani peqataasin- naatitaannginneq	0	0	0
*Allat	33	19	26
Katillugit	69	61	48

* Taaguut "allat" naammagittaalliuutip itigartinneqarnerani tunngavilersuinerimi immikkoortiteriffinnut allanut imaaliiallaannaq ilanngunneqarsinnaanngitsunut tunngasuvoq. Tamanna pingaarnertut makkununga atuuppoq:

- Naammagittaalliuutinut, tamatumani aalajangiinerup uppersaasiussanik naliiinernik eqqartuussivimmi misilineqarnissaat piukkunnarnerpaasorisannik piumasagaateqarfiusussaasunut,

- Inatsisartut inatsisaat Inatsisartullu peqqussutaat pillugit naammagittaalliuutinut,

- naammagittaalliuutinut, oqartussaasup mappiutaanik suliani allagaatinik imalinnik misissuereernerma kingornatigut sukumiinerusumik misissuiffiginissaat naammattumik pissutissarsiffigisimanngisannut, kiisalu

- piffissat sulianik suliarinninnernut atorineqartut sivikinnerusut pillugit naammagittaalliuutinut, suliat nukinginneqarnissaat qinnutigalugu oqartussaasunut pineqartunut ingerlateqqillugit nassiussimasannut.

Suliat aalajangersimasumik suliarineqarsimasut

Immikkoortumi tassani kisitsisit naammagittaalliuutinik tiguneqartuinnarnik tunngaveqarput. Taamaalillutik suliat ukiup ingerlanerani nammineerluni misissuiffiginninnermik aallartitsivigisimasakka ukiullu ingerlanerani inaarlugit suliarisimasakka ilanngunneqanngillat.

Taakku pillugit oqaatigaara suliat Kalaallit Nunaanni kommuninut tikeraarninnut atatillugu imaluunniit nammineerluni misissuiffiginninnermik suliatorpiaq misis-

suiffiginninnermik aallartitsivigisimasakka tallimat (5) 2010-mi inaarlugit suliarisimagikka. Taakku nalunaarutip immikkoortuini 4-mi erseqqinnerusumik allaaserineqarput. 2009-mi suliat taamaattut 12-it 2008-milu 12-it inaarlugit sulia-raakka.

Ukiumi nalunaarusiuunneqartumi 2010-mi naammagittaalliuutit 18-it aalajangersimasumik suliarineqareerlutik inaarlugit suliarineqarput, taakkulu naammagittaalliuutigineqartut tunngavigalugit aallartinneqarsimallutik.

Kisitsisit matuma ataani takutinneqartut suliat oqartussaasumut, inatsisinik atuut-sitsiffiusumut naammagittaalliuutigisamullu agguataarneqarnerannik takutitsip-put. Assiliartani 2-mit 4-mut kisitsisit ukiumi pineqartumi naammagittaalliuutinit inaarlugit suliarineqarsimasunit tamarmiusunit procentinngorlugit takutinneqar-put.

Naammagittaalliuutit aalajangersimasumik suliarineqarlutik inaarlugit suliarine-qartut, oqartussaasut sorliit naammagittaalliuutigineqarnerannut agguataagaasut (procentinngorlugit naatsorsuineq assiliartami 2-mi takuuk):

	2010	2009	2008
Namminersorlutik Oqartussani			
oqartussaasoq, qitiusumi allaffeqarfissuaq	5	7	3
Isumaginninnermi Naammagittaal- liuuteqartarfik	1	1	0
Skatterådi	0	0	0
Allat	0	0	0
Kommunit	12	12	14
A/S Inissiatileqatigiiffik INI	0	2	2
Katillugit	18	22	19

Naammagittaalliuutit aalajangersimasumik suliarineqarlutik inaarlugit suliarine-qarsimasut, inatsisinik atortitsiffiusup sorliup naammagittaalliuutigineqarnera malillugu agguataagaasut (procentinngorlugit naatsorsuineq assiliartami 3-mi ta-kuuk):

	2010	2009	2008
Isumaginninneq pillugu inatsiseqartitsineq	4	5	4
Taakkunanga:			
- Isumaginninnermi inissiat	0	0	0

2. Kisitsisit atorlugit takussutissiat

- Ineqarnermut tapiissutit	0	0	0
- Isumaginninnermi pensionisiat	3	1	3
- Inummut tapit	0	0	0
- Pisortanit allatigut ikiorsiissutit allat	0	1	0
- Meeqqanut akilersuutit il.il.	0	0	0
- Meeqqanut inuusuttunullu ikiorsiissutit	0	2	0
- Utertitassanngortillugit ikiorsiissutit	0	0	0
- Annertussusileriikkanik ikiorsiissutit	0	0	0
- Allat	1	1	1
Atorfinitsitsisarneq pillugu inatsiseqartitsineq	5	12	5

Taakkunannga:

- Atorfinitsitsineq atorfinitsitsinermilu atugas-sarititaasut/pisinnaatitaaffiit	1	3	0
- Atorfinitsitsineq, pisussaaffiit, pineqaatissiinerit soraarsitsinerillu	4	6	2
- Pensionisianut tunngasut	0	0	0
- Sulisunut inissiat	0	0	0
- Allat	0	3	3

Attartortitsisarneq pillugu inatsiseqartitsineq **0** **3** **4**

Taakkunannga:

- Attartugassamik innersuussineq	0	0	0
- Attartornermik atorunnaarsitsineq	0	0	1
- Ineqarnermut akiliutinut akiitsut	0	0	1
- Attartukkamik allamut attartorallartitsineq	0	0	0
- Ineqarnermut akiliutinik naatsorsuineq	0	0	0
- Kiassarnermut naatsorsuutit	0	0	0
- Qularnaveeqqutinut siumut akiliutit	0	0	1
- Utaqqisut allattorsimaffiat	0	0	0
- Aserfallatsaaliineq	0	1	0
- Inissialiornermut/illuliornermut tapersiissutit (BSU)	0	1	0
- Nunaminertamik tunniussineq	0	0	1
- Allat	0	1	0

Akileraarutit akitsuutillu **0** **1** **0**

Taakkunannga:

- Naatsorsuineq	0	0	0
- Erniat	0	0	0
- § 50 tunngavigalugu tunniussinerit	0	0	0
- Immikkut akuersissuteqarnerit	0	0	0
- Allat	0	1	0
Akiliisitsiniarnermik suliaqarneq	0	0	1
Peqqinnissaq	1	1	0
Taakkunannga:			
- Aqutsineq pillugu naammagittaalliuutit	0	1	0
- Allat	1	0	0
Aalisarneq, piniarneq nunalerinerlu	0	0	0
Taakkunannga:			
- Aalisarneq	0	0	0
- Piniarneq	0	0	0
- Inuussutissarsiornermut tapersiissutit	0	0	0
- Pisassiissutinik akuersissutinillu tunniussinerit	0	0	0
- Allat	0	0	0
Inuussutissarsiornermut tunngasut allat	2	0	1
Atuartitsineq	0	0	0
Taakkunannga:			
- Suliffimmi sungiusarneq	0	0	0
- Allat	0	0	0
Ilageeqarneq	0	0	0
Atuisartut/pisisartut	0	0	0
Allat	6	0	4
Katillugit	18	22	19

2. Kisitsisit atorlugit takussutissiat


Naammagittaalliuutit aalajangersimasumik suliarineqareerlutik inaarneqarsimasut, suut naammagittaalliuutigineqarneri tunngavigalugit agguataagaasut (procentinngorlugit naatsorsuineq assiliartami 4-mi takuuk):


	2010	2009	2008
Aalajangiinerit	11	10	4
Tunngavilersuineq	0	1	1
Pisinnaatitaaneq	0	0	0
Piffissaq suliamik suliarinninnermut a- torneqartoq	3	7	8
Ingerlatsinermi ileqqorissaarneq	0	0	1
Paasitinneqarsinnaatitaaneq	1	0	0
Ingerlatsinermik suliaqarnivik	0	0	4
Inatsisini tunngavissaqarnermik apeqquut	0	0	0
Paasissutissanik ingerlatitseqqinneq	0	0	0
Nipangiussisussaataaneq	0	1	0
Ilitsersuineq	0	0	0
Naligiimmik pinnittarnermik tunngavik	0	0	0
Allat	3	3	1
Katillugit	18	22	19

Naammagittaalliuutit aalajangersimasumik suliarineqarnermik kingornatigut 2010-mi inaarlugit suliarineqarsimasut, misissuinerma qanoq inernilerneqarnerinut agguataakkat (procentinngorlugit naatsorsuineq assiliartami 5-imi takuuk):


	2010	2009	2008
Isornartorsiuneq	11	3	5
Inassuteqaateqarneq kisimiitillugu	0	2	1
Isornartorsiuneq inassuteqaateqarnerlu	6	14	9
Oqaaseqaateqarfigineqanngitsut	1	3	4
Katillugit	18	22	19


Assliartaq 1 - Naammagittaalliuutit 2010-mi, 2009-mi 2008-milu itigartitsissutigisat - itigartitsinernut pissutaasoq






Assliartag 3 - Naammagittaalluutit 2010-mi, 2009-mi 2008-milu inarnegartut - Iratsiseqartitsivik





Assiliartaq 5 - Naarmmagittaalliuutit 2010-mi, 2009-mi 2008-milu
 inarneqartut - Ineneri



3. Allaaserisat

3.1 Attartortut pisinnaatitaaffii erseqqarlupput, allaaserinnittoq inatsilerinermi pisortaq Michael Mikkelsen

Pisortani oqartussaasut, tassalu Namminersorlutik Oqartussat kommunillu, Kalaallit Nunaanni inissianik attartortitsisutut annersaapput. Inissianik attartortitsisarneq pillugu Inatsisartut peqqussutaat massakut atuuttoq 2005-imi akuerineqartoq pillugu siunnersuummi oqaatigineqarpoq inissiat attartortittakkat 12.300-t missaanniittut.

Inissianik attartortitsisarneq pisortat ingerlataanni taama annertutigigaluartoq attartortut kukkunernut sumiginnaanernullu pisortat pisuussutigisaannut, innuttaasut pisuni allani pisortani oqartussaasunut attaveqarnerminni, soorlu atuartitsinermut/ilinniartitsinermut, akileraarutininik akiliisitsiniarnermut isumaginninnermullu tunngasunut atatillugu, inatsiseqartitsinikkut illersugaanermittut annertutigisumik illersugaanersut erseqqarluppoq.

Erseqqarluttortaa unaavoq suliassat suliarineqartarnerat pillugu inatsit pisortallu ingerlatsinerat pillugu malittarisassat allat qitiusumik pingaaruteqartut inissianik attartortitsisarneq eqqarsaatigalugu ilumut atuunnersut.

Ajornartorsiutip isiginiarneqannginnera

Tamanna ajornartorsiutaavoq Kalaallit Nunaanni Namminersornerullutik Oqartussat inissianik aamma inissianik pilersuinerminik Naalagaaffimmit 1987-imi tiguseratali kingornatigut suli aaqqinneqarsimanngitsoq.

Inissianik attartortitsisarneq pillugu peqqussut siulleq Kalaallit Nunaanni 1989-imi atortuulermalli inatsisiliornerup attartortitsisarneq attartorneq pillugu isumaqatigiissuteqartarnertut iluseqartillugu ingerlanneqarnissaa siunniussimavaa, naak inatsisitigut aalajangersaaviginninneq pisortat inissianik attartortitsisarnerat pillugu malittarisassanik immikkut ittunik namminersortut inissianik attartortitsisarnerannut atuutinngitsunik amerlasoorpassuarnik imaqaraluartoq, Kalaallillu Nunaanni inissianik attartortitsisarneq pisortat suliassaattut Folketingip inatsisaa-tigut nr. 944-kkut, 23. december 1986-imeersukkut Kalaallit Nunaanni Namminersornerullutik Oqartussanut tunniunneqaraluartoq.

Malittarisassanut immikkut ittunut assersuutitut taaneqarsinnaapput inissianik inner-suussisarneq, ineqartut oqartussaaqataanerat, ineqarnermut akiliutinik (ani-

ngaasartuutit isertitallu oqimaaqatigiinnissaannik tunngavik aallaavigalugu) aalajangersaasarneq aamma aserfallatsaaliineq pillugit malittarisassat.

Allatut oqaatigalugu kiffartuussinermi suliaasaqarfik pisortani oqartussaasut illua'tungaani iliuutsinik namminersortunut tunngasuni ilisarnaataasunik, tassalu isumaqatigiissuteqartarnermik, atuiffigisaat pilersinneqarsimavoq, illua'tungaanilu suliaasaqarfik taanna malittarisassat immikkut ittut namminersortunut tunngasuni atorineqanngitsut tunngavigalugit naalakkersuinikkut aqutsinermilu alaffissornikkut sakkoortuumik aqunniarneqarsimalluni.

Pisortat ingerlataat iliuutsit namminersortunut tunngasunut atuuttut aqutugalugit aqunneqassappata pisortani oqartussaasup namminersortut ingerlatsivigisaanni sutigut tamatigut namminersorluni ingerlatsisutut naligitinneqarsinnaanerata qulaajarneqarnissaa erseqqissarneqarnissaaalu ingerlaannartumik pisariaqartinneqalersarpoq. Tamanna pingaartumik soorunalimi atuuttarpoq suliaasaqarfimmi pineqartumi pisortat ingerlataat pillugit malittarisassat immikkut ittut akuerineqaraangata.

Pisortat ingerlataat namminersortut ingerlataannut naligitinneqarsinnaanngippat aallaaviusoq tassaavoq ingerlatsineq pillugu inatsiseqartitsinermi malittarisassat, matumani suliaassat suliarineqartarnerat pillugu inatsit ilanngullugu eqqarsaatigalugu, ingerlatamik pineqartumik ingerlatsinermut atuutissasut.

Namminersorlutik Oqartussat kommunillu inissianik attartortitsisartutut suliaassat tunngavimmi tassani ilaatinneqanngitsoorsinnaanngillat.

Oqaatigineqartariaqarporli pisortat inissianik attartortitsisarnerat ingerlatsineq pillugu inatsiseqartitsinermi malittarisassatigut, matumani suliaassat suliarineqartarnerat pillugu inatsimmi malittarisassat ilanngullugit eqqarsaatigalugit, aalajangersaavigineqassanersoq qulaajarneqarnissaa inissianik attartortitsisarneq pillugu inatsiseqartitsinermi atuuttumi ilaatinneqanngitsoq.

Qulaajaasoqarsimannginnerata manna imaaliallaannaq nassataraa, tassalu innuttaasut oqartussaasumut qulliunerusumut naammagittaalliorsinnaatitaanerisigut aamma allagaatinik paasitinneqarsinnaatitaanerisigut inatsiseqartitsinikkut innarlitsaalineqarnerisa, pingaartumik Ombudsmandip ingerlatsivimmik nakkutillineraniittup, attartortunut inissarsiortunullu qanoq annertutigisumik atuunnerata nalorninartuunera. Tamatumunnga peqatigitillugu attartortut suliami illua'tungiusutut isummaminnik suliaassat suliarineqartarnerat pillugu inatsimmi malitta-

risassat tunngavigalgit tusarniaavigineqarnissartik piumasaqaatigisinnaaneraat aamma erseqqarluppoq.

Pisortat inissianik attartortitsisarnerat pingaarnerusutigut isigalugu inatsisiliorneq paatsuunganartumik inissinneqarsimasutut ippoq, illua'tungaani inissianik attartortitsinerup namminersortut inissianik attartortitsisarnerannut naleqqussarneqarneratigut, tamatumunngalu peqatigitillugu suliassaqarfimmik taassuminnga naalackersuinikkut aqutsinermilu allaffissornikkut annertuumik aqutsinikkut, aqutsinermut taamaattumut malittarisassatigut tunngavigisaq qulaajaqqaarnagu.

Ombudsmandi Namminersorlutik Oqartussat kommunillu inissiaataannik attartortittakkanik aqutsinerat pillugu naammagittaalliuutinik ingerlaavartumik tigu-saqartarpoq, naammagittaalliuutillu pissutsinut Ombudsmandip suliassaqarfianut atasuunersut Ombudsmandilu inissianik attartortitsisarneq pillugu malittarisassatigut tunngavigisami erseqqarluttut taakku pissutigalugit naliliisariaqarajuttarpoq.

Ombudsmandip qitiusumik suliassaa tassaavoq innuttaasut pitsaanngitsumik kukkuneqartumillu ingerlatsivigineqarnissaannut illersuineq, pisortalli inissianik attartortitsisarnerat pillugu malittarisassatigut tunngavigisami Namminersorlutik Oqartussat kommunillu malittarisassat pisortani oqartussaasunut nalinginnaasumik atuuttut tunngavigalugit iliuuseqassanersut erseqqissumik aalajangersanngippassuk Ombudsmandip suliassaq taanna taamaallaat ajornakusoortorsioqaluni naammassiniarsinnaavaa.

Ingerlatsineq pillugu inatsiseqartitsineq inissianik attartortitsisarnermut atuunnersoq apeqqutip qulaajarneqanngitsumik ajornartorsiutaaneraa Ombudsmandip Naalackersuisunut ukiuni kingullerni arlaleriarluni nalunaarutigisarsimavaa, mannali tikillugu angusaqarfiunngitsumik.

Naalackersuisut Siulittaasuat Illuut A/S-ip pilersinneqarnera tunngavigalugu qulaajaqqullugu Ombudsmandip kingullermik 26. oktober 2010-mi nukingisaarpaa, ajornartorsiutillu taassuma aaqinniarneqarnera Akileraartarneq Atugaris-sarnerlu pillugit Isumalioqatigiissitap suliaminik inaarsaanerata kinguinnguatigut aallartisarniarneqartoq akissut massakkut tigullugu.

Ajornartorsiutit taakku aaqiivigineqarnissaat aallunneqalissasoq Ombudsmandip neriuutigalugulu naatsorsuutigaa.

Inissianik attartortitsisarnermut inatsiseqartitsinikkut tunngaviusumi erseqqarlututut qitiusumik ilaasut arlallit tulluuttuni erseqqinnerusumik iserfiginiarpakka.

Inissianik aqutsinermik aktiaateqarluni ingerlatseqatigiiffinnut isumagisassannngortitsineq

Inissianik attartortitsisarneq aktiaateqarluni ingerlatseqatigiiffinnut isumagisassannngortinneqaraangat tamanna inatsiseqartitsinikkut innarlitsaaliinermi ajornartorsiutinik immikkut ittunik pilersitsisarpoq.

Tamanna aktiaateqarluni ingerlatseqatigiiffiit inatsiseqartitsineq tunngavigalugu iliuuseqartarnerannik pisortat nakkutilliinerannut aamma suliassat sorliit inissianik aqutsinermi ingerlatseqatigiiffinnit taamaattunit sularineqarsinnaanerannik killissalersuinermut ataneqartillugu atuuppoq.

A/S Inissiaatileqatigiiffik INI-p Inatsisartut inatsisaatigut nr. 12-ikkut, 28. oktober 1993-imeersukkut 1. januar 1994 aallarnerfigalugu pilersinneqarnerata kingornatigut aktiaateqarluni ingerlatseqatigiiffiit marluk allat pisortat inissianik pilersuinerata iluani pilersinneqarsimapput.

Nuup Kommunia, ullummikkut Kommuneqarfik Sermersooq, inissianik aqutsinermi ingerlatseqatigiiffimmik, Iserit A/S-imik, pilersitsisimavoq, Namminersorlutillu Oqartussat ingerlatseqatigiiffik Illuut A/S kingullertut pilersissimavaat.

Inissianik pilersuinermi suliassanik aktiaateqarluni ingerlatseqatigiiffimmut isumagisassannngortitsineq immi ajornartorsiutitaqarsinnaavoq, isumagisassannngortitsineq inatsimmi erseqqissumik tunngaveqarani pippat.

Taamaalillutik suliassat pisortanit niuernerme atugassarititaasut tunngavigalugit ingerlanneqareersut pineqanngippata suliassat suut pisortani oqartussaasunit namminersorlutik ingerlatsisunut isumagisassannngortinneqarsinnaanerannik killissalersuutit atuupput.

Taamaalilluni ingerlatsinermi suliassarpiamik namminersortunut isumagisassannngortitsisoqassappat inatsisikkut tunngavissaqarnissaq piumasaqaataavoq. Tamatuma saniatigut inatsimmi tunngavissaqaraluaanniluunniit oqartussaasut suliassaat oqartussaasut innuttaasunut pinngitsaaliinermik atuiffigisinnaasaat namminersortunut isumagisassannngortinneqarsinnaanersut nalorninarpoq.

Tassa imaappoq suliassanik Iserit A/S-imut aamma Illuut A/S-imut inatsisikkut pilersinneqarsimannngitsunut isumagisassanngortitsineq inatsisinik unioqqutit-sisuussanngippat suliassat ingerlatseqatigiiffiit taakkua isumagisaasa ingerlatsineq pillugu inatsiseqartitsinermik tunngaveqarnerannik qulaajaaneq apeqqutaasoq.

Ombudsmandip inissianik aqutsineq aktiaateqarluni ingerlatseqatigiiffinnit isumagineqartoq pillugu naammagittaalliuutinik suliarinninnissaminut periarfissaa eqqarsaatigalugu Ombudsmandip pisinnaatitaanera nalaatsornerinnaanerusukkut killissalersorneqarsimasorinarpoq, tassami Iserit A/S aamma Illuut A/S pillugit naammagittaalliuutit Ombudsmandip inaavillugit suliarisinnaanngimmagit, A/S Inissiaatileqatigiiffik INI-li pillugu naammagittaalliuutit Ombudsmandip anner-tussusia tamakkiisumik qulaajarneqarsimannngitsoq tunngavigalugu suliarisinaallugit, tak. tamanna pillugu tulliuttuni eqqaaneqartut.

Pingaartumik A/S Inissiaatileqatigiiffik INI eqqarsaatigalugu ajornartorsiutis-saqarpoq, innuttaasut A/S Inissiaatileqatigiiffik INI pillugu kimut naammagitaalliorsinnaanerannut pingaartumik attuumassuteqartunik.

Inissiaatileqatigiiffik suliassanik inatsimmi toqqaannartumik piginnaatitsissut tunngavigalugu suliarinnittarpat allaffissornikkut oqartussaasumut naammagitaallior-nissamut nalinginnaasumik periarfissaqarneq ajorpoq, naammagittaallior-nissamut periarfissaq taamaattoq inatsisikkut tassuuna aalajangersarneqarsimanngippat.

Inissiaatileqatigiiffilli suliassanik Naalakkersuisuni oqartussaasut ingerlatseqati-giiffiullu suliassanik suliarinninneq pillugu isumaqatigiissutaat tunngavigalugu suliarinnittarpat aallaavik tassaavoq attartortut oqartussaasumut suliassamik isumagisassanngortitsisimasumut naammagittaalliorsinnaasut, tassami attartortitsi-sup akisussaaffini inissianik aqutsisumut isumaqatigiissuteqarnermigut qimarraigisinnaanngimmagu.

A/S Inissiaatileqatigiiffik INI-p suliassai pillugit massakut inatsit, Inatsisartut inatsisaat nr. 2, 15. april 2003-meersoq, sukumiinerusumik misissoraanni suliassat makku Inissiaatileqatigiiffiup isumaqatigiissutit tunngavigalugit suliarisinaasai inatsimmi § 2, imm. 3-mi aamma imm. 4-mi allatorneqarsimapput:

“Imm. 3. Inissiaatileqatigiiffik Namminersornerullutik Oqartussanik kiffartuunneqar-nissamik isumaqatigiissusiorsinnaavoq suliassat makku pillugit:

- 1) Ukiumoortumik aningaasanut inatsimmi aningaasaliissutigineqartut atorlugit nutaanik inissialiornermi inissianillu iluarsaassinermi Namminersornerullutik Oqartussat sinnerlugit sanatitsisutut oqartussaaneq.
 - 2) Namminersornerullutik Oqartussat allaffeqarfittut illuutaasa aqunneqarnerat ingerlanneqarnerallu.
 - 3) Namminersornerullutik Oqartussat inissiisarfiutaasa, utaqqiisaasumillu sulisorisanut inissiat aqunneqarnerat ingerlanneqarnerallu.
 - 4) Inissialiornermut tapersiisuteqartarneq pillugu Inatsisartut peqqussutaat naapertorlugu boligstøtsimut tunngasut aqunneqarnerat.
 - 5) Oqartussaasutut suliassanik Namminersornerullutik Oqartussat sinnerlugit isumaginnineq.
- Imm. 4. Inissiaatileqatigiiffik immikkut isumaqatigiissusiorsinnaavoq suliassat maku pillugit:
- 1) Inissiat kommuninit pigineqartut aqunneqarnerat ingerlanneqarnerallu.
 - 2) Inissiat inunnit ataasiakkaanit pigineqartut piginneqatigiillunilu inissiat aqunneqarnerat ingerlanneqarnerallu.
 - 3) Pigisat (illut) aalaakkaasut allat aqunneqarnerat ingerlanneqarnerallu.
 - 4) Inissiat illullu nr. 1-3-mi taaneqartut aserfallatsaaliorneqarnerat.
 - 5) Inissianik nutaanik sanaartornermut, allangortiterinermut, nutarterinermut iluarsaassinernullu atatillugu sanatitsisutut oqartussaaneq.
 - 6) siunnersortitut suliassanik isumaginnineq.
 - 7) Ineqarnermut il.il. tunngasuni paasisimalikkanik katersuineq ineriartortitsinerlu.”

Aktiaateqarluni ingerlatseqatigiiffiit pillugit naammagittaalliuutit Ombudsmandip ingerlatseqatigiiffiit taakku inatsisikkut imaluunniit aqutsinikkut allaffissornermi aalajangiinikkut malittarisassani tunngavinniluunniit pisortat ingerlatsemiannut atuuttuni pineqartunut tamakkiisumik ilaannakortumilluunniit ilaatinneqalersimappata aatsaat suliarisinnaavai.

Namminersornerullutik Oqartussat kommunillu inissiaataasa attartortittakkat aqunneqarnerat A/S Inissiaatileqatigiiffik INI-p 1. januar 1994-imi tiguaa, akissusaaffiup pisusaaffiillu oqartussaasut ingerlatseqatigiiffiullu akornanni agguataarneqarnerat Inissiaatileqatigiiffiup taassuma pilersinneqarneranut inatsisikkut tunngavigisami (Inatsisartut peqqussutaanni nr. 12-imi, 28. oktober 1993-imeersumi) isummerfigineqanngikkaluartoq.

Innuttaasut inatsiseqartitsinikkut innarlitsaalineqarnerat nukittorsarneqassasoq suliassat suliarineqartarnerat pillugu Inatsisartut inatsisaata, paasitinneqarsinnaaitaaneq pillugu Inatsisartut inatsisaata aamma Inatsisartut Ombudsmandiat pillugu Inatsisartut inatsisaata ataatsikkut akuerinerisigut Inatsisartut 1994-imi akuersissutigereeraat A/S Inissiaatileqatigiiffik INI-mi suliassat suliarineqartarnerat.

rat paasitinneqarsinnaatitaanerlu pillugit nalunaarut nr. 37, 19. december 1996-imeersaq Naalakkersuisut aalajangersarpaat.

Nalunaarutip taassuma ingerlatsineq pillugu inatsiseqartitsinermi malittarisassat innuttaasunut atortuulersippai, Inissiaatileqatigiiffiup ”Namminersornerullutik Oqartussat kommunillu sinnerlugit aalajangiinissamut qanoq atsigisumik pisinnaatitaaffiligaanera naapertorlugu”.

“Aalajangiineq”-mik oqartarnek ingerlatsineq pillugu inatsiseqartitsinermi “aalajangiineq”-mik oqartarnermik tunngaveqarpoq, taannalu atorneqassappat pisortani oqartussaasut ingerlatsineq pillugu inatsiseqartitsineq tunngavigalugu qaqugukkut iliuuseqartarnissaat erseqqeriissasoq piumasqaataavoq.

Taamaattumik A/S Inissiaatileqatigiiffik INI-p suliassat suliarineqartarnerat pillugu inatsimmi, paasitinneqarsinnaatitaaneq pillugu inatsimmi aamma Ombudsmandip pisinnaatitaanerani pineqartunut ilaatinneqalenera Ombudsmandimut ilitsersuutaangaarsinnaangilaq, ingerlatsineq pillugu inatsiseqartitsinermi malittarisassat, matumani suliassat suliarineqartarnerat pillugu inatsimmi malittarisassat ilanngullugit eqqarsaatigalugit, pisortat inissianik attartortitsinerannut qanoq annertutigisumik atuunnersut isummerfigineqareersimangimmat.

Ineqarnek pillugu Maalaaruteqartarfik

Ineqarnek pillugu Maalaaruteqartarfiup pilersinneqarnera immikkoortillugu isigigaanni pisortat inissiaataanni attartortunut inatsiseqartitsinikkut innarlitsaaliineq eqqarsaatigalugu iluaqutissarsiviuvoq, Maalaaruteqartarfiulli pilersinneqarnera naammagittaalliornermi aqutissat eqqarsaatigalugit nalornilersitsilluni, tassami Maalaaruteqartarfiup sulinera nakkutilleeriaatsinut allanut ataqatigiissinneqarsimangimmat.

Inissianik attartortitsisarnek pillugu Inatsisartut peqqussutaata 2005-imi allangortinneqarneranut atatillugu Ineqarnek pillugu Maalaaruteqartarfik pilersinneqarpoq, Namminersornerullutik Oqartussat kommunillu inissiaataanni attartortitakkani attartortut naammagittaalliuutaannik suliarinnittartussatut.

Inissianik attartortitsisarnermik inatsisikkut tunngavigisap qulaajarneqarnissaa-nik pitsangorsarneqarnissaanillu pisariaqartitsineq Ineqarnek pillugu Maalaaruteqartarfiup pilersinneqarneratigut erseqqissarneqarpoq.

Taamaalillutik Ineqarneq pillugu Maalaaruteqartarfimmi ilaasortat amerlanerusuteqartut aalajangiinnermi 27. april 2010-meersumi, attartortitsisumut, inissianik aqutsisumut attartortunullu qilersuisuusumik ilaatigut imaattunik oqaaseqaateqarput:

“Allaffissornikkut ingerlatseqatigiiffiup ilisimatitsissutaasigut takuneqarsinnaavoq, attartorneq pillugu (mianersoqqussutit, inassuteqaatit) aalajangiinissaq sioqqullugu attartortunik tusarniaasoqartanngitsoq. Pisortat ingerlatsinerat pillugu paasitinneqarsinnaatitaaneq pillugu inatsit Ineqarneq pillugu allaffissornikkut ingerlatseqatigiiffimmi Iserit A/S-imi suli atuutilersinneqarsimannikkaluarpalluunniit, aqutsinnermi ileqquuvoq kusanartoq, attartortunut pisarissersuutininik aalajangiisoqartinnagu, illua’ tungeriinnik tusarniaanissaq.

Illuatungeriinnik tusarniaanermi angusat pissusissamisoortutut suliame aalajangiinissap tungaanut (tulliuttumi) suliame ataasiakkaanik tamakkiisunillu sularinninnermi ilaatinneqassapput, attartortumut nalunaarutigineqartussat, imarisaallu malillugit attartortup pisarissersuutaasumik aalajangiiffigineqarnissaanut imaluunniit tamatumunnga akerliusumik aalajangiinissamut atorneqartussatut.

Suliap sularineqarneranut atatillugu pissusilersuutininik ataasiakkaanik aamma piviusuninik sularqarnerup kingunerisarpaa aalajangiineq, attartortumullu tunngatillugu pisarissersuutaasumik aalajangiiffigineqarneq, aalajangiinnerlu allakkianngorlugu attartortumut tunniunneqartussaq piviusuninik tunngaveqartussaq.”

Taamaalilluni Ineqarneq pillugu Maalaaruteqartarfiup ingerlatsineq pillugu inatsiseqartitsinnermi sulianik sularinnittarneq pillugu malittarisassat pisortat inissianik attartortitsineranni atorneqassasut tunngaviutissimavaa.

Tamatuma saniatigut oqaatigisariaqarpoq Ineqarneq pillugu Maalaaruteqartarfiup atulersinneqarneratigut manna isummerfigineqarsimanngitsoq, tassalu inissianik aqutsisup iliuuserisai attartortitsisumut namminermut naammagittaalliuutigineqarsinnaasut, suliassanik inissianik aqutsisumut isumagisassanngortitsineq isumaqatigiissummik tunngaveqarpat.

Taamaalilluni imaassorinarpoq pisortat inissianik attartortitsisarneranni naammagittaalliornissamut periarfissamik marloqiusamik ataqatigiissaagaanngitsumik piusoqartoq.

Suliani arlalinni pingaartumik inissianik aserfallatsaaliineq, attartortup attartortitsisullu torersuutitsinissamik malittarisassat pillugit isumaqatigiinnngissutaat aamma attartortut inigisaminnik paarlaateqatigiissinnaatitaanerat pillugu isu-

maqatigiinngissutit pillugit naammagittaalliuutinut tunngasuni attartortut naammagittaalliortut Ineqarneq pillugu Maalaaruteqartarfiup pilersinneqarnerata kingornatigut Ombudsmandip Maalaaruteqartarfimmut tassunga innersuussinnaasarsimavai.

Inatsiseqartitsinermili suliaasaqarfinnik pingaaruteqartunik allanik Ineqarneq pillugu Maalaaruteqartarfiup suliarisinnaanngisaanik piusoqarpoq, soorlu inissianik innersuussisarneq pillugu apeqqutit, ineqarnermut akiliutinik aalajangersaanermut inatsisikkut tunngavigisaq aamma attartornerup akiitsut pissutigalugit atorunnaarsinneqarnera.

3.2 Ombudsmandip suliaasai nutaat, allaaserinnittoq immikkut siunnersorti Line Lander Madsen

Ombudsmandi pillugu inatsit nutaaq³ 1. januar 2010-mi atortuulerpoq.

Suliaasat pisinnaatitaanerillu Ombudsmandi pillugu inatsisikkut nutaakkut pilersut Ombudsmandip manna tikillugu suliaasaasa pisinnaatitaanerisalu annertuutigut assigaat. Inatsisilli taassuma Ombudsmandip suliaasai pisinnaatitaanerilu pingaartumik suliaasaqarfinni marlunni annertusisippai.

Inatsisartut Ombudsmandiata kommunit allaffiinik, peqqinnissaqarfiup ataani suliffeqarfinnik/suliffinnik/paaqqinniffinnik, atuarfinnik/ilinniarfinnik/atuartitsinermi sullivinnik, isumaginninnermi paaqqinniffinnik/sullivinnik, pisortat allaffeqarfiinik il.il. misissuisarnerpianik ingerlatsineranut tunngavissaq inatsisikkut tassuuna erseqqissarneqarpoq⁴.

Ombudsmandi tamatuma saniatigut FN-ip naalliutsitsisarnermik akiuiniarneq pillugu isumaqatigiissutaanut ilassut nammineq piumassuseq tunngavigalugu ilannguffigineqarsinnaasoq⁵ tunngavigalugu Nuna Tamakkerlugu Pinaveersaartitsisutut⁶ toqqarneqarpoq.

3) Inatsisartut Ombudsmandiat pillugu Inatsisartut inatsisaat nr. 8, 3. december 2009-meersoq.

4) Tak. inatsimmi § 16.

5) Naalliutsitsisarneq allatullu peqqarniingartumik, inuppalaanngitsumik ima-luunniit nikanarsaataasumik pinnittarneq imaluunniit pillaasarneq akiorniarlugit Naalagaaffiit Peqatigiit (FN-ip) isumaqatigiissutaanut ilassut 18. december 2002-meersoq (OPCAT).

Taamaattumik misissuineramik ingerlatsineq qanoq ingerlanneqassanersoq piler-saarusiortlugu Ombudsmandi aallartippoq, Nunalu Tamakkerlugu Pinaveersaar-titsisutut suliasani naammassisinnaajumallugu suliniuteqalersimalluni.

Misissuineramik suliaqarnek

Ombudsmandip pisortat suliffiik/paaqqinniffiik il.il. misissuiffiginnittarnis-saa Ombudsmandi pillugu inatsisikkut nutaakkut erseqqissarneqarpoq.

Ombudsmandi “ingerlatsiviup suliffeqarfigisaanik misissuinissamut” malittari-sassani manna tikillugu atuussimasuni aamma tunngavissaqarsimavoq. Ombuds-mandilli manna tikillugu sulinerami periaatsimini tunngavissaq taanna kommuni-nut tikeraarnernik taaneqartuni taamaallaat atortarsimavaa, tikeraarnernilu taak-kunani Ombudsmandi kommunit allaffiini sulianik arlalinnik tigulaaraluni im-mikkoortinneqartunik misissuisarsimalluni.

Ombudsmandip misissuineramik suliaqarnermik ingerlatsinissaanut tunngavim-mik inatsisip nutaap taassuma erseqqissaaneratigut Ombudsmandip suliaqarner-mik taassuminnga annertusisitsingaatsiarnissaa naatsorsuutigineqarsinnaasus-saavoq, soorlu misissuinermini isumaginninnermi paaqqinniffinnik aamma peq-qinnissaqarfiup ataani paaqqinniffinnik suliffeqarfinillu ilaalersitsinermigut.

Misissuineq taamaattoq Ombudsmandip nammineq suliniuteqarneratigut inger-lanneqarsinnaavoq, taamaalillunillu Ombudsmandip nammineerluni misissuiffi-ginninnermik aallartitsinissaminut periarfissaanut aamma tapertaalluni.

Pisortat suliffeqarfiutaanni/suliffiutaanni/paaqqinniffiutaanni pissutsinik misis-suiffiginninnissamut Ombudsmandip periarfissinneqarnissaa siunertaavoq, aam-ma suliasaqarfinni Atorfeqarfiup naammagittaalliuutinik nalinginnaasumik ti-gusaqarfigisartagarisanngisaani, taamalu suliasaqarfinni taakkunani oqartussaa-sut oqartussaanermik atortitsinerisa inatsisinik unioqutitsisuunnginnerannik nakkutilliinerup qulakkeerneqarnissaa aamma siunertaalluni.

Misissuinerinili naliliinermut tunngaviit suliani allani atorneqartumit amerlane-russapput.

Misissuinerini inatsiseqartitsineq atuuttoq malinneqarnerasoq, kukkussuteqarto-qarsimanersoq sumiginnaasoqarsimanersorlu kisimik isiginiarneqartassanngillat.

6) Tak. inatsimmi § 17.

Ombudsmandip pissutsinik naliliinermini “isummat nalinginnaasumik inuppalaartut” aamma ilanngussinnaasartussavai.

Tassa imaappoq suliffiit/suliffeqarfiit/paaqqinniffiit inatsiseqartitsinikkut innarlitsaaliinissamik aamma mianerinnittumik inuppalaartumillu pinnittarnissamik piumasaqaat aallaavigalugu misissuiffigineqartassasut. Matumani suliffiit/suliffeqarfiit/paaqqinniffiit atuisunut naleqquttuunerannik naliliineq Ombudsmandip aamma ilannguttarniarpaa.

Ombudsmandip naliliinermini tunngaviit amerlanerusut taakku tunngavigalugit suliffinnik/suliffeqarfinnik/paaqqinniffinnik misissuiffigineqartussanik toqqaanermini isumaginninnermi suliffiit/suliffeqarfiit paaqqinniffiit, innuttaasut nammineq piumassusertik annerusumik annikinnerusumilluunniit tunngaviginagu najugaqarfigisaat massakkut salliutinniarpai.

Nuna Tamakkerlugu Pinaveersaartitsisutut (NTP-tut) sulineq

FN-ip naalliutsitsisarneq akiorniarlugu isumaqatigiissutaanut ilassutip nammineq piumassuseq tunngavigalugu ilannguffigineqarsinnaasup Inatsisartut Ombudsmandiata NTP-tut toqqarneranut tunngaviusup siunertaa tassaavoq naalliutsitsisarnerup allatullu peqqarniingartumik, inuppalaanngitsumik imaluunniit nikanarsaataasumik pinnittarnerup imaluunniit pillaasarnerup pinaveersaartinneqarnissaat. Isumaqatigiissummut ilassutip nammineq piumassuseq tunngavigalugu ilannguffigineqarsinnaasup taassuma nunat isumaqatigiissummut ilassummut ilanngussimasut tamanna siunertaralugu peqquai Nuna Tamakkerlugu Pinaveersaartitsisumik (NTP-mik) toqqaqqullugit.

Inatsisartut Ombudsmandiat Kalaallit Nunaanni NTP-tut sulisussatut toqqagaa-voq, Namminersorlutik Oqartussat kommunillu pillugit sulinissaminut pisinnaatitaalluni. Naalagaaffimmi Oqartussat eqqarsaatigalugit NTP-tut sulineq Folke-tingip Ombudsmandiata isumagisaraa.

NTP-tut sulinerup iluani periaasissat tassaapput sumiiffinnut inuit kiffaangissusiiagaaffigisimasaannut kiffaangissusiiarneqarfigisinnaasaannulluunniit akut-tunngitsumik misissuiartortarnerit, OPCAT tunngavigalugu misissuinerneq taaneqartartut.

NTP-p OPCAT tunngavigalugu misissuinerneq taakkuninnga ingerlatsinerit saniatigut inatsisaareersut aamma inatsisissatut siunnersuutit pillugit siunnersuutit oqaaseqaatillu aamma saqqummiuttartussaavai.

NTP-tut sulineq Ombudsmandip manna tikillugu sulineranit nalinginnaasumillu suliaanit arlalitsigut allaassuteqarpoq:

- Ombudsmandip Ombudsmanditut sulinermini oqartussaasut inatsiseqartitsineq atuuttoq unioqquutillugu iliuuseqarsimanersut imaluunniit kukkussuteqarsimanersut sumiginnaasimanersulluunniit misissortussaavaa. Ombudsmandip NTP-tut sulinermini naalliutsitsisoqannginnersoq nakkutigiinnasanngilaa, aammali naalliutsitsisoqarnissaa allatullu peqqarniingaartumik, inuppalaanngitsumik imaluunniit nikanarsaataasumik pinnittarneq siumut sammititaasumik pinaveersaartissallugu.
- Ombudsmandip Ombudsmanditut sulinermini inatsiseqartitsinermini atuuttumi kukkunerusinnaasut amigaataasinnaasullu malugeqqusartussaavai. Ombudsmandip NTP-tut sulinermini inatsisiliani kukkunerit amigaatillu kisiisa isummerfigisassanngilai, aammali malittarisassat naalliutsitsisarnermik pinaveersaartitsineq eqqarsaatigalugu naleqquttuunersut isummerfigisassallugu.
- Naliliinermini tunngaviit tassaanerussapput FN-ip tunngavittut akuerisai sulianut pineqartunut attuumassuteqartut.
- NTP-tut sulinerup immersorneqarnerani peqqinnissamik suliaqarnermi inuillu pisinnaatitaaffii pillugit inatsiseqartitsinermini immikkut ilisimasalinnik peqataatitsisoqarnissaa pisariaqartinneqarsinnaavoq.
- NTP-tut sulinermini Naalliutsitsisarneq Allatullu Peqqarniingaartumik, Inuppalaanngitsumik imaluunniit Nikanarsaataasumik Pinnittarneq imaluunniit Pillaasarneq Akiorniarlugit FN-ip ataani Ataatsimiititaliap (pinaveersaartitsinermini ataatsimiititaliap) suleqatigineqarnera nassatarissavaa.

Naalagaaffimmi Oqartussat eqqarsaatigalugit NTP-tut sulineq Folketingip Ombudsmandiata siusinnerusukkut oqaatigineqartutut isumagisaraa, taamaattumillu Kalaallit Nunaanni pinerluuteqarsimasunut isertitsivinnik OPCAT tunngavigalugu misissuinerit isumagisussaallugit.

Inatsisartut Ombudsmandiata Namminersorlutik Oqartussat kommunillu ataanni suliffeqarfinnik/suliffinik paaqqinniffinik inuit kiffaanngissusiagaaffigisinnaasaannik OPCAT tunngavigalugu misissuinerit ingerlattartussaassavai.

Namminersorlutik Oqartussat kommunillu ataanni suliffeqarfiit/suliffiit/paaqqinniffiit sorliit inunnik kiffaanngissusiiaasinnaanersut Ombudsmandip massakkut

misissorpaa. Ombudsmandip NTP-tut sulinerata tarnikkut napparsimasunut anertunerusumik sammitinneqarnissaa naatsorsuutigineqarpoq.

Tamatuma saniatigut immikkut ilisimasalinnit Atorfeqarfiup avataaniittunit ilisimasassat pisariaqarneratut annertutigisumik pissarsiarineqarnissaat qulakkeerniarlugu Ombudsmandip 2010-mi suliniutigisimavaa.

Inuit pisinnaatitaaffiini immikkut ilisimasalinnik peqataatitsineq eqqarsaatigalugu Ombudsmandip Institut for Menneskerettigheder⁷ NTP-p inatsisit pioreersut inatsisissatullu siunnersuutit pillugit siunnersuutini oqaaseqaatinillu tunniussinissamut pisussaaffeqarneranut atatillugu suleqatigiinnissamik isumaqatigiissuteqarfigisimavaa.

Nakorsat suliatigut ilisimasaannik atuisinnaanermik pisariaqartitsineq eqqarsaatigalugu suliffeqarfiup imminut pigisup Rehabiliterings- og Forskningscentret for Torturofrep⁸ oqaatigaa Rehabiliterings- og Forskningscentret Ombudsmandi tamatuminna pisariaqartitsilluni saaffiginnippat immikkut ilisimasalinnik aalajangersimasunik piumasaqaateqarluni atugassiiniartoq.

Tunngaviit marluk taakku Ombudsmandip ukiuni aggersuni NTP-tut sulinerminik naammassininnaaneranut pingaarutillit taamaalilluni pissarsiarineqarput.

7) <http://www.menneskeret.dk>

8) <http://rct.dk>

4. Apeqquutit ingerlatsineq pillugu inatsiseqartitsinermut tunngasut pillugit ataatsimoortumik oqaaseqaatit

Ataatsimoortumik ajornartorsiuteqarfiusut immikkoortumi matumani erseqqis-sarneqarnissaat toqqarpara, suliat immikkoortumi 5-imi ilanngunnissaat pissutis-saqartinngisakka aamma ilanngullugit.

4.1 Kommuniq naliliineranik misiliinissamut aamma kommunip tunngavilersuutaani amigaatit naqqinnissaannut Isumaginninnermi Naammagittaalliuuteqartarfiup pisussaaffeqarnera (j.nr. 2008-120-0007)

Siusinaartumik pensionisiaqalerumanermik qinnuteqaatip kommunimit itigartinneqarnera aamma Isumaginninnermi Naammagittaalliuuteqartarfiup aalajangiinermik atortussanngortitsinera A-p uannut naammagittaalliuutigai.

Aalajangiinerup isornartorsiornissaanut pissutissaqarnanga isumaqarpunga, isumaqarlungaligali Naammagittaalliuuteqartarfiup tunngavilersuutaata manna nalorninarsisissinnaagaa, tassalu kommunip naliliinera Naammagittaalliuuteqartarfiup pisussaaffigisamisut misilissimaneraa.

Naammagittaalliuuteqartarfiup akivaanga suliaq tamakkiisumik misilissimal-lugu, matumani kommunip naliliinera ilanngullugu eqqarsaatigalugu, tamatumalu kingornatigut isumaqarpunga Naammagittaalliuuteqartarfiup isornartorsiornissaanut tunngavissaqarnanga.

Oqaatigaarattaq kommunip aalajangiinera amigartumik tunngavilersugaammat taamatut amigaarteqarneq Naammagittaalliuuteqartarfiup nammineq tunngavilersuummini aaqqinniarlugu kukkuneq kommunimut uparuarsimasariaqaralua-raa.

4.2 Akiitsut isumakkeerneqarnissaannik qinnuteqaatip itigartinneqarnerata nalunaarutigineqannginnera (j.nr. 2008-140-0001)

A-p akiitsut isumakkeerneqarnissaannik qinnuteqaamminut K1 Kommunimut tunniussimasaminut akissummik tigusaqarsimanninninni uannut naammagittaalliuutigaa.

4. *Apequtit ingerlatsineq pillugu inatsiseqartitsinermut tunngasut pillugit ataatsimoortumik*

Suliami paasissutissat tiguneqartut tunngavigalugit suliamik suliarinninninni manna tunngaviutippara, tassalu A-p akiitsut isumakkeerneqarnissaannik qinnuteqaataa K1 Kommunip kommunimut allamut, K2 Kommunimut, ingerlateq-qillugu nassiussimagaa, taannalu A-p uannut saaffiginninnerata kingornatigut qinnuteqaat itigartillugu aalajangiisimasoq, taamaattorli aalajangiineq A-mut nalunaarutigisimanagu.

A-p akiitsut isumakkeerneqarnissaannik qinnuteqaataata itigartinneqarnissaannik aalajangiinermik K2 Kommunip A-mut nalunaaruteqarsimannginnara isorisa-riaqartutut isigaara.

Tamatumunnga atatillugu imaattunik oqaaseqaateqarpunga:

"Aalajangiineq aalajangiinermi pineqartumut suliamilu allanik illua'tungiusoqarpat taakkununnga nalunaarutigineqassaaq, aalajangiinerlu suliami illua'tungiusumut toqqaannartumik nalinginnaasumik nalunaarutigineqartussaavoq.

Taamaattumik aalajangiineq soorlu oqartussaasumut allamut nalunaarutigineqartariaqanngilaq, oqartussaasup taassuma aalajangiinermik suliami illua'tungiusumut ingerlatitseqqilluni nalunaarutiginninnissaa siunertarlugu. Tamanna aamma atuuppoq oqartussaasoq alla taanna aalajangiinermik ilisimatinneqarnissaminik soqutigisaqartuugaluarpalluunniit.

Suliamili illua'tungiusup allamit sinniisuuffigineqarnissani toqqarpagu qulaa-ni taaneqartoq saneqqunneqassaaq, tassami aalajangiineq pisuni taamaattuni suliami illua'tungiusup sinniisaanut⁹ nalunaarutigineqartussaammat.

Suliaq A-mut tunngasooq eqqarsaatigalugu A akiitsumi isumakkeerneqarnissaannik qinnuteqartutut tassaavoq tamanna pillugu aalajangiinermi pineqartoq, taamaattumillu aalajangiineq tassunga toqqaannartumik aallaavittut nalunaarutigineqarsimasussaagaluarluni.

9) Aalajangiinernik nalunaarutiginnittarneq Hans Gammeltoft-Hansenip allallu atuakki-aanni "Forvaltningsret"-imi 2002-mi aappasaanik naqitertinneqartumi quppernemi 602-mit 615-imut allaaserineqarpoq.

A-p qinnuteqaataa meeqqanut akilersuutit il.il. tunniunneqartarneri pillugit Inatsisartut peqqussutaanni¹⁰ § 23 imaattunik oqaasertaqartoq tunngavigalugu tunniunneqarsimavoq:

"Kapitali 8

Meeqqanut akilersuutininik siumoortunik tunniunneqarsimasunik isumakkeerinnittarneq

§ 23. Akilersuisussaataasooq akiitsoqalersimasooq pensionisiaqartinneqalerpat akilersuutininut akiitsunngorsimasinnaasut pensionisiaqalerneq sioqqullugu akiitsorineqalersimasut isumakkeerneqarsinnaapput akilersuutininik pisinnaatitaasup kommunimi najugarivitaani kommunalbestyrelsi isumaqarpasut pensionisiaqartup akiitsuni siunissaq ungasippallaanngitsoq eqqarsaatigalugu naafferarlugit akilersinnaanngikkai.

Imm. 2. Kommuni pensionisiaqartup najugarivitaata pensionisiaqartoq isumakkeerfigineqarnissaminik qinnuteqaateqarnerani ikiussavaa."

K1-ip A-mut kommunitut najugarivitaasup A akiitsut isumakkeerneqarnissaaninik qinnuteqarnerani peqqussummi § 23, imm. 2 tunngavigalugu ikiorsimasussaagaluarpaa, qinnuteqaallumi kommunip pineqartoq ikiorlugu nassiusimallugu, tamatumunngalu atatillugu oqaatigisimallugu kommunip paasinninnera unaasooq akiitsui isumakkeerneqartariaqartut.

Kommunilli nassitsisuunerata uanga paasinninnera malillugu una pisinnaalersinngilaa, tassalu aalajangiinerup suliami illua'tungiusumut toqqaannartumik nalunaarutigineqarnissaa meeqqanut akilersuutininut akiitsut isumakkeerneqarnissaaninik § 23 tunngavigalugu qinnuteqaatini saneqqunneqarsinnaasooq.

Taamaattumik A suliami illua'tungiusumut sinniisuusumit sinniisuuffigineqarsimannngimmat K2-p aalajangiinini A-mut toqqaannartumik aammattaaq nalunaarutigisimasariaqaraluarppaa. Tamatuma aalajangiinermut uiggiutiinnarlugu pisimanninnera isorisariaqartutut isigaara."

10) Meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut peqqussutaat nr. 2, 3. marts 1994-imeersoq, kingusinnerusukkut allannguuteqarsimasooq.

4. *Apequtit ingerlatsineq pillugu inatsiseqartitsinermut tunngasut pillugit ataatsimoortumik*

4.3 *Ilinniartitsisup soraarneranut atatillugu kommunip suliamik suliarinninnera pillugu naammagittaalliuut (j.nr. 2008-323-0011)*

Ilinniartitsisup tjenestemanditut atorfeqartitaasup suliarunngitsuukulavallaarnera pissutigalugu soraarsinneqarnissaa K Kommunip piffissami sivilisunerusumi isumaliutersuutigisimavaa. Ilinniartitsisup aasaanerani sulinngiffeqareerluni uterami allakkanik ilitsivini allagarsiaminik atuarfimmi tiguisinnaajunnaarluni peerneqarsimasoq takuaa.

Ilinniartitsisoq atuarfiup pisortaanik oqaloqateqarnermi nalaani atuarfimmi atorfimminit soraarpoq, tassami atuarfimmi allami tjenestemanditut atorfinissimagaami. Pineqartup sivikillisamik piffissaqartitsilluni soraarniuteqarnera K Kommunip akueraa, piffissallu soraarnissap tungaanut ingerlasup nalaani suliunnaarallartillugu.

Soraarniuteqarnermik kommunip akuerinninnera sioqqullugu suliami illua'tungiusup isumaanik tusarniaasoqarsimannginnera akuersinerulluunniit tunngavilersuummik ilaqartinneqarsimannginnera isornartorsiussallugit tunngavissaqaranga isumaqarpunga.

Ilinniartitsisup atorfimminit soraarniuteqarneranit atorfimminit tunuarnissaata tungaanut kommunip ilinniartitsisumik piffissami soraarnissap tungaanut ingerlasumi suliunnaarallartitsisimanerata isornartorsiornissaanut tunngavissaqaranga aamma isumaqarpunga.

Isumaqarpungali suliunnaarallartitsineq allakkatigut pineqartumut nalunaarutigineqarsimasariaqaraluartoq, kiisalu pineqartup soraannginnerani pineqartorlu suliami illua'tungiusutut isumaanik tusarniaavigeqqaarnagu atuarfimmi allakkanik ilitsivianik peersisimaneq isorisariaqartuusoq.

4.4 *Sulianik A/S Inissiaatileqatigiiffik INI-mit aqunneqartunik toqqorterisarneq pillugu malittarisassat (j.nr. 2008-904-0002)*

Innuttaasup initaarniarlutik utaqqisut allattorsimaffiannit piffissami initaarniarlutik utaqqisut allattorsimaffiannut ilanngunneqarneq peerneqarnerlu pillugit allakkatigut paasissutissanik Inissiaatileqatigiiffiup peqarunnaarfiata nalaaneersumi peerneqarsimasup naammagittaalliuutaa tiguara. Allagaateqarfeqarneq pillugu

Inatsisartut inatsisaat A/S Inissiaatileqatigiiffik INI-mut atuussimanngitsoq suliarineqarnerani saqqummerpoq.

Aalajangerpunga pisortani oqartussaasut allagaatinik toqqorterisarnerat pillugu malittarisassat Inissiaatileqatigiiffimmut atuuttariaqannginersut nammineerluni misissuiffiginiarlugu.

Allagaatinik toqqorterisarneq pillugu malittarisassat Inissiaatileqatigiiffimmut atortuulersinneqannginnissaat Naalakkersuisut siunertarisimagaat tunngaviutippara.

Isumaqarpungali matuma inassuteqaatiginissaanut tunngavissaqarlunga, tassalu suliassaqarfinni A/S Inissiaatileqatigiiffik INI-p Inissiaatileqatigiiffimmik pilersitsinissaq pillugu Inatsisartut peqqussutaanni § 2, imm. 3 tunngavigalugu aquataani suliat Inissiaatileqatigiiffimmut atukkiunneqartut allagaateqarfeqarneq pillugu inatsimmi malittarisassat tunngavigalugit toqqorterneqartarnissaat Naalakkersuisut isumagissagaat.

Inassuteqaatigaarattaq suliassaqarfinni A/S Inissiaatileqatigiiffik INI-p Inissiaatileqatigiiffimmik pilersitsinissaq pillugu Inatsisartut peqqussutaanni § 2 tunngavigalugu nammineq pisinnaatitaaffiini isiginiagassat allagaateqarfeqarneq pillugu inatsimmi § 1-imi taaneqartut inatsisip Inissiaatileqatigiiffimmut atortuulersinneqarnissaa ikorfartorneraat Naalakkersuisut nalilissagaat.

4.5 *Innuttaasut kommunimit nuuttut isumaginninnermi inissiamik innersuunneqarsinnaappat? (J.nr. 2009-519-0003)*

Suliami innuttaasup piffissamik isumaginninnermi inissiamik innersuunneqarnissamik qinnuteqaammi suliarineqarneranut kommunip atorsimasaanik naam-magittaalliuuteqarfigisami nalaani Danmarkimut ilinniariartorluni aallarneranut atatillugu suliap suliarineqarnera unitsikkallarsimavaa. Kommuni siusinnerusuk-kut naliliisimavoq qinnuteqartoq inissiamik pilertortumik tunineqarnissaminut pisinnaatitaasimasoq. Qinnuteqartoq Kalaallit Nunaannut uterinnermi kingornati-gut nalileeqqinnerup kingornatigut inissiamik tunineqarsimavoq.

Kommunip oqaatigaa kommunip periaasia tassaasoq innuttaasut kommunip avataani najugaqartut isumaginninnermi inissiamik qinnuteqarsinnaanngitsut.

4. Apequtit ingerlatsineq pillugu inatsiseqartitsinermit tunngasut pillugit ataatsimoortumik

Oqaatigaara qinnuteqartup Danmarkimut nuunnermi kingornatigut inissiamik ingerlaannartumik tunineqarnissaminik pisariaqartitsiunnaarsimaneranik kommunip naliliinerata isornartorsiuinissannut pissutissaqalersissinnaanngikkaanga.

Tamatumunnga peqatigitillugu oqaatigaara pissutsit innuttaasup isumaginninnermi inissiamik tunineqarnissaanik kommunip inassuteqaateqarneranut imaluunniit tunineqartussanngortitsineranut tunngavilersuutigisai innuttaasup kommunimit nuunnerata kingornatigut suli atuuttut uanga paasinninnera malillugu innuttaasup inuit nalunaarsorsimaffianni nuussimasutut nalornaarsorneqarsimaneranik kommuni inatsisinik unioqqutitsinani pingartitsilluni isiginninniarsinnaalersinngikkaat.

1997-imi ukiumoortumik nalunaarutinni immikkoortoq 5, suliaq 01-2 aamma 2000-imi ukiumoortumik nalunaarutinni immikkoortoq 5, suliaq 04-4 innersuusutigaakka. Taakkunanga erserpoq sumi najugaqarfeqarneq piumasaqaatit inatsisinik unioqqutitsinani nalinginnaasumik tunngaviginiarneqarsinnaanngitsoq.

Tamanna tunngavigalugu kommuni qinnuigaara isumaginninnermi inissianik innersuussisarnermik aqutsinini aqqissuuteqqullugu, taamaalillutik isumaginninnermi inissianik qinnuteqaatit qinnuteqartut kommunimit nuunnerat pissutiginnarlugu itigartinneqartarunnaarsillugit, inissiamik taamaattumik innersuunneqarnissamut piumasaqaatit qinnuteqartup suli eqqortippagit.

4.6 Boligstøtsimit taarsigassarsianik allanngortitsiumalluni qinnuteqaatip itigartinneqarnissaanik aalajangiineq aamma "ilumoorluinnarluni uppernarsaanermik" atuineq (j.nr. 2009-520-0008)

Boligstøtsimit taarsigassarsiat aqutigalugit illumik piginnittut (A-kkut) boligstøtsimit taarsigassarsiat allanngortinneqarnissaannik qinnuteqaammik itigartinneqarnera uannut naammagittaalliuutigaat.

A-kkut itigartitsineq pillugu naammagittaalliuutaannik suliarinninnermut atatilugu "ilumoorluinnarluni uppernarsaatit" A-kkut taarsigassarsiamik allanngortinneqarnissaannik qinnuteqarnerminni atsiorsimagaat malugaara. Taamaattumik suliaq itigartitsinermit nalunaarutigineqartumut tunngaviusumik misissuinerup saniatigut tamanna pillugu uanga oqaaseqaateqarnissannut pissutissaqalersitsivoq.

1. Boligstøtsimit taarsigassarsianik allangortitsineq

Aalajangiinermut erserpoq itigartitsineq inissialiornermut tapersiissuteqartarneq pillugu Inatsisartut peqqussutaanni¹¹ § 27, imm. 2 aamma imm. 3 tunngavigalugit nalunaarutigineqarsimasoq, A-kkullu taarsigassarsianik naafferartumik akilersuisinnaannginnissaat Ineqarnermut, Attaveqarnermut Angallanermullu Naalakkersuisoqarfimmi Illuutinik Upalungaarsimanermillu Aqutsisoqarfiup naatsorsuutigisimagaa.

Tamatumunnga atatillugu A-kkut boligstøtsimit taarsigassarsiaminnut qaammammut massakut akiliutigisartagaasa taarsigassarsiat allangortinneqarnerisa kingornatigut akiliutigineqartussat neqeroorutigineqarsinnaasunit appasinnerunerat pingaartillugu isiginiarneqarsimavoq.

Itigartitsinermut erserpoq taarsigassarsiat allangortinneqarnerisa kingornatigut qaammammut akiliutaasartussat neqeroorutigineqarsinnaasut inoqutigiit qaammammut isertitaasa ilanngaaserneqanngitsut pingajorarterutaasa ataatsit ineqarnermut aningaasartuutitut atorneqartartussaananerannik aallaavik aallaavigalugu naatsorsorneqarsimasut.

Paasissutissat suliami tiguneqarsimasut tunngavigalugit isumaqarpunga makku tunngaviutinneqartariaqartut:

- Taarsigassarsiat aatsaat allangortinneqarsinnaasut boligstøtsimit taarsigassarsiat allangortinneqarnerisa kingornatigut siunissami akiliutaasartussat massakut akiliutaasartunit qaffasinnerulissanngippata, aamma
- siunissami akiliutaasartussat inoqutigiit qaammammut isertitaasa ilanngaaserneqanngitsut ineqarnermut aningaasartuutitik allanik soorlu innaallagissamut, imermut, kiassarnermut il.il. aningaasartuutitik ilanngaasikkat pingajorarterutaattut ataatsit naatsorsorneqartassasut.

Uanga paasinninnera unaavoq Illuutinik Upalungaarsimanermillu Aqutsisoqarfiup siunissami akiliutaasartussat massakut akiliutaasunit qaffasinnerunngippata aatsaat taarsigassarsianik allangortitsisarneranut tunuliaqutaasoq tassaasoq Aqutsisoqarfiup matuminnga ataatsimut tunngaviutitsinera, tassalu akiliutaasartut qaffanneqarpata taarsigassarsisup taarsigassarsianik naafferartumik akilersuisinnaanera ilimananngitsoq.

11) Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersoq

4. Apequtit ingerlatsineq pillugu inatsiseqartitsinermit tunngasut pillugit ataatsimoortumik

Boligstøtsimit taarsigassarsianik allanngortitsinermit malittarisassatigut tunngaviusoq misissoreerlugu eqikkaallunga oqaatigaara inissialiormut tapersiisuteqartarnek pillugu Inatsisartut peqqussutaanni § 27, imm. 3-kkut aalajangersarneqartoq taarsigassarsisup taarsigassarsianik allanngortitanik akilersuisinnaanera ilimanarnersoq pisut ataasiakkaarlugit naliliisoqartassasoq.

Taamaattumillu taarsigassarsisut ataasiakkaat pissutsit atugaat ilanngunnagit ataatsimut manna tunngaviutinneqarsinnaanngilaq, tassalu taarsigassarsisup taarsigassarsiat allanngortinneqarneranni taarsigassarsianut akiliutaasartut qaffanqarpata taarsigassarsianik naafferartumik akilersuisinnaanera ilimananngitsoq.

Siunissami qaammammut akiliutaasartussanik aalajangersaaneq eqqarsaatigalugu uanga paasinninnera unaavoq tamanna pisumi naliliineq tunngavigalugu peqqussummi § 29, imm. 3 tunngavigalugu pisassasoq. Taamaattumik taarsigassarsiat allanngortinneqarneranni ilanngaattissat ilanngaatigereerlugit siunissami akiliutaasartussatut neqeroortigineqarsinnaasut qaammammut isertitat ilanngaaserneqanngitsut ineqarnermut aningaasartuutit allanik soorlu innaallagissamut, imermut, kiassarnermut il.il. aningaasartuutit ilanngaasikkat pingajorarterutaannut ataatsinut aalajangersarneqartarnissaannik saneqqunneqarsinnaanngitsumik aallaavik peqqussummut naapertuuttuunngilaq.

Ataatsimut naliliillunga isumaqarpunga A-kkut taarsigassarsiamik allanngortinneqarnissaannik qinnuteqaataata itigartinneqarnissaanik aalajangiineq pisumi naliliineq inissialiortiternermut tapersiisuteqartarnek pillugu Inatsisartut peqqussutaanni piumasaqaatigineqartoq tunngavinagu pisimasoq. Itigartitsinerli taarsigassarsisup taarsigassarsiaminik naafferartumik akilersuisinnaannginneranik ataatsimut ilimaginninneq aamma qaammammut akiliutaasartut aalajangersarneqartarnerat pillugu malittarisassaqaq saneqqunneqarsinnaanngitsoq tunngavigalugit pisimasutut isikkoqartoq.

Peqqussummi piumasarineqartutut pisumi naliliisoqarsimannginnera isorisariaqartutut isigaara, inassuteqaatigalugulu suliaq Ineqarnermut, Attaveqarnermut Angallanermullu Naalakkersuisoqarfiup suliareqqissagaa, nutaamik aalajangiisoqarnissaa siunertaralugu.

2. "Ilumoorluinnarluni uppersarsaaneq"

A-kkut taarsigassarsiat allanngortinneqarnissaannik qinnuteqaammut atatillugu "ilumoorluinnarluni uppersarsaatinik" atsiuisimanerat eqqarsaatigalugu oqaatigaara Kalaallit Nunaanni pinerluttulerineq pillugu inatsimmi sallulluni uppersar-

saanermut pineqaatissiisarneq pillugu malittarisassanik peqanngitsoq. Upper-narsaariaaseq taanna inatsisikkut piumasqaataanngippat taassuma Kalaallit Nunaanni atorneqarnera immi isumaqanngilaq.

Taamaattumik oqaatigaara apeqqut taanna Ineqarnermut, Attaveqarnermut Angallanermullu Naalakkersuisoqarfiup A/S Inissiatileqatigiiffik INI-mut oqaloqatiginnissutigissagaa naatsorsuutigigiga.

4.7 Ajoqusernermut taarsiissuteqarnissaq pillugu suliamik kommunip suliarinninneranik naammagittaalliuut (j.nr. 2009-860-0003)

A-p meeqqami kommunip pinnguarterfiani nakkarluni ajoqusernerata kingornatigut ajoqusernermut taarsiissuteqartoqarnissaanik piumasqaataanut atatillugu kommunip suliamik suliarinninnera A-p uannut naammagittaalliuutigaa.

Kommunip ajoqusernermut inuit ataasiakkaat pillugit inatsiseqartitsineq tunngavigalugu taarsiissuteqartarnermut atatillugu suliamik suliarinninnerminik allamut isumagisassanngortitsisimanera pillugu oqaaseqaateqarnissannut pissutisaqarnanga isumaqarpunga, tassami suliap suliarineqarneranut inatsiseqartitsinikkut akisussaaffik kommunip nammineq tigungmiinnarsimmagu.

Taamaattorli ajoqusernerup pineqartup pineranit ajoqusernerup annertussusianik aalajangiisoqarnissaata tungaanut ukiut tallimat sinnerlugit ingerlasimanerat isorisarialerujussuartut isigaara, tamatumunngalu atatillugu inassuteqaatigalugu kommuni periaatsinik suliat kommuni sinnerlugu sulianik suliarinnittumit avataaneersumit suliarineqartut malitseqartitsivigineqartarnissaannik qulakkeerisunik atuilissasoq.

Ajoqusernerup nalunaarutigineqarneranik A-p immersuineranut atatillugu suliat qanoq ingerlasarnerannik akisussaannernullu tunngavik taarsiissuteqartoqassappallu taarsiissutit annertussusissaat eqqarsaatigalugit sillimmasiisarfiup suliamik suliarinninneranik kommunip imaaliallaannarluni tunngaviginninneranik kommunip pitsaaneruserumik ilitsersuisimannnginnera aamma pitsaanngitsutut isigaara.

Tamatumunnga atatillugu kommunip ajoqusernermi pisimasut pillugit paasissutissanik sukumiinerusunik pissarsiniarsimannnginnera tamatumunngalu atatillugu matuminnga isummerfiginnissimannnginnera pitsaanngitsutut isigaara, tassalu

4. Apeqquitit ingerlatsineq pillugu inatsiseqartitsinermut tunngasut pillugit ataatsimoortumik

kommunip tungaanit akisussaaffiliisumik iliuuseqartoqarsimanersoq taamalu akisussaannermut atatillugu taarsiissutitut tunngasut pineqarnersut, kommunip ajoqusersinnaanermut ataatsimoorussamik sillimmasiinerani aalajangersagaq isiginiarlugu taarsiissuteqartoqarsinnaanera isummerfigiinnarnagu.

A tamatumunnga peqatigitillugu matuminnga ilisimatinneqarsimasariaqaraluarpoq, tassalu A suliap kommunip sillimmasiisarfanit aalajangiivigineqarnissaanik suliallu tamatuma kingornatigut Arbejdsskadestyrelsimut suliasanngortinneqarsinnaaneranik utaqqimaanermut taarsiullugu taarsiivigeqqulluni suliatut eqqartuussivitsigut suliasanngortitsinissaminut periarfissaqartoq.

Ajoqusernerup annertussusiatut aalajangersarneqartoq pillugu Arbejdsskadestyrelsimut naammagittaalliornermut atatillugu aningaasartuutinik A-p tamatuma kingornatigut kukkusumik ilisimatinneqarsimanera tamatumunnga atatillugu pitsaanngitsutut isigaara.

Siunissami pisut taamaattut pinngitsoortinniarlugit inassuteqaatigaara kommunip sulisut susassaqtut pisariaqarnera naapertorlugu ilitersussagai.

Suliami allatigut annertunerusumik iliuuseqaqqinngilanga.

5. Suliat suliniutillu nammineerluni misissugassanngortitat kommuninullu tikeraarnerit

Sulianik nammineerlunga misissuiffiginninnissannut Inatsisartut Ombudsmandiat pillugu Inatsisartut inatsisaanni nr. 8-mi, 3. december 2009-meersumi § 15, imm. 1 tunngavigalugu pisinnaatitaavunga.

Pisinnaatitaaneq taanna suliat/ingerlatat uku aallartinnissaannut 2010-mi atorpara:

5.1 K Kommunimut 30. januar 2010-mit 6. februar 2010-mut tikeraarnej (j.nr. 2010-901-0034, 2010-901-0035, 2010-901-0036 aamma 2010-901-0037)

Inatsilerinermi pisortaq Michael Mikkelsen, nutserisut/oqalutsit pisortaat Jørgen Hansen aamma immikkut siunnersorti Line Lander Madsen Kommuni Kujalermut 30. januar 2010-mit 6. februar 2010-mut tikeraarput. Tassani Nanortalik, Narsaq Qaqortorlu tikinneqarput.

Pineqartog tassaavoq Ombudsmandeqarfiup kommuninik kattutsitsinerup kingornatigut kommunimut tikeraarnera siulleg, kommunimullu tikeraarnermi tassani pingaarnertut siunertaasoq tassaavoq kommuninik ilusilersuinermi nutaami kommuninut siunissami tikeraartarnissanut periarfissat nalilersorneqarnissaat.

Tikeraarnermi tassani innuttaasunik oqaloqatiginninnerit ingerlatsivinnillu oqaloqatiginninnerit ingerlanneqarput, sulianillu isumaginninnermut, sulisunut allanullu (ineqarnermut tapiissutinut, nunaminertanik tunniussinernut suliffeqarnermullu) tunngasunik tigulaarluni misissuisoqarluni.

Sulianik misissuinermi tassani sulianik suliarinninnermi kommuninik kattutsitsinerup kingunerisaanik allannguutit immikkut eqqumaffiginierneqarsimapput.

Taamaattumik suliat ataasiakkaat ukiumoortumik nalunaarummi issuannginnissaat toqqarpara.

5.2 Kommunit Qaqiffimmiinnermut aningaasaliisarnerannut malittarisassatigut tunngavigisaq (j.nr. 2010-904-0005)

5. Suliat suliniutillu nammineerluni misissugassanngortitat kommuninullu tikeraarnerit

Imerajuttunik katsorsaavimmi Qaqiffimmiinnermut akiliutinik akiliisitsiniartarnermut aamma kommunit Qaqiffimmiinnermut aningaasaliisarnerannut inatsiseqartitsinikkut tunngavigisaq assut nalorninartoqartoq suliamik 2008-901-0002-mik normoqartumik immikkoortumi 5-imi allaaserineqartumik misissuininnut atatillugu malugaara, taamaattumillu apeqqut taanna nammineerlunga misissuiffigilerniarlugu aalajangerlunga.

Misissuina ukiup nalunaarusiuunneqartup naanerani suli naammassinngilara.

5.3 Peqqinnissaqarfiup arnamik aalakoortumik angerlarsimaffeqanngitsumik napparsimmavimmut oqqiffissarsiortumik pinninnera (j.nr. 2010-905-0013)

Tusagassiuutini nuna tamakkerlugu saqqummertuni arnaq aalakoortorujussuartut oqaatigineqartoq oqorsarluarsimanngitsoq illoqarfimmi X-imi peqqinnissaqarfiup 15-inik issittumi illoqarfimmi unnuisarfiup pisup nalaani inoqanngitsup silataanut qimatsisimanera pillugu allaaserisaq malugaara. Allaaserisamit aamma er-serpoq suliamik misissuineq illoqarfimmi pineqartumi nakorsaanerup aallartissimagaa.

Peqqinnissaqarfiup sullissineri pillugit Inatsisartut pequssutaanni § 1 aamma Inuit Pisinnaatitaaffii pillugit Europami Isumaqatigiissummi artikel 2 (inuup kialuunniit inuusinnaatitaaneraniq illersuineq) tunngavigalugit peqqinnissaqarfiup pisussaaffii isiginiarlugit Peqqissutsimut Naalakkersuisoqarfik qinnuigaara peqqinnissaqarfimmi misissuinerup aallartinneqarsimasup ingerlanneqarnera qanorlu inernilerneqarnera pillugit nassuiaateqaqqullugu.

Suliamik suliarinninnera ukiup nalunaarusiuunneqartup naanerani suli naammassinngilara.

6. Suliat nalinginnaasumik soqutiginaatillit, inatsiseqartitsifiusunut agguataakkat

Allat

6.1 Ineqarnermut tapiissutininik oqartussaasup paasinninnera malillugu pissutissaqanngitsumik tunniunneqarsimasunik inatsisinik unioqqutitsilluni akiliisitsiniarneq. Attartorallartitsinermi ineqarnermut akiliutinik akiliisarneq pillugu malittarisassat qanoq paasineqarnissaannik apeqqut ilanngullugu

A-p ineqarnermut tapiissutininik qinnuteqarsimagaluarluni ineqarnermut akiliutinut akiitsoqalersimanini naammagittaalliuutigaa. Akiitsut pilersimapput K Kommunip ineqarnermut tapiissutininik inissiamik siusinnerusukkut attartorallartunut tapiissuteqarsimaneratigut, A/S Inissiaatileqatigiiffik INI-llu ineqarnermut tapiissutininik kukkunikkut tapiissutigineqartunik kommunimut kingusinnerusukkut utertitsilluni tunniussisimaneratigut, utertillugillu tunniunneqartut taakku A-p ineqarnermut akiliutinut kontoanit akiligassanngortinneqarnerisigut. Kommunip A-mut ineqarnermut tapiissutininik kingusinnerusukkut akuersissuteqarnera kukkunikkut tunniussisimaneremut matussutaasimangilaq.

K Kommunip utertitsilluni akileeqqusilluni piunasaqaatinik naammassinninniartarneq pillugu malittarisassanik malinnissimanginnera Ombudsmandip isorisarialerujussuartut isigaa, tassami aningaasat 8.288 kr.-t kommunip ineqarnermut tapiissutitut kukkunikkut tunniunneqarsimasutut isigisaanik akiliisitsiniarneq kommunip A/S Inissiaatileqatigiiffik INI-mut kukkunikkut isumagisassanngortissimammagu.

Ombudsmandip tamatumunnga atatillugu oqaatigaa utertillugit akileqqusassatut naatsorsorneqartunik akiliisitsiniarnermut atatillugu kukkusutigineqarsimasut K Kommunip akisussaaffigigai, tassami K Kommunip inissiaatai A/S Inissiaatileqatigiiffik INI-p kommuni sinnerlugu aqutarinngimmagit, taakkuli tamaasa ataatsimut isigalugit kommunimit aqunneqarlutillu nakkutigineqarmata. Taamaalilluni Inissiaatileqatigiiffiup siunnersuina kommunip imaaliannaq tunngaviginiarsinnaasimangilaa.

Ombudsmandip inissianik attartortitsisarneq pillugu Inatsisartut peqqusutaanni § 58, imm. 5-ip erseqqarlunna Inatsisartunut Naalakkersuisunullu tamatumunnga peqatigitillugu nalunaarutigaa, tassami aalaja-

6. Suliat nalinginnaasumik soqutiginaatillit, inatsiseqartitsiffiusunut agguataakkat

ngersagaq taanna attartorallartitsinermit tunngasuni akiliisussaaitaaneq nalornissutigineqarsinnaasunik oqaasertalerneqarsimammat.

Ombudsmandi tamanna aamma attartorallartitsisarnermit tunngasut pillugit paasissutissiissutigineqartut tunngavigalugit isumaqarpoq kukkusumik tunniussisoqarsimanersoq kommunilu utertitsilluni akiliisoqarnissaanik piumasqaateqarsinnaanersoq erseqqarluttut (j.nr. 2008-119-0001).

A-p B X K Kommunimiit 1. oktober 1998-imit attartulersimavaa. A/S Inissiaatileqatigiiffik INI-p oqarasuaatikkut aperiganni oqaatigaa inissiaq attartortittagaq kommunip pigisaa pineqartoq.

A kommunimut allamut 7. august 2006-imi nuuppoq.

B X-ip F-imut ukiumi ataatsimi attartorallartinnissaanut akuersissuteqartoqarnissaa A-p A/S Inissiaatileqatigiiffik INI-mut 5. september 2006-imi qinnuteqaatigaa.

F-ip piffissami 1. november 2006-imit 31. oktober 2007-imut attartorallarnissamik isumaqatigiissut 2. oktober 2006-imi atsiorpaa. Isumaqatigiissut taanna A-mit atsioqataaffigineqarsimanngilaq.

A-p piffissami 1. november 2006-imit 31. oktober 2007-imut attartorallartitsinisamik isumaqatigiissut 2. oktober 2006-imi atsiorpaa. Isumaqatigiissut taanna F-imit atsioqataaffigineqarsimanngilaq.

F-ip B X-imut ineqarnermut akiliutinut 2007-imi tamarmi qaammammut 2.072 kr.-nik tapiiffigineqartarnissaa K Kommunip 13. december 2006-imi akuersissutigaa.

Kommunip suliami allagaataani ilaavoq A-p K Kommunimi inissiamut B-X-imut ineqarnermut tapiissutinik qinnuteqaataa 11. februar 2007-imeersoq.

Aammattaaq suliami allagaatini ilaavoq qinnuteqaat taamaattoq A-p 6. maj 2007-imi atsiorsimasaa.

A ilinniartussatut 9. maj 2007-imi tiguneqarpoq, ilinniarnini 13. august 2007-imi aallartissallugu.

A K Kommunimut 11. juni 2007-imi imatut allappoq:

"Maanna ilinniarnernut tunngatillugu piumasaqarpunga inuttut inissisimanera aallaavigalugu pitsaanngimmat ikioqqullunga.

Makku pissutigalugit qaammammut ilinniarninni oorisiarisarpakka 2100- kr.

Taamaalillungalu suli meeqqannik ikiugaqarlunga uanga isumaqarama kommunima ikorfartorlunga ikiussagaanga ajornartoorninni. Maannalu uingalu inuttut inissisimernerput ajorluinnarmat aappariinnerliornitta kingunerinik qangatut ikiorsinnaanata una pivara aningaasatigut pilersorsinnaanngikkallarluta, neriullunga ersarissumik paasisagissinga, taamatullu ikioqquninnik ikiorluassagissinga.

Una qaammat juni inigisatsinnut K kommunimut akiliisussaagalarluta suli akilerneqanngilaq akissaqannginnama. Tassanngalu ikiorneqarsinnaagutta qujanassaqaq. Neriullunga paasinnillusi ikiuukkumaartusi."

F-ip piffissami 1. maj 2007-imit 31. december 2007-imut K Kommunimi B Y-mut ineqarnermut akiliutitut qaammammut 1.607 kr.-nik tapiiffigineqartarnissaa K Kommunip 12. juni 2007-imi akuersissutigaa.

A-p K Kommunimi B X-imut ineqarnermut akiliutit akilerneqarnissaannut ikiorserneqarnissani K Kommunimi isumaginninnermi ataatsimiititaliamut 17. juli 2007-imi qinnuteqaatigaa.

Kommuni 5. september 2007-imi imatut aalajangiivoq:

"Qinnuteqaat itigartitsissutigineqarpoq illup najorneqanngitsup akilersorneqarnissaa tulluurtutut isigineqanngimmat."

K Kommunip e-mail imaattoq A/S Inissiaatileqatigiiffik INI-p K-mi Immikkoortortaarfianut 13. september 2007-imi nassiuppaa:

"Qulaani pisama immersugaat paaraagit? Boligsikring?"

Naatsorsueqqissaartartunukua ujartoraat maanilu piginagit."

Inissiaatileqatigiiffiup kommuni ulloq taanna imatut akivaa:

"A 1. juni 2007 fremleje F-imut unimmat F-ip boligsikringia unitsinngitsoorsimavarput.

6. Suliat nalinginnaasumik soqutiginaatillit, inatsiseqartitsiffiusunut agguataakkat

A 2007-imi ineqarnermut tapiissummik qinnuteqarnikuunngilaq.

Imaalillugu kukkusimanerput aaqqeriarpara:

September 2007-ip naaneranut boligsikring A-mut unitsippara.

Kingumoortumik juni, juli august aamma september boligsikring utertippara 4 x kr. 2.072,00 = kr. 8.288,00.

Boligsikringimut tunniutinaarutit kr. 8.288,00 A-mut akilertitassarissavakka 1. oktober 2007.

A K Kommunimi adresseqarunangilaq, inissiarlu najunngikkuniuk boligsikringimik pisinnaanera ajornarunarpoq.

Ilisimavara Nuummi ilinniagaqarluni A atuartuusooq. Kisiat attartorteqqissinnaanera aaqqissinnaanngikkunikku inissiaq Inissiaatileqatigiiffimmut attartorunnaanera nalunaarutigiinnartariaqassagunarpaat."

Kommuni 14. september 2007-imi imatut akivoq:

"Aap, qujavunga paasitikkamma. Suliat ingerlateqqippakka."

Suliami allagaatinut aamma ilaavoq A-p K Kommunimi B X-imi ineqarnermut tapiissutinik qinnuteqaataa 1. juni 2007-imeersoq. Qinnuteqaat 6. maj 2007-imi atsiorneqarsimavoq, K Kommunimilu 5. oktober 2007-imi tiguneqarsimasutut naqissuserneqarsimalluni. Qinnuteqaat aammattaaq A/S Inissiaatileqatigiiffik INI-mit 5. oktober 2007-imi naqissuserneqarsimavoq.

Kommunip A-mut allagaanit 19. oktober 2007-imeersunit erserpoq kommunip A K Kommunimi B X-imi ineqarnermut tapiissutinik piffissami 1. juni 2007-imit 31. december 2007-imut akuersissuteqarfigigaa. Allakkat taakku A/S Inissiaatileqatigiiffik INI-mut aamma nassiunneqarsimapput.

A/S Inissiaatileqatigiiffik INI-p "ineqarnermut akiliutit, imeq, kiassarneq kiisalu siumoortumik akiliutaajunnartut il.il." akilerneqarsimannngitsut matussutissaattut akileeqqusissut 11.861 kr.-nik aningaasartaqartoq A-mut 20. oktober 2007-imi nassiuppaa.

A/S Inissiatileqatigiiffik INI-p A-mut akiligassiissutigisaanit 22. oktober 2007-imeersumit 12.152 kr.-nik aningaasartaqartumit naatsorsuineq imaattoq erserpoq:

"HUSLEJE/INEQARMUT AKILIUTIT	KR. 3573,00
BOLIGSIKRING/INEQARNERMUT TAPIISSUT	KR. -572,00
BOLIGSIKRING/INEQARNERMUT TAPIISSUT	KR. -2860,00
RYKKERGYBYR/EQQAASITSISSUT	KR. 150,00
SALDO:	KR. 11861,00

PIFFISSAQ: 011107-301107"

K Kommunip A/S Inissiatileqatigiiffik INI e-mailikkut 24. oktober 2007-imi imatut aperaa:

"A-p boligsikringia qanoq pissuara?"

E-maili Inissiatileqatigiiffiup ulloq taanna imatut akivaa:

"Kommunimi qanoq ilitsersuuteqarnerpisi?"

Uanga paasinnittaasera naapertorlugu inissiamik najuinngitsoq boligsikringimik tunineqarsinnaanngilaq, kisiat naluara qanoq ilitsersuutit najoqutassaqaqarnersut.

1. november 2007 boligsikringia qaammammut kr. 572,00, kingumoortumik 1. juni 2007-imut aallartillugu.

Imaappoq:

Kommunip kukkunersiuuisuisa malugilermassuk A bogsikringimik qinnuteqarsimanngitsoq, taava utertippagut 4 x kr. 2.072,00, boligsikringimik akuersissutit juni/september 2007 F-imut B-496-imi attartortuugallarmalli akuersissutaasimagaluit, A-mut kukkulluta ilanngaatisarsimasagut.

Erseqqissaatigissuara taamaatitsinissat taamaattut kommunip tamakkuninnga suliaqartutut nakkutigisassammagit, qanoq nakkutigineqarsinnaanersut uanga nalorningaluarpara.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Akuersissut nutaaq 19. oktober 2007-imeersoq iluarsigakku 1. november 2007 atuutslertlugu.

Kisiat atorunnaarsinneqassappat tamanna nalunaarutigigussiuk iluarsiniarumaaringa.

Uanga naatsorsuutiginginga illu B-X A-p utertiinnassangaa, tassami boligsikringimi kipungassutit kr. 2.072,00 minus kr. 572,00 (kr. 1.500) qaammatini sisamani A-p akilertariaqarpai. Namminerlu oqarnermitut ilinniartuinnaanguni kr. 6.000-t akilersinnaanaviangilai.

Aamma attartorteqqinneqarsinnaanngikkallarpoq uku akilertariaqakkani akilereerunigit aatsaat attartortitseqqissinnaavoq.

Qanoq iliornissarsi utaqqimaassuara."

Kommunip Inissiaatileqatigiiffik 25. oktober 2007-imi imatut akivaa:

"Taava boligsikringi tingusassaralui atorsinnaassanngillat? Taakku qaammatit siuliini boligsikringeqanaarutai ilanngaatisussanngorpat?"

Inissiaatileqatigiiffik kommunimut 25. oktober 2007-imi imatut allappoq:

"Uanga illit 19. oktober 2007 boligsikringimik akuersissutit, tassalu qaammammut kr. 572,00, 1. juni 2007-mut iluarsereerpara.

Naatsorsuutai imaalerput:

Boligsikring siulleq F-imoortoq peerpoq:

4 x kr. 2.072,00 +kr. 8.288,00

A-p boligsikringia ilannguppoq:

5 x kr. 572,00 = -kr. 2.288,00

A-p boligsikringiata millineratigut tapissai = kr. 6.000,00. Oktoberimut regning kr. 3.001,00.

Novemberimut regning kr. 3.001,00

Nukingisaarut kr. 150,00

A-p 1. november 2007 akilingassai kr. 12.152,00

Illit suli at ajunngilaq, aamma uanga ajunngittumik iluarsivakka.

Ajornartorsiut aana A-p kr. 12.152,00-nit akilereerunigit aatsaat inigisartik allamut attartortinniaqqissinnaalissuaa.

A-p akisussaaffingerusunnginnerarpai majimili qinnuteqareernikuungami.

Nammineq naammangittaalliorniaruni naammangittaallioriarli, kisiat uanga ilinnut una misissorteqqungaluarpara. Inissiaq najornagu boligsikringimik pisoqarsinnaavaa?

Taama pisoqarsinnaanngippat taava suli kr. 2.288,00-nik akiitsui ilaqqiinnartussaapput, qaammammullu ineqarnermut tapiissutitaqanngittumik A akilersuisariaqalerluni.

Inissiaq qaammammut akeqarpoq kr. 3.573,00."

A/S Inissiaatileqatigiiffik INI-p K-mi B X-imik attartortitsineq pillugu isumaqatigiissutaani tigulaakkanit makku erserput:

25. september 2007 akiligassiissut , -1.651 kr., saldo 0 kr.

1. oktober 2007, ineqarnermut akiliutit, 2.419 kr., saldo 2.419 kr.

1. oktober 2007, aningaasaliissutinit iluanaarutit, 751 kr., saldo 3.170 kr.

1. oktober 2007, ineqarnermut tapiissutit, 8.288 kr., saldo 11.458 kr.

1. oktober 2007, aquts. aningaasarsiat, 403 kr., saldo 11.861 kr.

1. november 2007, ineqarnermut akiliutit, 2.419 kr., saldo 14.280 kr.

1. november 2007, aningaasaliissutinit iluanaarutit, 751 kr., saldo 15.031 kr.

1. november 2007, ineqarnermut tapiissutit,-2.860 kr., saldo 12.717 kr.

1. november 2007, aquts. aningaasarsiat, 403 kr., saldo 12.574 kr.

1. november 2007, nukingisaarinermit akiliutit 150 kr., saldo 12.724 kr.

1. november 2007, ineqarnermut tapiissutit -572 kr.-, saldo 12.152 kr.

A/S Inissiaatileqatigiiffik INI "..."-mut 7. november 2007-imi allappoq illu imermit ajoquserneqarsimasoq.

A-p attartornera A/S Inissiaatileqatigiiffik INI-p 13. november 2007-imi atorunnaarsippaa, 20. oktober 2007-imi piumasaqaataasup naammassineqarsimannginera innersuussutigalugu.

K Kommunip A B-X-imi ineqarnermut piffissami 1. juni 2007-imit 31. december 2007-imut qaammammut 1.536 kr.-nik tapiissuteqarfigineqartassasoq akuersis-sutigaa.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

A/S Inissiaatileqatigiiffik INI-p politiit allakkatigut 30. november 2007-imeersutigtigut qinnuigai A attartugaanit B X-imit aniseqqullugu.

Politiinut allakkat ilaatigut immikkoortumik imaattumik imaqarput:

"Malugisiuk attartortup akiitsui qaammatit tamaasa amerliartortussaammata. Taamaattumik suliaq politiit namminneerlutik utertissanngilaat, naak konto pillugu takussutisiami allassimagaluartoq attartortup aningaasat nammineq akilersimagai. Taamaalilluni anisitseqqusineq atuuppoq, suliaq unitsinneqarnissaata INI-mit namminermit qinnutigineqarnissaata tungaanut" (Atorfeqarfimmi nutsigaavoq)

A K Kommunimut 30. november 2007-imi imatut allappoq:

"Aluukkut inunnik isumaginnittut allallu tassunga susassaqtut.

Allatut ajornartumik ajornartuinninni ilissinnut saaffiginnippunga isumaqarama aqcutigisariaqarlusi.

Una saaffiginnissutingaara inigisatsinnut ...-miittumut una akunneq akiliinngikkuma anisitaaniarluta taannalu pissappat suli inuttut sumiiffimmik nalorninarunaqimmat ilis-si aqcutiginiarsarivassi isumaqarama ilinniartuinnaallunga taama akiligassanik akiliisinnananga imaakkami nukappiaraaterput qallunaat nunaaniittoq atuarluni nammineq kaasarfimmiusaanik akilersoratsigu uangalu maanna Ilinniarfissuarmi atuarlunga. Piffissaq kingulleq atortariaqarsimavara pissutigalugu inuttut nakkaqqajaanermi saaffigisassaq ungavartertuarlugu periarfissaq kingullerpaaq atorlugu saaffiginnippunga ikioqqullunga neriuppunga paasineqarlunga ikiorneqassallunga."

K Kommuni A-mut 18. december 2007-imi imatut allappoq:

"Inunnik isumaginninnermut ataatsimiititaliap ataatsimiinnermini ulloq 18.12.-2007, oqaluserisaasa ilangaat immikkoortoq:

15. (...) A.

K Kommunimiittoq inigisarput pillugu akiligassanik kinguaattooqqaneq pissutigalugu ini piaartumik qimaqquneqarluni.

“Aluu (...)

Asuliinnaangitsoq ilinnut mannaluk allappunga makkua pillugit: K Kommunimiittoq inigisarput pillugu akiligassatsinnik kinguaattooqasunga taamaalillunga inimut tunngatillugu piaartumik qimaqquneqarluni maanngaaniilli soriarsinnaana-

nga ila aamma atuartuinnaalluni eqqarsaat oqimaak, naak uannut qaqinniaraluartillu-
nga inuttullu nakkaqqanermik imassaaleqinaqaaq. Inigisarput peqannginnitsinni al-
lamik attartorneqarniaraluarluni akiligassakka peqqutaallutik kinguartiterami, ini u-
kiut siulliit aasaanerani ornikkusuttaraluaqigatsigu ilaqutariittut suli suliassaaqi-
ngatta suliffinniilli asoortitaagama qamaniittukka inuuninnut nanertuutaaqimmata
atuangiffinni ilakkalumi suli suliassaammata inigisarput suli pisariaqarteqaarput ti-
ngummiinnarusukkaluaqaarput, ilami inuuneq nalunaqimmat angusinnigittooriataa-
raluaruma uterfissaqarnissarput pinerullugu neriuppunga K Kommunimut saaffigin-
nissutikka paasilluarlusigit ilalerneqarumaarlunga.

Ilanngullugu eqqaassuara inimut akiligassakka 11,861,00 taavalu kallerup inneranut
2,646,00 ullut makkua tamaviaarfiunermik ernittalu atuarnera nammineq akilerso-
rakku juullimullu angerlarnissaanut (...) -mut nammineq akileriarakku suli akilii-
nissannut neriuutaarunnerugama atortussaaniit kaasarfimmiussaanut allaat taamaat-
tumik kissaatigeqaara immikkut ikiorserneqarlunga pineqarumaartunga.

(...)

Inimut akilingassat kr. 11.861,00

Kallerup inneranut kr. 2.646,00

Akilingassat katinneri kr. 14.507,00

./. Ilanngunneqarput A-p mailikkut allagaqaatai.

Aalajangiineq: Qinnuteqaat itigartitsissutigineqaqqippoq.

Siusinnerusukkut ataatsimiissutaasimanera aallaavigalugu itigartitsissutigineqarsima-
soq inunnik isumaginninnermut ataatsimiititaliap aalajangiusimavaa.

Aalajangerneq naammaginnikkukku allakkat tiguneriniit sapaatit akunneri sisamat
qaangiutsinnangit uunga naammagittaalliorsinnaavutit:

Isumaginninnermi Naammagittaalliortarfik
Postboks 1015
3900 Nuuk

Taamatut nalunaaruteqarluta."

A A/S Inissiaatileqatigiiffik INI-mut 9. januar 2008-mi allappoq, inissiallu sep-
tember 2007-imi allanut attartorallartinneqarneranut atatillugu erngup ajoqusi-
gaanut atatillugu siunnersorneqarnissani qinnutigalugu.

A/S Inissiaatileqatigiiffik INI-p A 15. januar 2008-mi imatut akivaa:

"September 2007-ip kingornatigut ilinniartitsisunut attartorallartitsinerup kingunera-nik qaartorneq pillugu apeqqutitit imatut akissuteqarfigissavavut:

Siullermik ulloq 25.september 2007 qinnuteqarsimavutit (...)p attartorallarnissaanut. Taanna qinnuteqaatit akuerineqarsimangilaq akiligassatigut kinguartaoruteqalersi-manerit pissutigalugu, tassa ineqarnermut tapiissutit aaqqiiffigineqarnerisa kingorna akiligassaqalersimangavit. Taakku pillugit (...)mi suleqatitta (...)p ilinnut ulloq 26. september 2007 ilisimatitsissutigereersimavai. Taamaattumik qinnuteqaat akuerine-qanngimmat illit attartortutut akiligassanut akisussaavutit.

(...)

Annertunerusumik paasisaqarusukkuit (...) attavigineqarsinnaavoq."

A-p Inissiaatileqatigiiffik 17. januar 2008-mi imatut akivaa:

"Qujanaq paasitikkamma.

Tamakkiisumik akiligassakka qanoq ikatsigigamik maannamut, ilumullimi tikeriaan-naagaanni aneqqusissut pipallakkusunnaraluaqaaq, K-mit ungasinnera taamami qanoq iliorniartunga pisattat iluaniittunut ilitsivissaqartinnagillu."

Inissiaatileqatigiiffik ulloq taanna imatut akivoq:

"Massakkuugallartoq januar 2008 ilanngullugu akiligassaapput kr. 13.925,00, takuuk ilanngussaq. Taakkunani matuersaaserfiup taarsertinneranut akiligassat 1.840,00kr.-t 13.11. 2007-mi akiligassannguupput, kiisalu ineqarnermut tapiissutip utertinnera kr. 8.288,00 01.10.2007 akiligassannguullutik.

Akiligassat pillugit maanna politiit aqputigalugit anisitsinissaq tullinnguuppoq.

Qaartornerup kingorna imeq 5 m³-p missaaniittoq inissiap naqqaniissimavoq, tama-tumalu kinguneranik natit tamarmik ammarterneqassapput, oqorsaatai ilaatigut taar-sertariaqassallutik nutaamillu natilerlugu. Naatsorsuutigisinnaassavat tamatuma ki-ngorna kr. 100.000 sinneratarsinnaagai natit aaqqissorneqarnissaannut aningaasartuu-tit, taakkulu akiligassarnut ilanngunneqartussaapput. Qanorli annertutigisumik nateq ajoqusertigisimansoq teknikeritta K Kommunimukaruni paasissavaa. Misilissavar-pur sillimasiisarfirmut nalunaarutigalugu, ilisimavarpulli inissiamik piginnittup, tassa K Kommunip sillimasiisarfiata peqqutit taamaakkaangasa akilerusunneq ajorai."

A uannut 18. januar 2008-mi naammagittaalliorpoq.

A/S Inissiaatileqatigiiffik INI 23. januar 2008-mi imatut tusarniaavigaara:

"A-p ilinniagaqarluni (...) -miinnerani K Kommunimi inigisaminik tigungminniinnarsinnaannginneranut atatillugu apeqqtut arlallit (...) -p nuliani A sinnerlugu Ombudsmandimut naammagittaalliuutigai.

Naammagittaalliummi pineqartut ilaat A-p ilinniagaqarluni (...) -miinnermini K Kommunimi inigisaminik allanut attartorallartitsisinnaannginnera pillugu apeqquummut tunngasuvoq.

Naammagittaalliummit ilanngussanillu ilanngullugit nassiunneqartunit erserpoq A/S Inissiaatileqatigiiffik INI-p K Kommunimut oqaatigisimagaa inigisaminik allanut attartorallartitsisinnaanngitsoq, ineqarnermut tapiissutit kukkusumik naatsorsorneqarnerannut atatillugu Inissiaatileqatigiiffimmut kommunimulluunniit 6.000 kr.-nik akiitsoqarmini pissutigalugu.

Akiitsut taaneqartut allanut attartorallartitsisinnaanermik mattussinerannik Inissiaatileqatigiiffiup paasinninnera malittarisassanut naapertuuttuunersoq, tak. inissianik attartortitsisarneq pillugu peqqussummi § 58, imm. 2 aamma imm. 3, misissuiffiginarlugu Ombudsmandi aalajangerpoq.

Ombudsmandip Inissiaatileqatigiiffik tamatumunnga atatillugu qinnuigaa inatsisitigit tunngavigisaaq Inissiaatileqatigiiffiup paasinninnerminut tunngavigisaa paasissutissiisutigeqqullugu, pisumilu naliliineq pineqarpat Inissiaatileqatigiiffik Ombudsmandip qinnuigaa pissutsit suut Inissiaatileqatigiiffiup naliliinnermini pingaartillugit isiginiarsimanerai paasissutissiisutigeqqullugu.

Ombudsmandip Inissiaatileqatigiiffik tamatumunnga atatillugu qinnuigaa allanut attartorallartitsineq akuerineqarsinnaanngitsoq Inissiaatileqatigiiffiup A-mut ilitersuutigisimaneraa, imaluunniit A-p ilinniagaqarluni (...) -miinnerminut atatillugu allanut attartorallartitsinissamik qinnuteqaatai Inissiaatileqatigiiffiup aalajangiiffigisimanerai paasissutissiisutigeqqullugu.

Inissiap attartorneqarnerata inissiamik innersuunneqarsinnaanermik qularnaveeqqusii-nikkut atorunnaarsinneqarnissanut periarfissamik, tak. inissianik attartortitsisarneq pillugu peqqussummi § 58, imm. 4, A Inissiaatileqatigiiffiup ilitersorsimaneraa imaluunniit ilitersussallugu isumaliutersuutigisimaneraa paasissutissiisutigineqasasooq Ombudsmandip aamma kissaatigaa.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Naammagittaalliummit aamma erserpoq A-p akiitsui 6.000 kr.-iusut A-p ineqarnermut akiliutaasa ineqarnermut tapiissutinik amerlavallaanik kukkunikkut aaqqiissuteqarfigneqarsimanerannut atatillugu pilersimasut.

Ombudsmandip Inissiaatileqatigiiffik qinnuigaa ineqarnermut akiliutikinaarsimanik-kut akiitsuulersimasunik Inissiaatileqatigiiffiup akiliisitsiniarnera pineqarnersoq imaluunniit ineqarnermut tapiissutinik amerlanaarlugit tunniunneqarsimasunik kommunip utertitsilluni akileeqqusinera pineqarnersoq nassuiaqqullugu.

Inissiaatileqatigiiffik aammattaaq qinnuigaara suliami allagaatit A-p attartugaanut K Kommunit B X-imut tunngasut tamaasa misissugassanngorlugit Ombudsmandimut nassiuteqqullugit.

A-kkut naammagittaalliuutaat ilanngussallu ineqarnermut tapiissutinut allanullu attartorallartitsinissamut tunngasut assilineri Inissiaatileqatigiiffiup suliamik suliarinninnerani atugassatut ilanngullugit nassiuppakka. Naammagittaalliuutip ilanngussallu Atorfeqarfimmit nutserneqarneri ilanngullugit aamma nassiuppakka.

Malugeqqullugu oqaatigaara Inissiaatileqatigiiffiup tusarniaanermut akissutaa Ombudsmandip A-kkunnut suliami illua'tungiusup isumaanik tusarniaatit nassiussinnaagaa."

K Kommunit ulloq taanna imatut allappunga:

"Ineqarnermut tapiissutinik tunniussisarneq pillugu naammagittaalliuut ilanngussartalik, assilineri ilanngullugu nassiunneqartoq, Ombudsmandip tiguaa. Naammagittaalliuutip ilanngussartaasalu Atorfeqarfimmit nutserneqarneri ilanngullugit aamma nassiuppakka.

Suliamik A-p, inuttut normua (...), ineqarnermut tapiissutisiaanut tunngasumik kommunip suliarinninnera Ombudsmandip suliamik erseqqinnerusumik misissuinissaanut pissutissaqalersitsinersoq naammagittaalliuut tunngavigalugu nalilersinnaanngilara.

Taamaattumik kommuni qinnuigaara A-p ineqarnermut tapiissutisisinneqartarnera pillugu kommunip suliaata misissugassanngorlugi uannut nassiuteqqullugu. Suliami ineqarnermut tapiissutinut tunngasumi allagaatit suliami allami immikkoortillugit pigineqaratik A pillugu isumaginninnermik ingerlatsiviup suliaataani ataatsimoortillugit katersorneqarsimappata kommuni qinnuigaara mappi allagaatinik imalik taanna tamakerlugi misissugassanngorlugi nassiuteqqullugu.

Suliami allagaatit Ombudsmandip misissoreerunigit kommunip suliamik suliarinninnera pillugu erseqqinnerusumik misissuineq aallartinneqassanersoq kommunimut

nalunaarutigiumaarpaa. Taamaattoqarpat kommuni qinnuigineqarumaarpoq apeqqutit Ombudsmandip misissorniagai pillugit oqaaseqaateqaqqullugu."

A K Kommunimut 11. februar 2008-mi imatut allappoq:

"Naak pikkukkaluarlunga misileeqqippunga inigisatsinnut akiliunneqarnissara qinnutigalungu allatut ajornavimmat saaffigineqippunga.

Una pinerullugu (...)mi inigisatsinniikkusulluta ilinniarninni inigisarput allanut attartornissaa angorusussimagaluarlugu akiitsulli uniffiummata, unalu ilinniarnera naam-massigukku siunertarlugu ...-mut uternissarput kissaatigigaluaqingatsigu.

Qinnuteqarninnut tamakkua aallaavioqipput akiliunneqarnissannut taamatullu maanamut inigisatsinnut akiligassap kingulliup killiffia nassiullugu aammalu kallerup inneranut, ilai tingummereerassigit kallerup inneranut taamatullu allat tassunga tunngasut.

Neriullunga paasinnillusi akissuteqarumaartusi."

Kommunip suliani allagaatai e-mailikkut 12. februar 2008-mi tiguakka.

A/S Inissiaatileqatigiiffik INI-p 14. februar 2008-mi imatut akivaanga:

"Allakkannut 23. januar 2008-meersunut akissutitut makku paasissutissiissutigisinnavaakka:

A-p inigisamut akiitsoqarallartilluni inini allamut attartortikkallarsinnaanngilaa, tak. inissianik attartortitsisarneq pillugu peqqussummi § 58, tamannalu pillugu paasitinnerpoq.

A akiitsoqaruni inissiamik innersuunneqarsinnaanermik qularnaveeqqusiinermik pinsinnaanngilaq. Inissiamik innersuunneqarnissamik qularnaveeqqusiinermut piunasaqaatit attartortitsinermut piunasaqaatit assigai. Taamaattumik inissiamik innersuunneqarsinnaanermik qularnaveeqqusiinermut periarfissaq pillugu siunnersuinissaq pisariaqarsimannilaq.

Ombudsmandi ilisimaneqartutut suliamut tassunga assingusumik siusinnerusukkut suliaqarsimavoq, tassani ineqarnermut tapiissutit allanngortinneqarnerannut atatillugu akiitsut piulersimanagerat pineqarluni. Ombudsmandip taamani tunngaviutippaa inigisamut akiitsoqarneq pineqartoq, ineqarnermut tapiissutit kommunimit akileqquneqarnerat pineqarani. Suliami matumani pissutsip assinga atortussaatinneqarpoq." (Atorfeqarfimmi nutsigaavoq)

6. Suliat nalinginnaasumik soqutiginaatillit, inatsiseqartitsiffiusunut agguataakkat

A X-imi ineqarnermut qaammammut 3.026 kr.-nik tapiissuteqarfigineqar-tassasoq K Kommunip 20. februar 2008-mi akuersissutigaa.

K Kommuni A-mut 6. maj 2006-mi imatut allappoq:

"Inunnik isumaginninnermut ataatsimiititaliap ataatsimiinnermini ulloq 06.05.2008 oqaluuserisaasa ilangaat immikkoortoq:

Imm. 12: (...) A

INI-miik akiligassaminik 17.455,00 kr. akiliukkallarneqarnissamik Nukissiorfimmiil-lu 3.421,39 kr. qinnuteqarpoq. Pisortanit ikiorsiissutit pillugit Inatsisartut peqqussutaat nr. 15, 20. nov. 2006-imeersoq, kap.8, § 27 imm. 3 tunngavigalugu.

Aaliangiineq: Siuinnerusukkut aaliangiisimaneq itigartitsissut aaliangiusimaneqarpoq.

Aaliangiineq naammaginngikkukku allakkat tiguneriniit sapaatit akunneri sisamat qaa-angiutsinnangit uunga naammagittaalliorsinnaavutit:

Isumaginninnermi Naammagittaalliorfik
Postboks 1015
3900 Nuuk

Taamatut nalunaarutigineqarpoq."

A/S Inissiaatileqatigiiffik INI-p akiligassiissut imaattoq 13.267 kr.-nik aningaa-sartaqartoq A-mut 18. juni 2008-mi nassiuppa:

"Siusinnerusukkut saldo	12.865,00 kr.
Ineqarnermut tapiissutit	-3.036,00 kr.
Erniatigut ilanng.	-242,00 kr.
Eqqaasitsissut	150,00 kr.
Ineqarnermut akiliutit	3.520,00 kr.
Katillugit	13.267,00 kr."

A K Kommunimut 19. juni 2008-mi imatut allappoq:

"Inunnik isumaginnittoqarfimmiunut.

Inigisatsinnut akiliunneqarsinnaanerlunga misileeqqippunga.

Una peqquutaavoq inigisarput qimakkusunngikkaluarlugu maannamut inuttit inissisi-
manera pillugu, imaassinnaammat atuarnera unitsikkallariga unittooqqanera sakkor-
tummat uingalu ataqatigiinnerput qaammatit arlalinngorput attaveqatigiikkunnaaqqal-
luta aappariittut, atuarnera unitsikkallarniarukku uanga maanga uterallarnissara
ilimanarmat.

Taamatullu tuaviortumik inigisarput qimaqquneqalernikuulluni."

Suliami allagaat tulleq tassaavoq utertitsilluni akiliuumanermik uppernarsaat, K
Kommunit 1. juli 2008-mi atsiorneqarsimasoq imaattoq:

"Pisortanit ikiorsiissutinik utertitassanngortitsinermut uppernarsaat

(...)

Ataani atsiortup matumuuna uppernarsarpaa K Kommunit pisortanit ikiorsiissutit
utertassanngortinneqartut. Ikiorsiisimaneq makununga tunngasuuvog:

Ikiorsiissutit: Ineqarnermut akilingassaq

Utertitassanngortinneqartup annertussusaa 13.267,00 kr.

Naafferartumik akilersuinissaq pillugu isumaqatigiissut:

Ullormiit 31/08-2008 Katillugit 500,00 kr

Qaammammut akiliisalerniarpoq.

Paasinnippunga isumaqatigiissut unioqqutinneqarpat akiitsoqarfimma piumasarisin-
naagaa akissarsiam pingajorarterutaa tikillugu ilanngaatsitarsinnaallunga akiligasama
nungunnissaata tungaanut, retsplejelov kap. 7 tunngavigalugu. Ilisimavarattaq una/
uku ikiorsiissutit utertitassanngortinneqartut LF. nr. 15, 20, nov. 2006-imeersoq Hjælp
fra det offentlige kap 8, § 27, § 28, stk. 1, 2 aamma 3 tunngavigalugit.

Taamatut akuersillunga uppernarsarpara:

(...), Borgmester

K Kommuni ulloq 01. juli 2008

Ikiorserneqartoq: A, 2/7-08"

A/S Inissiaatileqatigiiffik INI-mut 10. juli 2008-mi imatut allappunga:

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

"Suliaq Inissiatileqatigiiffiup akissutaanik 20. februar 2008-mi tigusaqarfigisara mas-sakkut uterfigaara.

Oqaatigaara paasissutissanik K Kommunimit aamma pissarsiniarsimasunga, tamatumalu kingornatigut uanga paasinninnera unaasoq ineqarnermut akiliutitut akiitsut ineqarnermut tapiissutinik amerlanaarlugit tunniussinermeersutut isigineqarsinnaasut, A-llu naammagittaalliuutigisai, K Kommunip suliamik suliarinninnermi iliuuserisaasa kingunerisaannik pilersimasut.

Taamaattumik kommunip suliamik suliarinninnera misissuiffigalugu aallartippunga, tak. allakkat assilinerat ilanngullugu nassiunneqartoq.

Tamatuma kingorna manna eqqornerpaasutut isigaara, tassalu Inissiatileqatigiiffiup suliamik suliarinninneranik misissueqqittoqassappat tamatumani kommunip suliamik suliarinninneranik misissuinnerma inernilerneqarnissaa utaqqimaqqaarneqartariaqartoq. Taamaattumik uanga paasinninnera unaavoq ineqarnermut tapiissut amerlanaarlugit tunniunneqarsimasut A-mit utertillugit akileqqunissaannik apeqquut aqutsinnermi allaffissornikkut inaarutaasumik suli aalajangiivigineqarsimanngippat Inissiatileqatigiiffiup ineqarnermut akiitsunik suliarinninneranik misissuinissara naleqquttuunngitsoq.

Kommunip nassuiaataa tigugukku Inissiatileqatigiiffik suliap ingerlaqqinneranik ilisimatikkumaarpara."

K Kommuni ulloq taanna imatut allaffigaara:

"Kommunip suliame allagaatai 12. februar 2008-mi tiguakka.

Oqaatigaara paasissutissanik A/S Inissiatileqatigiiffik INI-mit 20. februar 2008-mi aamma pissarsiniarsimasunga.

Kommunip paasissutissiissutigisai Inissiatileqatigiiffiup paasissutissiissutaanut sanilliuppakka, suliallu ingerlasimanera tamatuma kingornatigut imatut paasivara A-p ineqarnermut tapiissutisariartagai amerlavallaartut kommunip 2007-imi oktoberimi malugisimagaa, kommunillu aningaasat taakku tamatuma kingornatigut A/S Inissiatileqatigiiffik INI-mit utertillugit nuussimagai.

Tamanna tunngavigalugu aalajangerpunga kommunip suliamik suliarinninnera misissorniarlugu, kommunilu tamatumunnga atatillugu qinnuigaara pissutsit makku pillugit nassuiaateqaqqullugu:

1. Kommunip A-mut ineqarnermut tapiissutinik amerlavallaanik tapiissuteqartarnini qanoq ililluni malugaa?

2. Aningaasat tapiissutaavallaarsimasut kommunip A/S Inissiaatileqatigiiffik INI-mit qanoq ililluni utertillugit nuuppai (utertitsineq qarasaasiakkut pisimava imaluunni akiligassiissut kommunip Inissiaatileqatigiiffimmut nassiuppaa, utertitsillunilu nuussineq Inissiaatileqatigiiffiup kommunimut akuerisimavaa)?

3. Utertitsilluni akileeqqusilluni aalajangiineq kommunip A-mut allakkatigut naammagittaalliuuteqarnissamut ilitsersuutitalimmik nalunaarfigaa? Kommunillu A aalajangiineq sioqqullugu suliami illua'tungiusutut isumaanik tusarniaavigaa?

Kommuni tamatumunnga peqatigitillugu qinnuigaara kommunimi isumaginninnermik ingerlatsiviup A pillugu mappiutaa allagaatinik tamarmiusunik imalik misissugassanngorlugu uannut nassiateqqullugu.

A/S Inissiaatileqatigiiffik INI allakkatigut allatigut allakkat ukua assilinerannik ilaqartinneqartutigit ilisimatippara Inissiaatileqatigiiffiup suliamik suliarinninneranik anertunerusumik misissueqqittoqassappat tamatumani kommunip suliamik suliarinninneranik misissuina utaqqimaaqqaarneqartariaqartoq.

Kommunip akissutaa A-mut suliami illua'tungiusup isumaanik tusarniaatitut saqqummiunneqarsinnaavoq."

K Kommunip 24. juli 2008-mi imatut akivaanga:

"Matumuuna uppersarneqassaaq allakkasi ullulerneqarsimasut 10.07.2008 maani tinguneqarsimmata ulloq 16. juli 2008.

Taamaattummillu matumuuna nassiunneqarput suliami paasissutissat suliamut tungassuteqartut.

Neriulluta atorsinnaassagisi, arlaannillu paasissutissanik allanik perusukkussi ataani atsiorsimasoq saaffigineqarsinnaavoq uunga: (...)

- INI A/S akilingassat qinnuteqaatigineqarnerini Socialudvalgep aaliangerneri.

- IN A/S akiligassat 13.267,00kr. kingumut utertitassatut akuerineqarsimaneri."

Inatsisilerineri pisortaq Michael Mikkelsen A/S Inissiaatileqatigiiffik INI-mut ilassutaasumik 24. november 2008-mi oqarasuaatikkut tusarniaavoq:

"Inissiaatileqatigiiffiup tusarniaanermut akissutaa ingerlatseqatigiiffiup inatsisilerineri mi siunnersortaanut (...)-mut oqarasuaatikkut ullumikkut oqaloqatiginnisutigaara.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Aperaara tusarniaaneq pillugu akissut imatut paasineqassanersoq ingerlatseqatigiiffiup paasinninnera unaasoq ineqarnermut akiliutinik amerlanaaraluni tunniussinerup kingunerisaanik aaqqiissuteqarnerit tassaasut apeqqutit ataasiinnarmik paasineqarsinnaasut, ineqarnermut akiliutitut akiitsut pillugit malittarisassanut tunngatinneqarsinnaasut.

(...) oqarpoq Inissiaatileqatigiiffiup oqaaseqaataa apeqqut taanna pillugu suliamut Ombudsmandimi siusinnerusukku suliarineqarsimasumut innersuussisuusq ineqarnermut tapiissutit ikinaarlugit tunniunneqarnerisa kingunerisaannik ineqarnermut ikinaarlugit akiliuteqarsimanerit pillugit suliat suliarineqartarannut tunngasoq.

Inissiaatileqatigiiffiup paasinninnera unaavoq suliaq kommunip ikinaakkanik ineqarnermut tapiissuteqarfigisimasai tassaangitsut suliat attartortitsisumik akuliutsitsisut, tassaaginnarlutilli kommunip innuttaasullu pineqartup akornanni suliarineqartussa.

(...) aamma oqarpoq A K Kommunimi B X-imi suli najugaqartoq, tassami ineqarnermut akiliutitut akiitsut kommunimi isumaginninnermik ingerlatsiviup matussusersimammagit.

Oqaatigaara A/S Inissiaatileqatigiiffik INI eqqarsaatigalugu annertunerusumik iliuseqaqqissanerlunga isumminnginninni kommunip paasissutissiisutaasa amerlanerusut tignissaat utaqqimaarniariga."

K Kommunimut taamatuttaaq 24. november 2008-mi imatut allappunga:

"Akissut kommunip uannut 24. juli 2008-mi nassiussaa massakku misissoreerpara, malugalugulu suliaq kommunip suli qulaajarsimangikkaa.

Siullertut kommunimut eqqaasitsissutigaara allakkanni 10. juli 2008-meersuni kommuni imatut qinnuigigiga, tassalu isumaginninnermik ingerlatsivimmi suliame paasissutissat tamarmiusut allaqqaarneri misissugassangorlugit uannut nassiteqqullugit.

Suliami allagaatit assilineri kommunip uannut nassiussai misissuininni ineqarnermut tapiissutit amerlanaarlugit tunniunneqarnerisigut A-p ineqarnermut akiitsoqalersimaneranut tunngasumi atussallugit naammanngillat.

Taamaattumik kommuni qinnuigaara uku nassiteqqullugit:

- Mappit allagaatit suliamut A-p ineqarnermut tapiissutisiaanut tunngasut allaqqaarnernerinik imallit tamaasa.

Qulaani pineqartut pillugit qarasaasiakku allagaatit pigineqartut tamarmik naqitanngortinneqarneri.

- Mappit allagaatit suliat ineqarnermut tapiissutinut tunngasut iluarsaanneqarneranni kommunip allaffigeqatiginnittarsimaneranut tunngasut allaqqaarneqarnerinik imallit tamaasa.

Qulaani pineqartut pillugit qarasaasiakkut allagaatit pigineqartut tamarmik naqitanngortinneqarneri.

- Kommunip ineqarnermut tapiissutinik apeqqu pillugu kukkuner-siunerani kukkuner-siuisumut allaffigeqatiginnittarsimanerani allagaatit allaqqaarneri tamaasa.

Qulaani pineqartut pillugit qarasaasiakkut allagaatit pigineqartut tamarmik naqitanngortinneqarneri.

- Kommunip illumut B X-imut K Kommunimut ineqarnermut tapiissutinik tunniussisarneq pillugu A/S Inissiatileqatigiiffik INI-mut allaffigeqatiginnittarsimanerani allagaatit allaqqaarneri tamaasa.

Qulaani pineqartut pillugit qarasaasiakkut allagaatit tamarmik naqitanngortinneqarneri.

- 2006-imi, 2007-imi 2008-milu B X-imut K Kommunimut ineqarnermut tapiissutitut tunniunneqartut pillugit naatsorsuusiordermi bilagit tamarmik assilineri.

Inatsisartut Ombudsmandiat pillugu Inatsisartut inatsisaanni § 7, imm. 1 imaattunik oqaasertaqartoq innersuussutigaa:

"§ 4-mi ingerlatsiviit taaneqartut pisussaapput ombudsmandi paasissutissanik nalunaarfigissallugu aammalu uppersaatissanik allattaavinnillu atorfini naapertorlugu piumasarisaanik saqqummiussiffigissallugu."

Kommunimut tulliullugu eqqaasitsissutigaa kommunimut tusarniaaninni 10. juli 2008-meersumi kommuni suliamut tunngasunik pingasunik apeqquaqarfigigiga, ki-siannilli apeqquutit taakku kommunip akisimanngilai.

Apeqquutit taakku akineqarnissaat matumuuna eqqaasitsissutigaa.

Paasissutissat suliami massakkut pigineqartut aamma misissorpakka, taamaattumillu kommuni qinnuigaara makku pillugit nassuiaateqaqqullugu:

- A-mut ineqarnermut tapiissutinik kukkulluni tunniussinermut pissutaasup allaaserineqarnera.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

- A-p aningaasanik utertitsilluni akileeqquneqarnissaanut piumasaqaatit eqqortinneqarsimanersut kommunip isumaliutersuutigisimavaa?
- A-p aningaasanik utertitsilluni akiliinissaanik kommunip piumasaqaateqarsimannginneranut, akileeqqusinissamulli taarsiullugu A/S Inissiaatileqatigiiffik INI-p utertitsilluni kommunimit akileeqquneqarneranut suna pissutaava?

Kommunip akissutaa A-mut suliami illua'tungiusup isumaanik tusarniaatitut saqqummiunneqarsinnaavoq.

Suliamik A-p ineqarnermut tapiissutisiaanut tunngasumik uannut nassiusseqqullugu kommunimik 23. januar 2008-mili qinnuiginnissimanagera isiginiarlugu kommuni qinnuigaara saaffiginnissutinnut akisummik sukumiisumik tigusaqarnissara isumageqqullugu.

Kommuni piffissap sivikinnerusup iluani akisinnaangippat kommuni qinnuigaara tamatumunnga pissutaasoq paasissutissiissutigeqqullugu."

Kommunit kattutsinneqarnerisa kingorna kommuni nutaaq suliami akissuteqarnissaanik 5. januar 2009-mi eqqaasippara.

Kommunip 19. marts 2009-mi imatut akivaanga:

"Matumuuna uppernarsarneqassaaq allakkasi 7. januar 2009-mi ullulerneqarsimasut maani tinguneqarsimammata ulloq 17. marts 2009.

Inunnik Isumaginnittoqarfimmit qulaani pineqartunut tunngatillungu nassiunneqarsimasut ulloq 24. juli 2008 nassiateqqinneqarput paasissutissat mailikkut post@ombudsman.gl aammalu allakkatigut, aammalu fax: 321687 nassiunneqareeraluartut.

Naluara sooq apuutinngitsoorsimanersut, ajuusaarnarpoq apuussimannginnamik, naak nassiussiffigisagut pingasuungaluartut. Neriuppunga ukua nassiunneqartut tingunegassasut."

A allakkatigut 12. maj 2009-meersutigut ilisimatippara kommunip akissuteqarnissaa utaqqimaariga, tamatumunnga peqatigitillugu kommunimi borgmester (...)-mut imatut allallunga:

"Matumuuna attaveqarfigaakkat, tassami suliami K Kommunip suliamik suliarinninneranik innuttaasup naammagittaalliuutaanut tunngasumi paasissutissanik K Kommunimit pissarsiniarnera assut ajornartorsiutigakku.

Nukingisaarutiga kingulleq 5. januar 2009-meersoq, assilinera ilinnut ilisimatitsissutitut ilanngullugu nassiussara innersuussutigaa.

Kommunip akissummik 19. marts 2009-mi nassippaanga, taassumalu assilinera akisutip Atorfeqarfinnit qallunaatumut nutserneqarneqarneranik ilaqartillugu ilanngullugu aamma nassiunneqarpoq.

Kommunip akissutaanit ersertutut saaffiginnissutima imarisai kommunip isummerfiginngilluinnarsimavai, sulihamili allagaatit amigartutut K Kommunimut nalunaarutigisimasama assilineri nassiateqqinnarsimallugit, taamatuttaarlu apeqqutigisakka akisimanagit.

Taamaattumik qinnuigaakkit saaffiginnissutinnut akissummik sukumiisumik piaarnerpaamik tigusaqarnissara isumageqqullugu.

Paasissutissat piumasakka sapaatit akunnerisa arfineq pingasut qaangiunneranni tigunngikkukkit kommuni eqqarsaatigalugu suliannik ingerlatsisinnaannginnerma Inatsisartut Inatsisit Atortinneqarnerannut Ataatsimiititaliaannut kommuninillu nakkutiliinermi oqartussaasunut nalunaarutiginnissaa pisariaqartutut isigissavara."

Kommunip 29. maj 2009-mi imatut akivaanga:

"Inunnik Isumaginnittoqarfimmiit qulaani pineqartunut tunngatillungu qanoq ingerlasoqarsimaneranut nalunaarusiaq.

Qulaani pineqartut ulloq: 11.03.2007 qinnuteqarlutik inimik akiliunneqarnissaminnik aallartissimapput, suliaq aallartissimavoq saaffiginninneri tunngavigalugit. Ulloq 28.08.2007 Socialudvalgi ataatsimiikkami sammisimavaat imm. 11 ikkunneqarsimaluni. Aaliangerneqarsimavoq itigartitsissutitut illu inoqanngittoq akilersorneqarnissaa tulluurtutut isigineqanngimmat.

Ulloq 30.11.2007 Socialchefimut (...) -mut e-malikkut A saaffiginnimmat suliaq suliareqqinneqarpoq Socialudvalget ulloq 18.12.2007 sammineqarsimalluni imm. 15 ikkunneqarsimalluni. Aaliangerneqarsimavoq qinnuteqaat itigartitsissutigineqaaqqilluni.

Ulloq 02.03.2008 Socialchefimut (...) mut e-malikkut A saaffiginnimat Socialudvalgi ulloq 06.05.2008 sammineqaaqqippoq imm. 12 ikkunneqarsimalluni. Aaliangerneqarsimavoq siusinnerusukkut aaliangiineq itigartitsissut aaliangiusimaneqartoq.

Ulloq 01. juni. 2008 Borgmester (...) aqutugalugu suliaq aallartinneqarsimavoq, A-p naammagittaalliorluni saaffiginninneratigut. Fg. Socialchef (...) peqatigalugu. Borgmester (...) akuersisimavoq qinnuteqaat akilerneqassasoq 13.267,00kr. kingumut utertitassatut. A atsiorteqqaarlungu.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Tamannalu suliaq naammassisimavoq ulloq 02. juni 2008."

Kommuniap nassuiaataa borgmesterip allagaanik imaattunik ilaqartinneqartoq tiguara:

"Asasara Vera Leth

Allakkatit 12. maj 2009-meersut innersuussutigalugit K massakkut immikkoortortaarfimmuut saaffiginnissutinnut akissutisisarsimanginnerit aallaqqaasiutigalugu ajuusaarutigissavara.

Kommunit kattutsinneqarnerannut atatillugu(...)mi allaffimmi atugassiissutunik immikkoortitsivugut suliat taamatut ingerlasut paasiniarneqarnissaat siunertaralugu, taamaalilluta akissuteqartoqartarnissaa sulianilu taamaattuni allaffiup iluani qanoq iliuseqarnissamut periaatsit siumut sammititaasut qulakkeerniarlugit.

Saaffiginnissutinnit takusinnaavara suliami allagaaterpaaluit naammaginangitsutulli isigisatit tigusimagitit. K immikkoortortaarfimmuut erseqqissaatigaara suliami allagaatit aallaqqaarneri tamaasa Inatsisartut Ombudsmandiannut nassitissagai.

Atorfeqarfik aammattaaq nalunaarfigisinnaavara Ombudsmandip apequtigisai allat immikkoortortaarfiiup suliareqqitassanngorlugit maannga (...)mut nassitissagai atorfilittama piumasarisimagaat. Akissut nutsigassanngortinneqarsimavoq, sulianilli kommunalbestyrelsimi ataatsimiititalianilu suliarineqartunik nutserineq pissutigalugu nutsernera aatsaat massakkut nassiunneqarpoq.

Saaffiginnissutivut akineqarnissaa 6. junimut piffissalernerqarsimavoq, (...)llu inatsisilerinermi pisortamut Michael Mikkelsenimut suliamik oqarasuaatikkut ullumi ataa-sinngornermi oqaloqatiginnissutiginninneranut uiggiullugu neriuppunga sivikitsumik taamatut kinguaattoorneq paasissagit, tassami paasissutissat massakkut pigineqartut Inatsisartut Ombudsmandiannut neriorsuutigineqartutut nassiunneqarmata. Paasissutissanik allanik takkutoqarpat taakku Ombudsmandimut ingerlaannartumik nassiunneqarumaarput.

Amerlanerusunik apequtissaqartoqarpat immikkut siunnersorti (...) ikiuunnissaminut piareersimavoq." (Atorfeqarfimmi nutsigaavoq)

K Kommunip akissutaa imaattoq tamatuma kingornatigut, tassalu 27. august 2009-mi, tiguara:

"Matumuuna Ombudsmandip allagaanut 12. maj 2009-imeersunut all. nr.-qartut 4712, socialchefiungallartup akissuteqaataanut ullulerneqarsimasunut 29. maj 2009-imeersunut Ombudsmandimut allakkat all. nr. 0081 74-nut tapiliussaqaassaanga.

Ombudsmandip allakkiaanut 5. januar 2009-imeersunut j. nr. 2008-119-0001-imut. Apeqqutit akeqquneqarsimasunut ataani allanneqarput, apeqqutit normulersorlugit K-miillu akissuteqaatissangut.

1. Mappit allagaatit suliamut A-p ineqarnermut tapiissutisiaanut tunngasut allaqqaarnerinik imallit.

A-p ineqarnermut tapiiffigineqarnissaminik qinnuteqaatai

Ukioq 2006-imut 2007-imut & 2008-imut:

Kommuneqarfik K-mi A-p ineqarnermut tapiiffigineqarnissaminik qinnuteqaataanut akuersissutit.

Ukioq 2006-imut 2007-imut & 2008-imut.

2. Qulaani pineqartut pillugit qarasaasiakkut allagaatit pigineqartut tamarmik naqitanngortinneqarneri.

Ilannguppara mail-it INI A/S aammalu K kommunip allaffigeqatigiittarsimaneri:

Ulloq 24. oktober 2007-imiit 9. januar 2008 ilanngullugu allaffigeqatigiittarsimaneri.

3. Allagaatit suliami ineqarnermut tapiissutinut tunngasut iluarsaanneqarneranni kommunip allaffigeqatiginnittarsimaneranut tunngasut allaqqaarnerinik imallit tamaasa.

Ilannguppara mail-it INI A/S aammalu K Kommunip allaffigeqatigiittarsimaneri:

Ulloq 24. oktober 2007-imiit 9. januar 2008 ilanngullugu allaffigeqatigiittarsimaneri.

4. Qulaani pineqartut pillugit qarasaasiakkut allagaatit pigineqartut tamarmik naqitanngortinneqarneri.

Ilannguppara mail-it INI A/S aammalu K Kommunip allaffigeqatigiittarsimaneri.

Ulloq 24. oktober 2007-imiit 9. januar 2008 ilanngullugu allaffigeqatigiittarsimaneri.

5. Kommunip ineqarnermut tapiissutinik apeqqut pillugu kukkuneruinerani kukkuneruissumut allaffigeqatiginnittarsimanerani allagaatit allaqqaarneri tamaasa.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Kukkunersiuisut tikeraarnerminni immikkoortorta qarfimmi sulisut aggersartarpaat inunntu ataasiakkaanut tunngasunut uparuaatissaqartillutik.

BDO Kommunernes revision nalunaarutaat nr. 75 immikkoortoq 2.1. quppernerit 4-t assilineri ilanngunneqarput.

6. Qulaani pineqartut pilugit qarasaasiakku allagaatit pigineqartut tamarmik naqitanngortinneqarneri.

Ilannguppara mail-it INI A/S aammalu K Kommunip allaffigeqatigiittarsimaneri.

7. Kommunip illumut B X-imut K-mut ineqarnermut tapiissutinik tunniussisarneq pilugu A/S Inissiaatileqatigiffik INI-mut allaffigeqatiginnittarsimanerani allagaatit allaqqaarneri tamaasa.

Ilannguppara mail-it INI A/S aammalu K Kommunip allaffigeqatigiittarsimaneri.

8. Qulaani pineqartut pillugit qarasaasiakku allagaatit tamarmik naqitanngortinneqarneri.

Ilannguppara mail-it INI A/S aammalu K Kommunip allaffigeqatigiittarsimaneri

9. Ukiunut 2006-imi, 2007-imi aamma 2008-imi B X-imut K-miittumut ineqarnermut tapiissutitut tunniunneqartut pillugit naatsorsuusiortnermit bilagit tamarmik assilineri.

Ilanngunneqarput Bogføringsjournalit ukioq 2006, 2007, 2008-imullu tunngassuteqartut.

Kommunimut tulliullugu eqqaasitsissutigaara kommunimut tusarniaaninni 10. juli 2008-meersumi kommuni suliamut tunngasunik pingasunik apeqquaqarfigigiga, ki-sianni apeqqutit taakku kommunip akisimangilai.

Apeqqutit taakku akineqarnissaa matumuuna eqqaasitsissutigaara.

Paasissutissanik suliami massakku pigineqartut aamma misissorpakka, taamaattumillu kommuni qinnuvigaara makku pillugit nassuiaateqaqqullugu:

1. A-mut ineqarnermut tapiissutinik kukkulluni tunniussinermut pissutaasup allaaserineqarnera.

A-p F-imut inigisaminik attartortitsiunnaarnerata kingorna 01. juni 2007 eqqunngitsumik boligsikringeqarsimanera.

01. januar 2007-imit 31. maj 2007-imut A-mit F-imut attartortinneqarsimavoq.

01. juni 2007-mut 30. september 2007-imut F-ip boligsikringia ingerlatiinnarneqarsimavoq qaammammut annertussuseqartoq kr. 2.072,00 A-p inigisaani B X-imi.

05. oktober 2007-imiit A ineqarnermut tapiissutisinissaminik qinnuteqarsimavoq.

20. november 2007-imi K Kommunimi teknikkeqarnermut immikkoortortaqaqarfimmiit akuersissummik tunineqarsimavoq kingumoortumik atuuttussanngortillugu:

19. oktober 2007-imiit akuersissutigineqarsimasut 01. juni 2007-imiit ukiup naanissaanut annertussuseqartoq qaammammut kr.: 572,00.

Isertitanik allanngortoqarsimanerata kingorna ineqarnermut tapiissutissanik nutaamik qinnuteqartoqaqqippoq. Taamaalillunilu kingumoortumik aaqqiivigineqaqqipput ineqarnermut tapiissutissat. Tamatuma kingorna imatut isikkoqalerlutik:

20. nov. 2007-imiit akuersissutigineqarsimasut 01. juni 2007-imiit ukiup naanissaanut annertussuseqartoq qaammammut kr.: 1.536,00.

Qaammattini juni, juli, august september 2007-imi B-496-imiit A-mut tapiissutigineqartarsimasut peerneqarsimapput INI A/S-imiit ulloq 01.10.2007 F-imut tunngasuteqarmata. 07. maj 2007 F nammineerluni initaarsimavoq.

Taamaattumillu A nutaamik boligsikringimik qinnuteqaammik nassiussisimavoq 05. oktober 2007 B X-imut tunngasumik.

2. A-mut aningaasanik utertitsilluni akileeqquneqarnissaanut piunasaqaatit eqqortinneqarsimanersut kommunip isumaliutersuutigisimavaa?

Maannakkumut maani kommunip allaffiani K-mi ajuusaarnaraluartumik takussutisamik takusaqarsinnaanngilagut, akilingassat akilingassarsiarineqarnissaanik isumaliutersuuteqartoqarsimaneranik.

3. A-p aningaasanik utertitsilluni akiliinissaanik kommunip piunasaqaateqarsimannginneranut, akileeqqusinissamulli taarsiullugu A/S Inissiaatileqatigiiffik INI-p utertitsilluni kommunimit akileeqquneqarneranut suna pissutaava?

A-kkunnut akilingassamik kommunimiit INI A/S-imut akilingassiortoqarnissaanik qinnuviginnittoqarsimannngilaq teknikkeqarfimmi sulisorinikuusarpuk oqarasuaatik-kut oqaloqatiginerani tallimannngornermi 14.8.2009 nassuiaateqarpoq (...)

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

K-mi Inissiaatileqatigiiffik INI A/S-ip immikkoortortaarfianut aperisaraluarlunga akissutisisinnaannginnama INI A/S sinnerlugu akissuteqaateqarsinnaannginnama annerusumik tassunga tunngasumik oqaaseqarsinnaanngilanga.

Ilannguppara mailit INI A/S aammalu K Kommunip allaffigeqatigiittarsimaneri."

A/S Inissiaatileqatigiiffik INI 4. september 2009-mi imatut allaffigaara:

"Suliaq Inissiaatileqatigiiffimmut kingullermik 10. juli 2008-mi allagaqaatigisara mas-sakkut uterfigaara.

K Kommuniata ineqarnermut tapiissutit A-p ineqarnermut akiliutinut akiitsoqalerneran-
nut pissutaaqataasimasut pillugit nassuiaataa 27. august 2009-mi tiguara.

A/S Inissiaatileqatigiiffik INI-p aamma K Kommunip e-mailikkut allaffigeqatigiittar-
simanerat kommunip innersuussutigaa, nassuiaallu kalaallisut qallunaatullu allassima-
soq, matumuuna ilanngullugu nassiussara, ilanngullugu nassiullugu.

Tamatuma kingornatigut manna erseqqarluttut sulisikkoqarpoq, tassalu A-p ineqar-
nermut tapiissutinik tunineqartarsimaneratigut kukkuneq qanoq ililluni A-p ineqarner-
mut akiitsunik nammagassinneqarneranik nassataqarsimanersoq, kommunilu ineqar-
nermut tapiissutinik aqutsisuusutut utertitsilluni sooq akileeqqusisimanningsersoq.

Taamaattumik Inissiaatileqatigiiffik qinnuigaara apeqqutit uku pillugit nassuiaate-
qaqqullugu:

1) Ineqarnermut tapiissutit K Kommunip A-mut 2007-imi qaammatini junimi, julimi,
augustimi septemberimilu tapiissutigisimasai qanoq iliorluni utertillugit nuunneqar-
simanersut:

Aningaasat Inissiaatileqatigiiffiup K Kommunimut utertillugit tunniussimavai? Taa-
maappat Inissiaatileqatigiiffik qinnuigineqarpoq utertitsilluni tunniussineq kommu-
nip Inissiaatileqatigiiffiulluunniit suliniuteqarneratigut pisimanersoq paasissutissiis-
sutigeqqullugu.

2) Aningaasat Inissiaatileqatigiiffiup kommunimut utertillugit tunniussimannilai, tas-
sungali taarsiullugu F-ip ineqarnermut qaammatini sisamani taakkunani akiliutaasa
naatsorsorneqarnerat aaqqiissuteqarfigisimallugit, aaqqiissutigineqartullu F-ip pi-
sassaralui A-p ineqarnermut akiliutitigut ineqarnermut tapiissutisiassaraluinut naat-
sorsuutitigut ilanngussimallugit?"

Inissiaatileqatigiiffiup 14. september 2009-mi imatut akivaanga:

"Ombudsmandip allagaanut kingullermut akissutitut oqaatigineqarsinnaavoq ineqarnermut akiliutininut tapit aningaasartaat pineqartoq attartortup attartortutut kontoanit ilanngaatigineqarmata kingornalu aningaasat ineqarnermut akiliummut tapit akilerneerat kommunimut akiligassanngortinneqarlutik.

INI-p najukkami allaffiata paasissutissiissutigaa kommunimit ilisimatitsissutigineqartoq kommunip kukkunerisuisuata paasisimagaa attartortoq inigisamut akiliutininut tapinik attartortitsisumut akuersissutaasunik tigusaqartartoq. Inigisamut akiliutininut tapit utertillugit iluarsivigineqarnissaatut tamanna paasineqassanersoq INI-p kommunimut apequtigimmagu tamatumunnga kommuni akuersaartumik akissuteqarpoq.

Oqaatigineqarportaaq attartortoq tamatuma kingorna ineqarnermut akiliutininut tapinik nammineq akuersissuteqarfigineqarsimasoq aamma attartortup ineqarnermut akiliutininut tapisiassai tamatuma kinguninnguatigut qaffanneqarsimasut, taakku tamarmik kingumoortumik atuutilersinneqarlutik. Attartortup Ombudsmandimut naammigittaliuteqarnermini akiitsoqarneranut pissutaasoq taamaalilluni tassaangilaq ineqarnermut akiliutininut tapit utertillugit iluarsivigineqarnerat, pissutaallunili oktoberimiit januarimut inigisamut akiliisimanninnera."

Isumaginninnermi Naammagittaalliuuteqartarfik K Kommunip A-mut pisortanit ikiorsiissutinik ikiorsiissuteqaqqinniarani aalajangiinera qulaani issuarneqartoq pillugu naammagittaalliummi 12. februar 2010-mi aalajangiivoq.

Kommunip aalajangiinera Naammagittaalliuuteqartarfiup atortussanngortippaa, tunngavilersuut allannngortillugu, tassalu A ilinniartuusoq, taamaattumillu suliar-toqquneqaratarsinnaanerminut piareersimasussaani.

K Kommunip aqutsinermik A/S Inissiaatileqatigiiffik INI-mut isumaqatigiissutaa Inissiaatileqatigiiffimmut 29. april 2010-mi pissarsiariniarpara.

Tamatuma kingornatigut imaattunik oqaaseqaateqarpunga:

“1. Misissuinerma killissalersorneqarnera

A-p makku naammagittaalliuutigai: K Kommunip B X-imi ineqarnermut tapiissutinik kukkunikkut tunniussinera ineqarnermut akiliutininut akiitsoqalernerminik nassataqartoq, inigisami allamut attartorallartinneqarnissaa A/S Inissiaatileqatigiiffik INI-p itigartitsissutigigaa, aamma (...) -mi ilinniarnermi nalaani ineqarnermut akiliutininut matussutissanik pisortanit ikiorsiissuteqartoqarnissaa K Kommunip itigartitsissutigigaa.

Naammagittaalliuut tunngavigalugu misissuininni A/S Inissiaatileqatigiiffik INI-p kukkusumik tapiissutigineqarsimasunik kukkunikkunngooq K Kommunimut tunniussinermigut aningaasallu taakku A-mit ineqarnermut akiliutininut a-

6. Suliat nalinginnaasumik soqutiginaatillit, inatsiseqartitsiffiusunut agguataakkat

kiitsutut akiliisitsiniarsimanermigut aaqqiisimaneranut atatillugu suliap ingerlasimaneranik misissuineq ilaavoq.

Naammagittaalliuutip immikkoortuisa marluk allat sularineqarnissaat itigartitsissutigaa, takuuk Inatsisartut Ombudsmandiat pillugu Inatsisartut inatsisaanni § 6, imm. 3 atorneqartoq, tak. Inatsisartut Ombudsmandiat pillugu Inatsisartut inatsisaanni nr. 8-mi, 3. december 2009-meersumi § 30, imm. 3.

Ombudsmandi pillugu Inatsisartut inatsisaanni § 6, imm. 3-kkut aalajangersarneqarpoq pissutsit aqutsinermi oqartussaasumit qulliunerusumit allanngortinneqarsinnaasut pillugit naammagittaalliuutit Ombudsmandip sularisinnaangikkai, oqartussaasoq qulliunerusoq taanna suliamik sularinnereersimatinagu. Aalajangersagaq taanna tunngavimmumt nalinginnaasumut matumunnga takussutissaavoq, tassalu suliaq aqutsinikkut sularineqarnera inaarlugu sularineqarsimannitsoq Ombudsmandip sularissanngikkaa.

Kommunip pisortanit ikiorsiissutinik ikiorsiisoqanninnissaanik aalajangiinera Isumaginninnermi Naammagittaalliuuteqartarfimmumt naammagittaalliuutigineqarsinnaavoq, tak. pisortanit ikiorsiissutit pillugit Inatsisartut peqqussutaanni nr. 15-imi, 20. november 2006-imeersumi § 30.

Inigisap allamut attartorallartinneqarsinnaaneranik itigartitsineq attartortumit Ineqarneq pillugu Maalaaruteqartarfimmumt naammagittaalliuutigineqarsinnaavoq, tak. inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 84, imm. 1, nr. 6.

Inissiap kiassaataasa qerisoornikkut qaararsimanerinumt aningaasaqarnikkut akisussaaffik pillugu apeqqut eqqarsaatigalugu oqaatigaara apeqqutip taassuma aalajangiivigineqarnerani taarsiissuteqartarneq pillugu inatsiseqartitsineq tunngavigalugu naliliineq tunngaviusussaasoq, uangalu taamatut naliliinissannumt aallaavittumt periarfissaqanngilanga. Naliliinermi tassani ilaatigumt uppernarsaasersuinnermumt teknikkimullu tunngasutigumt naliliinerit eqqartuussivinnit sularineqartariaqartumt apeqqutaappumt, eqqartuussivimmi uppernarsaasersuisitsinissaminumt periarfissaqarmata, matumani takusaanikkumt misissuineq naliliinerlu ilanngullugit eqqarsaatigalugit.

2. Ineqarnermumt amerlanaarlugit tapiissutigineqarsimasumumt kommunimimt naatsorsorneqarsimasunik utertitsilluni akileeqqusinermik ingerlatsinermumt atatillugu suliamik sularinninneq

Tusarniaanermumt akissutit tiguneqartumt aallaavigalugit manna tunngaviutippara, tassalu F-imumt inissiamik attartorallartumumt akuersissumt, attartorallarneq piffissap taamaalinerani atorunnaareersoq, tunngavigalugu B X-imi ineqarnermumt tapiissuteqartoqartarsimane K Kommunip kommunip naatsorsuuta-

nik 2007-imi septemberip qaammataani kukkunersiuinermut atatillugu malugisimagaa.

Manna aamma tunngaviutippara, tassalu A/S Inissiaatileqatigiiffik INI-p apeq-qut kommunimut oqaloqatigiissutigereerlugu aningaasat kukkunikkut tapiissutigineqarsimasut kommunimut utertillugit tunniussimagai, aningaasallu utertillugit tunniunneqartut 8.288 kr.-t Inissiaatileqatigiiffimmit A-p ineqarnermut akiliutinut kontoanut 1. oktober 2007-imi akiligassanngortinneqarsimasut, taamaalluni kontomi tassani takuneqarsinnaalerluni A oktoberip qaammataani ineqarnermut akiliutinut 11.861 kr.-nik akiitsoqartoq.

Oqaatigaara inissiani attartortittakkani ineqarnermut tapiissutit pillugit Inatsisartut peqqussutaat nr. 3, 31. maj 2001-imeersoq Inatsisartut peqqussutaatigut nr. 6-ikkut, 7. maj 2007-imeersukku kingullermik allanngortinneqarsimasoq malittarisassanik imaattunik ilaatigut imaqartoq:

"§ 11. Ineqarnermut tapiissutit pillugit kommuni aalajangiisussaataavoq.

Imm. 2. Inissiani attartortittakkani ineqarnermut tapiissutit aningaasartassa at ukiu-moortumik naatsorsorneqartassapput, taakkulu 1/12-ii attartortup ineqarnermut akiliutaanit qaammatikkuutaartumik sioqqutsisumik ilanngaatigineqartassapput, taamaalluni ineqarnermut tapiissutit ineqarnermullu akiliutip nikingassutaat taamaallaat attartortumit akileqquneqartassalluni. Ineqarnermut tapiissutit attartortit-sisumut toqqaannartumik akilerneqassapput.

§ 12. Kommuni aalajangiisaaq ineqarnermut tapiissutit utertillugit akilerneqas-sasut §§-ini 7, imm. 2-mi aamma 9, imm. 2-mi piumasaqaatigineqartutut inuup paa-sissutissat saqqummiussimanngippagit taamaaliornermigullu annertuallaamik ineqarnermut tapiissutinik tunineqartarsimappat, imaluunniit allatigut ilisimaaralugu pisussaanngikkaluarluni ineqarnermut tapiissutinik pissarsisarsimappat.

Imm. 2. Utertitsilluni akiliuteqarnissaq kommunip aalajangiuppagu Kalaallit Nu-naanni eqqartuussisarnermik inatsimmi maleruagassat malillugit aningaasat akiler-sinniarneqassapput.

(...)

§ 14. Aalajangiinerit, peqqussummi malittarisassat malillugit aalajangerneqartut Isumaginninnermut Maalaaruteqartarfimmut naammagittaalliuutigineqarsinnaap-pat isumaginnittoqarfiup aqutsiviginera aaqqissuussaanelu pillugit Inatsisartut peqqussutaanni malittarisassat malillugit."

Taamaalilluni Inatsisartut peqqussutaanni tunngavigineqarpoq ineqarnermut tapiissutinik aqutsineq pillugu malittarisassanik aqutsineq kommunip inissiaatiminik aqutsineranut ilaanngitsoq, tassaallunili kommunip isumaginninnermi oqartussaasutut suliassaa.

§ 12-ikkut aalajangersarneqartut manna nassataraat, tassalu innuttaasoq ineqarnermut amerlanaarlugit tapiiffigineqarsimappat utertitsilluni akiliisoqar-nissaanik aalajangiineq kommunimi isumaginninnermi oqartussaasumi pis-sasoq.

K Kommunip suliamik suliarinninnermi aningaasat kukkunikkut tunniunneqar-simasut utertillugit A-mit akilersinniarneqarnissaat A/S Inissiaatileqatigiiffik INI-mut isumagisassanngortissimavaa.

Tamatumunnga ataneqartillugu oqaatigaara K Kommunip aamma A/S Inis-siaatileqatigiiffik INI-p inissianik kommunip attartortittagaanik aqutsineq pil-lugu isumaqatigiissutaani 23. februar 1995-imeersumi ilassutikkut 23. septem-ber 2003-meersumi allanngortinneqarsimasumi imm. 2.1-imut aamma 2.3-mit makku ersertut:

"2.1. Isumatigiissummi pineqarput kommunip inissiaatai atukkiuttakkat (...). Inger-latseqatigiiffiup kommuni sinnerlugu isumagissavai ingerlatat tamaasa inatsisit atuuttut naapertorlugit attartortitsisumut isumagisassaataasut, piginnaatitaalluni-lu taamatut kommuni sinnerlugu iliornissamut.

(...)

2.3. Ineqarnermut tapiissutit kommunimit aqunneqarput (...)"

Taamaalillutik ineqarnermut tapiissutit tassaapput isumaginninnermi tunniun-neqartartut, kommunimit aqunneqartut attartortumillu tiguneqartartut.

Ineqarnermut tapiissutit isumaginninnermik ingerlatsivimmit attartortitsisu-mut toqqaannartumik tunniuttagaanerisa attartortitsisullu tunniunneqartunik ineqarnermut akiliutinut akiligassiissummit ilanngaassisussaatinneqarnerata attartortitsisoq ineqarnermut tapiissutinik isumaginninneq pillugu inatsiseqar-titsineq tunngavigalugu tigusisartunngortinngilaa, tamannalu inissiani attar-tortitakkani ineqarnermut tapiissutit pillugit Inatsisartut peqqussutaanni taku-neqarsinnaavoq.

Kommuni tamatuma kingornatigut pisussaaffeqarsimavoq matuma nammineq naliliiffiginissaanut, tassalu A aningaasanik utertitsilluni akiliissasoq kommuni isumaqarpat A-p utertitsilluni akileeqqunissaanut aamma A eqqarsaatigalugu aalajangiinissaminut inissiani attartortitakkani ineqarnermut tapiissutit pillu-

*git Inatsisartut peqqussutaanni § 12 tunngavigalugu utertitsilluni akileeqqunis-
saanut tunngavissaqarnersoq.*

*K Kommunip utertitsilluni akileeqqusilluni piumasaqaatit naammassiniarne-
qartarnerat pillugu malittarisassanik malinnissimanginnera isorisarialeru-
jussuuartut isigaara.*

*Ineqarnermut tapiissutit kommunip F-imut akuersissutigisimasai - tassalu
attartorallarneq aamma atuukkallarmat - A/S Inissiaatileqatigiiffik INI-mut
ilumut tunniunneqartarsimasariaqarnersut suliap annertuumik aamma nalor-
ninarsisippaa.*

*Inissiani attartortittakkani ineqarnermut tapiissutit pillugit Inatsisartut peq-
qussutaanni nr. 3-mi, 31. maj 2001-imeersumi § 11, imm. 2-kkut aalajanger-
sarneqarpoq ineqarnermut tapiissutit attartortitsisumut toqqaannartumik tun-
niunneqartassasut. Malittarisassaq taanna allannguuteqarani ineqarnermut
tapiissutit pillugit Inatsisartut peqqussutaannit nr. 1-imit, 17. oktober 1983-
imeersumit ingerlateqqittaavoq.*

*Ineqarnermut tunngasut pillugit inatsisiliornermut pisinnaatitaaneq Nammi-
nersornerullutik Oqartussat 1. januar 1987-imi tiguaat, tak. inigisassaqartitsi-
neq, inigisaqarnermut ikiorsiissuteqartarneq, inigisanik attartortitsineq il.il.
pillugit Kalaallit Nunaannut inatsimmi nr. 944-mi, 23. december 1986-imeer-
sumi § 2.*

*Attartorallartitsisarnermut inatsisikkut tunngavissaq inissianik attartortitsisar-
neq pillugu Inatsisartut peqqussutaata allanngortinneqarnera pillugu Inatsi-
sartut peqqussutaanni nr. 3-mi, 29. oktober 1999-imeersuni¹² peqqussummi §
21-mik allanngortitsiviusumi atulersinneqarpoq.*

*Attartorallartitsisoq attartorallartoq eqqarsaatigalugu attartortitsisuunersoq
ineqarnermut tapiissutit pillugit malittarisassani isummerfigineqanngilaq.*

*Taamaattumik kia isumaginninneq pillugu inatsiseqarneq tunngavigalugu ine-
qarnermut tapiissuteqarfigineqarneranik apeqqut attartorallartitsinermi kia
attartortitsisuunera kialu attartortuunera pillugu apeqqutip qanoq paasineqar-
nissaannik nassuiaaneq aallaavigalugu aalajangiivigineqartariaqarpoq.*

*Illuutinik ineqarfissatut attartortitsisarneq pillugu nalunaarummi nr. 2-mi, 6.
marts 2007-imeersumi nalunaarummik 2003-meersumik 1. april 2007-imi taar-*

12) Inissianik attartortitsisarneq pillugu Inatsisartut peqqussutaat nr. 3, 13. juni 1994-i-
meersoq, Inatsisartut peqqussutaatigut nr. 10-kkut, 6. november 1997-imeersukkut
kingullermik allanngortinneqartoq.

6. Suliat nalinginnaasumik soqutiginaatillit, inatsiseqartitsiffiusunut agguataakkat

siisumi taaguut "allamut attartortitsisoq" atorneqarpoq, attartortoq inissiamik attartukkaminik allamut attartorallartitsisoq pillugu:

"§ 55. Attartukkamik allamut attartortitsinissamik qinnuteqaat allakkatigut attartortitsisumut tunniunneqassaaq, kingusinnerpaamik attartukkamik allamut attartortitsiniarluni kissaateqarnerup aallartinnissaa qaammammik ataatsimik sioqqullugu, qinnuteqaammilu makku taagorneqarsimassapput:

1) attartukkamik attartortussap aqqa cpr. normualu aammalu taassuma inoqutai pillugit paasissutissat.

2) Attartukkamik attartornissap sivisussusissaa.

3) Attartukkap attartorneqartup angissusaa, tassunga ilanngullugit ineqarnermut akiliut, kiassarneq, imeq, pequtinut akiliutit naleqquttut imaluunniit immikkut ittunik sullissinerit allallu.

4) Qularnaveeqquusiisummik akiliisoqassappat taanna pillugu paasissutissat.

5) Attartukkaminik attartortitsisup piffissami attartukkamik attartortitsiviusumi najugaqarfissaa pillugu paasissutissat.

Imm. 2. Attartukkamik attartortitsineq attartukkamik attartortitsisup aamma attartukkamik attartortup akornanni toqqaannartumik allakkatigullu isumaqatigiissuteqarnikkut pissaaq. Isumaqatigiissut attartukkamik attartortitsinermut isumaqatigiissut, ineqarnermut naalakkersuisoqarfimmit akuerisaasoq atorlugu suliarineqartassaaq.

Imm. 3. Attartukkamik attartortup paasissutissat imm. 1-imi taaneqartut eqqortuunerat uppersassavaa.

Imm. 4. Piffissaq attartukkamik attartortitsiviusoq naappat attartukkamik attartortitsineq ingerlaannartumik taamaatissaaq, tamatumalu attartukkamik attartortup inissiamik attartorneqartumik najukkaminik attartornerminut piunasaqaatit suli naammassisimallugit piffissap attartukkamik attartortitsiviusup sivitsorneqarnissaa qinnuteqaatigisimangippagu."

Attartorallartitsineq pillugu isumaqatigiissutini assigiissaartunik oqaasertalersugaasuni, A-mit aamma F-imit 2. oktober 2006-imi atsiorneqarsimasuni, aalajangersimasumik oqaasertaliussat imaattut ilaapput:

"§ 1 (...)

Inissianik attartortitsineq pillugu Inatsisartut peqqussutaat Namminersornerullutilu Oqartussat kommunillu inissiaataat attartortittakkat pillugit nalunaarut naapertorlugu attartortitsigallarnermi attartortoq tassaavoq "attartortitsisoq" aammalu "attartorallartoq tassaalluni "attartortoq".

§ 2.

Attartorallarneq aallartissaaq ulloq _____

ingerlaannassallunilu _____ tikillugu,

imaluunniit allakkatigut attartorunnaarsinneqarnissaata tungaanut. Attartortup tungaaniit attartorunnaarsitsineq minnerpaamik qaammatinik pingasunik sioqqutsil-luni, qaammatip pineqartup naaneranut atuuttussanngorlugu nalunaaruteqarnikkut pissaaq. Attartorallartup tungaaniit minnerpaamik qaammammik ataatsimik, qaammatip pineqartup naaneranut atuuttussanngorlugu nalunaaruteqarnikkut pissaaq, takuuk inissianik attartortitsisarneq pillugu Inatsisartut peqqussutaat.

§ 3.

Nalunaarut siuliani pineqartoq malillugu attartortitsisoq sinnerlugu A/S Inisiaatile-qatigiiffik INI attartorallartitsinissamik akuersinissamut piumasarineqarpoq, attar-torallartup attartortitsisumut akiliutissaasa annerpaamik attartortup ineqarnermut akiliummut, kiassarnermut, innaallagissamut imermullu aningaasartuutaasa anner-toqqataannik, kiisalu pequtinut imaluunniit kiffartuussinernut immikkut ittunut il.il. naapertuuttumik annertussusilerneqarnissaat. Pequtinut imaluunniit kiffartuussi-nernut immikkut ittunut akiliutissat naapertuuttut annerpaamik ineqarnermut akiliu-taasartut 10 %-iinut aalajangerneqassapput.

Ukiumoortumik ineqarnermut akiliutaasartuq kr. _____ -nik annertussuseqar-poq.

Taakku attartorallartup aqqaneq marlorarterutaat (1/12) kiassarnermut akiliutaa-gallartut ilanngullugit qaammatip ulluisa aallaqqaataanni akilertassavai.

Attartorallartoq ima akiliuteqartassaaq:

Ineqarnermut akiliutit *kr.*

Kiassarnermut akiliutaagallartoq *kr.*

6. Suliat nalinginnaasumik soqutiginaatillit, inatsiseqartitsiffiusunut agguataakkat

Imermut akiliutaagallartoq kr.

Allanut akiliutaasinnaasut kr. _____

Qaammammut katillugit kr.

Isumaqatigiissutit atsiorderini akilerneqarput kr. _____ -mit _____ -
mut atuuttussamik.

Qularnaveeqqusiissutit kr. _____ akilerneqassapput, taakkulu attartorallartup
attartortup tungaanut pisussaaffiit qularnaveeqqutaassapput."

Oqaatigaara isumaqatigiissummi assigiissaartunik oqaasertalersugaasimasumi §§-init 1-imit aamma 3-mit ersertoq attartorallartoq attartortooqqaartumut ineqarnermut akiliutinik akiliisassasoq, inissianillu attartortitsisarneq pillugu peqqussummi attartortitsisoq pillugu malittarisassat attartorallartitsinermi attartortooqqaartumut atuutissasut, inissianillu attartortitsisarneq pillugu peqqussummi attartortooq pillugu malittarisassat attartorallartumut atuutissasut.

Tamatuma saniatigut illuutinik ineqarfissatut attartortitsisarneq pillugu nalunaarummi nr. 2-mi, 6. marts 2007-imeersumi § 55, imm. 2-mit erserpoq attartorallartitsineq attartortup attartorallartullu toqqaannartumik isumaqatigiissuteqarnerisigut pissasoq.

Taamaalilluni K Kommunip ineqarnermut tapiissutinik attartorallartuusumut akuersissutigineqarsimasunik attartortooqqaartumut tunniussisarsimanera attartorallartitsineq pillugu isumaqatigiissummut imaluunniit nalunaarummi malittarisassamut qulaani taaneqartumut naapertuuttuunngilaq.

Tamanna tunngavigalugu pineqartoq aamma tassaavoq F-imut ineqarnermut tapiissutit, piffissamut attartorallarnep atuunnerani ineqarnermut tapiissutit aamma ilanngullugit, A-p K Kommunimi A/S Inissiatileqatigiiffik INI-mut ineqarnermut akiliutaanut atorneqarsimanerisa pissutissaqarsimannginnerat, tassami F-ip ineqarnermut tapiissutisiassai kommunip A-mut toqqaannartumik tunniuttarsimasariaqaraluarmaq.

Tamatunngali peqatigitillugu oqaatigaara inissianik attartortitsisarneq pillugu Inatsisartut peqqussutaanni § 58 attartorallartitsinermut tunngasuni akiliisarneq pillugu malittarisassat suut atuunnerannik nalornissutiginnilersit-

sisuusoq, tak. ataani oqaatigineqartut, naatsorsuutigaarali kommunip suliamik suliarinneqqinnermini apequt taanna immikkut naliliiffigissagaa.

Makku pillugit qulaani oqaatigineqartut:

1) suliani attartorallartitsinermut tunngasuni kommunip pisussaaffii, matumani utertitsilluni akiliisoqarnissaanik piumasqaatip ingerlanneqarnera pillugu malittarisassat ilanngullugit eqqarsaatigalugit,

2) F-ip ineqarnermut tapiissutisiaanik kommunip A-mut tunniussinani A/S Inissiaatileqatigiiffik INI-mut tunniussisarsimanera

3) inatsiseqartitsinikkut tunngavigisami erseqqarluttoq piusoq,

4) makku tunngavigalugit, tassalu suliamit aamma ersertoq A ineqarnermut tapiissutinik K Kommunimut 11. februar 2007-imi aamma 6. maj 2007-imi qinnuteqarsimasoq, aamma

5) qinnuteqaatit taakku aalajangiivigineqarsimannngitsut

tunngavigalugit **inassuteqaatigaara** ineqarnermut tapiissutinik 8.288 kr.-nik A/S Inissiaatileqatigiiffik INI-p kommuni isumaqatigiissuteqarfigalugu kommunimut tunniussaani A-mullu kingusinnerusukkat akilersinniagaanik akiliisitsiniarneq pillugu suliaq kommunip suliareqqissagaa. Tamatumunnga atatilugu inassuteqaatigaara kommunip manna immikkut isummerfigissagaa, tassalu kommunip ineqarnermut tapiissutit F-imut akuersissutigineqartut kommunip A-mut F eqqarsaatigalugu attartortitsisuusumut tunniunnagit A/S Inissiaatileqatigiiffik INI-mut kukkunikkut tunniussimanerai, taamaappallu kukkuneq taanna qanoq iliorluni aaqinneqassanersoq.

Aammattaaq **inassuteqaatigaara** 1. juni 2007 sioqqullugu ineqarnermut tapiissutisiaqarnissaminut ilumut pisinnaatitaasimanersoq, taamaappallu aningaasani qanoq amerlassusilinnik, kommunip misissussagaa.

Tulliullugu oqaatigaara A-p B X-imik F-imut ukiumi ataatsimit attartorallartitsinissami akuerineqarnissaa 5. september 2006-imi qinnutigisimagaa, attartorallartitsinissamik isumaqatigiissummumut missingiutit marluk 31. maj 2007-imi aamma 31. oktober 2007-imi naasussatut ullulernerqarsimasut suliami alagaatinut ilaasut aamma F-ip B X-imi qaammatisiutit ukiuanni 2007-imi ineqarnermut tapiissuteqarfigineqartarnissaa K Kommunip 13. december 2006-imi akuersissutigisimagaa. F-ip B Y-imi piffissami 1. maj 2007-imit 31. december 2007-imit ineqarnermut tapiissuteqarfigineqartarnissaa kommunip 12. juni 2007-imi akuersissutigisimavaa.

Attartorallartitsineq naaffissatut isumaqatigiissutaasoq sioqqullugu atorunnaarsinneqarsimanersoq paasisutissani K Kommunimit aamma A/S Inissiaatileqatigiiffik INI-mit tigusanni takuneqarsinnaanngilaq. A-lli K Kommunimit pi-sortanit ikiorsiissutinik ikiorserneqarnissaminik qinnuteqaataa 11. juni 2007-imeersoq tunngavigalugu manna tunngaviutittariaqarpara, tassalu A-p ineqar-

nermut 2007-imi junip qaammataani akiliutitut attartorallartitsineq pillugu isumaqatigiissutikkut matussusertinngisaanut akileeqqusissut tiguisimagaa.

Attartorallernerli piffissap taamaalinerani unissimansoq tamannaannaq tunngavigalugu takuneqarsinnaanngilaq, tassami illuutunik ineqarfissatut attartortitsisarneq pillugu nalunaarummi nr. 2-mi, 6. marts 2007-imeersumi § 55, imm. 2-kkut qulaani issuakkakut aalajangersarneqarmat attartorallarneq attartorallartitsisup attartorallartullu isumaqatigiissuteqarnerisigut aallartineqassasoq. Taamaalilluni attartorallarneq attartorallartup nuunnerinnaatigut atorunnaarnaviannngilaq, attartorallernerli pillugu isumaqatigiissut piffissaliussareqqusaasutut piffissaliilluni atorunnaarsinneqarsimanissaa piumasagaataalluni.

Taamaattumik F 2007-imi majip qaammataata kingornatigut B X-imi ineqarnermut akiliutit akilernissaannut A-mut akisussaaffeqarsimansoq imaalliallaannaq nalorninarartoqartoq ataatsimut isiginnillunga isumaqarpunga.

Taamaattumik aamma **inassuteqaatigaara** ineqarnermut tapiissutinik kukkunikkut ilumut tunniussisoqarsimansoq kommunip immikkut naliliiffigissagaa.

Uterillugit akilerneqartussanik kommuni A-mit pisassarisaqartoq kommuni tamatum kingornatigut isumaqarpat aamma **inassuteqaatigaara** kommunip manna sukumiinerusumik naliliiffigissagaa, tassalu kommunip ineqarnermut tapiissutinik kukkunikkut tunniussinerani aningaasartuutit A-p kisimiilluni ilumut nammattariaqarnerai, imaluunniit aningaasartuutit taakku kommunip tamakkiisumik ilaannakortumilluunniit nammattariaqarnerai. Matumani ineqarnermut tapiissutit uterillugit akileqquneqarnissaannik aalajangiinerit ingerlatsineq pillugu inatsiseqartitsineri suliassat suliarineqartarnerat pillugu malittarisassat tunngavigalugit aalajangiineruneri taamaattumillu kommunip ineqarnermut tapiissutit pillugit malittarisassanut kukkunikkut tunniussisimansoq pisimasumut aningaasartuutit akiliinissamut kia qaninnerpaanerani sukumiinerusumik naliliinermik ilassuteqartitsisariaqarnera innersusutigaakka¹³.

3. Inissianik attartortitsisarneq pillugu peqqussummi attartorallartitsisarneq pillugu malittarisassat qanoq paasineqarnissaasa nalornissutigineqarnerat Inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 58 imaattunik oqaasertaqarpoq:

"§ 58. Attartortup attartornissamik isumaqatigiissut maleruarsimaguniuk, attartortoq inigisaminik qimatsisimagallarnerni inigisaminik qaammatit aqqaneq-marluk tikillugit allamut attartortitsigallarnissamut pisinnaatitaavoq. Allamut attartortisi-

13) Inatsisartut Ombudsmandiata 2002-mi ukiumoortumik nalunaarutaata kalaallisuaani qupperneq 274 qallunaatuuanilu qupperneq 215.

gallarneq qaammatinit pingasunit sivikinnerutinneqarsinnaanngilaq. Attartortup inigisaminik allamut attartortitsigallarnera ukiut tallimat ingerlanerini taamaallaat katillugit qaammatini aqqaneq-marlunni pisinnaavoq, taamaattorli tak. imm. 2.

Imm. 2. Imm. 1-imi piffissamut killiliussaq apeqqutaatinnagu attartortup inigisaminik allamut attartortitsigallarnissaq qinnutigisinnaavaa, attartortup peqannginnissaa peqanngikkallarnerusimappat, aammalu nappaammik, ilinniagaqarnermik, pineqaatissinneqarsimasunut inissiisarfimmiinnermik imaluunniit attartortoq nammineerluni imaluunniit inoqutaasa ilaat nuukkallartitaaneramik tamanna pissuteqarpat. Allamut attartortitsigallarneq qaammatinit pingasunit sivikinnerutinneqarsinnaanngilaq.

Imm. 3. Attartortitsisup allamut attartortitsigallarnissaq akueriumangissinnaavaa,

1) inissiaq innersuunneqarsimappat, tak. § 5, imm. 1, nr. 7,

2) inissiami ineqartussat katillutik ininit amerlanerusussaassappata, imaluunniit

3) attartortitsisoq allamut attartortitsigallarnissamut akerliunissamut naammaginartunik pissutissaqarpat.

Imm. 4. Namminersornerullutik Oqartussat kommuunillu inissiaataanni attartortit-takkani najugaqartut inigisaminik allamut attartortitsigallarnissamut taarsiullugu pisinnaatitaapput, piffissap peqarfiginngisassamik naanerani inissiamut allamut innersuunneqarnissamut qularnaveeqqusiivigineqarsinnaagunik attartornerminnik unitsitsinissamut, tak. § 5, imm. 1, nr. 3.

Imm. 5. Allamut attartortitsigallarnissap akuerineqarnissaanut piumasaqaataavoq, ineqarnermut akiligassap annerpaamik attartortup ineqarnermut, kiassarnermut, innaallagissamut, imermut il.il. aningaasartuutigisartagaasa amerlaqataannik anertussuseqarnissaa. Immikkut ittunik pissutissaqartillugu, soorlu pequtit attartoral-larnermut ilaatinneqassappata akiliutissaq anginerutinneqarsinnaavoq. Attartoral-lakkamik attartorallartoq attartortitsisumut toqqaannartumik ineqarnermut akiliu-tissamik akiliisassaaq.

Imm. 6. Attartortoq pisinnaatitaavoq attartukkaminik utaqqiisaasumik allamit attar-torallartumit qularnaveeqqusiissummik akiliisitsissalluni, attartukkamik utaqqiisaa-sumik attartorallartinneqartup attartortup pisussaaffiunut sillimmatissanik. Qular-naveeqqusiissut aamma inissiamik attartornermut siumoortumik akiliutit katillugit annerpaamik qaammatini arfinilinni attartornermut akiliutit amerlaqatigissavaat.

Imm. 7. Attartortitsisup attartukkamik attartorallarneq § 75-imi maleruagassat ma-lillugit taamaatitsissinnaavaa¹⁴.

Imm. 8. Naalackersuisut attartukkamik attartortitsigallarnej ineqarnermullu qularnaveequsiissut pillugit maleruagassiorsinnaapput."

Peqqussutissatut siunnersuummi § 58 pillugu oqaaseqaatit imaattut tassunga atatinneqarput:

"Aalajangersakkami imm. 1-ip atuutilerneratigut attartortup attartornermut isumaqatigiissut maleruarsimaguniuk, attartortoq inigisaminik qimatsisimagallarnermini inigisaminik qaammatit aqqaneq-marluk tikillugit allamut attartortitsigallar-nissamut pisinnaatitaavoq. Attartortoq qaammatinit pingasunit sivikinnerusumik attartukkaminik allamut attartortitsigallarsinnaanngilaq, tamatumunngalu pissutaa-voq attartukkamik allamut attartortitsigallarnissamut isumaqatigiissutip suliarine-qarnissaa allaffissorneraqarmat. Taassuma saniatigut allamik killiliisoqarpoq, tassalu attartortup inissiaq attartukkani ukiut tallimat ingerlanerini katillugit qaammatini aqqaneq-marlunni taamaallaat allamut attartortikkallarsinnaavaa. Tamatumuunakkut akornuserniarneqarpoq attartortup inissiaq attartukkani ingerlaannar-tumik allamut attartortitsigallartarnissaa, annertunerusumik nammineq tassunga atassuteqarani. Qaammatit pingasut aqqaneq-marlullu akornanni attartukkamik al-lamut attartortitsigallarsinnaanermut pisinnaatitaaffik nutaajuvoq. Aalajangersa-gaq attartortup qilersorsimanninnerulernissaa anguniarlugu ilanngunneqarpoq, soorlu assersuutigalugu piffissami aalajangersimasumi aapparilikkami misiliilluni najugaqateqarsinnaalersillugu, tamatumalu saniatigut piffissap naanerani attartor-toq inissiamut nammineq attartukkaminut uteqqinnissani kissaatigiguniuk uteqqin-nissamut pisinnaatitaaffia pigiinnarneqassaaq.

(...)

Attartortoq attartukkamik attartortinneqarallartumiit attartortup nammineerluni inissiamut aningaasartuutaanit tamakkiisunit inissiamik pequsersukkamik attartor-titsigallarnermut annikitsunik akiliuteqartitsinermik ilaqartinneqartunit annerusu-

14) § 75. Attartortitsisup attartortitsineq erngerluni atuutilersussamik atorunnaarsissin-naavaa, attartortoq illumut, attartortitsisumut, taassuma atorfeqartitaannut, illumi attartortunut allanut inatsisit malillugit eqqortumik illumiittunut annertuumik ajoqutaasumik pissusilersorpat, taamatuttaaq:

1) Attartortoq inunnut pineqartunut nakuuserpat imaluunniit persuttaanissamik siora-saarippat.

2) Attartortup pissusilersornera illumut imaluunniit inunnut pineqartunut ulorianar-torsiortitsisinnaappat, matumani ilanngullugit sakkunik atuisimappat imaluunniit attartorneqartumi atortunik ulorianartunik uninngatitaqarpat.

Imm. 2. Attartortitsineq atorunnaarsinneqarsinnaavoq, tamatumani pissusilersorne-rit imm. 1-imi taaneqartut attartortumit namminermit, attartortup inoqutaanit alla-nilluunniit attartortup attartukkamut isersinnaatitaanit piliarineqarnersut apeqqutaatinngu, tak. § 58."

mik akiliiffigineqassanngilaq. Attartortup aningaasannanniutigalugu inissiamik attartukkaminik allamut attartortitsigallarsinnaanissaa pinaveersaartinniarlugu aalajangersagaq ilanngunneqarpoq.

Aalajangersakkattaaq atuutilerneratigut attartortup attartukkaminik allamut attartortitsigallarnissamut akuerineqarnissamut taarsiullugu piffissap peqanngiffiusup naanerani inissiamut allamut innersuunneqarnissamut qularnaveeqqusiiffigineqarluni inissiaq attartorunnaarlugu taamaatissinnaavaa."

Qulaani taaneqartut, pingaartumillu § 58, imm. 5-ip, manna nalorninarsisippaat, tassalu attartorallartuq attartortoqqaartumut akiliinissamut toqqaanartumik pisussaaffeqartuq inatsisiliortut siunertarisimaneraat.

Taamaalilluni inissianik attartortitsisarneq pillugu peqqussummi § 58, imm. 5-ikkut aalajangersakkami "attartorallartup" attartortitsisumut "toqqaannartumik" akiliuteqartarnissamut pisussaaffeqarnermik aalajangersaanerup inatsiseqartitsinikkut atuuttut erseqqarlussisippai, aalajangersagarlu taanna attartoqqaartuusooq attartortitsisumut ineqarnermut akiliutinik akiliinissaminut pisussaaffeqareersoq eqqarsaatigalugu atornerqaruni imaaliiallaannaq immi isumassaqaqarnaviannngilaq.

§ 58, imm. 5-ip aalajangersakkatut attartorallartup akiliisussaataitaneratut paasinninnermik manna assortuisutut inissisimavoq, tassalu attartorallartup attartortumut toqqaannartumik akiliisussaataitaneramik akiliisussaataitaneramik sumiginnaaneq attartortorpiaq eqqarsaatigalugu attartorneq pillugu isumaqatigiissutip atorunnaarsinneqarneramik nassataqarsinnaammat.

Tassani aamma ilaavoq attartortup pisinnaatitaaffimminik § 58 tunngavigalugu iperaasinnaannginneramik inissianik attartortitsisarneq pillugu peqqussummi § 63-ikkut aalajangersaasoqarnera.

Inissianik attartortitsisarneq pillugu Inatsisartut peqqussutaanni nr. 5-imi, 31. maj 2001-imeersumi siusinnerusukkut atuuttumi attartorallartitsisarneq pillugu malittarisassat imaattut § 39-mi ilaapput:

"§ 39. Attartortup inissiamik attartornermut isumaqatigiissut eqqortissimappagu, attartortoq inissiamik allanut attartortitsisinnaatitaavoq, attartortoq peqanngikkallassappat napparsimanermik, ilinniagaqarluni allamiinnermik, nuukkallarnermik imaluunniit assigisaannik pissuteqartumik.

Imm. 2. Attartortitsisup allanut attartortitsineq akerliuffigisinnaavaa,

1) inissiami inuit katillugit ineeqqanit inigineqartussanit amerlaneruppata, imaluunniit

6. Suliat nalinginnaasumik soqutiginaatillit, inatsiseqartitsiffiusunut agguataakkat

2) taamatutaaq attartortitsisoq allanut attartortitsinissamut akerliussalluni pissutissaqavippat.

Imm. 3. Namminersornerullutik Oqartussat kommunillu inissiaataanni attartortit-takkani attartortoq inissiamik allanut attartortitsinermut taarsiullugu piffissap pe-qanngiffiup naanerani inissaminik allamik innersuunneqarnissani qularnaarlugu attartornerminik atorunnaarsitsisinnaavoq, tak. § 4, imm. 1, nr. 2.

Imm. 4. Allanut attartortitsisarneq aamma inissaqartitsinissamik qularnaveeqqusii-sarneq pillugit maleruagassat Naalakkersuisunit aalajangersarneqassapput."

Namminersornerullutik Oqartussat kommunillu inissiaataannik attartortittak-kanik attartortitsisarneq pillugu nalunaarummi nr. 23-mi, 22. december 2003-meersumi malittarisassat imaattut Naalakkersuisut § 39, imm. 4 tunngavi-galugu aalajangersarpaat:

"§ 58. Ineqarnermut akiliutip kiassarnermullu akiliutaagallartup piffissaa eqqor-lugu akilertarnissaannut attartortoq attartortitseqqiinerup nalaani akisussaasu-voq. Aammattaaq attartukkanut ikkussuussimasunullu attartortitseqqinnermi attar-tortumit, taassuma inoqutaanit inunnillu allanit attartortitseqqinnermi attartortumit attartukkanut isersinnaatitaasunit mianersuaalliornikkut aserorneqarsimasunut attartortoq akisussaasuvoq.

Imm. 2. Attartortoq attartortitsisup tungaanut akisussaasuvoq inuit imm. 1-imi taa-neqartut torersaarnissamut malittarisassanik atuuttunik maleruaanissaannut, tak. ilanngussaq 4 Torersaarnissamut malittarisassat."

Inatsiseqartitsinikkut atuuttut nalunaarutip 2003-meersup allanngortinneqar-nissaat siunertarineqarsimanersoq Inatsisartut peqqussutaat 2005-imeersoq piareersarlugu suliani takuneqarsinnaanngilaq.

Inissianik attartortitsisarneq pillugu Inatsisartut peqqussutaanni § 58, imm. 5-ip erseqqarluttumik oqaasertalernerqarsimanera eqqarsaatigalugu Inatsisartut aamma Naalakkersuisut tamatumingga allakkatigut allatigut nalunaarfigaak-ka, tak. Inatsisartut Ombudsmandiat pillugu Inatsisartut inatsisaanni nr. 8-mi, 3. december 2009-meersumi § 11.

4. A/S Inissiaatileqatigiiffik INI-p suliamik suliarinninnerata sunniutaa

Suliaq A/S Inissiaatileqatigiiffik INI-p suliamik suliarinnissimanera isornartor-siuinissamut pissutissaqalersitsisinnaanersoq tamatuma kingorna isumaliuter-suutiginninnissannut pissutissaqalersitsivoq, tassami suliamit ersermat kom-munip apeqummik utertitsilluni akiliinissamut tunngasumik suliarinninnera

A/S Inissiaatileqatigiiffik INI-p siunnersuineranik ilaatigut tunngaveqarsimasooq.

Apeqqut taanna pillugu isumaliutersuuteqarninnut atatillugu K Kommunip inissiaataanik attartortittakkanik aqutsisutut suliassanik Inissiaatileqatigiiffiup isumaginninneranut inatsiseqartitsinikkut tunngaviusooq aallaavigaara.

Inissiaatileqatigiiffiup kommunit inissiaataannut atatillugu suliassanik suliarinninnera Inissiaatileqatigiiffimmik pilersitsinissaq pillugu Inatsisartut peqqussutaanni nr. 12-imi Inatsisartut peqqussutaatigut nr. 2-kkut, 15. april 2003-meersukkut allanngortinneqartumi imatut allaaserineqarpoq:

"§ 2. Inissiaatileqatigiiffiup siunertaraa pigisanik (illunik) aalaakkaasunik aqutsineq taakkunungalu tunngasuni kiffartuussineq.

Imm. 2. Inissiaatileqatigiiffiup pingaarnertut suliassarai makku:

1) inissiat Namminersornerullutik Oqartussanit pigineqartut aqunneqarnerat ingerlanneqarnerallu, kiisalu

2) inissiat Namminersornerullutik Oqartussanit pigineqartut aserfallatsaaliorneqarnerat.

Imm. 3. Inissiaatileqatigiiffik Namminersornerullutik Oqartussanik kiffartuunneqar-nissamik isumaqatigiissusiorsinnaavoq suliassat makku pillugit:

(...)

Imm. 4. Inissiaatileqatigiiffik immikkut isumaqatigiissusiorsinnaavoq suliassat makku pillugit:

1) Inissiat kommuninit pigineqartut aqunneqarnerat ingerlanneqarnerallu.

(...)"

6. Suliat nalinginnaasumik soqutiginaatillit, inatsiseqartitsiffiusunut agguataakkat

Taamaalilluni Inissiaatileqatigiiffiup kommunip inissiaataanik aqutsinera kommunimut pineqartumut isumaqatigiissut kisiat tunngavigalugu pisinnaavoq.

Aammattaaq inissianik piginnittussaataanerup kommunimiiginnarnissaa taamaattumillu kommunip attartortitsisuuginnarnissaa aalajangersakkap taassuma nassataraa.

Inissianik attartortitsisarneq pillugu Inatsisartut peqqussutaanni § 81, imm. 1-imit 3-mut makku tamatumunnga peqatigitillugu aalajangersarneqarput:

"§ 81. Namminersornerullutik Oqartussat kommuuniluunniit inissianik allaffissornikkut aqutsisussamik avataaniit pissarsisimappat, Naalakkersuisut imaluunniit Kommunalbestyrelsep nakkutigissavaa, inissianik allaffissornikkut aqutsisup suliani Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit suliarinerai.

Imm. 2. Kommuni nammineerluni inissiatiminik allaffissornikkut aqutsinermik isumaginnittuuguni, kommunip suliani Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit isumagissavai.

Imm. 3. Namminersornerullutik Oqartussat kommuneluunniit aningaasatigut nakkutilliisussaataatanini, tak. imm. 1, naammassiniarlugu inissianik allaffissornikkut aqutsisup kukkunersiuisua inissianik allaffissornikkut aqutsisup suliani Inatsisartut peqqussutaat manna aamma aalajangersakkat peqqussut manna naapertorlugu suliarineqartut naapertorlugit suliarinerai nalunaarusiortissinnaavaa."

Inatsisissatut siunnersuummi aalajangersagaq taanna pillugu oqaaseqaatit imaattut ilanngunneqarsimapput:

"Aalajangersakkap atuutilerneratigut Namminersornerullutik Oqartussat kommunillu inissianik allaffissornikkut aqutsisussamik avataaniit atorfinitsitsisimasut nakkutilliisussaataanerata aaqqissorneqarnissaa aalajangersarneqarpoq. Namminersornerullutik Oqartussat kommuniluunniit inissianik allaffissornikkut aqutsisussamik avataaniit atorfinitsitsisimasoq nakkutilliisussaataanerminnik naammassinnissinnaapput, allaffissornikkut aqutsisup kukkunersiuisuanik inissianik allaffissornikkut aqutsisup suliassaminik Inatsisartut peqqussutaat manna aalajangersakkallu peqqussut tunngavigalugu suliarineqarsimasut naapertorlugit isumaginninneranut nalunaarusiortitsinikkut. Tamatumuunali Namminersornerullutik Oqartussat kommunilluunniit kukkunernut sumiginnaanernullu, allaffissornikkut aqutsisup avataaniit atorfinitsinneqarsimasup piliarisaanut akisussaaffeqarnerat peerneqanngilaq."

Peqqussutissatut siunnersuutip aappassaaneerneqarnerani imm. 3-ip allannguutissaatut siunnersuut Naalakkersuisut saqqummiuppaat, taannalu tassaavoq oqaasertaliineq akuerineqartog imaattoq:

"Imm. 3-mi erseqqissarneqarpoq, Namminersornerullutik Oqartussat kommunillu nakkutilliisussaannermut pisussaaffiup ilaa, najugaqatigiiffiup aningaasaqarneranut tunngasoq, piginnaatitsinikkut illup allaffissornikkut aqutsisuata kukkunerisiuisuanut isumagineqartussannortinneqarsinnaasoq, taanna nalunaarummik suliaqartussannorlugi, illumik allaffissornikkut aqutsisup suliani Inatsisartut peqqussutaat manna aalajangersakkallu peqqussut manna naapertorlugi suliarineqartut naapertorlugit suliarigai. Aalajangersakkap taamaalilluni siunertaraa, kukkunerisiuisup aningaasaqarnermut tunngatillugu nakkutilliineq isumagigaa, kisiannili imm. 1 malillugu nakkutilliinerup sinnera illumik piginnittup isumagisarigaa, tamannalu ingerlaavartumik nakkutiginninnikkut pisoq aamma attartortuniit maalaarutiniq tigusaqartarnikkut pisoq."

Taamaalilluni pineqartog tassaavoq attartortitsisup pisortat inissiaataannik attartortittakkanik aqutsinermi inissianik attartortitsisarneq pillugu Inatsisartut peqqussutaata malinneqarneranut akisussaasuunera, attartortitsisullu suliani pineqartuni inatsiseqartitsinermik atuineq, matumani malittarisassat qanoq paasineqarnissaannik nassuiaaneq ilanngullugu eqqarsaatigalugu, pilugu naalakkiiutaanik inissianik avataanit aqutsisup malinnittussaunera.

Taamaattumik pineqartog aamma tassaavoq Inissiaatileqatigiiffiup suliaassanik suliarinnissimanera, kommunip akisussaaffigisaanik kommunillu naalakkiiunera malillugu, aamma tak. kommunip Inissiaatileqatigiiffiullu aqutsineq pillugu isumaqatigiissutaanni imm. 2.2:

"Ingerlatseqatigiiffiup aqutsinera qaqugukkulluunniit inatsisinut, aqutsinermi ileqqorissaarnermut, piginnittup ilitersuutaanut naapertuuttumik kiisalu attartortumut pissuserissaarnerup pilersinnissaa attatiinnarnissaalu immikkut eqqarsaatigalugu ingerlanneqassaaq."

Kommuni tassaavoq inissianik aqutsinermi kukkussutigineqarsimasut eqqarsaatigalugit attartortumut akisussaasuusoq, kommunillu pissutsit malittarisassanut atuuttunut naapertuutinnigitsut malugigunigit eqqortumik aqutsisoqarnissaanik kukkunerillu aaqqinneqarnissaannik Inissiaatileqatigiiffimmut naalakkiiisoqarnissaanut akisussaasuusoq.

Tamanna, K Kommunip suliap ingerlanerani Inissiaatileqatigiiffiup iliuusaa-nik ilisimatinnegartarsimanera Inissiaatileqatigiiffiullu kommunimut ilaatigut siunnersuisuusimanera isiginiarlugit isumaqarpunga kommuni tassaasoq F-

6. Suliát nalinginnaasumik soqutiginaatillit, inatsiseqartitsiffiusunut agguataakkat

imut ineqarnermut tapiissutinik tunniussineq pillugu apeqqutip kukkusumik suliarineqarnera pillugu isornartorsiorneqartussa, A/S Inissiaatileqatigiiffik INI-llu siunnersuinerá kommuniþ imaaliallaannaq tunngaviginiarsinnaasimannngikkaa.

5. A-p attartornerata atorunnaarsinneqarnera

A-p attartornera A/S Inissiaatileqatigiiffik INI-p 13. november 2007-imi atorunnaarsissimavaa, akiliisoqarnissaanik þiumasaqaatip 20. oktober 2007-imeersup malinneqarsimannnginnera innersuussutigalugu.

Þiumasaqaammi tassani ineqarnermut tapiissutit þisassarinaqit tiguneqarsimasut naatsorsuutitut kukkusumik ilanngunneqarsimasut kisimik þineqanngimmata, aammali oktoberip qaammataani ineqarnermut akiliutit ilaammata, A-llu ineqarnermut tapiissutisarnissaanik kingusinnerusukku akuersissuteqarnermi ineqarnermut qaammammut akiliutit tamakkiisumik matussuserneqarsimannngimmata attartornerup atorunnaarsinneqarnera pillugu suliaq K Kommuniþ suliareqqissagaa inassuteqaatigissallugu naammattumik tunngavissaqarnanga isumaqarpunga.

6. Naggasiutaasumik oqaaseqaatikka

Kommuniþ utertillugit akileqqusaanik akiliisitsiniarnermik suliap suliareqqinneqarnissaanik inassuteqaatinnut kommuniþ akissuteqarnissaa utaqqimaarpara, A-li eqqarsaatigalugu suliámi annertunerusumik iliuuseqaqqissananga.

Inissianik attartortitsisarneq pillugu Inatsisartut þeqqussutaanni § 58, imm. 5-imi kukkuneq pillugu nalunaarutinnut Naalakkersuisut akissuteqarnissaat aammattaaq utaqqimaarpara."

Isumaqatigiissutit (overenskomster) atorfinitsitsinermilu isumaqatigiissutit

6.2 Þeqqinnissaqarfimmi atorfeqartitaanerup unitsinneqarneranut atatillugu suliámi þissusiviusut taakkulu inatsiseqartitsinikkut suusilerneqarneranni kukkunerit erseqqarluttullu. Þisinnatitaaner- mi amigaatit pillugit apeqqutit aamma ilanngullugit

Þeqqinnissaqarfimmi oqartussaasut kattuffiup F-ip ilaasortaasa ilaat A napparsimmavimmi atorfimmit soraarniuteqarnerminik akuerineqarsimasoq soraarniutiminilli tamatuma kingornatigut tunuartitsiniarsimasoq atorfeqartitaanermilu ingerlaqqinnissaanik kissaateqarsimasoq eqqarsaatigalugu suliámi suliarinninnerat F-ip naammagittaalliutigaa.

Ombudsmandi A-p soraarniumminik tunuartitsiumalluni qinnuteqaataata napparsimmavimmit suliarineqarnera eqqarsaatigalugu isornartorsiuilluni oqaaseqaateqarpoq, tassami A-p atorfeqartitaanerata ingerlaannartinnissaa napparsimmaviup siunertarisimaneraa imaluunniit atorfeqartitaanerup unitsinneqarnera napparsimmaviup aalajangiuisimasimaneraa napparsimmaviullu A atorfimmi nutaami tamatuma kingornatigut atorfinitseqqinniaraa napparsimmaviup erseqqissumik oqaatigisimanngimmagu.

Tamatuma saniatigut napparsimmaviup A-p atorfeqartitaanerata ingerlaqqinnissaanik atorfinitseqqinnissaanilluunniit A-p napparsimmavimik suleqateqarnerminik pitsaanerulersitsinissaa piumasaqaatigalugu naammattumik misissueqqaarani neqerooruteqarsimanera Ombudsmandip isornartorsiorlugu oqaaseqaateqarfigaa. Aalajangiinermut atatilugu inatsisinik unioqutitsisunik piumasaqaateqarneq kukkunerusoq isorisarialik.

A-p atorfimmuut napparsimmaviup nutaamik qinnuteqaqqusilluni ilitser-suinera tunngavigalugu qinnuteqaqqinneranik suliarinninnermut atatilugu napparsimmaviup kukkussuteqarsimanera Ombudsmandip aamma isornartorsiorpaa.

Ombudsmandip tamatuma saniatigut peqqinnissaqarfimmi sulisoqarnermik aqutsinermi pisinnaatitaaneq pillugu paasissutissat imminnut assortuuttut tunngavigalugit inassuteqaatigaa napparsimmavik A-p soraarniumminik tunuartitsiumalluni kissaatigisaata aalajangiiviginissaanut imaluunniit A-p napparsimmavimmi nutaamik atorfinitinneqarnissaata aalajangiiviginissaanut pisinnaatitaasimansoq Peqqissutsimut Naalakkersuisoqarfiup isummerfigissagaa.

Peqqinnissaqarfik taamatut pisinnaatitaasoq Naalakkersuisoqarfik isumaqarpat Ombudsmandip tamatumunnga peqatigitillugu inassuteqaatigaa suliaq una Naalakkersuisoqarfiup oqartussaasutut qulliunerusutut suliareqqissagaa, napparsimmaviup kukkussutigisimasaasa naqqinneqarnissaat siunertaralugu.

Napparsimmavik suliatigut pisariaqarneratut pisinnaatitaasimanngitsoq Naalakkersuisoqarfik isumaqarpat Ombudsmandip tamatumunnga peqatigitillugu inassuteqaatigaa suliaq Naalakkersuisoqarfiup suliarissagaa,

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

atuussinnaassuseqartumik eqqortumillu aalajangiinissaq siunertaralugu.

Ombudsmandip Naalackersuisoqarfik aammattaaq qinnuigaa peqqinnissaqarfimmi sulisunik aqutsinermi pisinnaatitaaneq pillugu malittarisasat atuuttut erseqqissarneqarnissaannut allanngortinneqarnissaannulluunniit tunngavissaqarnerisooq ataatsimut nalileeqqullugu (j.nr. 2008-310-0001).

Kalaallit Nunaanni Namminersornerullutik Oqartussani Aqutsinermut Pisortaqarfiup A allakkatigut 1. oktober 2002-meersutigut nalunaarfigaa peqqissaasutut 16. september 2002 aallarnerfigalugu atuutilersumik atorfinitsinneqartoq, napparsimmavimmi X-imiittumi inissisimagallartussatut.

Pineqartoq tassaavoq isumaqatigiissut (overenskomst) tunngavigalugu atorfinitsitsineq.

A-p peqqissaasutut atorfinitsinneqarnissani Y-mi napparsimmavimmi 21. november 2004-mi qinnuteqaatigaa.

Aqutsinermut Pisortaqarfik allakkatigut 13. december 2004-meersutigut aalajangiivoq A Y-mi napparsimmavimmi ...-tut piffissami 15. januar 2005-imit 14. juni 2005-imut inissinneqassasoq, atorfinitsitaanermi atugassarititaasut allannguuteqartinnagit.

A-p 2006-imi januarip naanerani soraarnissani allakkatigut 10. januar 2006-meersutigut qinnutigaa. Qinnuteqaat taanna napparsimmaviup Sulisoqarnermut Pisortaqarfimmut 11. januar 2006-imi ingerlateqqillugu nassiuppaa, soraarniuteqarnerup suliamut allamut nuunneqarnissaq siunertaralugu tunniunneqarsimane-ra paasissutissiisutigalugu.

Sulisoqarnermut Pisortaqarfiup A allakkatigut 23. januar 2006-imeersutigut nalunaarfigaa qinnuteqarnermigut X-imi suliamut 1. februar 2006 aallarnerfigalugu nuutsinneqartoq, atorfinitsitaanermi atugassarititaasut allanngortinnagit.

A-p 31. maj 2006 aallarnerfigalugu soraarnissani allakkatigut 30. april 2006-meersutigut qinnuteqaatigaa. Qinnuteqaat taanna Peqqinnissaqarfiup Sinerissami Aqutsisoqarfiata Sulisoqarnermut Pisortaqarfimmut 3. maj 2006-imi ingerlateqqillugu nassiuppaa. Z-imi atorfimmi 1. juni 2006 aallarnerfigalugu atorfinitsinneqarnissani A-p taamatutaaq 3. maj 2006-imi qinnuteqaatigaa.

A-p soraarnissaminik qinnuteqaataa akueralugu Sulisoqarnermut Pisortaqarfiup 9. maj 2006-imi nalunaarutigaa.

Sulisoqarnermut Pisortaqarfiup A 29. juni 2009-mi nalunaarfigaa Z-imi atorfeqartitaanermut 1. juni 2006-imi atuutilersumik nuutsinneqartoq, atorfinitsitaanermi atugassarititaasut allanngortinnagit.

A-p 2007-imi majip qaammataata naanerani qaammatini pingasuni sulinngiffeqarallarnissani Z-imi napparsimmavimmut 12. april 2007-imi qinnuteqaatigaa.

Napparsimmaviup A 16. april 2007-imi imatut akivaa:

"Pisortaqatigiinni ullumikkut ataatsimiinnermi oqaluuserereerlugu aalajangerpugut sulinngiffeqarallarnissamik akuersivinnginnitsinni illit taartissannik ujarleqqaarniarluta.

...-mik next-jobgreenland aqutigalugu pissarsiorniarpunga.

Neriuppunga ... 1. juni aallarnerfigalugu sulilersinnaassasoq - taamaangippat aatsaat 1. juli 2007-imi atorfinitsitsinnaavugut.

Qulaani taaneqartut apeqqutaatillugit qaammatini pingasuni sulinngiffeqarallarsinnaanerit neriorsuutiginiarparput." (Atorfeqarfimmi nutsigaavoq)

A-p sulinngiffeqarallarnissamik qinnuteqaataa napparsimmaviup 9. maj 2007-imi itigartitsissutigaa, napparsimmaviup taartaasussamik nassaarsinnaannginnera innersuussutigalugu.

A napparsimmavimmut 29. maj 2007-imi imatut allappoq:

"Hej (...)

Maji naaleriarmat sumut killittoqarnerani paasiniaaqqippunga. Paasitinnikuugamma nextjobgreenlandimi taartissarsiorniarlutit taamanili orlovimik qinnuteqarama. Hjemesidea alakkallattaarakku, allassimasoqarneq ajormat eqqumiigigakku apereqqip-pakkit."

E-maili taanna napparsimmaviup imatut akivaa (akissutip ullua suliami takuneqarsinnaanngilaq):

"Tassa ilimagaara alakkartarsimassagit.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Vikarimik qinnuteqarnikuuvugut sidste fristealu 15. maj, maanilu nerrivimmiittoqarnikuugami arlalinnik qinnuteqartunik. [Sinerissami Aqutsisoqarfillu] isumaqatigiissuti-giinnaratsigu taakku naammagiinnassallugit.

Arlalinnik nextjobgreenlandimiittoqarnissaa kajungerineqarneq ajormat (aamma).

Ajoraluartumillu taakku tigungmiakka pisinnaajunnaaramik assigiinngitsunik pissuteqarlutik, allallu piffissaq alla maaniikkusullutik.

Taamaattumik uani kingullermi [Sinerissami Aqutsisoqarfik] piumaffiginikuuara (-galuarpara) nextjobgreenlandimut iliseqqullugu, sulili iluatsitsinanga, -nata. Kingullermik ippassaq (aamma sapaatik akunneranni kingullermi) allaffigisaqattaarpara "haste"-mik iliseqqullugit, maji naatinnagu!

31. maj qinnuteqartoqanngippat ilimagisariaqassavarput 1. juli aamma orloversinnaannginnerit, neriunnarniarta qinnuteqartoqassasoq."

Napparsimmavik A-mut 26. juli 2007-imi imatut allappoq:

"Asasara A

Sulinngiffeqarallarumallutit kissaatigisat maani nakorsaanitsinnut aamma pisortamut (...) -mut oqaloqatiginnissutigaaara.

Ajoraluartumik nalunaarutigisariaqarpara sulinnngiffeqarallarnissat akuerisinnaanngikkipput.

Tamatununga tunngavilersuutaasut ukuupput:

Taartaasussamik nassaarsinnaasimangilagut.

Napparsimmaviup massakut sulisoqarniarnera pitsaanngilaq. (...) -nik pissarsiniarneq ajornakusoorpoq." (Atorfeqarfimmi nutsigaavoq)

A Z-imi napparsimmaviup pisortamut 31. juli 2007-imi imatut allappoq:

"Sulinngiffeqarallarnissara 12. april 2007-imi qinnutigigakku, tamannalu 26. juli 2007-ip tungaanut ajornarmat ...-tut atorfinnit 1. september 2007 aallarnerfigalugu soaraarniuteqarpunga.

Qaangiuttoorneriassama sinneri 1. september nallertinnagu tigorussuppakka." (Atorfeqarfimmi nutsigaavoq)

A-p soraarumalluni qinnuteqaataa assammik allatakkut napparsimmavimmit akuerineqartutut nalunaarneqarsimavoq.

Peqqissutsimut Pisortaqarfik A-mut 9. august 2007-imi imatut allappoq:

"Allakkavit 31. juli 2007-imeersut Z-imi napparsimmavimmi atorfinnit 31. august 2007-imi ulloq kingulleq akissarsiffissaralugulu suliffigisassatut soraarniutaasut tigu-neqarnerat Kalaallit Nunaanni Namminersornerullutik Oqartussat matumuuna up-
pernarsarpaat.

(..)" (Atorfeqarfimmi nutsigaavoq)

Pisortaqarfiup allagai (...)-mit atsiorneqarsimapput.

Suliami allagaatini oqartussaasunit tigusanni allagaat tulleeq tassaavoq Z-imi napparsimmaviup pisortaata Sinerissami Aqutsisoqarfimmut e-mailiata 27. august 2007-imi nassiuqqarsimasup naqitanngortinneqarnera imaattoq:

"A-p taartaagallartutut atorfimmi qaammatini pingasuni misiligummik atorfinitsinneqarnissaa eqqarsaatigaarput.

Taamaattumik sulisussarsiarineqarnermi tapit annaassavai.

Kisianni piffissaq misiliiviusoq naappat atorfinitsinneqarnissaalu aalajangiukkutsigu taakku qaammatinut pingasunut kingormoortumik akissarsiami qaavatigut pisinnaagai oqarfigisinnaavarput?" (Atorfeqarfimmi nutsigaavoq)

Z-imi napparsimmaviup A-mut allagai 28. august 2007-imeersut imaattut allagaatini ilaapput:

"Atorfinitsitsineq pillugu isumaqatigiissut

Soraarniutivit tunuartinnissaanik kissaatigisat pisortaqatigiinni oqaluuseraarput, aalajangerlutalu piffissami atorfeqarfigisassani tunaartarisassat imaattut aalajangersarniarlugit:

- Suleqatitit (...), (...), (...) minnerunngitsumillu napparsimmavimmi suleqatit ataatsimut isigalugit eqqarsaatigalugit suleqatiginninnerit ilorraap tungaanut ineriartortisagit,
- isumannik saqqummiussisarnerit eqqarsaatigalugu naleqassutsimik tungaveqarnerit suliarissagit, allallu suliaq pillugu allaasumik isummersinnaanerat ataqqissagit,

6. Suliat nalinginnaasumik soqutiginaatillit, inatsiseqartitsiffiusunut agguataakkat

- allat qanoq saqqummiussinerannik oqarnerannillu tusarnaarnej ilinniassagit,
- napparsimmavimmi suliassat, assersuutigalugu paarlagaattarneq, eqqarsaatigalugit eqaannerusumik periaaseqassasutit,
- illit - suleqatit allat pisarnerattut - pisariaqalerfiani pigaartuusarneq eqqarsaatigalugu eqaannerusumik periaaseqassasutit.

Naatsorsuutigaarput siunissami pissutsit qulaani taaneqartut eqqumaffigissagit. Tamatumunnga atatillugu pisariaqalerfiatigut immikkoortorta qarfimmi peqqissaasoq ingerlaavartumik ikiortigisinnaavat.

Ajornartorsiutit qulaani taaneqartut aallaavigalugit aalajangerpugut taartaagallartut atorfimmi qaammatini pingasuni atorfinitsinniarlutit, atorfeqarnerpillu ingerlasimaneera qaammatit pingasut taakku naannginneranni illit ataatigullu atsiortunga peqatigiilluta naliliiffigissavarput.

Aalajangersimasumik atorfinitsitsisinnaaneq naliliilluni ataatsimiinnermi isumaqatigiissutigiumaarparput.

Inuulluaqqusilluta

(...)

(...)

Distriktimi nakorsaaneq

Pisortaq

Ingerlatsinermi pisortaq

Peqqissaasoq

(...)

A" (Atorfeqarfimmi nuutsigaavoq)

F-ip Sinerissami Aqutsisoqarfik 29. august 2007-imi qinnuigaa atorfinitsitsinermi isumaqatigiissut qulaani issuarneqartoq pillugu ataatsimeeqatigiumallugu.

Sinerissami Aqutsisoqarfik e-mailkkut ulloq taanna imatut akivoq:

"A pillugu sivikitsumik oqaloqatiginnilaarpunga - (...) -llu neqeroorutigaa nammineq oqaluullutillu nassuiaanniarlutit, (...) oqarasuaatikkut aamma peqataatillugu - taakkuuppummi oqaloqatigiissimasut.

Uannimmi ataatsimeeqateqarneq periaatsimuinnaq tunngasuummat, ataatsimiinnerulli imarisaa siunertaalu ilissi Z-imi nassuiarsinnaalluarnerullugu - uanga oqarasuaatikkut aamma peqataasinnaavunga.

Qanoq isumaqarpit?" (Atorfeqarfimmi nutsigaavoq)

F taamatutaaq 29. august 2007-imi imatut akivoq:

"(...)p (...)lluunniit misigissuseqarpalaartumik kinaassusersiortumillu nassuiaaterpassuisa tusarnissaat pisariaqartinnigilara, taakkumi soorunalimi namminnerluinnaq paasinnissimapput, aamma taamaaliorsinnaalluarput. Atorfinitsitsinermili periaaseqarneq/inatsisilerineq eqqarsaatigalugu tunngaviit arlallit malinneqartussaapput, tassani-lumiuna ajornartorsiuterujussuaq takugiga. Tunngaviit/pisinnaatitaaffiit pisussaaffiillu taakku illua'tungeriiusunit isumaqatigiinniutigineqarsimapput, ilaatigullu isumaqatigiissutini (overenskomster) nassaassaallutik. Atorfinitsitsineq pillugu isumaqatigiissut (atorfinitsitsinermi allakkat) oqartussaasumit taamaaliornissamut pisinnaatitaasumit, pisumi matumani Sinerissami Aqutsisoqarfimmit, suliarineqarpata isumaqatigiissutini taakkunani akissarsiat, atorfinitsitsinermi atugassarititaasut il.il., imaangitsoq pissut-sit inummut namminermut tunngasut A-mut allakkanisut ittut, allassimasussaapput. Peqqissaasut taartaagallartutut misiligutaasumik atorfinitsinneqartassasut peqqissaasunut isumaqatigiissummi aamma takuneqarsinnaangilaq.

F-ip sulianut atatillugu kattuffittut "atorfinitsitsineq pillugu isumaqatigiissutit"-nik taaneqartunik, pissusilersornernut, pissutsinut inummut namminermut tunngasunut, taartaagallartumik piffissami aalajangersimasumi atorfinitsitsinernut il.il. tunngasunik imaqartut suliarineqartarnissaat akuerisinnaangilaa.

Z-imi napparsimmavimmi pisortaqatigiit marlunnik periarfissaqarput, A atugassarititaasut nalinginnaasut tunngavigalugit inassuteqaatigissallugu imaluunniit taamaaliunginnissaq toqqassallugu.

Atagu oqaloqatigiilaariarta." (Atorfeqarfimmi nutsigaavoq)

Z-imi napparsimmavik A-mut 30. august 2007-imi imatut allappoq:

"Isumaqatigiissut pillugu allakkat

Sinerissami Aqutsisoqarfik suliamik ilinnut tunngasumik F-imut oqaloqatiginnissimasoq oqaloqatigaarput.

"Atorfinitsitsineq pillugu isumaqatigiissut" 28. august 2007-imi ullulernerqarsimasoq tunuartinniarparput.

Nutaamik atorfinitsitsisoqassappat nutaamik qinnuteqartoqarnissaa piumasaqataavoq." (Atorfeqarfimmi nutsigaavoq)

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

A-p Z-imi napparsimmaviani atorfik e-mailikkut 31. august 2007-imeersukkut qinnuteqaatigaa.

Qinnuteqaateqarneq napparsimmaviup 3. september 2007-imi imatut akivaa:

"Qinnuteqaatit 31. august 2007-imeersoq pillugu

Nalunaarfigisinnaavatsigit (...) -tut atorfimmik qinnuteqaateqarnissamut piffissaliussaq 28. august 2007-imi naasimammat.

Qinnuteqaatit kingusinaartumik takkussimammat atorfinitsinneqassanngilatit." (A-
torfeqarfimmi nutsigaavoq)

Peqqissutsimut Pisortaqarfik Z-imi napparsimmavimmut 11. september 2007-
imi imatut allappoq:

"Napparsimmaviup A-mut allagaasa 3. september 2007-imi ullulernerqarsimasut assili-
nerat Sinerissami Aqutsisoqarfiup tiguua, tassanilu (...) -tut atorfimmut qinnuteqaat
itigartinneqarpoq, qinnuteqarnissamut piffissaliussap naasimanera tunngavilersuuti-
galugu.

Massakkut sulisoqarnikkut pissutsit tunngavigalugit, atorfillu immikkut ittoq soorlu
immikkoortortaqarfimmi (...) -tut atorfik, angerlarsimaffinni peqqissaasutut atorfik as-
sigisaalluunniit, pineqanngimmat qinnuteqarnissamut piffissaliussap naasimanerata
tunngavilersuutitut atornissaa ajornakusoortuuvoq, tassami napparsimmavik (...) -nik
suli amigaateqarmat.

Sinerissami Aqutsisoqarfiup napparsimmavimmut inassuteqaatigaa A tunngavilersu-
gaasumik itigartinneqassasoq, tassami itigartitsinermut pissutaarpiartoq Sinerissami
Aqutsisoqarfiup ilisimatinneqarnera malillugu tassaammat suleqatigiinnermi ajornar-
torsiuutit. Itigartitsinermut tunngavilersuuterpiaasoq nalunaarutigineqanngippat A tul-
lianik qinnuteqarnissamut piffissaliussap naannginnerani qinnuteqaammik nassiusseq-
qippat napparsimmaviup atorfinitsittariaqassavaa." (Atorfeqarfimmi nutsigaavoq)

Z-imi napparsimmavik A-mut 17. september 2007-imi imatut allappoq:

"Qinnuteqaativit 30. august 2007-imeersup itigartinneqarnera pillugu

Qinnuteqaativit itigartinneqarnera annertunerusumik tunngavilersussagippat Sineris-
sami Aqutsisoqarfiup kissaatigaa. Illit suleqatillu kiisalu pisortaqatigiit/pisortap akun-
nissinni suleqatigiinnermi ajornartorsiuteqalertarneq misilittagaqarfigaarput, taamaat-
tumillu (...) -tut atorfinitsinnissat kissaatiginngilarput.

Taamaalilluni atorfinitsinneqannginnissannut tunngavilersuut tassaavoq napparsimmaviup ingerlanneqarnerata isiginiarneqarnera." (Atorfeqarfimmi nutsigaavoq)

A-p e-maili imaattoq Peqqissutsimut Pisortaarfimmi (...) -mut taamatuttaaq 17. september 2007-imi nassiuppaa:

"Hej (...)

Z-imi napparsimmavimmi (...) -tut atorfinitsitsineq pillugu suliamik ingerlataqarpunga, sulilu tusagaqarnanga.

Qulaani taaneqartut pillugit piaarnerpaamik oqaloqatigerusuttorujussuakkit.

(...)" (Atorfeqarfimmi nutsigaavoq)

A-p e-mail nutaaq imaattoq (...) -mut 18. september 2007-imi nassiuppaa:

"Sinerissami Aqutsisoqarfiup ilisimasariaqaaganik arlalinnik oqaloqatigerusuppakkit.

Soorlu nalunnigkit 1. september aallarnerfigalugu soraarpunga. Soraarnutigalu tunuartinnisarsisimavara. Soraarnutigalu tunuartissinnaannginnakku nutamik qinnuteqarnisarsisimavunga, itigartinneqarlungalu il.il.

Z-imi napparsimmavimmi pisortaqtigiit allagaat tigusakka kingullit 17. septembi-meersuupput (ippassameersuupput), tassami itigartitsinermut tunngavilersueqqullugit qinnuigineqarsimagamik.

Uanga nammineq isumaqarpunga tunngavilersuut assut qalliinnarsiortuusooq. Itisilernerusumik tunngavilersuisoqarnissaa kissaatigaara. Assilnera Sinerissami Aqutsisoqarfimmut aamma nassiunneqarsimanngilaq.

Aamma isumaqarpunga tunngavilersuut allannortinneqarsimasooq, tassami itigartissut kingulleq tigusara pisortap tunngavilersorsimammagu qinnuteqaatiga kingusi-naarluni takkussimasooq, taamaattumillu atorfinitsinneqassanngitsunga. Paasinngisara unaavoq isumaqarama kisima Z-imi Napparsimmavimmut qinnuteqartuusimasunga, tassami atorfik nextjobgreenlandikkut allagarsiuteqqimmassuk.

Nassuerutigisariaqarpara suleqat ataaseq suleqatigiinnikkut ajornartorsiuteqarfigisimagiga. Pineqartorli sulinermi ajornartorsiutit pillugit marlussoriarlunga oqaloqatiginiarsisarsisimavara. Tamannali angusaqarfiusimanngisaannarpoq. Pineqartoq taamaallaat inuttut tunngasutigut saassussilluni akisarpoq. Taamaattumik pisortamut (immikkoortortaarfimmi (...) -nut marlunnut assigiinngitsunut) aamma pisortaqtigiinnut (pisortanut distriktimilu nakorsaanermut) saqqummiuttarsimavara. Suliaq iliuseqarfi-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

gineqarsimanngitsoq misigisimavunga, soorlu suna nipangiussimaqquneqartoq. Pisortaqatigiit arlaleriarlunga aperisarpaannga pitsaanerulersitsiniarluni qanoq iliortoqarsinnaanersoq siunnersuuteqarsinnaanersunga. Qanoq iliussallunga naluara, taamaattu-millu pisortaqatigiit ornillugit oqarlunga, tassami qanoq iliussanerlunga nalugakku. Tassanngalu anivunga angusaqarnanga.

Aamma nassuerutigisariaqarpara pisortaq/pisortaqatigiit ajornartorsiutigigikka. Isu-maqarpunga tamanna aallartittoq (...) -tut sulinerma nalaani tapit sorsuutigigakkit, taan-nalu arlaleriarlunga saqqummiuttarsimavara. Tamatigut itigartinneqartarlunga. Suliar-lu sinniisutsinnut saaffiginninnikkut inaarneqarpoq. Suliarlu pisortaqatigiinnut inaar-sarlugu.

Z-imi napparsimmavimmut pigattali ajortumik ingerlasorpassuit Sinerissami Aqut-sisoqarfiup paasisariaqagai allaaserisinnaavakka.

- Z-imut nuuttussanngoratta utaqqiisaagallartumik inaateqanngitsut paasitinneqar-pugut. Taamaattumik uima suliffia aqutigalugu inissarsiortariaqarsimavugut, tassun-galu piffissarujussuaq atorsimallugu. Ineqarnerpullu nammineq akilertussaavarput, tamannalu piffissap ingerlanerani paasivarput. Atorfinitsitsinermi sulisunut inissiamik pissarsinissatta tungaanut utaqqiisaagallartumik ineqarsinnaatitaagaluarpunga uagut akiligassarinningsatsinnik. Tamanna kattuffik attaveqarfigigatsigu aaqinneqarpoq, aningaasallu ullormit maanga tikinnitsinnit kingumoortumik utertillugit tiguavut.

- (...) -tut atorfik pivara, 8-16 sulisarlunga sapaatillu akunnerisa naaneri tamaasa freer-tartussaallunga. Tamanna kingusinnerusukkut allanngortinneqarpoq (atorfinitsinne-qannginninni pisortaaqallartoq amerlasoorpassuarnit sianerfigineqartarsimavoq) taa-maakkaluartorli immikkoortorta qarfirmi aallartittussaasimavunga, tassami (...) -t ami-gaatigineqarmata. Taamaaliorpungalu, aamma sapaatit akunnerisa naaneri allortarlugit pigaartuusarlunga. Taavalu (...) -ik ingerlatsineq aallartippoq. 1. september 2006-ip tungaanoortussaavoq. Septemperi aallartippoq, uanga sussanersunga pisortaqatigiinnit tusagaqanngilanga, qanoq inissisimanerlunga paasiniarlugu nammineq orniguttaria-qarpunga. Taava 1. december 2006-ip tungaanut kiisalu 31. decemberip tungaanut si-vitsorneqarpoq. Suliarujussuarmut tapeqartinneqarnissara piumasaaqatigilerpara. (...) -tut ilinniarsimasumik suli qinnuteqartoqarsimannngilaq. Immikkoortorta qarfirmi (...) -put napparsimalerpoq. Taava (...) -mik ingerlatsineq 1. februar 2007-imit paarlagaalluta ingerlatilerparput, uangalumi (...) -nik inniminniineq aamma akisussaaffigalugu, naak naaggaaraluartunga (pissinnaatitaanerma avataaniimmat).

- (...) -mi atorfinitsinneqaramali nakorsiartarfirmi suleqatiga suliatigut ajornartorsiuti-gisimavara, tamannalu pineqartumut oqaloqatiginnissutigaa, aaqqiissutissamillu pe-qatigiilluta nassaarsinnaannginnatta immikkoortorta qarfirmi (...) arlaleriarlunga oqa-loqatigaara. Misigisimavunga tamanna malitseqartinneqarsimanngitsoq. Nalunngilara uangaannaanngitsoq taamatut misigisimasoq. Tamanna immikkoortorta qarfirmi (...) -

mut kiisalu pisortamit distriktimilu nakorsaanermut nipituumik oqaatigissallugu qunugisimangilara. Suleqatima allat qinnuigisimagaluarpaannga isumartik ingerlateqqeq-qullugu, naaggaarpakkali taakku namminneq suleqat pillugu pakatsissutigisaminnik pisortaqtigiinnut saqqummiussisinnaammata. Misigisara tassaavoq suleqatima (...) tamanna pisortaqtigiinnut oqaloqatiginnissutigissallugu qunugigaat. Massakkullu misigisimavunga uanga pisortaqtigiinnut ajornartorsiuterujussuusunga, paqumigineqartut pillugit isumaga anittarakku. Nalunngilluinnarparalu uagut inuit assigiinngitsorujussuusinnaasugut, tamannali sulianik ingerlatsinermut ajoqutaassappat inunnullu ataasiakkaanut tutsinneqartalissappat ajortumik naggateqartussaavoq. Tamannaluuna uanga qimakkusukkaluariga suliffimmilu avatangiisit pitsaasut atulersillugit.

- Oqaatigerusutara aamma tassa kikkut tamarmik assigiimmik pineqarnissaat eqaatsuumissarlu. Uanga ullukkorsiortutut, unnukkorsiortutut unnuarsiortutullu sooq pigartuujuartassaanga pisortaq (...) -mut isumaqtigiissuteqarsinnaappat ataasinngornermit tallimangornermut ullormut nal. akunnerini arfineq pingasuinnarni sulisassasoq sapaatillu akunnerisa naanerini sulisassanngitsoq? (...) -lu sapaatit akunnerisa naanerini pigartuusimagaangami ullukkorsiuinartassasoq? Tamanna assigiimmik pinninnerua? Assigiinngisitsivigineqarlunga misigisimavunga. Tamanna naapertuilluanngitsumik pinninneruvoq. Naaggaarninnut pissutaasoq tassaavoq taamatut ingerlasoqassappat oqimaqtigiinngitsoqarnera. Killissaqartariaqarpoq, tamanut anngaaginnarani.

- (...) -nik pitsaasunik suleqateqartarsimavunga, taakku napparsimmavimmi pisortaqtigiit pissutigalugit aamma aallarsimapput. Sunamiuna ajoqutaasoq? Tamanna peqatigiilluta qanoq iliornikkut paasiniassavarput? Nalunngilara ajornartorsiutip taama angitigisup allanngortinnissaa ajornakusoortuusoq. Ikiortissamik sumi nassaartoqarsinnaava il.il.? Kina tulliuulluni aallassava?

- Naggataatigut misigisimavunga qinnngasaaruttarneq ingutsisarnerlu ajornartorsiuterujussuusut. Tamanna immikkoortortaqarfimmi (...) -mut pisortamullu arlaleriarlunga oqaatiginnissutigisarsimavara. Tamannali iliuuseqarfigineqarpa? Naagga. Qanoq iliusaanga? Sumi ikiortissarsiusaanga?

(...), nalunngilara oqaatigisakka ilinnut amerlaqisut, misigisimavungalu tamakku anittariaqarlugit. Pisortaqtigiit suliaq pillugu uannut qanoq iliorlunga paasinnitsisinaanerlugit naluara.

Uku atuareerukkit piaarnerpaamik tusarfigerusuppakkit." (Atorfeqarfimmi nutsigaavoq)

Peqqissutsimut Pisortaqarfimmi (...) -p oqarasuaatikkut oqaloqatigiinneq pillugu allakkiaq imaattoq 19. september 2007 -imi suliaraa:

"A ullumikkut sianerfigaara, sianerfigeqqummat.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Pissutsit atugai pillugit assigiinngitsut oqaloqatigiissutigaaavut.

A oqarpoq napparsimmaviup itigartitsissutaa paasiuminaatsikkini.

Siullermik saaffiginninnerani (...) -mik (...) -millu oqaloqateqarneq innersuussutigaaara, tunngaviusut ilaannik paasinnissinnaaneranut aqutissiuunnarlugu.

Itigartitsinerlu suli paasiuminaatsippagu qinnuigaara suleqatimi arlaat peqatigalugu (...) -mut saaffiginnissinnaanini eqqarsaatigeqqullugu." (Atorfeqarfimmi nutsigaa-voq)

F-ip naammagittaalliuutaa suliap ingerlasimanera pillugu allaaserinninnermik imaattumik imaqartoq 5. oktober 2007-imi tiguara:

"A Z-ip napparsimmavianni 1. juni 2006-imit atorfeqarsimavoq. A atorfimminit juli 2007-imi soraarniuteqarpoq nammineq uimilu aallarnissaminnik naatsorsuuteqarnini pissutigalugu. A soraarniutimi tunuartinnissaanik augustimi 2007-imi misiliivoq, piumasarineqartullu malillugit taamaaliorinnaanngikkaluarluni, soraarniutimi tiguneqarneranut uppersaammik Sinerissami Aqutsisoqarfimmit tigusaqareersimagami.

A soraarniutiminik tunuartitsinissaminut periarfissaqanngikkaluartoq atorfinitsinneqarnissamut oqaloqatigineqarnissamut/ataatsimeeqatigineqarnissamut aggeqquneqarpoq Z-ip napparsimmavianni aqutsisuusunut tamarmiusunut, ukuningga inuttaqartumut; nakorsat pisortaat (...), pisortaq (...) aamma ingerlatsinnermi pisortaq (...). Ataatsimiinnermi pissutsit assigiinngitsut oqallisigineqarput, akissarsianut atorfininnermullu piunasaqaatit assigiinngitsut aamma pisinnaatitaaffiit isumaqatigiissummi inatsisitigut tunngaviit pillugit apeqqutissaqaruni A-p sulinermini kattuffimminik sinniisuminiillu atuisimanera pillugu naammaginninnermik oqaasiinnakkut ilaatigut ilisimatinneqarsimavoq. Aqutsisut oqaatigaat piunasaqaatit aalajangersimasut, ilanngussaq 1-imit, ataatsimiinnermi tunniunneqartumit, ersersinneqartut tunngavigalugit A atorfinitsissinnaassallugu.

Taamaalilluni 28. augustimi ataatsimiinnerup, A-p ilanngussamik 1-imik tigusaqarfisaata kingornatigut F attaveqarfigissallugu A-p qinerpaa, ilanngussami 1-imi piunasaqaataasutut ersertut tunngavigalugit atorfinitsinneqarnissani toqqissisimanarinagit isumaqarami, aammattaq napparsimmavik nammineerluni piunasaqaatinik/malittarisassanik taamaattunik imminut kisimi atuuttussaasunik ilusilersuisinnaanersoq apeqquserlugu. Tamatuma malitsigisaanik Sineriammi Aqutsisoqarfimmi, sineriammi napparsimmavinni X-imilu (...) -mi ilaatigut (...) -mik atorfinitsitsisarnermut oqartussaasumik, (...) pisortaannik (...) -mik F ataatsimeeqateqarpoq. Atorfinitsitsinissamut isumaqatigiissutip (ilanngussaq 1) tunuartinneqarnissaa F-ip (...) -llu isumaqatigiissutigaat taanna kinaassusersiortuummat, piviusorsioortuunngimmat, immikkoortitsiner-

taqarmallu il.il., aamma A-p nutaamik qinnuteqaasiornissaanik napparsimmavik ilit-sersuiffiqineqarpoq, A-lu 31. augustimi taamaaliorpoq.

Tamatuma malitsigisaanik A ilanngussamik 2-mik 3. september 2007-imi tigusaqarpoq, tassanngalu uku erserlutik: ”Nalunaarfigisinnaavakkit (...) -tut atorfimmut qinnuteqaateqarnissamut piffissarititaasoq 28. augustimi 2007-imi naammat. Qinnuteqaatit kingusinaartumik takkummat atorfinitsinneqassanngilatit”. Tamatuma kingornatigut F-ip (...) -t pisortaat attaveqarfigeqqippaa, tassami (...) -nik peqqinnissaqarfinnilu sulisunik kajumissaarutigineqanngitsunik qinnuteqartut piffissaliussallu avataatigut atorfinitsinneqartarnerat periaasiusorujussuummat, tassa peqqinnissaqarfimmi atorfiit inuttassaqartinneqanngittuaannarmata.

Tamatuma kingorna napparsimmavik A-ip atorfinitsinneqarnissaanik imaluunniit tamatumunnga itigartitsinissaanik (...) -mit ilitsersoqqinneqarpoq. Itigartitsissutaassappallu tamanna soorunami tunngavilersorneqassaaq, taamaaliorpoqarporlu ilanngussami 3-mi, tassannga ukua erserlutik: ”Qinnuteqaatinnut itigartitsissutitsinnut saniatigut tunngavilersuinissarput Sinerissami Aqutsisoqarfimmit kissaatigineqarsimavoq. Illit suleqatitillu kiisalu aqutsisut/aqutsisup akunnissinni suleqatigiinnermi ajornartorsiuteqartoqartartoq misilittagaqarfigaarput, taamaattumillu ... -tut atorfinitsinneqarnissat kissaatiginagu. Atorfinitsinneqannginnissannut napparsimmaviup ingerlanneqarnerata eqqarsaatigineqarnera tassani tunngaviuvoq”.

Suliami periaatsit tamakkiisut aamma amigartumik uppersaatitaqanngitsumillu tunngavilersuineq, tassannga erserlutik A-mik suleqatigiinnermi ajornartorsiuteqartoqarpoq, tunulequtaralugit A-p taamaalilluni suliami imminut tunngasumi allagaatinik paasitinneqarnissaq qinnuteqaatigissallugu qinerpaa. Taanna ilanngussatut 4-tut ilanngullugu nassiunneqarpoq. A-p ilisimatitsissutigisinnaavaa suleqatigiinnermi ajornartorsiuteqarneragaanermut atatillugu sulinermut atatillugu oqaloqatigineqarnissamut allanulluunniit aggeqquneqarsimanngisaannarluni, isumaqarlunilu tamatuma malitsigisaanik oqimaalutaanermi taama pingaaruteqartigissappat pisoq taanna suliap ingerlanerani siusinnerujussuakkut uparuaatigineqarsimasariaqaraluartoq, maannakkullu Z-ip napparsimmaviani (...) -tut atorfiup inuttalerneqarnissaanut A-p isiginiarneqannginneranut tunngavilersuutaalerpoq.

Napparsimmaviunngitsuni aamma (...) -ni atorfiit ataasiakkaat eqqaassanngikkaanni allani suliffeqalernissaq (...) -suulluni periarfissaqarpiannngilaq. Taamaattumik itigartitsineq taanna A-p aningaasarsionissamut periarfissaanut kiisalu atorfimmini qaffakkiar-tornissaanut annertuumik assuarnartumillu sunniuteqarpoq.

Sulisoq pillugu suliami A-mut tunngasumi suliffeqarfinit allanit oqaaseqaatit ajunngilluinnartut pigineqarput. Ilaatigut (...) -mit, A-p ukiuni pingasuni suliffigisimasaa-nit, nakorsaanerup (...) -p oqaaseqaataa kiisalu Y-p napparsimmaviani pisortamit oqaaseqaat, taassuma naggasiullugu oqaatigisimallugu taamaalluni A-p uternissaa kis-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

saatigalugu. Oqaaseqaatit assiigiissutigaaq tamarmik ajunngilluinnartumik oqariartuu-teqarmata ilaatigullu oqaluttuaralugu A (...) -soq piginnaasaqarluartoq sulinerminilu pikkorissuusooq, kisiannili Z-ip napparsimmaviani aqutsisut atorfinitsitsinissamut pingaaruteqartumik tunngavilersuutissatut taakkuninnga isiginninniannnginnissaq qin-nerpaat. Aammattaaq oqaatigineqassaaq peqqinnissaqarfinni nuna tamakkerlugu atorfeqartussanik amigaateqartoqarmat, pingaartumik (...) -t allallu suliamik taamaattumik ilinniagaqarsimasut amigaataapput.

"(...)" (Atorfeqarfimmi nutsigaavoq)

Suliamik uanga misissuina

Sulisoqarnermut Pisortaarfik 15. oktober 2007-imi imatut tusarniaavigaara:

"F-ip A-mut sinniisuusup naammagittaalliuuta 2. oktober 2007-imeersoq, assilina ilanngullugu nassiunneqartoq, tiguara.

Naammagittaalliuut imatut paasivara Z-ip napparsimmaviani (...) -tut atorfinitseqqin-neqarnissaminik qinnuteqaammi akuerineqannginneranut tunngavilersuut kiisalu suliaq tamanna sioqqullugu ingerlasimaneera A-p naammagittaalliuutiginiara.

F-ip saaffiginnissutaata misissuineramik aallartitsinermut qanoq annertutigisumik pisutissaqalersitsineranik naliliinissannut sulii tunngavissaqanngilanga. Taamaattumik Sulisoqarnermut Pisortaarfik qinnuigaara pisortaarfip mappiutaata allagaatit A-p atorfeqartitaaneranut tunngasut allaqqaarneqarnerinik imalik tamarmiusooq atukkiuteq-qullugu. Pisortaarfik aammattaaq qinnuigaara oqartussaasut allat, matumani Peqqis-sutsimut Pisortaarfik kiisalu Z-ip Napparsimmavia ilanngullugit eqqarsaatigalugit, mappiutaata allagaatinik suliamut matumunnga attuumassutilinnik imallit uannut nassiunneqarnissaat isumageqqullugu."

Sulisoqarnermut Pisortaarfip suliami allagaataasa assilineri 30. november 2007-imi tiguakka, ilisimatinneqarlungalu Sulisoqarnermut Pisortaarfip Peqqis-sutsimut Pisortaarfik qinnuigisimagaa pisortaarfip suliami allagaatai Z-i-milu Napparsimmaviup suliami allagaatai uannut nassiuteqqullugit.

Sulisoqarnermut Pisortaarfimmut 18. december 2007-imi imatut allaqippunga:

"Sulisoqarnermut Pisortaarfik allakkatigut 15. oktober 2007-imeersutigut siullermik qinnuigaara mappiutini allagaatit A-p atorfeqartitaaneranut tunngasut allaqqaarneqar-nerinik imalik tamarmiusooq nassiuteqqullugu. Pisortaarfik aammattaaq qinnuigaara oqartussaasut susassaartut allat, matumani Peqqis-sutsimut Pisortaarfik kiisalu Z-ip

napparsimmavia ilanngullugit eqqarsaatigalugit, mappiutaasa allagaatinik imallit Atorfeqarfimmut nassiunneqarnissaat isumageqqullugu.

Suliami uppersaait nassiuteqquneqartut tigunginnakkitt pisortaqarfik akissuteqaqqullugu allakkatigut 20. november 2007-imeersutigut nukingisaarpara.

Suliami allagaatit assilineri/naqitanngortinneqarneri arlallit Sulisoqarnermut Pisortaqarfimmit 30. november 2007-imi tiguakka. Taamaattumik pisortaqarfik oqarasuaattikkut 4. december 2007-imi attaveqarfigaara, pisortaqarfiullu mappiutaata allagaatit allaqqaarneqarnerinik imallip tamarmiusup nassiunneqarnissaa qinnutigeqqillugu.

Suliamik suliarinnittup pineqartup tamatumunnga atatillugu oqaatigaa pisortaqarfik sulianik qarasaasiakkut suliarinninnermut nuussimasoq, nalorninerarlugulu pisortaqarfiup suliat ingerlasut pillugit mappiutai allagaatinik imallit suli piunersut. Pineqartoq oqarpoq suliaq erseqqinnerusumik misissorniari uterfigeqqinniarlungalu.

Akissummik suli tigusaqannginnama suliaq matumuuna eqqaasitsissutigeqqippara.

Tamatumunnga atatillugu naatsorsuutigaara pisortaqarfiup suliami allagaatit taakkua allaqqaarneqarneri avataanit allakkatut takkussimasut kiisalu allagaatit suliani qarasaasiakkut suliarineqartuni pilersinneqarsimasut naqitanngortinneqarsinnaasut pillugit takkussutissiat annikinnerpaaffiatigut tigungmigai, taamaattumillu allagaatit taakku suliat qarasaasiakkut suliarineqarnerat apeqqutaatinnagu allagaatinut piumasannut ilaapput.

Peqqissutsimut Pisortaqarfiup kiisalu Z-ip napparsimmaviata mappiutai allagaatinik imallit suli tigunggilakka, taamaattumik Sulisoqarnermut Pisortaqarfik aamma qinnutigeqarpoq taakku sapinngisamik pilertornerpaamik nassiunneqarnissaat isumageqqullugu."

Allagaatit arlallit Sulisoqarnermut Pisortaqarfimmit 15. februar 2008-mi tiguakka, allakkanik imaattunik nassitsissutitallit:

"Inatsisartut Ombudsmandiata allagai 15.01.08-meersut aamma siusinnerusukkut nukingisaarutigisimasai innersuussutigalugit suliami sulisumut tunngasumi qulaani taaneqartumi pisortaqarfiit allallu mappiutaat allagaatinik imallit matumuuna nassiunneqarput:

Allagaatit taakku tassaapput:

(...)

Atorfeqarfiusimasunut taakkunangga oqaatigineqarpoq A pillugu suliami paasisutisani allanik peqanngitsoq.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Z-imi napparsimmaviup suliami allagaatai tamarmik A aqutugalugu Inatsisartut Ombudsmandiannut nassiunneqarsimasussaapput, pineqartup suliami allagaatinik tassannga paasitinneqarumalluni qinnuteqarneranut atatillugu.

Sulisoqarnermut Pisortaqarfik neriuppoq Inatsisartut Ombudsmandiata F-ip naammagittaalliutaanik suliarinneqqinnissaminut paasissutissat pisariaqartut massakkut pisi-massagai, suliamillu suliarinninnerup taama sivitsuloorutsigineqarsimanera tamatumunnga peqatigitillugu ajuusaarutigissallugu." (Atorfeqarfimmi nutsigaavoq)

Sulisoqarnermut Pisortaqarfik 20. februar 2008-mi imatut akivara:

"Sulisoqarnermut Pisortaqarfiup suliaq qulaani taaneqartoq pillugu allagai 15. februar 2008-meersut makkuninnga ilaqartinneqartut tiguakka:

- Mappit pingasut suliami allagaatinik A-p atorfeqartitaaneranut tunngasunik imallit. Tunngaviutippara pineqartut tulleriinneri malillugit tassaasut mappit allagaatinik Sulisoqarnermut Pisortaqarfiup, Peqqissutsimut Pisortaqarfiup kiisalu (...) -p suliaataannut tunngasunik imallit.

- (...) -p faxikkut nassiusaasa arlallit assilineri.

- (...) -p faxikkut nassiusaasa arlallit assilineri.

Sulisoqarnermut Pisortaqarfimmut 15. oktober 2007-imi tusarniaaqaarninni pisortaqarfik qinnuigaara oqartussaasut mappiutaat allagaatit allaqqaarneqarnerinik imallit tamarmiusut uannut nassiateqqullugit. Nassiussisoqarnissaa allakkatigut 20. november 2007-imeersutigut, 18. december 2007-imeersutigut aamma 15. januar 2008-meersutigut nukingisaarutigaa.

Allagaatit ilaat (...) -mut kiisalu (...) -mut tunngasut tassaannaapput allagaatit (faxikkut nassiusat) assilineri, tamannalu oqartussaasut mappiutaannik allagaatit allaqqaarnerinik imaqartunik tamarmiusunik nassiussequsininnut naapertuutinngilaq.

Mappip allagaatinik A-p Z-ip napparsimmaviani atorfeqartitaaneranut tunngasunik imallip Atorfeqarfimmut nassiunneqarnissaa isumageqqullugu qinnutigisara pillugu Sulisoqarnermut Pisortaqarfiup oqaatigaa:

"Z-ip napparsimmaviata allagaatai tamarmik A-p suliami allagaatinik paasitinneqarumalluni qinnuteqarneranut tassungalu atatillugu akuerineqarnerani Inatsisartut Ombudsmandiannut apuussimassapput" (Atorfeqarfimmi nutsigaavoq)

Naammagittaalliortup suliaq oqartussaasup suliami allagaataanik tunniusseqqusiffigisara pillugu allagaatinik paasitinneqarsimanera uanga qinnutigisannut attuumassute-

qanngilaq, oqartussaasorlu allagaatit allaqqaarneqarnerinik uannut nassiussinissaanut pisussaaffiarnagu.

Ingerlatsinermi oqartussaasut paasissutissanik nalunaarfigissallunga kiisalu uppernarsaatissanik allattaavinnillu atorfiga naapertorlugu piumasarisannik saqqummiussiffigissallunga pisussaaffeqarnerisa Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 7, imm. 1-ikkut aalajangersarneqarnerat suli ataasiarlunga eqqaasitsissutigeqqippara.

Oqartussaasut pisussaaffimmik taassuminnga malinninnerat Ombudsmandip nakkutiliineranut aalajangiisuusumik pingaaruteqarpoq. Suliami paasissutissat allaqqaarneqarnerisa tamarmiullutik nassiunneqarnerat tamatumunnga peqatigitillugu sukumiisu-mik nakkutiliisinnaanermut tunngaviuvoq, tamannalu ilaatigut matuminnga pissuteqarpoq, tassalu suliami uppernarsaatit allagaatillu piunasaqaatinik tamanna pillugu atuuttunik eqqortitsisuunersut naliliinissannut qularnaatsumik tunngavissaqarnissara, kiisalu allagaatit uppernarsaatillu suut suliamut oqartussaasup nammineq naammagittaalliuutigineqarneranut tunnganersut oqartussaasup nammineq aalajangigassarinnimmagu.

Uppernarsaatinik il.il. saqqummiusseqqusineq, matumani tunniusseqqusineq atukkiusseqqusinerlu ilanngullugit eqqarsaatigalugit, oqartussaasup malinngippagu tunngavik uanga naliliiffigisassara pillugu nalornissuteqarneq pilersinneqassaaq.

Tamatuma kingornatigut pisortaqarfik qinnuigaara suliami allagaatit assilinerinnai nassiunneqarsimasut kiisalu allagaatit suli nassiunneqarsimanngitsut allaqqaarneqarneri uanga allaffinnut kinguarsaaqqinnertaqanngitsumik nassiunneqarnissaat isumageqqullugu. Allagaatit uppernarsaatillu ataatsimoortillugit ungalulersukkaniippata mappiniluunniit allagaatinik imalinniippata taakku ilanngullugit nassiateqquneqarput.

Qinnutigisakka Sulisoqarnermut Pisortaqarfiup naammassinngiinnarpagit suliamik Inatsisartut uannut suliareqqusaannik Sulisoqarnermut Pisortaqarfik eqqarsaatigalugu ingerlatsisinnaannginnerma Inatsisartut Inatsisit Atortinneqarnerannut Ataatsimiititaliaannut aamma Kalaallit Nunaanni Naalakkersuisunut nalunaarutiginnissaanik isumaliutersuutikka piviusunngortinniarpakka."

Akissummik tamatuma kingornatigut tigusaqannginnama suliaq Inatsisartut Inatsisit Atortinneqarnerannut Ataatsimiititaliaannut Naalakkersuisunullu allakkatigut 1. april 2008-meersutigut nalunaarutigaa.

(...)-p, (...)-p aamma (...)-p suliaataanni sulisumut tunngasuni allagaatit allaqqaarneqarneri Peqqissutsimut Pisortaqarfimmit 7. april 2008-mi tiguakka.

6. Suliat nalinginnaasumik soqutiginaatillit, inatsiseqartitsiffiusunut agguataakkat

F 18. august 2008-mi nalunaarfigaara suliaq aalajangersimasumik suliarilerniarlugu aalajangertunga, tamatumunngalu peqatigitillugu Aningaasaqarnermik Sulisoqarnermillu Aqutsisoqarfik qinnuigalugu suliaq pillugu oqaaseqaateqaqqullugu.

Peqqinnissaqarfiup Qullersaqarfiata akissutaa imaattoq 24. september 2008-mi tiguara:

"Pissutsit makku pillugit naammagittaalliortoqarpoq:

A atorfinitsinneqarnissamut tunngatillugu qaaqquneqarpoq, tassani atorfinitsinneqasagalarpat piumasaqaatit assigiinngitsut ilanngunneqarsimallutik. Taakkua piumasaqaatit ulloq taanna ilanngullugit tunniunneqarput. Tunniunneqartulli uterteqqinneqarput, A-p naammagittaalliornera tunngavigalugu.

Kingorna A ilisimatinneqarpoq qinnuteqarfissap ullua qaangiussimasoq, qinnuteqaallu taamaalilluni kingusinaartumik nassiunneqarsimasoq.

A ilisimatinneqarpoq siusinnerusukkut suleqatigiinnermut tunngatillugu ajornartorsiu-teqartarsimaneranik. A piumasaqarpoq allagaasimasunik takusaqarusulluni, taakku-nanngalu erserpoq suleqatigiinnermut tunngatillugu ajornartorsiuataasunik ersitsoqan-gitsoq, allakkat A-mut tunngasut iluanni.

Peqqinnissaqarfiup Qullersaqarfianit nalunaarutigineqassaaq taanna pisoq Z-ip napparsimavianit pissusissamisut ingerlanneqasimanngimmat tamannalu ajuusaarutigineqassaaq. Pisup kingorna ajornartorsiu tip aaqqqinneqarsinnaaneranut iliuuseqartoqareerpoq.

Tassunga ilanngunneqassaaq piffinni assigiinngitsuni aqutsisut pisinnaatitaaffigim-massuk atorfinitsinerni assigiinngitsuni napparsimaveqarfimmut piukkunnartunik inuttalersuisinnaaneq, napparsimaveqarfiup ingerlanneqarneranut ataatsimut isigalugu tulluuttunik."

Naalackersuisut Siulittaassuata Naalackersuisoqarfia 14. januar 2009-mi imatut tusarniaavigaara:

"Oqartussaasut assigiinngitsut naammagittaalliut pillugu suliame qulaani taaneqartu-mi akuusimapput. Taamaattumik A-p naammagittaalliutaa pillugu pisinnaatitaaneq oqartussaasup sorliup tigungmiarneraa uannut paasiuminaappoq.

Inatsisartut aamma Naalackersuisut pillugit Inatsisartut inatsisaanni § 4, imm. 3, tama-tumani suliassat naalackersuisunut ilaasortat akornanni Naalackersuisut Siulittaasuata

agguataassagai, innersuussutigalugu nutaamik tusarniaaneq Naalakkersuisut Siulittaa-suannut ingerlatippara.

Aningaasaqarnermut Sulisoqarnermullu Aqutsisoqarfimmut 18. august 2008-mi imatut allappunga:

”Sulisoqarnermut Pisortaqaqfiup, Peqqissutsimut Pisortaqaqfiup, (...) -p, (...) -p kiisalu (...) -p suliami mappiutaasa allagaatinik A-p atorfinitsinneqarneranut tunngasunik imallit tigoreernerisa misissuiffigereernerisalu kingornatigut A sinnerlugu F-ip naammagittaalliutaa, assilisangorlugu siusinnerusukkut Sulisoqarnermut Pisortaqaqfimmum nassiunneqarsimasoq, suliariniarlugu aalajangerpunga.

Aningaasaqarnermut Sulisoqarnermullu Aqutsisoqarfik qinnuigaara naammagittaalliuummut oqaaseqaateqaqqullugu.

Suliamik inaarlugu suliarinninnginninni Aqutsisoqarfiup akissutaa F-imut saqqummiunneqarnissaa naatsorsuutigineqarpoq.

(...)”

Peqqissutsimik Aqutsisoqarfimmit akissut imaattoq 24. september 2008-mi tiguara:

“Pissutsit makku pillugit naammagittaalliortoqarpoq:

A atorfinitsinneqarnissamut tunngatillugu qaaqquneqarpoq, tassani atorfinitsinneqassappat piunasaqaatit assigiinngitsut ilanngunneqarsimallutik. Taakku piunasaqaatit ulloq taanna ilanngullugit tunniunneqarput. Tunniunneqartulli uterteqqinneqarput A-p naammagittaalliornera tunngavigalugu.

Kingorna A ilisimatinneqarpoq qinnuteqarfissap ullua qaangiussimasoq, qinnuteqaallu taamaalilluni kingusinaartumik nassiunneqarsimasoq.

A ilisimatinneqarpoq siusinnerusukkut suleqatigiinnermut tunngatillugu ajornartorsiteqartarsimaneranik. A piunasaqarpoq allagaasimasunik takusaqarusulluni, taakunani lu erserpoq suleqatigiinnermut tunngatillugu ajornartorsiuutaasunik ersittoqanngitsoq allakkat A-mut tunngasut iluanni.

Peqqinnissaqarfiup Qullersaqarfianit nalunaarutigineqassaaq taanna pisoq Z-imi napparsimmavimmit pissusissamisut ingerlanneqarsimannngimmat, tamannalu ajuusaarutigineqassaaq. Pisup kingorna ajornartorsiuuttip aqqinneqarsinnaaneranut iliu-seqartoqareerpoq.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Tassunga ilanngunneqassaaq piffinni assigiinngitsuni aqutsisut pisinnaatitaaffigim-massuk atorfinitsitsinerni assigiinngitsuni napparsimmaveqarfimmut piukkunnartu-nik inuttalersuisinnaaneq, napparsimmaveqarfiup ingerlanneqarneranut ataatsimut isi-galugu tulluuttunik.”

Isumaqarpunga Peqqissutsimik Aqutsisoqarfimmit akissut qulaani issuarneqartoq su-kumiisuunngitsoq. Tamanna tunngavigalugu Naalackersuisoqarfik qinnuigaara naam-magittaalliuut pillugu nutaamik oqaaseqaateqaqqullugu, matumani uku pillugit nas-suiaatit ilanngullugit eqqarsaatigalugit:

- Naalackersuisoqarfik qinnuigineqarpoq atorfinitseqqinneqarnissaq pillugu A-p qin-nuteqaataanut Z-ip napparsimmaviata itigartitsinnginnerani suliap ingerlasimanera pillugu naammagittaalliuut pillugu oqaaseqaateqaqqullugu.
- Naalackersuisoqarfik qinnuigineqarpoq A-p akissarsianut aamma atorfinitsinneqar-nermut atugassarititaasut assigiinngitsut kiisalu pisinnaatitaaffiit isumaqatigiissutiti-gut tunngavigisallit pillugit apeqqutinik paasinarsaanermut atorfeqarnerminut kat-tuffimminik aamma sullivimmi sinniisiminik atuisimanera pillugu Z-imi napparsim-maviup aqutsisuisa A-mik atorfinitsitsinissaq pillugu oqaloqatigiinnermi naamma-ginninnginneranik pisoq pillugu naammagittaalliuut pillugu oqaaseqaateqaqqullugu.
- Naalackersuisoqarfik qinnuigineqarpoq atorfinitseqqinneqarnissamik A-p qinnute-qaataata itigartitsissutigineqarneranut tunngavilersuutit pillugit naammagittaalliuut pillugu oqaaseqaateqaqqullugu.
- Naalackersuisoqarfik qinnuigineqarpoq A-p siornatigut Sulisoqarnermut Pisorta qar-fimmit atorfinitsinneqarsimaneranik, A-p soraarniuteqarnerata akuerineqarnera pil-lugu aalajangiinerup Peqqissutsimut Pisorta qarfimmi pisimaneranik aamma A-p atorfinitseqqineqannginnissaanik aalajangiineq Z-imi napparsimmavimmi pisimane-ranik pisut pillugit nassuiaateqaqqullugu.
- Naalackersuisoqarfik qinnuigineqarpoq suliap A-mut tunngasup atorfinitsitsinermut suliatut suliarineqarsimaneranik pisoq, imaanngitsorli qinnuteqaataasumik soraar-niuteqarnerup tunuartinneqarnissaa pillugu A-p kissaateqarsimaneranik, oqaaseqaateqarfigeqqullugu.

Suliamik inaarlugu suliarinninnginninni Naalackersuisoqarfiup akissutaata F-imut saqqummiunneqarnissaa naatsorsuutigineqarpoq.

F allakkat ukua assilinerannik nassinneqarnermigut qulaani taaneqartunik ilisimatinne-qarpoq.”

Suliat killiffia F-ip uannut 2. marts 2009-mi apeqqutigaa.

Naalackersuisut Siulittaasuata Naalackersuisoqarfia tusarniaaninnut kingullermut akissuteqarnissaanik 6. marts 2009-mi eqqaasippara, F-ilu tamatumingga ilisimatillugu.

Aningaasaqarnermut Nunanullu Allanut Tunngasunut Naalackersuisoqarfimmi Aningaasaqarnermik Sulisoqarnermillu Aqutsisoqarfiup akissutaa imaattoq 11. marts 2009-mi tiguara:

"Inatsisartut Ombudsmandiat 14. januar 2009 Naalackersuisut Siulittaasuata Naalackersuisoqarfianut allakkatigut tusarniaaqqinnissaq noqqaassutigalugu allagaqarpoq.

"Inatsisartut Ombudsmandiata Z-ip napparsimmaviata A-p atorfinitseqqinneqarnissaminik qinnuteqaataanut itigartitsinissaq sioqqullugu suliaq qanoq ingerlasimane-rannut oqaaseqaateqarnissaq kissaatigaa."

A-p soraarniutimi 31. juli 2007-imi sapaatit akunneranni 34-mi tunniussimasami utertinnissaa kissaatigisimavaa. Tamatuma kingorna ulloq 28. august 2007 ataatsimiinnermi Z-ip Napparsimmaviata ingerlanneqarneranut atatillugu eqqarsaatigisassaaniq piusasaqaatitalimmik, A-p atorfinitseqqinneqarnissaa Z-ip napparsimmaviani aqutsisut neqeroorutigaa.

"Inatsisartut Ombudsmandiata kissaatigaa Z-ip Napparsimmaviani aqutsisut A-mik atorfinitsitsiniarlutik oqaloqateqarnerminnut atatillugu A-p peqatigiiffimmut ilaasortaaffigisaminut sulisunullu sinniisumut kiisalu isumaqatigiissutit naapertorlugit pisinnaatitaaffinnut tunngatillugu iluarinninnginneranut atatillugu oqaaseqarsimane-ranut tunngasortaanut naammagittaalliummut atatillugu oqaaseqaateqartoqarnissaa."

Aningaasaqarnermik Sulisoqarnermillu Aqutsisoqarfiup nalinginnaasutut isigaa sulisut kattuffimmut ilaasortaaffigisaminnut akissarsianut atorfinitsitaanermilu atugassarititaasut pillugit oqaloqateqartarnerat.

"Inatsisartut Ombudsmandiata kissaatigaa A-p atorfinitseqqinneqarnissaminik qinnuteqaataanut tunngatillugu oqaaseqaateqartoqarnissaa."

A 31. juli 2007 soraarmat tamassuma kingunerisaanik Z-imi napparsimmaviup suliffimmik inuttassarsiuussineq suliffissarsiorluni nittartakkamut www.nextjobgreenland.gl-imut ilannguppaa.

Napparsimmavimmi aqutsisut A-p soraarnerata kingorna inissisimaneq allaanerulersoq tulluussarfigaat. Suliffik inuttassarsiorlugu allagarsiunneqaraangat qinnuteqartut akornanni piukkunnarnerpaaq qinnuteqarnissamut killiliussaq eqqorlugu qinnuteqarsi-

6. Suliat nalinginnaasumik soqutiginaatillit, inatsiseqartitsiffiusunut agguataakkat

masumut atorfimmu piginnaasamigut piukkunnaateqarnerpaap inatsisit tunngavigisat naapertorlugit pisortani sulisitsisut erseqqilluinnartumik pisussaaffeqarput.

"Inatsisartut Ombudsmandiata A-p Sulisoqarnermut Pisorta qarfiusimasumit atorfinitsinneqarsimaneranut A-p soraarnera Peqqissutsimut Naalakkersuisoqarfimmit akunerineqarnera, kiisalu A-p atorfinitseqqinneqarnissaata Z-ip napparsimmaviani aqutsisunit aalajangerneqarsimaneranut tunngassuteqartunut nassuiaateqarnissaq kissaatigaa."

Kalaallit Nunaanni Namminersornerullutik Oqartussat salliullutik pisinnaatitaaffigaat Namminersornerullutik Oqartussat iluanni taakkualu ataanni suliffeqarfinni suliassanik aqutsinissaq agguassinissarluk.

"Inatsisartut Ombudsmandiata qulaani kissaatigineqartut saniatigut suliap A-mut tunngasup A-p soraarniteqarnerminik utertitsiniarneratut suliarineqarnissaa tunngavigalugu atorfinitsinneqarnermut atatillugu suliatur suliarineqarnissaanut atatillugu oqaaseqarnissaq kissaatigaa."

Aningaasaqarnermik Sulisoqarnermillu Aqutsisoqarfiup naammagittaalliutit assilinerattuffimmit tiguua, tassanilu F-ip Z-imi napparsimmavimmi atorfimmu qinnuteqarnermut atatillugu itigartitsinermut atatillugu periaaserineqarsimasoq tunngavilersuutigineqartorlu naammagittaalliutigaa. Taassuma saniatigut akissutinut qulaani pineqartunut innersuussineqassaaq.

Aningaasaqarnermik Sulisoqarnermillu Aqutsisoqarfiup ajuusaarutigiinnassavaa suliap nalaatsortumik ingerlanneqarsimane.

Aningaasaqarnermik Sulisoqarnermillu Aqutsisoqarfik neriuppoq akissutit qulaaniitut Inatsisartut Ombudsmandiata apeqqutigisaanut naammattut.

(...)"

Aningaasaqarnermut Nunanullu Allanut Tunngasunut Naalakkersuisoqarfimmi Aningaasaqarnermik Sulisoqarnermillu Aqutsisoqarfik 24. april 2009-mi imatut allaffigaara:

"Aningaasaqarnermut Nunanullu Allanut Tunngasunut Naalakkersuisoqarfimmi Aningaasaqarnermik Sulisoqarnermillu Aqutsisoqarfiup akissutaa imattoq 11. marts 2009-mi tiguara:

"(...)"

Isumaqarpunga Aningaasaqarnermik Sulisoqarnermillu Aqutsisoqarfiup akissutaa qulaani issuarneqartoq apeqqutinnik qulaajaasuunngitsoq.

Suliamik inaarsaallunga suliarinnissinnaalersinnanga A-p atorfinitseqqinneqarnissaminik qinnuteqaataanik Z-ip napparsimmaviata itigartitsinera sioqqullugu suliap qanoq ingerlasimaneranik Aningasaqarnermik Sulisoqarnermillu Aqutsisoqarfiup akissutaata itisilerneqarnissaa pisariaqartippara. Aningaasaqarnermik Sulisoqarnermillu Aqutsisoqarfik qinnuigaara makku pillugit nassuiaateqaqqullugu:

- 1) Aningaasaqarnermik Sulisoqarnermillu Aqutsisoqarfik qinnuigaara A-p atorfinitseqqinneqarnissaminik qinnuteqaataata Z-ip napparsimmavianit itigartinneqarnera sioqqullugu suliap ingerlasimanagera pillugu amerlanerusunik oqaaseqaatissaqarner-soq uannut nalunaarutigeqqullugu.
- 2) Aningaasaqarnermik Sulisoqarnermillu Aqutsisoqarfik qinnuigineqarpoq A-p akissarsianut aamma atorfinitsinneqarnermut atugassarititaasut assigiinngitsut kiisalu pisinnaatitaaffiit isumaqatigiissutitigut tunngavigisallit pillugit apeqqutinnik paasinarsaannermut atorfeqarnerminut kattuffimminik aamma sullivimmi sinniisiminek atuisimanagera pillugu Z-imi napparsimmaviup aqutsisuisa A-mik atorfinitsitsinissaq pillugu oqaloqatigiinnermi naammaginninnginneranik pisoq pillugu naammagittaalliut pillugu oqaaseqaateqaqqullugu.
- 3) Isumaqarpunga Aningaasaqarnermik Sulisoqarnermillu Aqutsisoqarfiup akissummini "Kalaallit Nunaanni Namminersornerullutik Oqartussat salliullutik pisinnaatitaaffigaat Namminersornerullutik Oqartussat iluanni taakkualu ataanni suliffeqarfinni suliassanik aqutsinissaq agguaassinissarlu"-mik oqarnerata Z-ip napparsimmaviata taamanikkullu pisortaqarfiusut, tassalu Sulisoqarnermut Pisortaqarfiup aamma Peqqissutsimut Pisortaqarfiup, akornanni pisinnaatitaanermik agguataarineq pillugu apeqqutinnik qulaajaasuunngitsoq.

Taamaattumik Aningaasaqarnermik Sulisoqarnermillu Aqutsisoqarfik qinnuigaara oqartussat qulaani taaneqartut akornanni pisinnaatitaanermik agguataarineq pillugu nassuiaateqaqqullugu. Tamatumunngalu atatillugu uannut paasissutissiissutigalugu oqartussaasoq sorleq peqqinnissaqarfimmi sulisunik atorfinitsitsinissamut, atorfinitsitseqqinnissamut soraarsitsinissamullu pisinnaatitaanersaq.

Aqutsisoqarfik aamma qinnuigaara Sulisoqarnermik Pisortaqarfiup, massakkut Aningaasaqarnermik Sulisoqarnermillu Aqutsisoqarfiup Namminersornerullutik Oqartussani oqartussaasut allat eqqarsaatigalugit piginnaatitaanera pillugu nassuiaateqaqqullugu.

- 4) Isumaqarpunga Aningaasaqarnermik Sulisoqarnermillu Aqutsisoqarfiup akissutaa suliap A-mut tunngasup atorfinitsitsinermut suliatut suliarineqarsimaneranik pisoq,

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

imaanngitsorli qinnuteqaataasumik soraarniuteqarnerup tunuartinneqarnissaa pillugu A-p kissaateqarsimaneranik apeqqtinnut qulaajaasuunngitsoq.

Taamaattumik Aningaasaqarnermik Sulisoqarnermillu Aqutsisoqarfik qinnuigaara suliap A-mut tunngasup atorfinitsitsinermut suliatut suliarineqarsimaneranik pisoq, imaanngitsorli qinnuteqaataasumik soraarniuteqarnerup tunuartinneqarnissaanik A-p kissaateqarsimaneranik tunngavilersuut uannut paasissutissiissutigeqqullugu.

Aningaasaqarnermik Sulisoqarnermillu Aqutsisoqarfiup akissutaata suliamik inaar-saallunga suliarinninnginninni F-imut saqqummiunneqarnissaa naatsorsuutigineqar-poq.

Peqqissutsimik Aqutsisoqarfiup tusarniaanermut akissutaa siusinnerusukkut tigu-gakku Ilaqutariinnermut Peqqissutsimullu Naalakkersuisoqarfik aamma qinnuigaara naammagittaalliummik suliaq pillugu oqaaseqaateqaqqullugu. Allakkat taakkua as-silinerat Aningaasaqarnermik Sulisoqarnermillu Aqutsisoqarfimmut ilisimatitsissuti-tut ullumikkut nassiunneqarpoq.

Ilaqutariinnermut Peqqissutsimullu Naalakkersuisoqarfik allakkat ukua assilinerannik ullumikkut nassinneqarnermigut qulaani taaneqartunik ilisimatinneqarpoq.

F allakkat ukua assilinerannik ullumikkut nassinneqarnermigut qulaani taaneqartunik ilisimatinneqarpoq."

Ilaqutariinnermut Peqqissutsimullu Naalakkersuisoqarfik ulloq taanna imatut al-laffigaara:

"Naammagittaalliuut qulaani taaneqartoq tunngavigalugu naammagittaalliuut pillugu suliami pissutsit arlallit pillugit tusarniaaqqinneq Naalakkersuisut Siulittaasuata Naa-lakkersuisoqarfianut nassiuppara. Taamaalillunga Naalakkersuisut Siulittaasuata Naa-lakkersuisoqarfianut 14. januar 2009-mi imatut allappunga:

"(...)"

Aningaasaqarnermut Nunanullu Allanut Tunngasuni Aningaasaqarnermik Sulisoqar-nermillu Aqutsisoqarfiup akissutaa imaattoq 11. marts 2009-mi tiguara:

"Inatsisartut Ombudsmandiat 14. januar 2009 Naalakkersuisut Siulittaasuata Naalak-kersuisoqarfianut tusarniaaqqinnissaq noqqaassutigalugu allagaqarpoq.

(...)"

Isumaqarpunga Aningaasaqarnermik Sulisoqarnermillu Aqutsisoqarfiup akissutaa qulaani issuarneqartoq apeqqutinnik qulaajaasuunngitsoq.

Peqqissutsimik Aqutsisoqarfiup tusarniaanermut akissutaa siusinnerusukkut tiguara, tak. allakkat 24. september 2008-meersut qulaani issuarneqartut. Suliamik suliarinninninnik inaarsaasinnaalersinnanga Ilaqutariinnermut Peqqissutsimullu Naalackersuisoqarfik qinnuigaara naammagittaalliut pillugu oqaaseqaateqaqqullugu, matumani makku pillugit nassuiaat ilanngullugu eqqarsaatigalugu:

- 1) Naalackersuisoqarfik qinnuigineqarpoq atorfinitseqqinneqarnissaq pillugu A-p qinnuteqaataanut Z-ip napparsimmaviata itigartitsinnginnerani suliap ingerlasimanera pillugu naammagittaalliut pillugu oqaaseqaateqaqqullugu.
- 2) Naalackersuisoqarfik qinnuigineqarpoq A-p akissarsianut aamma atorfinitsinneqarnermut atugassarititaasut assigiinngitsut kiisalu pisinnaatitaaffiit isumaqatigiissutitigut tunngavigisallit pillugit apeqqutinnik paasinarsaanermut atorfeqarnerminut kattuffimminik aamma sullivimmi sinniisiminik atuisimanera pillugu Z-imi napparsimmaviup aqutsisuisa A-mik atorfinitsitsinissaq pillugu oqaloqatigiinnermi naammaginninnginneranik pisoq pillugu naammagittaalliut pillugu oqaaseqaateqaqqullugu.
- 3) Naalackersuisoqarfik qinnuigineqarpoq atorfinitseqqinneqarnissamik A-p qinnuteqaataata itigartitsissutigineqarneranut tunngavilersuutit pillugit naammagittaalliut pillugu oqaaseqaateqaqqullugu.
- 4) Naalackersuisoqarfik qinnuigineqarpoq suliap A-mut tunngasup qinnuteqarnikkut soraarnertut suliarinagu suliatur atorfinitsitsinermut tunngasutut suliarineqarsimanera pillugu oqaaseqaateqaqqullugu
- 5) Naalackersuisoqarfik qinnuigineqarpoq A-p siornatigut Sulisoqarnermut Pisortaqarfimmit atorfinitsinneqarsimaneranik, A-p soraarniuteqarnerata akuerineqarnera pillugu aalajangiinerup Peqqissutsimut Pisortaqarfimmi pisimaneranik aamma A-p atorfinitseqqinneqannginnissaanik aalajangiineq Z-imi napparsimmavimmi pisimaneranik pisut pillugit nassuiaateqaqqullugu.
- 6) Peqqissutsimik Aqutsisoqarfiup akissutaanit 24. september 2008-meersumit erserpoq: "Tassunga ilanngunneqassaaq sumiiffinni assigiinngitsuni aqutsisut pisinnaatitaaffigimmassuk atorfinitsinerni assigiinngitsuni peqqinnisaqarfimmut piukkunnartunik inuttalersuisinnaaneq napparsimaveqarfiup ingerlanneqarneranut ataatsimut isigalugu tulluuttunik."

Naalackersuisoqarfik qinnuigineqarpoq Z-ip napparsimmaviata aalajangiinera tunngavik suna tunngavigalugu pisimanersoq nassuiaqqullugu. Kiisalu aalajangi-

6. Suliat nalinginnaasumik soqutiginaatillit, inatsiseqartitsiffiusunut agguataakkat

neq taanna isumagisassanngortitsineq tunngavigalugu pisimansoq. Taamaappallu isumagisassanngortitsineq taanna kiisalu Z-ip napparsimmaviata aalajangiineranik oqartussaasumut qulliunerusumut naammagittaalliornissamut periarfissaq pillugu apeqqut pillugit erseqqinnerusumik nassuiaateqarluni.

Naalackersuisoqarfik tamatumunnga atatilugu qinnuigaara Ilaqutariinnermut Peqqissutsimullu Naalackersuisoqarfiup, Peqqissutsumik Aqutsisoqarfiup aamma Z-ip napparsimmaviata akornanni pisinnaatitaanermut tunngasut pillugit nassuiaateqaqqullugu. Matumani oqartussaasoq sorleq peqqinnissaqarfimmi sulisunik atorfinitsitsinissamut, atorfinitsitseqqinnissamut soraarsitsinissamullu pisinnaatitaanersoq ilanngullugu nassuiarlugu.

Naalackersuisoqarfiup akissutaata suliamik inaarsaallunga suliarinninnginninni F-imut saqqummiunneqarnissaa naatsorsuutigineqarpoq.

Aningasaqarnermik Sulisoqarnermillu Aqutsisoqarfik allakkatigut allatigut qinnuigaara Aqutsisoqarfiup akissutaa itisileqqullugu. Allakkat taakkua assilinerat Ilaqutariinnermut Peqqissutsimullu ilisimatitsissutitut ullumikkut nassiuunneqarpoq.

Aningaasaqarnermut Nunanullu Allanut Tunngasunut Naalackersuisoqarfimmi Aningaasaqarnermik Aqutsisoqarfik allakkat ukua assilinerannik nassinneqarnermigut qulaani taaneqartunik ullumikkut ilisimatinneqarpoq.

F allakkat ukua assilinerannik nassinneqarnermigut qulaani taaneqartunik ullumikkut ilisimatinneqarpoq."

Naalackersuisoqarfiit taakku marluk akissuteqarnissaat 5. juni 2009-mi nukingsaarutigaa.

Aningaasaqarnermut Nunanullu Allanut Tunngasunut Naalackersuisoqarfiup akissutaa imaattoq 9. juni 2009-mi tiguara:

"1 pillugu. Z-imi napparsimmaviup itigartitsinissaa sioqqullugu pisimasunut oqaaseqaatit

A 31. juli 2007-imi atorfinnimit tunuarniuteqarpoq, 31. august 2007-imi soraarniarluni, tamannalu Peqqissutsumut Pisortaqarfiup soraarniuteqarnermut allakkap 9. august 2007-imeersup tiguernatigut uppersarparaa. Augustip 15-ianni Z-imi napparsimmaviup aqutsisuisa atorfik atorfinnik inuttassarsiuussisarfik www.nextjobgreenland.gl aqutigalugu inuttassarsiuuppaat, qinnuteqarnissamut killissatut 28. august 2007 ulluliullugu.

Z-imi napparsimmaviup aqutsisuisa A 28. august 2007-imi ataatsimeeqatigalugu Z-imi napparsimmaviup ingerlanneqarnera eqqarsaatigalugu assigiinngitsunik piumasaaqarlutik atorfineqqinnissaanik neqeroorfigaat. A-p neqeroorut akuerinngilaa, taamaattumillu atorfinitsitsinissamik isumaqatigiissusiortoqanngilaq.

Tassalu A-p atorfimminit tunuarniutiminik tunuartsinissamik kissaateqarnera suliari-neqarpoq, tassanili piumasaaqatit suut atorneqassanersut isumaqatigiissutigineqarsinnaasimannngilaq.

Piffissap qinnuteqartitsiviusup naanerani A atorfimmut inuttassarsiuunneqartumut qinnuteqaammik nassiussivoq. Qinnuteqaat 31. august 2007-imi ullulernerqarpoq. Qinnuteqarnissamut piffissaliussaq qaangiussimasoq taamaattumillu qinnuteqaat kingusinnaarluni takkussimasoq A nalunaarfigineqarpoq.

Erseqqissaatigineqassaaq Z-imi Napparsimmaviup aqutsisuisa A-p atorfinitsinnissaa eqqarsaatigisimagaluarmassuk, aammalu qinnuteqaataa piffissaq eqqorlugu tiguneqarsimagaluarpas atorfinitsinneqarnissaa qulakkeerneqarsinnaasimannngitsoq.

2 pillugu. A-p kattuffimmik ilaasortaaffigisaminik atuisimanera pillugu Z-ip napparsimmaviani aqutsisut naammagittaalliorsimanerannut oqaaseqaat

Sulisut akissarsianik atorfeqarnerminnilu atukkatik pillugit kattuffimmik ilaasortaaffigisaminik oqaloqatiginnittarnerat Aningaasaqarnermik Sulisoqarnermillu Aqutsisoqarfiup taamatullu Z-imi napparsimmaviup pissusissamisuginnartutut isigaat.

Kisiannili A-p kattuffimmut saaffiginninnermini pissutsit aqutsinermut tunngasut allanngortinneqartariaqartutut isumaqarfigisani pillugit Z-imi napparsimmaviup aqutsisui oqaloqatigeqqaarsimasariaqaralarai Z-imi Napparsimmavimmi aqutsisut isumaqarput.

3 pillugu. Oqartussaasut suliame kalluarneqartut akornanni oqarsinnaatitaaffiit agguarneqarnerat

A Z-ip Napparsimmaviani atorfinitsinneqarmat Sulisoqarnermut Pisortaqaarfik atorfinitsitsisuuvoq. 1. januar 2007 aallarnerfigalugu atorfinitsitsisarnerit Kalaallit Nunaanni Peqqinnissaqarfimmi Sulisoqarnermik Aqutsisoqarfimmut nuunneqarput. Kisiannili atorfinitsitsisarnerit soraarsitsisarnerillu najukkani napparsimmaviit Sulisoqarnermik Aqutsisoqarfimmut inassutigisaat tunngavigalugit pisarput.

Peqqinnissaqarfimmi Sulisoqarnermik Aqutsisoqarfiup A-p soraarniutaanik tigusaqarnerminik uppernarsaasuuvoq. Z-imi napparsimmavimmi aqutsisut A atorfininnissamut innersuunniarnagu aalajangerput, tamannalu Sinerissami Aqutsisut sinerissami peqqissaasut sulinerannik aqutsisusut isumasioqatigineqarnerisigut pivoq.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

4 pillugu. A pillugu suliap atorfinitsitsinertut suliarineqarneranut tunngavilersuut

A atorfimminit tunuarniuteqarpoq, tamatumalu kingorna soraarnermut tunngatillugu allakkatigut tamanna Peqqissutsimut Pisortaqaqfimmit uppersarnerqarpoq. Tamatumalu kingorna A - qinnuteqarfissap naanerata kingorna - qinnuteqaammik nassiussiniarluni aalajangerpoq. A pillugu suliap atorfinitsitsinermut atatillugu suliatut ingerlanneqarneranut tamanna tunngavigineqarpoq.

Aningaasaqarnermik Sulisoqarnermillu Aqutsisoqarfimmi isumaqatigiissutinut immikkoortortaq neriuppoq tamatumuunakkut Inatsisartut Ombudsmandiat naammattumik akissuteqarfigisimassallugu.

(...)"

Peqqissutsimut Naalackersuisoqarfiup akissutaa imaattoq 1. september 2009-mi tiguara:

"Peqqissutsimut Naalackersuisoqarfiup allakkatigut ulloq 24. april 2009 tigusimavaa, ulloq 5. juni 2009-mi allakkatigut eqqaasitsissutigineqartoq malillugu, Peqqissutsimut Aqutsisoqarfiup ulloq 19. september 2008-mi akissutaanut Inatsisartut Ombudsmandiata oqaaseqaasiaa.

Inatsisartut Ombudsmandiat isumaqarpoq Peqqissutsimut Aqutsisoqarfiup akissutaa amigartoq. Tamanna tunngavigalugu Peqqissutsimut Naalackersuisoqarfiup itisiliilluni suliamut oqaatigissavaa:

Immikkoortoq 3. A-p sulilersitaqqinnissaq pillugu qinnuteqaataata akuerineqannqinnissaanut tunngavilersuuteqarneq

(...) aamma (...) ulloq 20. februar 2009-mi aamma ulloq 19. september 2008-mi allakkatigut tunngavilersuuteqarput A-p sulilersitaqqinnissaq pillugu qinnuteqaataata akuerineqannqinnissaa pillugu.

Tamatuma saniatigut Peqqissutsimut Naalackersuisoqarfik tunngavilersuutigineqartunut allamik oqaatigissaaqanngilaq, taamaasillunilu allakkat taakku marluk innersuutitigissavai tunngavilersuutitigut itisiliissuteqarnissamut tunngatillugu.

Immikkoortoq 6. Peqqinnissaqarfimmi atorfinitsitsinermut, sulilersitaqqinnermut soarsitsinermullu piginnaatitaanermut tunngatillugu

Z-ip napparsimmavia 2007-imi aqutsisoqarnikkut Sinerissami Aqutsisoqarfiup ataani inissisimavoq.

Suliffiup iluani malittarisassat malitsigisaanik Sinerissami Aqutsisoqarfik peqqissutsimut immikkoortoqarfinni sulisunut qitiusumik akisussaaffeqarpoq, tassunga ilanngulugu peqqinnissaqarfimmi atorfinitsitsinnermut, sulilersitseqqinnermut soraarsitsinnermullu pisinnaatitaaneq.

Suleriaatsimi pisinnaatitaaneq taanna peqqissutsimut immikkoortoqarfinni ataasiakkaani sulisunut aqutsisumut tunniunneqartarpoq.

Taamaalilluni peqqissutsimut immikkoortoqarfinni ataasiakkaani ...-nik aqutsisoq, ...-nik atorfinitsitsinissamut, sulilersitseqqinnissamut soraarsitsinissamullu pisinnaatitaavoq.

Immikkoortoq 1, 2, 4 aamma 5

Aningaasaqarnermut Sulisoqarnermullu Aqutsisoqarfik immikkoortuni 1-imi 2-mi, 4-mi aamma 5-imi pissutsinut ulloq 8. juni 2009-mi allakkatigut itisiliilluni oqaaseqaasiorpoq.

Immikkoortunut taakkununga Aningaasaqarnermik Sulisoqarnermillu Aqutsisoqarfiup itisiliilluni oqaaseqaasiai Peqqissutsimut Naalackersuisoqarfiup tamakkiisumik isumaqataaffigisinnaavai, taamaalillunilu Aningaasaqarnermik Sulisoqarnermillu Aqutsisoqarfiup ulloq 8. juni 2009-mi allagai uani innersuussutigalugit.

Peqqissutsimut Naalackersuisoqarfik suliaq pillugu allanik oqaatigisassaqaangilaq, taamaasillunilu neriuppoq Inatsisartut Ombudsmandiat naammaginartumik akisinnaasimallugu."

Tamatuma kingornatigut imaattunik oqaaseqaateqarpunga:

"1. Sulisoqarnermik aqutsinermi pisinnaatitaaneq

A Sulisoqarnermut Pisortaqarfimmit A-p 29. juni 2006 tikillugu atorfeqartitaanerata allannguuteqarneri pillugit aalajangiisarsimasumit atorfinitsinneqarpoq.

A-p sulinnigiffeqarallarumalluni qinnuteqaataanik 12. april 2007-imeersumik suliarinninneq suliamillu kingusinnerusukkut suliarinninneq Z-ip napparsimavianit aamma Peqqissutsimut Pisortaqarfimmit ingerlanneqarsimapput.

A-p peqqissaasutut atorfeqartitaaneranut atasumik apeqqutini oqartussaasup sorliup aalajangiinissamut pisinnaatitaasimanera F-ip naammagittaalliuutaanik uanga nammineq suliarinninnissannut pisinnaatitaanera aamma aalaja-

ngiisimanerit inatsisinik unioqquitsisuunnginnerat eqqarsaatigalugit sunniuteqarpoq.

Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 6, imm. 3-kkut, 1. januar 2010-p kingornatigut naammagittaalliutinut ulloq taanna sioqqullugu Ombudsmandimut tunniunneqartunut atatillugu suli atuuttukkut, tak. Inatsisartut Ombudsmandiat pillugu Inatsisartut inatsisaanni nr.8-mi, 3. december 2009-meersumi § 30, imm. 3, aalajangersarneqarpoq pissutsit allaffissornermi aqutsinikkut oqartussaasumut qulliunerusumut suliassanngortinneqarsinnaasut uanga suliarisinnaangikkikka.

Ingerlatsinermi oqartussaasup pisinnaatitaanera ingerlatsinermi oqartussaasup allap isumagisassanngortitsineranik tunngaveqarpat pineqartoq oqartussaasumut pisinnaatitaaqqaartumut¹⁵ naammagittaalliornissamut nalinginnaasumik periarfissaqassaaq.

Aammattaaq manna atuuppoq, tassalu suliami aalajangiinissamut pisinnaatitaanngitsup aalajangiinera aallaavittut atuussinnaassuseqannginnera¹⁶.

Suliami oqartussaasup pisinnaatitaaneranik apeqqut pillugu tamakku tunngavigalugit imaattunik oqaaseqaateqarpunga:

Aningaasaqarnermut Nunanullu Allanut Tunngasunut Naalackersuisoqarfiup tusarniaanermut akissutaanit 9. juni 2009-mi tigusannit erserpoq peqqinnissaqarfimmi sulisoqarnermik aqutsinermi pisinnaatitaaneq Sulisoqarnermut Pisortaqarfimmit "Kalaallit Nunaanni Peqqinnissaqarfimmi Sulisoqarnermik Aqutsisoqarfimmut" 1. januar 2007-imi nuunneqarsimasoq.

Inatsisartut 2007-imi aningaasanut inatsisaanni konto 32.01.01, Peqqissutsimut Pisortaqarfik, allaffissorneq (ingerlatsinermut aningaasaliissutit) pillugit oqaasertaliussani imaattunik allassimasoqarpoq:

"Peqqissutsimut Pisortaqarfiup nunatsinni peqqinnissamik isumaginnittoqarfiup pilersaarusiornera aqunneqarneralu isumagisarai, peqqinnissamik isumaginnittoqarfiup aqunneqarnera aqqissuussaanelu pillugit Inatsisartut peqqussutaat nr. 3, 23. maj 2000-imeersoq tunngavigalugu."

Tamatuma sulisoqarnermik aqutsinerup Naalackersuisut Siulittaasuata suliasaqarfuisa ataanni Sulisoqarnermut Pisortaqarfimmit Peqqissutsimut Pisor-

15) Hans Gammeltoft-Hansen allallu, "Forvaltningsret", aappasaanik 2002-mi naqiterinneqartoq, qupperneq 958.

16) Hans Gammeltoft-Hansen allallu, "Forvaltningsret", aappasaanik 2002-mi naqiterinneqartoq, quppernerit 858 tullialu.

taqarfimmut Peqqissutsimut Avatangiisinullu Naalackersuisoqarfiup suliassa qarfiisa ataannittumut nuunnerat nassatarisariaqarpaa.

Naalackersuisunut ilaasortat suliassa qarfiinik taamatut allanngortitsineq Inatsisartut Naalackersuisullu pillugit Inatsisartut inatsisaanni nr. 11-mi, 20. oktober 1988-imeersumi § 4, imm. 3-mik imaattumik tunngaveqarpoq:

"Suliassat Naalackersuisunut ilaasortat akornanni agguataarneqassapput Naalackersuisut Siulittaasuata aalajangersagai naapertorlugit."

Naalackersuisut Siulittaasuata aalajangersagaq taanna tunngavigalugu aalajangiineri isumagisassanngortitsinermut takussutissaanngillat, qitiusumilli alaffeqarfissuup suliasaanik agguataarinermut tunngasuullutik.

Peqqissutsimut Pisortaqarfimmi aalajangiinissamut pisinnaatitaanermik apeqqut eqqarsaatigalugu oqaatigaara A-p soraarniuteqarneranik aalajangiivigininneq Peqqissutsimut Pisortaqarfimmi pisimasoq, sulihamili aalajangiinerit allat Z-ip napparsimmaviani pisimallutik.

Tamatuma kingornatigut manna apeqqutaalerpoq, tassalu Z-ip napparsimma viat oqartussaasuunersoq Peqqissutsimut Pisortaqarfimmit allaasoq, napparsimmavillu sulisoqarnermik aqutsinermut tunngatillugu aalajangiinissaminut ilumut pisinnaatitaanersoq.

Oqaatigaara peqqinnissaqarfimmi sulisoqarnermik aqutsinermi pisinnaatitaanermik atortitsinermut inatsiseqartitsinikkut tunngavik pillugu paasissutissat pigineqartut suliassanik pioreersunik agguataarinerup pioreersup ilumut inatsisinik eqqortitsisuunera naleqquttuuneralu pillugit ataatsimut nalorninartunik imaqartutut isigigikka. Tamatumani manna aallaavigaara:

Peqqinnissaqarfiup aqunneqarnera aaqqissuussaaneralu pillugit Inatsisartut peqqussutaat nr. 3, 23. maj 2000-imeersoq aalajangersakkanik ilaatigut imaattunik imaqarpoq:

"Qitiusumik aqutsineq

§ 1. Naalackersuisut peqqinnissaqarfimmi sulineq aqussavaat, pilersaarusiussavaat nakkutigalugulu.

(...)

Peqqinnissaqarfiup aaqqissuussaanera

§ 4. Nuna najukkani peqqinnissaqarfimmut aggorneqassaaq.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Imm. 2. Dronning Ingridip Napparsimmavissua nuna tamakkerlugu napparsimma-viuvoq.

Imm. 3. Nunap najukkani peqqinnissaqarfinnut agguataarneqarnera, aqqissuunneqarnera suliaalu pillugit kiisalu Dronning Ingridip Napparsimmavissuata nunamut tamarmut suliai pillugit Naalackersuisut malittarisassiussapput."

Peqqussutissatut siunnersuut pillugu oqaaseqaatini § 1-ip qanoq paasineqar-nissaanik nassuiaatit imaattut ilanngunneqarsimapput:

"§ 1-ip siusinnerusukkut § 1 assigaa.

Aalajangersakkakut tassuuna aalajangersarneqarpoq peqqinnissaqarfik qitiusumit aqunneqartog, peqqinnissaqarfiup ingerlanera pilersaarusiorneqarneralu kiisalu peqqinnissaq pillugu inatsisit eqquutsinneqarnissaat Naalackersuisunit akisussaa-ffigineqarluni. Qitiusumit aqutsisoqarnissaanut tunngaviuvoq aningaasatigut sukan-nersumik aqutsisoqarnissaanik naalackersuinikkut kissaateqarneq.

Nunami maani peqqinnissaqarfiup qitiusumik ilusilersugaanera isumaqarpoq malit-tarisassat Inatsisartunit akuersiissutigineqasimasut saniatigut peqqinnissaqarfinnut toqqaannartumik sulinermi malittarisassanik aalajangersaasoqarsinnaasoq, taakku qitiusumik aqutsinermut toqqaannartumik attuumassuteqarmata, tassa Peqqissutsi-mut Pisortaqarfimmut."

Tamatuma saniatigut nunap najukkani peqqinnissaqarfinnut agguataarneqar-nera pillugu Namminersornerullutik Oqartussat nalunaarutaanni nr. 1-imi, 5. februar 2003-meersumi § 1, nr. 2-mit imaattoq erserpoq:

"Z-ip peqqinnissaqarfia: Z Kommunimi peqqinnissakkut isumaginninneq Z-ip nap-parsimmaviani najukkami nakorsat qullersaannit isumagineqassaaq."

Peqqussutissatut siunnersuummi § 4 pillugu oqaaseqaatinit ilaatigut makku er-serput:

"Aalajangersakkap siusinnerusukkut § 15-iusimasoq taarserpaa.

§ 15-iusimasoq malillugu nuna peqqinnissaqarfikkuutaarlugu agguarsimavoq, amerlassusiat sumiiffilu kommunit agguataarsimanerattut ilillugit, pissutsit immik-kut illuinnartut atuutinngippata.

Imm. 1-imi nalunaarneqarpoq nuna najukkani peqqinnissaqarfinnut agguarneqas-sasoq. Najukkani peqqinnissaqarfiit aallaavittut kommuninut agguataarsimanermik malinninnissaannik piumasaqaat siunnersuutigineqarpoq atorunnaarsinneqas-sasoq. Taamaaliornikkut aamma periarfissiisoqarpoq najukkani peqqinnissaqarfiit kommunit killeqarfii pitarlugit pilersinneqarsinnaaneritut.

Najukkani peqqinnissaqarfiit pillugit aalajangersakkap allanngortinneqarneranut tunngaviuvoq peqqinnissaqarfiup aaqqissuussaanerata allanngortinneqalenera, tassami maannakutut najukkani peqqinnissaqarfinnut agguataarineq kommunit killegarfiinik malinnittumik peqqinnissaqarfiup sullissineri nunap immikkoortuini eqiterneqarnerisa annertusiartornerat peqatigalugu ippinnartoqarsinnaammat. Peqqinnissakkut sullissinerit innuttaasunut iluaqutaasumik pitsanngorsartuarsinnaajumallugit pisariaqarpoq periarfissaqarnissaq nunap najukkani peqqinnissaqarfinnut agguarneqarsinnaanissaa, nunap innuttaasullu pisariaqartitaannut naapertuuttumik, ingerlatsiviit susassaqarfiilluunniit allat qanoq aaqqissuunneqarsimanerannut pituttorsimannigsumik."

Peqqinnissaqarfiup aqunneqarnera aaqqissuussaanelu pillugit Inatsisartut peqqussutaat nr. 7, 30. oktober 1992-imeersoq siusinnerusukkut atuuttoq Namminersornerullutik Oqartussat Kalaallit Nunaanni peqqinnissaqarfik pillugu inatsit nr. 369, 6. juni 1991-imeersoq tunngavigalugu peqqinnissaqarfimmik 1. januar 1992-imi tigusingerata nassatarisaanik akuersissutigineqarpoq.

§ 4, imm. 5-itut kingullertut taaneqartukkut Kalaallit Nunaanni peqqinnissaqarfik pillugu inatsit nr. 275, 27. maj 1950-imeersoq kingusinnerusukkut allannguuteqartinneqartarsimasoq atorunnaarsinneqarpoq.

Peqqinnissaqarfik pillugu inatsit 1992-ip tungaanut atuuttoq peqqinnissaqarfiup aaqqissuussaanelukut agguataarneqarnera pillugu aalajangersakkanik imaattunik imaqarpoq:

"§ 2. Nakorsat pisariaqartumik amerlassuseqartut Kalaallit Nunaanni nakorsatut sulinermik ingerlatsisussat Peqqissutsimut Ministerip aningaasanut ukiumoortumik inatsisit tunngavigalugit atorfinitsittassava.

Imm. 2. Kalaallit Nunaat nakorsaqarfinnut agguataarneqassaaq, taakkualu amerlassusissaat sumiiffiilu Peqqissutsimut Ministerip aalajangersassallugit.

Imm. 3. Nakorsat qassit nakorsaqarfinni ataasiakkaani atorfinitsinneqassanersut Ministerip najukkat ataasiakkaat inuttussusiat, isorartussusiat pissutsillu allat takkukumaartut isiginiarlugit aalajangissavaa.

§ 3. Nuna tamakkerlugu nakorsaanermut najukkanilu nakorsanut ilitsersuut/naalakkiut Ministerip aalajangersassavaa." (Atorfeqarfimmi nutsigaavoq)

Inatsisartut 2007-imi aningaasanut inatsisaanni konto 32.11.04-mit, Najukkani peqqinnissaqarfiit, nakorsanit sullinneqarneq (ingerlatsinermut aningaasaliis-

sutit), najukkani peqqinnissaqarfinnut ataasiakkaanut aamma agguataarneqarsimasoq pillugu oqaasertaliussanit makku erserput:

"Peqqinnissaqarfiup sullissineri il.il. pillugit Inatsisartut peqqussutaat nr. 15, 6. november 1997-imeersoq tunngavigalugu aningaasaliisoqarpoq.

Peqqinnissaqarfinni napparsimmaviit suliaat tassaapput pinartoqarnissaanut upalungaarsimaneq, peqqissutsimik misissuineq, ernisussiorneq, aalajangersariikkamik (pilarsaarutaasumik) pilattaaneq, peqqissaaneq, kapuineq, nappaatinik katsorsaa-neq, nakorsaatinik pilersuineq aamma pinaveersaartitsineq. Suliassat ilaatigut peqqissaaveqarfiusut napparsimmaviini ilaatigullu nunaqarfinni angalasarnernut atattillugu isumagineqartarput."

Uanga tamanna tunngavigalugu paasinninnera unaavoq napparsimmaviit ataasiakkaat najukkani peqqinnissaqarfiit ataasiakkaat ilaattut isigineqartariaqartut aallaavittut suliassaat tassaasut napparsimasunik katsorsaa-neq aamma peqqinnissakkut allatigut sulineq.

Inatsisiliornermi, matumani aningaasanut inatsit ilanngullugu eqqarsaatigalugu, najukkani peqqinnissaqarfiit taakkualu suliassaat pillugit malittarisassat aamma najukkani peqqinnissaqarfiit pillugit nalunaarutini malittarisassat piusut manna imaaliannaq ilimanarsisippaat, tassalu najukkani peqqinnissaqarfiit tassaasut nammineerlutik oqartussaasutut Peqqissutsimut Pisortaqarfiup ataaniittutut isigineqassasut.

Taamatut nassuiaanermut aamma ikorfartuutaavoq peqqinnissaqarfiup sullissineri il.il. pillugit Inatsisartut peqqussutaannit nr. 15-imi, 6. november 1997-imeersumi § 29-mit ersermat peqqinnissaqarfiup aalajangiineri Peqqinnissaqarfimmi Napparsimasut Naammagittaalliuuteqartarfiata ataaniittunut tunnganngitsut Peqqissutsimut Pisortaqarfimmut suliassanngortinneqartassasut.

Aalajangersagaq taamaattoq aalajangiinerit naammagittaalliuutigineqarsinnaasut Peqqissutsimut Pisortaqarfik sinnerlugu pisarpata tamanna isumaqar-naviannngilaq.

Peqqinnissaqarfiup aaqqissuussaanera aqunneqarneralu pillugit Inatsisartut peqqussutaanni § 1-ip oqaasertaasa najukkani peqqinnissaqarfiit oqartussasutut Peqqissutsimut Pisortaqarfimmit allaasutut isigineqarsinnaanerit assortunngilaat, oqaasertanimi taakkunani taamaallaat oqaatigineqarmat peqqinnissaqarfiup aqunneqarnera kommunit ataaniinngitsaq.

§ 1 pillugu oqaaseqaatit taamatut nassuiaaneq aamma assortunngilaat, oqaaseqaatinimi taamaallaat oqaatigineqarmat peqqinnissaqarfiup ingerlanneqarnera Naalakkersuisut akisussaaffigigaat, Peqqissutsimullu Pisortaqarfik najukkani peqqinnissaqarfiit sulinerat pillugu naalakkiteqarsinnaasooq. Sulineq

pillugu naalakkiinissamut periarfissaq oqartussaasup nammineq iluani oqartussaasumi pisortat sulisunut alliunerusunut naalakkiuteqarsinnaaneranni aamma oqartussaassutsimik ilusiliinermi qulliunerusut alliunerusullu akornanni oqartussaaqatigiiaatut ilusiligaasumi naalakkiuteqarsinnaaneq eqqarsaatigalugu.

Tamanna tunngavigalugu isumaqarpunga Naalackersuisoqarfiup aamma najukkani peqqinnissaqarfiit akornanni aaqqissuussaaneermut tunngasunik inatsisitigut/peqqussutitigut nalunaarutitigullu aalajangersaaneerup atuutup qitiusumik aqutsinermi oqartussaaneq Naalackersuisoqarfimmi najukkanilu peqqinnissaqarfimmi alliunerusuni immikkut ittuni inissisimasoq allaaserigaa.

Napparsimmaviit ataasiakkaat suliani sulisunut tunngasuni aalajangiinissamut pisinnaatitaaneersut erseqqarlussorinartoq tusarniaanermi akissutit tigu-neqartut aallaavigalugit isumaqarpunga.

Taamaalilluni Aningaasaqarnermut Naalackersuisoqarfiup tusarniaanermut akissutaanit 9. juni 2009-mi tigusannit qulaani issuarneqartumit erserpoq peqqinnissaqarfimmi sulisunik soraarsitsisoqarnissaani atorfinitsitsisoqarnissainillu aalajangiinerit peqqinnissaqarfiup sulisoqarnermik aqutsisoqarfiani pisartut, najukkani ataasiakkaani napparsimmaviit inassuteqaataat tunngavigalugit.

Tusarniaanermulli akissummit Peqqissutsimut Naalackersuisoqarfimmit 1. september 2009-mi tigusannit erserpoq aalajangiinissamut pisinnaatitaaneq najukkani peqqinnissaqarfinni peqqissutsikkut sulisut pisortaannut isumagissassanngortinneqarsimasoq.

Paasinninnerit marluk taakku arlaat sorleq eqqortuunersoq tusarniaanermut akissutit tigusakka peqqinnissaqarfiullu aaqqissuussaaneera pillugu malittarissat tamanut saqqummiunneqartut aallaavigalugit nalilersinnaangilara.

Pineqartorli tassaavoq ingerlatsineq pillugu inatsiseqartitsinnikkut aallaavik unaasoq oqartussaasup aalajangiinissamut pisinnaatitaanngitsup aalajangiineri atuussinnaassuseqanngitsut, tassami suliani pisinnaatitaanissamik piusaqaammik saneqqutsineq aalajangiinerup annertuumik ataatsimut amigaateqarneranut takussutissaammat¹⁷.

Oqartussaasup pisinnaatitaasup oqartussaasumut (pinnaatitaanngitsumut) oqaaseqaateqarsimanerata kukkuneq/amigaat piusoq aaqqissimanaviangi-laa, tamatumani tak. eqqartuussut UfR 1989.451H-mi eqqaaneqartoq.

A eqqarsaatigalugu suliami allagaatinit tigusannit erserpoq peqqinnissaqarfimmi qitiusumik oqartussaasoq, Sinerissami Aqutsisoqarfik, Z-ip napparsim-

17) Hans Gammeltoft-Hansen allallu, "Forvaltningsret", 2002-mi aappasaanik naqiter-titaq, qupperneq 858.

6. Suliat nalinginnaasumik soqutiginaatillit, inatsiseqartitsiffiusunut agguataakkat

mavianut A-p atorfeqaannarnissaa atorfinitseqqinneqarnissaaluunniit pillugu oqaaseqaateqarsimasoq, suliamili takuneqarsinnaangilaq Sinerissami Aqut-sisoqarfik A-p soraarniumminik tunuartitsinissamik kissaateqarnera tunngavigalugu oqaaseqaateqarsimanersoq, imaluunniit napparsimmaviup aamma A-p akornanni suleqatigiinnikkut ajornartorsiuteqartoqarnersoq Sinerissami Aqut-sisoqarfiup sukumiisumik isummerfigisimaneraa.

Tamanna tunngavigalugu isumaqarpunga Sinerissami Aqut-sisoqarfiup suliami akuunerata immini pisinnaatitaanikkut amigaat piusimappat tamanna aqqis-sinnaangikkaa.

A-p atorfeqaannarnissamik atorfinitseqqinneqarnissaminilluunniit kissaatigisaata oqartussaasumit pisinnaatitaasumit aalajangiiffigineqarsimanngippat tamatuma kingunerisaa tassaavoq A-p qinnuteqaataasa atuussinnaassuseqartumik suli aalajangiiffigineqarsimannginnerat.

Peqqinnissaqarfimmi sulisoqarnermik aqutsinermi pisinnaatitaaneq pillugu paasissutissat imminnut assortuuttut tunngavigalugit inassuteqaatigaara Peqqissutsimut Naalakkersuisoqarfiup manna isummerfigissagaa, tassalu napparsimmavik A-p soraarniumminik utertitsinissamik kissaateqarnera aalajangiiffigissallugu imaluunniit A-p napparsimmavimmi atorfinitseqqinneqarnissaminik qinnuteqaataa aalajangiivigissallugit pisinnaatitaasimanersoq.

Peqqinnissaqarfik taamatut pisinnaatitaasimasoq Naalakkersuisoqarfik isumaqarpat aamma inassuteqaatigaara suliaq Naalakkersuisoqarfiup oqartussaasutut qulliunerusutut suliareqqissagaa, napparsimmaviup kukkuneris oqaaseqaatip immikkoortuata aappaani allaaserineqartut aqqinniarlugit.

Napparsimmavik suliatigut pisariaqarneratut pisinnaatitaasimanngitsoq Naalakkersuisoqarfik isumaqarpat inassuteqaatigaara suliaq Naalakkersuisoqarfiup suliarissagaa, atuussinnaassuseqartumik eqqortumillu aalajangiisoqarnissaa siunertaralugu.

Matumani sulisoqarnermik aqutsinermi pisinnaatitaanermik Peqqissutsimut Naalakkersuisoqarfimmit napparsimmavinnut ataasiakkaanut isumagisassanngortitsinermik apeqqu pillugu arlalinnik ataatsimut oqaaseqaateqarnissanut pissutissaqarlunga isumaqarpunga.

Sulisoqarnermik aqutsinermi aalajangiinissamut pisinnaatitaanermik qitiusumik oqartussaasumit oqartussaasunut alliunerusunut isumagisassanngortitsineq naleqquttuugajussinnaavoq.

Peqqinnissaqarfiulli qitiusumik aqutsinermi oqartussaasumut Naalakkersuisunut ilaasortamit akisussaasumit aqunneqartumut aamma najukkani peqqinnissaqarfimmut peqqissutsikkut sulianik suliaasaqartunut agguataarinerup nassa-

taraa taamatut isumagisassanngortitsinerup eqqarsarnartortalinnik ilaqarsinnaanera.

Taamaalilluni pisoqarsinnaavoq inatsisilerinikkut allatigullu apeqqutit sulisoqarnermik aqutsinermi pilerajuttut peqqissutsikkut sulisuinnarnit najukkani peqqinnissaqarfinnut atasunit aaqqinneqarsinnaanngiffigisaannik, taamaatumillu taakku Naalakkersuisoqarfimmit naalakkiutinik ilitsersuinernillu pisariaqartitsivigisaannik.

Tamatumani ulorianartoq una pilerpoq, tassalu inatsiseqartitsinikkut innarlitsaaliineq oqartussaasup alliunerusup aalajangiinerinik innuttaasup oqartussaasumut qulliunerusumut naammagittaalliuutiginnissinnaanera qarajarneqalersinnaammat, tassami pisoqarsinnaammat Naalakkersuisoqarfiup suliami imatut akuuffigisaanik, Naalakkersuisoqarfik imaluunniit Naalakkersuisoqarfiup sulisua pineqartoq najukkami peqqinnissaqarfiup sulisoqarnermik aqutsinikkut aalajangiineri pillugit naammagittaalliuutit eqqarsaatigalugit sulianik suliarinninnermi peqataasinnaatitaajunnaarluni.

Tamatumunnga peqatigitillugu inatsisikkut aalajangersagaanngitsumik tungaveqarluni isumagisassanngortitsisinnaanermi oqartussaasup nammineq iluani isumagisassanngortitsineq, tassa imaappoq oqartussaasup taannaasup iluani oqartussaasumut alliunerusumut isumagisassanngortitsineq imaluunniit allamut isumagisassanngortitsineq, matumani oqartussaasumut alliunerusumut isumagisassanngortitsineq pineqarnersut appeqqutaatinnagu ingerlatsineq pillugu inatsiseqartitsinermi killissaliussat arlallit, atuupput.

Inatsisikkut aalajangersagaanngitsumik isumagisassanngortitsineq akuerineqarsinnaanersoq aalajangiivigineqassangaangat piumasaaqatit assigiinngitsut pingaartillugit isiginiarneqarajuttarput¹⁸:

- 1) Kimit (oqartussaasumit sorlermit imaluunniit oqartussaasup iluani immikkoortumit sorlermit) isumagisassanngortitsisoqarnersoq kimullu (matumani isumaginnittussanngortinneqartup pisinnaasai ilanngullugit aamma eqqarsaatigalugit) isumagisassanngortitsisoqarnersoq,*
- 2) suliassamik iperaasoq aqutsinermi (matumani naalakkiinissamut piginnaatitaaneq ilanngullugu eqqarsaatigalugu) piginnaatitsisoqarsimappat piginnaatitsinermik taassuminnga suliassamik tiguisumut atuisimanersoq,*
- 3) isumagisassanngortitsineq assigiinngitsut sulinermullu tunngasut pissutigalugit pisariaqartuunersoq, aamma*
- 4) suliassap isumagisassanngortinneqartup suussusia (assersuutigalugu ingerlatsinermik suliaqarnivik, suliamik piareersaaneq, sulianik pisariitsunik in-*

18) Hans Gammeltoft-Hansen allallu, "Forvaltningsret", 2002 aappaassanik naqitertinneqartoq, qupperneq 139.

6. Suliat nalinginnaasumik soqutiginaatillit, inatsiseqartitsiffiusunut agguataakkat

nuttaasumullu akuliunnerunngitsumik aalajangiiviginninnerit imaluunniit sulianik pisariusunik annertuumillu sunniuteqartunik aalajangiviginninnerit).

Naalackersuisoqarfik tamakku tunngavigalugit qinnuigaara peqqinnissaqarfiup sulisoqarnermik aqutsinera pillugu pisinnaatitaaneq pillugu malittarisassat atuuttut erseqqissarneqarnissaannut allannqortinneqarnissaannulluunniit tunngavissaqarnersoq nalileeqqullugu.

2. A-p soraarniummi tunuartinneqarnissaanik kissaataanik suliarinninneq

Suliap qulaani allaaserineqarnerani ersertutut A 1. september 2007-imit atuutilersumik Z-ip napparsimmaviannut 31. juli 2007-imi soraarniuteqarpoq.

Qinnuteqaat Peqqissutsimut Pisorta qarfiup allakkatigut 9. august 2007-imeersutigut akueraa.

Napparsimmaviup pisorta qarfimmu e-mailiani 27. august 2007-imeersumi oqaatigineqarpoq A napparsimmaviup qaammatini pingasuni taartaagallartut atorfinitseqqilersaaraa.

A-p soraarniummi tunuartinneqarnissaanik kissaateqarnera innersuussutigalugu qaammatini pingasuni taartaagallartut atorfinitsinnissaa napparsimmaviup 28. august 2007-imi neqeroorutigaa, arlalinnik nanertuutaasunik piumasaaqateqarluni, aalajangersimasumillu atorfinitsitsinissaq napparsimmaviup tamatuma kingornatigut isumaliutersuutiginiarlugu.

Nanertuutaasumik piumasaaqatit isumaqatigiisummik (overenskomst) unioq-qutitsisuusut peqqissaasullu taartaagallartut atorfinni misiligutaasumik atorfinitsinneqarsinnaanngitsut F-ip pisorta qarfimmu saaffiginninnermini oqaatigereeraa napparsimmavik A-mut allappoq atorfinitsitsinermi allakkanut missingiut F-ip pisorta qarfimmu oqaloqatiginninnera innersuussutigalugu napparsimmaviup tunuarktikkaa, nutaamillu atorfinitsitsisoqassappat nutaamik qinnuteqartoqarnissaa piumasaaqataasoq.

Ilimagineqarpoq atorfeqartitaasup soraarnini soraarniuteqarniniluunniit tunuarktissinnaagaa, soraarnek soraarniuteqarnerluunniit sulisitsisup iliuuseqariaasianut aalajangiisutut sunniuteqalerserlugu¹⁹.

Pisortani atorfeqartitaasunut atorfeqarnerminnik namminneerlutik aallaavitut unitsitsinnaanngitsunut tjenestemandit eqqarsaatigalugit tunngavik taaneqartoq imatut atuuppoq soraarniut akuerineqarnissaata immaqalu soraarnermik aalajangiinerup tjenestemandimut nalunaarutigineqarnissaata tungaanut tjenestemandip tunuarktissinnaasariaqaraa²⁰.

Isumaqatigiisut (overenskomst) tunngavigalugu atorfeqartitaasut eqqarsaatigalugit ilimagineqarpoq atorfeqartitaasut soraarnertik soraarniuteqarnertil-

19) Inatsiseqartitsinermi periaaseq pillugu eqqartuussut UfR 2007.1263H-mi takuuk.

luunniit tunuartissinnaagaat, tamatuma ingerlatsiveqarfimmit ilisimaneqaler-nissaata tungaanut²¹.

A eqqarsaatigalugu pineqartoq tassaavoq taassuma 1. september 2007 aallar-nerfigalugu soraarnissani kissaatigalugu suliffimminut 31. juli 2007-imi nalunaaruteqarsimanera, soraarniutaatalu Peqqissutsimut Pisorta qarfimmit 9. august 2007-imi akuerineqarsinnaanera. Aningaasaqarnermut Nunanullu Allanut Tunngasunut Naalakkersuisoqarfiup tusarniaanermut akissutaani 11. marts 2009-mi tigusanni oqaatigineqarpoq A-p soraarniutimi tunuartinnissaa kissaatigigini sap. akunnerani nr. 34-mi saqqummiussimagaa, tassa imaappoq piffissami 20. august 2007-imit 26. august 2007-imut ingerlasumi, Naalakkersuisoqarfiullu tusarniaanermut akissutaanit 9. juni 2009-mi tigusannit erserpoq atorfia Z-ip napparsimmaviata sulisussarsiortarfittut/suliffissarsiortarfittut nittartakkami www.nextjobgreenland.gl-imi inuttassarsiorlugu 15. august 2007-imi allagarsiussimagaa.

Pisumi matumani A-p soraarniunni tunuartikkumallugu kissaateqalinnginnerani soraarniutip pisorta qarfimmit akuerineqartut pineqartumut nalunaaruteqarfigisimasaani atorfiullu inuttassarsiuunneqarfigisimasaani uanga paasininnera unaavoq A soraarsinneqarnini tunuartinneqassasoq piunasaqaatigisinnaangikkaa.

Napparsimmaviulli allakkamini 28. august 2007-imeersumi, tassa imaappoq A-p atorfeqartitaanerata naanissaa sioqquitsiarlugu, A-p soraarniummi tunuartinneqarnissaanik kissaatigisaa innersuussutigisimavaa. Napparsimmavik taamaaliornermigut taamatut pisussaaffeqanngikkaluarluni A-p soraarniutaata isiginianginnissaanut piareersimalluni oqartutut isumaqalersitsisinnaasumik iliuuseqarsimavoq.

Atorfinitsitsisarneq pillugu malittarisassanik imaluunniit ingerlatsineq pillugu malittarisassanik sulisitsisup pisumi taamaattumi oqartussaasup atorfeqartitaasumik inatsiseqartitsinikkut pisussaaffigisaanit pitsaaneruseqarsumik inissiinisaanut akornusiisunik peqanngilaq.

Napparsimmaviup allagaasa 28. august 2007-imeersut A piunasaqaatit allakkani erseqqinnerusequmik taaneqartut tunngavigalugit suliffitoqqamini inger-

- 20) Poul Andersen, "Forvaltningsret", pingajussaani 1956-imi naqitertitaq, qupperneq 194 aam-ma Hans Gammeltoft-Hansen allallu, "Forvaltningsret", aappasaanik 2002-mi naqitertitaq, qupperneq 149 kiisalu inatsiseqartitsinermi periaaseq pillugu eqqartuussut UfR 2001.603H.
- 21) Hans Gammeltoft-Hansen allallu, "Forvaltningsret", aappasaanik 2002-mi naqitertinneqartoq, qupperneq 149.

laqqissinnaanersoq imaluunniit A atorfimmi nutaami atorfinitsissallugu napparsimmaviup siunertarineraa annertuumik nalorninarsisippaat.

A-p soraarniummi tunuartinneqarnissaanik kissaatigisaa akuersaarneqassappat tamatuma manna pisariaqartumik nassatarissavaa, tassalu A atorfitoqqamini piffissami killiligaanngitsumi sulileqqissasoq.

A-p soraarniummi tunuartinneqarnissaanik kissaatigisaanut napparsimmaviup innersuussinerminut peqatigitillugu allakkamini 28. august 2007-imeersuni "piffissami aggersumi suliffigisassat" atorfimmilu piffissami killiligaasumi suliffiusussami atorfinitsinneqarnissaanik neqeroorfigineqartoq oqaatigisimavai, taakkulu napparsimmavik nutaamik atorfinitsitsinissamik siunertaqarsimasoq ilimanarsisippaat.

Oqaatigaara aalajangiineq aalajangiinermi pineqartumut aatsaat nalunaarutigineqaruni aalajangiinermi pineqartumut inatsiseqartitsinikkut sunniuteqalersartoq.

Aalajangiineq pissusissamisoortumik nalunaarutigineqarsimasutut isigineqarsinnaassappat oqartussaasup tunngavilersuisussaataani eqqortissinnaasagaa piumasagaataavoq, tassa imaappoq aalajangiinermi suna pineqartoq takuneqarsinnaassasoq tak. suliassat suliarineqartarnerat pillugu inatsimmi kapitali 6.

Taamaattumik napparsimmaviup A-mut allagaani 28. august 2007-imeersuni A-p atorfeqartitaanermi ingerlaqqitsinnissaa napparsimmaviup siunertarisi-maneraa imaluunniit atorfeqartitaaneq augustip naanerani unissasoq napparsimmaviup aalajangiusimaneraa napparsimmaviullu A atorfimmi nutaami atorfinitsinniaraa siunertaasoq erseqqissumik oqaatigineqarsimannginnerat isorisariaqartutut isigaara.

A atorfeqartitaanermi ingerlaqqissasoq napparsimmaviup siunertarisi-mappagu napparsimmaviup aalajangiineri pillugit imaattunik oqaaseqaate-qarpunga:

Uanga paasinninnera unaavoq napparsimmavik A-p atorfeqartitaanerata ingerlaqqissinnaanerani oqarnermigut A qinnuteqaataasumik soraarsinneqarsimanngitsutut inississallugu pisussaaffeqarsimasoq.

A-p atorfeqartitaanera ingerlaqqissappat piumasagaatinik nanertuutaasunik arlalinnik napparsimmaviup piumasagaateqarsimanerata inatsiseqartitsinikkut sunniutaa tamatuma kingornatigut erseqqissassallugu pissusissamisoorpoq.

A atorfitoqqamini ingerlaqqissanngitsoq ilumut siunertaasimappat F-ip paasinninnera una ilalersinnaanngilara, tassalu piumasagaatit inatsisinik eqqortitsisuunerat isumaqatigiisummi (overenskomst) nutaamik atorfinitsitsisarnernut killissarititaasut eqqarsaatigalugit naliliiffigineqassasoq. Uanga paasin-

ninnera unaavoq taamaappat piumasaqaatit inatsisinik eqqortitsisuunerat tassunga taarsiullugu A-p atorfeqartitaanermi ingerlaqqinnissaanut piumasaqaatitut nalilerneqartariaqartut.

Pisumili atorfeqartitaanerup unitsinneqarsimagaluartup ingerlaqqinnissaanik piffissap soraarnissap tungaanut ingerlasup naannginnerani piareersimaffigisaani uanga paasinninnera unaavoq oqartussaasoq atorfeqartitaaneq ingerlaqqissappat piumasaqaatinik nanertuutaasunik isiginiagassat piumasaqaatini taaneqartut tunngavilersuutigalugit qinnuteqaataannngitsumik oqartussaasup soraarsitsissaguni piumasaqaatigisinnaasaanit annertunerusunik aalajangersaasinnaannngitsaq.

Taamaalillunga uanga isumaqarpunga oqartussaasup malittarisassat qinnuteqaataannngitsumik soraarsitsinermut atuuttut malittariaqarai, tassami oqartussaasup atorfeqarneq ingerlaqqissappat piumasaqaatinik aalajangersaanermigut inatsisikkut tunngaveqarnissamik piumasaqaatit aamma suliamik suliarinninnermi piumasaqaatit saneqqunneqarsinnaannngitsut pisortani atorfeqartitaasup qinnuteqaataannngitsumik soraarsinneqarneranut atuuttut saneqqussinnaasussaannngimmagit.

Taamaalillutik atorfeqartitaaneq ingerlaqqissappat piumasaqaatigineqartut aatsaat inatsisinik unioqquitsisuussanngillat, piumasaqaatigineqartunik taak-kuninnga unioqquitsineq A-p qinnuteqaataannngitsumik soraarsinneqarnissaa-nut imminni immikkut tunngavilersuutaasinnaasimappata.

Piumasaqaatit tallimat taakku napparsimmaviup allagaani 28. august 2007-i-meersumi erseqqissarneqarsimasut napparsimmaviup tassanilu sulisut A-mik suleqateqarnerannut tunngasuupput.

Suleqatigiinnikkut ajornartorsiutit qinnuteqaataannngitsumik soraarsitsinermut tunngavilersuutaassappata taakku erseqqinnerusumik suussusilerneqarsima-nissaat piumasaqaataavoq²².

Siullertut manna piumasaqaataavoq, tassalu suleqatigiinnikkut ajornartorsiutit atorfeqartitaaffimmi pineqartumi suliassat suliarineqarnerannut pitsaanngitsorujussuarmik sunniuteqartuussasut.

Aammattaaq suleqatigiinnikkut ajornartorsiutit inuullu soraarsinniarneqartup akornanni erseqqissumik ataqatigiinneqassaaq.

Ajornartorsiutinut annertunerpaamik pisuuneq soraarsinniarneqartumit allaa-sumut pisuutitsiniutigineqarsinnaasussaannngillat.

Pisumut naapertuuttumik qisuariaateqartarnermik nalinginnaasumik tunnga-veqarnerup aamma nassataraa ajornartorsiutit soraarsitsinermi sakkukinne-

22) Hans Gammeltoft-Hansen allallu, "Forvaltningsret", 2002-mi aappasaanik naqiter-titaq, quppernerit 240 tullu.

rusumik iliuuseqarnikkut aaqqinniarlugit oqartussaasumit soraarsitsisumit suliniuteqartoqarsimassasoq.

Soraarsitsinissamik aalajangiinerup sakkortuujunerata tamatumunnga peqatigitillugu manna piumasaqaataalersippaa, tassalu suleqatigiinnikkut ajornartorsiutit soraarsitsinermut tunngavilersuutaasut piunerannut uppernarsaaseruinikkut tunngavik immikkut qularnaatsuussasoq.

A-p atorfeqartitaanera eqqarsaatigalugu Sulisoqarnermut Pisorta qarfiup aamma Peqqissutsimut Pisorta qarfiup suliami allagaataat allakkat 28. august 2007-imeersut sioqqullugit suleqatigiinnikkut ajornartorsiutit pillugit paasisutissanik imaqa ngillat, ajornartorsiutillu piumasaqaatini innersuussutigineqartut allakkani erseqqissarneqarsimanatik.

Tassani aamma ilaavoq A suliami illua'tungiusutut allakkat 28. august 2007-imeersut sioqqullugit isumaanik tusarniaavigineqarsimannginnera.

Uanga tamanna tunngavigalugu isumaqarpunga A-p atorfeqartitaanerata suleqatigiinnikkut ajornartorsiutit pissutigalugit unitsinneqarnissaanut inatsiseqartitsinikkut piumasaqaatit allakkatigut 28. august 2007-imeersutigut eqqortinneqarsimanngitsut, tamannalu suliap aalajangiivigineqarnerani kukkuneruvoq isorisarialik.

Malugaara A-p peqqissaasutut atorfeqartitaanerminut atatillugu suleqatigiinnikkut ajornartorsiutit Peqqissutsimut Pisorta qarfimmi (...) -mut e-mailimini 18. september 2007-imeersumi nassuiarsimagai. A-lli allaaserinninnerata ajornartorsiutinut pilersimasunut taassuma pisuusimanissaa ikorfartunngilaa, A-llu atorfeqaannarnissaminik kissaatigisaa pillugu suliap suliareqqinnissaanut pissutissaqarani pisorta qarfik isumaqarsimammat paasisutissat taakku soraarsitsinermut tunngaviusumik atorfeqartitaanerup ingerlaqqinnissaanut piumasaqaatinut tunngavilersuutaasinnaasunik peqa nginneranik naliliininni pingaartillugit isiginiarneqarsinnaanngitsut isumaqarpunga.

Piffissami killiligaasumi atorfinitsitsinissamik piumasaqaat eqqarsaatigalugu oqaatigaara piumasaqaat taanna A-p piffissami killiligaanngitsumi atorfeqartitaanerata ingerlaqqinnissaanik aalajangiinermut assortuuttuusooq, taamaatumillu piumasaqaat taanna pissutissaqaanngitsutut isigisariaqartoq.

A atorfeqartitaanermini ingerlaqqissinnaasooq napparsimmaviup allakkani 28. august 2007-imi neriorsuutigisimappagu piffissamilu tassani A-p suleqatiginikkumassusia eqqarsaatigalugu nanertuutaasunik piumasaqaateqarnissamut tunngavissaqarsimanngippat uanga paasinninnera unaavoq napparsimmavik piumasaqaatit atorunnaarnerat pissutiginnarlugu A atorfinitsinneqassappat

tamanna qinnuteqaateqarnermik tunngaveqassasoq piumasaqaatigissallugu pissutissaqarsimanngitsoq.

Taamaappat A atorfinitsinneqassappat tamanna nutaamik qinnuteqarnermik tunngaveqassasoq napparsimmaviup A-mut 30. august 2007-imi nalunaaruteqarnera pissutissaqanngitsutut isorisariaqartutullu isigaara.

Napparsimmaviup allagai A-p atorfimmi piffissami killiligaasumi nutaamik atorfinitsinneqarnissaanik neqerooruteqarnermut takussutissaappata tamanna napparsimmaviup suliamik suliarinninnera pillugu imaattunik oqaaseqaateqarnissamut pissutissaqalersitsivoq:

Pisortat ingerlatsivianni atorfimmi inuttaliinermi atorfik atorfinitsitsinerimi oqartussaasup qinnuteqartumik piukkunnaateqarnerpaamik inuttalissavaa.

Peqqinnissaqarfiup atorfik inuttaqanngitsoq Z-ip napparsimmaviata A-mik atorfinitsitsiffiginarlugu isumaliutersuutigisimasaa inuttassarsiuilluni tamannut allagarsiussinerup kingornatigut inuttalissallugu pisussaaffigisimaneraa isummerfiginnginninneq A-p kattuffiullu ilaasortaaffigisaata uannut naammagittaalliuutaa tunngavigalugu misissuinermit killissaliussat avataanniippoq.

Malugaarali napparsimmavik peqqissaasunik suli amigaarteqartoq Sinerissami Aqutsisoqarfiup Z-ip napparsimmaviannut oqaatigisimagaa.

Ingerlatsineq pillugu inatsiseqartitsinerimi suliamik paasissutissartalersuisarneq aamma suliami illua'tungiusumik peqataatitsisarneq pillugu malittarisassat pisortani atorfinitsitsinerit pillugit sulianut atuupput.

Tamatuma sulianik paasissutissartalersuisarneq pillugu malittarisassat nalinginnaasut malinneqarnissaat siullertut nassataraa.

Oqaatigaara A pillugu suliami manna tikillugu atorfeqartitaaneranut tunngasumi paasissutissat tigusakka suleqatigiinnermi ajornartorsiutit pillugit paasissutissanik imaqanngimmata.

Taamaattumik atorfinitsitsinissamut piumasaqaatit allakkanit 28. august 2007-imeersunit ersertut napparsimmavimmi sulisut oqaasiinnartigut naliliinerinik saqqummiussaannillu tunngaveqarsimassappata tamatuma manna ilimanarsisinnigilaa, tassalu atorfeqartitaanerminut atasunik ajornartorsiuteqarnera A-p ilisimasimagaa.

Suliassat suliarineqartarnerat pillugu inatsimmi § 19, imm. 1-ikkut aalajangersarneqarpoq suliami illua'tungiusoq aalajangiisoqannginnerani isumaa-nik tusarniaavigineqartassasoq:

“Suliassami (illuatungiulluni) peqataasoq paasissutissanik aalajangersimasunik suliassami pisimasuinnut tunngasunik oqartussaasut pigisaqarnerannik ilisimasaqarsorinangippat aalajangiisoqassanngilaq peqataasoq taanna paasissutissanik tamakkuninnga oqartussaasunit ilisimatinneqartinnagu oqaaseqaateqarnissaanullu

6. Suliat nalinginnaasumik soqutiginaatillit, inatsiseqartitsiffiusunut agguataakkat

periarfissinneqartinnagu. Aalajangigarli taanna aatsaat atortuussaaq paasissutissat peqataasumut tassunga iluaqutaasussaassanngippata suliallu aalajangiiffiginissaanut annertuumik pingaaruteqarpata. Oqartussaasut oqaaseqaateqarnissamut taaneqartumut piffissamik killiliisinnaapput."

Suliami illua'tungiusup isumaanik tusarniaasussaataaneq paasissutissanut oqaasiinnartigit pissarsiarineqarsimasunut uppersaasersuinikkullu nalilii-nernut tunngasuuppata taakkulu suliami illua'tungiusup isumaanik sukumiisu-mik tusarniaanermut tunngaviusinnaassappata allakkiami allatorneqarsi-masariaqarput. Paasissutissat taamaattut pisortat ingerlatsinerat pillugu paa-sitinneqarsinnaatitaaneq pillugu inatsimmi § 6, imm. 1-imi imaattunik oqaase-qartumi pineqartunut ilaatinneqarput:

"Suliassani ingerlatsinermut oqartussaasunit aalajangiiffiqartussani oqartus-saq paasissutissanik suliassamut tunngassuteqarlunnartumik suliassap aalajangiif-figineqarnissaanut pingaaruteqartunik oqaasiinnakkut pissarsisoq, paasissutissa-nilluunniit taamaattunik allatut iliorluni paasisaqartoq paasissutissat taakku imaat pillugit allakkiussaaq. Taamaattorli paasissutissat taakku suliassap allakkiartaasa ilaanni takuneqarsinnaappata tamanna atuutinngilaq."

Suleqatigiinnermi ajornartorsiutit A-p atorfinitsinneqarnissaanut napparsim-maviup akornutaasutut isigisai napparsimmaviup A-mut allagaani 28. august 2007-imeersuni erseqqissumik taaneqarsimanatillu suussusilerneqarsiman-ngillat, aamma tak. suleqatigiinnermi ajornartorsiutit soraarsitsinermut tun-ngaviusut suussusilerneqartarnerat pillugu qulaani oqaaseqaatikka.

Taamaattumik isumaqarpunga suleqatigiinnermi ajornartorsiutaaneragaasut erseqqinnerusumik suussusilernagit A-mullu suliami illua'tungiusumut tusar-niaatiginagit A atorfinitsinneqassappat napparsimmaviup inatsisinik unioq-qutitsinani piumasagaatigisinnaasimanngilai, pisumilu tassani napparsimma-viup suliamik suliarinninnera isorisariaqartutut isigisariaqarpara.

Piumasagaatit atugassarititaasulluunniit atorfeqartitaanissamut atatinneqar-tut pineqarpata uanga aamma paasinninnera unaavoq atugassarititaasut piu-masagaatilluunniit Sinerissami Aqutsisoqarfiup akissutaani 29. august 2007-imeersumi F-ip oqaatigisaatut isumaqatigiisummik (overenskomst) unioq-qutitsisuuppata pineqartoq aamma tassaasinnaavoq atugassarititaasut piu-masagaatilluunniit piumasagaatigineqarsinnaanngivinnerat, suleqatigiinnermi ajornartorsiutit atugassarititaasunut tunngaviusut uppersarneqarsinnaa-

galuarpataluunniit. Aalajangiinermut atugassarititaasunik inatsisinik unioq-
qutitsisunik piunasaqaateqarneq kukkuneruvoq isorisariaqartoq.

Tassa F-ip aamma oqaatigisaatut imaassaaq oqartussaasup A piunasaqaati-
taqannngitsunik atorfinitsittariaqaraa, atorfinitsinnngilluinnassagaaluunniit.
Oqaatigaara kattuffiit sulisut ilaasortaaffigisaasa pisortanilu sulisitsisut isu-
maqatigiissutaasimasunik assigiinnngitsunik (aftaler/overenskomster) qanoq
paasinninnissamik aaqqiagiinnngissutaannik qanorlu paasinninnissamik nas-
suaanerini aalajangiiviginninneq aallaavittut uanga sulinerma avataaniim-
mat, tassami (pisortatigut) isumaqatigiissutini (overenskomster) illua'tungiu-
sup aappaannaa eqqarsaatigalugu pisinnaatitaagama.

Ataatsimut oqaatigaara aalajangiinermut inatsisinik unioqqutitsisunik piunasa-
qaateqartoqarnerata aallaavittut sunniutaa unaasoq, tassalu piunasaqaatit
atuussinnaassuseqannginnerat, aalajangiinerulli pingaarnertut imarisaa at-
tatiinnarneqarluni. Piunasaqaatit pingaarnertut aalajangiinermut piunasa-
qaatit atatinneqarpata piunasaqaatit atorunnaarnerat pisut qanoq ittuo-
nerat apeqqutaatillugu matuminnga nassataqarsinnaavoq, tassalu pingaarnert-
tut aalajangiinerup aamma atuussinnaassuseerunnera, soorlulusooq piunasa-
qaatit pingaannginnerusutut aalajangersagaasut, inatsiseqartitsinerli tun-
ngavigalugu aalajangiinerup²³ ilaatut inissisimallutik.

A-p piffissami atorfeqarfigisassaani piunasaqaatit kisimik atorunnaarpata
uanga paasinninnera unaavoq napparsimmavik A-mut allakkatigut 28. august
2007-imeersutigut pineqartoq atorfinitsinneqassasoq qilersuisuusumik aala-
jangiisimasooq, taamaappallu napparsimmaviup pineqartumut allagai 30.
august 2007-imeersut iluaqusiisumik aalajangiinermik tunngavissaqarani tu-
nuartitsinertut pissuseqartut.

Suliami atuussinnaassuseqartumut eqqortumillu aalajangiisooqarnissaa nap-
parsimmaviullu suliamik suliarinninnermini kukkussutigineqarsimasut aaqqin-
neqarnissaat Naalakkersuisoqarfiup isumagissagaa oqaaseqaatip immikkoor-
tuani 1-imi inassuteqaatigigiga innersuussutigaara.

3. A-p qinnuteqaataanik 31. august 2007-imeersumik suliarinninneq

Qulaani immikkoortumit ersertutut uanga paasinninnera unaavoq A-p atorfim-
mut nutaamik qinnuteqaateqarnissaata piunasaqaatigineqarnissaanut tunnga-
vissaqanngitsoq.

Taamaattumik A-p qinnuteqaataa 31. august 2007-imeersoq pillugu tulliuuttuni
oqaaseqaatika taamaallaat ingerlatsinermi periaatsit pillugit malittarisassa-
nik malinninnermut tunngasuupput, taamaallungalu atorfimmuq qinnuteqaat

23) Hans Gammeltoft-Hansen allallu, "Forvaltningsret", aappassaanik 2002-mi naqiter-
titaq, quppernerit 853 tullialu.

6. Suliat nalinginnaasumik soqutiginaatillit, inatsiseqartitsiffiusunut agguataakkat

akuerineqartariaqarsimagaluarnersoq oqaaseqaateqarnissannut pissutissaqarnanga isumaqarlunga.

Z-ip napparsimmaviani peqqissaasutut atorfimmi atorfinitsinneqarnissani A-p 31. august 2007-imi qinnutigaa.

Qinnuteqaammi atorfik inuttassarsiuullugu allagarsiusseq aalajangersimasoq innersuussutigineqanngilaq, taamaallaallu 10. september 2007 aallarnerfigalugu atorfinitsinneqarnissaq qinnutigineqartoq oqaatigineqarluni.

Taamaattumik isumaqarpunga atorfimmik inuttassarsiuilluni allagarsiussumi aalajangersimasumi qinnuteqarnissamut piffissaliussap naasimanerinnaa innersuussutigalugu napparsimmaviup itigartitsinera kukkunerusoq, tassami napparsimmaviup qinnuteqaat ataatsimut qinnuteqaatitut tamanna tunngavigalugu suliarisimasariaqaraluarmagu.

Suliamik suliarinnineq itigartitsinermut tunngavilersuut pillugu oqaaseqaatinik saqqummiussinissannut aamma pissutissaqalersitsivoq.

Taamaalilluni Peqqissutsimut Pisortaqarfiup Z-ip napparsimmavianut allagaanit 11. september 2007-imeersunit erserpoq A-p qinnuteqaataanik itigartitsinermut tunngavilersuuterpiaasoq tassaanngitsoq qinnuteqarnissamut piffissaliussamik qaangiisimaneq, tassaallunili siusinnerusukku atorfeqartitaanermi suleqatigiinnermi ajornartorsiuteqarsimaneq.

Tunngavilersuuterpiaasoq taanna napparsimmaviup A-mut allakkatigut 17. september 2007-imeersutigut nalunaarutigaa.

Oqaatigaara allakkatigut aalajangiinernut tunngavilersuineq eqqarsaatigalugu piumasaqaatit annikinnerpaaffissaat suliassat suliarineqartarnerat pillugu inatsimmi § 24-kkut imatut aalajangersarneqarmata:

"§ 24. Aalajangiinermut tunngaviusumik nalunaarummi innersuussutigineqassapput inatsisini maleruaqqusat aalajangiinermi tunngavigineqartut. Maleruaqqusat tamakku malillugit aalajangiineq oqartussaasuni sulisut isumaannik tunngaveqarpat tunngaviusumik nalunaarummi taaneqassapputtaaq pissutaasut pingaarnerusut isummat tamakku atornerannut aalajangiisuunerusut.

Imm. 2. Tunngaviusumik nalunaarummi pisariaqarpat naatsumik erseqqissarneqassapputtaaq paasissutissat suliame pissusiviusunut tunngasut aalajangiinermi anner-tuumik pingaartinneqartut.

Imm. 3. Tunngaviusumik nalunaarutip imarisai killiliiffigineqarsinnaapput suliame peqataasup tamakkununga ilisimasaqarnini nammineq iluaqutigiumallugu atuiumasinnaanermik soqutiginninera inuk taanna nammineq eqqarsaatigalugu imaluunniit inuinnaat allat pisortalluunniit soqutigisat pissutiginerullugit minneruttariaqartutut isumaqarfiginarpat, tak. § 15."

Naak tamanna inatsimmi aalajangersakkap oqaasertaanit ersinngikkaluartoq tunngavilersuutip eqqortuunissaa eqqortumillu takutitsisuunissaa pissusissamisoortuuvoq.

*Taamaattumik A-p qinnuteqaataata itigartinneqarneranut Z-ip napparsimma-
viata eqqunngitsumik tunngavilersueqqaarnera assut isorisarialittut isigaara.*

4. Naggasiutaasumik oqaaseqaatit

Suliami allagaatit allaqqaarneqarneri oqartussaasunut allakkatigut allatigut utertillugit nassiuppakka, atukkiunneqarnerat qujassutigalugu.

*Allakkat ukua assilinerat Aningaasaqarnermut Naalackersuisoqarfimmut nas-
siuppara.*

*F suliami uanga paasinninninnik allakkatigut allatigut allakkat ukua assiline-
rannik ilaqartinneqartutigit ilisimatippara.*

*Naalackersuisoqarfiup inassuteqaatinnut isummerneranik ilisimatinneqarnis-
sara matuma kingornatigut utaqqimaarpara."*

Suliariumannittussarsiuussineq neqerooruteqarnerlu

6.3 Kommuniq cafémik ingerlatsinermi peqataanera

*Namminersorlutik inuussutissarsiortut arlallit K Kommuniq kultureqarnermut pinaveersaartitsinermullu illuutimini cafémik attartortitsinermigut illoqarfimmi inuussutissarsiortunut equngasumik unammillertuunera naammagittaalliuuti-
gaat. Naammagittaalliuummi cafémik borgmesterip ilisarissimalluugaanut attartortitsisimaneq aamma ilaatinneqarpoq.*

*Ombudsmandi isumaqarpoq K Kommuniq cafémik inatsisinik unioqutitsinani il-
luutiminiititsisinnaasoq, ingerlatsineq niuernerme atugassarititaasunik atugas-
saqartitsilluni nioqutissanillu illup ingerlataata sinnerinut ikorfartuisuusunik
nioqquteqarluni attartortumut isumagisassannngortinneqarsimappat.*

*Taamaattorli Ombudsmandi isumaqarpoq attartornermut akiliutit cafép sinne-
qartoorutaasa procentiisa ilaattut aalajangersarneqarnissaat kommunip inat-
sisinik unioqutitsinani piunasaqaatigisinnaasimangikkaa.*

*Ombudsmandip tulliullugu oqaatigaa kommunip suliami allagaataasa cafémi
nioqutissat attartorneq pillugu isumaqatigiisummut naapertuutuunersut
kommuniq qanoq iliorluni nakkutilliisimaneranut allakkatigut uppernarsaatinik
imaqannginnerat ajuusaarnartutut isigigini.*

6. Suliat nalinginnaasumik soqutiginaatillit, inatsiseqartitsiffiusunut agguataakkat

Attartortup imigassanik aalakoornartulinnik sassaallernermut akuersissummik tunineqarsinnaanerata periarfissaqarneranik kommunip cafémik pilersitsinermi kommunip tunngavii unioqqutillugit attartornermi atugassarititaasuni oqaatiginnissimanagera aamma ajuusaarnartuuvoq.

Ombudsmandi tamatumunnga peqatigitillugu isumaqarpoq borgmesteri cafémik ingerlatsinerup attartortumut F-imut attartortinneqarnissaa pillugu suliap sularineqarnerani peqataasinnaassuseqarsimasussaannngitsaq, kisianni suliamik sularinninnermi borgmesterip peqataasimannginnera pillugu paasissutisiissutigineqartut malillugit suliap ingerlasimanagera isornartorsiussallugu tunngavissaqannngitsaq. Nakkutilliisoqarfiup suliamik sularinninnermi peqataasinnaassuseqannnginneq pillugu tusarniaanagera kommunip aqutsisoqarfianit akineqarnani kommunalbestyrelsimit akineqarsimasariaqaraluarpoq (j.nr. 2008-711-0001).

K Kommunip suliffeqarfik saqqummersitsiviusartoq siunertanillu isumaginninnermut peqqissutsimullu attuumassuteqartunik ingerlataqarfiusartoq juni 2005-imi ammarpaa.

Illu pineqartoq Ombudsmandeqarfiup sulisuisa suliamik sularinninnermut atatilugu alakkartigaat tassaavoq saqqummersitsivittut inerujussuaq inimut qullermut ammaannartunik majuartarfilik, inilu qulleq taanna 2010-mi februarip tungaanut caféusimavoq, suliama matumani pineqartoq.

Inersuaq saqqummersitsivik cafélu imminnut ataannartutut ippit nikingasitaartumik quleriiligaq.

Inersuarmi tassani tamatuma saniatigut ilaapput kommunip katersugaasiviata pi-sortaata kommunillu pinaveersaartitsinermi siunnersortaata allaffii kiisalu ineeqqat allat illoqarfimmi innuttaasunut isumaginninnermut attuumassuteqartunik ingerlataqarnermi atorineqartut, matumani kommunip sammisassaqaartitsiniarnermik ingerlataa ilanngullugu eqqarsaatigalugu.

Kommunip nittartagaani allassimavoq kommunip pinaveersaartitsinermi katersugaasiveqarnermilu suliassai ataatsimiititaliamit ataavartumit, kultureqarnermut, sunngiffeqarnermut pinaveersaartitsinermullu ataatsimiititaliatut taaneqartumit aqunneqartut, taamatuttaarlu kommuni suliassaqaarfiit taakkua iluanni ingerlatsinermi immikkoortortaqaqarluni.

Taamatuttaaq kommunip nittartagaani allassimavoq illu pinaveersaartitsinermut tunngasut ataanniitq.

Suliaq pillugu paasissutissanit erserpoq: "Café...-mi aaqqissuunneqarnissaa pillugu pilersaarutit 2005-imi upernaakkut MIKI-mi pisortasut ataatsimiinneranni siullermik saqqummiunneqartut, isumassarsiarlu akerlerineqarani tapersersorneqartoq" (Atorfeqarfimmi nutsigaavoq).

Tusagassiuutitigut nalunaarummit ullulernerqasimangitsumit K Kommunip Kalaallit Nunaanni Kommuninik Nakkutilliisoqarfimmut 1. oktober 2007-imi nasiusaanit erserpoq café 2005-imi ammarneqarsimasoq, tamanna pillugu tak. ataani allassimasut.

Cafémik ingerlatsineq pillugu allakkatigut paasissutissani siusinnerpaani tigusanni K Kommunimi meeqqanut kultureqarnermullu ataatsimiititaliap 16. marts 2006-imi ataatsimiinnera pillugu imaqarniliaq ilaavoq.

Imaqarniliamit makku erserput:

"Café attartortinneqarnissaa pillugu katersugaasivimmit saaffiginnissut.

Siunnersuutigineqartutut akuersissutigineqarpoq 15 %."

Tamatuma kingornatigut cafémik ingerlatsineq pillugu allagarsiuussami imaluunniit attartortussarsiornermi atugassarititaasuni imaattut ilaapput:

"Illu cafémik attortortussarsiorpoq

Illumi cafémik ingerlatsinerup 2006-imi attartortinneqarnissaa kissaatigaarput, imaatunik piumasaaqateqarluta:

Café sapaatit akunnerata ulluini tamani ammasassaaq, sivikinnerpaamik piffissami uani: Junip qeqqanit septemberip qeqqata tungaanut.

Piffissat ammasarfissat: Sivikinnerpaamik nal. 12.00-17.00, ajornangippat sivilisunerusumik.

Pisiassat:

Nerisassat peqqinnartut, kalaallit neriassiassaannik tunngaveqarnerusut. Imigassamik aalakoornartortalimmik sassaallertoqarsinnaavoq, akuersissut pigineqarpat.

Café inuussutissalerineq pillugu aalajangersakkat naapertorlugit ingerlanneqarnissaa attartortup akisussaaffigaa.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Attartortup tammajuitsussat nerisanut attuumassuteqartut cafémi tuniniarsinnaavai, attartornermut akiliutit avataasigut.

Caféqarfiup eqqiarneqartarnissaa attartortup nammineq isumagissavaa.

Makku neqeroorutigaavut:

Illu illoqarfimmi takusassaqqissunut pissusissamisoortumik ilaavoq, saqqummersitsiveqarluni oqalugiartoqartarluni. Taamaattumik illup ammanermi nalaani illoqarfimiunit namminernit avataaneersunillu atorneqartarnissaa naatsorsuutigaarput.

Illup ini cafémut atorneqartoq ilorrisimaarnartoq inunnut 30-t missaannut inissalik silamilu sassaallernissamut periarfissalik neqeroorutigaa. Sulisut immikkut anartarfeqarput.

Igaffia nutaamik kissarsuuteqarpoq maskinamillu erruveqarluni. Nillartaartitsiviit pisoqaanerusut marluk, aappaa qerititsivittalik. Atoqqiinnermut kifartuussivik.

Annikinnerpaamik iganik pisariaqarpallu immiartorfinnik/nerinnermut atortunik pisiinnermut aningaasartuuteqarnissaq naatsorsuutigisariaqarpoq.

Peqqinnissakkut akuersissuteqartoqarnissaa illup isumagissavaa.

Attartornermut akiliutit tassaapput cafép sinneqartoorutaasa 15 %-ii.

Attartorneq pillugu isumaqatigiissut illua'tungeriinnit misissoqqinneqassaaq piffissap ammasarfiusup naanerani, isumaqatigiissutillu ingerlaqqinnissaa taamatut naliliineq tunngavigalugu isumaqatigiinniutigineqarsinnaalluni.

(...)" (Atorfeqarfimmi nutsigaavoq)

"K-p Katersugaasivia/K Kommuni" ...-mut attartorneq pillugu 20. juni 2006-imi imaattumik isumaqatigiissuteqarpoq:

"1. Attartorneqartoq.

Isumaqatigiissummi pineqarpoq kulturikkut illumi ...-mi café atortuilu makku: Kissarsuut, maskina erruivik, nillartaartitsivik qerititsivillu kiisalu pigisat aalaakkaanngitsut assigiinngitsut, ilanngussami 1-imi taaneqartut.

2. Isersinnaatitaaneq.

Katersugaasiviup pisortaa kommunimilu atorfeqartitaasut allat sulinerminni illumut ...-mut attuumassuteqartut ininut attartorneqartunut qanoq ilisukkulluunniit isersinnaa-titaapput.

Cafép ammasarfii tassaapput sapaatip akunnerata ullui tamaasa 12.00-17.00, sivikin-nerpaamik piffissami 15. junimit 15. septemberimut.

Ammasarfiit allat attartortup aamma kommunip/katersugaasiviup pisortaata immikkut isumaqatigiissutigissavaat.

3. Attartortup pisussaaffii.

Attartortoq pisussaaffeqarpoq init qanoq ilisukkulluunniit eqqiarsimasuutissallugit kii-salu init taakku peqqissutsikkut oqartussaasut cafémik ingerlatsinermut piumasaqaa-taasa tamatigut eqqortinneqarsimanissaat qulakkiissallugu.

Attartortoq imminut pisussaattippoq nerisassanik fastfoodiunngitsunik peqqinnartunik kalaallit nerisassiassaataanneersuunerusunik neqerooruteqarnissaminut.

Imigassat aalakoornartortallit taamaallaat nerisassanik pisinermut atatillugu sassaalliu-tigineqarsinnaapput, taamaaliortoqassappallu akuersissummik pigisaqarnissaq piuma-saqataalluni.

4. Attartortup pisinnaatitaaffii.

Attartortoq tuniniaanerup qulaani taaneqartup saniatigut tammajuitsussanik nerisassa-nut attuumassuteqartunik attartornermut akiliutit avaqqullugit cafémi tuniniaasinnaa-voq.

5. Attartornermut akiliutit.

Akiliutit cafép sinneqartoorutaasa 15 %-eraat. Tammajuitsussat nerisassanut attuu-massuteqartut imm. 4-mi taaneqartut naatsorsuutit taakkua avataanniitinneqarput.

6. Akileraarutit, akitsuutit sillimmasiinerlu.

Akileraarutit akitsuutillu malittarisassat atuuttut tunngavigalugit akilernerqartassapput. Sulisilluni ajoqusersinnaanermut sillimmasiineq, kikkunnulluunniit akisussaanagermut kiisalu tunisassianut akisussaanagermut sillimmasiineq attartortup nammineq isumagis-savai.

7. Sumiginnaaneq.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Isumaqatigiisummik matuminnga annertuutigut sumiginnaasoqarpat illua'tungeriit atorunnaarsitsisarneq il.il. pillugit Danmarkimi inatsiseqartitsinermi aalajangersakkat nalinginnaasut tunngavigalugit qisuariarsinnaapput.

Isumaqatigiissut illua'tungeriinnit qanoq ilisukkulluunniit atorunnaarsinneqarsinnaavoq, qaammatip naanissaata tungaanut qaammatinik pingasunik piffissaliinikkut.

8. Atorunnaarsitsineq.

Isumaqatigiissut attartormullu tunngasut piffissap ammasarfiup naanerani kingusinnerpaamillu 2006-imi septemberip naannginnerani isumaliutersuutigineqarsinnaalutillu isumaqatigiinniutigeqqinneqarsinnaapput.

Attartormut tunngasut ingerlaqqikkunik ukioq ataasikkaarlugu atuuttassapput, imm. 7-imi taaneqartut ataqqillugit.

(...)" (Atorfeqarfimmi nutsigaavoq)

Kommunimi katersugaasiviup pisortaata tusarniaanermut akissutaani 12. marts 2010-meersumi, kingusinnerusukkut issuarneqartumi oqaatigineqarpoq attartorneq pillugu isumatigiissut attartortup allamik suliffeqalerami atorunnaarsissimagaa.

Meeqqanut kultureqarnermullu ataatsimiititaliap 15. marts 2007-imi ataatsimiinera pillugu imaqarniliamit ersepoq:

"...-p attartortinneqarnerani naatsorsuutit. Attartortitsineq maanna unitsinneqarnikuuvoq. Nutaamik attartortussarsiortoqassaaq.

Siunissami attartortuusup ingerlatsinermi aningaasartuutit isumaqatigiissuteqarnikkut matussusertalissavai."

Allagarsiussaq imaluunniit attartortussarsiornermi atugassarititaasut pillugit allakkiaq ullulerneqarsimangitsoq imaattoq kommunimit tiguara:

"Illu cafémik attortortussarsiorpoq

Illumi cafémik ingerlatsinerup 2007-imi attartortinneqarnissaa kissaatigaarput, imaatunik piumasaaqateqarluta:

Café sapaatit akunnerata ulluini tamani ammasassaaq, sivikinnerpaamik piffissami junip qeqqanit septemberip qeqqata tungaanut.

Piffissat ammasarfissat, sivikinnerpaamik nal. 12.00-17.00, ajornanngippat siviluneru-sumik.

Cafémi sulisut attartortoq isumaqatigiissuteqarfigalugu cafémi init aqqissuussinernut atorsinnaavaat.

Pisiassat:

Nerisassat peqqinnartut, kalaallit nerisassiassaannik tunngaveqarnerusut. Fastfood-iunngitsut.

Cafép inuussutissalerineq pillugu aalajangersakkat naapertorlugit ingerlanneqarnissaa, matumani nammineq nakkutilliinerup ingerlanneqarnera ilanngullugu eqqarsaatigalugu, attartortup akisussaaffigaa.

Attartortup tammajuitsussat nerisanut attuumassuteqartut cafémi tuniniarsinnaavai, attartornermut akiliutit avataasigut.

Attartortup tamanna kissaatigippagu atuartut nerisassaaf cafép initaani suliarineqarsinnaapput.

Ingerlatsineq:

Caféqarfiup eqqiarneqartarnissaa attartortup nammineq isumagissavaa.

Akiliutit:

Attartornermut akiliutit qaammammut 500,- kr.-t akilerneqartassapput.

Makku neqeroorutigaa:

Illu K-mi takusassaqqissunut pissusissamisoortumik ilaavoq, saqqummersitsiveqarluni oqalugiartoqartarlunilu. Taamaattumik illup ammanermi nalaani illoqarfimmiunit namminernit avataaneersunillu atorneqartarnissaa naatsorsuutigaa.

Illup ini cafémut atorneqartoq ilorrisimaarnartoq inunnut 30-t missaannut inissalik silamilu sassaallernissamut periarfissalik neqeroorutigaa. Sulisut immikkut anartarfeqarput.

Igaffia nutaamik kissarsuuteqarpoq maskinamillu erruiveqarluni. Nillataartitsiverujussuaq qerititsiverujussuarlu nutaaq. Atoqqiinnermut kiffartuussivik.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Annikinnerpaamik igarsuarmik pisariaqarpallu immiartorfinnik/nerinermut atortunik pisinermut aningaasartuuteqarnissaq naatsorsuutigisariaqarpoq.

Peqqinnissakkut akuersissut pigineqarpoq.

Attartorneq pillugu isumaqatigiissut illua'tungeriinnit misissoqqinneqassaaq piffissap ammasarfiusup naanerani, isumaqatigiissutillu ingerlaqqinnissaa taamatut naliliineq tunngavigalugu isumaqatigiinniutigineqarsinnaalluni.

(..)" (Atorfeqarfimmi nutsigaavoq)

Attartorneq pillugu isumaqatigiissut imaattoq, "K-p Katersugaasiviata/K Kommuni" F-imut 10. maj 2007-imi isumaqatigiissutigisimasaa kommunip uannut nassiuppaa:

"1. Attartorneqartoq.

Isumaqatigiissummi pineqarpoq kulturikkut illumu ...-mi café atortuilu makku: Kissarsuut, maskina erruivik.

Nillartaartitsivik qerititsivillu kiisalu pigisat aalaakkaanngitsut assigiinngitsut, ilanngussami taaneqartut.

2. Isersinnaatitaaneq.

Katersugaasiviup pisortaa kommunimilu atorfeqartitaasut allat sulinerminni illumut ...-mut attuumassuteqartut ininut attartorneqartunut qanoq ilisukkulluunniit isersinnaatitaapput.

Café ammasarfii tassaapput sapaatip akunnerata ullui tamaasa 12.00-17.00, sivikinnerpaamik piffissami 15. junimit 1. septemberimut.

Ammasarfii allat attartortup aamma kommunip/katersugaasiviup pisortaata immikkut isumaqatigiissutigissavaat.

3. Attartortup pisussaaffii.

Attartortoq pisussaaffeqarpoq init qanoq ilisukkulluunniit eqqiarsimasuutissallugit to-rersuutissallugillu kiisalu init taakku peqqissutsikkut oqartussaasut cafémik ingerlatsinermut piumasagaataasa tamatigut eqqortinneqarsimanissaat qulakkiissallugu.

Attartortoq imminut pisussaattippoq nerisassanik fastfoodiunngitsunik peqqinnartunik kalaallit nerisassiassaataanneersuunerusunik neqerooruteqarnissaminut.

Imigassat aalakoornartortallit taamaallaat nerisassanik pisinermut atatillugu sassaalliu-tigineqarsinnaapput, taamaaliortoqassappallu akuersissummik peqarnissaq piuma-saqataalluni.

4. Attartortup pisinnaatitaaffii.

Attartortoq tuniniaanerup qulaani taaneqartup saniatigut tammajuitsussanik nerisassa-nut attuumassuteqartunik attartornermut akiliutit avaqqullugit cafémi tuniniaasinnaa-voq.

5. Attartornermut akiliutit.

Akiliutit qaammammut 500,- kr.-iupput. Tammajuitsussat nerisassanut attuumassute-qartut imm. 4-mi taaneqartut naatsorsuutit taakkua avataanniitinneqarput.

6. Akileraarutit, akitsuutit sillimmasiinerlu.

Akileraarutit akitsuutillu malittarisassat atuuttut tunngavigalugit akilernerqartassapput. Sulisilluni ajoqusersinnaanermut sillimmasiineq, kikkunnulluunniit akisussaanermut kiisalu tunisassianut akisussaanermut sillimmasiineq attartortup nammineq isumagis-savai.

7. Sumiginnaaneq.

Isumaqatigiissummik matuminnga annertuutigut sumiginnaasoqarpat illua'tungeriit atorunnaarsitsisarneq il.il. pillugit Danmarkimi inatsiseqartitsinermi aalajangersakkat nalinginnaasut tunngavigalugit qisuariarsinnaapput.

Isumaqatigiissut illua'tungeriinnit qanoq ilisukkulluunniit atorunnaarsinneqarsinnaa-voq, qaammatip naanissaata tungaanut qaammatinik pingasunik piffissaliinikkut.

8. Atorunnaarsitsineq.

Isumaqatigiissut attartornermullu tunngasut piffissap ammasarfiup naanerani kingu-sinnerpaamillu 2007-imi oktoberip naannginnerani isumaliutersuutigineqarsinnaallu-tillu isumaqatigiinniutigeqqinneqarsinnaapput.

Attartornermut tunngasut ingerlaqqikkunik ukioq ataasikkaarlugu atuuttassapput, imm. 7-imi taaneqartut ataqqillugit.

(...)" (Atorfeqarfimmi nutsigaavoq)

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Kommunip tusarniaanermut akissummini 12. marts 2010-meersumi oqaatigaa F-ip isumaqatigiissut pissutsit imminut tunngasut pissutigalugit atorunnaarsissimagaa, attartortorlu nutaaq 19. marts 2008-mi isumaqatigiissuteqarfigineqarsimasoq.

Ombudsmandeqarfiup K-mi 2. februar 2010-mit 4. februar 2010-mut tikeraarnani aammattaaq paasissutissiissutigineqarpoq attartortup kingulliup taassuma isumaqatigiissut aamma atorunnaarsissimagaa, café massakkut matuneqarsimasoq cafémillu ingerlatsineq unitsivinneqassanersoq kommunip isumaliutersuutigigaa.

Inuussutissarsiortut naammagittaalliortut kommunalbestyrelsimut 13. august 2007-imi imatut allapput:

"Pineqartoq: Pisortat K-mi namminersorlutik inuussutissarsiortunut unammillernerat

Tusarparput centeri ...-miittoq K Kommunip pigisaa, ...-nniittoq Katersugaasiviup aamma Pinaveersaartitsiviup allaffeqarfiat Cafémik aallartitsisimasoq, taassumalu pi-siassaataasa allattorsimaffianni ilaallutik ullormut kissartortugassat - nerisassat oqinnerusut, nerisassat allat, qallersukkat, imeruersaatit il.il., taassumalu ammasarfiit nerisassaataasalu allattorsimaffiat illoqarfimmi allagarsiunneqarsimasut, taassumalu assilineru ilanngullugu nassiunneqarpoq.

Uagut paasinninnerput unaavoq tamanna suliaasaqarfimmi tassani inatsisunik/malittarisassanik unioqutitsinerusoq, tassami namminersorlutik inuussutissarsiortut piunisaminnut periarfissaannik ajorseriartitsisumik pisortat unammilleqqusaanngimmata, taamatuttaarlu uagut paasinninnerput unaavoq Cafép ingerlanneqarnera allanut attartortinneqassappat tamanna tamanut ammasumik suliariumannittussarsiunneqartusaasoq, taamaaliortoqarsimannngilarli.

Tamanna pissutigalugu uagut namminersortutut suliffeqarfillit pisortanit ikiorneqarata tapiiffigineqarataluunniit suliffeqarfiutitsinnik aningaasalersuisimasugut qinnutigissavarput **kommunip illuutaani ...-mi cafémik** ingerlatsineq ingerlaannartumik matuneqaqqullugu, taamaalilluta uagut namminersorluta inuussutissarsiortuusugut isertitassat taakku suliffeqarfitsinni isertittarsinnaalerumallugit.

Tamatununga peqatigitillugu malugeqqarput allakkat ukua assilinerat KANUKO-KA-mut, Postboks 10, 3900 Nuuk, kiisalu Unammilleqatigiinnermut Aalajangiisartunut, c/o Ataatsimut Allattoqarfik, Postboks 689, 3900 Nuuk, nassiukkatsigu." (Atorfeqarfimmi nutsigaavoq)

K Kommunimi Meeqqanik Kultureqarnermillu Ingerlatsivik allakkatigut 27. august 2007-imeersutigut imatut akivoq:

"Pisortat namminersorlutik inuussutissarsiortunut unammillernerannik naam-magittaalliuut

Cafè ... pillugu allagarsi tunngavigalugu cafép suliarineqarnerani peqataasut tusarniaa-vigineqarsimapput, tamannalu K Kommunip akissutitut allakkamini ukunani aamma ilannguppaa.

...-mi cafép aaqqissuunneqarnissaa pillugu pilersaarutit 2005-imi upernaakkut MIKI-mi pisortaasut ataatsimiinneranni siullermik saqqummiunneqarput, isumassarsiarlu akerlerineqarani tapersorsorneqarluni.

Café ... nutsamik attartortoqarluni 8. maj 2007-imi ammarpoq. Café tamanna sioqqul-lugu 2006/2007-imi ukiut nikinneranniilli ingerlasimanngilaq, tassami taamani attar-tortuusooq allamik suliffittaarsimammat.

Ingerlanneqarnera siullesq 21. juni 2006-imi aallartissimavoq. Pisuni marlunni taakku-nani illoqarfimmi allagarsiisoqarsimavoq, attartortussarsiuussilluni, allagarsiisoqan-ginneranili qinnuteqartussatut soqutiginnissinnaasut pissarsiariniarneqarsimagaluar-lutik, matumani inuussutissarsiortut naammagittaallioortut aappaat ilanngullugu, taas-sumali ...-p cafeteriaa piuanerusimavaa.

Attartortut ukiuni marlunni taakkunani Meeqqanut Kultureqarnermullu Ataatsimiitita-liamit (MKA-mit) akuerineqartarsimapput, attartornerlu pillugu isumaqatigiissut siu-sinnerusukkut kommunaldirektøriusimasumit ...-mit suliarineqartarsimalluni.

...-mi pisiassat tasaanerupput kalaallit tunisassiaat, fastfoodiunngitsut. Aamma imi-gassamik sassaallertoqarneq ajorpoq. Ukiuni tulleriinni taamatut ingerlasarsimavoq. Tamanna illup avatangiisinik peqqissutsimillu siuarsaaniarneranut naapertuuttuuvoq.

Naammagittaalliuut pissutsit tamakku tunngavigalugit itigartinneqarpoq, naammagi-nanngitsumillu unammillertoqartoq naliliisoqarsimappat naammagittaalliuutip am-masarnerup aallartinnerani imaluunniit 2006-imi ammaanermi taakkunani aatsaat mas-sakkut takkunera suliniuteqartut aamma tupigusuutigaat.

Café ...-p neqeroorutai naammagittaallioortut neqeroorutaannit allaanerupput, taamaat-tumillu unammillertoqartoq oqartoqarsinnaanani. Illoqarfimmilu innuttaasut ingerlat-sinermik tigusiumallutik neqerooruteqarnissaminnut naammaginartumik periarfis-saqarsimapput.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Illoqarfimmi inuussutissarsiortut periarfissaat ajorseriartinneqassasut unammillerneqassasulluunniit naatsorsuutiginnilarput kissaatiginaguluunniit, taamaattumillu nioq-qutissat allanit neqeroorutigineqanngitsut neqeroorutigineqassasut toqqarneqarsimaluni.

Suliffeqarfissinni iluatsitsilluarnissassinnik kissaappassi, suliffeqarfissilumi takornarissanut K Kommunimit nersualarlugu aamma innersuussutigisarparput.

Marluullusi iluatsitsilluarnissassinnik kissaappassi, illoqarfimmilu assigiinngitsunik neqerooruteqarnissamut inissaqartitsisoqarnissaa ataqqillugu." (Atorfeqarfimmi nut-sigaavoq)

Allagarsiussap ullulernerneqanngitsup. "1. maj"-imi kingusinnerpaamik qinnuteqaa-teqarfigneqarsinnaasup siusinnerusukkut issuarneqartup assilineri akissummut ilanngullugu nassiunneqarpoq.

K 5. september 2007-imi kommunimut imatut allappoq:

"Pineqartoq: Pisortat K-mi namminersorlutik inuussutissarsiortunut unammillernerat

K Kommunip allagai 27. august 2007-imeersut tiguavut, allakkanilu immikkoortoq 1 innersuussutigalugu, tassani oqaatigineqarmat ...-mi Cafémik aallartitsineq illua'tungiusutut akuusimasunut tusarniaatigineqarsimasooq, tamannali tunuartilluinnartariaqarpoq, tassami tamanna pillugu siusinnerusukkut ilisimatitsissummik sumilluunniit tigusaqarsimannginnatta.

Tamatuma kingornatigut paasissutissanik suliamut attuumassuteqanngilluinnartunik saqqummiussisoqarpoq, tassami apeqqut oqaatigineqartutut MKA-p pisortaasa ataatsimiinneranni suliarineqarsimammanngooq, pisortallu ataatsimiinneranni kommunip atorfilittai kisimik peqataasarlutik, oqaluserineqartullu tamatuma nassatarisaanik tamanit ilisimaneqalissanatik.

Taamatuttaaq oqaatigineqassaaq ... kaammattorneqanngikkaluarluni ...-mut saaffigin-nissimammatt, cafép attartornissaa qinnutigalugu, imaanngitsoq ilissi allakkassinni oqaatigineqartutut ...-mi sulisut saaffiginissimasut.

Tamatuma kingornatigut oqaatigineqarpoq attartorneq pillugu isumaqatigiissut siusinnerusukkut kommunaldirektøriusimasumit ...-mit suliarineqarsimasooq, tamannali uagut paasinninnerput malillugu suliap ataqatigiinneqarnerani soqutiginaateqanngilluinnarluni.

Tamatuma saniatigut nalunaarutigineqarpoq ...-mi Cafémi nioqutissat kalaallit nerisassiassaannik, fastfoodiunngitsunik, tunngaveqarnerusut, taamatuttaarlu cafémi imigassamik sassaallertoqanngilluinnartartoq.

Tamatumunnga atatillugu nerisassat allattorsimaffiat allagarsiunneqartoq pissarsiarisimasarput innersuussutigaarput, taannalu makkuninnga imaqarpoq:

1. Nerisassat kimikinnerusut - suppe, omelet med rejesalat, burger med fiskefilet og rejer, pitabrød med krydret hvalkød, Café ... specialpizza for børn, skinketoast, sandwich, frokostsalat, franskbrød med røræg, pølser og bacon.
2. Nerisassat assigiinngitsut - indbagt laks med nudelsalat, lammekød med bagekartofler og salat, Spaghetti med kødsovs og saftvand.
3. Qallersukkat allallu - franskbrød med rejer eller røget fisk, rugbrød med pålæg, dagens kage, dessert.
4. Panertut - tørret fisk og hvalkød og spæk og ammassatter.
5. Mamartut allat - vafler med flormelis og marmelade, sun lolly is, frugt.
6. Najoqqagassat - Iskaffe, almindelig kaffe, te, saft, varm kakao med flødeskum, sodavand 0,5 ltr., øl - Tuborg eller Carlsberg - Rødvin eller hvidvin, Café ... specialkaffe (med whisky og Baily).

Kalaallit nerisassiassaataasa (FASTFOODIUNNGITSUT) pingaarnerutinneqarneranik nalunaarut pillugu oqartariaqarpugut tamanna eqqunngilluinnartooq, tassami nioqutissat 80-90 %-ii uagut neqeroorutigisinnaasatta assigimmatigit, taamatuttaarlu IMIGASSAMIK SASSAALLERTOQARTANNGINNERANIK nalunaaruteqarneq Cafép nioqutissaataasa allattorsimaffiannut naapertuuttuunani.

Naammagittaalliut kommunip akissutaa uagullu "nassuiaapput" tunngavigalugit aalajangiusimavarput, taannalu kommunalbestyrelsimut nassiunneqarsimammat kommunalbestyrelsimut akineqarsimasariaqaralarpoq, imaanngitsoq matumani pisutut ingerlatsivimmi pisortaagallartumit.

Allagarsiussaq ilanngullugu nassiunneqartoq illoqarfimmi allagarsiivinni takusimanngisaannaripput tamatumunnga peqatigitillugu aalajangiusimavarput.

Kiisalu borgmesterip ikinngutigilluinnagaata pinaveersaartitsinermi siunnersortitut toqqagaasimasup cafémik attartortunngortinneqarnera aamma kommunip illuutaani pinaveersaartitsinermi katersugaasiveqarnermilu allaffeqarfiusumi imigassanik sassaallersinnaanermut ilumut akuersissuteqartoqarsimanera tupigaarput.

(...) (Atorfeqarfimmi nutsigaavoq)

K Kommunimi Meeqqanik Kultureqarnermillu Ingerlatsivik Kalaallit Nunaanni Kommuninik Nakkutilliisoqarfimmut 1. oktober 2007-imi imatut allappoq:

"Café ...-mik K Kommunip ataani attartortitsineq

Kommunip Cafésinnik ...-mik taaneqartartumik attartortitsinera pillugu apeqquaqat nassiunneqassasoq Meeqqanut Kultureqarnermillu Ataatsimiititaliap ataatsimiinnerani aalajangerneqarpoq, attartortitsinerup equngasumik unammillernerunnginnera qulakkeerniarlugu. Attartortitsineq pillugu isumaqatigiissut ataatsimiititaliap akueraa tapersorsorlugulu.

...-p attartortinneqarnera pillugu ataatsimoorullugu naammagittaalliut K-mit atsiorneqarsimasoq Meeqqanut Kultureqarnermillu Ataatsimiititaliap tiguaa.

Naammagittaalliortut allagaat matumani issuarneqarpoq:

"Pisortat K-p illoqarfiani namminersorlutik inuussutissarsiortunut unammillernerat. Uagut paasinninnerput unaavoq tamanna suliassaqarfimmi tassani inatsisinik/malittarisassanik unioqquitsinerusoq, tassami namminersorlutik inuussutissarsiortut piunissaminnut periarfissaannik ajorseriartitsisumik pisortat unammilleqqusaanngimata, taamaatuttaarlu uagut paasinninnerput unaavoq Cafép ingerlanneqarnera allanut attartortinneqassappat tamanna tamanut ammasumik suliariumannittussarsiuunneqartussaasoq, taamaaliortoqarsimannngilarlu. Tamanna pissutigalugu uagut namminersortut suliffeqarfillit pisortanit ikiorneqarata tapiiffiqineqarataluunniit suliffeqarfiutitsinnik aningaasalersuisimasugut qinnutigissavarput kommunip illuutaani ...-mi Cafémik ingerlatsineq ingerlaannartumik matuneqaqqullugu, taamaalilluta uagut namminersorluta inuussutissarsiortuusugut isertitassat taakku suliffeqarfitsinni isertittarsinnaalerumallugit. Tamatumunnga peqatigitillugu malugeqquarput allakkat ukua assilinerat KANUKOKA-mut, Postboks 10, 3900 Nuuk, kiisalu Unammilleqatigiinnermut Aalajangiisartunut, c/o Ataatsimut Allattoqarfik, Postboks 689, 3900 Nuuk, nassiukkatsigu. Inuulluaqquasilluta ..."

Meeqqanik Kultureqarnermillu Ingerlatsivik nassuiaateqarluni imatut akivoq:

"Café 2005-imi ingerlasimavoq, suliardu cafép pilersinneqarnera sioqqullugu tusarniaatigineqarsimalluni.

...-mi cafép aaqquissuunneqarnissaa pillugu pilersaarutit 2005-imi upernaakkut MKI-mi pisortaasut ataatsimiinneranni siullermik saqqummiunneqarput, isumassarsiarlu aklerineqarani tapersorsorneqarluni.

Café ... nutaamik attartortoqarluni 8. maj 2007-imi ammarpoq. Café tamanna sioq-qullugu 2006/2007-imi ukiut nikinneranniilli ingerlasimangilaq, tassami taamani attartortuusooq allamik suliffittaarsimammat.

Ingerlanneqarnera siullesq 21. juni 2006-mi aallartissimavoq. Pisuni marlunni taakkunani illoqarfimmi allagarsiisoqarsimavoq, attartortussarsiuussilluni, allagarsiisoqannginneranili qinnuteqartussatut soqutiginnissinnaasut pissarsiariniarneqarsimagaluarlutik, matumani K ilanngullugu, taassumali allami cafeteria piumanerusi-mavaa.

Attartortut ukiuni marlunni taakkunani Meeqqanut Kultureqarnermullu Ataatsimiititaliamit (MKA-mit) akuerineqartarsimapput, attartornerlu pillugu isumaqatigiissut siusinnerusukkut kommunaldirektøriusimasumit ...-mit suliarineqartarsimalluni.

...-mi pisiassat tassaanerupput kalaallit tunisassiaat, fastfoodiunngitsut. Aamma imigassamik sassaallertoqarneq ajorpoq. Ukiuni tulleriinni taamatut ingerlasarsimavoq. Tamanna illup avatangiisinik peqqissutsimillu siuarsaaniarneranut naapertuuttu-voq.

Naammagittaalliuut pissutsit tamakku tunngavigalugit itigartinneqarpoq, naammaginangitsumillu unammillertoqartoq naliiisoqarsimappat naammagittaalliuutip ammasarnerup aallartinnerani imaluunniit 2006-imi ammaanermi takkunnani aatsaat massakut takkunnera suliniuteqartut aamma tupigusuutigaat. Café ...-p neqeroorutai naammagittaalliortut neqeroorutaannit allaanerujussuupput, taamaattumillu unammillertoqartoq oqartoqarsinnaanani. Illoqarfimmilu innuttaasut ingerlatsiner-mik tigusiumallutik neqerooruteqarnissaminut naammaginartumik periarfissaqarsi-mapput.

Illoqarfimmi inuussutissarsiortut periarfissaat ajorseriartinneqassasut unammillerne-qassasulluunniit naatsorsuutiginnigilarput kissaatiginaguluunniit, taamaattumillu ni-oqqutissat allanit neqeroorutigineqanngitsut neqeroorutigineqassasut toqqarneqarsi-malluni.

Suliffeqarfissinni iluatsitsilluarnissassinnik kissaappassi, suliffeqarfissilumi takor-narissanut K Kommunimit nersualaarlugu aamma innersuussutigisarparput.

Marluullusi iluatsitsilluarnissassinnik kissaappassi, illoqarfimmilu assigiinngitsunik neqerooruteqarnissamut inissaqartitsisoqarnissaa ataqqillugu."

Nakkutilliisoqarfik unammillerner-mut tunngasut eqqarsaatigalugit qanoq isummerner-soq matumuuna apequtigineqarpoq." (Atorfeqarfimmi nutsigaavoq)

Naalackersuisut Allattoqarfianni Nunamut Namminermut Tunngasunut Allaf-fiup kommuni 3. oktober 2007-imi akivaa, akissullu kommunip K-mut akissutaa-ni 15. oktober 2007-imeersumi ataani issuarneqartumi issuarneqarpoq:

"Pisortat namminersorlutik inuussutissarsiortunut unammillernerannik naam-magittaalliuut

Café ... pillugu allagarsi tunngavigalugu naammagittaalliuutersilu suliariniarlugu MKA aalajangerpoq Nakkutilliisoqarfik tusarniaaviginiarlugu, kommunip suliamik suliarinninnera qulakkeerniarlugu.

Nakkutilliisoqarfik 5. oktober 2007-imi imatut akivoq:

"Kommunip Café ...-mik attartortitsinerata equngasumik unammillernerunngin-nera qulakkeerneqassasoq Meeqqanut Kultureqarnermullu Ataatsimiititaliap kissaa-tigisimavaa. Attartortitsineq pillugu isumaqatigiissuteqartoqarnissaanik isumassar-siaq ataatsimiititaliap akuerisimavaa tapersorsorlugulu. Aalajangerneq taanna tama-tuma kingornatigut kommunimi namminersorlutik inuussutissarsiortunit marlunnit naammagittaalliuutiginEQarsimavoq, kommunip attartortitsinera ... eqqarsaatigalugit equngasumik unammillernerusoq oqaatigalugu.

Suliaq nakkutilliinermi oqartussaasup naliliiffigaa. Naliliisoqarpoq kommuni sulia-mi eqqortumik iliuseqarsimasoq.

Matumani ilanngullugu oqaatigineqarpoq attartortitsinissaq kommunip illoqarfimmi allagarsiinermigut tamanut neqeroortigisimaga. Taamaattumik soqutiginnittut ta-marmik, matumani naammagittaallortut aamma ilanngullugit eqqarsaatigalugit, assi-giinnik atugassaqtitaallutik attartorumallutik neqerooruteqarnissaminut periarfis-saqarsimapput.

Aamma oqaatigineqarpoq attartorneq pillugu isumaqatigiissummi piomasaaqatit, matumani attartortup nerisassanik kalaallit nerisassiaataannik tunngaveqarnerusunik peqqinnartunik fastfoodiunngitsunik neqerooruteqarnissaminut pisussaaffiligaanera ilanngullugu eqqarsaatigalugu, attartornermut akiliuteqarnermut ataneqartillugu attartortumut iluaqutaangaartussaannigitsutut isikkoqartoq.

Attartorneq pillugu isumaqatigiissut nakkutilliinermi oqartussaasup tamakku tun-ngavigalugit equngasumik unammillernertut isiginngilaa." (Atorfeqarfimmi nut-sigaavoq)

A uannut tamatuma kingornatigut, tassalu 1. november 2007-imi, naammagittaal-liorpoq.

Kalaallit Nunaanni Kommuninik Nakkutilliisoqarfimmut 6. november 2007-imi imatut allappunga:

"Ombudsmandip K Kommunimut kingullermik tikeraarnerani 1. november 2007-imi K-kkut oqaloqatigaakka, taakkulu K Kommunip cafémik ingerlatsinermut peqataalersimanera naammagittaalliuutigaat.

Pineqartunik oqaloqateqarnera pillugu allakkiamassilinera ilanngullugu nassiuppara, taamatuttaarlu allakkiap kalaallisuumut nutserneqarnera ilanngullugu nassiullugu.

Aammattaaq ilanngussat K-kkut uannut tunniussaasa assilineri ilanngullugit nassiuppakka.

Nakkutilliisoqarfik tamatumunnga atatillugu qinnuigaara misissuinerit suut kommunip saaffiginninneranut atatillugu Nakkutilliisoqarfiup ingerlassimanerai nassuiaqqullugu.

Nakkutilliisoqarfik aammattaaq qinnuigaara suliami pineqartumi allagaatit misissugassanngorlugit uannut nassiuteqqullugit.

Nakkutilliisoqarfik akissuteqareerpat kommunip suliamik suliarinninnera pillugu misissuineq aallartissanerlugu Ombudsmandi naliliisinnaassasoq naatsorsuutigaara."

Naalackersuisut Allattoqarfianni Nunamut Namminermut Tunngasunut Allaffiup tusarniaanermut akissutaa imaattoq 15. november 2007-imi tiguaru:

"K Kommunip cafémik ingerlatsinermi peqataanera pillugu naammagittaalliuut

(...)

Kommunip ...-mik attartortitsinera pillugu apeqquteqaat Nakkutilliisoqarfiup Allattoqarfiata e-mailikkut 1. oktober 2007-imi K Kommunimit tiguaa. Attartortitsinerup equngasumik unammillernerunnginnissaa kommunip kissaatigaa.

Kommunip attartorneq pillugu isumaqatigiissutitut missingiutaa, kommunip tamanut neqerooruteqartussarsiuussinera kiisalu attartorneq pillugu isumaqatigiissuteqartoqarsimaneranik tusagassiuutitigut nalunaarut filinngorlugit e-mailimut ilanngullugit nassiunneqarput.

Malittarisassanik aalajangersaaneq akuersissuteqartarnerillu "Nunamut Namminermut Tunngasunut Naalackersuisoqarfiup" suliassaatus Naalackersuisut ataanniipput, oqartussaasunilli nakkutilliineq (aalajangiinernik allanngortitsinerit, pinngitsaaliiniutitut pillaammik akiliisitsinerit eqqartuussivikkullu malersuinerit) Nakkutilliisoqarfimmiiluni. Nunamut Namminermut Tunngasunut Allaffik Nakkutilliisoqarfimmut aamma

6. Suliat nalinginnaasumik soqutiginaatillit, inatsiseqartitsiffiusunut agguataakkat

allattoqarfiusoq naliliivoq saaffiginnissut Nunamut Namminermt Tunngasunut Allaffiup kommunip ingerlataanik naliliineratut/akuerinninneratut suliarineqassasoq. Suliaq taamaalilluni Nakkulliisoqarfimmit suliarineqarsimangilaq.

Suliamit erserpoq kommunip café (...) kommunimi kultureqarnermut, avatangiisinut pinaveersaartitsinermullu illuutaaniittoq 2005-imi attartortissimagaa. Attartoqqaartup attartornini 2006/2007-imi ukiut nikinneranni unitsissimavaa. Kommunip tamatuma kingornatigut inunnut ataasiakkaanut, ilaatigut timersortarfiup caféanik massakkut attartortumut saaffiginnittarluni ... attartortinniarlugu misilikkaluarpa, iluatsinngitsumilli.

Café immikkut ittunik kalaallit nerisassiaataannik tunngaveqarnerusunik nioqqutissaateqarnissaa kommunip kissaatigisimavaa. Kommunip taamani direktørerisaata attartorneq pillugu isumaqatigiissut taakku immikkuualuttulerlugit taaneqarfiat suliarisimavaa.

Attartortitsinissaq kommunip allagarsiinermigut 2007-imi upernaakkut tamanut neqeroorutigaa. Attartornissamik isumaqatigiissut tamatuma kingornatigut isumaqatigiissutigineqarpoq. Tamanna kommunimi namminersorlutik inuussutissarsiortunit marlunnit kommunimut kingusinnerusukkut naammagittaalliuutigineqarpoq, kommunip attartortitsinissamik isumaqatigiissutaa inuussutissarsiortut eqqarsaatigalugit equngasumik unammillernerusoq oqaatigalugu.

Nunamut Namminermt Tunngasunut Allaffiup kommunimut allakkani 3. oktober 2007-imeersuni nalunaarutigaa naliliisoqartoq kommuni suliami eqqortumik iliuseqarsimasoq.

Nunamut Namminermt Tunngasunut Allaffiup suliamik naliliiviginninnermini tungaviutippaa kommuni kommuninut piginnaatitsissutip iluani kommunip illuutaani nerisitsinermik attartortitsinissaasoq, matumani kommunip allaffiani kantinamik ingerlatsineq, timersortarfinni kultureqarnermullu illuutini il.il. caféanik ingerlatsineq ilanngullugu eqqarsaatigalugu, kommunilu tamatumani nioqqutissat suunissaat immikkut piumasaqaatigisinnaagaa.

Nunamut Namminermt Tunngasunut Allaffik isumaqarpoq naligiimmik pinnittarnermik tunngaveqarnerup eqqortinneqarnissaa attartortitsinissap tamanut neqeroorutigineratigut kommunip qulakkeersimagaa, taamaalillutik innuttaasut tamarmik, matumani naammagittaallioortut aamma ilanngullugit eqqarsaatigalugit, attartorumallutik neqeroornissamut periarfissaqarnerat qulakkeerreqarsimalluni.

Nunamut Namminermt Tunngasunut Allaffik aamma isumaqarpoq attartorneq pillugu isumaqatigiissummi piumasaqaatit, matumani attartornermut akiliutit attartortup fastfoodiunngitsunik nerisassanilli peqqinnartunik kalaallit nerisassiassaannik tunnga-

veqarnerusunik neqerooruteqarnissamik pisussaaffeqassaneranik piumasaqaammut sanilliunneqarnerat ilanngullugu eqqarsaatigalugu, attartortumut immikkut iluaqusii-ngaartuunngitsut, taamaattumillu ataatsimut naliliineq unaalluni attartorneq pillugu isumaqatigiissut equngasumik unammillernerunngitsaq Nunamut Namminermut Tunngasunut Allaffik isumaqartoq.

Naliliineq taanna paasissutissat pigineqartut tunngavigalugit naliliineruvoq.

Tamatumunnga atatillugu oqaatigineqassaaq suliaq taanna kommunit inuussutissarsiutini il.il. aningaasaliinermikkut inuussutissarsiutinik ineriartortitseqataasinnaanissaminnut periarfissaat pillugit Inatsisartut inatsisaat nr. 23, 18. december 2003-meersoq tunngaviginagu suliarineqarmat. Kommunip cafémik ingerlatsinermut peqataannginera tamatumunnga pissutaavoq. Cafép ingerlanneqarnera kisiat kommunip attartortissimavaa.

Taamaalilluni kommuni kommunit inuussutissarsiutini il.il. aningaasaliinermikkut inuussutissarsiutinik ineriartortitseqataasinnaanissaminnut periarfissaat pillugit Inatsisartut inatsisaat nr. 23, 18. december 2003-meersoq tunngavigalugu tapiissuteqarsimananiluunniit ...-mi akisussaaffigisatut aningaasaliinermi peqataasimanngilaq peqataaniluunniit." (Atorfeqarfimmi nutsigaavoq)

Kommunip Nunamut Namminermut Tunngasunut Allaffimmut allagaasa 1. oktober 2007-imeersut aamma Nunamut Namminermut Tunngasunut Allaffiup K Kommunimut allagaasa 3. oktober 2007-imeersut naqitanngortinneqarneri Nunamut Namminermut Tunngasunut Allaffiup allagaanut ilanngullugit nassiuunneqarput.

Allagarsiussaq "... attartortussarsiorpoq"-mik qulequtalik, ...-p nutaamik attartortoqalerneranik tusagassiuutitigut nalunaarut ullulerneqarsimanngitsaq kiisalu K Katersugaasiviata/K Kommunip aamma attartortup F-ip attartorneq pillugu isumaqatigiissutaat e-mailimut kakkersanneqarsimapput.

Kalaallit Nunaanni Kommuninik Nakkutilliisoqarfik ilassutaasumik 28. april 2008-mi tusarniaavigaara. Imatut allappunga:

"Nunamut Namminermut Tunngasunut Allaffiup tusarniaanermut akissutaa 15. november 2007-imeersoq 03.38.00-imik j. normoqartoq massakkut misissoreerpara.

Tamanna tunngavigalugu isumaqarpunga Nakkutilliisoqarfimmut nutaamik tusarniaanissannut pissutissaqarlunga.

6. Suliat nalinginnaasumik soqutiginaatillit, inatsiseqartitsiffiusunut agguataakkat

- 1) Nunamut Namminermut Tunngasunut Allaffiup akissutaanit erserpoq Nunamut Namminermut Tunngasunut Allaffik naliliisoq suliaq Nakkutilliisoqarfiup oqartussaaffiata ataaniinngitsoq, tassami suliami pineqartoq tassaammat "kommunip ingerlataanik naliliineq/akuersissuteqarneq".

Nakkutilliisoqarfik tamatumunnga atatillugu qinnuigaara suliap suliarineqarnerani peqataasinnaassuseqarneq pillugu malittarisassat malinneqarsimanersut nalilee-qullugu, tassami inuussutissarsiortut uannik 1. november 2007-imi oqaloqateqarnermini oqarmata café K Kommunimi borgmesterip qanimut ilisarisisamaanut attartortissimagaa.

Allakkiamma 5. november 2007-imeersup assilinera Nakkutilliisoqarfimmut 6. november 2007-imi nassiussara innersuussutigaara.

- 2) Nakkutilliisoqarfik imaluunniit Nunamut Namminermut Tunngasunut Allaffik tul-liullugu qinnuigaara manna pillugu nalileeqqullugu, tassalu kommunip cafémik 2005-imi pilersitsisimanera piginnaatitsineq pillugu malittarisassat imaluunniit kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisaat nr. 23, 18. december 2003-meersoq tunngavigalugu erseqqinnerusumik misissuiffigineqassanersoq.
- 3) Manna pillugu nassuiaasoqassasoq aamma qinnutigaara, tassalu Nunamut Namminermut Tunngasunut Allaffik suna tunngavigalugu naliliisoq café "kantinamik ingerlatsineq"-mik oqartarnerup ataaniittoq.
- 4) Kiisalu Nakkutilliisoqarfik imaluunniit Nunamut Namminermut Tunngasunut Allaffik qinnuigaara manna pillugu erseqqinnerusumik nassuiaateqaqqullugu, tassalu Nakkutilliisoqarfik imaluunniit Nunamut Namminermut Tunngasunut Allaffik naliliisimasoq attartortitsinermut akiliutitut aalajangersarneqarsimasoq kommunip inuussutissarsiutinut tapiissuteqarneranik nassataqanngitsoq."

Naalackersuisut Siulittaasuata Naalackersuisoqarfiani Nunamut Namminermut Tunngasunut Siulersuisunullu Immikkoortortaarfik 30. april 2008-mi imatut akivoq:

"K Kommunip cafémik attartortitsinera pillugu naammagittaalliut

K Kommunip cafémik attartortitsinera pillugu apeqqutit arlallit akineqarnissaannik Inatsisartut Ombudsmandiata qinnutigisaa Nunamut Namminermut Tunngasunut Siulersuisunullu Immikkoortortaarfiup 29. april 2008-mi tiguaa.

1) pillugu. Nunamut Namminermut Siulersuisunullu Immikkoortortaqarfik isumaqarpoq suliap suliarineqarnerani peqataasinnaassuseqarneq pillugu malittarisassat malinneqarsimanersut misissussallugit pissutissaqarluni, borgmesterip attartortumut qanigisatut ikinngutaanera pillugu paasissutissat isiginiarlugit. Kommuni apeqqut taanna pillugu nassuiaateqaqqullugu Nunamut Namminermut Siulersuisunullu Immikkoortortaqarfiup qinnuiginiarpaa, suliarlu tamatuma kingornatigut naliliiviginiarlugu.

2) pillugu. Nunamut Namminermut Siulersuisunullu Immikkoortortaqarfik isumaqarpoq kommunip ...-mik attartortitsinerata kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisaat nr. 23, 18. december 2003-meersoq tunngavigalugu naliliiviginissaanut tunngavissaqarani.

Tamatumunnga pissutaasoq tassaavoq, Nunamut Namminermut Tunngasunut Allaffiup allagaani 14. november 2007-imi oqaatigineqartutut, naliliineq unaamat kommuni café ingerlanneqarnerani peqataangitsoq. Café ingerlanneqarnera kisiat kommunip attartortissimavaa. Matumani ilanngullugu oqaatigineqassaaq kommuni ...-p attartortinneqarnera eqqarsaatigalugu inatsimmi § 3, imm. 1 tunngavigalugu imaaliorsimangitsoq:

1) Suliniaqatigiiffinnut, ingerlatseqatigiiffinnut kattuffinnulluunniit allanut, kommunimi kommuniniluunniit arlaqartuni inuussutissarsiutinik siuarsaanermik siunertaqartunut suliaasatut pilersaarutit il.il. pillugit siunnersuineq aqutigalugu tapiissuteqarsinnaapput.

2) Ingerlatseqatigiiffinni inuussutissarsiutinik ingerlataqartuni aktianik imaluunniit piginneqataassutinik pigisassanngortitsisinnaapput pisillutilluunniit.

3) Aningaasaliissuteqartarfinni akuerisaasuni il.il. taarsigassarsinikkut suliffeqarfiit, suliniaqatigiiffiit peqatigiiffiilluunniit qularnaveeqqusiisinnapput.

4) Nioqutissiatut tunisassiat ineriartortinnerannut aammalu inunnut, suliffeqarfinnut, suliniaqatigiiffinnut peqatigiiffinnulluunniit kiffartuussinikkut tapiissuteqarsinnaapput.

(...)

Naliliisoqarpoq kommuni kommuninut piginnaatitsissut tunngavigalugu inatsisunik unioqutitsinani kommunip kultureqarnermut, avatangiisinut pinaveersaartitsinermullu illuutaani kommunip iluani ataqatigiinneqarnermut suliniutinut ilaatillugu cafémik pilersitsisinnaasoq, Nunamullu Namminermut Tunngasunut Siulersuisunullu Immikkoortortaqarfik isumaqarpoq pilersitsisimaneq annertunerusumik naliliiffigeqqissallugu pissutissaqarani.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

3) pillugu. Nunamut Namminermut Tunngasut Siulersuisunullu Immikkoortortaqarfik naliliivoq ... "kantinamik ingerlatsineq"-mik oqartarnerup iluaniinngitsoq.

Nunamulli Namminermut Siulersuisunullu Immikkoortortaqarfiup tunngaviutippaa kommuni kommuninut piginnaatitsissutip iluani kommunip illuutaani nerisitsisarnerup attartortineqarnissaa toqqarsinnaaga, matumani ass. makku ilanngullugit eqqarsaatigalugit:

- kommunit allaffiini kantinamik ingerlatsineq,

- timersortarfinni cafét,

- kultureqarnikkut illuutini il.il.,

Kommunilu matumani nioqutigineqartussat suussusii pillugit immikkut piumasaqaateqarsinnaavoq.

4) pillugu. Nunamut Namminermut Tunngasunut Siulersuisunullu Immikkoortortaqarfik kommunip inuussutissarsiutinut tapersiissuteqarnera pineqarneris naaliliisimanngilaq. Nunamut Namminermut Tunngasunut Siulersuisunullu Immikkoortortaqarfik aallaavittut isumaqarpoq kommuni kommunip kultureqarnermut, avatangiisinut pinaveersaartitsinermullu illuutaani cafémik ingerlatsinermut inatsisinik unioqutitsinani tapiissuteqarsinnaasoq, tassami kommunip isiginiagaa tassaammat innuttaasut sunngiffimmi soqutigisaannik siuarsaaviginninneq, matumani innuttaasut nerisassianik peqqinnartunik kalaallit nerisassiassaataannik tunngaveqarnerusunik qulakkeerunneqarnissaat ilanngullugu eqqarsaatigalugu, imaanngitsoq inuussutissarsiornermi aningaasaqarnikkut ikiorsiinissamik siunertaqarneq.

Nunamut Namminermut Tunngasunut Siulersuisunullu Immikkoortortaqarfiup aamma oqaatigaa attartorneq pillugu isumaqatigiissuteqarnissaaq neqeroorutigineqarsimasooq, K-milu attartorumallutik neqeroorsinnaasunit tamarmiusunit isumaqatigiissuteqarnissamik neqerooruteqarsimasooq, Nunamullu Namminermut Tunngasunut Siulersuisunullu Immikkoortortaqarfik isumaqarpoq tamanna K-mi nerisitsisarnermik suliaqartut attartorneq pillugu isumaqatigiissutip immikkut iluaqutaasuunnginneranik isiginninnerannut takutitsisusooq.

Taamaattumik naliliisoqarpoq attartortitsineq K-mi kommunip kultureqarnermut, avatangiisinut pinaveersaartitsinermullu illuutaani caféni attartortitsinermi niuernikkut nalinginnaasunik piumasaqaateqarluni pisimasooq, tassanilu attartortoq piumasaqaateqarfigineqarluni nerisassanik peqqinnartunik kalaallit nerisassiassaataannik tunngaveqarnerulluni neqerooruteqartassasooq." (Atorfeqarfimmi nutsigaavoq)

Kalaallit Nunaanni Kommuninik Nakkutilliisoqarfimmut 8. maj 2008-mi imatut allappunga:

"Nunamut Namminermut Tunngasunut Siulersuisunullu Immikkoortorta qarfiup tusarniaaninnut 28. april 2008-meersumut akissutaa 2. maj 2008-mi tiguara.

Suliamik suliarinninnermi peqataasinnaassuseqarneq pillugu malittarisassat Café ...-p attartortinneqarneranut atatillugu malinneqarsimanersut misissuiffiginarlugit Nunamut Namminermut Tunngasunut Siulersuisunullu Immikkoortorta qarfiup nalunaarutaa tusaatissatut tiguara.

Café ...-p pilersinneqarneranik attartortinneqarneranillu misissuinissamut tunngavissaqarnani Nunamut Namminermut Tunngasunut Siulersuisunullu Immikkoortorta qarfiup isumaqarnera aamma tusaatissatut tiguara.

Nunamut Namminermut Tunngasunut Siulersuisunullu Immikkoortorta qarfik qinnuigaara suliamik suliarinninnermi peqataasinnaassuseqarneq pillugu apeqqummik misissuinerup inernilerneqarnera pillugu ilisimateqqullunga.

Nunamut Namminermut Tunngasunut Siulersuisunullu Immikkoortorta qarfiup ilisimatitsissutaa tigugukku suliami apeqqutit allat misissussanerlugit isummerfiginiarpaa."

Kalaallit Nunaanni Kommuninik Nakkutilliisoqarfik suliap suliarineqarnerani peqataasinnaassuseqarneq pillugu apeqqummik misissuinerup qanoq inernilerneqarneranik ilisimatitsissuteqarnissaa suli utaqqimaariga 4. september 2008-mi aamma 4. december 2008-mi eqqaasitsissutigaa.

Nunamut Namminermut Tunngasunut Siulersuisunullu Immikkoortorta qarfiup allagai imaattut 9. december 2008-mi tiguakka:

"K Kommunip cafémik attartortitsinera pillugu naammagittaalliut

K Kommunip suliamik suliarinninnermi peqataasinnaassuseqarneq pillugu allagai Nunamut Namminermut Tunngasunut Siulersuisunullu Immikkoortorta qarfiup tiguai. Akissummit erserpoq borgmesteri cafép attartortinneqarnissaanik aalajangiinnermi peqataasimangitsoq.

Nunamut Namminermut Tunngasunut Siulersuisunullu Immikkoortorta qarfik suliami annertunerusumik iliuuseqaqqilersaanngilaq." (Atorfeqarfimmi nutsigaavoq)

K Kommuni Meeqqanik Kultureqarnermillu Ingerlatsiviup pisortarigallagaata akissutaa 15. august 2008-mi ullulerneqarsimasoq ilanngullugu nassiunneqartoq imaattunik oqaasertaqarpoq:

"Cafe ...-p attartortinneqarneranut atatillugu suliap sularineqarnerani peqataasinnaasuseqarneq pillugu malittarisassat eqqarsaatigalugit naammagittaalliorqarsimammat apeqquteqaateqartoqarsimamallu K Kommuni matumuuna ilisimatitsissuteqassaaq, tassami [inuussutissarsiortut] Ombudsmandimut 1. november 2007-imi oqarsimamata K Kommunip ... borgmesterip qanimut ilisarisimasaanut attartortissimagaa.

Makku nalunaarutigineqassapput:

K Kommunip attartortitsinissamik aalajangiinera 2007-imi pivoq, tamanut ammasumik neqeroorteqartitsisoqareerneratigut. Aalajangiineq taanna Meeqqanut, Atuartitsinermut Kultureqarnermullu Ataatsimiititaliami ukuninnga ilaasortaqaartumi pivoq:

(...)

Illoqarfeeqqami K-tut ittumi piukkunnartunik arlaatigut imminnut attaveqatigiinngitsunik nassaarniarneq ajornakusoortussaavoq. F attartortunngortinneqarpoq, tassami qinnuteqartutuaagami - qujanartumillu aamma piukkunnartuulluni. Taamaattumik suliap sularineqarnerani peqataasinnaasuseqarnikkut ajornartorsiortoqartoq oqartoqarsinnaanngilaq.

Inassuteqaat katersugaasiviup pisortaanit sularineqarpoq, inassuteqarniarnerlu ajornanngitsuararsuavoq, tassami qinnuteqartoq taamani ataasiinnaasimammat. - Tamanna naammagittaalliorfiusunut naammattorsuarmik uppernarsaaserneqarsimavoq.

Pinaveersaartitsinermi siunnersortimik borgmesterip ikinngutigilluagaanik toqqaasorsimanera eqqarsaatigalugu Meeqqanik Kultureqarnermullu Ingerlatsiviup tikkuarlugu oqaatigissavaa K Kommuni pinaveersaartitsinermi siunnersorti 1996-imi atorfinitsinneqarsimammat, borgmesterilu 2005-imi qinigaasimalluni, taamaattumik tassani sukkulluunniit ataqatigiinneqartoqarsinnaanani.

Aamma oqaatigineqassaaq ingutsineq eqqunngitsumillu pasilliinerit taakkunatut ittut pillugit saaffiginnissut naammagittaalliuullu apuuffigisaminnut (Unammilleqatigiinneq pillugu Aalajangiisartunut Ombudsmandimullu) apuunneqarnerat naleqquttuusinangitsoq, suliallu taassuma suliamut attuumassuteqanngitsunik ilaqartup kommunip sulisuinut piffissaajaataanera tupigusuutigisariaqarluni.

Neriuppunga saaffiginnissut matumuuna akisimallugu, sulilluaqqinnissassinillu kisaappassi." (Atorfeqarfimmi nutsigaavoq)

Suliaq pillugu nassuiaat K Kommunimut tamanna tunngavigalugu 17. juli 2009-mi nassiuppara, imatullu aamma allallunga:

"Qulaani taaneqartut tunngavigalugit kommuni qinnuigaara makku pillugit nassuiaateqaqqullugu:

1. Cafép pilersinneqarneranut inatsisitigut tunngaviusoq eqqarsaatigalugu kommuni cafép pilersinneqarnera sioqqullugu sunik isumaliutersuuteqarsimava? Tamanna suliami allagaatini takuneqarsinnaanngippat kommuni qinnuigineqarpoq ingerlatat allat suut illumi tassani aamma ingerlanneqarnersut aamma ingerlatat taakku tamanit orninneqarsinnaanersut/iserfigineqarsinnaanersut naatsumik allaasereqqullugu.
2. Café ... attartortinniarlugu tamanut ammasumik neqerooruteqarnermut atatillugu naligiimmik pinnittarnermik tunngaviup eqqortinneqarnissaa kommunip qanoq iliorluni qulakkeersimavaa? Kommuni qinnuigineqarpoq ilaatigut makku pillugit nassuiaateqaqqullugu:
 - a. Tamanut ammasumik neqerooruteqarneq suni qanorlu amerlatigisunngorlugu allagarsiunneqarsimanersoq
 - b. Allagarsiussat ulloq suna nivinngarneqarsimanersut.
3. Attartortitsineq pillugu isumaqatigiisummi immikkoortumi 3-mi piunasaqaataasut malinneqarnersut kommunip qanoq nakkutigineraa (fastfoodiunngitsunik nioqquteqarnissamik piunasaqaat, tassanilu nerisassat peqqinnartut kalaaliminernik tunngaveqartut pingaarnerutinneqarsimapput)?
4. Kommunip naliliinera unaava pisiassatut taaneqarsimasut allattorsimaffiat naammagittaallortut uannut 2007-imi tunniussaat (Ilannugsaq A) attartortitsineq pillugu isumaqatigiisummi immikkoortumi 3-mi piunasaqaatinik eqqortitsisuusq?
5. Attartortitsineq pillugu isumaqatigiisummi immikkoortumi 9-mi takuneqarsinnaasutut 2007-imi 2008-milu nalileeqqinnerit qanoq inernilerneqarsimanersut, matumani nalileeqqinneq attartortitsineq pillugu isumaqatigiisutitip allanngortinneqarneranik nassataqarsimanersoq pingaartillugu isiginiarlugu.
6. Café ... imigassaarniarnissamut akuersissummik tunineqarsimanersoq, taamaappallu akuersissut taanna qanga tunniunneqarsimanersoq.

Kommuni qinnuigaara Meeqqanut, Atuartitsinermit Kultureqarnermullu Ataatsimiititaliap ataatsimiinnera attartortitsisoqarnissaanik aalajangiiffiusoq pillugu imaqarniliaq uannut nassiateqqullugu.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Kommuni aammattaaq qinnuigaara mappit allagaatinik café pilersinneqarnera attartortinneqarneralu pillugit paasissutissanut tunngasunik imallit uannut nassiuteqqullugit. Allagaatit qarasaasiakkuinnaq pigineqarpata kommuni qinnuigaara allagaatit qarasaasiakkuinnaq pigineqartut naqitanngortinneqarneri mappinut qulaani taaneqartunut ilanngullugit uannut nassiuteqqullugit."

Saaffiginnissutigita kommunimut allakkatigut 1. september 2009-meersutigut eqqaasitsissutigaa.

K Kommuni allakkatigut 8. september 2009-meersutigut 17. september 2009-mi tiguskut imatut akivoq:

"(...)

Café ... pillugu allakkatit malillugit café pillugu sulinermi peqataasut isumaannik tusarniaaffigineqarput, taamaattumillu tulliuuttuni pineqartut apeqquteqaatinnut akissutitut atuupput.

Taamani K Kommuniusimasumi Meeqqanut Kultureqarnermullu Ataatsimiititaliap ataatsimiinnerani café ...-mik taasakkatta kommunimit attartorneqarnissaa akuersissutigineqassasoq aalajangiunneqarpoq.

1. Café pilersinneqarneranut inatsisitigut tunngaviusoq eqqarsaatigalugu kommuni café pilersinneqarnera sioqqullugu sunik isumaliutersuuteqarsimava. Tamanna suliami allagaatini takuneqarsinnaanngippat kommuni qinnuigineqarpoq ingerlatat allat suut illumi tassani aamma ingerlanneqarnerisut aamma ingerlatat taakku tamanit iserfigineqarsinnaanersut naatsumik allaasereqqullugu.

Akissut: Pineqartut tamarmik ilanngussani nassuiarneqarput, kommunillu akissutaanut tunngaviussasut – allanik peqartoqanngilaq.

1a: Illu ... illuvoq atorineqarnerani Kulturi, Avatangiisit Peqqissuunissarlu pingarne-rutinneqartut, taamaattumillu kikkulluunniit ulluinnarni sulinitinni isersinnaatitaap-put.

K-mi Katersugaasivik ukioq naangajallugu inersuarmi saqqummersitsisarpoq, tamatu-malu saniatigut ataatsimiittoqartarluni, ataatsimeersuortoqartarluni, atuartitsisoqartar-luni assigiinngitsunillu pinaveersaartitsinermut tunngasunik suliaqartoqartarluni, taa-maattumillu illumik atuisartut inuit arlariupput, maani najugallit avataaneersullu.

Inip attartortinneqarnerata saniatigut ...-mik ulluinnarni toqqaannartumik suleqate-qanngilagut, taakkulu isumaqatigiissutit malillugit ingerlatsisussaapput. Café ...-mik

attartortut ulluinnarni igaffik inilu nerisarfik kisiisa atortarpaat piffissanilu aalajangersimasuniinnaq ammatitsisarlutik aasaanerinnaanilu pisartuni (maj – september)

2. Café ... attartortinniarlugu tamanut ammasumik neqerooruteqarnermut atatillugu naligiimmik pinnittarnermik tunngaviup eqqortinneqarnissaa kommunip qanoq iliorluni qulakkeersimavaa. Kommuni qinnuigineqarpoq ilaatigut makku pillugit nassuiaateqaqqullugu:

a. Tamanut ammasumik neqerooruteqarnek suni qanorlu amerlatigisunngorlugu allagarsiunneqarsimanersoq

b. Allagarsiussat ulloq suna nivinngarneqarsimanersut.

Akissut: Allagarsiussat quliusimapput kalaallisut qallunaatullu oqaasertalersukkat tamanut atuagassanngorlugit nivinngaassorneqartut – taakku oqaatsit marluk atorlugit nivinngaassukkat quliusut tamarmik ataatsimut foliomik qallerlugit imaluunniit 10 x 2 A4-nngorlugit nivinngaassorneqarsimanersut katersugaasiviup – aamma pilersitsiner-mut aaqqissuisuusup – eqqaamasaqarfiginngilaa.

Akissuteqarnissamut killissaliussaq sapaatit akunnerinik pingasunik sioqqullugu allagarsiussat nivinngaassorneqarput.

3. Attartortitsineq pillugu isumaqatigiisummi immikkoortumi 3-mi piumasaqaataasut malinneqarnermut kommunip qanoq iliorluni nakkutigaa (fastfoodiunngitsunik nioq-quteqarnissamik piumasaqaat, tassanilu nerisassat peqqinnartut kalaaliminernik tunngaveqartut pingaarnerutinneqarsimapput).

Akissut: Uagut (Katersugaasivik aamma Pinaveersaartitsisut) maani A ...-mi allaffeqartugut fastfoodinik nioqquteqartoqannginnissaa nakkutigaarput, illummi siunertaasa ilagimmassuk innuttaasut peqqissumik inuuneqartinneqassasut. Nerisassammi peqqinnartuunissaat pinaveersaartitsiner-mi suliaassat ilagimmassuk.

4. Kommunip naliliinera unaava pisiassatut taaneqarsimasut allattorsimaffiat naammagittaalliortut uannut 2007-imi tunniussaat (Ilanngussaq A) attartortitsineq pillugu isumaqatigiisummi immikkoortumi 3-mi piumasaqaatinik eqqortitsisusooq?

Akissut: Pisiassat allattorsimaffiat 2007-imeersoq atorneqanngilaq atorneqarsimanani-lu. Taamaalilluni tamanna apeqqut nr. 3-mut akissutip assigaa, tassalu piumasaqaatit malinneqarput.

5. Attartortitsineq pillugu isumaqatigiisummi immikkoortumi 9-mi takuneqarsinnaasutut 2007-imi 2008-milu nalileeqqinnerit qanoq inernilerneqarsimanersut, matumani

6. Suliat nalinginnaasumik soqutiginaatillit, inatsiseqartitsiffiusunut agguataakkat

nalileeqqinneq attartortitsineq pillugu isumaqatigiissutip allannortinneqarneranik nassataqarsimansoq pingaartillugu isiginarlugu.

Akissut: Imm. 5-imut atatillugu 2007-imiilli nutaamik attartortoqalerpoq, tassanilu attartorneq pillugu nutaamik isumaqatigiissusiortoqarpoq. Assilinera ilanngullugu nassiunneqarpoq.

6. Café ... imigassaarniarnissamut akuersissummik tunineqarsimansoq, taamaappallu akuersissut taanna qanga tunniunneqarsimansoq.

Akissut: Taamani K Kommuniusimasumi ingerlatsivimmit akissummi 27. august 2007-imeersumi soorlu allaaserineqartoq sassaalliisoqartanngilaq taamaaliornissamul-luunniit akuersisoqarsimanani, taamaattumillu tamanna ullumikkut apeqquteqaammut akissutitut suli atuuppoq.

Attartorneq pillugu isumaqatigiissutip kingulliup assilinera aamma ataatsimiititaliap 16. marts 2006-imi ataatsimiinnerata imaqarniliornerata assilinera kiisalu imaqarniliap 15. marts 2007-imi allannguutaata assilinera ilanngullugit nassiunneqarput." (Atorfe-qarfimmi nutsigaavoq)

Attartorneq pillugu isumaqatigiissut ilanngullugu nassiunneqartoq 19. marts 2008-meersuuvoq.

Kommunip akissutaa (ilanngussat taaneqartut ilanngullugit) naammagittaallior-tunut tusarniaatitut 30. september 2009-mi nassiuppara. Nassiunneqartoq pillugu oqaaseqaatinik tigusaqanngilanga.

Ilassutaasumik tusarniaaneq kommunimut 28. oktober 2009-mi nassiuppara.

Tusarniaaneq aamma akissut ukiumoortumik nalunaarummi ilanngunneqanngil-lat, taakkumi paasissutissanik suliap allaaserineqarnerani allatigut takuneqarsin-naanngitsunik imaqanngimmata.

Illu Ombudsmandeqarfiup tamatuma kingornatigut misissorniarlugu pulaarpaa.

...-p attartortussarsiunneqarnerani allagarsiussat attartornerlu pillugu isumaqati-giissutigineqarsimasut tamaasa kiisalu attartornerit unissimanerannut pissutaasut pillugit nassuiaat:

"...p isumaqatigiissutini atorunnaarsippaa illoqarfimmi suliffimmut allamut nuunnermini. F sulini ilaqutariinnermilu pisussaaffimmi ataqatigiississinnaannginnerat pissutigalugu aamma ...-kkut illoqarfimmit allamut nuunnertik pissutigalugu. Ukiup taasuma ukiaanerani siulliit taaneqartut marluk isumaqatigiissummik atorunnaarsitsippot/nutarterinngitsoorput. Isumaqatigiissutip piffissami takornariaqarfiusumi ingerlanneqartussaanaera pissutigalugu isumaqatigiissusiornissamut neqeroorut nutaaq aatsaat ukiumi tulliuuttumi upernaakkut saqqummiunneqarpoq. Attartortup kingulliup isumaqatigiissutini 2010-p aallartinnerani aatsaat atorunnaarsippaa, ilaqutariit illoqarfimmit nuuttariaqarnermik tassangaannaq pisimanera pissutigigunarlugu." (Atorfeqarfimmi nutsigaavoq)

Tamatuma kingornatigut imaattunik oqaaseqaateqarpunga:

"Misissuinerma annertussusia:

Misissuininni apeqqutit uku ilaatinneqarput:

- *K Kommuni ...-mi cafémik ingerlatsineq aqqutigalugu ingerlatani kommunip inatsisinik unioqqutitsinani peqataaffigisinnaanngisamini akuusimava?*
- *K Kommuni attartortitsinermi atugassarititaasut eqqortinneqarnerannik pisiaqarneratut annertutigisimik nakkutilliisimava?*
- *K Kommunip suliamik suliarinninnermi peqataasinnaassuseqarneq pillugu malittarisassat F-imut attartorneq pillugu isumaqatigiissuteqarnerminut atattillugu malissimavai?*

Misissuinerma piffissatigut killissalersorneqarnera

Inatsisartut Ombudsmandiat pillugu Inatsisartut inatsisaanni § 6, imm. 2-mi oqaaseqatigiit aappaasigut aalajangersarneqarpoq naammagittaalliuut pisup pineranit ukioq ataaseq qaangiutsinnagu Ombudsmandimut tunniunneqarsimassasoq.

[Inuussutissarsiortut] 1. november 2007-imi naammagittaalliorput.

Taamaalillunga kommunip suliamik 1. november 2006 sioqqullugu suliarinninnera pillugu apeqqutit suliap naammagittaalliummut tunngasup killissarisassaa iluanni isummerfigisinnaanngilakka.

Taamaattumik K Kommuni cafémik pilersitsinermini ingerlatap inatsisinik unioqqutitsisuunnginnera pillugu naammattumik misissuisimanersoq nalilinnissannut tunngavissaqanngilanga.

Suliaq tamatuma kingornatigut makku tunngavigalugit naliliivigaara: 1) ...-mi cafémik ingerlatsineq illumi ingerlatanut allanut inatsisinik unioqqutitsinani pissusissamisoortumik ilaasutut isigineqarsinnaanersoq, 2) attartorneq pillugu isumaqatigiissut 20. juni 2006-imeersoq tunngaviutitara 2007-imi piffissap ingerlanerani meeqqanut kultureqarnermullu ataatsimiititaliap 15. martsimi ataatsimiinnera sioqqullugu atorunnaarsinneqarsimasoq, aamma 3) K Kom-

6. Suliat nalinginnaasumik soqutiginaatillit, inatsiseqartitsiffiusunut agguataakkat

munip attartorneq pillugu isumaqatigiissummik 10. maj 2007-imeersumik isumaqatigiisuteqarsimanera kommunillu isumaqatigiissummik taassuminnga isumaqatigiisuteqarnermut atatillugu suliamik suliarinninnera.

K Kommunip illuutimini cafémik ingerlatsinermik akuerinninnissaanik periarfissanut inatsisikkut tunngaviusoq

K Kommunip illoqarfimmi namminersorlutik inuussutissarsiortut unammillerlugit cafémik ingerlatsinermi peqataalersimanera [inuussutissarsiortut] uannut naammagittaalliuutigaat.

Tamanna pillugu oqaatigaara kommunip namminersorlutik inuussutissarsiortut eqqarsaatigalugit suliaanik killissalersuinermit inatsiseqartitsinikkut aallaavik tassaasoq kommuni suliffeqarfinnut ataasiakkaanut tapiissuteqartassanngitsoq, kommunillu ingerlataa namminersortut ingerlatsinerannut unammillernikkut annertuumik equititsinermik nassataqassanngitsoq.

Aallaavik taanna kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisaatigut nr. 23-kkut, 18. december 2003-meersukkut tapertalernerqarpoq. Inatsisartulli inatsisaatigut tassuuna kommunit inuussutissarsiutinik ingerlatsinissaat imaluunniit kommunit suliffeqarfinnut ingerlatsinermut tapiissuteqartarnissaat akuerineqanngilaq.

Taamaattumik uanga paasinninnera - Nunamut Namminermut Tunngasunut Allaffiup paasinninnera assigalugu - unaavoq K Kommunip ... eqqarsaatigalugu suliassai kommuninik piginnaatitsissummi kommunit inatsisikkut tunngaveqaratik suliassanik tigusinissamut periarfissaannut ataatsimut tunngaviusut aallaavigalugit naliliiffigineqassasoq.

Suliamik naliliiffiginninninni manna aallaavigaara, tassalu inuussutissarsiummik ingerlatap nammineq kommunip illuutaani ingerlanneqarnerata kommunip inuussutissarsiornermut tapersiissuteqarnera imaluunniit kommunip ingerlatamik unammilleqatigiinnikkut equititsisumik ingerlataqarnera nassatarinngikkaa.

Taamaattumik kommunip illuutimini namminersorluni inuussutissarsiortup cafémik ingerlataqarnissaanik akuersinera illoqarfimmi namminersorlutik inuussutissarsiortunut allanut kusanaatsumik unammilleqatigiinnikkut equititsisutut isigineqassappat aalajangiisusooq tassaasariaqarpoq café killissalersuutit

kommunip inuussutissarsiornermi peqataasinnaaneranut atuuttut naapertorlugit ingerlanneqarnersoq.

Inatsisinilli unioqqutitsilluni unammilleqatigiinnermik equititsinermik apeqqut inuussutissarsiummik ingerlataqarnerup kommunip illuutaani ingerlanneqarsinnaanerani apeqqummi kisimi aalajangiisuunngilaq.

Taamaalillunga oqaatigaara cafénik ingerlatsineq aallaavittut tassaanngitsoq kommunip inatsisinik unioqqutitsinani ingerlassinnaasaa.

Danmarkimili kommuninik nakkutilliinermi oqartussaasut periaasianni²⁴ ilimagineqarpoq kommuni assersuutigalugu isiginnaartitsisarfirmut, innuttaasut illuannut timersortarfimmulluunnut atatillugu taakkunani ingerlanneqarsinnaasutut ilaatillugu cafénik, cafeterianik assigisaannillu inatsisinik unioqqutitsinani pilersitsisinnaasooq.

Kommunilli peqataanera kommunip pingaarnertut suliassamik isumaginninnerata pisariaqalersitsineranit annertunerusunngortinneqarsinnaanngilaq.

Taamaalilluni ilimagineqarpoq cafémik ingerlatsineq kommunip ingerlataanut ilaatillugu sulinerusoq niuernermit atugassarititaasunik atugassaqaartitsilluni attartortinneqassasooq.

Uanga paasinninnera unaavoq isummap taassuma pissuseqataa Kalaallit Nunaanni kommunit namminersorluni inuussutissarsiornermik sulianut allatut ilaasutut ingerlataqarfiusutut ittunik suliassaqaarfiusut ingerlataqarfiusut eqqarsaatigalugit atortussaatinneqarsinnaasooq, niuernermit atugassarititaasunik naliliinissamat periarfissaqaarfiusuni.

Aallaavik taanna aallaavigalugu isumaqarpunga K Kommuni cafémik ingerlatsinermik illuutiminiititsinnaasimasooq, cafémik ingerlataq kommunip pingaarnertut ingerlataanut pissusissamisoortumik ilaanera aamma ingerlatsinerup niuernermit atugassarititaasunik atugassaqaartitsilluni attartortinneqarsimanissaa piumasaqaatigalugu.

Ingerlatanut inatsisinik unioqqutitsisuunngitsumik pissusissamisoortumillu ilaasut

Kommunip pingaarnertut ingerlataata iluani kommunip illuutaani cafémik ingerlatanut allanut inatsisinik unioqqutitsisuunngitsumik pissusissamisoortumillu ilaatitsisoqassappat piumasaqaataavoq café taanna illumini ingerlatanut allanut pissusissamisoortumik ataneqartinneqassasooq.

Kommunip uannut akissummini oqaatigaa café saqqummersitsinernut, oqalugiarnernik ingerlatanut, kulturimut, peqqissutsimut pinaveersaartitsinermullu atasunut aamma atorneqartartoq, kiisalu cafémik ingerlatsineq atugassariti-

24) Inger Mogensen aamma Dario Silic, "Kommunalfuldmagtsreglerne i praksis", Nyt Nordisk Forlag 2004, quppernerit 168 tulliilu, periaatsimut innersuussutitalit.

6. Suliat nalinginnaasumik soqutiginaatillit, inatsiseqartitsiffiusunut agguataakkat

taasut siunertanut taakkununnga naapertuuttumik ingerlatsinermik qulakkeerisut tunngavigalugit attartortinneqarsimasoq.

Ombudsmandeqarfik illumik misissuinnermini naliliivoq café pineqartoq illup saqqummersitsivianut oqalugiartarfiannullu ataannartumik ilaasoq.

Kommunip nakkutilliinermilu oqartussaasup cafép illup initaani inatsisinik unioqqutitsinani ingerlanneqarsinnaanerani naliliinerisa sumiginnarnissaanut tamanna tunngavigalugu pissutissaqarnanga isumaqarpunga.

Niuernermi atugassarititaasunik atugassaqartitsilluni attartortitsineq

Attartornermut akiliutit attartorneq pillugu isumaqatigiissummi siullermi cafép sinneqartoortuutaasa 15 %-iinut aalajangersarneqarsimapput. Siusinnerusukkut oqaatigineqartutut cafémik ingerlatsineq kommunip inatsisinik unioqqutitsinani aallaavittut ingerlatarisinnaangilaa, taamaattumillu cafémik ingerlatsinermut atatillugu inatsisinik unioqqutitsinani aningaasanik iluanaarutigisinnaganagu. Taamaattumik uanga paasinninnera unaavoq attartornermik akiliutinik cafép iluanaarutaasa procentiisa ilaattut aalajangersaanerup manna nassatarigaa, tassalu kommuni taamaaliornermi iluanaaruteqartoq, kommunip inatsisinik unioqqutitsinani pissarsiarisinnaangisaanik. Attartornermut akiliutit taamatut aaqqiinnermut taarsiullugu niuernermi akiliutigittinneqartartunik pisumi naliliinikkut aalajangersarneqarsimasariaqaraluarput.

Attartornermut akiliutit aningaasanik aalajangersimasunik amerlassusilinnut kingusinnerusukkut aalajangersarneqarsimanerat attartornermullu akiliutit amerlassusiisa allagarsiussani K Kommunip attartortussarsiornermi atorsimasaani takuneqarsinnaanerani isiginiarlugit attartornermut akiliutit aalajangersarneqarsimasut niuernermi akigitinneqartunut nikingassuteqarnissaat ilimagissallugu aamma pissutissaqanngilanga.

K Kommunip attartortinneqartumik nakkutilliinera

Cafémik ingerlatsinerup illumi ingerlatanut allanut inatsisinik unioqqutitsinani pissusissamisoortumillu ilaanerani apequt pillugu qulaani oqaatigisattut uanga paasinninnera unaavoq cafémik ingerlatsinerup illumi pineqartumiinnerata inatsisinik unioqqutitsisuunnginnerani apeqquumi una aalajangiisusooq, tassalu café illumi ingerlatanut allanut initamigut ingerlatsinikkullu pissusissamisoortumik ataneqarnersoq.

Attartorneq pillugu isumaqatigiisutini ingerlatsinikkut atugassarititaasuni ilaavoq attartortoq imminut pisussaattitooq "nerisassanik fastfoodiunngitsunik,

nerisassanik peqqinnartunik kalaallit nerisassiassaataanneernerusunik" neqerooruteqarnissaminut.

Piomasagaat taanna oqaaseqaateqarnissannut pissutissaqalersitsisinnaanngilaq.

Ungali paasinninnera aamma unaavoq kommuni isumaqatigiissummi illua'-tungiusutuinnaanngitsaq, aammali ingerlatsineq pillugu inatsiseqartitsineq tunngavigalugu pisussaaffeqarsimasooq piomasagaatip taassuma attartortumit eqqortinneqarnera nakkutigissallugu, tassami sumiginnaaneq taamaattoq pissutsip aaqqinniarnissaanut isumaqatigiisutilluunniit atorunnaarsinniarnissaanut kommunimut pisussaaffiliisuusammaat.

Kommunip tusarniaanermut akissummini 8. september 2009-meersumi oqaatigaa "fastfoodinik tuniniaasoqannginnera nakkutigigini".

Cafémik ingerlatsinermut atatillugu kommunip immikkut pisussaaffigisai isiginarlugit uanga paasinninnera unaavoq nioqqutissat suut cafép neqeroorutigisarnerai ingerlaavartumik nakkutigissallugu, nakkutilliinerlu taanna pillugu allakkatigut uppersaatinik pisariaqarneratut annertutigisumik pissaqartitsinissaq kommunip pisussaaffigisimaga. Tamanna assersuutigalugu pisinnaavoq cafép nerisassaataasa allattorsimaffiata kommunip attartortitsineq pillugu suliami allagaataanut ilanngunneqarneratigut, imaluunniit kommunip ilumi tassani atorfeqartitaasa unioqqutitsinerusinnaasunik allattuisarnerisigut kommunalbestyrelsimullu nalunaaruteqartarnerisigut.

Nerisassat allattorsimaffiat [inuussutissarsiortut] K Kommunimi 2007-imi tikeraarninni tunniussaat eqqarsaatigalugu oqaatigaara nerisassat allattorsimaffiat taanna atornerqarsimanngitsaq kommunip paasissutissiissutigigaa.

Kommunip paasissutiissiissutaata ilumut eqqortuunera pillugu uppersaatinik sulinerma oqartussaasunik inatsiseqartitsinikkut nakkutilliinerusup killisarititaasa iluanni misissuisinnaanngilanga.

Nerisassalli allattorsimaffiata suliarineqarsimanerata illoqarfimmilu innuttaasunit pissarsiarineqarsinnaasimanerata imminni manna pisariaqalersippaat, tassalu attartornermi atugassarititaasut attartortunit eqqortinneqarnerat qulakkiissallugu kommunip pisussaaffigisimaga.

[Inuussutissarsiortut] allakkaminni 5. september 2007-imeersuni nerisassat allattorsimaffiat taanna immikkut innersuussutigisimavaat, tamannalu tunngavigalugu isumaqarpunga cafép pisiassaataasa attartorneq pillugu isumaqatigiisummumut naapertuuttuunerat kommunip qanoq iliorluni qulakkeersimaneraa allakkatigut uppersaammik kommunip suliami allagaataasa imaqannginnerat ajuusaarnartuusooq.

Tamatuma saniatigut manna ajornartorsiutaasooq isumaqarpunga, tassalu attartortussarsiortuluni allagarsiussat attartornerlu pillugu isumaqatigiisutit

6. Suliat nalinginnaasumik soqutiginaatillit, inatsiseqartitsiffiusunut agguataakkat

cafémi akuersissummik pigisaqartoqarpat imigassamik aalakoornartortalinnik sassaallertoqarsinnaanera pillugu paasissutissamik imaqarnerat, tassami kommunip akissutaanit 27. august 2007-imeersumit tamatumunnga peqatigitillugu ersermat imigassamik aalakoornartortalimmik sassaallerneq illup "peqqinnissamik siuarsaasumik anguniagaqarneranut" naapertuuttuunngitsaq.

Taamaattumik uanga paasinninnera unaavoq imigassamik aalakoornartortalimmik sassaallernissamat akuersissut periarfissaasoq kommunip attartorsinnaasunut attartortunullu oqarnera pitsaangitsuusoq, kommuni tamatumunnga peqatigitillugu naliliippat cafép ingerlanneqarneranut tunngaviusup iluani imigassamik aalakoornartortalimmik sassaallernissamat akuersissuteqartoqarsinnaanngitsaq.

Tamanna tunngavigalugu isumaqarpunga attartortup imigassamik aalakoornartortalimmik sassaallernermut akuersissummik tunineqarsinnaaneranut periarfissaqartoq kommunip attartorneq pillugu isumaqatigiisummi oqaatiginissimanera ajuusaarnartuusoq.

Cafémilli ingerlatsinerup massakut unissimanera isiginiarlugu kommunip attartortitsinerumik nakkutilliinera pillugu annertunerusumik iliuuseqaqqissanngilanga.

Suliamik suliarinninnermi peqataasinnaassuseqarneq pillugu malittarisassat

[Inuusutissarsiorlut] uannut naammagittaalliumminni atortussaattippaat café borgmesterip qanimut ilisarisimasaasa ilaannut attartortinneqarsimasoq.

Suliamik suliarinninnermi peqataasinnaassuseqarneq pillugu malittarisassat kommunip cafémik F-imut attartortitsineranut atatillugu malinneqarsimanersut Nakkutilliisoqarfiup saaffiginnissutigat 28. april 2008-meersoq tunngavigalugu misissorsimavaa.

Nakkutilliisoqarfiup uannut allakkamini 9. december 2008-meersuni nalunaarutigaa Nakkutilliisoqarfik K Kommunip Nakkutilliisoqarfimmu oqaaseqaataa 15. august 2008-meersoq tunngavigalugu Nakkutilliisoqarfik isumaqartoq suliamik suliarinninnermi peqataasinnaassuseqarneq pillugu apeqqummi annertunerusumik iliuuseqarnissaminut pissutissaqarani.

Kommunip Nakkutilliisoqarfimmu akissummini makku paasissutissiissutigai:

"K Kommunip attartortitsinissamik aalajangiinera 2007-imi pivoq, tamanut ammasumik neqerooruteqartitsisoqareerneratigut. Aalajangiineq taanna Meeqqanut, Atuartitsinerumut Kultureqarnermullu Ataatsimiititaliami ukuninnga ilaasortaqaartumi pivoq:

(...)

Illoqarfeeqqami K-tut ittumi piukkunnartunik arlaatigut imminnut attaveqatigiinngitsunik nassaarniarneq ajornakusoortussaavoq. F attartortunnngortinneqarpoq, tassami qinnuteqartutuaagami - qujanartumillu aamma piukkunnartuulluni. Taamaattumik suliap suliarineqarnerani peqataassinnaassuseqarnikkut ajornartorsiortoqartoq oqartoqarsinnaanngilaq.

Inassuteqaat katersugaasiviup pisortaanit suliarineqarpoq, inassuteqarniarnerlu ajornanngitsuararsuuvoq, qinnuteqartormi taamani ataasinnaasimammat. - Tamanna naammagittaalliorfiusunut naammattorsuarmik uppersaaserneqarsimavoq.

*Pinaveersaartitsinermi siunnersortimik borgmesterip ikinngutigilluagaanik toqqaasoqarsimanera eqqarsaatigalugu Meeqqanik Kultureqarnermullu Ingerlatsiviup tikkuarlugu oqaatigissavaa K Kommunimi pinaveersaartitsinermi siunnersorti 1996-imi atorfinitsinneqarsimammat, borgmesterilu 2005-imi qinigaasimaluni, taamaattumik tassani sukkulluunniit ataqatigiinneqartoqarsinnaanani." (A-
torfeqarfimmi nutsigaavoq)*

Siullertut isumaqarpunga pinaveersaartitsinermi siunnersortip borgmesterimut inuttut attaveqarneranik kommunip oqaaseqaataa suliaq pineqartoq eqqarsaatigalugu erseqqarlussorinartoq, tassami naammagittaalliummut atatillugu atortussaatinneqarmat cafémik attartortoq borgmesterip qanimut ilisarisimasarigaa.

Tamatuma kingornatigut oqaatigaara suliassat suliarineqartarnerat pillugu inatsit ilaatigut suliamik suliarinninnermi peqataasinnaassuseqarneq pillugu malittarisassanik imaattunik imaqartoq:

"§ 2. Inatsit una suliassanik, ingerlatsinermit oqartussaasunit aalajangiiffigineqarsimasunik aalajangiiffigineqarumaartunilluunniit, suliarinninnermit atortuuvoq.

Imm. 2. Suliami peqataasinnaannginneq pillugu kapitali 2-mi aalajangersakkat atortuupputtaa q suliassanik isumaqatigiissuteqarnissamut namminerluunniit pilluni aalajangi gassanut tunngasunik tamatumunnga assingusunik suliaqarnermut.

(...)

Kapitali 2.

Suliami peqataasinnaannginneq.

§ 3. Kinaluunniit pisortatigut ingerlatsinermi suliaqartoq suliassami aalajangersimasumi peqataasinnaanngilaq,

6. Suliat nalinginnaasumik soqutiginaatillit, inatsiseqartitsiffiusunut agguataakkat

1) nammineq imminut eqqarsaatigaluni aningaasalluunniit eqqarsaatigalugit suliap qanoq inerneqarnissaanik soqutiginnilluinnartuuguni imaluunniit siusinnerusukkut suliame tassani kimilluunniit taamatut soqutiginnittumut sinniisuusimaguini,

2) taassuma aapparisa, eqqarlia imaluunniit aappariinnikkut siulimigut kinguaamigulluunniit siulimiluunniit qatanngutaasigut imaluunniit allatigut qanitaasigut qanitsigisumik qanigisarinnittusoq imminut eqqarsaatigaluni aningaasalluunniit eqqarsaatigalugit suliap qanoq inerneqarnissaanik soqutiginnittuuppat imaluunniit kimut taamatut soqutiginnittumut sinniisuuppat,

3) ingerlatseqatigiiffiup, peqatigiiffiup siulersuisuini ilaasortaaguni imaluunniit tamakkununga imaluunniit inuinnarmut allamut inatsisinik paasisimasalimmut, suliap qanoq inerneqarnissaanik soqutiginnilluinnartumut, allatigut qanilluinnartuuguni,

4) suliassaq pisortatut oqartussaaffiup allap misissuisutut imaluunniit nakkutilliisutut sulineranut tunngasuuppat tamatumunngaluunniit naammagittaalliutaappat, naammagittaalliortorlu taanna suliassarineqartumut taannaluunniit tunngavigalugu pineqaatissiisutaasut naammassineqarnissaannut oqartussaaffimmi tassani siusinnerusukkut aalajangeeqataasimappat, imaluunniit

5) pissutissaqarpat kinaassusersiorsinnaanngissusia qularilissallugu.

Imm. 2. Suliame peqataasinnaannginneraasoqarsinnaanngilaq soqutiginninnerup pissusia annertussusialuunniit, suliassap pissusia imaluunniit inuup taassuma suliap suliarineqarneranut atasumik suliame pissutigalugit isumaqarnanngippat aarleqqutissaasoq suliassame aalajangiinissap soqutigisanut tunnganngitsunit sunnerneqarnissaa.

Imm. 3. Suliassame pissuteqartumik peqataasinnaanngitsoq suliassap suliarineqarnerani aalajangiissanngilaq, aalajangiinermi peqataassanngilaq allatilluunniit peqataassanngilaq.

§ 4. Suliassap suliarinissame siuliini taaneqartup taassuma taartissamek pissarsinissaq ajornavissappat imaluunniit ajornartorsiutaasorujussuuppat § 3-mi aalajangersakkat atortuussanngillat.

Imm. 2. § 3-mi aalajangersakkat ingerlatsinermut oqartussaaqatigiinnut ilaasortaa-sunut atortuupput, naak sinniisussaqartitsisoqarsinnaanngikkaluartoq. Aalajangersagarli taanna atortuussanngilaq oqartussaasut aalajangiisinnaassuseqarnertik anaassappassuk imaluunniit oqartussaasut inuttalersugaanerak, ilaasortaq suliassap suliarineqarnerani ilaasinnaanngippat, annertuumik eqqarsarnarsissappat suli-

rinninnissarlu kinguartinneqarsinnaangippat pisortat privatilluunniit (inuinnaat) soqutigisaat annertuumik ajoqusernagit.

Imm. 3. Ingerlatsinermut oqartussaaqatigiit ilaasortaaffissamut tassunga ilaasortassanik qinersineranni ilaasortaqaq ataaseq § 3-mi aalajangersakkat apeqqutaatinagit peqataasinnaavoq, naak siunnersuutigisaannaagaluarluni. § 3-mi aalajangersakkat kommunalbestyrelsit ilaasortat akissarsiaat pillugit aalajangigaannut atortuunngillat."

Malittarisassat taakku 1. januar 2009-p tungaanut kommunalbestyrelsit nu-naqarfinnilu aqutsisut il.il. pillugit Inatsisartut inatsisaanni nr. 20-mi, 3. november 1994-imeersumi § 15-imit tapertalerneqarsimapput:

"§ 15. Ilaasortat ilaat suliassami aalajangersimasumi inuttut ima soqutigisaqartiginersoq suliassaq taanna pillugu kommunalbestyrelsip oqaluuserinninnerani taasineranilu peqataangitsoortariaqarnersoq kommunalbestyrelsip aalajangiiffigissavaa.

Imm. 2. Ilaasortap pissutsinik suliassanilu aalajangersimasuni inuttut soqutigisaqarnini pissutigalugu ataatsimiissutiginninnerni taasinernilu peqataasinnaanerninut nalornisoornartoqartillugu kommunalbestyrelsi ilisimatissavaa.

Imm. 3. Ilaasortaqaq suliassamut tunngasumi aalajangeeqataasinnaangitsutut oqaatigineqartariaqartoq ilimanarsippat ilaasortat pineqartoq qinigassannqorteqatigalugu qinigaasimasut, aamma kisimiillutik qinigassannqortissimasut, piumasarisinnaavaat suliassap oqaluuserineqarnissaani pineqartup sinniisussaata peqataatinneqarnissaa.

Imm. 4. Kommunalborgstyrelsi aalajangiissappat ilaasortaqaq aalajangeeqataasinnaangitsoq, taassumalu sinniisussaa ataatsimiigiaqquneqangippat, ilaasortat pineqartumut qinigassannqorteqataasimasut, pineqartorlu kisimiilluni qinigassannqortittuusimappat ilaasortap nammineq piumasarisinnaavaat suliassap tullianik ataatsimiinnissamut kinguartinneqarnissaa. Taamaattoq kinguartsisoqarsinnaangilaq ilaasortat najuuttut 2/3-sa tamanna akerlerippassuk, imaluunniit kinguartsisinissap nassatarissappagu piffissarititaasut kommunip malitassarisai qaangerneqassasut."

Suliamik suliarinninnermi peqataasinnaassuseqanginnerup aallaavittut manna nassataraa, tassalu aalajangiinerup isumaqatigiissutilluunniit pineqartup atuussinnaassuseqanginnera.

Suliap uannut paasissutissartalersorneqarnera tunngavigalugu uanga paasininnera unaavoq borgmesteri attartorneq pillugu isumaqatigiissuteqarnerup suliarineqarnerani peqataasimangitsoq, sulialli suliarineqarnerani [borgme-

steri] peqataasimasuuguni suliap suliarineqarnerani peqataasinnaassuseqar-simassanngikkaluarluni.

Tamatuma pissuseqataanik isumaqarpunga matuma uppernarsaasigaasumik ilimaginissaanut tunngavissaqanngitsoq, tassalu kommunip aqutsisoqarfiata suliamik suliarinnittup ajornartorsiut attartorneq pillugu isumaqatigiissutip isumaqatigiissutigineqarnerani eqqumaffigisimagaa.

Tamatuma kingornatigut isumaqarpunga kommunip suliamik suliarinninnera-ta suliamik suliarinninnermi peqataasinnaassuseqarneq pillugu malittarisas-sat eqqarsaatigalugit isornartorsiornissaanut naammattumik pissutissaqar-nanga.

Suliassat suliarineqartarnerat pillugu inatsimmi § 6, imm. 3 aamma kommuni-nik aqutsineq pillugu inatsimmi § 57, imm. 1 kommunalbestyrelsit Naalakker-suisunut paasissutissiisarnissaannik aalajangersaasup manna nassataraa, tassalu Nakkutilliisoqarfiup tusarniaanerata kommunip aqutsisoqarfianit aki-neqarani kommunalbestyrelsimut akineqarsimasariaqaraluarnera.

Taamaattumik isumaqarpunga Nakkutilliisoqarfiup apeqqut taanna pillugu tusarniaanerani kommunip aqutsisoqarfimminik akissuteqartitsinermigut kuk-kussuteqarsimasoq.

Naggasiutaasumik oqaaseqaatit

Suliami matuma kingornatigut annertunerusumik iliuuseqaqqissanngilanga, (...)."

Aallaaniarneq piniarnerlu ataatsimut

6.4 Tusarniaasussaataaneq aamma oqartussaasup nammineertup qanoq nassuiarneqarnissaa pillugit apeqqutit

Soqutigisaqaqatigiiffik Ombudsmandimut naammagittaalliorpoq, nalunaarutit marluk aalajangersarneqarnerat sioqqullugu tusarniaavigine-qarsimanninnini aamma nalunaarutit suliarineqarnerannut atatillugu suliamik suliarinninnermi kukkussuteqartoqarsimanagera naammagittaal-liuutigalugit. Soqutigisaqaqatigiiffiup tamatuma saniatigut suleqatigiis-sitaliami Naalakkersuisunit pilersinneqarsimasumi ilaasortat nipangius-sisimaqqullugit peqquneqarsimanagerat aamma naammagittaalliuutigaa.

Aalisarnermut, Piniarnermut Nunalerinermullu Naalakkersuisoqarfiup timmissat pillugit nalunaarutit allanngortinneqarnissaat sioqqullugu pe-qatigiiffimmu suliniaqatigiiffimmu tusarniaasimanninnera aamma

*Naalackersuisoqarfiup timmissat pillugit nalunaarutip 2008-mi aalajangersarneqarneranut atatillugu nalunaaquttap akunnerisa sisamat misaannaannik piffissaqartitsilluni tusarniaasimanermik ingerlatsisimane-
ra Ombudsmandip isornartorsiorpaa. Nalunaarutit ullut atortuulerfiisa
ullunit nalunaarutit tamanut saqqummiunneqarfinit siusinnerunerat
Ombudsmandip isorisariaqartutut aamma isigaa.*

*Ombudsmandi tamatuma saniatigut e-mailimini 18. maj 2008-meersumi
suleqatigiissitaliap ilaasortaasa oqaaseqarsinnaatitaanerat pillugu
oqaasertalerneqarsimanera isornartorsiussallugu pissutissaqarluni isu-
maqarpoq.*

*Ombudsmandip tamatumunnga atatillugu oqaatigaa Aalisarnermut, Pi-
niarnermut Nunalerinermullu Naalackersuisoqarfiup suleqatigiissitalia-
mi ilaasortaasut suliami pineqartumi allagaatinik paasitinneqarsinnaati-
taaneq isumaginiarlugu nipangiussisimaqqullugit peqqusinnaanngikkai.
Ombudsmandi aamma isumaqarpoq timmissat pillugit suleqatigiissita-
liaq oqartussaasutut immikkoorluni nammineertutut isigineqarsinnaan-
ngitsoq, tassaasorli oqartussaasut akornanni suleqatigiiffik, suliniaqati-
giiffiit namminersortut aamma peqataaffigisaat.*

*Ombudsmandip inassuteqaatigaa Naalackersuisut siunissami suleqati-
giissitalianik immikkut ilisimasallit, suliffeqarfuit suliniaqatigiiffilluun-
niit namminersortut peqataaffigisaannik pilersitsisarnissani oqartussaa-
soq suleqatigiissitaliamik pilersitsisimasoq eqqarsaatigalugu suleqati-
giissitaliap qanoq inissisimane qulaajarniarlugu suleqatigiissitaliap
qanoq aaqqissuunneqarnissaa pisuni ataasiakkaani isummerfigisassa-
gaat, namminersortunillu peqataatitsinerup siunertaa tusarniaanernik
ingerlatsinikkut naammassiniarneqarsinnaanersoq siumoortumik isuma-
liutersuutigineqareertassasoq.*

*Aalisarnermut, Piniarnermut Nunalerinermullu Naalackersuisoqarfiup
immikkoortuni arlalinni ingerlatsinermi ileqqorissaarnermik sumigin-
naasimanera Ombudsmandip aamma uparuarpaa (J.nr. 2008-820-
0001).*

Peqatigiiffik Timmiaq²⁵ uannut 6. juli 2008-mi imatut allappoq:

**"Pineqartoq: Timmissat pillugit nalunaarutip 29. februar 2008-meersup allan-
ngortinnissanut atatillugu Naalackersuisut tusarniaanerat aalajangiinissamin-**

nullu tunngaviat kiisalu timmissat pillugit nalunaarutip allangortinnissaa pillugu suleqatigiissitaliap sulineranut atatillugu nipangiussisussaatisineq.

Timmissat illersorneqarnissaat pillugu Namminersorerullutik Oqartussat nalunaarutaata nr. 5-ip, 29. februar 2008-meersup allangortinneqarnissaanut atatillugu Aalisarnermut, Piniarnermut Nunalerinermullu Naalakkersuisoqarfiup tusarniaanermik periaasia aamma illuinnaasiortumik amigartumillu tunngavilersuut, suliamik suliarinninnermut, Naalakkersuisut akuersissuteqarnerannut tunngatillugu, tunngaviutinneqartoq Timmissap naammagittaalliutigai, tassami Timmissap paasinninnera imaammat

1. tusarniaanermi siusinnerusukkut periaaseq malinneqanngitsoq,
2. tusarniaanermi tusarniaaffigineqartussatut peqataasunik ataasiinnarmut sammisumik toqqaanermi nalogiissitsinnermut tunngavik malinneqanngitsoq,
3. tusarniaaneq tupinnaannartumik sivikitsumik tusarniaanermut piffissaliinikkut ingerlatsinnermi ileqqorissaarnerunngitsoq, taamaalilluni tusarniaanermut peqataasoq tusarniaanermut tutsuiginartumik akissuteqarnissaminik suliaqarsinnaasimamani,
4. piffissaliusseq sivikitsaq pissutigalugu tusarniaanermut akissutit ima nalorninartigisumik tunngaveqarmata, taakkua nalunaarutip pigineqareersup (timmissat illersorneqarnerat pillugu Namminersorerullutik Oqartussat Nalunaarutaat nr. 1, 21. februar 2004-meersoq) allangortinnissaanut tunngavigineqassappata ingerlatsinnermi ileqqorissaarnerunngitsoq,
5. aalajangiinnermi tunngaviusoq ima sanngiitsigisumik tunngaveqartoq siusinnerusukkut periaatsinik unioqqutitsinnerusoq taamalu ingerlatsinnermi ileqqorissaarnermut assersuunneqarsinnaanngitsoq.

1 pillugu

Timmissat illersorneqarnerat pillugu Nalunaarummik siusinnerusukkut allangortitsisarnerni piniarnermut kattuffinnut pinngortitalerinemullu kattuffinnut matumanilu Timmiaq ilanngullugu eqqarsaatigalugu tusarniaanermut pissusissamisoortumik piffissaliisoqartarsimavoq, allangortitsinnermilu matumani tamanna pisimanngilaq, tassami Timmiaq allangortitsinnermi tamatumani tusarniaaffigineqarsimanngimmat.

2 pillugu

- 25) Oqaaseqaatip paasiuminartuutinnissaa suliaku tusagassiuutitigut eqqartorneqarsimanagera isiginiarlugit Timmiaq akuersisillugu peqatigiiffiup kinaassusia suliap ukiu- moortumik nalunaarutinnut ilanngunneqarneranut atatillugu ilisarnarunnaarsissimanngilara.

Piniartut kattuffiisa kisimik tusarniaavigineqarnissaannik, NGO-tut kattuffinnuunngitsorli allanut, matumanilu Timmiaq ilanngullugu, toqqaanermi piniartut soqutigisaannik, innuttaasuniinngitsorli kattuffinnit taakkunannga sinniisuuffigineqartunit, illuinnaasiortumik isumaginnilluni akissuteqartoqarpoq. Timmiaq, suleqatigiissitalianut nalunaarummik nr. 38-mik, 6. december 2001-imeersumik piareersaallutik suliaqartunut ilaasortaasoq allanngortitsinernilu tulliuttuni tusarniaanissamut peqataasimasoq, nalunaarutip 29. februar 2008-meersup suliarineqarneranut atatillugu tusarniaavigineqarsimannigilaq.

3 pillugu

Tusarniaanernut akissutinit Naalackersuisoqarfiup tigusimasaannit erseerpoq tusarniaavigisassatut peqataasut toqarneqartut tusarniaanermut akissutissaminnik suliaqarnissaminnut nalunaaquttap akunnerpaalunnguiniq taamaallaat piffissaqartitaasimasut, tamannalu Timmiap isumaa malillugu tupinnaannartumik sivikitsumik piffissalineruvoq.

4 pillugu

Namminersornerullutik Oqartussat namminneq Pinngortitaleriffimmi ilisimatuutut misissuisartuisa tusarniaanermut akissumminni erseqqissumik oqaatigisimavaat tusarniaanermi akissuteqarnissamut piffissarititaasoq akuerineqarsinnaanngitsutut suliaminnullu tunngasutigut nassuiaammik suliaqarnissaminnut sivikippallaartutut isumaqarfigigitsik.

5 pillugu

Nalunaarutip 2001-imi suliarineqarnerani tamatumunnga KANUKOKA-meersunit, pisorta qarfinnit assigiinngitsuneersunit, Pinngortitaleriffimmeersunit, piniartut kattuffiineersunit aamma Timmissameersunit inuttalersukkamik siumoortumik suleqatigiissitaliortoqarsimavoq. Nalunaarutip suliarineqareernerata kingornatigut taanna taakkunungarpiq tusarniaatigalugu nassiunneqarpoq naammaginartumillu piffissamik killissalerlugu, tamatumani taakku tamarmik tusarniaanermut akissutissaminnik naammaginartumik piffissaqarlutik suliaqarsinnaasimallutik. Peqqissaartumik tusarniaanerup assinga kingusinnerusukkut nalunaarutip nr. 1-ip, 21. januar 2004-meersup suliarineqarnerani atuutsinneqarpoq. Nalunaarutip 2008-mi allanngortinneqannginnerani peqqissaarussamik piareersaasiortoqarnissaannik Naalackersuisut neriorsuuteqarsimanagerat eqqarsaatigalugu Timmissap isumaa naapertorlugu sulianik ingerlatsinermi ileqqorissaarnerunngilaq siusinnerusukkullu periaatsinik akerliusoq illuinnaasiortumik tusarniaanerup nukingiutipallanneqarnera, tamatumani tutsuiginartumik tamanullu isiginnittumik tusarniaaneq mattullugu.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Aammattaaq sulianik ingerlatsinermi ileqqorissaarnermik taamak illuinnaasiortigisumik, amigartumik aamma tamakkiisumik saneqqutsisumik ingerlatsinerup aalajangerneq, tunngaviliussamut Naalakkersuisut timmissat pillugit nalunaarutip allanngortinneqarnissaanut aalajangiinermini aalajangiivinnermut ilaasussatut isumaqarfigisaanut, nassataqarnera Timmissap aammattaaq naammagittaalliuutigaa, tassami timmissanik piniarnerup annertusineqarnera Inatsisartut Eqqissisimatitsinermut Avatangiisinullu Ataatsimiititaliaata innersuussutaanut tulluurtuunngimmat, taakkuami isumaliutissii-summinni 20. oktober 2007-imeersumi timmissat nujuartat nakkutigineqarnerannut tunngaviusut makkua aalajangersarmassuk:

- Piujuannartitsinissamut tunngavik illoqarfinni nunalu tamakkerlugu aalajangiisimaneqassaaq
- Timmissat piaqqiorsinnaassusiisa ajunnginnerpaamik iluatsitsiffiunissaata qularnaarneqarnissaa
- Timmissat piaqqiornerisa nalaani eqqissisimatilluinnarneqarnissaat
- Mianerinninnissamut tunngavik atuutsinneqassaaq.

Timmiaq isumaqarpoq makkununga uppersaatissanik peqartoqanngitsoq:

- Timmissat pillugit nalunaarutip allanngortinneqarnissaa aalajangersarneqartoq ataanarsinnaanngitsoq, timmissat ikileriarsimanagerat nalunaarutip 2001-imi suliarineqarnerata nalaani paasineqarsimammat mitit kisimik eqqarsaatigalugit akerlianik amerliarnermik kinguneqarsimammat, timmissanullu allanut tamanut atuutinngitsoq
- piniarnissamut piffissarititaasup sivitsorneqarnerata timmissat piaqqiorsinnaassusiisa ajunnginnerpaamik iluatsitsiffiunissaa, timmissat aalajangersimasut ikiliartuinnarnerat tamatuma akerlianik uppersaasuummat
- piniarnissamut piffissarititaasup sivitsorneqarnerata timmissat piaqqiornerisa nalaani timmissat eqqissisimatilluinnarneqarnissaat qulakkeerneqartoq, timmissat assigiinngitsut arlallit piaqqiortarfiat februarip martsillu qaammataanni aappariilerneranni pisarmat
- piniarnissamut piffissarititaasup sivitsukkap mianerinninnissamut tunngavimmik eqquutsitsisuuq, tassami mitit kisimik amerliartornerat paasineqarsimammat siusinnerusukkat amerlassusiat kinguarsimasuunngikkaluarluni. Timmissat allat amerlassusiat eqqarsaatigalugu amerliartornerat amerlassusiisaluunniit nikinnek ajornerat paasineqarsimannilaq.

Naggasiullugu Aalisarnermut, Piniarnermut Nunalerinermullu Naalackersuisoqarfiup timmissat pillugit suleqatigiissitaliami sulinermut atatillugu suleqatigiissitaliap ilaasortaanut ataatsimiinnernit allagaatit/imaqarniliat namminermi sulinermut allagaatigineqartutut nalunaarutiginnissimanera, kiisalu suleqatigiissitaliami ilaasortanik tusa-gassiuutitut oqaaseqaqusinnginnera Timmissap naammagittaalliuutigai. Internetikut allakkatigut 14. maj 2008-meersutigut Naalackersuisoqarfiup makkua nalunaarutigai: Issuaaneq: *"Eqqaasitsissutigisariaqarpara ataatsimiinnernit allagaatit/imaqarniliat namminermi sulinermut allagaataammata. Taamatuttaarlu tusagassiorfinnit saaffiginnissutaasinnaasut APNN-imut ingerlatinneqartassapput, taassuma akissutisat ataatsimut isumagissammagit suleqatigiissitaliap sulinera naammassippat."* Issuaaneq naavoq.

Timmissap paasinninnera unaavoq suliassat suliarineqartarnerat pillugu inatsimmi § 27-mi nipangiusimasussaataaneq taamaattoq tunngavilersorneqanngitsoq, taamatullu pisortat ingerlatsinerat pillugu paasitinneqarsinnaatitaaneq pillugu inatsisip ilaat-sinnginnissamik aalajangersagartaani inassuteqaat taamaattoq tunngavilersunngikkaa. Timmiaq isumaqarpoq paasitinneqarsinnaatitaaneq pillugu inatsisip § 7-iani ilaat-sinnginnissamik aalajangersagartai atuiffiusinnaanngitsut, taakkunanimi namminermi sulinermut allagaatit, oqartussaasup nammineq atugassaatut imaluunniit ingerlatsi-vimmi tassanerpiaq ataatsimoortut aalajangersimasut akornanni imaluunniit kommu-nalbestyrelsip taassumalu ataatsimiititaliaasa, immikkoortortaqaarfiisa susassaqaarfi-salu allat akornanni allaffigeqatigiittarnermi atugassatut suliarineqarnerat kisimi pine-qarmat. Taamaallilluni Timmissap paasinninnera unaavoq NGO-kattuffiit nipangiussi-simasussaataaneramik inassuteqaateqarfigissallugit inatsisitigut tunngavissaqarto-qanngitsoq, inassuteqaallu taamaattoq Århuskonventionimut akerliusoq." (Atofe-qarfimmi nutsigaavoq)

Peqatigiiffiup Timmissap naammagittaalliuutaa Aalisarnermut, Piniarnermut Nunalerinermullu Naalackersuisoqarfimmut tusarniaatigalugu 21. juli 2008-mi nassiuppara, Naalackersuisoqarfillu qinnuigalugu suliaq allagaatinik nalunaarutip suliarineqarneranut tunngasunik imalik misissugassanngorlugu uannut nas-siuteqqullugu.

Aalisarnermut, Piniarnermut Nunalerinermullu Naalackersuisoqarfiup tusarniaa-nermut akissutaa 13. august 2008-meersoq 18. august 2008-mi tiguara. Naalak-kersuisoqarfik uannut akissummini ilaatigut imatut allappoq:

"(...)

Timmissat pillugit nalunaarutip ulloq 29. februar 2008-mi allanngortinneqarneranut atatillugu Naalackersuisut tusarniaanerat pillugu aalajangiinermilu tunngavigisaannik naammagittaalliuut pillugu Naalackersuisoqarfiup oqaaseqaataa:

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

"Timmissat illersorneqarnerat pillugu Naalakkersuisut nalunaarutaata nr. 1-ip, 21. januar 2004-meersup" allanngortinneqarnerani Inatsisartut akissuteqaataat (UKA 2007/73 aamma 102) kiisalu tamatuma kingorna ataatsimiititaliap isumaliutissiisutaani 20. oktober 2007-imeersumi kaammattuutit aallaavigineqarput. Aammattaaq sapaatit akunneranni 8-mi piniartunik tusarniaalluni aammalu taakku atuisutut ilisimasaat ilanngunniarlugit piniartut isumasioqatigiinnerat peqqammersoq piffissap aallaaniarfissap sivitsorallarneqarneranik kinguneqassangatinneqarpoq. Tamanna tunngavigalugu Naalakkersuisut sapaatit akunneranni 9-mi arlaleriarlutik ataatsimiipput, tamatuma inunnut inuussutissarsiutigalugu inuussutissarsiutigingulu aallaaniarsinnaatitaanermut uppersaartilinnut atuuttumik piffissami aallaaniarfiusumi 2008-mi (sumiifinnut timmissanullu pineqartunut atatillugu 28/29 februarimi unittussamik) timmissanik assigiinngitsunik marlunnik, tassalu miternik taateraani, piffissap aallaaniarfiup sivitsorneqarnissaa aalajangerneqarluni. Nalunaarutip siuliani taaneqartup allanngortinneqarnissaanik tamanna pisariaqartitsivoq, taamaattumillu sivikitsuarsuarumik piffissaqartitsilluni taanna tusarniaassutigineqarluni.

Nalunaarutip ulloq 29. februar 2008-mi aammalu ulloq 29. februarimi siumoortumik nalunaarutiginninnerup kingorna ulloq 1. marts 2008-mi atuutlernissaanik piimasaqarnissaq pillugu Naalakkersuisut aalajangernerannik Naalakkersuisoqarfik nalunaarfigineqarpoq. Nalunaarutip tamanut nassiusuunneqarneratigut tusagassiorfinnullu nalunaaruteqarnikkut nalunaarutiginnittoqarpoq.

Timmissat pillugit nalunaarut Naalakkersuisoqarfiup Piniarnermut Aallaaniarnermulu Immikkoortortaani tusarniaassutigineqarpoq oqallisigineqarlunilu (ilanngussaq I). Tamatuma kingorna pinngortitamik illersuinissaq pillugu inatsimmi § 5, imm. 3 aammalu piniarneq aallaaniarnerlu pillugit inatsimmi § 16, imm. 2, tak. §§ 2 aamma 8, naapertorlugit piffissap aallaaniarfiup sivitsorneqarnera pillugu nassuiaatitalimmik avammut tusarniaasoqarpoq (ilanngussaq II). Suliffeqarfinnut kattuffinnullu makkununga ulloq 29. februarimi, ulloq taanna nal. 12-imut akissuteqartussanngorlugit allakkat tusarniaassutit ilanngunneqartut avammut tusarniaassutigineqarput:

- KANUKOKA
- KNAPK
- Piniarneq pillugu Siunnersuisoqatigiit
- Pinngortitaleriffik
- Attaveqarnermut Avatangiisinullu Naalakkersuisoqarfik

Tusarniaanermi allakkat ilanngunneqartut malillugit sivikitsuinnarmik piffissaqartinneqarneq pissutigalugu KANUKOKA kisimi akissuteqarpoq. Nalunaarummi siunertarineqartut nalunaarummullu tunngavigineqartut aallaavigalugit, tamanna tulluurtut isigineqartillugu, Aalisarnermut, Piniarnermut Nunalerinermullu Naalakkersuisoqarfiup tusarniaanermi akissutit malinnaaffigai. Piffissap aallaaniarfissap sivitsorneqarnissaanik kattuffiit soqutigisaqatigiit kissaataat timmissat pillugit nalunaarummi

malinneqarsimanagerat pissutigalugu tusarniaanermut akissutinik ataatsimut naliliinerup takutippaa timmissat pillugit nalunaarummi allannguutit KNAPK-mit aammalu piniarneq pillugu Siunnersuisoqatigiinnit naammagisimaarneqartut. Taamaattorli miternik taateraani piffissap aallaaniarfissap sivitsorneqarnissaa eqqarsaatigalugu Pinngortitaleriffik aammalu Attaveqarnermut Avatangiisinullu Naalackersuisoqarfik isornartorsiupput.

Aaqqissuinikkut aaqqitassamik ataatsimik nalunaarummut ilanngunneqartumik aaqqiinissaminut Naalackersuisut Inatsisileriffiat tunngavissaqarsorivoq. Inatsisip suliarineqarneranik misissuinermi nalunaarummut taassumalu suliarineqarneranut allanik oqaaseqaateqarnissamut tunngavissaqartoqanngilaq.

Ukiuunerani aallaaniarnerup sivitsorneqarnera taamaallaat ukioq manna 2008-mi piffissami aallaaniarfiusumi atuutissaaq, tamatumalu kingorna allatut aalajangiisoqanngippat piffissat aallaaniarfiit pisoqqat ingerlaannartumik atuutilissallutik. Taamaalliluni timmissat pillugit suleqatigiissitaliap (tassani Timmiaq ilaalluni) kaammattuutai 2008-p affaani siullermi pigineqalernissaasa tungaanut piffissap aallaaniarfiup sivitsorneqarallarnissaa siunniunneqarpoq. Nalunaarusiaq tamanna sapaatit akunneranni 34/35-mi Naalackersuisunut saqqummiunneqarpoq.

Allakkat suliamut nalunaarutillu suliarineqarneranut attuummassutillit makku oqaaseqaammut matumunnga ilanngunneqarput:

Siulittaasoqarfiup aalajangigaa 265/2008, danskisut kalaallisullu

Naalackersuisut isummernissaannut tunngavissiaq, danskisut kalaallisullu

Aalisarnermut, Piniarnermut Nunalerinermullu Naalackersuisoqarfiup tusarniaanermut akissutai, danskisut kalaallisullu

Pinngortitaleriffiup tusarniaanermut allagai, danskisut

Attaveqarnermut Avatangiisinullu Naalackersuisoqarfiup tusarniaanermut akissutai, danskisut

Piniarneq pillugu Siunnersuisoqatigiit tusarniaanermut akissutaat, danskisut kalaallisullu

KNAPK-p tusarniaanermut akissutaa, danskisut kalaallisullu

KANUKOKA-p tusarniaanermut akissutaa, danskisut kalaallisullu

Isumaliutissiissut UKA 2007/73 aammalu UKA 2007/102, danskisut kalaallisullu.

Timmissat pillugit nalunaaruttip atuuttup iluarsaanneqarsinnaanerani timmissat pillugit suleqatigiissitaliap kaammattuutaanik" suliarinninnermut atatillugu nipangiussisussaatitaaneq pillugu naammagittaalliummut Naalackersuisoqarfiup oqaaseqaataa

6. Suliat nalinginnaasumik soqutiginaatillit, inatsiseqartitsiffiusunut agguataakkat

Timmissat pillugit nalunaarutip atuuttup allannortinneqarsinnaaneranut kaammattuuteqartussamik assigiinngitsunik katiterneqartumik suleqatigiissitaliortoqassasoq UKA 2007/102-mut atatillugu aalajangerneqarpoq.

Suleqatigiissitaliami ilaapput Attaveqarnermut Avatangiisinullu Naalackersuisoqarfik, Pinngortitaleriffik, KNAPK - Kalaallit Nunaanni Piniartut Aalisartullu Kattuffiat, SPAK - Sunngiffimmi Piniartut Aalisartullu Kattuffiat, Timmiaq, Avataq kiisalu Aalisarnermut, Piniarnermut Nunalerinermullu Naalackersuisoqarfik. KANUKOKA ajoraluartumik peqataasinnaasimanngilaq.

Aalisarnermut, Piniarnermut Nunalerinermullu Naalackersuisoqarfimmi ulloq 13. martsimi aammalu Pinngortitaleriffimmi ulluni 28.-29 aprilimi suleqatigiissitaliaq pingasoriarluni ataatsimiippoq. Ataatsimiinnerit taakku annertoorujussuarmik pissarsiviupput, tassa suleqatigiissitaliap kaammattuuteqarnissaa anguniarlugu suleqatigiissitaliamut suliakkiut aallaavigalugu mitit taateraallu/appallu pillugit Pinngortitaleriffimmi paasissutissat nutaanerpaat nalunaarusiarlu tamanut saqqummiuteqqammerneqartoq ilanngunneqarmata kiisalu timmissat illersorneqarnerat pillugu Namminersorerullutik Oqartussat nalunaarutaanni nr. 5-imi, 29. februar 2008-meersumi aalajangersakkanik KNAPK-mi peqatigiiffiit misissuinerat oqallisiginninnerallu pillugit qanitukkut tusarniaanermi akissutit ilanngunneqarmata.

Timmissat pillugit Inatsisartut suleqatigiissitaliaata suliaanik ingerlanneqartunik paasitineqarnissamik ...-mit, EcoAdvise & Communication, qinnuteqaat sapaatit akunneranni 19-imi Aalisarnermut, Piniarnermut Nunalerinermullu Naalackersuisoqarfimmit tiguneqarpoq (APNN), tassani qinnuteqartup pisortat ingerlatsinerat pillugu paasitineqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi kapitali 3-mi, § 7, imm. 1 naapertorlugu suliffiup iluani sulinermi allakkat pineqarnerat pissutigalugu qinnuteqaat siuliani taaneqartoq APNN-imit itigartinneqarpoq.

Qinnuteqaat taanna aallaavigalugu maleruagassat atuuttut nutarterneqassasut APNN-imit aalajangerneqarpoq. Aalisarneq pillugu Siunnersuisoqatigiit, Nunalerineq pillugu Siunnersuisoqatigiit aamma Piniarneq pillugu Siunnersuisoqatigiit assigalugit mailikut 14. majimeersukkut suleriaaseq taaneqartoq aqutugalugu timmissat pillugit suleqatigiissitaliamut maleruagqusat taakku atuullutik.

Allakkat suliamut nalunaarutillu suliarineqarneranut attuumassuteqartut oqaaseqaammummatumunnga makku ilanngunneqarput:

Suliakkiut suleqatigiissitaliamit ataatsimoorullugu suliarineqartoq, danskisut kalaallisullu

Timmiamit e-mail 1/8-2008-meersoq, danskisut

Avatangiisinik Aqutsisoqarfimmi allaffimmi pisortamit aamma timmissat pillugit suleqatigiissitaliami ataatsimiinnernik aqutsisumit ...-mit allakkiaq, danskisut." (Atorfeqarfimmi nutsigaavoq)

Aalisarnermut, Piniarnermut Nunalerinermullu Naalackersuisoqarfiup uannut akissutaanut ilanngussat ilaat Naalackersuisoqarfiup suliamik suliarinninneranut attuumassuteqartut kisiisa tulliuttuni issuarpakka. Issuaanermi piffissap ingerlasimanerata aamma tusarniaavigineqartunik toqqaanerup paasissutissiissutigineqarnissaa pingaarnertut siunertaavoq. Ilangussat ilaat issuarneqanngitsut suliami illua'tungiusut timmissat pillugit nalunaarutip imarisaanik naliliinerinut tungasuunerupput, taamaattumillu uanga misissuininnut attuumassuteqaratik.

Aalisarnermut, Piniarnermut Nunalerinermullu Naalackersuisoqarfiup uannut akissutaa 13. august 2008-meersoq Aalisarnermut, Piniarnermut Nunalerinermullu Naalackersuisoqarfiup avammut tusarniaanermi allagaanik 28. februar 2008-mi ullulerneqarsimasumik imaattumik ilaqartinneqarpoq:

"Timmissat pillugit nalunaarummi piffissat piniarfiusinnaasut allanngortinnerat pillugu tusarniaaneq

Inatsisartunut akissuteqaat (UKA 2007/73 aamma 102) taassumalu kingorna ataatsimiititaliap isumaliutissiissutaa 20. oktober 2007-imeersoq inassuteqaatinik imalik tunngavigalugit ataatsimiinnerit arlallit tunngavigalugit Naalackersuisut sapaatit akunerisa qulingiluaanni aalajangiipput piffissat timmiaqatigiinnik marlunnik 2008-mi piniarfiusinnaasutut atuuttussatut sivitsorneqassasut aalajangiipput, piniarsinnaassallutik inuussutissarsiutigalugu sunngiffimmilu piniarsinnaanermut allagartallit, taamaammallu nalunaarutip qulaani pineqartup allannguutissaa tusarniutigalugu nassiunneqarpoq.

Nalunaarut maannakkut atuuttoq kiisalu nalunaarutissatut siunnersuut nutaaq ilanngussatut kiisalu ataatsimiititaliap isumaliutissiissutaa ilisimatitsissutitut nassiunneqarput.

Allannguutip imai ukuupput:

(...)

Nalunaarutip allannguutaa atuutilissaaq 1. marts 2008, taanna sioqqullugu avammut nalunaaruteqareernikkut. Nalunaaruteqarneq pissaq nalunaarutip avammut nassiusorneratigut kiisalu tusagassiuutitigut nalunaaruteqarnikkut.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Tusarniaanermi allakkat uku avammut tusarniaalluni sulisoqarfinnut kattuffinnullu ukununga nassiunneqarput:

- KANUKOKA
- KNAPK
- Piniarneq pillugu Siunnersuisoqatigiit
- Pinngortitaleriffik
- Attaveqarnermut Avatangiisinullu Naalackersuisoqarfik

Tusarniaanermut akissut APNP-mut nassiuteqquneqarpoq 29. marts 2008 nal. 12.00 sioqqullugu."

Aalisarnermut, Piniarnermut Nunalerinermullu Naalackersuisoqarfiup uannut akissutaa 13. august 2008-meersoq tamatuma saniatigut makkuninnga ilaqartinneqarpoq:

- Pinngortitaleriffiup tusarniaanermut akissutaa ullulernerqarsimanngitsoq, tassanngalu ilaatigut erserpoq tusarniaanermut akissuteqarnissamut piffissaliunneqartoq Pinngortitaleriffiup tupigusuutigigaa. Pinngortitaleriffik isumaqarpoq nalunaquttap akunneri pingasut-sisamat akissummik naammaginantumik suliarinninnissamut naammangitsut.
- Attaveqarnermut Avatangiisinullu Naalackersuisoqarfiup tusarniaanermut akissutaa 29. februar 2008-mi ullulernerqarsimasoq. Naalackersuisoqarfiup akissummini Aalisarnermut, Piniarnermut Nunalerinermullu Naalackersuisoqarfik aperaa TPAK-p, Timmissap aamma Avattap tusarniaavigineqarnissaat Naalackersuisoqarfiup isumaliutersuutigisimaneraa.
- Piniarneq pillugu Siunnersuisoqatigiit akissutaat 29. februar 2008-mi ullulernerqarsimasoq. Tassannga erserpoq ilaasortaq ataaseq "piffissap tusarniaaviusup sivikeqisup naanerani" akissuteqarsimasoq.
- KANUKOKA-p tusarniaanermut oqaaseqaatissaqarani akissutaa 29. februar 2008-mi ullulernerqarsimavoq, "pissutigalugu tusarniaanermi piffissaq killilius-saq annikippallaarujussuarmat".

Aalisarnermut, Piniarnermut Nunalerinermullu Naalackersuisoqarfiup uannut akissutaa 13. august 2008-meersoq timmissat pillugit suleqatigiissitaliamut suliakiummik 21. april 2008-meersumik ilaqartinneqarpoq:

"Inatsisartut Eqqissimatitsinermut Avatangiisinullu Ataatsimiititaliaata 20. oktober 2007-imi isumaliutissiissutaa aallaavigalugu suleqatigiissitaq siuliani taaneqartut naapertorlugit siunissami Namminersornerullutik Oqartussat nalunaarutaata nr. 5-ip, 29. februar 2008-meersup nutarterneqarsinnaaneranut periarfissanik Naalakkersuisunut inassuteqaateqassaaq.

Suleqatigiissitaliap ilisimasat nutaanerpaartaat Pinngortitaleriffimmeersut ilanngutis-savaat, paasissutissat nutaat mitit taateraallu pillugit nalunaarusiatigut atuagassiatigoortut kiisalu suleqatigiissitaliap atugassai, katitigaanera tunngavigalugu atuagassat allattorsimaffiat (ilanngussaq). Ilanngullugu suleqatigiissitaliap najukkami KNAPK-p peqatigiiffii tusarniaavigineqaqqammersut akissuteqaataat ilanngutissavaat.

Inassuteqaatit patajaallisaasuussapput makkuninngalu tunngaviusunik pingaarnernik sisamaasunik tunngaveqassallutik, Inatsisartut Eqqissimatitsinermut Avatangiisinullu Ataatsimiititaliaata timmissanik aqutsinermut aalajangersarsimasaat:

- Najukkami nunalu tamakkerlugu nungukkiartuutaanngitsumik tunngaveqarnek aalajangiusimaneqassasoq.

- Timmissat piaqqiorsinnaassusiinik qulakkeerinnineq.

- Timmissat manniorfiisa nalaani eqqissimatilluinnarneqassasut.

- Mianersortumik periaaseqarluni ingerlatitsisoqassasoq.

Suleqatigiissitaq misissueqqissaassaaq maannakkut timmissat illersorneqarnerat pillugu nalunaarummi aalajangersakkat nutarternissaannut tunngavissaqarnerasoq, tassunga ilanngullugit:

1) Piniartunit timmissat sorliit allannguiffigineqarnissaat kissaatigineqarnerisut paasiniassallugu kissaatinullu illersuisut illua'tungiliuttullu tunngavilersuutaat paasiniassallugit.

2) Aqutsiviit paasiniassallugit, nunap immikoortui/killeqarfii pingasuusut allanngortissappata, taava nalunaarummik eqaannerusumik aqutsineq kissaatigineqartutut eqqortissinnaaneroqqullugu.

3) Piniarfissatut/eqqissimatitsiffissatut piffissaliussat pisassiissutillu allanngortinneqarneri ilaatigut uumasut illersorneqarnerat pitsannorsarniarlugu, tamanna pisari-aqassappat, ilaatigullu piniarfiup sivitsortinneqarnissaanik kissaat naaperiarlugu, tamannalu pissaaq aqutsinermi tunngaviusut ataqqillugit.

4) Eqqissimatitsiffiusut misissorneqarneri, tassunga ilanngullugu timmissanut eqqissimatitsiffissatut siunnersuutit, aqutsinermi sakkussat ineriartortinnissaat siunertarlugu, ataatsimut isigalugu siunissami nungukkiartuutaanngitsumik tunngaveqarluni a-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

qutsineq qulakkeerneqarsinnaaqullugu peqatigisaanillu isumalluutit sunniuteqarluartumik annertusiartortissinnaaqullugit.

5) Mannissarfiit atugassarititaasullu allangortinneri timmissanik aqutsinermi tunngaviusunut marluusunut mannissartarneq naapertuunnersoq nalilissallugu - timmissat manniliornissaannut sapinngisamik iluatsinnissaat qulakkeerniarlugu timmissallu manniliornerisa nalaani eqqissisimatilluinnarneqarnissaat qulakkeerniarlugu.

6) Piniarnermik inuussutissarsiuteqartunut sunngiffimmilu aallaaniartartut piniarsinnaatitaaffiisa allangortinneqarsinnaaneri, tamatuminngalu tunngavissiuineq, tassunga ilanngullugu tamatuma qitiunngitsumik aquneqarnissaanut periarfissat.

7) Aqutsinerup najukkanut suliakkiutigineqarsinnaanera oqallisigissallugu, tamatuminngalu tunngavissiuineq.

8) Tulukkanik, naajanik eqqakkanillu ajornartorsiuteqarneq nalilersorlugu, aaqqiinnermi timmissat pillugu nalunaarut allangortittariaqarnersoq, imaluunniit eqqakkanik passussineq taamaallaat pineqassanersoq imaluunniit taakku marluutillugit periarfissaanersut.

9) Piniariaatsit misissorneqarneri, tassunga ilanngullugu aallaasit imassallu atorneqartussat.

10) Timmissat taakkunanngalu nioqqutissiat niuerutiginissaannut annissinissamullu malittarisassat allangortinnerat nungukkiartuutaanngitsumik aqutsinermit sunniuteqartiginersoq nalilersussallugu.

Taassuma saniatigut timmissanut aqutsinermit suleqatigiissitap pisariaqarsorippagu siunertanullu naapertuussorippagu inassuteqaateqarsinnaavoq.

Peqataasut

Suleqatigiissitap marluk tikillugit makkuninnga inuttalersugaasinnaavoq:

Aalisarnermut, Piniarnermut Nunalerinermullu Naalackersuisoqarfik (ataqatigiissaarisoq)

Attaveqatigiinnermut Avatangiisinullu Naalackersuisoqarfik

Pinnortitaleriffik

KANUKOKA

KNAPK

TPAK

Avataq

Timmiaq

Imaqarniliortut: Aalisarnermut, Piniarnermut Nunalerinermullu Naalackersuisoqarfik aamma Attaveqatigiinnermut Avatangiisinullu Naalackersuisoqarfik.

(...)"

Aalisarnermut, Piniarnermut Nunalerinermullu Naalackersuisoqarfiup uannut alagai 13. august 2008-meersut misissoreerlugit Naalackersuisoqarfik imatut ilasutaasumik 22. september 2008-mi tusarniaavigaara:

"Aalisarnermut, Piniarnermut Nunalerinermullu Naalackersuisoqarfiup tusarniaaninut 21. juli 2008-meersumut akissutaa 18. august 2008-mi tiguara. Naalackersuisoqarfiulli akissutaata amerlanerusunik paasissutisseeqqusinissannut pissutissaqalersippaanga.

Timmissat pillugit nalunaarutip allanngortinneqarnera

Siullertut manna qinnutigaara, tassalu suliffeqarfinnik suliniaqatigiiffinnillu timmissat pillugit nalunaarutip allannguutissaatut siunnersuut pillugu 29. februar 2008-mi tusarniaavigineqartussanik toqqaanermut isumaliutersuutit suut, pingaartumillu ilaatigut Timmissap sooq tusarniaavigineqarsimannginneranut, tunuliaqutaasimanersut paasissutissiissutigeqqullugit.

Naalackersuisoqarfik aammattaaq qinnuigaara pissutsit suut timmissat pillugit nalunaarutip taama pilertortigisumik allanngortinneqarneranut kiisalu suliffeqarfiit suliniaqatigiiffiillu taama sivikitsigisumik piffissalerneqarlutik tusarniaavigineqarsimaneranut pissutaasimanersut paasissutissiissutigeqqullugu.

"Timmissat pillugit suleqatigiissitaliami" sulinermit atatillugu nipangiussisimasussanngortitsisimaneq

Nipangiussisimasussanngortitsinermik apeqqut eqqarsaatigalugu tusarniaaninnut Naalackersuisoqarfiup akissutaanit erserpoq: "...APNN aalajangerpoq maleruaqqusat suleliaasissatut aalajangersakkat aqqutigalugit atuuttut mailimi 14. majimeersumi eqqaa-neqartut siunnersuisoqatigiinnut soorlu Aalisarnermut Siunnersuisoqatigiinnut, Nunalerinermut Siunnersuisoqatigiinnut Piniarnermullu Siunnersuisoqatigiinnut atuuttut "timmissat pillugit suleqatigiissitaliamut atuunnerat taamatuttaaq erseqqissarneqasasooq" (Atorfeqarfimmi nutsigaavoq). Naalackersuisoqarfik tamatumunnga atatillugu qinnuigaara makku pillugit uannut paasissutisseeqqullugu 1) Suleqatigiissitaliap ilaasortai e-mailimit 14. maj 2008-meersumit siusinnerusukkut ilisimatinneqarsimanersut suleqatigiissitaliami sulinertik eqqarsaatigalugu nipangiussisimasussaataasut, 2) Nipangiussisimasussaataaneq taanna Naalackersuisoqarfiup isumaa malillugu qanoq annertutigaa, matumani ilaasortat inaarutaasumik nalunaarusiap saqqummiunneqarnerata kingornatigut tusagassiuutinut oqaaseqaateqarsinnaanersut ilanngullugu eqqarsaa-

6. Suliat nalinginnaasumik soqutiginaatillit, inatsiseqartitsiffiusunut agguataakkat

tigalugu, aamma 3) nipangiussisimasussaataaneq taanna inatsisikkut suna tunngavigalugu peqqusissutigineqarsimansoq.

Kiisalu Naalackersuisoqarfik qinnuigaara suliaq nalunaarutip allannguutissaata sulia-
rineqarneranut tunngasoq misissugassanngorlugu uannut nassiuteqqullugu.

Naalackersuisoqarfiup akissutaa timmissat pillugit Kalaallit Nunaanni peqatigiiffim-
mut Timmissamut suliami illua'tungiusup isumaanik tusarniaatitut saqqummiunneqar-
sinnaavoq."

Aalisarnermut, Piniarnermut Nunalerinermullu Naalackersuisoqarfiup akissutaa
imaattoq 1. oktober 2008-mi ullulerneqarsimasoq 7. oktober 2008-mi tiguara:

"(...)

Tusarniaaffigisassat toqqartornerat

Aalisarnermut, Piniarnermut Nunalerinermullu Naalackersuisoqarfiup Piniarnermut
Aallaaniarnermullu Inatsimmi 1999-imeersumi tusarniaaffigisassat aalajangersimasut
kiisalu siusinnerusukkut APNP-p tusarniaavigereersimasai tusarniaavigivai. APNP-p
Timmiaq tusarniaavigisussaasimanngisaannarpaa.

Tusarniaanissamut killissarititaasup sivikinnerata tunngavia

Akissuteqaammi 13. august ullulerneqarsimasumi oqaatigineqareersutut Naalacker-
suisut sapaatip akunnerani 9-mi arlaleriarlutik ataatsimiipput, taakkunanilu aalajanger-
neqarpoq, timmissat assigiinngitsut marluk, mitip aamma taaterap, 2008-mi (28./29.
februar piffinni pineqartuni timmissanullu pineqartunut atuuttut naapertorlugit unittus-
saagaluartoq) piffissami aallaaniarfissap iluani, inuussutissarsiutigalugu aallaaniarsin-
naanermut allagartalinnut sunngiffimmilu aallaaniarsinnaanermut allagartalinnut pi-
niarsinnaatitaaneq sivitsorneqassasoq.

Naalackersuisut nalunaarummik allanngortitsinerat pillugu Naalackersuisoqarfik 29.
februar 2008 ilisimatinneqarpoq piunaffigineqarlunilu 29. februar nalunaarutiginne-
reernerup kingorna nalunaarut 1. marts 2008 atuutilersinneqassasoq, tamannalu tusar-
niaanermi killissarititaasut nalinginnaasut malinnissaannut periarfissaqartitsisiman-
ngilaq.

Suleqatigiissitalianut Namminersorerullutik Oqartussani maleruaqqusat

1) APNP ataatsimiinnerni siullerni marlunni suleqatigiissitat suleriaasiat Namminer-
sorerullutik Oqartussat ataanni suleqatigiissitanut nassuiaatigineqarnissaa pisariaqar-
sorineqarsimanngilaq, kisianni allagaatinik takunnissinnaatitaanermut apeqquteqaat

aallaavigalugu APNP aalajangerpoq ilitersuutit atuuttut Aalisarnermut Siunnersuisoqatigiinnut, Nunalerinermut Siunnersuisoqatigiinnut Piniarnermut Siunnersuisoqatigiinnullu attuumassuteqartut suleriaatsip ataaniittut erseqqissaatigeqqinniarlugit.

2) Naalackersuisut suleqatigiissitap nalunaarussiaata akuersissutigereernerata saqqummiutereerneratalu kingorna suleqatigiissitat inuttai nipangiussisussaataa anngillat. Kisianni pisunut assingusuni suleriaatsinut atuuttunut innersuussisoqarpoq.

3) APNP-p nalilersimavaa uani pineqartut tassaasut Pisortat ingerlatsinerat pillugu paa-sitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersumi, kapitel 3, § 7, imm. 1 naapertorlugu suliffiup iluani sulinermut atatillugu pappilissat.

Pappiaqqat suliamut tunngassuteqartut tunniunneqarnissaannut atatillugu, sulisumit allakkanik nalunaarsuisartumik sapaatip akunnerata 41-p aallartilaarnerani intern postikkut nassiunneqassapput.

Allakkanut arlaannik apeqqutissaqaruit oqaaseqaatissaqaruilluunniit, ataani atsiortumut saaffiginninnissannut tikilluaqqusaasorujussuuvutit."

Peqatigiiffik Timmiaq 5. november 2008-mi allaffigaara, Naalackersuisoqarfiulu tusarniaanermut akissutitut nassiussai saqqummiullugit.

Peqatigiiffiup Timmissap allakkakka 2. december 2008-mi imatut akivai:

"Pineqartoq: Timmissap naammagittaalliuutaanut atatillugu tusarniaanermut akissut

Timmissap naammagittaalliuutaa pillugu allakkatigut Aalisarnermut, Piniarnermut Nunalerinermullu Naalackersuisoqarfiup akissutai 13. august 2008-meersoq aamma 1. oktober 2008-meersoq allakkatigut 5. november 2008-meersutigut Ombudsmandip nassiuppai, qinnutigalugulu akissutit pillugit Timmiaq oqaaseqaateqaqqullugu kiisalu malittarisassanik Timmissap soqutigisaanut ataneqartunik tunniussinermut atatillugu Timmiaq qanoq annertutigisumik siusinnerusukkat tusarniaavigneqarsimanersoq paasissutissiissutigeqqullugu.

Timmissap kingullertut taaneqartut pillugit paasissutissiissutigissavaa peqatigiiffik Avatangiisinut Pinngortitamullu Naalackersuisoqarfiusimasumik 2001-imi ataatsimeeqateqarnermini apeqqutinut Kalaallit Nunaanni timmissat amerlassusiinut tunngasunut pisortatigoortumik tusarniaasarnermut illua'tungiusussatut toqqarneqarmat. Taamanili peqatigiiffik timmissat pillugit aqutsinermut tunngasut pillugit apeqqutinut tamanut aamma apeqqutit allat Timmissap soqutigisaqarfii pillugit tusarniaavigneqartarsimavoq. Taamaalilluni Timmiaq timmissat pillugit nalunaarut 2001-imeersoq

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

pillugu suleqatigiissitanut peqataasimavoq, taamanili aamma tamatuma malitsigisaa-nik nalunaarutip allannguuteqartinneqartarnera pillugu tusarniaavigineqartarpoq, taa-matullu peqatigiiffik Pinngortitap Illersorneqarnissaa pillugu inatsimmut, pinngortita-lerisut pillugit aqqissuussamut, eqqissisimatitsinernut assigiinningsunut il.il. atatil-lugu tusarniaavigineqartarluni. Massakkorpiaq pisumi oliasiornissamut neqeroorute-qartitsisinnaanermut atatillugu oliasiorfissatut piukkunnaateqartut pillugit Aatsitassa-nut Ikummatissanullu pisorta qarfiup tusarniaaneranut Timmiaq peqataavoq. Taa-maalilluni Timmiaq Namminersornerullutik Oqartussat pisorta qarfiini naalackersui-soqarfiinilu akuerisatut illua'tungiusimallunilu sulii illua'tungiuvoq. Taamaattumik Timmiap tupigusuutigaa Aalisarnermut, Piniarnermut Nunalerinermullu Naalacker-suisoqarfik susassa qarfimmik Avatangiisinut Pinngortitamullu Pisorta qarfimmit tigu-sinermi kingornatigut timmissat pillugit nalunaarutip 29. februar 2008-meersup allan-guuteqartinneqarneranut atatillugu peqatigiiffimmik tusarniaaviginninnermigut Namminersornerullutik Oqartussat periaasiannik malinninnissaminut pissutissa qar-simangimmat.

Timmiaq isuma qarpoq pisoq taanna Aalisarnermut, Piniarnermut Nunalerinermullu Naalackersuisoqarfiup sapaatit akunneranni 8-mi piniartut isumasioqatigiinnerannut peqataasussatut aamma timmissat pillugit nalunaarutip allanngortinneqarnera pillugu suleqatigiissitani peqataasussatut aggeqqusineranut naapertuuttuunngitsaq.

Aammattaq timmissat pillugit nalunaarut pillugu suleqatigiissitaliarineqartussatut ili-magineqartumut apeqqut pillugu Naalackersuisoqarfimmi pisortamik ...-mik piniartut isumasioqatigiinnerisa nalaani sivikitsumik oqaloqateqarsimavunga, tassami Nammi-nersornerullutik Oqartussani susassa qarfinnik allannguinerup kingornatigut timmissat pillugit suleqatigiissitat sumut inissinneqarnerat nalornissutigisimagakku, isuma qar-lungalu timmissat pillugit suleqatigiissitat suliasarisassaat pingaartuusut, isumasioqa-tigiinnermi oqaatigineqartut eqqarsaatigalugit. Matumani [Naalackersuisoqarfiup pi-sortaata] oqaatigaa suliaqarnermi teknikkikkut paatsuuisoqarsimasoq, tamatumalu kinguneralugu timmissat pillugit suleqatigiissitat suliasaasa pilersaarusiornissaata aallartinneqanngitsoornera, kisiannili Timmissap timmiaqassutsimut aqutsinermi il-lua'tungiusutut sulinerata inissisimanera qanoq ilisukkulluunniit nalornissutigine-qanngitsaq.

Timmiaq peqatigiiffiup soqutigisa qarfi pillugit apeqqutinut illua'tungiujaarnani pillugu ilisimatinneqanngisaannarsimavoq. Aalisarnermut, Piniarnermut Nunalerinermullu Naalackersuisoqarfimmit siusinnerusukkut tusarniaavigineqannginneranut pi-soq una kisimi pissutaasoq Timmissap ilimagaa, tassalu Naalackersuisoqarfiup aamma pisorta qarfiusimasup aalajangersakkanik peqatigiiffiup soqutigisaanut sunnuteqartu-nik suliaqarsimanginnerat.

Naak Namminersornerullutik Oqartussani susassa qarfinnik allannguisoqaraluartoq aamma Namminersornerullutik Oqartussat iluanni ingerlatsinermi oqartussaasoqarfik

ingerlatsivimmit (Avatangiisinut Pinngortitamullu Pisorta qarfimmit) allamut (Aalisarnermut, Piniarnermut Nunalerinermullu Naalakkersuisoqarfimmut) nuunneqaraluartoq Timmissap paasinninnera malillugu Timmissap Namminersornerullutik Oqartusanut tusarniaasarnermut illua'tungiu junnaarneranik isumaqanngilaq.

Timmissat pillugit nalunaarutip 29. februar 2008-meersup tunniunneqarneranut atillugu tusarniaaneq pillugu Aalisarnermut, Piniarnermut Nunalerinermullu Naalakkersuisoqarfiup tusarniaanermut akissutaa 13. august 2008-meersoq pillugu Timmissap makku oqaatigissavai:

- Timmiaq isumaqarpoq allanngiineq piniartut ilisimasaannaannik tunngaveqartoq Pinngortitaleriffiup ilisimatuutut misissuisui aamma ingerlatsiviusimasoq susassaartoq tusarniaanermut pisinnaasaqartumik akissuteqarnissamut pisariaqartumik piffissalernagit, kiisalu Kalaallit Nunaanni pinngortitalerinermit peqatigiiffiit, matamani Timmiaq il.il., ilanngullugit eqqarsaatigalugit avaqqullugit iliuuseqarneq, timmissat pillugit nalunaarutip allanngortiterneqarnerani ingerlatsinermi ileqqorisarnerunngitsaq.
- Timmissap malugaa Aalisarnermut, Piniarnermut Nunalerinermullu Naalakkersuisoqarfiup manna nassuerutigigaa, tassalu tusarniaanermut akissuteqarnissamut piffissaliussaq sivikitsuararsuusoq. Taamaattoq Timmissap paasinninnera suli unaa-voq, tassalu tusarniaanermut akissuteqarnissamut piffissaliussaq sivikilluinnartuusoq siusinnerusukkullu taamatut pisoqarsimanngisaannartoq, tassami paasissutissat Naalakkersuisoqarfiup akissutaanit ersertutut 29. februar 2008-mi nassiunneqarsimapput, ulloq taanna nal. 12.00 akissuteqarnissamut piffissaliilluni.
- Aalisarnermut, Piniarnermut Nunalerinermullu Naalakkersuisoqarfik allappoq KANUKOKA kisimi akissuteqarniarnani toqqaasimasoq, tamannami ilumoortuuvoq saneqqutilaarluguli, tassami tusarniaanermut akissutit arlallit akissuteqarnissamut piffissaliussaq sivikitsaq eqqarsaatigalugu tusarniaanermut akissummik suliaqartoqarsinnaannginnera imaluunniit pisinnaassuseqartumik akissuteqartoqarsinnaannginneranik oqaatiginninnernik imaqarmata, tamannalu tusarniaanermut akissummik tunniussaqaannginnerup assinganik paasilluarneqarsinnaavoq.

Suleqatigiissitaliat nipangiussisussaatitaanerat pillugu Aalisarnermut, Piniarnermut Nunalerinermullu Naalakkersuisoqarfiup tusarniaanermut akissutai 13. august 2008-meersut aamma 1. oktober 2008-meersut pillugit Timmissap makku oqaatigissavai:

- Suleqatigiissitat allagaatai Naalakkersuisoqarfimmi namminermit suliani allagaataasut Aalisarnermut, Piniarnermut Nunalerinermullu Naalakkersuisoqarfik oqaraluartoq suliassat suliarneqartarnerat pillugu inatsimmi aamma pisortat ingerlatsineranni paasitinneqarsinnaatitaaneq pillugu inatsimmi suleqatigiissitani ilaasortat nipangiussisimasussaanerannik inatsisitigut tunngavigisassaqaarneq takuneqarsinnaanngitsaq

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Timmissap aalajangiusimavaa, allagaatit Naalackersuisoqarfimmi namminermit suli-ani allagaataasutut isigineqarsinnaanngimmata. Allagaatit Naalackersuisoqarfimmit peqatigiiffinnut nassiunneqarsimanerannik piusoq kisimi eqqarsaatigalugu taakku pisortat ingerlatsineranni allagaatinik paasitinneqarsinnaatitaanermut nalinginnaasumik ilaapput.

- Taamaattumik Timmissap kissaatigaa Aalisarnermut, Piniarnermut Nunalerinermullu Naalackersuisoqarfik inatsimmik sumik tunngavigisaqarluni NGO-nut nipangiusisimasussaanermik naalakkiuteqarsimasinnaanersoq paasissutissiissutigineqassasoq.
- Aammattaaq Timmissap kissaatigaa taamatut naalakkiuteqarneq Århusimi isumaqatigiissummi (konvention) aalajangersakkanut qanoq ililluni naapertuussinnaanersoq paasissutissiissutigineqassasoq.
- Timmissap pisuni assingusuni suleriaatsip atuuttup atorneqarnera ilisimangilaa, tassami taanna naqitanngortitatigut ilisimaneqarnanilu nassaassaanngimmat aamma timmissat pillugit nalunaarutit allat pillugit siusinnerusukkut suleqatigiissitani atorinneqarsimanngimmata." (Atorfeqarfimmi nutsigaavoq)

Peqatigiiffiup Timmissap tusarniaanermut akissutaa qulaani issuarneqartoq Aalisarnermut, Piniarnermut Nunalerinermullu Naalackersuisoqarfimmut tusarniaatit 4. december 2008-mi nassiuppara.

Naalackersuisoqarfik tamatumunnga peqatigitillugu qinnuigaara mappi nalunaarutip allannguutaata suliarineqarnera pillugu allagaatinik imalik kiisalu Namminersornerullutik Oqartussat ataanni suleqatigiissitaliap suleriaasissaata Naalackersuisoqarfiup allakkamini 1. oktober 2008-meersuni innersuussutigisaata assilinera misissugassanngorlugit uannut nassiuteqqullugit.

Aalisarnermut, Piniarnermut Nunalerinermullu Naalackersuisoqarfiup e-mailikut 21. december 2008-meersukkut nalunaarutigaa 2009-mi januarimi akineqar-nissara naatsorsuutigisinnaagiga.

Peqatigiiffiup Timmissap naammagittaalliuutaa nutaaq imaattoq 26. februar 2009-mi tiguara:

"Pineqartoq: Timmissat illersorneqarnerat pillugu nalunaarutip 1. marts 2009-mi atuutilersussap allannguuteqartinneranut atatillugu Naalackersuisut tusarniaanerat aalajangiinissamullu tunngavissaq.

Timmissat illersorneqarnerat pillugu Namminersornerullutik Oqartussat nalunaarutaata nr. 5-p 29. februar 2008-meersup allannguuteqartinnissaanut atatillugu Aalisarnermut, Piniarnermut Nunalerinermullu Naalakkersuisoqarfiup tusarniaanermi periaasia suliamillu suliarinninnermi tunngaviit illuinnaasiortut amigaateqartullu, Naalakkersuisut aalajangiinissaannut tunngaviusussat pillugit Timmiaq allakkatigut 19. juni 2008-meersutigut naammagittaalliuuteqarpoq.

Tamatumunnga uiggiullugu timmissat illersorneqarnerat pillugu Namminersornerullutik Oqartussat nalunaarutaata, 1. marts 2009-mi atuutilersussatut naatsorsuutigineqartup suliarineqarneranut atatillugu tusarniaasoqarsimannginnera pillugu matumuuna Timmiaq naammagittaalliuuteqarpoq, tassami naammagittaalliuut nalunaarutip atuutilersinnissaanut kinguartitsinissamik sunniuteqarsinnaanersoq paasisaqarfigerusukkasigu?

Timmiaq qarasaasiakkut allakkatigut 10. februar 2009-meersutigut timmissat illersorneqarnissaat pillugu nalunaarutip nutsaap 1. marts 2009-mi atuutilersussap ataatsimiisutiginissaanut ullunik marlunnik piffissaqartitaalluni ataatsimiigiaqquneqarpoq. Timmissamut oqarasuaatikku taasissutisiissutigineqarpoq nalunaarummut missiliuut tusarniaassutigineqassanngitsoq taamaattumillu ataatsimiinnissaq siunnersuutip oqaaseqaateqaffiginissaanut periarfissatuatut isigineqassasoq.

Oqaluuserisassani immikkoortup UKA 2007/102-p timmissat illersugaanerit pillugu Namminersornerullutik Oqartussat nalunaarutaata nr. 1-ip 21. januar 2004-meersup naliliiffigineqarnissaanik Naalakkersuisut suliaassinneqarnissaat tamatumunngalu tunngavissaqarpat pissutsit atuuttut nalunaarummut naleqqussarneqarnissaat pillugu Inatsisartut aalajangigassaatur siunnersuutip siullermeerlugu oqaluuserineqarneranut atatillugu timmissat illersorneqarnerat pillugu nalunaarutip taamanikkut atuuttup allannguuteqartinnissaanut tunngavissaqarnerasoq peqqissaartumik naliliisussamik suleqatigiissitaliortoqassasoq amerlanerussutillit tapersersorpaat.

Immikkoortup UKA 2007/1002-p aappassaaneerlugu oqaluuserineqarnerani Naalakkersuisut oqaatigaat suleqatigiissitap sulinissaanut piffissaliusseq malinneqarsinnaanaviannngitsoq, tak. Eqqissisimatitsinermut Avatangiisinullu Ataatsimiititaliap isumaliutissiissutaa, tassami Avannaani appat mitillu ilisimatuunit nutsamik misissuiffigineqarnissaat 2008-mi upernaakkut naatsorsuutigineqarmat, taamaattumillu suleqatigiissitaliap innersuussutaata aatsaat ima kingusitsigisukku pissarsiarinissaa naatsorsuutigineqarsinnaassammat nalunaarutip allannguuteqartinneqarsinnaanera 2008-mi upernaamiilli sunniuteqarsinnaanaviarani. ”*Tassani aamma ilaavoq allannguutit taamaattut aatsaat pisinnaammata periaatsit aalajangersarneqarsimasut maleruarnersigut, allannguutaasinnaasut susassaqartunut tamanut tusarniaassutiginnissaat ilanngullugu eqqarsaatigalugu ilisimaneqartutullu tamanna piffissamik atuiffiusussavoq*”, Inatsisartut aappassaaneerillutik oqaluuserinninissaannut akissummi Naalakkersuisut nalunaarput.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Taamaattumik Timmissap paasiuminaatsippaa Inatsisartuni nalunaaruteqartoqareeraluartoq Naalackersuisut timmissat illersorneqarnerat pillugu nalunaarut 29. februar 2008-meersoq tuaviupiluussamik akuersissutigimmassuk, taannalu ataatsimut isigaluguk tusarniaassutigineqarani, tak. Timmiap allagai 19. juni 2008-meersut.

Taamaattumik timmissat illersorneqarnerat pillugu nalunaarutip allannguuteqartinneeranut atatillugu nalunaarummut 2009-meersumut tunngatillugu Aalisarnermut, Piniarnermut Nunalerinermullu Naalackersuisoqarfiup tusarniaannginnera Timmissap sakkortuumik isoraa. Tusarniaasoqarsimannginnera nalunaarutillu timmissat illersorneqarnerat pillugu nalunaarutitut ittup pingaaruteqarluinnartup pisariaqarneratut peqqissaartumik suliarineqarsimannginnera Aalisarnermut, Piniarnermut Nunalerinermullu Naalackersuisoqarfimmut Timmissap sakkortuumik akerliliissutigisimavaa, kinguneqanngitsumilli.

Taamatutaaq sulinermi atugassarititaasut pitsaasuunngitsut suleqatigiissitaliamut atugassiissutigineqarsimanerat Timmissap Aalisarnermut, Piniarnermut Nunalerinermullu Naalackersuisoqarfimmut akerliliissutigisimavaa, suliaq piffissamik pisariaqanngitsumik tatisimaneqartitaasimammat akissuteqarnissamullu piffissaliussat sivikilluinarsimammata.

Aalisarnermut, Piniarnermut Nunalerinermullu Naalackersuisoqarfiup Timmissamut oqaatigaa Timmiaq tusarniaaffigissallugu pisariaqanngitsoq Timmiaq suleqatigiissitaliami peqataasimammat, taamaattumillu suliamut tunngatillugu isummami saqqumiunnissaanut pisariaqaneratut periarfissaqarsimammat, nalunaarullu Piniarneq pillugu Ataatsimiititaliamut taamaallaat tusarniaassutigineqassammat.

Timmiaq isumaqarpoq

1. Timmissat illersorneqarnerat pillugu nalunaarutip pisortatigoortumik tusarniaassutigineqarsimannginnerani siusinnerusukkut periaasiusimasoq malinneqarsimanngitsoq,
2. Nalinginnaasumik tusarniaasimannginnermi naligiimmik pinninnissamik tunngavik malinneqarsimanngitsoq tusarniaanermi peqataasussap illuinnaasiortumik toqqarneqarneratigut,
3. Ingerlatsinermi ileqqorissaarsimannginneq suliamik suliarinninnermi takutinneqaromat akissuteqarnissamut piffissaliussat naammaginanngitsumik sivikitsuutinnerisigut, taamaalilluni illua'tungiusut tutsuiginartunik akissutissiorsinnaasimanatik,
4. Naak Timmissap nalunaarutissatut missiliuut oqaaseqaateqarfiginiarsimagaluaraa taakku mianersuutiginnissaannut piffissaqartitaasimanngilaaq,

5. Piffissaq nalunaarutip ilisimatitsissutigiginissaanut atuutilersinnissaatalu akornanniit-toq sivikilluinnarsimavoq, tamannalu pissutaalluni aalajangersakkamik innuttaasut naammaginartumik paasissutissinnissaannut periarfissaqarsimanani.

1)-imut. Timmissat illersorneqarnerat pillugu nalunaarutip 2001-imi 2004-milu siusinnerusukkut allannguuteqartittarnerani piniartut kattuffii pinngortitamillu illersuiniat kattuffii, Timmiaq ilanngullugu eqqarsaatigalugu, pissusissamisoortumik piffissalernerqartarsimapput, allannguinerмили uani taamatut pisoqarani, tassami Timmiaq tusarniaavigineqarsimangimmat.

2)-mut. Piniarneq pillugu Siunnersuisoqatigiit kisiisa NGO-milu kattuffiit sinneruttut, Timmiaq ilanngullugu pinnagit, tusarniaavigineqarneranni akissut pissarsiarineqarpoq piniartut soqutigisaat illuinnaasiortumik isumagalugit, innuttaasut ilaat kattuffiit taaku sinniisuuffigisaat pinnagit. Timmiaq, nalunaarutip nr. 38-p, 6. december 2001-i-meersup piareersarnerani suleqatigiissitaliami peqataasoq kingornalu allannguutini tusarniaanerni peqataatinneqartarsimasoq kiisalu suleqatigiissitaliami kingullermi atuuttumi peqataasimasoq, nalunaarutip qulaani taaneqartup 29. februar 2008-meersup suliarineqarneranut atatillugu tusarniaavigineqarsimangilaq.

3)-mut. Suleqatigiissitaliami sulinermut atatillugu imaqarniliat il.il. sivikitsunik piffissaliinikkut tusarniaassutigalugit nassiunneqartarsimapput, piffissani suleqatigiissitaliami suleqataasut feriarnerisa imaluunniit angalalluni suliaassanik allanillu suliaqarnerisa nalaani. Nalunaarutissatut missiliuut qarasaasiakkut allakkatigut nassiunneqarpoq ullunik marlunnik piffissaliilluni, ataatsimiinnissaq suleqatigiissitaliap oqaaseqaataanik saqqummiussiffiususaaq sioqqullugu, tamannalu Timmissap isumaa malillugu sivikippallaamik piffissaliussaavoq.

4)-mut. Tusarniaanermi piviusumi naatsorsuutigineqartarpoq nalunaarutip allannguuteqartinnissaanut piffissaqartitaanissaq.

5)-imut. Nalunaarutip allannguuteqartinnissaani piumasarineqartarpoq taassuma imaata allannguutaasalu annertuumik paasissutissiissutigiginissaannut naammattumik piffissaqartitaasarnissaq. Taamaattoqanngippat allannguutit annertussusaat pillugit pisortat tusagassiorfiini innuttaasut amerlasuutigut ilaannakusiukkanik oqallittarneq kisiat isumalluutigisarpaat. Timmissat illersorneqarnerat pillugu nalunaarutip Kalaallit Nunaanni tamarmi piniartut inuussutissarsiornerannut pinialuttartullu sammisarisartagaanut pingaaruteqarnera isiginiaraani piviusunngortitsineq taanna naammaginangilluinnarpoq arlalitsigullu aalajangersakkat unioqqutinnissaannut pissutissaqalersitsisinnaalluni.

Naammagittaalliutip uuma tiguneqarnera Timmissap uppernarsaqquaa tamatumungalu akissutisisinnaanerput naatsorsuutigisinnaanerlugu paaserusullugu." (Atorfeqarfimmi nutsigaavoq)

Saaffiginnissut taanna 10. marts 2009-mi imatut akivara:

"Peqatigiiffik Timmiaq uannut allakkatigut 26. februar 2009-meersutigut saaffiginneq-qippoq, Namminersornerullutillu Oqartussat timmissanik illersuineq pillugu nalunaarutaata 1. marts 2009-mi atortuulersussatut naatsorsuutigineqartup suliarineqarneranut atatillugu tusarniaavigineqarsimanginninni naammagittaalliuutigalugu.

Tamanna tunngavigalugu aalajangerpunga Naalakkersuisut timmissanik illersuineq pillugu nalunaarutaannut nr. 5-imut, 29. februar 2008-meersumut atatillugu Aalisarnermut, Piniarnermut Nunalerinermullu Naalakkersuisoqarfiup suliamik suliarinninneranik misissuina tamanna pillugu nalunaarutip ukioq manna aalajangersarneqarneranik ilallugu annertusiniarlugu.

Taamaattumik tusarniaassut, assilinera ilanngullugu nassiunneqartoq, Aalisarnermut, Piniarnermut Nunalerinermullu Naalakkersuisoqarfimmut ullumikkut nassiuppara.

Peqatigiiffiup Timmissap uannut saaffiginnissutaani aammattaaq apeqqutigineqarpoq peqatigiiffiup naammagittaalliuutaa nalunaarutip atortuulernissaata suliamik uanga suliarinnereernissama tungaanut kinguartitsinermik sunniuteqartinneqarsinnaanersoq. Tamatumunnga atatillugu oqaatigisinnaavara Ombudsmandimut naammagittaalliuutit aalajangiinerup kinguartikkallarneqarneranik sunniuteqartinneqarnejortut.

Suliamik suliarinninnerma qaqugu inaarlugu suliarineqarsimanissaanik apeqqut eqqarsaatigalugu oqaatigisinnaavara piffissap sivilisunerusup ingerlanissaa naatsorsuutigisariaqartoq, Aalisarnermut, Piniarnermut Nunalerinermullu Naalakkersuisoqarfiup paassissutissiissutaanik qaqugu tigusaqarnissara aamma uanga Atorfeqarfinni sulisutigut suliatigullu pissutsit qanoq allanngorarnerat apeqquataatillugu."

Aalisarnermut, Piniarnermut Nunalerinermullu Naalakkersuisoqarfik ulloq taanna allaffigaara, saaffiginnissutigalugu 4. december 2008-meersoq eqqaasitsissutigalugu. Aammattaaq imatut allappunga:

"Peqatigiiffik Timmiaq allakkatigut 26. februar 2009-meersutigut uannut saaffiginneq-qippoq, Namminersornerullutillu Oqartussat timmissanik illersuineq pillugu nalunaarutaata 1. marts 2009-mi atortuulersussatut naatsorsuutigineqartup suliarineqarneranut atatillugu tusarniaavigineqarsimanginninni naammagittaalliuutigalugu.

Tamatumunnga atatillugu oqaatigisinnaavara aalajangertunga Aalisarnermut, Piniarnermut Nunalerinermullu Naalakkersuisoqarfiup Naalakkersuisut timmissanik illersuineq pillugu nalunaarutaannik nr. 5-imik, 29. februar 2008-meersumik suliarinninnerannik misissuina tamanna pillugu nalunaarutip nutaap ukioq manna aalajangersarneqarneranik ilallugu annertusiniarlugu.

Taamaattumik Naalackersuisoqarfik qinnuigaara Peqatigiiffiup Timmissap naammagittaalliummini nutaami 26. februar 2009-meersumi immikkoortut ataasiakkaat saqqummiussai pillugit oqaaseqaateqaqqullugu.

Naalackersuisoqarfik tamatuma saniatigut qinnuigaara nalunaarutip nutaap suliarineqarnera pillugu suliaq misissugassanngorlugu uannut nassiuteqqullugu.

Aammattaaq Naalackersuisoqarfik qinnuigaara timmissat pillugit suleqatigiissitaliap nalunaarusiaata assiliner aamma nalunaarutip taassuma saqqummiunneqarnerata qannga pisimanagera tamanullu tusarniaatitut nassiunneqarsimanagera pillugit paasisutissat nassiuteqqullugit."

Allakkat tiguneqarsimanagerat Naalackersuisoqarfiup 26. marts 2009-mi uppernarsarparaa, oqaatigalugulu sapaatit akunnerata 14-ip aallartinnerani akissutisinnisara naatsorsuutigisinnaagiga. Akissut 21. april 2009-mi tiguara. Aalisarnermut, Piniarnermut Nunalerinermullu Naalackersuisoqarfik imatut allappoq:

"Pineqartoq: Peqatigiiffiup Timmissap (...) pillugu naammagittaalliuta.

Ombudsmandip saaffiginnissutaata pingajuat (allakkat nr. 2286) 4. december 2008-mik ullulerneqarsimasut timmissat illersorneqarnerat pillugu Naalackersuisut nalunaarutaata nr. 5-ip, 29. februar 2008-meersup suliarineqarneranut atatillugu naalackersuisoqarfiup suliarinninnera pillugu naammagittaalliummut tunngasoq kiisalu saaffiginnissutit sisamaat (allakkat nr. 3594) 10. marts 2009-mik ullulerneqarsimasut timmissat illersorneqarnerat piniagaanerallu pillugit Naalackersuisut nalunaarutaata nr. 8-p, 2. marts 2009-meersup suliarineranut atatillugu Naalackersuisoqarfiup suliarinninnera pillugu peqatigiiffiup Timmissap naammagittaalliutaanut tunngasoq Aalisarnermut, Piniarnermut Nunalerinermullu Naalackersuisoqarfiup (APNN) tigusiavai.

APNN ulloq 21. december 2008-mi nalunaaruteqarpoq sulisussaaleqineq ukiullu naanerani suliat nukinginnarluinnartut pissutigalugit Ombudsmandip saaffiginnissutaata akissuteqarfigineqarnissaa piumannikkaluarluni kinguartittariaqarlugu. APNN-ip matumuuna saaffiginnissutit taakku marluk ataatsimoortillugit akissuteqarfigissavai.

APNN-ip Inatsisartut Ombudsmandiannut 13. august 2008-mi aamma 1. oktober 2008-mi allakkiaanut innersuussilluni naalackersuisoqarfiup ilassutit makku nassiutisavai:

Allakkat 2286:

Nalunaarutip allanngortinnerata suliarinera pillugu suliap nassiunneqarnera saaffiginnissutit aappaata (allakkat 757) APNN-p akissuteqarneratigut Ombudsmandimut siusinnerusukkut nassiunneqarsimavoq.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Namminersornerullutik Oqartussani suleqatigiissitanut Aalisarnej pillugu Siunnersuisoqatigiinni kiisalu Piniarnej pillugu Siunnersuisoqatigiinni suleriaatsit nassiunneqarneri.

Taakku Ombudsmandimit tiguneqareerput, tassa taakku saaffiginnissutit pingajuanni (allakkat 2286) nassiunneqarmata.

Timmissat pillugit suleqatigiissitami sulinermit atatillugu nipangiussisussaassuseq.

APNN-ip siullermik uparuassavaa suleqatigiissitami aalajangersimasumik, ingerlatsivimmi imaluunniit naalackersuisoqarfimmut atassuteqanngitsuni suleqatigiiffimmi, nipangiussisussaassusermik peqqusisoqarnikuunngimmat kisiannili Namminersornerullutik Oqartussat ataanni suleqatigiissitani suleriaatsit pillugit eqqaasitsisoqarsimaluni, sulinermi ileqquusarmat suleqatigiit sinnerlugit siulittaasoq kisimi oqaaseqartassasoq.

Inatsisartut/Naalackersuisut pilersitaanni suleqatigiissitani allagaatit tunniussuunneqartut suliarineqartullu ingerlatsinermi inatsisinut tunngasutigut sulisarnermilu qangali isertuunneqartussatut akuerisaapput, taamaattumik nalinginnaasumik illua'tungerisanit paasisimasaqarnissamat ilaatinneqarneq ajorlutik. Suleqatigiissitap pilersinneqarnerani siunertaq isigalugu, APNN-ip aamma atuutsippaa suleqatigiissitami allagaatit Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersumi § 13-imut ilaasut.

Aammattaq Namminersornerullutik Oqartussat ataanni suleqatigiissitat eqqarsaatigalugit malittarisassani allanneqarsimanngitsuni akuerisaasumik ileqquuvoq suleqatigiissitap sinnerlugu siulittaasoq kisimi avammut oqaaseqartassasoq, suleqatigiissitap nalunaarusiaanik Naalackersuisut akuersinissaasa aamma nalunaarutip tamanut saqqummiunneqarnissaata tungaanut, Piniarnej pillugu Siunnersuisoqatigiit suleriaasianni § 2 naapertorlugu. Tamatuma kingorna suleqatigiissitami peqataasut ataasiakkaat allagaatip inaarutaasumik imaa pillugu killilersorneqarnatik oqaaseqarsinnaapput. APNN e-mailikkut 14. maj 2008-meersukkut inatsisitigut taamatut inissisimaneq pillugu suleqatigiissitami peqataasunut ataasiakkaanut eqqaasitsisimavoq, tamannalu aamma Aalisarnej pillugu Siunnersuisoqatigiit kiisalu Nunalerineq pillugu Siunnersuisoqatigiit suleriaasianni ileqquusumik takuneqarsinnaavoq kiisalu suleqatigiissitani taakkununga attuumassuteqartuni.

Tamatumunnga tunngavilersuut naleqquttoq alla tassaavoq, soorlu Naalackersuisoqarfiup allakkiaani 13. august 2008-meersuni eqqaaneqartoq, suleqatigiissitap suliaanut ingerlasumut tunngatillugu allagaatinik takunnissinnaatitaaneq pillugu ...-p itigartinneqarnera, pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersumi § 10, nr. 1 aamma 3 naapertorlugu. Taamaallilluni allagaatinik takunnissinnaatitaaneq pillugu itigartinneqarnerup kinguner-

saanik suleqatigiissitap iluani allagaatit imarisai eqqarsaatigalugit paasisaqarusunnini naammassiniarlugu suleqatigiissitami peqataasumut ataatsimut arlalinnulluunniit tunatigoorluni pineqartup saaffiginnissinnaanera aarlerinarsimavoq. Qulaani eqqaasit-sineq taaneqartoq aqqutigalugu naalackersuisoqarfiup siunertaa tassaavoq suleriaatsi-tigut malittarisassap taassuma avaqqunneqarsinnaanerata pinngitsoortinneqarnissaa. Minnerunngitsumik suliami aalajangersimasumi tassani malittarisassanik unioqquiti-sinissamut sunniuteqarnerusunik tunngavissaqanngimmat.

Århusimi isumaqatigiissut malillugu nipangiussisussaaneq

Naammagittaalliuutip taassuma atuuttuussusianut APNN akerliliivoq: Peqatigiiffik timmissat pillugit suleqatigiissitap sulinerata aallartinneraniit peqataasimasoq kingu-sinnerusukkut Århusimi isumaqatigiissummik unioqquitsisoqarsimaneranik pasillii-sinnaanngilaq. Isumaqatigiissut taanna malillugu peqataanermi pisussaaffimminik atuinissaminut Timmiaq naammaattumik periarfissaqarsimavoq.

Naalackersuisut ataanni suleqatigiissitami sulinermi suleriaaseq atuuttoq.

Apeqqutip qulaani taaneqartup akissutaa aamma takujuk.

Allakkat 3594:

Timmissat pillugu nalunaarutip tamanut ammasumik tusarniaatigineqarsimannginne-rani siusinnerusukkut suleriaasiusimasoq malissimannngilaa.

Saaffiginnisutip aappaata (allakkat 757) APNN-p akissutaatigut Ombudsmandimut siusinnerusukkut nassiunneqarpoq.

APNN-ip erseqqissaatigerusuppaa inatsisit malillugit tusarniaaffigineqartussaq tassa-tuaavoq Piniarneq pillugu Siunnersuisoqatigiit, Piniarneq aallaaniarnerlu pillugit Inat-sisartut inatsisaat nr. 12, 29. oktober 1999-imeersumi § 16 kingusinnerusukkullu al-lannguutilik naapertorlugu, tusarniaanermi piffissaliineq sapaatit akunnerinik aalaja-ngersimasunik sivisussuseqarnissaat aalajangersarneqarsimanani. Ileqquvorli nutaa-mik nalunaaruteqarnermi sapaatit akunnerini marlunni-sisamani tusarniaanermi piffis-saliiniartarneq. Naalackersuinermit attuumassuteqanngitsuni Kalaallit Nunaanni sule-qatigiissitat arlaannaalluunniit inatsisit malillugit tusarniaaffigineqartussaannngilaq, APNN-ili ingerlatsivimmi ileqqorissaarnissaq aallaavigalugu APNN-ip suliaanik tu-sarniaanermi naalackersuinikkut atassuteqanngitsunik suleqatigiissitanik assigiin-ngitsunik akuttunngitsumik tusarniaasarpoq.

Naalackersuisoqarfimmit ilassutigineqassaaq Namminersornerullutik Oqartussani i-ngerlatsivinni immikkoortut allat iluminni ingerlatsinerat nalinginnaasumik APNN-ip iluani ingerlatsineranut sunniuteqarneq ajormata - tamatumunngalu Naalackersui-

6. Suliat nalinginnaasumik soqutiginaatillit, inatsiseqartitsiffiusunut agguataakkat

soqarfik aamma akisussaanani. Taamaattumik Naalackersuisoqarfik ingerlatsivinni immikkoortut allat iluini ingerlatsinernut arlaannaatigulluunniit nalinginnaasumik akuliunneq ajorpoq.

Naalackersuisunut kaammattuutunut tunngatillugu suleqatigiissitap nassuiaataa akuerineqarsimasoq nalunaarusiap suliarineqarnerani immikkoortumiit immikkoortumut APNN-imit malinneqarpoq, taannalu "issiaqatigiilluni" 12. februar 2009-mi ataatsimiinnermi oqallisigineqarluni. Taamaalilluni nalunaarusiami allannguisoqangimmat, nalunaarusiami augustimi suleqatigiissitamit akuerineqareersimammata, naliliisoqarpoq ataatsimiinnermi nalunaarutip misissorneqarnera tassaasoq ingerlatsermi ileqqorissaarneq. Ataatsimiinnerup kingorna nalunaarummi allannguutaasinnaasut tassaapput Naalackersuisut aalajangeneri taakkulu suleqatigiissitap avataaniillutik.

Nalinginnaasumik tusarniaasoqarsimanninnera illuinnaasiorkuni tusarniaaffigisasunik toqqaasoqarneratigut assigiissitsinermik tunngaveqarnissaq malinneqarsimannigilaq.

Peqatigiiffiup Timmissap suliani qulaani taaneqartuni illua'tungitut tusarniaaffigineqartussaanera APNN-ip siullermik akerlilissavaa, Pisortat ingerlatsinerat pillugu paa-sitinneqarsinnaatitaaneq pillugu Inatsisartut inatsisaanni nr. 8-mi, 13. juni 1994-imeer-sumi kap. 4 aamma 5 naapertorlugit.

Tamatumunnga manna pissutaavoq, tassalu timmissanik soqutigisaqartut peqatigiiffiata Timmissap peqatigiiffittut illua'tungerisatut inissisimalernissamut ingerlatsinermi inatsisitigut piumasaqaatinik atuuttunik naammassinnittut APNN-imit isigineqanginnera. Attuumassuteqartut amerlanersaat imaluunniit annerusumik amerlanersaanik ilaasortalugit uppersaammik imaluunniit ilimanarneranik peqatigiiffik taamaalilluni saqqummiussaqaarsimannigilaq. Inuit attuumassuteqartut taamaalilluni aalajangersimasuunngillat, peqatigiiffik taamaattumik ingerlatsivimmi inatsiseqartitsinik-kut suleriaatsitigulluunniit pisortatigoortumik illua'tungerisatut inissisimalersinnaangilaq, ingerlatsivimmi inatsisitigut sunnuteqartussatut tunngaveqarneq tunngavigalugu, aammattaaq tamanna pillugu Danmarkimi suleqatigisaasa FOB1989.100-mi aamma FOB1996.252-imi isiginninnerat naapertorlugu. Tassa suliami APNN-ip pisortatigoortumik tusarniaaffigisaanut akerlianik.

Tassunga atatillugu oqaatigisariaqarpoq timmissat eqqarsaatigalugit aqutsineq Namminersornerullutik Oqartussani oqartussaaffiit kingullermik allanngortinneqarneri tikillugit Attaveqarnermut Avatangiisinullu Naalackersuisoqarfiup ataaniissimammata. Naalackersuisoqarfik taanna manna tikillugu naalackersuinikkut attuumassuteqangitsunik suleqatigiiffinnut naleqqiullugu peqatigiiffinnut suleqatigiiffinnullu taamatut ittunut pisortatigoortumik tusarniaanermi illua'tungerisaqarneq eqqarsaatigalugu APNN-imit allaanerusumik ingerlatsisarsimavoq.

Taamaakkaluartorli APNN piffissap ilaani, piffissap suliamilu aalajangersimasumi pissutsit tamatumunnga naapertuukkaangata, ingerlatsivimmi annertunerusumik innuttaasunut ammanissaq nassuerutigalugu, APNN-ip nalinginnaasumik ingerlatsivinni inatsisitigut pisussaaffii malillugit inatsisitigut tunngaveqanngitsumik timmissat pillugit peqatigiiffittut ittut peqatigiiffiit tusarniaaffigineqartussatut inissittarpei. Taamaalilluni ersarippoq suliniut matumani pineqartoq nalinginnaasumik pitsaasumik ingerlatsivinni tunngaveqarnermut naapertuuttoq, soorlu naapertuineq aamma soqutigittarneq.

Aammattaaq saaffiginissutit aappaata (allakkat 757) APNN-ip akissutaatigut Ombudsmandimut siusinnerusukkut nassiunneqarsimavoq. Apeqqutip qulaani taaneqartup akissutaa aamma takuuk.

Suliamik suliarinninneq ingerlatsinermi ileqqorissaanermik amigaateqarpoq akissuteqarnissamut piffissaliussat naleqqutinngitsumik sivikilluinnarlutik, taamaalilluni illua'tungiusoq tutsuiginartumik akissuteqaatissaliorsinnaanani.

Peqatigiiffittut, pisortatigoortumik illuatungerisatut inissisimanngitsutut, naak aalajangersimasumik naliliisoqarneratigut peqatigiiffiit ilaannikkut illuatungerisatut inissisimalersaraluartut, Naalakkersuisoqarfik isumaqarpoq APNN-ip allakkiaani 13. august 2008-meersumik tusarniaanissamut piffissaliussaq illersorneqarsinnaasoq. Minnerungitsumik ukioq 2008-mi ukiuunerani piniarfiusup sivitsorneqarnissaa siunertaralugu taamanikkut nalunaarummut allannguutaagallartussanik Naalakkersuisunit Naalakkersuisoqarfiup sivikitsuinnarmik piffissalernerqarsimanera eqqarsaatigissagaanni. Naalakkersuisoqarfiup taamaattumik, utaqqiisaagallartumik allannguutit taakku eqqarsaatigalugit, timmissanik soqutigisaqartut peqatigiiffiata Timmiap illuatungerisatut inissisimanera pivisorsiortumik tunngaveqarnera aalajangiussimavaa, suliami pisut allat eqqarsaatigalugit.

Suleqatigiissitap sulinerani APNN allattoqarfimmi suliassanik isumaginnittuusimavoq, taamaattumik ataatsimiinnerit ataasiakkaat akornanni imaluunniit allagaatit suliarinerini piffissani ilaasortat ataasiakkaat sulersimanerannik Naalakkersuisoqarfik nakkutiginnissimangilaq. Suliffeqarfinni pineqartuni suliatigut artukkerneqarsimaneq aamma APNN-imit aallaaviatigut eqqarsaatigineqarnissaanut pisussaaffeqanngilaq, tassunga atatillugu Naalakkersuisoqarfiup suliaminik isumagisaqartilluni.

Naalakkersuisut tulleriarinissamut piffissalersuisimanerat qaqugukkulluunniit aallaavigalugu eqqortinniarlugulu APNN sulisussaavoq Namminersornerullutillu Oqartussat avataanni kattuffiit suliatigut artukkerneqarsimanerat eqqarsaatigisussaanagu, naak pisut ilaatigut sulineq nammineq piumassuseq aallaavigalugu ingerlanneqartoq APNN-imit miserratigineqanngitsoq.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

APNN Naalackersuisoqarfimmut Aqutsisoqarfimmullu aggorneqarmalli annertuumik sulisutigut amigaateqarluni sulianik nukingiutassanik arlalinnik isumagisaqarsimavoq. Allagaatit akuerisassanngorlugit assigiinngitsut nassiussuunneqartussat APNN-ip tungaaniit ajornarunnaaraangat nassiussuunneqartarput. Timmissanik soqutigisaqartut peqatigiiffiata Timmissap pissutsit tamakku eqqarsaatigalugit Naalackersuisoqarfimik isornartorsiuinera taamaattumik akuerineqanngilaq.

Apeqquutip qulaani taaneqartup akissutaa aamma takuuk.

Naak timmissanik peqatigiiffik Timmiaq nalunaarutissatut missingiummut oqaaseqaa-teqarniaraluartoq taakku eqqarsaatigineqarnissaannut piffissaqartoqarsimanngitsoq.

12. februar 2009-mi ataatsimiinnermi APNN-imit pingaartinneqarpoq nalunaarusiap kaammattuutunik marlunnik kinguneqarsimanagera: Nalunaarummut toqqaannartumik ilanngunneqarsinnaasut aamma siunissaq ungasinnerusoq eqqarsaatigalugu kaammattuutit taaneqartut, suleqatigiissitap ukiuni aggersuni sulinermini nangeqqissinnaasai.

Timmissanik soqutigisaqartut peqatigiiffiata Timmissap 12. februar 2009-mi ataatsimiinnermi nalunaarusiami akuerineqartumi kaammattuutit ilaannut akkerliuvoq, pissutissaqartumillu taakku eqqarsaatigineqarsinnaasimanatik. Naalackersuisoqarfiup aamma oqaatigissavaa timmissanik soqutigisaqartut peqatigiiffiata Timmissap naammagittaalliuutit saqqummiussinnermut atatillugu akornusersuiniarnermik siunertaqartarsimamat, nalunaarusiap siunissaq ungasinnerusoq eqqarsaatigalugu kaammattuutit Naalackersuisut nalunaarutaanni nr. 8, 2. marts 2009-meersumut allannngortinnagit ilaatinneqassasut peqatigiiffik uteriiserluni kimigiisernermigut. Tassa amerlanerussuteqartut akkerlilerlugit.

Nalunaarutip ilisimatitsissutigineqarnera aamma atuutilernissaata akornanni piffissaq naleqqutinngitsumik sivikippallaarsimasoq, tamatumalu kingunerisaanik aalajangersagaq pillugu innuttaasut naammattumik ilisimatinneqarnissaannut periarfissaqartoqarsimanani.

Piniarnermik nakkutilliisut Nuummi ukiumoortumik paasissutissiilluni januar 2009-mi ataatsimiinneranni nalunaarummi kaammattuutit APNN-ip saqqummiuppai, taamaalilluni siusinnerusukkut nalunaarummut naleqqiullugu nalunaarutissami allannngutissat pillugit taakku paasitinneqarluarlutik.

APNN, ileqqusoq malillugu, timmissat pillugit nalunaarutip nutaap atulersinnerani tusagassiutitigut nalunaaruteqarpoq, tamannalu nalunaarutit nutaat nalinginnaasumik aalajangersarnerinut naapertuuppoq. Tassunga ilanngullugu kommunit nuna tamakkerlugu kattuffiat ilisimatinneqarpoq, taamaalilluni paasissutissat innuttaasunut KANUKOKA-mit ingerlateqqinneqarluarlutik.

Nalunaarutip nutaap suliarineranut atatillugu suliap nassiunneqarnera.

Akissummut matumunga ilanngunneqarpoq.

Timmissat pillugit suleqatigiissitap nalunaarusiaata 2008-meersup nassiunneqarnera.

1) Akissummut matumunga ilanngunneqarpoq.

2) Nalunaarusiaq 21. august 2008-mi tusagassiutitigut nalunaaruteqarnikkut tamanut saqqummiunneqarpoq kiisalu Naalakkersuisut 21. august 2008-mi suliarineqareerneratigut akuerineqarneratigullu Namminersornerullutik Oqartussat nittartagaanni www.nanoq.gl-imi pissarsiarineqarsinnaalluni.

3) Suleqatigiissitaaq amerlasuunit peqataaffigineqartoq 21. april 2008-meersooq suliakkiissut naapertorlugu 2007-imi upernaakkut ataatsimiinnermi peqqusisoqarneratigut pilersinneqarmat aamma timmissat pillugit nalunaarutip atuuttup nutarterneqarnissaanut tunngatillugu Naalakkersuisunut kaammattuuteqarluni nalunaarusioqquneqarmat, nalunaarut suliffiup iluani allagaatitut suliarineqarpoq, Naalakkersuisuniillu akuerineqaaqartillugu tamanut saqqummiunneqartussaalluni.

Nalunaarusiaq ataatsimut allagaataatitut suleqatigiissitaliap akuerisaatut suliarineqarpoq, Naalakkersuisunullu akuerisassanngorlugu saqqummiunneqarluni." (Atorfeqarfimmi nutsigaavoq)

Aalisarnermut, Piniarnermut Nunalerinermullu Naalakkersuisoqarfiup uannut akissutaa 21. april 2009-meersooq Pinngortitaleriffiup allagaanik. 23. februar 2009-mi ullulerneqarsimasunik ilaqartinneqarpoq. Pinngortitaleriffiup Aalisarnermut, Piniarnermut Nunalerinermullu Naalakkersuisoqarfimmut allagaanit ilaatigut erserpoq Pinngortitaleriffik isumaqartoq timmissat pillugit nalunaarutip ullup affaanik piffissaqartitsilluni 2008-mi tusarniaanerup kingornatigut allanngortinneqarnera timmissallu pillugit nalunaarutip 2009-mi "tusarniaassutigineqarani Naalakkersuisunut inassuteqaatigineqarani inassuteqaatigineqarnera" ajuusaarnartorujussuurtut isigigini.

Pinngortitaleriffiup ilanngullugu oqaatigaa Pinngortitaleriffik isumaqartoq tusarniaaneq ajuusaarnartorujussuarmik ilusilimmik ingerlanneqarsimasooq.

Aalisarnermut, Piniarnermut Nunalerinermullu Naalakkersuisoqarfiup uannut akissutaa 21. april 2009-meersooq uku peqataasoralugit ataatsimiinneq pillugu imaqarniliamik 15. februar 2009-mi ullulerneqarsimasumik aamma ilaqartinneqarpoq: Avatangiisinut Pinngortitamullu Aqutsisoqarfimmit A, Pinngortitalerif-

fimmit B aamma C, KNAPK-mit D, Timmissamit E kiisalu APNN-imit F aamma G.

Imaqarniliaq imatut aallartippoq:

"Illua'tungiusutut aggeqqullugit qaaqquneqartut tamarmik timmissat pillugit nalunaarutitip nutaap taassuma inaarsarneqarnerani ingerlatsimaneq naammagittaalliuutigigitsik malugeqqaat, tassami taanna tusarniaatigineqarsimanngimmat. Ataatsimiinnermi peqataasut tamarmik peqatigiillutik missingiummik misissueqataagaluartut piareersarnissamut piffissaq sivikippallaarsimavoq, tusarniaanerlu tunngavimmisut ingerlanneqartariaqarluni.

Timmissap erseqqissarlugu oqaatigaa pisoq pitsaanerpaajunngitsoq, aamma suleqatigiissitaliap siusinnerusukkut sulisimanera eqqarsaatigalugu, tassa ataatsimiinnerni assigiinngitsuni sulisut assigiinngitsut peqataasarsimammata. Suliakkiissut suleqatigiissitaliallu kaammattuutai imminnut naapertuutinngillat, tassanilu nungusaataannngitsumik tunngaveqarnek malinneqarsimanani." (Atorfeqarfimmi nutsigaavoq)

Aalisarnermut, Piniarnermut Nunalerinermullu Naalakkersuisoqarfiup uannut akissutaa 21. april 2009-meersoq ataatsimiinneq uku peqataaffigisimasaat pillugu imaqarniliamik 15. februar 2009-mi ullulerneqarsimasumik ilaqartinneqarpoq: KANUKOKA-mit H kiisalu APNN-imit F aamma G.

Imaqarniliaq imatut aallartippoq:

"KANUKOKA-p kommunillu akissuteqarsimasut timmissat pillugit nalunaarutitip nutaap taassuma inaarsarneqarnerani ingerlatsimaneq naammagittaalliuutigigitsik malugeqqaat, tassami taanna tusarniaatigisineqarsimanngimmat. Pingaartumillu amerlanerujartuinnartut najukkani ataasiakkaani isumagisassanngortinneqartalernerat." (Atorfeqarfimmi nutsigaavoq)

Aalisarnermut, Piniarnermut Nunalerinermullu Naalakkersuisoqarfiup uannut akissutaa 21. april 2009-meersoq Piniarnek pillugu Siunersuisoqatigiit Aalisarnermut, Piniarnermut Nunalerinermullu Naalakkersuisoqarfimmut allagaanik 23. februar 2009-meersunik ilaqartinneqarpoq. Allakkat taakku imatut aallartippot:

"Pineqartoq: Timmissat illersorneqarnerat piniarneqarnerallu pillugit Namminersorerullutik Oqartussat nalunaarutissaattut missingiutip tusarniaatigineqarnera

Timmissat illersugaanerat piniarneqarnerallu pillugit Namminersorerullutik Oqartussat nalunaarutissaattut missingiut pillugu tusarniaaneq Piniarnek pillugu Siunersui-

soqatigiit 19. februar tiguaat, akissuteqarnissamullu piffissaliussaq 23. februarimut kil-leqarluni.

Timmissat pillugit suleqatigiissitaliap kaammattuutai tusarniaanermi missingiutip qal-lunaatuuani ilanngunneqarsimasut kalaallisuuani ilaanngillat. Tamatumunnga atatil-lugu erseqqissarneqarpoq paasisutissat Piniarneq pillugu Siunnersuisoqatigiinnut nas-siunneqartut tamarmik kalaallisunngortillugit nassiunneqartassasut.

Aammattaq Piniarneq pillugu Siunnersuisoqatigiit nalunaarutissatut missingiutip tusarniaanermut akissuteqarnissamut piffissaliussap sivikippallaarnera pissutigalugu oqaluuserineqannginnera ajuusaarutigaa, minnerunngitsumik timmissat pillugit sule-qatigiissitaliap nalunaarusiaata ukiarmili inaarlugu suliarineqarsimanera eqqarsaati-galugu. Siunissami tusarniaanermut akissuteqarnissamut sivilunerusumik piffissalii-soqartarnissaa Piniarneq pillugu Siunnersuisoqatigiit naatsorsuutigaat." (Atorfeqar-fimmi nutsigaavoq)

Aalisarnermut, Piniarnermut Nunalerinermullu Naalackersuisoqarfiup uannut akissutaa 21. april 2009-meersoq (ilanngussartalik, taamaattorli timmissat pillu-git suleqatigiissitaliap nalunaarusiaa ilisimaneqareernissaa naatsorsuutigineqar-toq ilanngunnagu) peqatigiiffimmut Timmissamut tusarniaatigalugu 29. juli 2009-mi nassiuppara.

Aalisarnermut, Piniarnermut Nunalerinermullu Naalackersuisoqarfimmut ulloq taanna allappunga, eqqaasitsissutigalugulu Namminersornerullutik Oqartussat ataanni suleqatigiissitaliap suleriaasia Naalackersuisoqarfiup allakkamini 1. ok-tober 2008-meersuni innersuussutigisimasaata assilinera suli tigunngikkiga.

Suliami allagaatit nassiunneqartut imminnut naapertuutinnginnerat malugereer-lugu Aalisarnermut, Piniarnermut Nunalerinermullu Pisortaqarfimmut 30. juli 2009-mi imatut allappunga:

"Peqatigiiffiup Timmissap timmissat pillugit 2008-mi aamma 2009-mi nalunaa-rutit pillugit naammagittaalliutaa

2008-mi avammut tusarniaanermi allakkat ullui

Aalisarnermut, Piniarnermut Nunalerinermullu Naalackersuisoqarfiup uannut allakka-minut 18. august 2008-meersunut ilaatigut "Aalisarnermut, Piniarnermut Nunaleriner-mullu Naalackersuisoqarfiup tusarniaanermi allagai" ilanngullugit nassiuppai. Allak-kat taakku paasisutissiissutigineqartut malillugit "timmissat pillugit nalunaarutip" 2008-meersup allannortinneqarnera pillugu avammut tusarniaanermut atatil-lugu

6. Suliat nalinginnaasumik soqutiginaatillit, inatsiseqartitsiffiusunut agguataakkat

tusarniaanermi allakkatut atorneqarsimapput. Allakkat taakkua assilinerat ilanngulugu nassiunneqarpoq.

Aalisarnermut, Piniarnermut Nunalerinermullu Naalackersuisoqarfiup tusarniaanermut akissummini 18. august 2008-meersumi oqaatigaa (nalunaarut pillugu) tusarniaanermi allakkat taakku avammut 29. februar 2008-mi nassiunneqarsimasut. Allakkat assilinerat nassiunneqartoq 28. februar 2009-mi ullulerneqarsimavoq.

Aalisarnermut, Piniarnermut Nunalerinermullu Naalackersuisoqarfiup tusarniaaninnut akissummini oqaatigaa akissuteqarnissamut piffissaliussaq ulloq taanna nal. 12.00-imut aalajangerneqarsimasoq. Tamanna suliami paasissutissanut allanut naapertuuppoq.

Avammulli tusarniaanermi allakkat assilineranni nassiunneqartumi oqaatigineqarpoq akissuteqarnissamut piffissaliussaq tassaasoq 29. marts 2008. Aalisarnermut, Piniarnermut Nunalerinermullu Naalackersuisoqarfik qinnuigineqarpoq imminnut naapertuutinninnerit taakku pillugit nassuiaateqaqqullugu.

Nalunaarut 2008-meersoq pillugu mappip allagaatinik imallip atukkiuteqquneqarnera

Aalisarnermut, Piniarnermut Nunalerinermullu Naalackersuisoqarfimmut allakkanni (13929-mik normoqartuni) 21. juli 2008-meersuni Naalackersuisoqarfik qinnuigaara nalunaarutip (2008-meersup) suliarineqarnera pillugu mappi allagaatinik imalik misissugassanngorlugu uannut nassiuteqqullugu.

Aalisarnermut, Piniarnermut Nunalerinermullu Naalackersuisoqarfiup uannut allakkanni (normoqanngitsuni) 1. oktober 2008-meersuni oqaatigaa suliaq aatsisartutigut nassiunneqarniartoq, taanna nalunaarsuiffimmi sulisumit sap. ak. 41-mi tiguneqarniariapat.

Nalunaarutip allanngortinneqarnera pillugu suliami allagaatit misissugassanngorlugit uannut nassiunneqarnissaat suli kissaatigigiga allakkani 4. december 2008-meersuni aamma 10. marts 2009-meersuni eqqaasitsissutigaa.

Aalisarnermut, Piniarnermut Nunalerinermullu Naalackersuisoqarfiup uannut allakkanni (normoqanngitsuni) 21. april 2008-meersuni oqaatigaa suliaq saaffiginnissummi nr. 2-mi (all. 757) uannut nassiunneqarsimasoq.

Aalisarnermut, Piniarnermut Nunalerinermullu Naalackersuisoqarfimmit uannut allakkat normulerneqartarsimangimmata allakkat 757-imik normoqartutut innersuusutigineqartut suunerat paasiuminaatsippara. Allakkat 757-imik normoqartut tassaappat allakkat 13. august 2008-mi ullulerneqarsimasut? Allakkannut taakkununga allagaatit pingasut "suliamut nalunaarutillu suliarineqarneranut attuumassuteqartut"

ilanngullugit nassiunneqarput. Tamanna matumunnga takussutissaava, tassalu allagaatit pingasut taakku taamani suliami tamarmi allagaatituaasut, tamannalu suliap uannut nassiunneqareersimaneranik Aalisarnermut, Piniarnermut Nunalerinermullu Naalakkersuisoqarfiup paasissutissiisimaneranut pissutaava?"

Naalakkersuisoqarfiup e-mailini 5. august 2009-meersumi imatut akivaanga:

"Tulleriinneri malillugit Aalisarneq pillugu Siunnersuisoqatigiit aamma Piniarneq pillugu Siunnersuisoqatigiit suleriaasii allakkani 5926-mi qinnutigineqartut matumunna nassiunneqarput.

Piniarneq pillugu Siunnersuisoqatigiit suleriaasiata tulleriinnermi malillugit qallunaatuata kalaallisuuatalu akuerineqarini soq assigiinngitsunik ulloqarnersut suliassaqarfimmik allangortiterineq kiisalu sulisut parlagaannerat pissutigalugu APNN-ip akisinnaanngilaa.

Apeqqutit allakkani 6065-imik normoqartuni, "2008-mi avammut tusarniaanermi allakkat ullui"-mi apeqqutigineqartut APNN-ip tamanna aamma pissutigalugu akisinnaanngilai. APNN naliliivoq allagaatip ilusilersoreerlugu nassiunneqarnissaata tungaanut akuersiniarnermi periaaseq aamma/imaluunniit naqinnerliuineq pissutaasinnaasut.

Allakkat normui pillugit saaffiginnissutit eqqarsaatigalugit normut taakku tassaapput Inatsisartut Ombudsmandiata allakkanut normuliussatut atorsimasai. APNN Captiamut suli nuussimangimmat journalnormut atorneqarput. Mappimi allagaatit assilineri allakkanut 13/8 2008-mi nassiunneqartunut atatillugu nassiunneqarput, kiisalu imaagunarluni allakkanut 1/10 2008-mi ullulerneqarsimasunut atatillugit nassiunneqarsimasut. Suliami allagaatit siusinnerusukkut nassiunneqarsimasut pillugit takussutissiaq aallaavigalugu allagaatit ikinnerpaamik 13-it, kalaallisut qallunaatullu, Inatsisartut Ombudsmandiata tigusimasariaqaraluarpai. Taakku tiguneqarsimangippata taakku pisariaqarpat qarasaasiakkut nassiunneqarsinnaapput." (Atorfeqarfimmi nutsigaa-voq)

Aalisarneq pillugu Siunnersuisoqatigiit aamma Piniarneq pillugu Siunnersuisoqatigiit suleriaasii Naalakkersuisoqarfiup e-mailianut 5. august 2009-meersumut kakkersaallugit ilanngunneqarsimapput. Suleriaatsit taakku oqaasertalersugaanitik tulleriinnitillu malillugit Aalisarneq pillugu Siunnersuisoqatigiinnut aamma Piniarneq pillugu Siunnersuisoqatigiinnut atuuttuupput. Taakku suliami matumani issuarnissaannut pissutissaqarnanga isumaqarpunga.

Tusarniaallunga allakkakka 29. juli 2009-meersut peqatigiiffiup Timmissap 15. september 2009-mi imatut akivai:

"Pineqartog: Timmissap naammagittaalliutaanut atatillugu illua'tungiusup isumaanik tusaniaanermut akissut.

Aalisarnermut, Piniarnermut Nunalerinermullu Naalakkersuisoqarfiup akissutitut allagai 21. april 2009-meersut Ombudsmandip allakkatigut 29. juli 2009-meersutigut nassiuppai, Timmiarlu qinnuigalugu taakku pillugit oqaaseqaatini nassiteqqullugit.

Timmiaq makkuninnga oqaaseqaateqassaaq:

Timmissat pillugit suleqatigiissitaliami sulinermit atatillugu nipangiussisimasussanngortitsisimaneq.

Naalakkersuisunut ilaasortaq Finn Karlsen oqarpoq "suleqatigiissitaliami ingerlatsisoqarfimmu imaluunniit NGO-mi kattuffimmu immikkut nipangiussisimasussanngortitsisoqarsimanngitsoq, Namminersornerullutilli Oqartussani suleqatigiissitaliani suleriaasissaq eqqaasitsissutigineqarsimasoq, suleriaatsimi ileqqoq unaasoq, suleqatigiissitaliat sinnerlugit siulittaasoq kisimi oqaaseqaateqarsinnaalluni."

Suleqatigiissitaliami ilaasortanut elektronik atorlugu allakkat imatut oqaasertallit Timmiap aalajangiusimaannarniarpai: Issuaaneq: "Eqqaasitsissutigisariaqarpara ataatsimiinnerni allagaatit/naalisakkat ilumi sulinermi allagaatigineqarmata. Taamatuttaaq tusagassiorfinnit saaffiginnissutit APNN-imut ingerlatinneqartassammata, suleqatigiissitaliap sulinera naammassippat tassanga ataatsimut akissuteqarfigineqartassammata." Issuaaneq naavoq. Tamanna Timmiap paasinninnera malillugu ilaasortanik tusagassiorfinnut oqaaseqaateqaqqusinnnginniarnertut kisimi nassuiarneqarsinnaavoq - tassa nipangiussisimasussanngortitsisimanertut ittoq.

Aammattaq Naalakkersuisunut ilaasortaq Finn Karlsen oqarpoq "suleqatigiissitaliap pilersinneqarnerani siunertamut ataneqartitsilluni isiginninnerup kingunerisaanik pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi § 13, nr. 4-kkut aalajangersarneqarmat APNN-imi suleqatigiissitaliap allagaatai ilaatinneqartut."

Akilerarutinut akitsuutinullu inatsisit malillugit pisortat nakkutilliinerat, killilersuinerat pilersaarusiorneralluunniit imaluunniit iliuuserissamaakkat suliarineranni mianerisassat pingaarutillit pisarialimmik illersornissaat killilersimaarneqarsinnaasoq, allagaatinik paasitinneqarsinnaatitaaneq pillugu aalajangersagaq taanna suleqatigiissitaliap nipangiussisussanngortitaanissaanut atorneqarsinnaanersoq Timmiap sutigulluunniit takusinnaanngilaa. Suleqatigiissitaliap pilersinnerani sulineranilu siunertaq malil-

lugu pisortat nakkutilliineranni il.il. mianerisassat pingaarutillit navianartorsiortinneqarsinnaanersut Timmiap takusinnaanngilaa.

Naalackersuisunut ilaasortaq Finn Karlsen aammattaaq oqarpoq "Namminersornerullutik Oqartussani suleqatigiissitalianut atatillugu taamatut ittumik ileqqutoqqatigut akuerisaasunik allassimannngitsunik malittarisassaqaqarmat, tassalu ataatsimiititaliaq sinnerlugu siulittaasoq kisimi avammut oqaaseqaateqartarluni suleqatigiissitaliap nalunaarusiaa nalunaarusiallu tamanut ammasumik tusarliunneqarnissaa Naalackersuisunit akuersissutigineqarnissaata tungaanut, tak. Piniarneq pillugu Siunnersuisoqatigiit suleriaasianni § 2."

Paasinnineq taanna Timmissap isumaqataaffiginngilaa, oqaatigineqarmammi Namminersornerullutik Oqartussani suleqatigiissitalianut atatillugu taamatut ittumik ileqqutoqqatigut akuerisaasunik allassimannngitsunik malittarisassaqaqartoq, tassalu ataatsimiititaliaq sinnerlugu siulittaasoq kisimi avammut oqaaseqaateqartartuusooq suleqatigiissitaliap nalunaarusiaa nalunaarusiallu tamanut ammasumik tusarliunneqarnissaa pillugu Naalackersuisunit akuersissutigineqarnissaata tungaanut, tamannami Namminersornerullutik Oqartussani suleqatigiissitaliani Timmissap peqataaffigisaani periaaserineqartarsimannngimmat.

Piniarneq pillugu Siunnersuisoqatigiit suleriaasissaliunneqarsimanerat Timmissap paasinninera malillugu imaanngilaq Namminersornerullutik Oqartussani suleqatigiissitalianut tamanut tamanna tunngatinneqartoq.

Aammattaaq ...-p allagaatinik paasitinneqarnissamik itigartitaasimanera pillugu Naalackersuisunut ilaasortap Finn Karlsenip "*nipangiussisimasussaatitaanermik tunngaveqarneraanera, aamma allagaatinik paasitinneqarnissaq pillugu itigartitsinerup kinguninnguatiqut pineqartup aqut alla atorlugu timmissat pillugit suleqatigiissitaliat iluminni allagaataasa sunik imaqarnerinik arajutsiumannngissutsini iluatsikkumallugu suleqatigiissitaliami peqataasumut ataatsimut arlalinnulluunniit kutsiorsinnaanera aarlerinassuseqarluinnarneragaaneq*" isumaqanngilluinnartutut illuinnaasiortutullu Timmissap isumaqarfigaa.

Nipangiussisimasussaatitaaneq, tak. Århusimi isumaqatigiissut.

Naalackersuisunut ilaasortap Finn Karlsenip oqaatigaa "Unnerluussutip matuma ator-tuusinnaassuseqarnera APNN-ip akerlerigaa: Peqatigiiffiup, timmissat pillugit suleqatigiissitaliap sulinerani aallaqqaataaniilli peqataasimasup tamatuma kingorna Århusimi isumaqatigiissutip unioqqutinneranik pasilliinerit atorsinnaanngikkai. Isumaqatigiissut taanna malillugu Timmissap taamani peqataasutut pisinnaatitaaffimmi atornissaanut naammattunik periarfissaqarsimagaluarpoq."

6. Suliat nalinginnaasumik soqutiginaatillit, inatsiseqartitsiffiusunut agguataakkat

Aallarniutigalugu Timmissap maluginiarpaat tassunga atatillugu Naalakkersuisunut ilaasortap Finn Karlsenip peqatigiiffiup suliame peqataanera akuersaaraa, tamannami *"Tusarniaanermi peqataasup illuinnaasiortumik toqqarneqarneratigut naligiissitsinissamik periaaseqarneq nalinginnaasumik tusarniaasimanninnermi malinneqarsimanngitsoq"* pillugu titarnertaaq tamatuma kingorna Finn Karlsenip akkerliuneranut naapertuutsinngitsoq, imatummi oqarmat *"Siullermik suliame qulaani pineqartumi timmissanik soqutigisallit peqatigiiffiata Timmissap peqataasutut inissisimalernissamut pisinnaatitaanera APNN-ip akkerlerissavaa."*

Tulliullugu paasinnittaaseq una Timmissap aalajangiusimavaa, tassalu timmissat pillugit suleqatigiissitaliami NGO-mi kattuffinnik tusagassiuutinut atatillugu nipangiussisimasussaaitseriaraluarneq Århusimi isumaqatigiissummut akkerliummat.

Timmissat pillugit nalunaarutip pisortatigoortumik tusarniaassutigineqarsimanninnerani siusinnerusukkut periaaseq malinneqanngilaq.

Naalakkersuisunut ilaasortaq Finn Karlsen oqarpoq *"APNN-ip erseqqissaatigerusukkaa inatsisitigut pisussaaffiusumik tusarniaanermi Piniarneq pillugu Siunnersuisoqatigiit illua'tungiusutuaasut ... aamma tusarniaanermi killiffissaliussaap sapaatit akunerinik amerlassusiliinikkut aalajangersagaanngitsoq."*

Naak Piniarneq pillugu Siunnersuisoqatigiit inatsisitigut pisussaaffiusumik tusarniaanermi illua'tungiusutuaagaluartut, Timmissap isumaa suli unaavoq, tassalu siusinnerusukkut periaaseq malinneqarsimanngitsoq, soorluttaaq tusarniaanermi illua'tungiusup illuinnaasiortumik toqqarneqarnerani naligiissitsinermik periaaseq malinneqarsimanngitsoq, tusarniaasimanagerlu pillugu Timmissap isumaa unaavoq, tassalu tusarsimanngisannakkamik sivikitsumik tusarniaanagerup killiffilersimanageratigut ingerlatsinermi ileqqoq pitsaasoq amigaataasoq takutinneqartoq, taamaalillunilu tusarniaanermi illua'tungiusoq pimoorussamik akissusiorsimasinnaasimanngitsoq. Tusarniaanagermut killiffissaliinermi aalajangersimasumik piffissaliisimanninneq eqqarsaatigalugu inatsisitigut ingerlatsinermi periaaseq nalinginnaasoq unaavoq, tassalu tusarniaanagermi akissusiornissamut piffissaq pisariaqartinneqartoq piffissaliissutigineqartarluni, taamaalilluni suliassat pisariusut angisuut suliassanit pisariitsunit naatsunit siviunerusumik piffissalernerqartarlutik. Kisianni timmissat pillugit nalunaarut pillugu tusarniaanermi akissusiornissamut nalunaaquttap akunnialunnguini piffissamik killiffissaliineq Timmissap paasinninnera malillugu ingerlatsinermi ileqqoq pitsaasuunngilaq.

Naalakkersuisunut ilaasortaq Finn Karlsen aammattaaq oqarpoq *"Suleqatigiissitaliat Naalakkersuisunut innersuussutaat pillugit nalunaarusiaq akuersissutaasoq timmissat pillugit Nalunaarutissap 12. februar 2009-mi najuulluni ataatsimiinnermi oqaluserineqartut malillugit suliarinerani, APNN-imit immikkoortumit immikkoortumut malinneqarsimasoq."*

Tamanna eqqunngilaq, tassami timmissat pillugit suleqatigiissitaliat ilaatigut taateraap piniagaanerisa sivitsorneqarnissaa innersuussutigisimannngimmassuk.

Tusarniaanermi illua'tungiusup illuinnaasiortumik toqqarneqarneratigut tamanut ammasumik tusarniaasimannnginnermi naligiissitsinissamik periaaseq malinneqarsimannngilaq.

Siusinnerusukkut oqaatigineqartut titarnertaami tassani Timmissap illua'tungiusutut inissisimalernissamat pisinnaatitaanera Naalakkersuisunut ilaasortap Finn Karlsenip akerleraa, naak tamanna siusinnerusukkut nassuerutigineqarsimagaluartoq.

Tassunga atatillugu taamanikkut Avatangiisinut Pinngortitamullu Pisortaqarfimmik peqatigiiffiup 2001-imi ataatsimeeqateqarnerani apeqqutini Kalaallit Nunaannut tunngasuni tusarniaanerni illua'tungiusussatut pisortatigoortumik toqqarneqarnini Timmissap aalajangiusimavaa. Tamatuma kingorna pinngortitap illersorneqarnissaa pillugu Inatsisartut inatsisaanni nr. 29, 18. december 2003-mi § 12 naapertorlugu suliassat eqqissimatitsinermut tunngasut suliassiissutigisarnissaannut peqatigiiffik Naalakkersuisunit tatigineqalerpoq. Taamaattumik Timmissap paasinninnera suli unaavoq, tassalu suliassani taakkunani peqatigiiffik tusarniaanerni illua'tungiusoq.

Aammattaq oqaatigineqassaaq nalunaarut innuttaasunut saaffiginnittuummat, taamaattumillu innuttaasut tamarmik tunngaviatigut suliameq illua'tungiupput. Taamaalliluni Timmissap isumaa malillugu nalunaarut tamanut ammasumik tusarniaassutigineqartariaqarsimagaluarpog.

Naalakkersuisunut ilaasortaq Finn Karlsen aammattaq oqarpoq *"Timmissanut tunngasut ingerlatsiviginerat Namminersornerullutik Oqartussani oqartussaaffeqarfiit allannguutaat kingulliit pinerisa tungaannut Attaveqatigiinnermut Avatangiisinullu Naalakkersuisoqarfimmit isumagineqartarsimasut. Naalakkersuisoqarfik taanna NGO-mut ilaasortanut tunngatillugu APNN-iminngarnit allaanerusumik manna tikillugu politikkeqarsimavoq, tamakkununga tunngasutigut peqatigiiffiit kattuffiillu (tusarniaaffigisartakkatut) illua'tungiusutut aaqqissuussaasumik inissisimatinneqalersarnerat eqqarsaatigalugu."*

Oqaaseqaat taanna pillugu Timmiaq paatsuunngassuteqarpoq, tassami Timmissap paasinninnera unaammatt, tassalu suliat suliarineqartarnerisa ingerlatsiviginerat nunatta inatsisai Naalakkersuisullu politikkiat malillugit sukkut tamatigut Naalakkersuisoqarfiit isumagisassarimassuk. Naalakkersuisoqarfiimmi arlaat allanit allaanerusumik politikkeqarsinnaanaviannngilaq, Naalakkersuisummi politikkiat Naalakkersuisoqarfiit sinniisuuffigimmatigik. Taamaattumik Naalakkersuisoqarfinni ataasiakkaani sulianik suliarinneriaatsip naammaginartumik assigiiartinnissaa naatsorsuutigisariaqarpoq.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Naggasiutitut Timmissap oqaatigissavaa Timmissap paasinninnera suli unaamat, tassalu timmissat pillugit nalunaarutip allanngortinnissaanut nalunaaquttap akunnialunnguanik akissuteqarnissamat piffissaqartitaaneq isumannaatsuunngitsoq, taamaatumillu Timmiap paasinninnera suli unaajuarmat februar 2008-mi timmissat pillugit nalunaarutip allanngortinnissaanut atatillugu tusarniaaneq siornatigut pisimanngisaannartumik sivikissusilimmik tusarniaanermut akissuteqarnissamat piffissaliinikkut ingerlatsinermi ileqqup pitsaasup amigaataanerani takutitsimmat, taamaalillunilu tusarniaanermi illua'tungiusup isumaanik pimoorussamik akissusiortoqarsinnaassimanngimmat.

Aammattaq Timmissap naggasiutigalugu erseqqissassavaa, peqatigiiffik Naalakkersuisunut ilaasortap Finn Karlsenip oqarneratut naammagittaalliuutaasunut atatillugu akornusiinartumik pissusilersorniarsimanngimmat. (Atorfeqarfimmi nutsigaavoq)

Nalunaarutit tamanut saqqummiunneqarsimanerini apequt pillugu tusarniaalluni allakkat imaattut Naalakkersuisut Siulittaasuata Naalakkersuisoqarfianut nassiunnarlugit 14. oktober 2009-mi aalajangerpunga:

"Matumani apeqqummik taassuminnga uanga paasinninnera pillugu nassuiaateqarpunga, Inatsisileriffillu tamanna tunngavigalugu qinnuigaara suliamik paasinninnini pillugu nassuiaateqaqqullugu.

Nalunaarutit tamanut nalunaarutigineqarneri pillugit:

Inatsisartut Naalakkersuisullu pillugit inatsimmi nr. 11-mi, 20. oktober 1998-imeersumi § 25, imm. 1-ikkut, tak. § 25, imm. 2, aalajangersarneqarpoq Naalagaaffiup Sinnisoqarfianut, Politiinut, kommuninut eqqartuussivinnullu nassiussuineq tamanut nalunaarutiginneriaasiusoq qilersuisuusooq.

Inatsisartut Naalakkersuisullu pillugit inatsit inatsisaavoq nalinginnaasooq, inatsisikkut kingusinnerusukkut aalajangersarneqartukkut allanngortinneqarsinnaasooq. Taamaalilluni aalajangersarneqarsimasumit allaasumik tamanut nalunaarutiginneriaaseq atorneqassappat aalajangersakkamik pineqartumik nalunaarutiginneriaaseq inatsisikkut aalajangersarneqassasooq piunasaqaataavoq²⁶.

Timmissat pillugit nalunaarutit 2008-meersup aamma 2009-meersup aalajangersarneqarnerannut atatillugu Inatsisartut inatsisaannik nalunaarutiginneriaatsip aalajanger-

26) Danmarkimi nalunaarutini tamanut nalunaarutiginneriaaseq tamatumaa pissuseqataa "Dansk Forvaltningsret I"-imi Henrik Zahlep atuakkiaani qupperneq 349-p naggataa takuuk.

sarneqartup atorneqannginnissaanik aalajangersaaviginnittumik akuersissutiginnit-toqarsimangimmat timmissat pillugit nalunaarutit taakku Naalagaaffiup Sinniisoqarfianut, Politiinut, kommuninut eqqartuussivimmullu nassiussuinikkut tamanut nalunaarutigineqarput, naak taakku innuttaasunut tusagassiuutitigut aamma nalunaarutigineqareeraluartut.

Timmissat pillugit nalunaarummik 2008-meersumik tamanut nalunaarutiginnineq:

Naalackersuisut Allattoqarfiata allagaanit 5. marts 2008-mi ullulerneqarsimasunit erserpoq timmissat pillugit nalunaarut 2008-meersaq oqartussaasunut qulaani taaneqartunut ulloq taanna nalunaarutigineqarsimasut. Allakkat taakku assilinerat Inatsisileriffimmut ilisimatitsissutitut ilanngullugu nassiunneqarpoq.

Taamaattumik pisumi pineqartumi tamanut nalunaarutiginninnerup ullua tassaavoq 5. marts 2008. Nalunaarut oqaasertani malillugit 1. marts 2008-mi atortuulerpoq.

Aalisarnermut, Piniarnermut Nunalerinermullu Naalackersuisoqarfiup Naalackersuisut isummernissaannut tunngavissiaanit (66.01/13-imik j. normoqartumit) erserpoq "LABU-p inatsisileriffia" (Siulittaasup Naalackersuisoqarfiani Inatsisileriffik pineqartuq matumani tunngaviuttippara) inatsisip teknikkikkut misissorneqarnerani isumaqartuq nalunaarut taassumalu pilernerani periaaseq annertunerusunik oqaaseqaateqarnisamat pissutissaqalersitsinngitsut. Isummernissamat tunngavissiap assilinerat Inatsisileriffimmut ilisimatitsissutitut ilanngullugu nassiuppara.

Timmissat pillugit nalunaarutip 2009-meersup tamanut nalunaarutigineqarnera:

Nalunaarut oqaasertani malillugit 2. marts 2009-mi atortuulerpoq. Nalunaarut 2. marts 2009-mi atsiorneqarsimavoq.

Inatsisileriffik qinnuigineqarpoq timmissat pillugit nalunaarut 2009-meersaq Naalagaaffiup Sinniisoqarfianut, Politiinut, kommuninut eqqartuussivinnullu nassiussuunneqarnermigut ulloq suna nalunaarutigineqarsimanersaq uannut paasissutissiissutigequllugu.

Inatsisileriffik tamanna tunngavigalugu qinnuigaara makku pillugit nassuiaateqaqqullugu:

- Inatsisileriffiup paasinninnera unaanersaq nalunaarutit tamanut nalunaarutigineqannginnerminni inatsiseqartitsinikkut atuussinnaassuseqarsimasut, imaluunniit pif-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

fissaq atortuulersitsiviusoq nalunaarutit atuussinnaassuseqarnerannut taamaallaat innersuussinerusoq

- matumani Inatsisileriffiup paasinninnera unaanersoq § 23-mi pineqaatissiissutitut taaneqartut (pillaammik akiliisitsinerit) piffissamit atortuulersitsiviusumit atortin-niarneqarsinnaasut ilanngullugu eqqaarsaatigalugu."

Saaffiginnissutig Inatsisileriffimmut 11. november 2009-mi eqqaasitsissutigaa-ra. Inatsisileriffiup allakkatigut 16. november 2009-meersutigut nalunaarfigaa-nga saaffiginnissutig Inatsisileriffiup novemberip naanerani akiniaraa.

Akissut 19. november 2009-mi ullulerneqarsimasoq imaattoq 26. november 2009-mi tiguara:

"Aallarniutigalugu Inatsisilerinermut Inatsisinillu Atortitsinermut Immikkoortorta-qarfiup Inatsisartut Naalakkersuisullu pillugit Inatsisartut inatsisaanni § 25, imm. 1-ip aamma 2-p nassuiarneqarneri tamakkerlugit isumaqatigisinnaavai.

Ataatsimut isigalugu Inatsisilerinermut Inatsisinillu Atortitsinermut Immikkoortor-taqarfik isumaqarpoq nalunaarutit nalunaarutigineqareernermikkut ullormi sapaatip akunnerisa marluk qaangiuffianni (ullut 14-it) atuutilertartussaasut, ulloq atuutilerfis-saa pillugu nalunaarummi allamik allassimasoqanngippat, takuuk Inatsisartut Naalak-kersuisullu pillugit Inatsisartut inatsisaanni § 25, imm. 1.

Tamatumani aamma ilaavoq ulloq sapaatip akunnerisa marluk qaangiunnerisigut ulloq sioqqullugu atuutilerfiusoq aalajangersarneqarsimappat. Tamatumunnga atatillugu nalunaarutigineqassaaq Inatsisilerinermut Inatsisinillu Atortitsinermut Immikkoortor-taqarfimmit kaammattuutigineqassammat atuutilersitsinerup aalajangersarneqarnerani najoqqutassaq aqqutigalugu nalunaarutiginninnerup ingerlannera maluginiartaqqul-lugu. Naalagaaffimmi nalinginnaasumik inatsisinik ingerlatsineq naapertorlugu Inatsi-silerinermut Inatsisinillu Atortitsinermut Immikkoortorta-qarfik peqataanik isumaqar-poq nalunaaruteqarnissaq sioqqullugu atuutilersitsinissaq piginnaatitsineq pillugu inat-simmi immikkut ittumik tunngaveqartussaanera. Taamaakkaluartoq immikkut pisoqartillugu malittarisassat nalunaarut aqqutigalugu aalajangersarneqartut atorne-qarsinnaassapput malittarisassat tamakku akuersissummi piumasaqaatitut ilanngunne-qarsimappata.

Taamaalilluni Inatsisilerinermut Inatsisinillu Atortitsinermut Immikkoortorta-qarfik isumaqarpoq nalunaarutit inatsisitigut sunniutai aallaaviatigut Inatsisartut Naalakker-suisullu pillugit inatsit naapertorlugu nalunaaruteqarnermit aquneqarmata. Tamanna tunngavigalugu Inatsisilerinermut Inatsisinillu Atortitsinermut Immikkoortorta-qarfik aamma isumaqarpoq nalunaarutit aalajangersarneqarlutik aaqqiissutit aallaavimmik-kut nalunaarutigineqareernermikkut aatsaat atortinneqarsinnaammata aaqqiissutit ta-

makku akuersissummi piumasaqaatit allatut ilillutik aalajangersarneqarsimassanngippata.

Namminersorerullutik Oqartussat nalunaarutaat nr. 8, 2. marts 2009-meersoq eqqarsaatigalugu manna nalunaarutigineqassaaq, tassalu nalunaarut taanna allakkatigut 9. marts 2009-meersutigut nalunaarutigineqarmat. Nalunaaruteqarnermut allakkat assilineri ilanngunneqarput.

Allakkap matuma suliarinissaanut atugassamik Inatsisartut Ombudsmandiata saaffiginnissutaa Aalisarnermut, Piniarnermut Nunalerinermullu Naalackersuisoqarfimmut saqqummiunneqarpoq. Naalackersuisoqarfiup nalunaarutigaa naalackersuisuusimasut kissaateqarnerisigut nalunaarutit allaffissornerup iluani tuaviortumik suliarineqarsimasut.

Taamaalilluni Inatsisilerinermut Inatsisinillu Atortitsinermut Immikkoortortaarfik qulaani taaneqartut tunngavigalugit isumaqarpoq Namminersorerullutik Oqartussat nalunaarutaat nr. 5, 29. februar 2008-meersoq aamma nr. 8, 2. marts 2009-meersoq nalunaarutigineqarnermikkut inatsisitigut sunniuteqalersimasut.

Aalisarnermut, Piniarnermut Nunalerinermullu Naalackersuisoqarfik allakkap matuma assilineri aqqutigalugu Immikkoortortaarfiup isumaanik ilisimatinneqarpoq.

Inatsisartut Ombudsmandiata saaffiginnissutaa tunngavigalugu Inatsisilerinermut Inatsisinillu Atortitsinermut Immikkoortortaarfiup peqataanik Namminersorlutik Oqartussani naalackersuisoqarfimmut tamanut Namminersorlutik Oqartussat nalunaarutaasa atortussanngortinneqarnerini suleriaatsit erseqqissaavigeqqullugit nalunaarutigaa."

Tamatuma kingornatigut imaattunik oqaaseqaateqarpunga:

"1. Misissuinerma annertussusia:

Siumup Inatsisartuni ilaasortaataasa ilaat Inatsisartut 2007-imi ukiakkut ataatsimiinneranni siunnersuummik (UKA73/2007) saqqummiussivoq, tassalu timmissat pillugit nalunaarut 2004-meersoq naleqqussaqqullugu Naalackersuisut peqquneqassasut, taamaalillutik Avannaani innuttaasut timmiarniarnissaminnut periarfissaqarsinnaaqqullugit, nalunaarullu naleqqussarneqartoq 2008-mi atortuulissasoq.

Atassut Inatsisartut ataatsimiinneranni tassani siunnersuummik (UKA102/2007) saqqummiussivoq, tassalu nalunaarut 2004-meersoq naliliiffigeqqullugu

Naalackersuisut peqquneqassasut, tamatumunngalu tunngavissaqarpat nalunaarut pissusiviusunut naleqqussarneqassasoq.

Siunnersuutit Inatsisartut Eqqissisimatitsinermut Avatangiisinullu Ataatsimiititaliaata siullermeerinninnerup kingornatigut suliareqqippai. Ataatsimiititaliap isumaqatigiissup inassuteqaatigaa siunnersuut nr. 73 saqqummiunneqarnermisut iluseqartoq itigartitsissutigineqassasoq, siunnersuullu nr. 102 saqqummiunneqarnermisut iluseqartillugu akuerineqassasoq.

Aalajangiiffigisassatut siunnersuut nr. 73 Inatsisartut aappassaaneerinnerranni itigartinneqarpoq, aalajangiiffigisassatulli siunnersuut 102 akuerineqarluni.

Aalajangiiffigisassatut siunnersuutip nr. 102-p oqaasertaani timmissat pillugit nalunaarut allanngortinneqassappat qaqugu tamatuma piumaarnera timmissalluunniit pillugit nalunaarut allanngortinneqassaguni taassuma qaqugu atortuulerumaarnera eqqarsaatigalugit piffissatigut immikkuualuttulersugaa-sumik pilersaaruteqartoqarsimanersoq takuneqarsinnaanngilaq.

Naalackersuisut suliamik suliarinninnerat Inatsisartuni amerlanerussuteqartut aalajangiinerat malillugu pisimanersoq misissuinermi matumani isummerfiginngilara.

Aalisarnermut, Piniarnermut Nunalerinermullu Naalackersuisoqarfik ...-p timmissat pillugit suleqatigiissitaliap allagaataanik paasitinneqarnissaminik 2008-mi qinnutigisaata suliarineqarneranut atatillugu kukkussuteqarsimanersoq misissuininni aammattaaq ilaatinneqanngilaq.

Nalunaarutit suliarineqarnerinut atatillugu peqatigiiffimmik Timmissamik tusarniaaviginninnginnermigut Aalisarnermut, Piniarnermut Nunalerinermullu Naalackersuisoqarfik kukkussuteqarsimanersoq (immikkortumi 2.1-imi) misissorpara.

Aalisarnermut Piniarnermut Nunalerinermullu Naalackersuisoqarfik inatsisiliornikkut aalajangersaanissaq taama annertutigisoq pillugu nalunaaquttap akunnerisa sisamat missaannik piffissaqartitsilluni oqaaseqaateqaqqusilluni peqatigiiffimmut namminersortumut kaammattuinnissaminut pisinnaatitaasimanersoq (immikkoortumi 2.2.-mi) misissorpara.

Nalunaarutit taakku marluk tamanut saqqummiunneqarnerat isornartorsiuinissamut pissutissaqalersitsinersoq (immikkoortumi 3-mi) misissorpara.

Peqataasut Namminersorerullutik Oqartussani atorfeqartitaanngitsut timmissat pillugit suleqatigiissitaliap Namminersorerullutik Oqartussanit pilersinneqarsimasup sulinerani peqataanerminnut atatillugu nipangiussisimaqqullu-

git qanoq annertutigisumik peqqusiffigineqarsinnaanersut (immikkortumi 4-mi) aammattaaq misissorpara.

Naalackersuisoqarfiup avammut allakkaminik il.il. ullulersuina (imm. 5-imi) Naalackersuisoqarfiullu oqaatsinik atuinera (imm. 6-imi) naatsumik eqqaasallugit pissutissaqarlunga isumaqarpunga.

2. Nalunaarutitik aalajangersaanermi tusarniaaneq

Peqatigiiffiup Timmissap uannut naammagittaalliummini oqaatigaa nammineq paasinninnini unaasoq timmissat pillugit nalunaarutit tamanut tusarniaatigalugit nassiunneqarsimasariaqaraluartut.

Tamanna pillugu oqaatigaara nalunaarutitik aalajangersaanermi periaatsit pillugit malittarisassanik nalinginnaasunik peqanngitsoq, Naalackersuisullu tamatuma nassatarisaanik nalunaarutit aalajangersarneqartut tamanut tusarniaatigalugit nassiunnissaannut inatsiseqartitsinikkut pisussaaffeqanngitsut. Uangali paasinninnera unaavoq tamanut tusarniaaneq tamat oqartussaaqataanerannik ingerlatsinermut sunniuteqaqataasinnaasoq, aammattaarlu aalajangersakkat suliarineqarlutik piviusunngortinneqarnerannik piareersaanermi alloriarnertut pissuseqarsinnaasoq.

Nalunnaarutit tusarniaatigalugit nassiunneqassasut inatsisikkut aalajangersaasoqarsimappat nalunaarutit tusarniaatigalugit nassiutissallugit Naalackersuisut inatsiseqartitsinikkut pisussaaffeqarput.

Piniarneq pillugu Siunnersuisoqatigiit timmissat pillugit nalunaarutip nutaap aalajangersarneqarnerani pinngitsooratik tusarniaavigineqartussatut illua'tungiuqput, tak. piniarneq aalisarnerlu pillugit Inatsisartut inatsisaanni nr. 12-imi, 29. oktober 1999-imeersumi § 8, imm. 1, tak. § 16, imm. 3, aamma pinngortitamik innarlitsaaliineq pillugu Inatsisartut inatsisaanni § 5, imm. 1, tak. § 5, imm. 3.

Inatsisartut inatsisaanni marlunni taakkunani tusarniaavigineqartussatut illua'tungiusunik allanik taasaqartoqarsimanngilaq.

Taamaattumik isumaqarpunga Timmissamik tusarniaaviginninneq inatsisikkut aalajangersagaasumik pisussaaffiunngitsoq, pisumili matumani suliamik paasissutissartalersuinermut ilaatillugu ingerlanneqarsimasinnaagaluartoq.

Inatsisileriffiup "Namminersornerullutik Oqartussani malittarisassanik suliarinninnermi tunaartarisassat" pillugit februar 2009-mi naqitertissimasaani inatsisissatut siunnersuutit suliarineqarneranni tusarniaavigisassatut illua'tungiusussanik toqqaasarneq pillugu imaattunik allassimasoqarpoq:

"2.3. Tusarniaavigisassatut illua'tungiusut

6. Suliat nalinginnaasumik soqutiginaatillit, inatsiseqartitsiffiusunut agguataakkat

Tusarniaavigisassatut illua'tungiusut allattorsimaffiat inatsisissatut siunnersuutit ataasiakkaarlugit suliarineqartassaaq. Suliarni tassani naliliineq annertoq ilaavoq, taamaattumillu tusarniaavigisassatut illua'tungiusup inatsisissatut siunnersuutit piareersarlugit sulinermi naleqquttuunerata naliliivigineqartarnera pillugu malittarisassanik erseqqilluinnartunik sukumiisunillu aalajangersaaneq ajornarpoq.

Tusarniaavigisassatut illua'tungiusut inatsisiliarineqartussatut eqqarsaatigineqartoq eqqarsaatigalugu inissisimanerat tunngavigalugu tunngaviatigut toqqarneqartassapput. Tusarniaavigisassatulli illua'tungiusoq illua'tungiusup akissuteqarnissaanik imaluunniit qanoq akissuteqarnissaanik naatsorsuutiginninneq tunngavigalugu nalinginnaasumik periaaseralugu toqqarneqartariaqanngilaq, toqqarsimasunilluunniit peerneqartariaqarani. Allatut oqaatigalugu manna aalajangiisuunngilaq, tassalu tusarniaavigisassatut illua'tungiusup isumaasa arlaannik pissuteqartumik ilisimareerreqarnerat imaluunniit oqartussaasup suliassa qarfia siunnersuummit eqqorneqartup siusinnerusukkut suliani tusarniaasarsimanernut akissuteqartarsimannginnera.

(...)

Tusarniaanermi kikkut toqqarneqartarnissaannut tunaartarisassat arlallit tulluuttuni taagorneqarput:

(...)

11) Suliffeqarfii innuttaasullu soqutigisaqartut kattuffiit/suliniaqatigiiffiit susasaqartut aqutigalugit ilanngunneqarsinnaapput, soorlu branchit, sulisitsisut, suli-sartullu kattuffii, peqatigiiffiit soqutigisaqatigiittut suliniaqatigiiffiit il.il.

Nunami maani suliassa qarfinni arlalinni imaakkajuttarpoq innuttaasut kattuffinnik/suliniaqatigiiffinnik pilersitsisimannigitsut, imaluunniit kattuffiit/suliniaqatigiiffiit mikisuullutik aalaakkaannigitsumik iluseqartartut. Kattuffiilli/suliniaqatigiiffiilli mikigaluartulluunniit tusarniaavigisassatut illua'tungiusinnaapput, aalaakkaasumik suliniuteqartut ingerlagunik suliassamilluunniit tigusinissaminnut piumassuseqarunik. Suliassa qarfinni arlalinni pisortat illua'tungerisatut suleqatissaminnik amigaa-teqarfigisaanni soqutigisaqatigiikkuutaat namminneq kattuffeqarnerannik/suliniaqatigiiffeqarnerannik kaammattuilluni tapersersuineq Namminersornerullutik Oqartussanut siunissaq ungasinnerusoq eqqarsaatigalugu iluaqutaasinnaavoq.

(...) (Atorfeqarfimmi nutsigaavoq)

Inatsisileriffiup oqaatigisai qulaani issuarneqartut ilalersinnaavakka, isumaqarpungalu tamanna nalunaarutininik aalajangersaanermut atatillugu tusarniaavigisassatut illua'tungiusunik toqqaanermi aamma atuussinnaassuseqartoq.

Tamatununga uiggiullugu oqaatigaara uanga paasinninnera unaasoq tusarniaanermi illua'tungerisassanik toqqaanermut atatillugu tusarniaanermi illua'tungerisap suliassat suliarineqartarnerat pillugu inatsit tunngavigalugu suliame illua'tungiusutut inissisimalersinnaasussaanaera immi isumaqarnavianngitsoq, illua'tungiusullu suleqatigiissitaliap sulinerani peqataasimanerata immi illua'tungiusup pineqartup tusarniaavigineqarnissaa pisariaqarunnaarsinngikkaa.

Peqatigiiffik tusarniaavigisassatut illua'tungiusutut toqqaarneqarsinnaavoq, ingerlatsivik naliliippat peqatigiiffik pineqartoq ilisimasanik, misilittakkanik isummanilluunniit nalunaarutip pitsaassuseqarneranik atorsinnaassuseqarneranillu qaffassaasinnaasunik tunniussisinnaasoq.

Peqatigiiffik Timmiaq timmissat pillugit nalunaarutip 2001-imi suliarineqarnerani timmissallu pillugit nalunaarutip 2004-mi aalajangersarneqarnerani tusarniaavigineqarsimavoq. Peqatigiiffik Timmiaq "timmissat pillugit suleqatigiissitaliami" timmissat pillugit nalunaarummi allannguutit pillugit inassuteqaatinik Naalackersuisunut saqqummiussinissamik siunertaqartumi peqataassatut toqqaarneqarsimavoq.

Tamanna tunngavigalugu imaattussatut isumaqartariaqarpunga, tassalu peqatigiiffik Timmiaq timmissat pillugit nalunaarutip nutaap suliarineqarnera eqqarsaatigalugu suliamut attuumassuteqartunik ilisimasaqartoq, misilittagaqartoq isummanilluunniit pigisaqartoq.

Aalisarnermut, Piniarnermut Nunalerinermullu Naalackersuisoqarfik uannut akissummini 21. april 2009-meersumi allappoq: "Minnerunngitsumik ukioq 2008-mi ukiuunerani piniarfiusup sivitsorneqarnissaa siunertaralugu taamanikkut nalunaarummut allannguutaagallartussanik Naalackersuisunit Naalackersuisoqarfiup sivikitsuinnarmik piffissalernerneqarsimanera eqqarsaatigissaanni. Naalackersuisoqarfiup taamaattumik, utaqquisaagallartumik allannguutit taakku eqqarsaatigalugit, timmissanik soqutigisaqartut peqatigiiffiata Timmissap tusarniaanermi illua'tungerisatut inissisimannginnerata piviusorsiortumik tunngaveqarnera aalajangiussimavaa, suliame pisut allat eqqarsaatigalugit."

Tamanna pillugu oqaatigaara Naalackersuisoqarfik Naalackersuisunut ilaasoq, taamaattumillu taamatut oqarneq isumaqanngitsutut isigigiga.

Aalisarnermut, Piniarnermut Nunalerinermullu Naalackersuisoqarfiup peqatigiiffimmik Timmissamik tusarniaavinninngitsoornissamut suliamut attuu-

6. Suliat nalinginnaasumik soqutiginaatillit, inatsiseqartitsiffiusunut agguataakkat

massuteqartumik tunngavissaqannginnera isiginiarlugu isumaqarpunga Naalakkersuisoqarfiup timmissat pillugit nalunaarutit 2008-mi aamma 2009-mi allanngortinneqarnerat sioqqullugu peqatigiiffimmut Timmissamut tusarniaasimannginnera isorisariaqartuusoq.

2.2. Tusarniaanermut akissuteqarnissamut piffissaliussap sivilissusilerneqarnera

2008-mi tusarniaanermut akissuteqarnissamut piffissaliussap sivilissusilerneqarnera peqatigiiffiup Timmissap naammagittaalliuutigaa. Qulaani oqaatigineqartuni takuneqarsinnaasutut peqatigiiffik Timmiaq tusarniaanermi pineqartumi tusarniaavigisassatut illua'tungiunngilaq. Taamaakkaluartoq tusarniaanermut akissuteqarnissamut piffissaliussap sivilissusilerneqarnera isornartorsiuinissamut pissutissaqalersitsisinnaanersoq - uanga pisinnaatitaanerma iluani - misissussallugu pissutissaqarlunga isumaqarpunga. Taamatut aalajangerninni tusarniaatitut allakkat ilaatigut KNAPK-mut, tassalu Kalaallit Nunaanni Aalisartut Piniartullu Kattuffiannut, namminersortutut aamma peqatigiiffiusumut nassiunneqarsimanerat pingaartillugu isiginiarpara.

Tunngaviutippara 2008-mi tusarniaalluni allakkat tusarniaanermi illua'tunge-risanut 29. februar 2008-mi ullaakkut nassiunneqarsimasut, tusarniaanermullu akissuteqarnissamut piffissaliussaq 29. februar 2008-mi nal. 12.00 killiliullugu aalajangersarneqarsimasoq. Taamaattumik akissut nalunaaquttap akunnerisa sisamat missaasa iluanni suliarineqartussaasimavoq.

Inatsisileriffiup "Kalaallit Nunaanni Namminersornerullutik Oqartussat malittarisassanik aalajangersaaneranni tunaartarisassat"-ni februar 2009-meersuni imm. 2.4-mi oqaatigaa pingaarnertut malittarisassaq tassaasoq tusarniaanernut akissuteqarnissamut sapaatit akunnerinik sisamanik piffissaliisarneq.

Suliani inatsisiliornermut tunngasuni inatsisikkut pisussaaffiliussaannngitsumik tusarniaasarnerit (ilaatigut akissuteqarnissamut piffissaliussat sivilissusii) pillugit siusinnerusukkut ataatsimut oqaaseqaateqarpunga. 2004-mi misissuineq²⁷ naalagaaffimmi inatsit Kalaallit Nunaannut atortuulersinneqartarneranut tunngasuvoq.

Oqaaseqaatiga 2004-meersoq matumani issuarpara, tassami oqaaseqaat taanna 2004-mi ukiumoortumik nalunaarummi ilanngunneqarsimannngimmat:

"Inatsisiliornermik suliani tusarniaasarnerit pillugit ataatsimoortumik oqaaseqaatit.

27) Suliami uanga suliarisanni 11.03.66.07/068-02-mik j. normoqartumi.

Innuttaasunut suliffeqarfinnullu namminersortunut inatsisitigut pisussaaffiunngitsumik tusarniaasarnerit eqqarsaatigalugit ataatsimut oqaatigaara:

Inatsisiliorneq, matumani naalagaaffimmi inatsisinik Kalaallit Nunaannut atortuulersitsineq ilanngullugu eqqarsaatigalugu, pillugu Naalakkersuisut siunnersuutaat isummerfigisinnaajumallugit Inatsisartut paasissutissanik naammattunik eqqortunillu saqqummiussivigineqarnissaat Naalakkersuisut akisussaaffigaat.

Taamaalillutik inatsisiliassaq piareersarlugu sulinermi tusarniaanerit Naalakkersuisut suliamik Inatsisartunut paasissutissiineranni siunertaqartumik ilaavoq.

Naalakkersuisut namminersortunut tusarniaasarnerannut atatillugu suliassat sularineqartarnerannut tunngaviit inatsisitigut aalajangersagaannngitsut arlallit Naalakkersuisut malissallugit pisusaaffeqarfigisaat atuupput, tusarniaaneq aqutsinermi sulinermut ilaatigullu imaluunniit Naalakkersuisut inatsisiliornermik piareersaanerannut ilaatillugu pinersaq apeqqutaatinnagu:

Taamaalillutik Naalakkersuisut siullertut pisussaaffeqarput tusarniaanerit suut pisariaqartuunersut nalilissallugu, tassami innuttaasut Naalakkersuisunit saaffiginissutinik Naalakkersuisut suliamik suliarinninnerannut pingaaruteqartussatut isigineqanngitsunik pisarissersorneqartariaqanngimmata.

Innuttaasut suliffeqarfiillu namminersortut apeqqutinut aalajangersimasunut isummerfiginninnerat pissarsiarissallugu pisariaqartoq Naalakkersuisut isumaqarpata tusarniaavigineqartut akissuteqarnissamut Naalakkersuisunit piffissalernerqartariaqarput apeqqutit tusarniaanikkut qulaajarniarneqartut suussusiannut annertussusiannullu naleqqussagaasumik.

Akissuteqarnissamut tusarniaanermi illua'tungiusut ajornartorsiutinut aaqqikkumi-naatsunut annertuunulluunniit isummerfiginninnissaannut sivikillisamik piffissalisoqarnissaa pisariaqartoq Naalakkersuisut qaqutigooraluartumik isumaqarpata uanga paasinninnera unaavoq tusarniaaneq suliame paasissutissat tusarniaassutigineqartut pillugit naalisaanermik sukumiisumilluunniit takussutissiamik Naalakkersuisut ilaqartittariaqaraat."

Piffissaliusaaq sivikinnerpaaffimmigut qanoq sivikitsigisoq atuutissanersooq tunngaviit qulaani taaneqartut aallaavigalugit aalajangersarneqarsinnaanngilaq. Illua'tungerisatut tusarniaavigineqartut suliap imarisaasa ilaanik ilisimasaqareernerat siviisuumik piffissaliinissamik pisariaqartitsineramik aallaavittut annikillisaasarpoq.

Isumaqarpungali nalunaaquttap akunneri sisamat sivikinnerpaaffiliisinnaanermit sivikinnerusutut nalinginnaasumik isigineqartariaqartut, tassami tu-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

sarniaanermi illua'tungiusoq pineqartup imarisaanut isummernissaminut akissummillu ilusilersuinissaminut piviusumik periarfissaqartinneqartariaqarmat.

Taamaattumik isumaqarpunga Aalisarnermut, Piniarnermut Nunalerinermullu Naalackersuisoqarfiup timmissat pillugit nalunaarutip 2008-meersup aalajangersarneqarneranut atatillugu tusarniaanermut akissuteqarnissamut nalunaaquttap akunnerisa sisamat missaannaannik piffissaqartitsilluni tusarniaasimanera isorisariaqartorujussuusoq.

Aamma oqaatigaara tusarniaanermut akissuteqarnissamut piffissaliussaq 29. februar 2008-mi nal. 12.00-imut killilerneqarsimasoq, pilersaarutaasimasorlu nalunaarut 29. februar 2008-mi tamanut saqqummiunneqassasoq, 1. marts 2008-milu atortuulissasoq.

Uanga paasinninnera unaavoq piffissaliussaq taanna tusarniaanermut akissutit takkuttut sukumiisumik misissornissaannut imaluunniit nalunaarutip akissutit takkuttut tunngavigalugit allanngortinnissaanut piffissaqartitsinngitsoq. Tusarniaaneq ingerlanneqarsimasoq tamanna tunngavigalugu sunniuteqanngitsutut isigineqartariaqarpoq, taamaattumillu Aalisarnermut, Piniarnermut Nunalerinermullu Naalackersuisoqarfimmit tusarniaanermik ingerlatsinermik aallartitsisimanermut piffissatigut pilersaarusionerq isorisariaqartutut isigaa-ra.

3. *Nalunaarutit tamanut saqqummiunneqarnerat pillugu*

Aalisarnermut, Piniarnermut Nunalerinermullu Naalackersuisoqarfiup Naalackersuisut februar 2008 isummernissaannut tunngavissiaannit erserpoq nalunaarutip tamanut saqqummiunneqarnera pisortatigoortumik nassiussuunneqarnermigut kiisalu tusagassiuutitigut 29. februar 2008-mi nalunaaruteqarnikut pissasoq, nalunaarullu 1. marts 2008-mi atortuulissasoq. Isummernissamut tunngavissiamit tassannga aamma erserpoq Inatsisileriffik inatsisilerinermi teknikkikkut misissuinermi isumaqartoq nalunaarut imaluunniit nalunaarutip suliarineqarnerani periaaseq amerlanerusunik oqaaseqaateqarnissamut pissutissaqalersitsinngitsoq.

Inatsisartut Naalackersuisullu pillugit Inatsisartut inatsisaanni nr. 11-mi, 20. oktober 1998-imeersumi § 25, imm. 1-ikkut, tak. § 25, imm. 2, aalajangersarneqarpoq Naalagaaffiup Sinniisaanut, politiinut, kommuninut eqqartuussivinnullu nassiussuineq tassaasoq tamanut saqqummiusseriaaseq qilersuisuusoq. Inatsisartut Naalackersuisullu pillugit Inatsisartut inatsisaat tassaavoq inatsit nalinginnaasoq, inatsisikkut kingusinnerusukkut aalajangersarneqartukkut allanngortinneqarsinnaasoq. Taamaalilluni saqqummiusseriaatsimit atoqquneqartumit allaasumik saqqummiusseriaaseq atorneqassappat inatsisikkut aala-

jangersagaasumik atorneqaqqusaasup allanngortinneqarnerata inatsisikkut aalajangersarneqarnissaa piunasaqaataasussaavoq.²⁸

Timmissat pillugit nalunaarutip aalajangersarneqarneranut atatillugu Inatsisartut inatsisaannik tamanut pisarnertut saqqummiusseriaatsip atorneqannginnissaanik aalajangersaasumik akuersissutiginnittoqanngimmat taamaalil-luni timmissat pillugit nalunaarut Naalagaaffiup Sinniisaanut, politiinut, kom-muninut eqqartuussivinnullu nassiussuinikkut aatsaat tamanut saqqummiunne-qarpoq, tusagassiuutitigut 29. februar 2009-mi aamma tamanut saqqummiun-neqarnera apeqqutaatinnagu.

Tamanut eqqortumik saqqummiussineq innuttaasup nalunaarummik ilisima-saqarnerata (imaluunniit tusagassiuutitigut nalunaaruteqarnerup nassatari-saanik ilisimasaqartariaqarnerata) taarsersinnaanngilaa²⁹. Isumaqarpunga nalunaarutit tamanut nassiussuinikkut tusagassiuutitigullu nalunaarutikkut tamanut saqqummiunneqarsimanerannik Aalisarnermut Piniarnermut Nunale-rinermullu Naalakkersuisoqarfiup isumaqalersitsisimanera isorisariaqartuu-soq.

Nalunaarut 2008-meersoq oqaasertani malillugit 1. marts 2008-mi atortuuler-poq. Nalunaarut taanna 2. marts 2008-mi atsiorneqarsimavoq, 5. marts 2008-milu tamanut saqqummiunneqarsimalluni.

Nalunaarut 2009-meersoq oqaasertani malillugit 2. marts 2009-mi atortuuler-poq. Nalunaarut taanna 2. marts 2009-mi atsiorneqarsimavoq, 9. marts 2009-milu tamanut saqqummiunneqarsimalluni.

Isumaqarpunga ullut nalunaarutit atortuulerfiisa nalunaarutit taakku tamanut saqqummiunneqarfianni tulleriinneri malillugit ullunik tallimanik aamma arfi-neq marlunnik siusinnerunerat nalunaarutit piffissami ullormit atortuulersitsif-fimmi tamanut nalunaarutiginniffiusup tungaanut nalunaarutit qanoq atortin-neqarnerat innuttaasunut nalornilersitsisinnaasoq.

Uanga paasinninnera unaavoq, tassalu piffissamit atortuulersitsiviusumit tamanut nalunaarutiginninnerup tungaanut nalunaarutit tunngavigalugit pine-qaatissiissutinik atortitsineq Inuit Pisinnaatitaaffii pillugit Isumaqatigiissummi

- 28) Henrik Zahlep atuakkiaanni "Dansk Forfatningsret I"-imi nalunaarutininik tamanut saqqummiussisarneq matumani pineqartup pissuseqataa quppernerup 349-p nag-gataani takuuk.
- 29) Tak. Zahlip atuakkiaanni "Dansk Forfatningsret"-imi qupperneq 355 aamma U.1948.294Ø

artikel 7-imi kingumoortumik unioqutitsisunngortitsisarnissamik inerteqqum-mik unioqutitsinerusoq.

Taamaattumik ullut nalunaarutit atortuulerfiisa nalunaarutit tamanut saqqum-miunneqarfiannit siusinnerunerat isorisariaqartutut isigaara.

Inatsisartut Naalackersuisullu pillugit Inatsisartut inatsisaanni § 25, imm. 1-ip, tak. § 25, imm. 2, qanoq paasineqarnissaanik qulaani nassuiaaneq Inatsisilerinermut Inatsisinillu Atortitsinermut Immikkoortortaqaqarfiup uannut allakkamini 19. november 2009-meersuni ilalerpaa.

Inatsisilerinermut Inatsisinillu Atortitsinermut Immikkoortortaqaqarfiup uannut akissutaanit aamma erserpoq Inatsisilerinermut Inatsisinillu Atortitsinermut Immikkoortortaqaqarfiup paasinninnera unaasoq nalunaarutit Inatsisartut Naalackersuisullu pillugit Inatsisartut inatsisaanni § 25, imm. 1, tak. § 25, imm. 2, tunngavigalugu tamanut saqqummiunneqarnerminni inatsiseqartitsinikkut (aatsaat) sunniuteqalersartut, nalunaarutinillu unioqutitsinermut atatillugu pineqaatissiisutit aallaavittut aatsaat atortinneqarsinnaalersartut piffissap tamanut saqqummiussiviusup kingornatigut.

Inatsisilerinermut Inatsisinillu Atortitsinermut Immikkoortortaqaqarfiup uannut allakkamini 19. november 2009-meersuni oqaatigaa kaammattuutigigini piffissamik malittarisassap atortuulerfissaanik aalajangersaanermi tamanut saqqummiussinermik ingerlatsisarneq sillimmaanneqartassasoq, Naalackersuisoqarfiullu ataasiakkaat tamanut nalunaarutiginninnermut qaammat ataaseq tikillugu piffissaliisarnissaat Inatsisilerinermut Inatsisinillu Atortitsinermut Immikkoortortaqaqarfiup kaammattuutigigaa.

Aalisarnermut, Piniarnermut Nunalerinermullu Naalackersuisoqarfiup kaammattuummik taassuminnga malinnissimanissaa kissaatiginartuuvoq, kiisalu Inatsisileriffiup assersuutigalugu inatsisilerinermi teknikkikkut misissuinerminut atatillugu Aalisarnermut, Piniarnermut Nunalerinermullu Naalackersuisoqarfimmu kaammattuummik tassuminnga erseqqissaasimanissaa kissaatiginartuulluni.

Namminersorlutik Oqartussat nalunaarutaannik aalajangersaanermi periaatsip Namminersorlutik Oqartussani Naalackersuisoqarfinnut tamanut erseqqissaatiginissaanut Inatsisilerinermut Inatsisinillu Atortitsinermut Immikkoortortaqaqarfiup saaffiginnissutiga tunngavigalugu pissutissaqarluni isumaqarsimanagera tusaatissatut tiguara.

4. Nipangiussisimasussaatsineq

Aalisarnermut, Piniarnermut Nunalerinermullu Naalackersuisoqarfik peqatigüffimmu Timmissamut e-mailimini 14. maj 2008-meersumi imatut allappoq: "Eqqaasitsissutigisariaqarpara allagaatit ataatsimiinnernut tunngasut/imaqarniliat suleqatigiissitaliap iluinnaani atugassatut allagaataammata. Taama-

tuttaaq tusagassiuutit saaffiginnippata saaffiginnissut APNN-imut ingerlatin-neqassaaq, taannalu suleqatigiissitaliap sulinera naammassippat ataatsimut akissuteqarumaarluni." (Atorfeqarfimmi nutsigaavoq).

Aalisarnermut, Piniarnermut Nunalerinermullu Naalackersuisoqarfiup uannut allakkamini 1. oktober 2008-meersuni oqaatigaa Naalackersuisut akuersisuteqarnerisa suleqatigiissitaliallu nalunaarusiaata tamanut saqqummiunneqarnerata kingornatigut suleqatigiissitaliami ilaasortat nipangiussisimasussaatinneqarsimannigitsut.

Akissut taanna isiginiarlugu isumaqarpunga Aalisarnermut, Piniarnermut Nunalerinermullu Naalackersuisoqarfiup e-mailimik oqaasertaliinera pitsaangitsuusooq, tassami e-mailimik tiguisumut isumaqalersitsisinnaagami Aalisarnermut, Piniarnermut Nunalerinermullu Naalackersuisooq kisimi tassaasooq nalunaarusiaq inaarlugu suliarineqarsimasooq pillugu oqaaseqaateqarsinnaasooq.

Aalisarnermut, Piniarnermut Nunalerinermullu Naalackersuisoqarfiup uannut allakkamini 21. april 2009-meersuni oqaatigaa "suleqatigiissitaliami aalajangersimasut nipangiussisussaatiillugit peqquneqarsimannigillat, ingerlatsivik imaluunniit naalackersuisutigoortuunngitsumik suliniaqatigiiffik, Namminersornerullutilli Oqartussat ataanni suleqatigiissitaliat suleriaasiat eqqaasitsisutigineqarluni, tassanimi pineqarmat siulittaasooq kisimi suleqatigiissitaliaq sinnerlugu oqaaseqaateqarsinnaasooq". (Atorfeqarfimmi nutsigaavoq)

Aalisarnermut, Piniarnermut Nunalerinermullu Naalackersuisoqarfiup "Namminersornerullutik Oqartussat ataanni suleqatigiissitat" ataatsimut suleriaasiata assilinera nassiutinngilaa.

Tunnngaviutippara suleriaaseq taamaattoq piunngitsoq, isumaqarpungalu Aalisarnermut, Piniarnermut Nunalerinermullu Naalackersuisoqarfiup uannut akissummini oqaasertaliinermik Namminersornerullutik Oqartussat ataanni suleqatigiissitaliat ataatsimut suleriaasiannik suliarinnittoqarsimaneranik isumaqalersitsisinnaasumik atuinera paatsoortitsisinnaasooq.

Aalisarnermut, Piniarnermut Nunalerinermullu Naalackersuisoqarfiup uannut allakkani 1. oktober 2008-meersuni oqaatigaa e-mailip ilaatigut Timmissamut nassiunneqartup "naalakkiutit atuuttut soorlu Aalisarneq pillugu Siunnersuisooqatigiit, Nunalerineq pillugu Siunnersuisooqatigiit aamma Piniarneq pillugu Siunnersuisooqatigiit suleriaaseq aqutigalugu malitassaasa eqqaasitsisutigineqarnissaat siunertarigaa".

Timmissat pillugit suleqatigiissitaliap sulinerata Aalisarneq pillugu Siunnersuisooqatigiit imaluunniit Piniarneq pillugu Siunnersuisooqatigiit suleriaasiannit aalajangersaavigineqarsimanerata ilimaginissaanut tunngavissaqanngilanga, taamaattumillu isumaqarpunga Aalisarnermut, Piniarnermut Nunalerinermul-

lu Naalackersuisoqarfiup peqatigiiffimmut Timmissamut e-mailimi malittarisassanut taakkununga malittarisassat taakku timmissat pillugit suleqatigiissitaliamut atuuttutut paasineqarsinnaasumik innersuussinera isumaqalersitsisinnaasoq.

Aalisarnermut, Piniarnermut Nunalerinermullu Naalackersuisoqarfiup uannut allakkamini 13. august 2008-meersuni aamma 21. april 2009-meersuni oqaatigaa suleqatigiissitaliap suliaa ingerlasoq pillugu allagaatinik ...-p paasitinneqarumanera Naalackersuisoqarfiup pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-meersumi § 7, imm.1, nr. 1 aamma 3 innersuussutigalugu itigartissimagaa. Akissummi 21. april 2009-meersumit oqaatigineqarpoq ...-p "suleqatigiissitap iluani allagaatit imarisai eqqarsaatigalugit alapernaannini naammassiniarlugu suleqatigiissitami peqataasumut ataatsimut arlalinnulluunniit tunoqqutaaraluni saaffiginnissinnaanera aarlerinarsimasoq".

Taamaalilluni innuttaasut Naalackersuisoqarfiup paasinninnera malillugu allagaatinik paasitinneqarsinnaatitaanngitsut suleqatigiissitaliap ilaasortaanut saaffiginninnermikkut paasissutissanik piumasaminnik pissarsisinnaanerannik pakkersimaarinninniarnaq e-mailip taassuma aamma siunertarisimavaa.

Isuma taanna pillugu oqaatigaara suliassat suliarineqartarnerat pillugu inatsimmi § 27 tunngavigalugu nipangiussisussaataasooqarsimanersoq allagaatinik paasitinneqarsinnaatitaanerup annertussusianut tunngaviatigut sunniuteqanngitsoq.

Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 14 imaattunik oqaasertaqartoq innersuussutigaa:

"Paasissutissiisussaataaneq nipangiussisussaataaneq pillugu inatsisikkut inuiluunniit pisortani atorfeqartut suliaqartulluunniit pillugit inatsit tunngavigalugu aalajangersakkanit immikkut ittunit killilerneqarpoq. Tamanna pinerluttulerinermi inatsit, ingerlatsinermi inatsit tjenestemandillu pillugit inatsisiliornerit tunngavigalugit nalinginnaasumik nipangiussisussaataanermi atuutinngilaq."

Tamatuma manna nassataraa, tassalu innuttaasup allagaatinik paasitinneqarsinnaatitaanerannik apeqqut suliassat suliarineqartarnerat pillugu inatsimmi

avataaneersunut nipangiussisussaataanerup piunera apeqqutaatinnagu aalajangiiffigineqassasoq.

Paasitinnegarumalluni qinnuteqaammik itigartitsinermut pineqartumut pissutissaqarsimanersoq sukumiinerusumik misiliineq misissuinerma matuma killissarititaasa avataanniippoq.

Inuulli ingerlatsivimmi sulisup paasissutissat pisortat ingerlatsinerat pillugu paasitinnegarsinnaatitaaneq pillugu Inatsisartut inatsisaani pineqartunut ilaatinneqartut eqqarsaatigalugit nipangiussisussaataasinnaaanginnera tamatumunnga peqatigitillugu pineqarmat makku pingaarnerusutigut oqaatiginissaannut pissutissaqarlunga isumaqarpunga:

Pisortat ingerlatsinerat pillugu paasitinnegarsinnaatitaaneq pillugu inatsimmi § 7 imaattunik oqaasertaqarpoq:

"§ 7. Paasitinnegarsinnaatitaanermi oqartussap allakkiai allaffiup iluaniinnaq atugassat ilaatinneqanngillat. Allakkiaat allaffiup iluaniinnaq atugassatut isigineqartut tassaapput

1) allakkiaat oqartussamit nammineq atugassatut suliarineqartut,

2) oqartussaaffeqarfiup ataatsip iluani immikkoortortaqarfiit assigiinngitsut akornanni allaffigeqatigiittarnerit, aamma

3) kommunalbestyrelsip taassumalu ataatsimiititaliaasa, immikkoortortaqarfiisa aamma ingerlatsiviit allat akornanni allaffigeqatigiittarnerit."

Timmissat pillugit suleqatigiissitaliap allagaatai paasitinnegarsinnaatitaanermi pineqartunut ilaatinneqassanngippata suleqatigiissitaliap taassuma oqartussaasutut immikkoortut nammineertutullu inissisimanissaa piumasagaataavoq, tak. pisortat ingerlatsinerat pillugu paasitinnegarsinnaatitaaneq pillugu inatsimmi § 7.

Apeqqutip taassuma aalajangiivigineqarnerani suleqatigiissitap oqartussaasut allat eqqarsaatigalugit qanoq annertutigisumik nammineertuunera pingartilugu isiginiarneqassaaq, matumani suleqatigiissitap suliassaasa annertussusiat erseqqissumik qanoq annertutigisumik killissalersuiffigineqarsimanersoq ilanngullugu eqqarsaatigalugu.

Folketingip Ombudsmandia oqaaseqaammi 18. marts 2010-meersumi³⁰ CIA pillugu suleqatigiissitaliamik taaneqartoq Danmarkimi naalakkersuisunit pilersinneqarsimasoq eqqarsaatigalugu ajornartorsiut taanna pillugu sukumii-

30) http://www.ombudsmanden.dk/nyt_og_presse/alle/CIA-sagen/

6. Suliat nalinginnaasumik soqutiginaatillit, inatsiseqartitsiffiusunut agguataakkat

nerusumik nassuiaateqarpoq. Uanga paasinninnera unaavoq isummat Folke-tingip Ombudsmandiata oqaatigisaasa pissuseqataat timmissat pillugit suleqatigiissitaliaq eqqarsaatigalugu atortussaatinneqarsinnaasut, tassami pisortat ingerlatsinerat pillugu Inatsisartut inatsisaanni § 7-ip Danmarkimi paasitinneqarsinnaatitaaneq pillugu inatsimmi § 7 pissuseqatigimmagu.

Folketingip Ombudsmandiata oqaaseqaammini ilaatigut makku oqaatigai:

"Suleqatigiissitaliaq oqartussaasutut nammineertutut ilumut isigineqarsinnaassapat uanga paasinninnera unaavoq pingaarnertut tunngaviusunik qulaani taaneqartunik naliliinerni ilimagineqartutut manna piunasaqaataasariaqartoq, tassalu suleqatigiissitaliaq arlaannaannulluunniit attuumassuteqanngitsunik nammineertunillu, siulittaasumit siulittaasoqarfimmilluunniit aqunneqassasoq, suleqatigiissitaliaq aqutsisoqarfia suleqatigiissitaliami ilaasortanut aalajangersimasumik annertussusilimmik peqqusissuteqarnissaminut piginnaatitaassasoq. Aqutsisoqarfiup nammineertuuneranut arlaannaannullu attuumassuteqannginneranut tunngavisoq oqartussaasut oqartussaasulluunniit aqutsisoqarfimmik toqqaasimasog/-sut eqqarsaatigalugu/-git suleqatigiissitaliamullu allattoqarfeqartitsisoq/-sut eqqarsaatigalugu/-git aamma atuuppoq.

(...)

Taamaalilluni suleqatigiissitaliap katitigaanerani erserpoq oqartussaasut assigiingitsut sinniisaannik ilaasortaartoq, suleqatigiissitaliaq siulittaasoqarfia Udenrigsministereqarfimmit isumagineqartoq.

(...)

Suleqatigiissitaliap immi oqartussaasutut nammineertutut oqartussaasulluunniit arlallit akornanni suleqatigiinnerinnartut isigineqarsinnaanerani naliliinermi siulittaasoqarfiup immi oqartussaasuunera, tassalu Udenrigsministereqarfiup pineqarnera, pingaartillugu isiginiarpara. Suleqatigiissitaliap aqutsisoqarfiata oqartussaasuunera, imaangitsoq inuup aalajangersimasup toqqaagasup - ass. suleqatigiissitaliap siulittaasuattut - suleqatigiissitaliap oqartussaasutut nammineertutut isigineqarsinnaanerani uanga paasinninnera malillugu assortuisuavoq.

Suleqatigiissitaliap oqartussaasutut nammineertutut isigineqarsinnaanerani naliliinermut atatillugu manna aamma maluginiarpara, tassalu Udenrigsministereqarfik (siulittaasoqarfiusoq) suleqatigiissitaliap allagaataanik nalunaarsuinerumit normumik (journalnormumik) immikkut pilersitsisimangitsoq, Udenrigsministereqarfiullu allagaatai/nalunaarsueriaasia ministereqarfimmi sulisut tamarmik tunngaviatigut takusinnaagaat/paasisaqarfigisinnaagaat.

(...)

Suleqatigiissitaliap sulinerminik aaqqissuussinera, matumani siulittaasoqarfiup sulinerani ilanngullugu eqqarsaatigalugu, pillugu paasissutissat pingaartillugit aammattaaq isiginiarpakka. Udenrigsministereqarfiup allagaata nr. 83 ilaatigut inner-suussutigaara. Allagaat taanna ministereqarfiup paasitinneqarsinnaatitaanermi pineqartunut ilaatinnigilaa, pingaarnerusutigullu oqaatigisinnaavara taanna tassaa-soq nassuiaammi Udenrigsministereqarfimmi suliarineqarsimasumi immikkoortuujumaartussatut naatsorsuutigineqartut pillugit takussutissiaq, oqartussaasunullu suleqatigiissitaliap sulinerani peqataasunut nassiuinneqarsimasoq. Immikkoortut nassuiaatip imarisassaasa ataasiakkaat nalaasigut maanna oqaatigineqartarsimavoq, tassalu akisussaasutut oqartussaasooq sorleq (tassalu imaannigitoq suleqatigiissitaliami inuk aqqatigut taasaq) suliamik taassuminnga suliarinnittussaaneersoq. Aamma paasissutissiissutigineqarsimavoq akisussaasutut oqartussaasup taassuma oqartussaasut allersariaattut oqartussaasuinit suliamut ilanngussassat pissarsiariniarneqarnissaat akisussaaffigaa. Tassa imaappoq ilanngussassat akisussaasutut oqartussaasunit pineqartunit tunniunneqartut ataasiakkaat imarisaannut akisussasunit tunniunneqartarsimasut.

Udenrigsministereqarfiup siulittaasoqarfiup sulinerani pillugu uannut oqaaseqaatimini 25. marts 2009-meersuni ilaatigut makku oqaatigai:

"Nassuiaat allagaatillu nassuiaammut attuumassuteqartut Udenrigsministereqarfiup CIA pillugu suleqatigiissitaliami siulittaasuusup peqqusineratigut tassungalu akisussaaffeqarluni pilersimapput. Siulittaasoqarfik allattoqarfittut iluseqarpoq, Udenrigsministereqarfimmi Folkeretskontorip pisortaanit siulersorneqartoq/aqunneqartoq, suleqatigiissitaliami sulinerup nakkutigineqarnissaa nassuiaatillu katersorlugu allanneqarnissaa inaarsarneqarnissaalu siunertaralugit."

Allagaatit pillugit takussutissiaq nassiuinneqartoq imatut paasivara suleqatigiissitaliap nassuiaatissatut ataatsimut missingiusiaata naalakkersuisut ataqatigiissaarinnermut ataatsimiititaliaanut saqqummiunneqarnissaa Udenrigsministereqarfiup suliarisariaq (ass. allagaat nr. 429, nr. 430 aamma nr. 431), nassuiaatillu tamanut saqqummiunneqarnissaata piareersarneqarnera ministereqarfiup aamma suliarisariaq (ass. allagaatit nr. 461, nr. 469, nr. 472, nr. 474).

(...)" (Atorfeqarfimmi nutsigaavoq)

Timmissat pillugit suleqatigiissitaliaq eqqarsaatigalugu pineqartoq tassaavoq suleqatigiissitaliamut suliakkiissummi Aalisarnermut, Piniarnermut Nunalerinnermullu Naalakkersuisoqarfiup "aqutsisutut" taaneqarsimanera, kiisalu suleqatigiissitaliap Naalakkersuisunut inassuteqaatai august 2008-meersut Naa-

lakkersuisoqarfimmit tassannga suliarineqarsimanerat, siuleqummilu Naalakkersuisunut ilaasortap ilaatigut imatut allassimanagera:

"Inatsisartut 2007-imi ukiakkut ataatsimiinnerannulli atatillugu (UKA2007/I 02) aalajangerneqarpoq suleqatigiissitaliaq assigiinngisitaarluartunik ilaasortalik pilersinneqassasoq, taannalu timmissat pillugit nalunaarutit taamanikkut atuuttut allannguuteqartinneqassappata allannguutissat pillugit kaammattuutinik saqqummiussissasoq.

Suleqatigiissitaliaq taanna marts 2008-mi pilersinneqarsimavoq, ukunanngalu sinniisuuffigineqarluni: Attaveqarnermut Avatangiisinullu Naalakkersuisoqarfik (AAN - ataatsimiinnernik aqutsisoq), Pinngortitaleriffik, Kalaallit Nunaanni Aalisartut Piniartullu Kattuffiat (KNAPK), Sunngiffimmi Aallaaniartartut Peqatigiiffiat (TPAK), Peqatigiiffik Timmiaq, Avatangiisit pillugit peqatigiiffik Avataq kiisalu Aalisarnermut, Piniarnermut Nunalerinermullu Naalakkersuisoqarfik (APN - imaqarniliortoq nalunaarusiamullu akisussaasoq). Kalaallit Nunaanni Kommunit Kattuffiat (KANUKOKA) peqataaqullugu aggersarneqarpoq, pisinnaananili nalunaarluni." (Atorfeqarfimmi nutsigaavoq)

Isumaqarpunga pissutsit makku ataatsimut isigalugit manna nassatarigaat, tassalu timmissat pillugit suleqatigiissitaliaq oqartussaasutut nammineertutut isigineqarsinnaannginnera, oqartussaasulli akornanni suleqatigiinnertut suliniaqatigiiffiit namminersortut aamma peqataaffigisaattut:

- *Aalisarnermut, Piniarnermut Nunalerinermullu Naalakkersuisoqarfiup suliakkiissummi suleqatigiissitaliaqmut "aqutsisutut" taaneqarsimanagera.*
- *Suleqatigiissitaliaq ataatsimiinneri Attaveqarnermut Avatangiisinullu Naalakkersuisoqarfimmit aqunneqartunit pisortarpiaasumik toqqaasoqarsimanninnera.*
- *Aalisarnermut, Piniarnermut Nunalerinermullu Naalakkersuisoqarfiup suleqatigiissitaliaqmut allattoqarfittut allatigut isumaginnittuunera suleqatigiissitaliaqmut nalunaarusiaanik suliarinnittuunera.*
- *Ingerlatsineq pillugu inatsiseqartitsinermi suleqatigiissitaliaq oqartussaasumut suleqatigiissitaliaqmut pilersitsisumut ilaasup aallaaviusimanagera³¹.*
- *Aalisarnermut, Piniarnermut Nunalerinermullu Naalakkersuisoqarfiup suleqatigiissitaliaq pillugu allagaatinik paasitinnegarumalluni qinnuteqaatinik aalajangiiviginnittuusimanagera.*

Tamanna tunngavigalugu uanga paasinninnera aamma unaavoq suleqatigiissitaliaq pillugu allagaatit oqartussaasut akuusut akornanni imaluunniit oqartussaasut akuusut taakku suliniaqatigiillu suleqatigiissitaliaqmut peqataasut

31) Paasitinnegarumalluni pillugu inatsit pillugu isumaliutissiissut 1510/2009, qupperneq 148.

akornanni paarlaateqatigiinneqarsimasut sulinerup iluinnaani atugassatut allagaatit pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 7 tunngavigalugu paasitinneqarsinnaatitaanermi pineqartunut ilaatinneqanngitsoorsinnaasimannngitsut.

Taamaattumik allagaatit oqartussaasut suliniaqatigiiffiillu suleqatigiissitaliami peqataasut akornanni paarlaateqatigiinneqartut pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 4, imm. 1-imi malittarisassaq pingaarneq tunngavigalugu paasitinneqarsinnaatitaanermi pineqartunut aallaavittut ilaatinneqarput.

Tamatunnga peqatigitillugu oqaatigaara Aalisarnermut, Piniarnermut Nunalerinermullu Naalackersuisoqarfiup tusarniaanermut akissummini 21. april 2009-meersumi innersuussutigigaa allagaatinik paasitinneqarumaneq pisortat ingerlatsinerat pillugu Inatsisartut inatsisaanni § 10, nr. 1 aamma nr. 3 imaatunik imaqartut tunngavigalugit itigartitsissutigineqarsinnaasoq:

"§ 10. Paasitinneqarsinnaatitaanermut ilaatinneqanngillat:

1) Naalackersuisut ataatsimiinnerinit imaqarniliuinerit allakkiillu allat oqartussamit ataatsimiinnerni taamaattuni atugassanngorlugit suliarineqartut.

2) (...)

3) Allakkiat, oqartussap oqartussaqaq alla sinnerlugu allattoqarfiuneranut atatillugu allakkiarineqarsimasut."

Nr. 1 pillugu oqaatigaara uanga naliliinera unaasoq suleqatigiissitaliap Naalackersuisunut inaarutaasumik nalunaarusiaa kisimi aalajangersagaq taanna paasitinneqarsinnaatitaanermi aalajangersagaq taanna tunngavigalugu ilaatinneqanngitsoorsinnaasoq.

Nr. 3 pillugu oqaatigaara suleqatigiissitaliap suleriaasianik allaaserisat pineqartut isiginiarlugit manna erseqqarlussorinartoq, tassalu pisortani oqartussaasoq suleqatigiinnermut atatillugu oqartussaasumut allamut allatseqarfittut suliassanik suliarinnissimanersoq.

Tulliullugu oqaatigaara suleqatigiissitaliap immikkut ilisimasallit, suliniaqatigiit suliffeqarfiillu namminersortut peqataaffigisaata iluani suleriaaseq illersorniarlugu pisariaqarsinnaasoq suliamullu attuumassuteqartumik tunngavilersuisoqarsinnaasoq suleqatigiissitaliami avataanit peqataasut taakku innuttaasunit pisariaqanngitsumik tatineqaratik aamma isornartorsiorneqartut tamatumunnga atatillugu sulinerminnullu ilaatillugu isummaminnik paarlaate-

6. Suliat nalinginnaasumik soqutiginaatillit, inatsiseqartitsiffiusunut agguataakkat

qatigiittarnissaminnut isumaqatigiinniarnissaminnullu periarfissaqartariaqartut.

Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 13 pisariaqartitap taassuma sillimmaanneqarnissaanut periarfissiivoq.

Timmissalli pillugit suleqatigiissitaliap Naalakkersuisunut kaammattuutaanit erserpoq kaammattuutit taakku Aalisarnermut, Piniarnermut Nunalerinermullu Naalakkersuisoqarfimmit kaammattuutaasut, taamatuttaarlu suliniaqatigiiffiit oqartussaasullu suleqatigiissitaliami peqataasimasut immikkut isummerneri erseqqissarneqarsimallutik, taamaalilluni suleqatigiissitaliap nassuiaataa suleqatigiissitaliami peqataasut tusarniaanermut akissutaattut iluseqarnerulluni, suleqatigiissitaliamit ataasiusumut/tamarmiusumit kaammattuutitut iluseqarnerunani.

Tamanna tunngavigalugu manna nalorninartutut isigaara, tassalu suleqatigiissitaliap sulineranut atatillugu paasissutissanik paasitinneqarsinnaatitaanermi pineqartunut ilaatinngitsoorneqarsinnaasunik pissarsisoqarsimanersoq.

Uanga paasinninnera unaavoq Aalisarnermut, Piniarnermut Nunalerinermullu Naalakkersuisoqarfiup suleqatigiissitaliami ilaasortanut suleqatigiissitaliami sulineq pillugu oqaaseqaateqarsinnaanermik killissalersuutit pillugit peq-qusissuteqannginnermini suleqatigiissitaliaq allagaatinik paasissutissiisinnatitaanersoq immikkut naliliiviginnissimannginnera isorisariaqartumik kukkunerusoq.

Peqatigiiffiup Timmissap uannut naammagittaalliummini oqaatigaa nipa-ngiussisimaqqusineq Århusimi isumaqatigiissummik unioqqutitsinerusussaa-soq. Tamanna Peqatigiiffiup Timmissap suliame illua'tungiusutut isumaqatigiissut tunngavigalugu piginnaatitaanerinik atuinissaminut periarfissaqarluarsimanera innersuussutigalugu Aalisarnermut, Piniarnermut Nunalerinermullu Naalakkersuisoqarfiup ilumuunnginnerarpa.

Tamanna pillugu oqaatigaara isumaqatigiissut taanna Kalaallit Nunaat ilaattinnagu Danmarkimut atortussatut akuerineqarsimammat. Taamaalilluni isumaqatigiissut taanna Kalaallit Nunaannut atuutinngilaq.

Tulliullugu oqaatigaara Aalisarnermut, Piniarnermut Nunalerinermullu Naalakkersuisoqarfiup e-mailikkut nassiussaata Timmissap naammagittaalliuutata ilumut pissutissaqarnerani aamma apeqqutaasoq Timmissap aamma peqatigiiffiup taassuma suleqatigiissitaliami sinniisaa suliassat suliarineqartarnerat

pillugu inatsimmi nipangiussisussaataaneq pillugu malittarisassani pineqartunut ilaatinneqarnersoq.

Suliassat suliarineqartarnerat pillugu inatsimmi § 27 imaattunik oqaasertaqarpoq:

"§ 27. Pisortat ingerlatsiviini suliffilik allanut tusarliussisussaataannngilaq, tak. pinerluttuliorneq pillugu inatsisini § 29, suna ilisimasaq inatsisitigut imaluunniit aalajangersakkakut atortuusukkut allakut tasaaneragaappat allanut oqaatigeqqungisaq, imaluunniit aamma pisariaqarpat isertuutissallugu pisortat inuinnaalluunniit soqutigisaat pingaaruteqartut pissutigalugit, aamma pingaartumik makku pissutigalugit

1) naalagaaffiup isumannaatsuunissaa illersorneqarnissaaluunniit

2) naalagaaffiup nunani allani naalakkersuinikkut imaluunniit aningaasarsiornikkut soqutigisai, tamakkununnga ilanngullugit naalagaaffinnut allanut pissaanilinnut imaluunniit naalagaaffiit assigiinngitsut soqutigisaannut tunngasut,

3) inatsisinik unioqqutitsinernik pinaveersaartitsineq, paasiniaaneq eqqartuussisunullu suliassanngortitsiniarneq kiisalu pinerlunnermut tunngasumik eqqartuussutit naammassineqarnissaat aamma pinerluttunik imaluunniit ileqqussanik unioqqutitsisunik suliassanngortitsiniarnerni pasilligaasut, ilisimannittut imaluunniit allat illersorneqarnissaat,

4) akileraartarnermut akitsuuteqartitsisarnermullu inatsisit naapertorlugit pisortatigut misissuineq, killilersuineq imaluunniit pilersaarusiortarneq imaluunniit iliuuserissamaakkatut eqqarsaatigineqartut,

5) pisortat aningaasanut tunngasutigut soqutigisaat, tamakkununnga ilanngullugu pisortat niuerneramik ingerlatsinerat,

6) inuit ataasiakkaat imaluunniit ingerlatsiviit namminersortut imaluunniit peqatigiiffiit imminnut tunngasut, tamakkununnga ilanngullugit aningaasarsiornermut tunngasut, pillugit paasissutissanik illersuimallutik soqutigisaat, imaluunniit

7) inuit ataasiakkaat imaluunniit ingerlatsiviit imaluunniit peqatigiiffiit teknikkikkut atortorisat imaluunniit periaatsit pillugit imaluunniit ingerlatsineranut imaluunniit niuerneranut tunngasut pillugit paasissutissanik illersuimallutik aningaasatigut soqutigisaat.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Imm. 2. Pisortat ingerlatsiviini allanut tusarliuteqqusaanngissinnaavoq taamaallaat sumut ilisimasamut tunngasoq, pisariaqarpat isertuutissallugu pisortat inuinnaaluunniit soqutigisaat imm. 1-imi taaneqartutut pingaaruteqartut pissutigalugit.

Imm. 3. Ingerlatsinermut oqartussaasut aalajangiisinnaapput kialuunniit pisortat ingerlatsiviini suliffeqanngitsup paasisutissat allanut oqaatigeqqusaanngitsut oqartussaasut pisussaaffiginagu inummumt tassunga tusartissimasaat pillugit allanut tusarliisussaataannginnissaanik.

Imm. 4. § 1, imm. 2, naapertorlugu allanut tusarliussisussaanninngineq pillugu maleruagassaliortoqarpat, imaluunniit imm. 3 naapertorlugu allanut tusarliusseqqusinninngineq (kimulluunniit) pisussaaffigitinneqassappat, maleruagassanik imaluunniit peqqussutinik taamaattunik unioqutitsinermi pinerluttuliorneq pillugu inatsisini § 29 taamaalluni atortuussaaq."

Suliassat suliarineqartarnerat pillugu inatsisissatut siunnersuummit Inatsisartut 1994-imi upernaakkut ataatsimiinneranni oqalusserisassatut nr. 8-tut saqqummiunneqartumit erserpoq inatsisissatut siunnersuut taanna Danmarkimi ingerlatsineq pillugu inatsit aallaavigalugu suliarineqarsimasoq.

Danmarkimi ingerlatsineq pillugu inatsisissap piareersarlugu suliarineqarnerani sulianit erserpoq inatsimmi nipangiussisussaataaneq pillugu malittarisassat nipangiussisussaataaneq pillugu isumaliutissiissut 998, 25. oktober 1983-imeersoq (isumaliutissiissut 998/1894) aallaavigalugu suliarineqarsimasoq.

Taamaattumik inatsiseqartitsinermi tunngaviit taakku suliamik naliliininni ilaatippakka.

Pisortat ingerlatsinerat pillugu Inatsisartut inatsisaanni § 27, imm. 1-imi taaguut "pisortat ingerlatsiviini suliffilik" atorineqarpoq.

Taaguummumt tassunga tunuliaqutaasoq eqqarsaatigalugu isumaliutissiissummi 998/1984-imi quppernerit 198 tullialu innersuussutigaakka:

"Pillaasarneq pillugu inatsit tunngavigalugu tunngaviusumik nipangiussisussaataaneq inunnut pisortat ingerlatsiviini sulisunut sulisimasunulluunniit kiisalu inunnut suliasani pisortani oqartussaasumut isumaqatigiissut tunngavigalugu suliarineqartuni sulisunut sulisimasunulluunniit atuuppoq.

Immikkoortumili 4-mi inatsiseqartitsinikkut atuuttut pillugit oqaatigineqartutut taaguummi "pisortat ingerlatsiviini suliffilik"-mi pisortat ingerlatsiviini sulisut tamarfik pineqarnerisut nalornissutigineqarsinnaavoq. Tamatumani pingaartumik eqqarsaatigineqarput inuit ingerlatsivittut immikkoortuni nammineertuni, Danmarks Nationalbankitut aamma Danmarksradiotut inatsiseqartitsinikkut nammineertitaasutut

ittuni, kiisalu suliffeqarfinni inuit ataasiakkaat pillugit inatsiseqartitsineq tunngavigalugu pilersinneqarsimasuni, aalajangiisuusumilli pisortanit sunniuteqarfigineqartuni nakkutigineqartunilu sulisut. Pisortat ingerlatsiviini sulisut kikkulluunniit taamalu ingerlatsineq pillugu inatsisiliornermi nutaanerusumi pineqartunut ilaatinneqartut ataatsimut nipangiussisussaataitanermi pineqartunut aamma ilaatinneqarnissaat qulakkeerniarlugu ataatsimiititaliami amerlanerussuteqartut isumaqarput inuit pisortat ingerlatsiviini suliassanilluunniit pisortanit suliassiissutigineqartunik suliqartut pineqartunut ilaatinneqarnerat § 6 a, imm. 1-imi oqaaseqatigiittut siulertut missingiummi erseqqissarneqarpat tamanna eqqornerpaassasoq." (Atorfeqarfimmi nutsigaavoq)

Aammattaaq ingerlatsineq pillugu inatsisissatut siunnersuut Folketingimut 2. oktober 1985-imi saqqummiunneqartoq pillugu oqaaseqatigiinnit nalinginnaasunit imaattut aammattaaq erserput:

"Inatsisissatut siunnersuummi kapitali 8-mi nipangiussisussaataaneq il.il. pillugit aalajangersakkat "Nipangiussisussaataaneq pillugu isumaliutissiissut (nr. 998/1984) aamma pillaasarneq pillugu inatsit pillugu siunnersuisoqatigiit pillaasarneq pillugu inatsimmi nipangiussisussaataitanermik unioqqutitsineq pillugu malittarisassat pillugit oqaaseqaataat 13. maj 1985-imeersoq aallaavigalugit suliarineqarsimapput. Pillaasarneq pillugu inatsit pillugu siunnersuisoqatigiit oqaaseqaataat pillaasarneq pillugu inatsimmi nipangiussisussaataaneq pillugu malittarisassat allannguutissaattut siunnersuummut peqatigitillugu saqqummiunneqartumut ilanngussatut naqitertinneqarsimavoq.

Pillaasarneq pillugu inatsimmi nipangiussisussaataaneq pillugu malittarisassani allannguutit arlallit saniatigut nipangiussisussaataaneq pillugu ataatsimiititaliap siunnersuutigaa ingerlatsineq pillugu ataatsimut inatsimmi nipangiussisussaataaneq pillugu aamma paasissutissanik oqartussaasut akornanni paarlaateqatigiittarneq pillugu aalajangersakkanik aalajangersaasoqassasoq.

Nipangiussisussaataitanermik apeqqut eqqarsaatigalugu ataatsimiititaliami amerlanerussuteqartut (ilaasortaq ataaseq kisimi pinnani) nipangiussisussaataaneq pillugu malittarisassat atuuttut misissoreerlugit siunnersuutigaat manna ingerlatsineq pillugu inatsimmi erseqqissarneqassasoq, tassalu pisortat ingerlatsiviini suliffillit suliassaqartitaasullu tamarmik pillaasarneq pillugu inatsimmi § 152-imi pineqartunut imaaliallaannaq ilaatinneqassasut.

Amerlanerussuteqartut aammattaaq siunnersuutigaat inuit ataatsimoortukkuutaat erseqqinnerusumik taaneqartut - pisortat ingerlatsiviini sulisuunnigikkaluartut pisortanilluunniit suliassaqartitaannigikkaluartut ingerlatsinermi sulianik ingerlataqartut ingerlatsiviulluunniit paasissutissaataanik pissarsisut - nalunaarutikkut i-

6. Suliat nalinginnaasumik soqutiginaatillit, inatsiseqartitsiffiusunut agguataakkat

ngerlatsiviulluunniit aalajangiineratigut pillaasarneq pillugu inatsimmi nipangiussisussaataaneq pillugu aalajangersakkani pineqartunut ilaatinneqalernissaannut periarfissiisoqassasoq.

Malittarisassanik pillaasarneq pillugu inatsimmi nipangiussisussaataaneq pillugu aalajangersakkani kikkulluunniit pisortat ingerlatsiivini pineqartunut ilaatinneqartut tamarmik ilaatinneqarnerannik erseqqissaasunik ingerlatsineq pillugu inatsimmi aalajangersaasoqartariaqarneranik ataatsimiititaliap oqarnera Justitsministereqarfiup isumaqatigaa. Nipangiussisussaataanermi pisortat ingerlatsiveqarfiisa avataanni inuit ataatsimoortukkuutaat aalajangersimasut ilaatilerlugit annertusineqarnissaanut tunngavissamik ingerlatsineq pillugu inatsimmi aalajangersaasoqarnissaa Justitsministereqarfiup aammattaaq isumaqatigaa. (Atorfeqarfimmi nutsigaavoq)

Inatsisissatut siunnersuummi § 27, suliassat suliarineqartarnerat pillugu inatsimmi § 27-p pissuseqataa, pillugu oqaaseqaatit imaapput:

"Imm. 1-imi erseqqissarneqarpoq pillaasarneq pillugu inatsimmi pisortat ingerlatsiivini sulisut pisortanilluunniit suliassaqartitaasut tamarmik nipangiussisussaataaneq pillugu malittarisassani pineqartunut ilaatineqartut, naalagaaffiup ingerlatsiiviniut kommunilluunniit ingerlatsiiviniut, aalajangiisartunut siunnersuisoqatigiinnulluunniit immikkut ittunut imaluunniit ingerlatsiveqarfittut immikkut ittutut taaneqartunut, soorlu Danmarks Nationalbankimut, Danmarksradiomut ATP-mullu atarnerat apeqqutaatinnagu. Inuit suliffeqarfinnut imminnut pigisunut atasut pillaasarneq pillugu inatsimmi nipangiussisussaataaneq pillugu aalajangersakkani pineqartunut imaaliillaannaq aamma ilaatinneqassapput, suliffeqarfik pineqartoq pisortani sulineramik annertunerusumik suliaqartarpat, taamalu pisortat sukumiisumik aalajangersaaviginninneranni nakkutilliinerannilu pineqartunut ilaatinneqarpat, tak. pisortat ingerlatsinerat pillugu paasitinneqarsinnaataaneq pillugu inatsisissatut siunnersuummi § 1 pillugu oqaaseqaatit. Aamma sulisut kommunit ataatsimoorussiviinut kommuninik aqutsineq pillugu inatsimmi § 60 tunngavigalugu akuerineqartussanut atasut inatsimmi pineqartunut imaaliillaannaq ilaatinneqassapput.

Nipangiussisussaataaneq tjenestemandinut isumaqatigiissullu (overenskomst) tunngavigalugu atorfeqartitaasunut atuuppoq, atorfeqartitaagallarneq piffissalluunniit ilaannaani sulisussatut atorneqartitaaneq aamma apeqqutaatinnagu.

Aammattaaq inuit pisortanit suliassaqartitaasut nipangiussisussaataapput. Tamanna atuuppoq suliassaqartitaanerup ataavartuunera sivikitsuuneraluunniit, akissarsiaqartitaaneq akissarsiaqartitaanninnerluunniit apeqqutaatinnagu, suliassaqartitaanerullu toqqagaanermik qinigaanermilluunniit tunngaveqarnera apeqqutaatinnagu. Nipangiussisussaataanermi aamma inuit aalajangiisartuni ilaasortaanut il.il. taartaasussatut toqqakkat pineqartunut ilaatinneqarput, ass. pineqartut

sivikitsumik piffissaligaallutik atuuffissaminni susoqarneranik ingerlaavartumik ilisimatinneqartarunik. Nipangiussisussaataaneq pillugu isumaliutissiisummi (nr. 998/1984-imi) quppernerit 198-199 aamma innersuussutigineqarput." (Atorfeqarfimmi nutsigaavoq)

Ataatsimoorussiviusuni soqutigisallit sinniisaasa nipangiussisussaataanerannik apeqqut isumaliutissiisummi 998/1984-imi sammineqarpoq:

"Siunnersuisoqatigiinni aalajangiisartunilu il.il. ilaasortat soqutigisaqaqatigiiffinit (inassuteqaateqarnikkut) toqqagaasut kikkut "susassaqaanngitsut" isigineqarsinnaanerit eqqarsaatigalugu tamanna nalornilersitsisinnaavoq, Bent Christensenillu atuakkiaani "Råd og nævn"-imi (1950) quppernermi 170-imi note 21-mi aamma oqaatigineqarpoq siunnersuisoqatigiinni aalajangiisartunilu ilaasortat tjenestemanditut annertutigikannersumik nipangiussisussaataanerit pillugu oqaaseqaat matumani ataavartumik aalajangiusimaneqarsinnaanngitsoq. Taamaalilluni siunnersuisoqatigiinni ajornartorsiutit nalinginnaasut pillugit oqalliffiusartuni suliniaqatigiiffinnut nipangiussisussaataaneq imaaliillaannaq atuutissagunannilaq. Kisiannili aalajangiisartuni qinnuteqaatinik suliarinnittartuni, sulianik inunnut ataasiakkaarpasuarunut tunngasunik suliarinniffiusartuni Bent Christensenip oqarnera malillugu suliani ataasiakkaani nipangiussisussaataaneq atuutussaavoq, aamma suliniaqatigiiffinnut, taamaattorli tunaartarisassat malinneqartut pillugit sinniisut nassuiaateqartarnissaat akornuserneqarsinnaagunarani. Bent Christensen oqarpoq isumaqarluni naammagittaalliuuteqartarfinni tamakkiisumik nipangiussisussaataaneq aalajangiusimaniarneqartariaqartoq." (Atorfeqarfimmi nutsigaavoq)

Uanga paasinninnera unaavoq suleqatigiinnermi timmissat pillugit suleqatigiissitaliamik taaneqartumi Timmissap ilaasortaaffigisaani Timmissap suliniaqatigiiffiillu namminersortut allat sinniisaat pisortanit suliaassiisummik suliaqartut, taamalu "pisortat ingerlatsiviini suliffilittut" isigisariaqartut, tak. suliaassat suliarineqartarnerat pillugu inatsimmi § 27, imm. 1.

Tamatunngali peqatigitillugu uanga paasinninnera unaavoq suleqatigiissitaliami ilaasortat nipangiussisussaataanerit immi imatut paasineqarsinnaanngitsoq suleqatigiinnermi soqutigisaqaqatigiit namminersortut sinniisaat suleqatigiissitaliap suliarinera pillugu oqaaseqaateqarnissaminnut nalinginnaasumik mattunneqarsimasut.

Siullertut nipangiussisussaataaneq suliaassat suliarineqartarnerat pillugu inatsimmi § 27, imm. 1-imi ersertutut annertutigisumik taamaallaat atuuppoq.

Aappaattut suliniaqatigiiffiit namminersortut suleqatigiinnermi sinniisaat paasissutissanik suliniaqatigiiffinnut tunuliaqutarisaminnut ingerlatitseqqinnissa-

minnut aallaavittut mattunneqarsimasussaangillat. Tamanna eqqarsaatigalugu isumaliutissiisummi 998/1984-imi qupperneq 97 innersuussutigaaara:

"Siunnersuisoqatigiinni aalajangiisartunilu il.il. ilaasortat soqutigisaqaqatigiiffinit (inassuteqaateqarnikkut) toqqagaasut kikkut "susassaqaanngitsutut" isigineqarsinnaanerat eqqarsaatigalugu tamanna nalornilersitsisinnaavoq, Bent Christensenillu atuakkiaani "Råd og nævn"-imi (1950) quppernermi 170-imi note 21-mi aamma oqaatigineqarpoq siunnersuisoqatigiinni aalajangiisartunilu ilaasortat tjenestemanditut annertutigikannersumik nipangiussisussaataitanerat pillugu oqaaseqaat matumani ataavartumik aalajangiusimaneqarsinnaanngitsoq. Taamaalilluni siunnersuisoqatigiinni ajornartorsiutit nalinginnaasut pillugu oqalliffiusartuni suliniaqatigiiffinnut nipangiussisussaataitaneq imaaliallaannaq atuutissagunangilaq." (Atorfeqarfimmi nutsigaavoq)

Tassani aamma ilaavoq matuma nalorninarsorinarnera, tassalu paasisutissat timmissat pillugit suleqatigiissitaliap sulineranut atatillugu saqqummertut isertuussassatut isigineqarsinnaanersut, aamma tak. allagaatinik paasitinnerqarsinnaatitaneq pillugu siusinnerusukkut oqaaseqaatikka.

Taamaalilluni uanga ataatsimut isigalunga paasinninnera unaavoq Aalisarnermut, Piniarnermut Nunalerinermullu Naalakkersuisoqarfiup timmissat pillugit suleqatigiissitaliami ilaasortat nipangiussisussaataitasut peqqusissutigisallugu naammattumik tunngavissaqarsimannginnera.

Tamatuma kingornatigut isumaqarpunga Naalakkersuisoqarfiup e-mailia 14. maj 2008-meersoq isorisariaqartuusoq.

Nipangiussisussaataitanermik apeqqummut attuumassuteqaanngitsumik isumaqarpunga matuma oqaatiginissaanut pissutissaqarlunga, tassalu Timmiaq suliniaqatigiiffiillu allat timmissat pillugit suleqatigiissitaliami Naalakkersuisunit peqataasunngortinneqarsimasut, suliniaqatigiiffiit pineqartut suleqatigiinnermi sinniisunik aalajangersimasunik toqqaanissaat piumasaaqatiginaagu, tamatumalu suliniaqatigiiffiit peqataanerat pisussaaffiliisumik annertunerusumillu suleqatigiinnerunersoq tusarniaaviginninnerinnaanersorluunniit nalorninarsisikkaa.

Suleqatigiissitaliap Naalakkersuisunut nassuiaataa taamatut nalorninermut aamma pissutaaqataavoq, tak. tamanna pillugu siusinnerusukkut oqaaseqaatikka.

Tamanna tunngavigalugu inassuteqaatigaara Naalakkersuisut siunissami suleqatigiissitalianik immikkut ilisimasallit, suliffeqarfuit suliniaqatigiiffiilluunniit namminersortut peqataaffigisaannik pilersitsisarnissani oqartussaasoq suleqatigiissitaliamik pilersitsisimasoq eqqarsaatigalugu suleqatigiissitaliap qanoq inissisimanagera qulaajarniarlugu suleqatigiissitaliap qanoq aaqqissuunne-

qarnissaa pisuni ataasiakkaani isummerfigisassagaat, namminersortunillu peqataatitsinerup siunertaa tusarniaanernik ingerlatsinikkut naammassiniarneqarsinnaanersoq siumoortumik isumaliutersuutigineqareertassasoq.

5. Allakkanik ulluliisarneq - ingerlatsinermi ileqqorissaarneq

Aalisarnermut, Piniarnermut Nunalerinermullu Naalackersuisoqarfiup uannut oqaatigaa nalunaarut 2008-meersoq pillugu tusarniaalluni allakkat 29. februar 2008-mi nassiunneqarsimasut. Allakkat assilinerat nassiunneqartoq 28. februar 2009-mi ullulerneqarsimavoq.

Nikingassuteqarneq taanna Aalisarnermut, Piniarnermut Nunalerinermullu Naalackersuisoqarfiup nassuiarsinnaasimanngilaa.

Uanga paasinninnera unaavoq Aalisarnermut, Piniarnermut Nunalerinermullu Naalackersuisoqarfiup - minnerunngitsumik uppersaasarsuinermi nakkutilliinermilu isiginiagassat eqqarsaatigalugit - allakkami ullulerneqarnerisa paatsoorneqarsinnaasuunnginnissaat isumagisariaqaraa.

Taamaattumik inassuteqaatigaara allakkat e-maililluunniit Naalackersuisoqarfimmit ulloq suna nassiunneqarsimasut suliami paatsoorneqarsinnaanngitsumik takuneqarsinnaanissaat Naalackersuisoqarfiup siunissami eqqumaffigissagaa. Naalackersuisoqarfiup allakkat e-mailinut kackersaallugit nassiuppagit allakkat taakku malittarisassatut pingaarnertut ullormi allakkat taakkua e-mailikkut nassiunneqarfianni ullulerneqarsimasariaqarput. Taamaanngippat ulluliussat assigiinnginnerat - nakkutilliineq eqqarsaatigalugu - suliami kingusinnerusukkut takuneqarsinnaasuunngortinneqartariaqarpoq.

Naalackersuisoqarfiup uannut oqaatigaa tusarniaanermut akissuteqarnissamut piffissaliussaq 29. februar 2008-mut aalajangersarneqarsimasoq. Tusarniaanermili avammut allakkat assilineranni nassiunneqartumi oqaatigineqarpoq tusarniaanermut akissuteqarnissamut piffissaliussaq tassaasoq 29. marts 2008.

Ingerlatsiviup sulianik torersuutitsinera ingerlatsinermi ileqqorissaarnermut ilaavoq. Suliat paasissutissanik pisariaqanngitsumik imaqartariaqanngillat, inassuteqaatigaaralu suliat torernerusumik ingerlanneqarnissaat Naalackersuisoqarfiup isumagissagaa, matumani suliami allakkat allaffimmit avammut nassiunneqartut ataatsit kisimik suliamiitinneqartarnissaasa eqqumaffigineqarnerat ilanngullugu eqqarsaatigalugu.

6. Ingerlatsivik ataqinnittumik mianerinnittumillu pissusilersortussaavoq

Aalisarnermut, Piniarnermut, Nunalerinermullu Naalackersuisoqarfiup uannut allakkamini 21. april 2009-meersuni oqaatigaa "timmissanik soqutigi-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

saqartut peqatigiiffiat Timmiaq naammagittaalliuutinik saqqummiussinermut atatillugu akornusersuiniarnermik siunertaqartarsimasoq".

Ingerlatsinermi ileqqorissaarnermi aalajangiisuusumik tunngavik tassaavoq ingerlatsivik ataqinnittumik mianerinnittumillu pissusilersussasoq. Innuttaasup isornartorsiuineranut ingerlatsiviup akissutaa suliamut attuumassuteqartunik mianerinnittumillu ilusiligaasunik oqaasertalersugaassaaq.

Isumaqarpunga Aalisarnermut, Piniarnermut Nunalerinermullu Naalackersuisoqarfiup oqaatsimik "akornusersuiniarnermik" atuinermigut peqatigiiffimmik pitsaanngitsunik uppersaasarsugaannngitsunillu siunertaqarneraanera isorisariaqartuusooq.

7. *Suliap inaarlugu suliarineqarnera*

Naalackersuisoqarfik qinnuigaara oqaaseqaatika Naalackersuisoqarfiup qanoq iliuuseqarnissaanut pissutissaqalersitsinersut uannut nalunaarutigeqqullugu.

Peqatigiiffik Timmiaq uanga paasinninninnik allakkatigut allatigut allakkat ukua assilinerannik ilaqartinneqartutigut ilisimatippara.

Allakkat ukua assilineri aammattaaq Nunamut Namminermut Tunngasunut, Pinnortitamut Avatangiisinullu Naalackersuisoqarfimmut aamma Inatsisilerinermut Inatsisinillu Atortitsinermut Immikkoortortaqarfimmut nassiuppakka.

Suliami allatigut annertunerusumik iliuuseqaqqissanngilanga."

Ukiup nalunaarusiuunneqartup naanerani Naalackersuisoqarfimmit suli tusaqanngilanga.

Tunngaviusut ingerlatsinermilu ileqqorissaarneq

6.5 Meeqqanik inuusuttunillu ikiorsiisarneq pillugu Inatsisartut peqqussutaat tunngavigalugu suliamik suliarinninnermi kukkunerit arlallit

A-p inooqataatalu ikiorneqarnissamik saaffiginnissummik, matumani A-p inooqataata paniata ilaqutariinnik katsorsaarnermi peqataatinneqarnissaa ilanngullugu eqqarsaatigalugu, K Kommunimit suliarineqarnera naammagittaalliuutigaat.

Ombudsmandi kommunip suliamik suliarinninnera arlalitsigut isornar-torsiorlugu oqaaseqaateqarpoq:

Siullertut A-p inooqataatalu saaffiginnissutaat siulleq kommunip malit-seqartitsivigisimanngilaa. Aappaattut A inooqamminut suliami illua'-tungiusumut ilumut sinniisuuneranik misissuinissani kommunip sumigin-narsimavaa. Pingajuattut kommunip ilaqutariinnik katsorsaannermi pe-qataatitsiumaneq oqaasiinnartigut itigartitsissutigisimavaa, A naamma-gittaalliornissamut periarfissamik aamma allakkatigut tunngavilersuiffi-gineqarsinnaatitaanerani ilitsersornagu. Sisamaattut kommunip sulia-mik uppernarsaasersuina amigarpoq (j.nr. 2009-106-0001).

Inooqammi paniata D-p ilaqutariinnik katsorsaannermi ilaatinneqarnissamik pisa-riaqartitsinera pillugu saaffiginnissutimi K Kommunimit akineqartarsimanngin-nerannik A-p naammagittaalliutaa 31. juli 2007-imi tiguara.

D eqqarsaatigalugu kommunip suliamik suliarinninnera pillugu apeqqummi A-p sinniisuuffigisinnaagaani A-p inooqataata nalunaarutaa 18. november 2009-mi tiguara.

Suliami makku pineqarput:

A-p inooqataa A-lu K Kommunimi isumaginninnermik ingerlatsivimmut 18. maj 2006-imi imatut allapput:

"D-mut atatillugu allagaqaqusaagatta.

1. marts nunaqarfimmiit utermat suliniutit arlallit sulissutigilerpagut. D meeraavoq 13-inik ukiulik isikkumigullu inersimalluni. Nalunaarutigissuara D naalanngittuunngilaq, D-li malugeqquvoq namminermini ajortoqarmat ajornartorsiutinik anigunngittoorsi-masaminik, soorlu qanigisani perorfiginikuusani toqukkut annaavaa. Isumagineqar-neq, isumassorneqarneq, asaneqarneq, illersorneqarneq, paarineqarnerlu meeqqap mi-kinerminiit annaasaasa ilagaat. Tatigineqarneq, ataqqineqarneq naleqarnerlu annaasa-risimavai. Kinguaassiutikkut kannguttaatsuliorfigineqarsimaneranut ersiutaapput ersi-sarneq, annilaanganeq, qununeq, merserinnineq, aliasunneq, nikallunganeq, kanngu-sunneq, ajukkunneq peqqusiileqineq. D nalaataqarnerlunnini aallaavigalugu erloqiga-mi artorsarluni ilumini ilaartornikuugami imaannaanngittunik nanertisimanerminik i-sumaqannginneq anniaatini pillugit ussarnartorsiorluni imminornissaminut. Kamaqa-rami pooqqalluni isumaluttarluni, tupinnanngilaq kingusinaarluni nalaataqarnerlunneri peqqutaallutik paatsiveeroqqalluni paatsuungagami anniarami tarnimigut ikini anner-tummat pupatiiterlunilu ineriartorpoq, eqqoruminaappoq. D alloriarpoq uatsinni taper-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

sersorlugu ullaakkut nammineq makinneq itersartittartinnikuugakku, qaqugumut ilinniariarluni suliffeqalerunilu ullaakkut nammineq makittalernissani ilinniarpaa ilikkarlugulu. Timini eqqiarlugu, kaammattorlugu qanoq pingaartigisoq eqqiarneq, uatsinnut oqaatigisinnaanngisani allalluni tunniussilluni kingornalu inuttaalu eqqartorlugu tati-galunga annissiffigimmanga pikkorigalugu qujaffigalugulu iluaqutigeqaarput. D-p inersimavallaarnera meeqqatut eqqarsarnissaa meeqqatullu pinnguarnissaa meeqqallu silarsuaanniinnissaa qanoriliuseqarpugut, inissaqartillugu attavigalugu atassuteqarnik-kut pipput piffissarlu annertuneq meeraanissaanut ilinniagassaanullu peqatini naligi-niarlugit anguniarpagut, inuttaa ippingiatoqaaq.

Nalorsartarnerarluni anguniagaqarneq killiliineq naaggaarsinnaaneq nunaqarfimmiik-kallarmalli ilinniartillugu aallartippoq. Ineriartorneq, inuunerup aamma timip naleqar-nera, sulineq imaannaanngittaqaq. Meeraalluni meeqqap pisariaqartitai pinngitsoorsi-magaanni inerisimasuunitsinni inoqatitsinnut uannullu piumasaqaatigut pissarsiarini-arlugit uannit malugineqartuarnissani isumagineqartuarnissaq paarineqartuarnissaq il-lersorneqartuarnissaq ilumoortumik tusarnaarneqartuarnissaq pisariaqartitai assigiin-ngitsut saqqummertarput inunnut allanut attaveqarnerminik pakatsissuteqartuarnini aamma kukkuneqanngilluinnartumik ujaasiuarneq pisariaqartitaminik tamanik tunisi-sinnaasumik arlaatigut atonerluineq soorlu pisiniartuarnikkut nerinikkut oorilerineq atisanullu qimaaneq. Pisariaqartinnerpaasani pisinnaannginnamiuk tamakkunatigut pi-niartarlugu. D-p aamma annaanikuuaa kinaassutsini, kinguaassiuutitigut atonerlunne-qarnikuugami, imminut pisuutinneq misigissusaavoq annernarnerpaaq, pequtugalugu kinaassuseeruttarpugut, taamaalilluni imminut ajortuliortup kinaassusaa tigullugu. D-p ilumini pigisarpai inerisimannginneq, amerlasuutigut imaqanngitsuusineq misigisa-mi aammalu qanoq misiginerluni nalorsartarluni, kingunerisarpaa nikallungarujussuar-neq kinguneralu imminuinnaq eqqarsaatigaluni, suna tamarmi uangannguakkuluk nal-linnartunga tusaasinga. D-p inuunermini annaasaqarnermi toqukkut qimataanissani an-nilaangangaa aamma uannit qanippallaarneqarnissaminut ersissuteqarpoq qimanne-qarnissaminik uannit ersissutigalugu. Ilumoorpoq D ersisarpoq. Timikkullu sukanga-soorneq, issannguneq uummammillu tilleruluttoorneq, inuummarlulluni niaqorluttar-poq tarnikkut annilaanganeq, eqqarsarsinnaaneq ajornakusooqqajaasarpoq = saperpara imminullu aqussinajunnaavippunga = nikallornerujussuarmik imminullu pisuutin-neq takkuteqqissinnaaneramik ilerasuuteqarluni. D tapersorsorparput, attavigalugu i-kiorparput ikorfartorlugu. Tassuuna alloriarnera takussutissaqarpoq. amingaatigini-kuuai toqqammaveqarneq, isumagineqarluni paarineqarluni innaqatigineqartarneq qi-nunerlu. Atuffanneqartarnikkut pinginnaaneqarfialu tussiarneq inissaqartinneqarluni i-nuttaanut allissutaasaqaat. Meeqqallu pisariaqartitai illersorneqarluni asanninnermillu, isumai misigissutsinilu suungaluartut akuerineqarluni misigitinneqarluni tunineqarluni. Immitsinnut piumaffiginikuuvugut D-mut tunngatillugu iliuseqarpugut. Imaan-naanngeqaaq oqimaallunilu, ajornaatsuinnaanngittaqaq, nuanniitsut nuannersullu ta-maasa aqqusaartarpagut, aporfissaqaraluaangattaluunniit anguniakkavut arriikkalu-artumik ingerlappagut. Qularutiginngilara D-p nanertuutini saqqummiussuinermini naalliunnartut misigissutsini oqaasertaliisalernerminut ammaallugit artornartut sak-

kortuut allannikkut avitseqatigiittarnikkullu isumakkeerfiginninnikkut iparartalernikuugai. Sungiutsikkuminaatsinnikuullugillu allassaqaarluni aallaqqaammut aliasunneq kamannerlu tulleriaattaleramigit allassaqqaqaaq. Iluaqutaapput, kanngugisaminik eqqartuisalerpoq aallaqqaammut maannamullu annikittunnguamik, uannullu ilinriarfiuvoq. Sakkussannik tunioraavoq D-mullu toqqortikkani iliuseqarpoq, pikkorip-poq nuannaarutigisaminik. D-una timikkut tarnimigullu inuunikkullu ajoqusersimagama ajornartorsiortoq, paarisaanikkut nalaataqarnerlunninilu ilaqutariinnilu inissisimamerminik pissutaallutik annaasaminullu aallaaviusut taamaannerannut D-mut."

A K Kommunit 28. august 2006-imi imatut allappoq:

"Allagaqarpunga D (inuttut normua) Qaqiffimmut katsorsartinnissamik (familiebehandlungimut) pisariaqartitsivoq maannakkut inisseqqanermini nalaatat artornartut anaasaqarnerilu nalaataqarnerlu killiffiani inuunera oqimaammat.

Maannakkullu pisariaqartitani takorloorsimavai inuunini qanoq iliuseqarfigalugu timitalerlungu familiehandlingernissani, misigissutsini suliarilernissai qamuuna imaa-jarlunilu sakkussaminillu ilisimasagalernissaa.

Naatsunnguugaluartumik qinnuteqarpunga, neriuppunga paasinnillusi qinnuteqaat tigulluarumaarissi, sulilluarisilu.

Qinnuteqaat akuerineqassappat tapersersuisutut ilagerusuppara."

A Isumaginninnermi Naammagittaalliuuteqartarfimmut 13. februar 2007-imi imatut allappoq:

"Ataani atsiortunga K Kommunimi isumaginninnermik ingerlatsivimmut kiisalu [nunaqarfi]mimi nunaqarfiup allaffianut inooqatima meerarsiaa D, inuttut normua (...), pillugu arlaleriarlunga saaffiginnittarsimagaluarpunga, taakkunanngali akineqassananga.

Atuarfik nakorsallu assigiinngitsut K Kommunimi isumaginninnermik ingerlatsivimmut D ulluinnarni pitsaannngitsumik pinera pillugu saaffiginnittarsimagaluarput taperiissutitullu allagaqarsimagaluarlutik, akineqartarsimanatilli.

D-p ajornartorsiutai kinguaassiuutitigut atonerlunneqarsimaneranik kingusinnerusukkullu kinguaassiuutitigut innimiilliorfigineqarsimaneranik tunngaveqarput, suliarlu politiinut nalunaarutigineqarsimagaluarluni, politiilli atonerluisoq kingusinnerusukkut unnerluutigisinnaasimannngilaat, uppernarsaatissaqannnginnera pissutigalugu. Tamanna immi pitsaannngitsorujussuuvoq, tassami D isumaqalersimammat allanit upperineqarani kiisalu isumaqarsimalluni nammineq ikiorneqarani allat tamarmik kisimik ikiorneqartut.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

D nammineq ikioqqulluni arlaleriarluni suaartarsimagaluarpoq, atuarfimmit isumaginninnermillu ingerlatsivimmit qisuariarfigineqarani, tamannalu pissutigalugu allanik tatiginnikkunnaarsimalluni.

D-p kinguaassiuutitigut atorerlunneqarsimaneranut takussutissaqarpoq, ulluinnarnili inuunermini namminiilersinnaanissaanut K Kommuni pisariaqartumik iliuuseqanngitsoorsimalluni.

Ataani atsiortunga nunaqarfiup allaffianut K-llu Kommunianut aamma saaffiginnipunga D ikiortissarsiorlugu kiisalu suliami allagaatinik paasitinneqarumasimallunga, paasitinneqarlungalali suliami allagaatit tammarsimasut??? Ataanilu atsiortunga paasitinneqarlunga suliami allattuisoqarneq ajortoq, suut tamaasa eqqaamasinnaagamikit???

Ataatigut atsiortunga isumaqarpunga D ingerlariaqqinnissaminut ikiorneqartariaqartoq, alianartullu aqquasaarsimasami suliarinissaanut ikiorneqartariaqarluni, ataanimi atsiortup nalunngilaa D (...) -mut Ilaqutariinnillu Katsorsaavimmut innersuunneqarsimagaluartoq, tamannali piviusunngortinneqarsimanngitsoq.

D-p alianartut aqquasaarsimasani suliarinissaanut ikiorneqarnissamik pisariaqartitsisoq qularutissaanngilaq, isumaqarpungalu meeqqap ikiorneqarnissaa taama ajornartigisussaanngitsoq, tassami meeqqanik inuusuttunillu ikiorsiisarneq pillugu Inatsisartut peqqussutaanni nr. 1-imi, 15. april 2003-meersumi imaattunik allassimasoqar-

mat:

"§ 1. (...)

§ 4. (...)

§ 6 (...)

§ 7 (...)

§ 8 (...)

§ 9. (...)"

Malittarisassat meeqqap qitiutinneqarnissaanik aalajangersaasut K Kommunip ilumut malissimanerai ataani atsiortunga qularutigisorujussuuvata.

Ataani atsiortunga suliami tassani allakkatigut aalajangiisoqarnissaa/akissuteqartoqarnissaa piumasaraara, ilaqutariimmi saaffiginnissuterpasuarminnut siusinnerusukut allakkatigut akineqartarsimanngimmata.

D ikiorniarlugu iliuuseqartoqanngippat ataani atsiortunga Isumaginninnermi Naamagittaalliuuteqartarfimmut naamagittaalliorniarpunga, pisariaqarpallu K Kommuni meeqqamik alianartumik nalaataqarsimanini pissutigalugu ikioqqulluni ukiorpassuarini suaartarsimasumik K Kommunip qisuariarfigisimanngisaanik sumiginnaasutut un-

nerluutiginiarlugu, aamma meeqqat ilaquataasaluunniit ikiorneqarnissaannik neqeroo-
ruteqarsimanginnera eqqarsaatigalugu.

Allakkat K Kommunimut nassiunneqarsimasunut ilaannut ilanngussat ilanngullugit
nassiuppakka." (Atorfeqarfimmi nutsigaavoq)

A-p naammagittaalliuutaa Naammagittaalliuuteqartarfiup uannut 10. april 2007-
imi ingerlateqqillugu nassiuppaa, imaattunik oqaaseqaateqarluni:

"Naammagittaalliuut Isumaginninnermi Naammagittaalliuuteqartarfiup Inatsisartut
Ombudsmandiannut ingerlateqqillugu matumuuna nassiuppaa.

K Kommunip suliamik suliarinninnera A-p inooqatimi panissiaa D sinnerlugu naam-
magittaalliuutigaa.

D kinguaassiuutitigut atonerlunneqarsimavoq, tamatumalu kingunerisaanik ikiorne-
qarnissani pisariaqartillugu. Inuit assigiinngitsut, matumani D-p atuarfiani pisortaq
ilanngullugu eqqarsaatigalugu, K Kommunimut saaffiginnittarsimapput, kommunip
akissuteqarfigisimangisaanik.

A suliami illua'tungiusutut inissisimangilaq, taamaattumillu naammagittaalliorsin-
naatitaanani. Naammagittaalliuuteqartarfik naliliivoq D ikiorneqarnissamik pisaria-
qartitsilluni nammineq allassimammat naammagittaalliuut D-p naammagittaalliuutaa-
tut isigineqarsinnaavoq.

K Kommuni suliami aalajangiisimangimmat naammagittaalliuut suliamik suliarin-
ninnermut namminermt tunngasoq Naammagittaalliuuteqartarfiup suliarisinnaangi-
laa.

Naammagittaalliuut Naammagittaalliuuteqartarfiup Inatsisartut Ombudsmandiannut
ingerlateqqillugu nassiuppaa, Naammagittaalliuuteqartarfiimmi isumaqarmat Inatsisar-
tut Ombudsmandiat tassaasoq suliamik suliarinnittussaq eqqortoq, kiisalu suliap ilu-
ngersunartuunera pissutigalugu." (Atorfeqarfimmi nutsigaavoq)

Isumaginninnermi Naammagittaalliuuteqartarfiimmut 13. april 2007-imi imatut
allappunga:

"A-p Isumaginninnermi Naammagittaalliuuteqartarfiimmut naammagittaalliuutaa ilan-
ngussartaluk Ombudsmandip Isumaginninnermi Naammagittaalliuuteqartarfiimmit ti-
guaa.

Suliami paasissutissanit tiguneqartunit erserpoq A-p inooqatimi panissiaanut D-mut,
inuttut normua (...), ikiorsiiniutinik K Kommunip D ikiorneqarnissaminik pisariaqar-

6. Suliat nalinginnaasumik soqutiginaatillit, inatsiseqartitsiffiusunut agguataakkat

titsisoq arlaleriarluni saaffigineqartaraluarluni aallartitsisimannginnera A-p Naammagittaalliuuteqartarfimmut naammagittaalliuutigisimagaa.

Suliap suliarineqarnissaa Naammagittaalliuuteqartarfiup itigartitsissutigisimavaa, kommuni naammagittaalliuutigineqarsinnaasumik aalajangiisimanngimmat.

Inatsisartut Ombudsmandiat pillugu Inatsisartut inatsisaanni § 6, imm. 3-kkut aalajangersarneqarpoq aalajangiinerit allaffissornikkut aqutsinermi oqartussaasumit qulliu nerusumit allanngortinneqarsinnaasut pillugit naammagittaalliuutit Ombudsmandip suliarisinnaanngikkai.

Aalajangersagaq taanna tunngaviusumik isummap matuma erserneraa, tassalu ingerlatsiviup innuttaasullu akornanni aqqiagiinngissutit ingerlatsiviup iluani aqqinniarneqaqqaartariaqartut, Ombudsmandip avataanit nakkutilliisuusup suliamut akuliutsineqannginnerani.

Tamatumunnga peqatigitillugu pineqartoq tassaavoq A-p Ombudsmandimut naammagittaalliorinissaminik kissaateqarnerata naammagittaalliummi Naammagittaalliuuteqartarfiup uannut nassiussaani takuneqarsinnaannginnera.

Tamatuma saniatigut oqaatigaara Inatsisartut Ombudsmandiat pillugu Inatsisartut inatsisaanni § 6, imm. 3-mi malittarisassap manna nassatarigaa, tassalu Isumaginninnermi Naammagittaalliuuteqartarfik suliami aalajangiisimatinnagu piffissaq kommunip suliamik suliarinninnermut atugaa apeqqutinillu allanik kommunip ikiorsiiniutinik aallartitsinissamut pisussaaffeqarsimaneranik aalajangiinnermut pingaaruteqanngitsunik peqarpat taamaallaat taakkuninnga Ombudsmandip isummerfiginnissinnaanera.

Tamanna tunngavigalugu manna eqqornerpaasutut isigaara, tassalu A Ombudsmandimut naammagittaalliorinissaminik kissaateqarnerasoq qulaajarniarlugu A-mut saaffigininnissamut tunngavissaqarsinnaanersoq isumminnginninni Ilaqutariinnermut Pisortaqarfik isumaginninnermut tunngasuni nakkutilliinermi oqartussaasoq, tak. isumaginnittoqarfiup aqunneqarnera aqqissuussaaneralu pillugit Inatsisartut inatsisaanni § 1, imm. 1, qinnuigineqassasoq pissutsit Naammagittaalliuuteqartarfimmut naammagittaalliummi pineqartut pisortaqarfiup misissussanera nalileeqqullugu.

Taamaattumik allakkat ukua suliamilu allagaatit Naammagittaalliuuteqartarfiup uannut nassiussaasa assilineri Ilaqutariinnermut Pisortaqarfimmut nassiuppakka.

Allakkat ukua assilinerat A-mut matumunnga peqatigitillugit nassiuppara.

Ilaqutariinnermut Pisortaqarfiup akissutaa tigugukku suliaq uanga annertunerusumik iliuseqarnissannut pissutissaqalersitsinersoq Naammagittaalliuuteqartarfimmut ilisimatitsissutiginiarpara."

Ilaqutariinnermut Pisortaqarfik tamatumunnga peqatigitillugu imatut allaffigaa-
ra:

"A-p Isumaginninnermi Naammagittaalliuuteqartarfimmut naammagittaalliuutaa arla-
linnik ilanngussartalik Ombudsmandip Isumaginninnermi Naammagittaalliuuteqartar-
fimmit tiguua, ilanngussallu ilaat Naammagittaalliuuteqartarfiup kalaallisuumit qallu-
naatumut nutsersimavai. Paasissutissat taakkua assilineri ilanngullugit nassiuppakka.

Allakkanut ukununnga peqatigitillugit Naammagittaalliuuteqartarfik allakkatigut na-
lunaarfigaara suliaq paasissutissat pigineqartut tunngavigalugit Ombudsmandip sulia-
risinnaanngikkaa. Naammagittaalliuuteqartarfimmut allakkama assilinerat ilanngul-
lugu aamma nassiuppara.

A Ombudsmandimut naammagittaalliorniarnersoq misissussanerlugu isumminngin-
ninni Ilaqutariinnermut Pisortaqarfik qinnuigaara suliaq pisortaqarfiup isumaginnin-
nermut tunngasuni nakkutilliinnermut oqartussaasutut suliarilissaneraa nalileeqqullugu.

Allakkat ukua assilinerat A-mut nassiuppara."

A-p naammagittaalliuutaata Isumaginninnermi Naammagittaalliuuteqartarfiup
uannut nassiussimasaata assilineri Naalagaaffiup Kalaallit Nunaanni Sinniisaanit
16. april 2007-imi tiguara. Naalagaaffiup Sinniisaata allagaanit nassitsissummik
erserpoq allakkat taakku A-p Naalagaaffiup Sinniisaanut aamma nassiussimagai.

Ilaqutariinnermut Pisortaqarfiup akissutaa imaattoq 23. maj 2007-imi tiguara:

"Ilaqutariinnermut Pisortaqarfik Pisortaqarfiup isumaginninnermut tunngasunik nak-
kutilliinera pillugu Inatsisartut Ombudsmandiannit apeqqummik 16. april 2007-imi ti-
gusaqarpoq.

Ilaqutariinnermut Pisortaqarfimmit isumaqartoqarpoq A Isumaginninnermi Naamma-
gittaalliuuteqartarfimmut saaffiginninnermini suliap arriippallaamik suliarineqarnera
naammagittaalliuutigigaa.

Ilaqutariinnermut Pisortaqarfimmit taamatut isumaqartoqarnera naammagittaalliuute-
qartarfiup aalajangiisoqarsimannginnera pissutigalugu naammagittaalliuutip itigartit-
sissutigineqarnissaanik aalajangiineratigut ilalerneqarpoq.

Ilaqutariinnermut Pisortaqarfiup nakkutilliisussaatitaanera kommunini isumaginnin-
nermi malittarisassat malinneqarnerannik aqunneqarnerannillu nalinginnaasumik nak-
kutilliinermik imaqarpoq. Suliap matumani pisutut Ilaqutariinnermut Pisortaqarfim-
mut saqqummiunneqarnerani iliuuseqaqqinnissaq pisariaqanngilaq. Suliani aalaja-

6. Suliat nalinginnaasumik soqutiginaatillit, inatsiseqartitsiffiusunut agguataakkat

ngersimasuni suliat arriippallaamik suliarineqarnerat suliarineqannginneralluunniit pillugit naammagittaalliuutit Ombudsmandip suliaasaanut ilaaginnarput taamaattumilu suliaq eqqortumik Ombudsmandimit suliarineqarsinnaalluni."

A-mut 13. juni 2007-imi imatut allappunga:

"Isumaginninnermi Naammagittaalliuuteqartarfimmut Ilaqutariissutsimullu Pisortaqarfimmut allakkakka 13. april 2007-imeersut assilineri ilinnut nassiunniukuusannut tunngasoq suliaq maanna uterfigaara.

16. april 2007-imi Naalagaaffiup sinniisuanit allakkanit Naalagaaffiup sinniisuanut nassiussimasarnik nassinneqarpunga. Naalagaaffiup sinniisuanut allakkat naammagittaalliuuteqartarfimmut naammagittaalliuutivit assigai.

Ilanngullugu Ilaqutariissutsimut Pisortaqarfimmit suliami paasissutissat tunngavigalugit suliamik suliarinninnissamik tunngavissaqannginnerarluni isumaqartumik akisummik 24. maj 2007-imeersumik tigusaqarpunga.

Tamatuma kingorna suliaq suliarilissanerlugu isumaliutersuutigaara.

Taamaaliornissannulli piumasaqaataassaaq Isumaginninnermi Naammagittaalliuuteqartarfimmut Naalagaaffiullu sinniisuanut allakkatit aamma Inatsisartut Ombudsmandiannut naammagittaalliuutigerusunneritit nalunaarfigissagimma, tassami Inatsisartut Ombudsmandiat, pisortat ingerlatsiviisa avataanni nakkutilliisuusoq, suliaq allaffissornikkut oqartussaasunit piumaffigineqarnermigut suliarinnissinnaanngimmat.

Inatsisartut Ombudsmandiannut naammagittaalliorniartutit kissaateqarlutit nalunaarfigigumma, D-p ikiorserneqarnissaa pillugu saaffiginnissutivit kommunimit akineqarsimannginnera misissussallugu piareersimajumaarpunga.

Ullumimiit sapaatit akunneri arfinillit iluanni tusarfiginngikkukit imatut paasissavara kommunip saaffiginnissutinnut akissuteqannginnera Inatsisartut Ombudsmandiannut naammagittaalliuutiginianngikkat, taamaattoqassappallu suliaq annerusumik iliuseqaranga naammassissavara.

Tassunga atatillugu oqaatigaara Inatsisartut Ombudsmandiata kommunip D-mut ikiorseerusussimannginnera pillugu naammagittaalliuut suliarisinnaanngikkaa, tassami kommunip ikiorseerusussimannginneranut aalajangiineq Isumaginninnermi Naammagittaalliuuteqartarfimmut naammagittaalliuutigineqarsinnaammat. Tamatuma kinguneraa Inatsisartut Ombudsmandiat pillugu Inatsisartut inatsisaanni § 6, imm. 3-kkut aalajangersarneqarpoq aalajangiinerit allaffissornikkut oqartussaasumit qulliunerusumit allannngortinneqarsinnaasut pillugit naammagittaalliuutit Inatsisartut Ombuds-

mandiata suliarisinnaangimmagit, oqartussaasoq qulliunerusoq taanna suliami aalajangeereersimatinnagu.

Isumaqaruit kommuni A-mut ikiorsiinissaminut itigartitsisimasoq Isumaginninnermi Naammagittaalliuuteqartarfimmut aammaarlutit saaffiginnissutigissagit siunnersuuti-gaara. Suliami kommunip aalajangiisimaneranut paasissutissanik peqaruit Isumagin-ninnermi Naammagittaalliuuteqartarfiup suliaq qaqileqqinnissaanut piunassuseqas-sasoq ilimagaara."

A-p akissutaa imaattoq 10. juli 2007-imi tiguara:

"K Kommunimut saaffiginnittartuortaluarpunga D familiebehandlingimut aammalu-mi ...-mi oqaloqateqartalernissaa pillugit. Taamaakkaluartoq akineqanngisaannarpu-nga.

D ullumikkut imatut inissisimasalerpoq allaat:

Soqutigineqanngitsutut misigineq aammalumi sullinneqarusunngitsutut inissittarluni. Taamatut inisseqqaleraangat soorunalimi tuppallersartarpara "Qanoq iliuseqarnerar-lunga", paasitillugulu suliaq suli ingerlammat.

Suliarinerani ukioq ataaseq qaammatit arfineq marluk taamatut ingerlassimavara ilua-millu allakkatigut misilittagaqarnanga.

Allatuulli sanngiiffinni ingerlariaqqinnissanik nalorsaleraangama misigissutsikkut nakkaqqasarpunga. Tassa misigissutsikkut nakkaqqasarpunga arlaannaatigulluunniit tusagaqarneq ajorama K Kommunimiit. Tuppallersaatigisarpara D-p siunissaa pillugu qanoq iliuseqarama.

Saniatigut eqqaarusuppara aapparisara inooqatigisara D-mut qanoq iliuseqarusun-ngittoq. Naluara paqumigineraa imaluunniit nalorsaatigisarneraa. Aammalumi soorlu D K-meeqatigalugu assoroornartaqaaq pissutigalugu kinguaassiutimigut atonerluisima-soq takujuartaramiuk K. Soorunalimi annikilliorataqaaq, ersiortaqaaq, nuanniillior-taqalunilu. Inuinnaagamalu misigissutsit tamakkorpassuit ilaannikkut nukissaaruffi-gisarlugit ilisimasakka annertunnginnamik.

Tuppallersaataaqaaq suliamik soqutiginnillutit qanoq iliuseqarusunnerit, neriullunga illit pisussaaffiit malillugu ikiorluarumaaritsigut, meerarmi taanna peroriartorami i-maannaanngitsunik aqquusaagaqarsimasoq.

Sulilluarnissarnik kissaappakkit, paasisaqarusukkuut aamma sukkulluunniit paasiniaa-vigisinnaavarma (...)."

A-p allagai taakkuusut 31. juli 2007-imi aammattaaq tiguakka.

A 16. august 2007-imi imatut allaffigaara:

"Saaffiginnissutit, mailikkut 9. juli 2007-imi aamma allakkatigut 23. juli 2007-imeersutigut uannut nassiussatit, misissoreersimalerpakka.

Naammagittaalliuutinni aamma Naalagaaffiup Sinniisaanut (Rigsombudsmanden) allakkanni, Sinniisoqarfiup 11. april 2007-imi Inatsisartut Ombudsmandiannut ingerlateqqissimasaani, paasissutissiinerit naapertorlugu allakkannut 18. maj 2006-imeersunut, nunaqarfimmi kommunip immikkoortortaqarfianit nassiussimasannut, K Kommunip akissuteqarsimanginnera misissuiffiginarlugu aalajangerpunga.

Taamaattumik, allakkatigut assiliner ilanngullugu nassiunneqartutigut kommuni suliamut oqaaseqaateqarnissaa aamma suliami allagaatit misissugassanngorlugit atukiuteqqullugit qinnuigaara.

Kommunip akissutaa tigugukku suliaq uterfigeqqissavara.

D-p pisariaqartitai aallaavigalugit ilaqutariinnik katsorsaanissamik kommunip aallartitsisimanginnera pillugu naammagittaalliuutit pillugu oqaatigaara apeqqut taanna suliarisinaanagu, Isumaginninnermi Naammagittaalliuuteqartarfimmi aqutsinikkut inaarutaasumik apeqqummut tassunga aalajangiineq tiguneqarsimatinnagu. Tamanna Inatsisartut Ombudsmandiat pillugu Inatsisartut inatsisaanni § 6, imm. 3-mi, allakkanni 13. juni 2007-imeersuni ilinnut innersuussutigisimasanni, erserpoq.

Nangillugu oqaatigaara D-p ikiorserneqarsinnaannginnera pillugu, D-mit namminermit tassungaluunniit oqartussaasumit pisinnaatitsissummik saqqummiussaartinnak, kommunip Naammagittaalliuuteqartarfiulluunniit aalajangiinera pillugu naammagittaalliuutit suliarisinnaanngikkiga.

Taamaalilluni nalinginnaasuvoq Ombudsmandi naammagittaalliummut suliamik sukumiisumik misissuiffiginninnissappat inuup Ombudsmandimut naammagittaallior-tup aamma suliami illua'tungiuissaa imaluunniit illua'tungiusoq sinnerlugu iliuseqarnissaminut pisinnaatitsissummik peqassasoq piumasaqaataammat.

Tamatumunnga pissutaavoq Ombudsmandi misissuinerminut ataneqartumik oqartussaasumit, naammagittaalliummi pineqartumit, paasissutissanik isertuussassanik pisarsiniartarmat, aamma Ombudsmandip paasissutissat taakkua inuup suliami illua'tungiusutut isumaanik tusarniaassutitut naammagittaalliummut saqqummiuttarmagit, taamatuttaarlu Ombudsmandip suliamut inaarutaasumik oqaaseqaammimi, naammagittaallior-tumut nassiunneqartussami, oqartussaasup pineqartup suliami allagaataasa ilai issuaavigisartussaammagit.

Ombudsmandi paasissutissat taamaattut, isertuunneqarnissaat pissutsit suussusiat pisutigalugit pisariaqartut, eqqarsaatigalugit Inatsisartut Ombudsmandiat pillugu Inatsisartut inatsisaanni § 8 naapertorlugu nipangiussisussaataavoq.

Taamaattumik Ombudsmandip suliame iliuusissat pisariaqartut iliuseqarfigisinnaanngilai, naammagittaalliorloq suliame illua'tungiunngippat imaluunniit naammagittaalliorloq sinnerlugu pisinnaatitsissummik tunniussaqaanngippat.

Tamatumunnga atatillugu ilisimatitsissutigisinnaavara Ombudsmandimut naammagittaalliuuteqarnissamut piunnaasaataannngimmat naammagittaalliorloq namminersorsinnaassuseqarnissaa, kisiannili meeraq ukiukitsoq Ombudsmandimut naammagittaalliuuteqarsinnaavog pissutsini ukiukitsoq nammineq suliame illua'tungiuguni.

Aammattaq allakkannut, matumunnga peqatigitillugu Ilaqutariinnermut Pisortaarfimmumt nassiunneqartumut, assiliner ilanngullugu naassiunneqartumut, taakkunatigut Pisortaarfik ilisimatitsissutigigiga kommunip suliamek suliarinninnermini piffissaq atugaa pillugu naammagittaalliuutit suliariniariga, innersuussuteqassaanga.

Pisortaarfimmumt malugeqqusimavara Pisortaarfium suliamek misissuinissaminik itigartitsinera eqqortuunersoq nalorninartuusoq isumaqarfigeqqaariga."

Ilaqutariinnermut Pisortaarfimmumt ulloq taanna allakkakka imaattunik oqaasertaqarput:

"A-mut 13. maj 2007-imeersunut allakkannut uiggiullugu, taakku pillugit pisortaarfik assilisanik nassillugu ilisimatitsissuteqarfigisannik, paasissutissiissutigisinnaavara maanna A-p naammagittaalliuutaa tigusalakku, aalajangerlungalu K Kommunip A-p allakkatigut saaffiginnissutaanut 18. maj 2006-imeersunut akissuteqarfigisimanninneranut tunngasoq aalajangersimasumik suliarilerniarlugu.

Tamatumunnga peqatigitillugu A siunnersorpara, Isumaginninnermi Naammagittaalliuuteqartarfik aqutsinikkut inaarutaasumik aalajangiitinnagu, tak. Ombudsmandi pillugu inatsimmi § 6, imm. 3, kommunip D-mut ikiorsiinissamut suliniummik aallartitissanersoq pillugu apeqqummut naammagittaalliuut suliarisinnaanagu.

Aammattaq isumaqarpunga pisortaarfium suliamek suliarinninnianninnerminut tunngavilersuutigisaa, pisortaarfium allakkatigut 23. maj 2007-imeersutigut uannut ilisimatitsissutai, siullertut isumaqatigisinnaanngikkiga oqaatigissallugu uannut pissutissaqalersitsippat.

Siullertut pineqartoq tassaavoq sulianik kommunit isumaginninnermi sulianut tunngasunik suliarinninnerat pillugu pisortaarfium nakkutilliinera uanga paasinninnera mallillugu aamma sulianik suliarinninnermut apeqqutit nalinginnaasumik ingerlatsinnermi

6. Suliat nalinginnaasumik soqutiginaatillit, inatsiseqartitsiffiusunut agguataakkat

inatsiseqartitsinnermut malittarisassani iluarsiivigineqarsimasut, aamma pineqartut, matumanilu sulianik suliarinninnermut inatsit ilanngullugu eqqarsaatigalugu. Kommuni sulianik isumaginninnermut tunngasunik suliarinnikkaangat nalinginnaasumik ingerlatsinnermi inatsiseqartitsinnermi malittarisassat inatsisitigut tunngavinnut, kommunip aqutsinnermini maleruagassaanut aamma ilaapput, taamaattumillu isumaginninnermi malittarisassat ilaattut isiginiagassaallutik, taamaalillunilu ingerlatsinnermi inatsiseqartitsinikkut malittarisassat aalajangersimasut isumaginninnermi inatsimmi aamma nalinginnaasumik nassaassaasut ingerlatsinnermi inatsiseqartitsineq taakkunani pineqarlutik.

Tamatumunngalu peqatigitillugu pineqarpoq kommunit isumaginninnermi ingerlatsiviinik nakkutilliineq pisortaqarfiup Ombudsmandillu akornanni agguataarneqarsimanngitsoq.

Tamatumunnga pissutaavoq Ombudsmandi aqutsinikkut naammagittaalliorfissatut oqartussaasuunngimmat.

Taamaalilluni suliap Ombudsmandimit pisortaqarfimmilluunnit suliarineqarsinnaannginneranik kinguneqarsinnaavoq, taamatullu akerlianik pisoqarsinnaalluni, tassalu suliaq Ombudsmandimit pisortaqarfimmillu suliarineqarsinnaalluni.

Pisortaqarfiup Ombudsmandillu pisinnaasalittut naammagittaalliuummik misissuinsami pisumi nakkutilliinissamat pisinnaatitaanerup iluarsiivigineqarnera Ombudsmandi pillugu inatsimmi § 6, imm. 3-mit ersepoq, tassani oqariartuutigineqarluni sulianik aqutsinikkut suliarinninneq, matumanilu aqutsinikkut nakkutilliinnermut oqartussaasumi sulianik suliarinnittarneq ilanngullugu eqqarsaatigalugu, nalinginnaasumik tunngaviusoq inaarlugu suliarineqarsimassasoq, nakkutilliinikkut aqqissuussaqq, soorlu Ombudsmandi, suliamik misissuilinginnerani.

Suliamut A-mut tunngasumut atatillugu pineqarpoq Isumaginninnermi Naammagittaalliuuteqartarfiup kukkunikkut suliamik Ombudsmandimut suliarisassanngorlugu nassiussisimannginnera, A-p Ombudsmandimut naammagittaalliuuteqarnissamik kisaateqarsimanagera ilisimatitsissutigeqqaarnagu.

Taamaattumik isumaqarsimavunga pissusissamisoortoq paasinarsassallugu. A Ombudsmandimut naammagittaalliorniarnersoq nammineeurlunga aperitinnagu, Ilaqutariinnermut Pisortaqarfiup suliaq suliariniarneraa.

Kisiannili pisortaqarfiup Ombudsmandi maanna nalunaarfigimmagu, suliaq pisortaqarfiup suliariniannigikkaa, tamatumalu malitsigisaanik A Ombudsmandimut naammagittaalliorat aalajangerpunga nammineq ilaa K Kommunip A-p allagaanut 18. maj 2006-imeersunut akissuteqannginneranut tunngasoq misissuiffiginiarlugu.

Tamanna tunngavigalugu pisortaqarfiup Ombudsmandimut allagaanut 23. maj 2007-imeersunut atatillugu annertunerusumik iliuuseqaqqissanngilanga."

Kommuni tusarniaavigigakku imatut qinnuigaara:

"(...) kommuni qinnuigaara allakkat taakku akineqarsimannginnerat pillugu naammagittaalliummut oqaaseqaateqaqqullugu. Ilanngullugu kommuni qinnuigaara suliami allaqqaakkat suliami allattuiffimmut ilanngunneqarfiat A-p 18. maj 2006-imeersut allagaasa misissornissaat pillugu nassiuteqaqqullugit."

K Kommunip akissutaa imaattoq 13. september 2007-imi tiguara:

"K Kommunip inunnik isumaginnittoqarfimmiit naammagittalliut tigusimavarput, imatullu akissuteqarfigerusullugu:

D (...).

Angajoqqaatut oqartussaasoq: A-p inooqataa (...).

D familiebehandlingimut kiisalu (...) -mi Ilaqutariinnut sullissivimmud (...) -mut oqaloqatigineqartalernissaanut A-p saaffiginnissutigisaa tunngavigalugu [nunaqarfi]mmut tikeraarluni angalanermi 2006-mi D angajoqqaatullu oqartussaassuseqartoq oqaloqatigineqarsimapput, K Kommunimi inunnik isumaginnittoqarfimmi suleqatigineqarnissaat pilersaarusoqatiginissaallu pillugit, piffissamilu taaneqartumi D-p ataataata inooqatigisimasaa A piffissami angalanerup nalaani illoqarfimmut allamut aallarsimammatt angajoqqaatut oqartussaassuseqartumut taamaallaat paasititsisinnaallutalu iliuuseqarsinnaagatta A suliap ingerlanerani paasitissimanngilarput, nipangiussimasusaatitaaneq tunngavigalugu taamaallaat ataataasumut attaveqarsinnaangatta.

Saaffiginnissutaasimasut aallaavigalugit ataataasorlu opfølgning [nunaqarfi]mmut tikeraarnermi ingerlatinneqartarsimapput, D-llu nammineerluni oqaloqatigineqartarnermigut kiisalu ataataasup ilisimatinneqarneratigut saaffiginnissutigineqartut akissuteqarfigineqarsimapput naammagineqarlutillu, tassalu K Kommuni 2006 aallartilaartoq aningaasaliissutini tulleriarineq qinnuteqartullu malillugit familiebehandlingimut aningaasartuuteqarnissaminut pilersaaruteqarsimanngilaq saaffiginninnerup nalaani, tamannalu pineqartunit paasineqarsimavoq, aammalu ...-mi katsorsaavimmud utaqqisut amerlavallaarmata kommunitinniit pilersaaruteqarsimanngilangut meeqqanik inuusuttunillu ...-liartitsinissatsinnik, taamani kommunimi oqaloqatiginninnerit filialimilu ingerlanneqartassammata susassaarfiit, ass. atuarfik allallu, peqatigalugit ingerlanneqartassammata.

Suliaq D ataataalu peqatigalugit november 2006 naammassineqarsimavoq pineqartut peqatigalugit."

6. Suliat nalinginnaasumik soqutiginaatillit, inatsiseqartitsiffiusunut agguataakkat

Kommuni 10. oktober 2007-imi qinnuigaara itisilerisumik oqaaseqaateqaqqullugu, suliamilu allagaatit nassiunneqarnissaat tamatumunnga peqatigitillugu eqqaasitsissutigalugu:

"Kommunip tusarniaaninnut 16. august 2007-imeersumut akissutaa 13. september 2007-imi tiguara.

Kommunip akissutaa imatut paasivaara A-p saaffiginnissutaanik suliarinninnermini D-p ataataa angajoqqaatut oqartussaasusermik tiggummiartoq kommunip attaveqarfigisimagaa, suliali suliarineqarnera kommunip nipangiussisussaatitaanermi nassatarisaa-nik A-mut ilisimatitsissutigisimangikkaa.

Kommuni tamanna tunngavigalugu qinnuigaara manna pillugu ilassutaasumik nas-suiaateqaqqullugu, tassalu kommunip akissutaa imatut paasineqassanersoq A-p naam-magittaalliuutaata tiguneqarnera kommunip A-mut uppersarsimangikkaa A-lluun-niit naammagittaalliuutaata suliarineqalerneru kommunip A-mut ilisimatitsissutigisi-mangikkaa.

Kommuni tamatumunnga peqatigitillugu matumuuna eqqaasippara tusarniaaninni 16. august 2007-imeersumi kommunip suliaataa D-mut tunngasoq misissugassanngorlugu uannut nassuteqqullugu kommuni qinnuigigiga.

Kommunip ilassutaasumik nassuiaataa tigugukku mappilu allagaatinik A-mut tunnga-sunik imalik misissoreerukku suliami annertunerusumik iliuseqaqqissanerlunga isummerfigisinnaassallugu naatsorsuutigaara."

Kommuni akissuteqarnissaanik 18. december 2007-imi eqqaasippara.

Kommunip akissutaa imaattoq 18. februar 2008-mi tiguara:

"Matumuuna uppersarsarnejassaaq allakkasi 18.12.2007-imeersut maani tiguneqarsi-mammata 3. jan.2008.

Allakkani isertuni kommunaldirektørimut ingerlatinneqarsimasut maani tiguvagut marlungormat 5. februar 2008.

Maannakkullu akissuteqarfigissavagut allakkasi.

Piumasarineqartut tusarniaanermi allakkanit 16. august 2007-imeersut innersuullugit sagiata nassiunneqarnissaanik piumasaqartoqarneranut.

Ilanngullugu nassiunneqarput allakkat 12.9.2007-imeersut Ombudsmandimut. Ingerlatinneqaqqissimanngitsut. Sagiani uninngaannartut.

Ilanngullugu nassiunneqarpoq D-p sagiata assilinera.

Suliami allagaatinut tiguneqartunut ilaapput kommuni A-mut allagai 8. februar 2008-meersut:

“Pineqartoq D. [nunaqarfik], pillugu allagaqarsimanerit.

Matumuuna uppersarneqassaaq allakkatit Ombudsmandimut saaffiginnissutaasi-masut assingi maani tiguneqarsimmata.

Saaffiginnissuternut qujalluta.”

Suliamik ingerlatsisoqarnissaanik allaffeeqqamut [nunaqarfi]mmut saaffiginnissutigineqareerpoq, maangaanniillu suliap ingerlalnissaa taamaalillugu naatsorsuutigineqalerpoq.”

...-mi atuarfiup pisortaata ...-p saaffiginnissutaa 5. april 2008-meersaq imaattoq Isumaginninnermi Naammagittaalliuuteqartarfik aqputigalugu 28. april 2008-mi tiguara:

"Pineqartoq: D, inuusq ...

Eqikkaaneq:

D sisamat missaannik ukioqarluni atonerlugaasimavoq. Arfineq pingasut missaannik ukioqarluni tamanna ilinniartitsisuminut oqaluttuaraa. Ilinniartitsisup suliaq pimoorusimangilaa. D-p atonerlunneqarsimanini anaansiaminut oqaluttuaraa. Anaansiaa kommuni immikkoortartaqarfiani allaffimmi sulivoq, suliarlu ingerlateqqissimangu. D qulingilat missaannik ukioqarluni ilinniartitsisuminut allamut misileeqqippoq, taassumalu suliaq uannut oqaluttuaraa. Tamatuma kingorna K Kommunimi isumaginnittoqarfik kommunaldirektørilu allaffigaakka, akissuteqarfigineqanngitsunik. Allakkat 50-it missaanniittut pineqarput, ajoraluartumillu maanna qarasaasiami aserornikumiillutik. Peqqissaasoq aqputigalugu ... Napparsimmaviat kiisalu PPR ...-miittoq akuliutsillugit kommuni attaveqarfiginiarsarigaluarpara. Piffissap ingerlanerani tunarsimaariartorpunga. Suliaq 2004-mi qaqqileqqippara, PPR-ip kaammattuineratigut, taamani PPR-ip B Kommuni sumiginnaasutut nalunaarutiginiugaa. Tamanna aqputigalugu periarfissaqartoq eqqarsarpunga, PPR-ilu ...-miittoq suleqatigilerlugu. Inatsisartut Ombudsmandiat akuliutsinniarsimagaluarpara, K Kommunimulli saaffiginnissutigisartagarisimasama arlaannaalluunniit uppersarsinnaannginnakku naatsorsuutigisimavara Inatsisartut Ombudsmandiata soqutiginnilerniarneranik misiliinarneq

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

iluqaqtaanaviangitsoq. Suliaq PPR-ip eqqartuussissuserisuanut tunniunnissaa siunertaralugu K Kommunimut maanna saaffiginnissuteqarlunga misiliivunga saaffiginnissutigisarsimasama assilineri piniarlugit. Oqaasiinnartigut paasitinneqarpunga D pillugu allagarisarsimasama arlaannaalluunniit K Kommunimit pigineqangitsoq.

Isumaginninnermik ingerlatsivimmit aallartitami nunaqarfik pingasoriarlugu tikeraarneqartarpoq, tamatigulli suliamik suliarinninneq oqaasiinnartigut ingerlanneqartarpoq.

Tikeraarnermi siullermi isumaginnittoqarfimmit (maanna kommunaldirektøriusumik inuttaqarallarmat) suliaq pillugu iserfiginiarnera pillugu siunertarisama qulaajarneqar-nissaa ulapputigisimavaat. Aperineqarpunga: "Niviarsiaaraq tiguniarakku?"

Isumaginnittoqarfiup aappassaannik tikeraarmatigut suleqataasoq (...) neriorsuivoq tassa maanna arlaannik pisoqassaqqartoq.

Pingajussaannik isumaginninnermi siunnersortip atuarfik angerlarsimaffillu pularpai uangalu ataatsimeeqatigalunga. Tassani aamma imaqarniliortoqanngilaq, katsorsaanissamilli neriorsuisoqarluni.

Sisamassaannik isumaginnittoqarfimmit aallartitaq aggerluni nalunaaruteqaqqaaranilu D angerlarsimaffianit arsaarinnissutigalugu ima oqarluni "... taamaattoqartariaqarpoq atuarfimmi naalassinnaanginnavit!"

Tamatuma kingornatigut atuarfimmi pisortatut tunuarterpunga K Kommunimilu isumaginnittoqarfiup sutigut tamatigut suleqatiginera unitsillugu. Taamaattorli annertusi-samik nalunaarutiginnittussaataitanera eqqortinniarpara; sulialli uanga malitseqartitsi-vigissanngilakka. Meeqqat suli innarleqqinnissaat siunertaqanngimmat.

Ilanngullugit nassiunneqartut:

10. dec. 2006: A

25. april 2004: Isumaginninnermik ingerlatsiviup pisortaa, K Kommuni

7. september 2004: Isumaginninnermik ingerlatsivik, K Kommuni

26. november 2004: Isumaginninnermik ingerlatsivik, K Kommuni

26. november 2004: Naalakkersuisunut ilaasortaq Asii Chemnitz Narup

1. december 2004: Isumaginninnermik ingerlatsivik, K Kommuni

3. december 2004: Isumaginninnermik ingerlatsivik, K Kommuni

13. december 2004: Isumaginninnermik ingerlatsivik, K Kommuni

Ullulerneqangitsoq: Isumaginninnermik ingerlatsivik, K Kommuni

13. maj 2005: Isumaginninnermik ingerlatsivik, K Kommuni" (Atorfeqarfimmi nut-sigaavoq)

Allakkat taakku atuarfimmit 27. maj 2007-mi tigoqqippakka, assammik allalluni "Ombudsmandip saaffiginnissutaanut akissut"-mik nalunaarneqarsimasut.

Atuarfik 7. juli 2008-mi imatut akivara:

"(...)

Atuarfiup allagaasa sumik siunertaqarnerat imaaliannaq paasisinnaanngilara, tassa-mi naammagittaalliummut atatillugu kommunimi isumaginninnermik ingerlatsiviup tusarniaanermut akissutaanik 18. februar 2008-mi tigusaqarama. Naammagittaalliuut tassaavoq innuttaasup D pillugu kommunimut allakkatigut saaffiginnissutaata kommu-nimit akineqarsimannginnera pillugu saaffiginnissut.

Atuarfiup Ombudsmandimut allagai naammagittaalliuutitullu suliaq suliarisara im-minnut attuumassuteqarsorinanngillat.

Tulliullugu oqaatigaara atuarfiup Ombudsmandimut allagai atuarfiup pisortaanit at-siorneqarsimasut atuarfiup D pillugu saaffiginnissutaanut kommunimi isumaginnin-nermik ingerlatsiviup qisuariarsimannginnera pillugu naammagittaalliummik imaqartut.

Meeqqanik inuusuttunillu ikiorsiisarneq pillugu Inatsisartut peqqussutaanni § 5-imi imm. 2-kkut ilaatigut aalajangersarneqarpoq atuarfimmi sulisut meeqqap ikiortariaqar-neranik paasisaqarunik kommunalbestyrelsimut ilisimatitsinissaminut annertusisa-mik pisussaaffeqartut.

Taamaalilluni pisussaaffik taanna atuarfiup pisortaata inuinnartut pisussaaffinngilaa, suliamulli ilaatillugu pisussaaffinnut ilaalluni.

Atuarfik atuarfiulluunniit pisortaa isumaqarpat kommunalbestyrelsi meeqqanik inuu-suttunillu ikiorsiisarneq pillugu Inatsisartut peqqussutaanni § 5, imm. 2 tunngavi-galugu qisuariangitsoq, taava uanga paasinninnera unaavoq atuarfiup ingerlatsineq pillugu inatsiseqartitsineq tunngavigalugu pisussaaffigigaa naammaginangitsumik qisuariarneq taamaattoq isumaginninnermik nakkutilliinermi oqartussaasumut, tassalu Naalackersuisunut (Ilaqutariinnermut Peqqissutsimullu Naalackersuisoqarfimmut) nalunaarutigissallugu, tak. isumaginnittoqarfiup aqunneqarnera aaqqissuussaaneralu pillugit Inatsisartut peqqussutaanni § 1, imm. 1.

Ombudsmandip pisortat ingerlatsiviannut ilaangitsup ingerlatsinermi oqartussaasut akornanni imaluunniit ingerlatsiviup iluani aaqqiagiinngissutinik aaqqiiniaqataanissaq aallaavittut suliasarinngilaa.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Taamaattumik atuarfiup saaffiginnissutaa Ombudsmandip naammagittaalliuutitut suliarissallugu imaaliallaannaq tunngavissaqanngilaq.

Atuarfik tamanna tunngavigalugu qinnuigaara atuarfik suli isumaqarpat atuarfiup D pillugu saaffiginnissutaasa kommunalbestyrelsimit suliarineqarnera isornartorsiuner-mut pissutaasariaqartoq, tamanna Ilaqutariinnermut Peqqissutsimullu Naalakkersui-soqarfimmut nalunaarutigeqqullugu.

Taamaattorli atuarfik nakkutilliinermi oqartussaasumut akisussaasumut saaffiginnik-kaluartoq tamanna naammaginngitsumik inernilerneqarpat atuarfik Ombudsmandi-mut saaffiginneqqinnissaminut tikilluaqqusaavoq, taamaaliortoqarpallu nakkutilliiner-mi oqartussaasup kommunilluunniit suliamik suliarinninnera nammineerluni misis-suiffigisariaqarnerlugu Ombudsmandip isummerfigissavaa.

Atuarfiup Ombudsmandimut saaffiginnissutaanut atatillugu paasissutissat pigineqartut tunngavigalugit annertunerusumik iliuuseqaqqissanngilanga."

A-mut ulloq taanna imatut allappunga:

"Suliaq K Kommunimut tusarniaaninnik tamatumalu kingornatigut kommunimut 18. december 2007-imi nukingisaarininnik ilinnut 10. oktober 2007-imi ilisimatitsissuti-gisara massakkut uterfigaara.

K Kommunip suliami akissutaa 18. februar 2008-mi tiguara.

Kommunip akissutaanit ilaatigut makku erserput:

"D Familiebehandlingimut kiisalu ...-mi ilaqutariinnik sullissivimmi ...-mi oqaloqa-tigineqartalernissaanut A-p saaffiginnissutigisaa tunngavigalugu [nunaqarfi]mmut tikeraarluni angalanermi 2006-imi D angajoqqaatullu oqartussaassuseqartoq oqa-loqatigineqarsimapput, K Kommunimi inummik isumaginnittoqarfimmi suleqatigi-neqarnissaat pilersaarusoqatigineqarnissaallu pillugit, piffissamilu taaneqartumi D-p ataataata inooqatigisimasaa A piffissami angalanerup nalaani illoqarfimmut alla-mut aallarsimammat angajoqqaatut oqartussaassuseqartumut taamaallaat paasitit-sisinnaallutalu iliuuseqarsinnaangatta A suliap ingerlaneramik paasitissinnaanngilar-put, nipangiussisussaataaneq tunngavigalugu taamaallaat ataataasumut attaveqar-sinnaagatta."

Tamatumunnga atatillugu qinnuigaakkit kommunip allakkanut 18. maj 2006-imeersu-nut D-mut angajoqqaatut oqartussaassuseqartoq peqatigalugu illit atsiorsimasannut akissuteqarsimanninneranik nassuiaataa pillugu oqaaseqaatissaqarnerisutit nalunaar-figeqqullunga.

Kommunip akissutaa pillugu oqaaseqaatissaqaruit qinnuigineqarputit oqaaseqaatit uannut sapaatit akunneri arfinillit qaangiutsinnagit nassiuteqqullugit.

Tusarfigingikkukkit Ombudsmandip suliamik paasissutissat pigineqartut tunngavigalugit inaarsaalluni suliarinninnissaa naatsorsuutigisariaqarpat."

A-p akissutaa imaattoq 13. august 2008-mi tiguara:

"Siullermik qujavunga allakkanut.

Naqqiuteqalaassuunga D-p angutaanut ...-mut suli inooqataagama, inooqatikuunanga.

Saaffiginnissuterpullu ilaqutariit akornatsinni ataatsimut aaliangiunneqarsimalluni, imatut paasillugu: Angajoqqaatut oqartussaasoq ...-p kiisalu meeqqap pineqartup D-p aaliangernerisigut saaffiginninneq aallartissimalluni.

Ajuusaarnartua uaniippoq, saaffiginninnerup aallartinneraniit ukiut pingasut qaangiupput sulilu saaffiginnissuterput naammassineqarnani. K Kommunimi suliaq kigaalasi-maqaq sulisullu paarlakaannerujussuannik paatsuungasoqartannguatsiarluni.

Ilanngullugu ilisimatitsissutigissuara inooqatima tassa angajoqqaatut oqartussaasup ...-p angalajuarnini pissutigalugu, pisinnaatitsissut uannut tunniussimallugu. Ajuusaarnarpoq tamanna allaganngorlugu ingerlatissimanginnatsigu.

Soorunami ilaqutariittut saaffiginnissut tamatta malinnaavigaarput, suliaq qanoq ingerlanersoq eqqartorneqartarpoq ilaqutariit akornatsinni, meeqqamut oqilisaaniaqataagatta akisussaasuugatta.

Naggataatigut ilisimatitsissugissuarput meeraq pineqartoq D ukioq manna atuarfiusoq aallarnerfigalugu ...-mi ukiut atuarfissani kingulliit ingerlatissammagit."

A-mut 30. januar 2009-mi imatut allappunga:

"Suliaq K Kommunip tusarniaanermut akissutaa 7. juli 2008-meersoq pillugu oqaaseqaatinnik 12. august 2008-mi saqqummiussiffigisat massakkut uterfigaara.

Piffissaq sivisooq misissueqqilernissama tungaanut ingerlasimasoq siullertut ajuusaarutigaa. Atorfeqarfiup ininut nutaanut 2008-mi augustip qaammataani nutsernera, qarasaasiami ingerlatseriaatsimik nutaamik 2008-mi septemberip qaammataani atulersitsineq sulisullu arlallit 2008-mi ukiap ingerlanerani soraarnerat Atorfeqarfiup sulianik suliarinninneranut kinguarsaaqataasimapput.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Misissuinerali naammassingajalerpara, tamatumunngalu atatillugu suliami allagaatit ilinnit aamma K Kommunimit tigusakka tamarmiusut misissoqqippakka.

Misissuininni malugaara K Kommuni 28. august 2006-imi allaffigisimagit, D-llu ilaqtariinnik katsorsaannermi ilaatinneqarnissaa qinnuteqaatigisimagit. Kommunip allakkanut taakkununga akissutaa suliami allagaatinut ilaangilaq.

Taamaattumik allakkatit 28. august 2006-imeersut akineqarsimanersut, allakkallu akineqarsimangippata tamatumunnga pissutaasoq pillugu nassuiaateqaqqullugu K2³² Kommuni qinnuiginiarlugu aalajangerpunga.

K2 Kommunimut allakkama assilinerat ilanngullugu nassiuppara.

K2 Kommunip akissutaa tigugukku suliamik misissuina inaarsarsinnaassallugu naatsorsuutigaara."

K2 Kommunimut ulloq taanna allakkakka imaattunik oqaasertaqarput:

"Suliami allagaatinik A-mit tigusannik misissuininnik inaarsaalerninnut atatillugu malugaara A-p K Kommunimi isumaginninnermik ingerlatsivimmumt allagai 28. august 2006-imeersut ilaasut, D-llu ilaqtariinnik katsorsaannermi ilaatinneqarnissaa A-p K Kommunimut allakkatigut taakkunuuna qinnuteqaatigisimagaa.

Allakkat taakkua assilinerat allakkallu Atorfeqarfimmit qallunaatumut nutserneqarnerat ilanngullugit nassiuppakka.

Allakkat 28. august 2006-imeersut akineqarsimanersut allagaatini K Kommunimut 18. februar 2008-mi tigusanni takusinnaangilara.

Kommuni qinnuigaara A allakkat kingullertut taaneqartut pillugit akineqarsimanersuq paasissutissiissutigeqqullugu, taamaangippallu kommuni qinnuigaara allakkat akineqarsimanginnerannut pissutaasoq pillugu nassuiaateqaqqullugu."

Kommuni akissuteqarnissaanik 12. maj 2009-mi aamma 7. juli 2009-mi eqqaasippara.

Kommunip 20. juli 2009-mi imatut akivaanga:

"Qulaani pineqartumut tunngasut paasissutissat ingerlatinneqarput. D-p (inuttut normua) ataataata ...- aappaata A-p qinnuteqaannikuuvaa pisariaqartitsinera tunngavigalugu familiebehandlingsinnaanersuq, imaluunniit ...-mukarsinnaanersuq.

32) Kommunit kattutsinneqarnerisigut kommuningortoq.

Qinnuteqaat tunngavigalugu [nunaqarfi]mmut angalasoqarnera tunngavigalugu paasiniaaffigineqarput, angajoqqaatut oqartussaasuseqartumut. Nassuiaassutigineqarluni lu aningaasat killeqarnerat tunngavigalugu tullerriaassisoqartoq, aammalu ... ulikkaaq-qammat tullerriaattunut ilanngunneqartoq, tamannalu tunngavigalugu paasilluarneqarpoq.

Akissut A-p naammaginngimmagu naammagittaalliuut ingerlalersimasoq pillugu paasissutissat ingerlatinneqarput."

A-mut 8. november 2009-mi imatut allappunga:

"Suliaq tusarniaaninnut 30. januar 2009-meersumut K2 Kommunimut nukingisaarutigita pillugu 7. juli 2009-mi ilinnut kingullermik ilisimatitsissuteqarfigisara massakut uterfigaara.

D-p ilaqutariinnik katsorsaannermi katsorsarneqarnissaanik qinnuteqaatinnut 28. august 2006-imeersunut malitseqartitsiviginninnermik apeqqutigita kommunip 22. juli 2009-mi akivaa.

Kommunip akissutaani oqaatigineqarpoq suliaq K Kommunip (immaqalu K2 Kommunip) D-mut angajoqqaatut oqartussaasuseqartoq eqqarsaatigalugu suliarisimagaa. Tamanna imatut paassivara saaffiginnissutitit kommunip akisimanngikkai.

Suliami K Kommunimut saaffiginnissutinnut akissuteqarfigineqartarsimanersutit apeqqummut tunngasumi tamatuma kingornatigut oqaaseqaateqarsinnaanerluni Ombudsmandip isumaliutersuutigaa, tak. ilinnut allakkakka 16. august 2007-imeersut.

Malugaarali uannut allakkanni kingullerni 12. august 2008-meersuni oqaatigisimagit D-mut ikiorsiiniutinik aallartitseqqullutit kommunimut saaffiginnissutinnik K Kommunip suliarinninnera pillugu Ombudsmandimut naammagittaalliornissannut A-p inooqataanit (D-mut angajoqqaatut oqartussaasuseqarnermik tigummissaqartumit) piginnaatitsissummik peqartutit.

A-p inooqataata allakkatigut piginnaatitsissutaa nassiussinnaagukku Ombudsmandi misissuinermi saaffiginnissutivit kommunimit suliarineqarnerannik isummerfigineqarnerannillu misissuinermit aamma annertusisinneqarnissaanut piareersimajumavoq, pingaartumik kommuni Isumaginninnermi Naammagittaalliuuteqartarfimmit suliarineqartariaqartunik aalajangiisimanersoq qulaajarniarlugu.

A-p inooqataata piginnaatitsissutaanik ullumikkumiit sapaatit akunnerisa arfineq pingasut qaangiunneranni tigusaqanngikkuma manna piareersimaffigisariaqarpat, tassalu kommuni saaffiginnissutinnut akissuteqarnissaminut ingerlatsineq pillugu inatsiseqartitsineq tunngavigalugu pisussaaffimminik eqqortitsisimanersoq kisiat Ombuds-

6. Suliat nalinginnaasumik soqutiginaatillit, inatsiseqartitsiffiusunut agguataakkat

mandi oqaaseqaateqarfigissagaa, saaffiginnissutitilli aqutsinermi oqartussaasunit inerlugit suliarineqarsimasutut isigineqarsinnaanersut Ombudsmandip isummerfigissanngikkaa."

A-p inooqataa uannut 17. november 2009-mi imatut allappoq:

"Uanga ateqarpunga ... (inuttut normu), matumuunalu uppersaavunga uanga A una pillugu D, (inuttut normua), suliakkersimallugu.

Taamatut naatsunnguamik uppersaallunga."

Tamatuma kingornatigut imaattunik oqaaseqaateqarpunga:

"1. Misissuinerma killissalersorneqarnera

Uanga misissuinerma A-p inooqataatalu allagaannik 18. maj 2006-imeersunik K Kommunip suliarinnissimanera D-llu ilaqutariinnik katsorsaanermi ilaatinneqarnerata aallartinneqarnissaanik A-p qinnuteqaataanik 28. august 2006-imeersumik kommunip suliarinnissimanera ilaatinneqarput, mannami uanga tunngaviutikkakku, tassalu Ombudsmandimut naammagittaalliornissamut piffissaliussaq 16. april 2007, tassa A-p allagaannik 13. februar 2007-imeersunik Naalagaaffiup Sinniisaanik tigusaqarfigisara A-llu Ombudsmandimut naammagittaalliorumanerminik e-mailikkut 9. juli 2007-imeersukkut uppersaateqarfigisaa eqqarsaatigalugit naatsorsorneqassasoq.

Suliaq A-p inooqataa sinnerlugu naammagittaalliuutitut tuniunneqarsimasutut A-p inooqataata piginnaatitsissutaa tigoreerlugu tamatumunnga atatillugu misissorpara.

Isumaginninnermi Naammagittaalliuuteqartarfiup suliamik suliarinninnera eqqarsaatigalugu kommuni Naammagittaalliuuteqartarfimmut naammagittaalliuutigineqarsinnaasumik aalajangiisimanersoq naliliivunga. Uanga paa-sinninnera unaavoq taamaattoqartoq, tak. immikkoortumi 3.2-mi oqaaseqaatikka, taamaattumillu Naammagittaalliuuteqartarfik suliap suliarineqarnissaa itigartitsinissaminut tunngavissaqarsimanngitsoq. Suliap suliarineqarnissaa itigartitsissutigineqassanersoq Naammagittaalliuuteqartarfiup misissuinerma isornartorsuinermit pissutissaqalersitsisinnanersoq naliliiffiginninneq misissuinermit matumunnga killissarititaasut avataanniippoq.

Ilaqutariinnermut Pisortaqarfiup suliamik nakkutilliinnermi oqartussaasutut misissuiffiginnikkumanninnera eqqarsaatigalugu pisortaqarfimmut tassunga allakkanni 16. august 2007-imeersuni oqaaseqaatikka innersuussutigaakka, allakkanilu taakkunanani ilaatigut malugeqqullugu oqaatigaara pisortaqarfiup su-

liamik misissuinissaminut tunngavissaqarani pisorta qarfiup oqarnera isumaqatiginngikkiga.

2. A-p inooqataata aamma A-p allagaannik 18. maj 2006-imeersumik K Kommuniip suliarinninnera

Allakkat taakku kommunimut qinnuteqaatinik tigussaasunik imaqanngillat, Dlli tapersorsorneqarnissamik pisariaqartitsineranik allaaserinninnermik imaqarlutik.

Tusarniaanermut akissutit 13. september 2007-imi aamma 20. juli 2009-mi tigusakka imatut paasivakka K Kommuni allakkat taakku tunngavigalugit tigussaasunik suliniuteqarsimangitsoq, A-llu allagaasa 28. august 2006-imeersut tigueqarnerisa kingornatigut kommunip suliaq aatsaat suliarilersimagaa.

Oqaatigaara meeqqanik inuusuttunillu ikiorsiisarneq pillugu Inatsisartut peqqussutaat (Inatsisartut peqqussutaat nr. 1, 15. april 2003-meersoq kingusinnerusukkut allannguuteqartinneqarsimasoq) § 6, imm. 1-imi aalajangersakkamik imaattumik imaqartoq:

"Kommunalbestyrelsi meeqqamik immikkut tapersorsortarialimmik paasisaqaruni, ilanngullugu timikkut eqqarsartaatsikkullu pisinnaasakillisisimaneq pissutigalugu, pissutsit misissorneqarnissaat kommunalbestyrelsip isumagissavaa."

Misissuineq qaqugukkut aallartinneqartassanersoq aalajangersakkami tassani taannaluunniit piareersarlugu suliani oqaatigineqanngilaq.

Inatsisartulli peqqussutaat pillugu oqaaseqaatinit nalinginnaasunit makku er-serput:

"Pisariaqartitsineq aallaavigalugu ikiorsiinissaq meeqqanik inuusuttunillu ikiorsii-sarnermi tunngavigineqartalissaaq, taamaalilluni qanorpiaq suliniuteqarnissamut aalajangiisuussallutik meeqqap/inuusuttup pisariaqartitai, maannamut tunngavigineqartartoq ilaqutariit ataatsimut pisariaqartitai kisimik isiginiarneqarunnaassallutik. Taamaattumik meeqqap pisariaqartitavii peqqussummi sammineqarput. Kinguneriligassaa tassaavoq ilaqutariinni meerartalinni isumaginninnikkut ajornartorsiutit siusissukkut iliuuseqarfigineqarsinnaalerlutillu iliuuseqarfigineqartussanngussammata. Siusissukkut iliuuseqarnermi ajornartorsiutit meeqqamut inuusuttumulluunniit annertusivallaannginnissaat periarfissinneqassaaq, aammalu ajornartorsiutit annertunerulernatillu artornarsivallaannginnissaat periarfissinneqassallu-ni.

Siusissukkut akuliunneq aamma pinngitsoorani iliuusissanik pilersaarusiornissaq ilaqutariinni meerartalinni ajornartorsiutit annertusiartuinnarnissaannik pinaveersaartitseqataassaaq, peqatigisaanillu assersuutigalugu meeqqamik katsorsaannissaq

6. Suliat nalinginnaasumik soqutiginaatillit, inatsiseqartitsiffiusunut agguataakkat

siunertaralugu inissiinissamik pisariaqartitsinerit annikillisissallugit. Taamaattumik angerlarsimaffimmi suliuiniutinut, inissiinermi siunertaq erseqqissarlugu, aamma inissiinerup atorunnaarnerani (suliniutit atorunnaarneranni malinnaaneq) iliuussissanik pilersaarusiornissaq pillugu aalajangersakkat siunnersuutigineqarput, taamaalilluni meeqqap inuusuttulluunniit siunissaa isumagineqartussanngorlugu."

Kommunip ikiorsiiniutaanik aallartitsisoqarnissaa qanoq pisariaqartinneqartigisoq A-p inooqataata aamma A-p kommunimut saaffiginnissutaata takutippaa, D-llu inuttut annertuunik ajornartorsiuteqartoq allakkat taakku tamatumunnga peqatigitillugu takutillugu.

Uanga tamanna tunngavigalugu paasinninnera unaavoq ikiorsiiniutinik aallartitsisoqarnissaanik annertuumik pisariaqartitsisoqarnersoq K Kommuni allakkat 18. maj 2006-imeersut pissutigalugit ingerlaannaq misissuinissaminut pisussaaffeqarsimasoq.

Taamaattumik uanga paasinninnera unaavoq K Kommuni A-p inooqataata aamma A-p saaffiginnissutaannut imaaliallaannaq qisuariarfiginninnginnermigut pisussaaffinnik kommunip meeqqanik inuusuttunillu ikiorsiisarneq pillugu Inatsisartut peqqussutaat tunngavigalugu pisussaaffigisaanik isorisarialerujussuarmik sumiginnaasimasoq.

3. A-p allagaanik 28. august 2006-imeersumik D-p ilaqutariinnik katsorsaanermi peqataatinneqarnissaanik qinnuteqarfigisaanik K Kommunip suliarinninnera

3.1 Suliami illua'tungiusup sinniisoqarneranik apeqqu

K Kommunip tusarniaanermut akissutaa 13. september 2007-imi tigusara aallaavigalugu uanga paasinninnera unaavoq kommuni A eqqarsaatigalugu suliami aalajangiisimanngitsoq, tassami kommunip paasinninnera unaammat A suliami illua'tungiunngitsoq.

Isummap taassuma isornartorsiuinissannut pissutissaqalersissinnaanngilaa nga.

Tamatumunngali peqatigitillugu pineqartoq tassaavoq A-p inooqataata aamma A-p D pillugu ataatsimoorlutik saaffiginnissutaat 18. maj 2006-imeersoq kommunip oqaatigineqartutut tigusimagaa.

Uanga paasinninnera unaavoq tamatuma immi A inooqamminut imaluunniit immaqa D-mut suliami illua'tungiusumut sinniissutut iliuuseqarnersoq kommu-

*ni erseqqinnerusumik misissuinissaanut pissutissaqalersissimasariaqaralua-
raa.*

*Suliassat suliarineqartarnerat pillugu inatsimmi § 8 imaattunik oqaasertaqar-
poq:*

*"§ 8. Suliame (illuatungiulluni) peqataasoq suliassap suliarineqarnerani sukkulluun-
niit sinniisoqartissinnaavoq ikiorneqartissinnaalluniluunniit. Oqartussaasulli piu-
masarisinnaavaat peqataasup taassuma nammineq najuunnissaa, tamanna suliassap
aalajangiiffiginissaanut pingaaruteqarpat.*

*Imm. 2. Imm. 1-imi oqaaseqatigiinni siullerni aalajangersagaq atortuussanngilaq
peqataasup sinniisoqartitaasinnaannissaminik ikiorteqartitaasinnaannissaminilluun-
niit soqutiginninnera pisortat inuinnaalluunniit soqutigisaat pissutiginerullugit min-
nerutittariaqartut isumaqarfignarpat, imaluunniit inatsisitigut allamik aalaja-
ngersagaqareerpat."*

*Suliame illua'tungiusutut sinniisoqarsinnaatitaaneq innuttaasut inatsiseqar-
titsinikkut innarlitsaalineqarnissaannik siunertaqarpoq, ataatsimullu tunnga-
vimmut Nunani Avannarlerni ingerlatsineq pillugu inatsisiliornermi akuerisaa-
sumut takussutissaalluni, tak. Justitsministereqarfiup Danmarkimi ingerlatsi-
neq pillugu inatsisissatut siunnersuut pillugu oqaaseqaatai imaattut (FT 1985-
1986, Till. A, sp. 130 tulliillu):*

*"Inatsisissatut siunnersuummi kapitali 3 aalajangersakkat pillugit oqaaseqaatit i-
ngerlatsineq oqartussaasut ingerlatsiviup suliame suliarinninnerani innuttaasup
suliame sinniisoqarsinnaatitaanerannik imaluunniit allanik ikiorneqarsinnaatita-
nerannik innuttaasunut ilitersuinissaannik imaqartut suliap suliarineqarnerani pe-
qataasinnaatitaannginneq pillugu malittarisassat assigalugit inatsisini atuuttuni as-
seqanngillat.*

*Ingerlatsinermili ileqqorissaarneq pillugu malittarisassat nassatarereerpaat, soorlu
tamanna Ombudsmandip periaasiani ilaatigut oqaatigineqartoq, ingerlatsinermi
oqartussaasut inunnik oqartussaasunut saaffiginnittunik ilitersuinissaminut aala-
jangersimasumik annertussusilimmik pissusaaffeqarnerat. Tamatuma pissuseqataa-
tut malittarisassatut nalinginnaasutut atuuppoq pisortat ingerlatsivianni suliame su-
liarineqartumi illua'tungiusoq suliap suliarineqarnerani nalinginnaasumik ikiorne-
qarsinnaatitaasoq sinniisoqarsinnaatitaasorluunniit.*

*Ukiuni kingullermi manna pingaartillugu isiginiarneqaleriartorpoq, tassalu innut-
taasut pisinnaatitaaffi pissusaaffilu pisortani oqartussaasut innuttaasunut ilisima-*

6. Suliat nalinginnaasumik soqutiginaatillit, inatsiseqartitsiffiusunut agguataakkat

titsissutigissagaat, oqartussaasullu innuttaasunik pisariaqarneratut annertutigisumik kiffartuussissasut.

Ingerlatsineq pillugu ataatsimut inatsimmi ingerlatsinermi oqartussaasut innuttaasunik ilitersuinissaminnik pisussaaffeqarnerat pillugu aalajangersakkamik erseqqissumik ilanngussinissaq tamanna tunngavigalugu qanippoq. Inatsiseqartitsineq pillugu ataatsimiititaliap inatsisissatut siunnersuummik Folкетинip kingullermi ataatsimiinnerani suliarinninnerani qulaani taaneqartutut imm. I a-p ataani oqaatigineqarpoq ilitersuisarneq aamma sinniisoqartarneq pillugu malittarisassanik erseqqissunik ingerlatsineq pillugu inatsimmi ilanngussisoqartariaqartoq, Finlandimi Norgemilu ingerlatsineq pillugu inatsisit atuuttut aamma Sverigemi ingerlatsineq pillugu inatsisissatut nutaatut siunnersuummut missingiutip pissuseqataannik. Taamaattumik tamanna pillugu malittarisassat Justitsministereqarfiup inatsisissatut siunnersuummi saqqummiussaani ilanngunneqarput." (Atorfeqarfimmi nutsigaa-voq)

Taamaattumik oqartussaasup qinnuteqaammik innuttaasumit suliame illua'tungiuunngitsumit tigusaqartup qinnuteqartoq suliame illua'tungiusumut sinniisuunersoq pisariaqarneratut annertutigisumik misissortariaqarpaa. Sinniisuunermut tunngasut uppernarsaaseqqunissaannut periarfissaq misissuinnermi tassani pissutsit qanoq ittuunerat apeqqutaatillugu ilaavoq.

Tamanna tunngavigalugu isumaqarpunga A inooqamminut (imaluunniit D-mut) suliame illua'tungiusumut sinniisuunersoq misissuiffiginninnginnermigut K Kommuni isorisarialimmik kukkussuteqarsimasoq.

Uanga paasinninnera unaavoq kukkuneq taanna suliap ingerlaqqinneranut sunnuteqarsinnaasimasoq, tassami ilaqutariinnik katsorsaanermi peqataatitsineq pillugu apeqqut kommunip paasissutissiissutigineqartut malillugit nunaqarfimmut tikeraarnermini A-p inooqataanut aatsaat oqaloqatiginnissutigisimammagu.

A suliame illua'tungiusumut sinniisuusoq kommunip akuerisimasuuguniuk taassuma qinnuteqaataa allakkatigut aalajangiivigissallugu suliassat suliarineqartarnerat pillugu inatsimmi tunngavilersuisarneq aamma naammagittaalliornissamut periarfissamik ilitersuisussaataaneq pillugit malittarisassat tunngavigalugit pisussaaffeqarsimassagalarpoq, taamaalillunilu erseqqissumik takuneqarsinnaassalluni kommuni Isumaginninnermi Naammagittaalliuuteqartarfimmut naammagittaalliuutigineqarsinnaasumik aalajangiisimasoq.

Aamma oqaatigaara kommunip A-mut allagai 8. februar 2008-meersut taassuma qinnuteqaataata tiguneqarneranik uppernarsaataasut A eqqarsaatigalugu naammattumik suliarinninnerunngitsut, A suliassat suliarineqartarnerat pil-

lugu inatsimmi suliami illua'tungiusumut sinniisuusarneq pillugu malittarisas-
sanik eqqortitsisimappat.

3.2 D ataataalu eqqarsaatigalugit suliamik suliarinninneq pillugu apeqqu

*D-p ilaqutariinnik katsorsaannermi peqataatinneqarnissaanik apeqqu K Kom-
munimi isumaginninnermik ingerlatsiviup [nunaqarfi]mmi 2006-imi piffissami
erseqqinnerusumik oqaatigineqanngitsumi tikeraarnerani A-p inooqataanut
oqaatigineqartutut oqaloqatiginnissutigisimavaa. K Kommunip tusarniaaner-
mut akissutaanit erserpoq kommunip A-p inooqataa attaveqarfigisimagaa, A-p
ilaqutariinnik katsorsaannermut peqataatitsinissamik qinnuteqaataa pissuti-
galugu.*

*Tusarniaannermut akissutit tiguneqartut aallaavigalugit makku tunngaviutip-
pakka, tassalu D-p ilaqutariinnik katsorsaannermut peqataatinneqarnissaa K
Kommunip piareersarsimagaa, kommunilli A-p inooqataanut oqaatigisimagaa
ilaqutariinnik katsorsaannermut peqataatitsineq kommunip neqeroorutigini-
anngikkaa, tamannalu kommunip aningaasaataasa atornerarnerannik tulleriia-
rinnermik katsorsaavimmilu pineqartumi katsorsartinnissamut utaqqisut allat-
torsimaffianni utaqqisoqarneranik pissuteqartoq.*

*Kommunip katsorsaannermut peqataatitsinermut taarsiullugu D ataataalu nam-
mineq oqaloqatigisimavai.*

*Tamatuma kingornatigut apeqqutaalersoq tassaavoq K Kommunip ilaqutariin-
nik katsorsaannermut peqataatitsiniarnani oqarsimanera aalajangiinerunersoq
Isumaginninnermi Naammagittaalliuteqartarfimmut naammagittaalliutigi-
neqarsinnaasoq.*

*Oqaatigaara meeqqanik inuusuttunillu ikiorsiisarneq pillugu Inatsisartut peq-
qussutaanni aalajangersaakkat uku naliliinernut tassunga attuumassuteqartut:*

§ 6, imm. 1:

*"Kommunalbestyrelsi meeqqamik immikkut tapersersortarialimmik paasisaqaruni,
ilangullugu timikkut eqqarsartaatsikkullu pisinnaasakillisimaneq pissutigalugu,
pissutsit misissorneqarnissaat kommunalbestyrelsip isumagissavaa."*

§ 7, imm. 1:

*"Misissuinermi paasisat isummertoqarnissaanut atornerqassapput, suliniutinik aal-
lartitsinissaq tunngavissaqarnerasoq taamaappallu suliniutit suut inassutigineqassa-
nersut."*

§ 9:

"Imm. 1. Angajoqqaatut oqartussaassuseqartoq aamma meeraq 15-ileereersimasoq akuersiseqqaarlugit ikiorsiissutissaq meeqqap immikkut pisariaqartitsineranut naleqqunnerpaaq kommunalbestyrelsip toqqassavaa.

Imm. 2. Kommunalbestyrelsi assersuutigalugu aalajangersinnaavoq

1) meeqqamut pissutsinut tunngatillugu isumaginninnermi sullissinikkut ikiorsiinis-samik,

2) meeraq ulluunerani neqeroorutini, inuusuttut klubbianni, ilinniartitaanermut as-sigisaanniluunniit peqataassasoq,

3) illup iluani, perorsaanermik imaluunniit allatut angerlarsimaffimmi tapersersui-nikkut ikiorsiinissamik,

4) ilaqutariinnik katsorsaanissamik assigisaanilluunniit tapersersuinissamik,

5) meeqqamut, angajoqqaatut oqartussaassuseqartumut aamma ilaqutariinni ilaa-sunut allanut ulloq unnuarlu paaqqinniffimmi, angajoqqaarsiani assigisaanniluun-niit ulloq unnuarlu inissiinissamik neqerooruteqarnissamik,

6) ulloq unnuarlu paaqqinniffimmi, angajoqqaarsiani taakkualuunniit assigisaanni oqilisaassinertut inissiinissamik neqerooruteqarnissamik,

7) meeqqap angerlarsimaffiup avataanut inissinneqarneranut atatillugu angajoq-qaatut oqartussaassuseqartup tapersersorteqarnissaanik neqerooruteqarnissamik,

8) inuttut siunnersuisorisamik neqerooruteqarnissamik, tak. § 16,

9) ineqarfiutigalugu atuarfimiinnermut efterskolemiinnermulluunniit aningaasati-gut ikiorsiinissamik, tamatumunnga angajoqqaatut oqartussaassuseqartoq nammi-neerluni akissaqanngippat,

10) meeqqap angerlarsimaffiup avataanut inissinneqarnissaanik, assersuutigalugu ulloq unnuarlu paaqqinniffimmut imaluunniit angajoqqaarsianut, meeqqap immik-kut pisariaqartitsineranut naammassinnissinnaasutut isigineqartumut imaluunniit,

11) suliniuteqareernerme malinnaanissamik.

Imm. 3. Kommunalbestyrelsi aalajangersinnaavoq suliniutit imm. 2-mi taakkartorneqartut malitsigisaannik aningaasartuutitut ikiorsiinissamik, taakkununga angajoqqaatut oqartussaassuseqartoq nammineerluni akissaqarsimangippat."

§ 39:

"§ 6, imm. 3, §§ 9-10, § 17, § 29 aamma § 38 malillugit aalajangiinerit isumaginnittoqarfiup aqunneqarnera aqqissuussaanelu pillugit Inatsisartut peqqussutaanni aalajangersakkat tunngavigalugit Isumaginninnermut Naammagittaalliuuteqartarfimmu naammagittaalliuutigineqarsinnaapput."

Naammagittaalliornissamut periarfissaq isumaginnittoqarfiup aqunneqarnera aqqissuussaanelu pillugit Inatsisartut peqqussutaanni nr. 11-mi, 12. november 2001-imeersumi § 8, imm. 1-ikkut imatut allaaserineqarpoq:

"Isumaginninnermi malittarisassat naapertorlugit kommunalbestyrelsi aalajangiisimatillugu suliambut attuumassuteqartup aalajangiineq Isumaginninnermi Naammagittaalliuuteqartarfimmu naammagittaalliuutiginnaavaa. Aalajangiinerup figuneranit sapaatip akunneri sisamat qaangiutsinnagit Isumaginninnermi Naammagittaalliuuteqartarfimmu naammagittaalliuuteqartoqassaaq."

Isumaginnittoqarfiup aqunneqarnera aqqissuussaanelu pillugit Inatsisartut peqqussutaanni naammagittaalliortarnek pillugu ataatsimut malittarisassat meeqqanik inuusuttunillu ikiorsiisarnek pillugu Inatsisartut peqqussutaanni innersuussutigineqartut taamaalillutik oqaatigaat naammagittaalliornissamut periarfissaq aalajangiinernut tunngasuusoq, isumaginnittoqarfiullu aqunneqarnera aqqissuussaanelu pillugit Inatsisartut peqqussutaat piareersarlugu suliani matuma ilimaginissanut tunngavissaqanngitsaq, tassalu aalajangiinnermik oqartarnek ingerlatsineq pillugu inatsiseqartitsinnermi aalajangiinnermik oqartarnermi pineqartunut ilaatinneqartunit allaasoq pineqartoq.

Tamatununga peqatigitillugu meeqqanik inuusuttunillu ikiorsiisarnek pillugu Inatsisartut peqqussutissaattut nr. 1-itut, 15. april 2003-meersutut siunnersuut pillugit oqaaseqaatini nalinginnaasuni ilaatigut makku oqaatigineqarput:

"Inatsisinut allanut attuumassuteqarnek

(...)

Pisortat ingerlatsineranni suliassat suliarineqartarnerat pillugu inatsit:

6. Suliat nalinginnaasumik soqutiginaatillit, inatsiseqartitsiffiusunut agguataakkat

*Siunnersuummi suliassat suliarineqarnissaannik aalajangersakkanut pisortat ingerlatsineranni suliassat suliarineqartarnerat pillugu inatsit, ilitsersuineq, allagaatinik suliassamut tunngasunik ilisimatinneqarnissaq, oqaaseqartussaataaneq aamma suliamik attuumassuteqartumik tusarniaasarneq il.il. pillugit aalajangersakkanik erseqqissunik imaqartoq soorunami tapertaassaaq. Sulianik ingerlatsisup pisortat ingerlatsineranni suliassat suliarineqartarnerat pillugu inatsimmik suliap ingerlane-
ra tamaat qimerluuisarnissaa aammalu suliassanik suliarinninnermini immikkut malittarisassat paragraffini ataasiakkaani nassuiarneqartut ilannguttarnissai pingaaruteqarluinnarpoq."*

Meeqqanik inuusuttunillu ikiorsiisarneq pillugu Inatsisartut peqqussutaanni taamaalliluni tunngavigineqarpoq sulianik Inatsisartut peqqussutaanni tassani pineqartunut ilaatinneqartunik suliarinninnermut ilaatillugu ingerlatsineq pillugu inatsiseqartitsineq tunngavigalugu aalajangiisoqartassasoq.

Taamaattumik uanga paasinninnera unaavoq kommuni meeqqanik inuusuttunillu ikiorsiisarneq pillugu Inatsisartut peqqussutaat tunngavigalugu "aalajangiisimasoq", Isumaginninnermi Naammagittaalliuuteqartarfimmu naammagittaalliuutigineqarsinnaasumik, aalajangiineq taanna ingerlatsineq pillugu inatsiseqartitsineq tunngavigalugu aalajangiinermik oqartarnermi pineqartunut ilaatinneqarpat.

Ilaqutariinnik katsorsaannermut ilaatitsinninnissamik K Kommunip aalajangiinera eqqarsaatigalugu tamatuma kingornatigut oqaatigaara aalajangiineq taanna D meeqqanik inuusuttunillu ikiorsiisarneq pillugu Inatsisartut peqqussutaat tunngavigalugu ikiorneqarnissamik pisariaqartitsisoq kommunip isummersimaneranut takussutissaasoq, kommunilu aalajangersimasoq pineqartup ataataatalu oqaloqatigineqarnerisigut ikiorsiisoqassasoq.

Kommuni taamaaliornermigut D-p imaluunniit ataataata Isumaginninnermi Naammagittaalliuuteqartarfimmu naammagittaalliuutigisinnaasaannik aalajangiisimanersoq naliliininni siullertut pingaartillugu isiginiarpara kommunip ikiorsiiniuteqartoqarnissaannik isummerfiginninnera pingaarnerusutigut isigalugu meeqqamut imaluunniit meeqqap angajoqqaavinut sullissisimanermut takussutissaasoq.

Taamaattumik kommunip ikiorsiinnigilluinnarnissaannik aalajangerneq, tak. meeqqanik inuusuttunillu ikiorsiisarneq pillugu Inatsisartut peqqussutaanni § 7, imm. 1, meeraq angajoqqaavilu eqqarsaatigalugit ingerlatsineq pillugu inatsiseqartitsinermi aalajangiinermik oqartarneq tunngavigalugu qularutissaanngitsumik aalajangiineruvoq.

Meeqqanik inuusuttunillu ikiorsiisarneq pillugu Inatsisartut peqqussutaanni ikiorsiissut sorleq § 9-mi periarfissat (ikiorsiiniutilluunniit allat) akornanni

kommunit atussaneraat apeqqummi ikiorsiiniut sorleq meeqqap immikkut pisariaqartitaanut naapertuunnerpaanersoq aalajangiisuvoq, tak. § 9, imm. 1.

Uanga paasinninnera aammattaaq unaavoq meeqqanik inuusuttunillu ikiorsiisarneq pillugu Inatsisartut peqqussutaanni § 9, imm. 1-ip § 7-imut ataneqarluni manna nassatarigaa, tassalu ikiorsiiniummik aalajangersimasumik ikiorsiisoqarnissaanik qinnuteqaateqartoqarsimanersoq apeqqutaatinnagu ikiorsiiniutip sorliup toqqarnissaa isumaliutersuutigissallugu kommunip pisussaaffigigaa.

Qinnuteqaatip sunniutigeqqaagaa tassaavoq pisumi pineqartumi qinnutigineqartoq itigartitsissutigineqarpat aalajangiinerup taassuma qinnuteqartoq inulunnit qinnuteqaammik pineqartoq eqqarsaatigalugu aalajangiinerunera, aamma tak. A-p qinnuteqaataa pillugu 3.1-imi oqaaseqaatikka.

Meeqqanilli inuusuttunillu ikiorsiisarneq pillugu Inatsisartut peqqussutaat kisiat isigalugu takuneqarsinnaanngilaq ikiorseeriaatsimik aalajangersimasumik toqqaaneq ikiorseeriaatsinillu allanik toqqaannginneq ingerlatsineq pillugu inatsiseqartitsineq tunngavigalugu aalajangiinerunersut.

Tamatumani aalajangiisuusoq tassaavoq aalajangiinerup innuttaasunut eqqorneqartunut³³, pisumi matumani D-mut ataataanullu, pingaaruteqassusianik naliliineq.

K Kommunip D-mut ikiorsiinissamik apeqqummik isummerfiginninnera imatut aamma paasisariaqarakku kommuni naliliisimasoq ikiorsiiniut naleqquttoq tassaasoq D-mik ataataanillu oqaloqatiginninnerit, kommunip isummernerata manna imaaliallaannaq nassataraa, tassalu kommuni tamatumunnga peqatigitillugu aalajangersimasoq ilaqutariinnik katsorsaanermut peqataatitsiniarani imaluunniit ikiorseriaatsinik meeqqanik inuusuttunillu ikiorsiisarneq pillugu Inatsisartut peqqussutaanni § 9, imm. 2-mi taagorneqartunik ikiorsiiniarani.

Taamaattumik uanga paasinninnera unaavoq D eqqarsaatigalugu aalajangiineq ima sunniuteqartigisoq, taanna pineqartoq eqqarsaatigalugu ingerlatsineq pillugu inatsiseqartitsineq tunngavigalugu aalajangiinertut isigineqartariaqartoq. Aalajangiineq taanna aamma A-p inooqataa eqqarsaatigalugu aalajangiinerunersoq apeqqummi ilaqutariinnik katsorsaanermut peqataatitsinis-

33) Hans Gammeltoft-Hansen allallu, "Forvaltningsret", aappassaanik 2002-mi naqiter-titaq, quppernerit 36 tulliilu.

samik isumaliutersuutiginninnermi A-p inooqataa aamma ilaatinneqassanersoq apeqqutaavoq.

Tamanna tunngavigalugu isumaqarpunga K Kommuni D-p taassumaluunniit nakkutilliisuata Isumaginninnermi Naammagittaalliuuteqartarfimmut naammagittaalliuutiginnaasaannik aalajangiisimasoq.

Tamatamani kommuni allakkatigut tunngavilersuutitalimmik naammagittaalliornissamullu periarfissaqarneranik ilitersuutitalimmik aalajangiisariaqarsimagaluarnersoq isummerfiginngilara, isumaqarpungali manna ajuusaarnartumik kukkunerusoq, tassalu kommunip pisumi matumanisut ittumi A-p inooqataata panini pillugu allakkatigut kommunimut siusinnerusukkut saaffiginnisuteqarfignissamaani, ilaqutariinnillu katsorsaannermut peqataatitsinissamik (A-mit) allakkatigut qinnuteqaat tunngavigalugu aalajangiiffiusumi naammagittaalliornissamut periarfissat aamma allakkatigut aalajangiisogarnissaanik piumasaqaateqarsinnaanermik, tak. suliassat suliarineqartarnerat pillugu inatsimmi § 23, A-p inooqataanut ilitersuisimanginnera.

D ataataalu Isumaginninnermi Naammagittaalliuuteqartarfimmit naammagittaalliornissamut periarfissaqarneranik ilitersorneqarsimangimmata K Kommunip ilaqutariinnik katsorsaannermut peqataatitsinissamik (allatulluunniit ikiorsiisogarnissaanik) itigartitsissutiginnissimanagera Isumaginninnermi Naammagittaalliuuteqartarfimmut suli naammagittaalliuutiginneqarsinnaavoq, tassami pisumi tassani naammagittaalliornissamut piffissaliussa q suli ingerlalersimangimmat.

K Kommunilli ilaatigut aningaasaqarnermut tunngasut pissutigalugit D ilaqutariinnik katsorsaannermut peqataatinneqarnissamik neqeroorfigineqassanngitsoq A-p inooqataanut nalunaaruteqarneranik piffissaq ingerlasimasoq isiginiarlugu suliaq Naammagittaalliuuteqartarfimmut uanga nammineq nassiuutinngilara. A-mulli inooqamminut suliami illua'tungiusumut sinniisuusumut allakkatigut allatigut allakkat ukua assilinerinik ilaqartinneqartutigit ilisimatit-sissutigaaara naammagittaalliornissamut periarfissaq suli atuuttoq, D ilaqutariinnik katsorsaannermut peqataatinneqarnissamik meeqqanik inuusuttunillu ikiorsiisarneq pillugu Inatsisartut peqqussutaata killissarititaasa iluanni suli pisariaqartitsippat, naammagittaalliornissamullu periarfissami ikiorsiiniummik toqqaaneq aamma kommunip aalajangiinnermini aningaasaqarnermut tunngasunik isiginninniarsimanagera ilaatinneqartut.

4. K Kommunip suliamik uppersaasersuinnera

Suliaq pillugu paasisutissani kommunip uannut nassiuussimasaani kommunip ikiorsiiniutit pillugit apeqqummik D-nik aamma ataataanik oqaloqatiginnissi-

maneri pillugit suliamik kommunip misissuisimanera pillugu uppernarsaatiniq nassaarsinnaasimangilanga.

Oqaatigaara suliat paasisutissartalersorneqarnerat K Kommunip akisussaaffigigaa, taamaattumillu suliap ingerlasimanerata illersorneqarsinnaasumik uppernarsaasersorneqarneranut allakkatigut tunngaviit qulakkeerneqarnissaat kommunip ingerlatsinermi ileqqorissaarneq pillugu nalinginnaasumik tunngaviit tunngavigalugit pisussaaffigisimagaa.

Tamatuma saniatigut allattuisussaataaneq pisortat ingerlatsinerannik paasitineqarsinnaatitaaneq pillugu inatsimmi § 6, imm. 1-ikkut aalajangersarneqarpoq:

"Suliassani ingerlatsinermut oqartussaasunit aalajangiiffigineqartussani oqartussaap paasisutissanik suliassamut tunngassuteqarluinnartumik suliassap aalajangiiffigineqarnissaanut pingaaruteqartunik oqaasiinnakkut pissarsisoq, paasisutissanilluunniit taamaattunik allatut iliorluni paasisaqartoq paasisutissat taakku imaat pillugit allakkiussaaq. Taamaattorli paasisutissat taakku suliassap allakkiartaasa ilaanni takuneqarsinnaappata tamanna atuutinngilaq."

Kommunip D-mik ataataanillu oqaloqatiginninnerisa imarisaannik allattuinsaminut K Kommunip aalajangersagaq taanna tunngavigalugu pisussaaffeqarsimavoq.

Meeqqanik inuusuttunillu ikiorsiisarneq pillugu Inatsisartut peqqussutaanni tamatuma saniatigut § 7-imi qulaani issuakkanni tunngavigineqarpoq suliamik suliarinninnerup ilaa angajoqqaat meeqqallu ikiorsiiniutigineqarniartut pillugit isummerannut tunngasoq allakkatigut ingerlanneqassasoq, tassami paasisutissat taakku pillugit inassuteqaat kommunip suliarisussaammagu.

Tamatuma kingornatigut isumaqarpunga K Kommunip aamma K2 Kommunip suliap ingerlasimanera pillugu uppernarsaatiniq sukumiisunik peqannginnerat isorisariaqartuusoq.

5. A-p naammagittaalliuutaa tunngavigalugu uanga misissuiner

Suliamik uanga misissuiner 17. november 2009-p tungaanut A-p allagai 28. august 2006-imeersut K Kommunip akisimanerai apeqqummut killiligaavoq.

Misissuinerma kommunip meeqqanik inuusuttunillu ikiorsiisarneq pillugu Inatsisartut peqqussutaat tunngavigalugu suliarinninneranik ilaatitsilinnginninnut pissutaavoq allakkani A-mit 10. juli 2007-imi aamma 31. juli 2007-imi tigusan-

6. Suliap nalinginnaasumik soqutiginaatillit, inatsiseqartitsiffiusunut agguataakkat

ni suliamik allaaserinninninni issuakkanni takuneqarsinnaammat A-p inooqataata suliambut akuliunnissani kissaatiginngikkaa.

Taamaalillunga A-p piffissami tamatuma nalaani inooqamminut suliami illua'tungiusumut sinniisaasutut isiginissaanut pissutissaqarsimanngilanga.

Oqaaseqaatimali ukioq manna siusinnerusukkut inaarlugu suliarineqarsinnaasimannginnera ajuusaarutigaara.

(...)"

Innarluutillit

6.6 Isumaginninnermi Naammagittaalliuuteqartarfiup aamma Isumaginninnermut Naalakkersuisoqarfiup innarluutilimmut tapersersuutitik qinnuteqaammik suliarinninnerat

A-p qaratsamigut ajoqusersimasup qaratsaminilu aanaartoornermi kingunerisaanik qungatsiminit ammut nukillaarsimasup nakkutilliisuata tapersersortitut ikiorteqartitsinermut nalunaaquttap akunnerinik atugasani aamma Danmarkimi paaqqinniffimmi sungiusarluni najugaqarnisamat taamani Ilaqutariinnermut Peqqissutsimullu Pisortaqarfiusup ikiorsiumannginnera Ombudsmandimut naammagittaalliuutigaa. Piffissaq Isumaginninnermi Naammagittaalliuuteqartarfiup suliamik suliarinninnerminut atugaata sivisussusia A-p tamatumunnga peqatigitillugu aamma naammagittaalliuutigaa. Qinnuteqaatit akuerineqassasut Naammagittaalliuuteqartarfik tamatuma kingornatigut aalajangiivoq.

Suliap suliarineqarnerata nukingiunneqarnissaanik Isumaginninnermi Naammagittaalliuuteqartarfiup aalajangiisimannginnera suliallu piffissap ilaani Naammagittaalliuuteqartarfimmi tammaaneqarsimanera Ombudsmandip isornartorsiorpai.

Sungiusaqqinneqarnissaanik qinnuteqaammik Ilaqutariinnermut Pisortaqarfiup A-p peqqinnissaqarfimmi inaarlugu katsorsarneqarsimannginnera innersuussutigalugu itigartitsisimanera Ombudsmandip Isumaginninnermut Naalakkersuisoqarfimmut isornartorsiuutigaa.

Ombudsmandip aamma inassuteqaatigaa Isumaginninnermut Naalakkersuisoqarfiup kommuni innarluutilimmut tapersiisuteqartoqarnissaa-

nik inassuteqaateqartoq suliami illua'tungiusutut pinnagu innaarluutilik taamatut pisassagaa. (J.nr. 2009-146-0004)

A-p nakkutilliisuata K Kommuni, Ilaqutariinnermut Pisorta qarfik aamma Isumaginninnermi Naammagittaalliuuteqartarfik 11. maj 2007-imi naammagittaalliuutigai.

A ilisimanngitsoq K-p napparsimmavianut 17. september 2006-imi unitsinneqarpoq, Dronning Ingridillu Napparsimmavissuanut nuunneqarluni, tassanilu CT-scanning atorlugu misissuinnermi paasineqarluni qaratsamigut annertuumik aanaartoorsimasoq. A K-mi napparsimmavimmut 25. september 2006-imi utertillugu nuunneqarpoq, sulii ilisimmarsimanani, qungatsiminiillu ammut nukillaarsimalluni.

Ilaqutariinnermut Pisorta qarfik 13. november 2006-imi aalajangiivoq A inunnik annertuumik innarluutilinnik ikiorsiisarneq pillugu Inatsisartut peqqussutaanni pineqartunut ilaatinneqartoq:

"A-p inunnik annertuumik innarluutilinnik ikiorsiisarneq pillugu Inatsisartut peqqussutaanni nr. 7-imi, 3. november 1994-imeersumi pineqartunut ilaatinneqalernissaanik kiisalu napparsimmaviup paaqqutarinninnermut immikkoortorta qarfianiinnermut imaluunniit K-mi utoqqaat illuanniinnermut akiliutit akilerneqartarnissaanik qinnuteqaat Ilaqutariinnermut Pisorta qarfiup 3. november 2006-imi tiguaa. Nakorsap paasissutissiissutai amerlanerusut K-mi napparsimmaviup qinnuteqaataata naliliinerani atugassat kommunip 10. november 2006-imi tigusimavai.

Pineqartoq tassaavoq angut 39-nik ukiulik, 17.08.06-imi qaratsamigut annertooujussuarmik aanaartorsimasutut paasineqarsimasoq, qaammatinilu kingullerni marlunni K-p napparsimmaviani uninngasimasoq. Nakorsaq naliliivoq A itisooujussuarmik ilisimanngitsoq, qaratsamigut annertuumik ajoqusersimasoq avataalu nukillaarsimasut. Qanoq issusia ataavartussatut isigineqarpoq massakkullu annertuumik arlalinnillu innarluuteqarluni paaqqutarisaalluni.

Nappaataata suussusilerneqarnera:

Avatai nukillaarsimasut, qaratsakkut annertuumik aanaartoounerup kingunerisaanik qaratsamigut annertuumik ajoqusersimasoq.

Ilaqutariinnermut Pisorta qarfiup paasissutissat pigineqartut tunngavigalugit nalunaarutigissavaa A, inuttut normua (...), Inatsisartut peqqussutaanni nr. 7-imi pineqartunut ullumikkumiit ilaatinneqalersoq." (Atorfeqarfimmi nutsigaavoq)

Peqqinnissaqarfiup Sinerissami Aqutsisoqarfia K Kommunimut 6. december 2006-imi imatut allappoq:

"Pineqartoq: A (...)

Qulaani taaneqartoq 17. september 2006-imiilli qaratsamigut aanaartoonini qungatsiminit ammut nukillaarsimaneranik eqqummaarissusiatalu annertuumik sanngiillisimaneranik nassataqartoq pissutigalugu napparsimmavimmi uninngasimavoq. Qanoq issusia qaammatini arlalinni taamaaginnarsimavoq, annertunerusutigullu pitsanngoriarnissaa naatsorsuutigineqarani. Katsorsarneqavinnera unitsinneqarsimavoq, soorlu tamanna napparsimmaviup kommunimut allakkamini 17. oktober 2006-imeersumi nalunaarutigigaa. Napparsimasup qanoq issusia paaqqutarineqarnissamillu pisariaqartitsinera kommunimut allakkani 23. oktober 2007-imeersuni allaasereqqinneqarpoq.

Napparsimasoq ajornerulersinnaveersaartinniarlugu sungiusarneqartarpoq, taamalu ullup unnuallu akunnerini 24-ni annertuumik paaqqutarineqarluni. Taamaalilluni pineqartoq tassaavoq inuk annertuumik innarluutilik, annertuumik paaqqutarineqarnissamik pisariaqartitalik.

Napparsimmaviup kommunimut kingullermik allagaanit 6. december 2006-imeersunit erserpoq napparsimmavimmi timikkut sungiusarneqarnissaa kommunip suliniutigisimagaa, napparsimasorlu innarluutilittut massakkut nalunaarsorneqarsimasoq.

Taamaattumik Sinerissami Aqutsisoqarfiup erseqqissarniarpa napparsimasoq taanna napparsimmavimmi pisunut assingusutut paaqqutarineqarnissamik pisariaqartitsigaluarluni K-mi napparsimmavimmiinnissaminut naleqqutinngitsoq, paaqqutareqqinneqarnissaanullu akisussaaffik kommunimiittoq. Suliassat suliassaqarfiit peqqinnissaqarfiup akisussaafiisa avataanniittut isumaginissaannut napparsimmavimmut sulisutigut atugassiisutit amigarput.

Sinerissami Aqutsoqarfiup kommunimut malugeqqussavaa kommuni, ilaatigut paaqqutarinninnermut ingerlanneqareersumut siunissamilu paaqqutarinninnerulerumaarnissamut, akiliuteqarnissaminut pisussaaffeqarmat. Tamatuma saniatigut napparsimasup taassuma paaqqutarineqarneranut iliussissanut pilersaarussiaq kommunimit suliari neqartoq erseqqissumik pisariaqartinneqarpoq. Iliussissanut pilersaarussiaq taamaattoq napparsimmavimmi sulisut suleqatigalugit suliari neqarsinnaavoq, imarisaalu illua'tungiusunit tamanit akuerineqarsinnaasuussallutik.

Napparsimmavimmi massakkut pisoq naammaginaranilu attanneqarsinnaanngilaq. Oqaatigineqartut napparsimasup taassuma paaqqutarineqarneranut kommunip akisussaasorpiaavoq, suleqatigiinnerlu pillugu isumaqatigiissuteqartoqanngippat suliassaq napparsimmaviup ingerlateqqissinnaanngilaa.

Taamaattumik kommuni ullumikkumiit ullunik arfineq marlunnik piffissalernerqarpoq paaqqutarinninnermut aningaasanullu tunngasunut akisussaanerup allakkatigut akuerinissanut, kiisalu iliuusissanut pilersaarusiamik suliaqarnissaminut, kommunip napparsimasumut tassunga pisussaaffiiniq, kommunillu paaqqutarinniffimmik naleqquttumik kiisalu napparsimmavimmi paaqqutarinninneq ingerlaqqissappat (anigaasaqarnikkut sulisoqarnikkullu) piomasagaatinik napparsimmaviup eqqortinneqarsimasussatut naatsorsuutigisaanik aallaaveqartumik." (Atorfeqarfimmi nutsigaavoq)

K Kommuni Ilaqutariinnermut Pisortaqarfimmut 20.december 2006-imi imatut allappoq:

"A-p namminerisaminik angerlarsimaffimmini nuliaminilu najugaqalernissaa siunertaralu [Danmarkimi] ukiup affaani sungiusartinneqarnissaa A-p nulia (...) sinnerlugu K Kommunip qinnuteqaatigaa.

K-mi napparsimmaviup nalunaarutigaa A paaqqinniffimmi immikkut ittumiittussaa-soq, Kalaallillu Nunaanni peqqinnissaqarfiup ataani Sinerissami Aqutsisoqarfiup K Kommuni qinnuigisimavaa A eqqarsaatigalugu iliuusissanut pilersaarusiaq suliareq-qullugu, tassami K-p napparsimmaviani napparsimasutut paaqqutarisarialittut uninngaannarsinnaangimmat.

K Kommuni isumaqarpoq A-mut naleqquttunik K-mi allanik neqeroorutissaqanngit-soq, tassami nammineq angerlarsimaffimminut uternissaminut suli paaqqutarisaria-qarpallaarami. K-mi massakkut paaqqinniffeqanngilaq A-mik tiguisinnaasumik, pisa-riaqartitaatullu sungiusaaqqissinnaasumik paaqqutarinnissinnaasumillu.

A Ilaqutariinnermut Pisortaqarfiup inunnik annertuumik innarluutilinnik ikiorsiisarneq pillugu Inatsisartut peqqussutaat nr. 7 tunngavigalugu akuersineratigut paaqqutarinnif-fimmiinnissamut ulloq unnuarlu akiliutinik 917 kr.-nik akiliunneqartarsinnaavoq.

[Danmarkimiinnermut] akiliutit taassuma paasissutissiissutai malillugit ulloq unnuarlu 895,00 kr.-iupput.

Suliaq peqqinnissaqarfiup isumaginnittoqarfiulluunniit ataaniinnersoq K Kommunip nalornissutigimmagu Ilaqutariinnermut Pisortaqarfik qinnuigineqarpoq suliaq oqartus-saasup sorliup suliarissaneraa Sinerissami Aqutsisoqarfik peqatigalugu ataqatigiissaa-rivigeqqullugu. (...) maanngaanniit pisortatigoortumik attaveqarfigineqarsimanngilaq, suliarli isumaginnittoqarfimmit suliarineqassasoq aalajangiisoqarpat taanna K Kom-munip attaveqarfiginiarpaa. Tamatuma kingornatigut iliuusissanut pilersaaruterpiaq suliarineqarumaarpoq akiliutinillu qinnuteqaat Ilaqutariinnermut Pisortaqarfimmut nassiuunneqarumaarluni. Aammattaaq najugaqarnermut atatillugu angalanermut kiisalu ingiaqataasumut aningaasartuutit akuersissutigineqarnissaat qinnuteqaatigineqaru-maarpoq. Najugaqartitsisoqarnissaa isumaginninnermi oqartussaasunit peqqinnissa-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

qarfimmilluunniit akuersissutigineqassanersoq aalajangerneqarpat aningaasat amerlassusissarpiaat qinnuteqaatigineqarumaarpoq.

Suliaq isumaginnittoqarfiup ataaniittoq aalajangiisoqarpat, Ilaqutariinnermullu Pisortaqarfik naliliippat ikiorsiiniutitut siunnersuutigineqartoq akuersissutigineqassasoq, A eqqarsaatigalugu iliuisissanut allatigut pilersaarusiap suliarineqarnerani siunnersortimit ikiorneqarnissani K Kommunip kissaatigaa.

Suliaq nukinginnarmat pilertortumik akissuteqartoqarnissaa qinnutigineqarpoq." (A-torfeqarfimmi nutsigaavoq)

Aalajangiineq imaattoq Ilaqutariinnermut Pisortaqarfiup K Kommunimut 15. januar 2007-imi nassiuppaa:

"A-p ukiup affaaniugallartoq [Danmarkimiinnissaanik] qinnuteqaat pillugu K Kommunip allagai arlallit Ilaqutariinnermut Pisortaqarfiup tiguai.

Suliaq peqqinnissaqarfiup isumaginnittoqarfiulluunniit ataaniinnersoq K Kommunip nalornissutigimmagu Ilaqutariinnermut Pisortaqarfik qinnuigineqarpoq suliaq oqartussaasup sorliup suliarissaneraa peqqinnissaqarfiup ataani Sinerissami Aqutsisoqarfik peqatigalugu ataqatigiissaarivigeqqullugu.

Ilaqutariinnermut Pisortaqarfiup Peqqissutsimut Pisortaqarfimmi pisortaqatigiit saaffigisimavai.

Pisortaq (...) oqarpoq peqqinnissaqarfik tunngaviatigut tassaasoq sungiusaaqqinnermut akisussaasoq, sungiusaaqqinnerup ingerlanerani siuariartortoqarallartillugu.

Taamaattumik qinnuteqaat Ilaqutariinnermut Pisortaqarfiup itigartippaa.

Ilaqutariinnermut Pisortaqarfik isumaqarpoq napparsimasoq taanna peqqinnissaqarfiup ataani inaarlugu suli katsorsarneqarsimanngitsoq.

Sinerissami Aqutsisoqarfiup allagaanit 7. december 2006-imeersunit erserpoq katsorsaanerpiaq unitsinneqarsimasoq, kiisalu qanoq issusia allangoriartorunnaarsimasoq, qanorlu issusiata annertunerusumik pitsanngoriaqqinnissaa naatsorsuutigineqanngitsoq.

Ergo- aamma fysioterapeutip pisinnaasat pillugit nalunaarusiaanni ilanngullugit nas-siunneqartuni erseqqissumik takuneqarsinnaavoq piffissap kingulliup ingerlanerani ul-lut tamaasa nal. akunnerini 1-2-nik sungiusaasarnikkut annertuumik siuariartitsisoqar-simasoq.

Fysioterapeutip killiffik pillugu nalunaarutaani 22. december 2006-imeersumi oqaatigineqarpoq A issiavimmi assakaasulimmi kaassuartakkami akitsinik assigiinngitsunik issianermilu uppinnaveeqqummik atortulersorluni issiasimasoq. Minutsit 20-t ingerlaneranni massikkiartuaarsimavoq, naggataatigullu akitsinik uppinnaveeqqusilaaginnarluni issiasimalluni.

Ergoterapeutip nerisinnaaneq, nagguaanillu tamanik tagiartuineq sungiusaatigitissimavai. Sungiusaaneq nal. akunneranik sivissuseqartarsimavoq, tassanilu taamatuttaaq siuariartorsimalluni.

Napparsimasup naammassillugu katsorsarneqarnissaata tungaanut napparsimasup sungiusarneqarnissaa peqqinnissaqarfiup akisussaaffigaa, tassa imaappoq sungiusaaneq eqqarsaatigalugu angusaqarfiunerpaasinnaasoq tikillugu.

Tamatuma kingornatigut angerlarsimaffimmut angerlartitsinerup kingornatigut ikior-siiniutit isumagineqarnissaat Ilaqutariinnermut Pisortaqarfiup akisussaaffigaa.

Inerniliineq:

Ilaqutariinnermut Pisortaqarfik isumaqarpoq A peqqinnissaqarfimmit inaarlugu katsorsarneqarsimanngitsoq. Terapeutit killiffik pillugu nalunaarusiaanit erserpoq suli siuariartortoq.

Taamaattumik Danmarkimi sungiusarnermut akiliinissamik qularnaveeqqusiisoqarnissaanik qinnuteqaat peqqinnissaqarfiup pisussaaffigaa.

Taamaattumik peqqinnissaqarfimmi pisortap (...)p oqaaseqaataa innersuussutigalugu peqqinnissaqarfik tassaavoq siuariartortoqarallartillugu akisussaasusooq.

Sungiusarnerup ingerlanera ataavartumik inissisimalernermi naappat Ilaqutariinnermut Pisortaqarfik tassaavoq napparsimasumut inaarlugu katsorsarneqarsimasumut inunnik annertuumik innarluutilinnik ikiorsiisarneq pillugu Inatsisartut peqqussutaanni nr. 7-imi, 3. november 1994-imeersumi pineqartunut ilaatinneqartumut angerlarsimaffimmiinnermut ikiorsiissutinut pisariaqartinneqartunut aningaasatigut ikiorsiisusaaq.

Naammagittaalliornissamik ilitsersuineq:

Ilaqutariinnermut Pisortaqarfiup aalajangiinera allakkat ukua tiguneqarnerannit sapaatit akunnerisa sisamat iluanni uunga suliassanngortinneqarsinnaavoq: Isumaginninnermi Naammagittaalliuuteqartarfik, Box 1015, 3900 Nuuk." (Atorfeqarfimmi nutsigaavoq)

6. Suliat nalinginnaasumik soqutiginaatillit, inatsiseqartitsiffiusunut agguataakkat

K Kommuni Ilaqutariinnermut Pisortaqarfimmut aamma Sinerissami Aqutsisoqarfimmut 8. februar 2007-imi allappoq. Allakkat taakku kommunimit distriktimilu nakorsaanermit atsiorneqarsimapput:

"A pillugu siusinnerusukkut allagaasarsimasut, Sinerissami Aqutsisoqarfiup allagai kingulliit 6. februar 2007-imeersut aamma Ilaqutariinnermut Pisortaqarfiup allagai 15. januar 2007-imeersut innersuussutigineqarput.

K Kommunip matumuuna malugeqqullugu oqaatigissavaa kommunimi utoqqaat illuat (...) A-mik inissii vittut naleqquttut atorneqarsinnaanngitsoq, A-llu angerlarsimaffimminut angerlartinneqarnissaa K Kommunip aamma K-mi peqqinnissaqarfiup isumaqatigiillutik kaammattuutigisinnaanngikkaat.

Taamatut aalajangiinnermi makku pingaartillugit isiginiarneqarput:

1. [Utoqqaat illuat] peqqissaasumik ataasiinnarmik sulisoqarpoq. Peqqissaasoq taanna utoqqaat illuata pisortaraa. Peqqissaasut atorfiup aappaata akuerineqarsimasup inuttalerneqarnissaa ajornarsimavoq, naak arlaleriarluni inuttarsarsiuisoqarsimagaluartoq.

2. [Utoqqaat illuanni] massakut inissaqanngilaq, utaqqisullu allartorsimaffianniittut amerlakulullutik.

3. A inunnet [utoqqaat illuannut] inissinneqarsinnaasunut ilaanngilaq. Angut taama inuusutsigisoq utoqqaat illuannut utoqqarnut naatsorsuussaasumut, tassa imaappoq utoqqalinersialinnut angerlarsimaffimmini nammineersinnaanngitsunut naatsorsuussaasumut, inissinneqassappat isumaginninnermi ataatsimiititaliap immikkut akuersisuteqarnissaa piunasaqaataasussaavoq.

4. A-p paaqqutarineqarnissamik pisariaqartitsinerata kommunimi utoqqaat illuanni utoqqarnik paaqqinniffiit il.il. pillugit Inatsisartut peqqussutaat nr. 11, 30. oktober 1998-imeersoq tunngavigalugu aaqqissuunneqarsimasumi paaqqutarinninnermi tunniunneqarsinnaasut sinnersimavai.

5. Uagut naliliinerput unaavoq A-p paaqqinniffimmut naleqquttumut inissinneqarnissaanut ikiorsiisoqartariaqartoq, tak. inunnik annertuumik innarluutilinnik ikiorsisarneq pillugu Inatsisartut peqqussutaanni nr. 7-imi, 13. november 1994-imeersumi § 13, tak. § 7, imm. 2, nr. 8. Peqqussummi § 16-ikkut aalajangerneqarpoq pineqartup paaqqinniffimmut sumut inissinneqarnissaanik toqqaaneq Namminersornerullutik Oqartus-sat akisussaaffigigaat.

6. K Kommuni K-milu napparsimmavik isumaqatigiillutik isumaqarput A-p nammineq angerlarsimaffimminut angerlartinneqarnissaa illersorneqarsinnaanngitsoq, tassa-

mi angerlarsimaffimmi sukumiisumik paaqutarinninneq pisariaqartinneqartoq tassani pilersinneqarsinnaassanngimmat.

7. Angutip taama inuusutsigisup pitsanngoriarnissamut periarfissaqartup angerlarsimaffianut utoqqaalluunniit illuannut naammattumik paaqutarinninnermik isumaginnissinnaanngitsumut pitsanngoriarnissamulluunniit periarfissanik misiliisinnaanngitsumut inissinneqarnissaa naleqquttuunngilaq.

Taamaattumik K-mi napparsimmaviup aamma K Kommunip isumaqatigiillutik qinnutigissavaat A qanoq pineqassanersoq piaarnerpaamik aalajangiisoqaqqullugu, [Danmarkimiikkallarnissamillu] siunnersuut siusinnerusukkut saqqummiunneqartoq aalajangiusimaneqarluni. Tassaneereernerup kingornatigut A-p siunissaa pillugu inaarutaasumik aalajangiisoqartariaqarpoq.

Taamaattumik Sinerissami Aqutsisoqarfik aamma Ilaqutariinnermut Pisortaqarfik qinnuigineqarput A-mut ikiorsiiniutinik aallartitsinnermut atatillugu aningaasartuutit pisariaqartut oqartussaasup sorliup akilissanerai suliniutillu suut aallartinneqassanersut sapinngisamik pilertornerpaamik qulaajaqqullugit." (Atorfeqarfimmi nutsigaavoq)

Ilaqutariinnermut Pisortaqarfik K Kommunimut sammititaasumik 19. februar 2007-imi imatut aalajangiivoq:

"Ilaqutariinnermut Pisortaqarfik K Kommunimi isumaginninnermi pisortap K-llu napparsimmaviani nakorsaanerup saaffiginnissutaannik 8. februar 2007-imi tigusaqaqqip-poq, tassanilu Ilaqutariinnermut Pisortaqarfik qinnuigineqarluni Sinerissami Aqutsisoqarfik suleqatigalugu A-mut ikiorsiiniutinik aallartitsinnermut atatillugu aningaasartuutit pisariaqartut oqartussaasup sorliup akilissanerai suliniutillu suut aallartinneqassanersut sapinngisamik pilertornerpaamik qulaajaqqullugit.

Oqaatigineqarpoq kommunimi utoqqaat illuat napparsimasumik inissiivigissallugu naleqqutinngitsoq, ilaatigut sulisunik ilinniarsimasunik amigaateqarneq ilaatigullu utaq-qisut allattorfianniittut amerlanerat pissutigalugit. Aammattaaq oqaatigineqarpoq A-p paaqutarineqarnissamik pisariaqartitsinerata kommunimi utoqqaat illuanni paaqutarinninnermi tunniunneqarsinnaasut sinnersimagai.

Napparsimmavik kommunilu naliliipput napparsimasup angerlarsimaffimminut angerlartinneqarnissaa illersorneqarsinnaanngitsoq, tassami sukumiisumik paaqutarinninneq angerlarsimaffimmi pilersinneqarsinnaanngimmat.

(...)-miikkallarnissamik siunnersuut siusinnerusukkut saqqummiunneqarsimasooq aalajangiusimaneqarpoq.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Inissiiniartartoqatigiit allakkiaannit ilanngullugu nassiunneqartumit erserpoq napparsimasoq inaarlugu katsorsarneqarsimasutut inissiiniartartoqatigiinnit isigineqartoq, taamalu (...) -miinnissamat qularnaveeqqusiiumasooqanngitsoq.

Aammattaq oqaatigineqarpoq massakut qanoq issusia, angerlarsimaffimmi pularneq, inuunermini ulorianartorsiunnginnera, nerinerani atortulersuut sonde pillugit paa-sissutissat tunngavigalugit Sinerissami Aqutsoqarfimmi nakorsaaneq (...) isumaqartoq napparsimasoq utoqqaat illuannut inissinneqarsinnaasusaa-soq, tassa amiata paaqputa-rinera, assallatsinneqartarnera sondelu atorlugu nerisaqarnera il.il. pillugit sulisunut sukumiisumik ilitsersuereernikkut.

Inissiiniartartoqatigiit Danmarkimiinnermut akiliutinut qularnaveeqqusiinneginnissamik aalajangiisimmata manna isiginiartariaqarpoq, tassalu inissiiniartartoqatigiit tassaasut inunnik immikkut ilisimasalinnik ilaasortaqtut. Takuneqarsinnaavoq napparsimasoq inaarlugu katsorsarneqarsimasoq, taamalu qanoq issusiata Danmarkimi sungiusarnikkut allannguuteqarnissaa ilimananngitsoq.

Ilaqutariinnermut Pisortaqarfik Kalaallit Nunaata avataaniitsitsinnermut aatsaat akuersissutiginnissinnaavoq Kalaallit Nunaani periarfissat tamarmik atorneqareersimappata, tak. inunnik annertuumik innarluutilinnik ikiorsiisarneq pillugu Namminersornerul-tik Oqartussat nalunaarutaanni nr. 28-mi, 22. december 2000-imeersumi § 44.

A taamaalilluni inaarlugu katsorsarneqarsimammata (...) -miinnissamat akuersissute-qartoqarsinnaanngilaq.

Ilaqutariinnermut Pisortaqarfik suli isumaqarpoq K-mi utoqqaat illuannut inissiineq pitsaanerpaassaq, sulisut qassiussusissaat, utaqqisut amerlanerat ukiutigullu agguataarsimaneq apeqqutaatinnagit.

Ilaqutariinnermut Pisortaqarfiup tamatuma saniatigut aaqqiissutissat allat makku siunnersuutigisinnaavai:

1. K Kommuni siunnersorneqarpoq (...) attaveqarfigeqqullugu, innarluutillimmi inuusunnerusut tassaniimmata terapeutinillu sulisoqarluni.
2. (...) -mi utoqqaat illuat paaqputarisarialinnut immikkoortortaqarfeqarpoq, innarluutillit inuusunnerusut najugaqarfigisimasaannik. Massakut ataasiinnanngorsimavoq. Tassani taamatuttaaq fysioterapeuteqarpoq.
3. Kiisalu (...) -mi napparsimmavik periarfissaavoq, tassanimi paaqputarinninnermut immikkoortortaqarfimmi innarluutillit aalajangersimasumik inissinneqarsimammata. Tassani taamatuttaaq fysioterapeuteqarpoq.

4. (...) -p nutaap atorineqalerneratigut pilersaarutigineqarpoq (...) -toqaq taanna innarluutilinnut inersimasunut inuusunnerusunut atugassanngorlugu allanngortiterneqassasoq.

Pisuni siullerni pingasuni najugaqartitsinnermut akiliutinut aningaasanik ikiorsiinissamut periarfissaqassaaq, tak. isumaginninnermit aningaasanngorlugit tunniunneqartut amerlassusii pillugit kaajallaasitami nr. 250-imi § 20.

Periarfissaq nr. 4 tassaassaaq inersimasunik innarluutilinnik ulloq unnuarlu paaqqinniffik, najugaqarnermut akiliutit aningaasanut inatsisikkut aningaasalersorlugit." (Atorfeqarfimmi nutsigaavoq)

K Kommuni Ilaqutariinnermut Pisortaqarfimmut 22. marts 2007-imi imatut allappoq:

"A-p, inuttut normua (...), tarpersersortitut ikiorteqartinneqarneranut sapaatip akunneranut nalunaaquttap akunneri 160-it Inatsisartut peqqussutaanni nr. 7-imi, 3. november 1994-imeersuni § 7, imm. 2, nr. 2 kiisalu Namminersorerullutik Oqartussat nalunaa-rutaanni nr. 28-mi, 22. december 2000-imeersuni §§ 11-14 tunngavigalugit qinnutiginearput.

A qaratsamigut annertuumik aanaartoornermi kingunerisaanik 2006-imi septem-berimit K-p napparsimmavianiissimavoq.

Peqqinnissaqarfiup nalunaarutigaa A napparsimmavimmit kingusinnerpaamik 1. april 2007-imi angerlartinneqassasoq, peqqinnissaqarfimmi annertunerusumik katsorsarne-qaqqissinnaajunnaarmat.

Utoqqaat illuat (...) piffissami kingullermi atorineqanngitsunik inissaateqarsimammat tassunga inissikkallarniarlugu allatut ajornartumik aalajangertoqarsimavoq, tassami al-lanut inissiiniaraluarneq iluatsinngitsoorsimammat." (Atorfeqarfimmi nutsigaavoq)

Ilaqutariinnermut Pisortaqarfik K Kommunimut sammititaasumik 27. marts 2007-imi imatut aalajangiivoq:

"A-p piffissami 01.04.07-imit 31.12.-07-imut tarpersersortitut ikiorteqartinneqarnera-nut sapaatip akunneranut nalunaaqutaap akunnerinik 160-inik K Kommunip qinnute-qaataa Ilaqutariinnermut Pisortaqarfiup 22. marts 2007-imi tiguaa.

Inatsisartut peqqussutaanni nr. 7-imi § 7, imm. 2, nr. 2 kiisalu Namminersorerullutik Oqartussat nalunaarutaanni nr. 28-mi §§-it 11-14 tunngavigalugit qinnuteqaateqar-toqarpoq.

6. Suliat nalinginnaasumik soqutiginaatillit, inatsiseqartitsiffiusunut agguataakkat

A qaratsamigut aanaartoornermi kingorna napparsimmaviup paaqutarinninnermut immikkoortorta qarfianiissimavoq, tassungalu akiliutit akuerineqarsimallutik.

K Kommunip oqaatigaa utoqqaat illuanni (...) -mi 1. april 2007-imit inissaqalersimasoq. Tassunga inissineqartariaqarsimavoq, tassami allamut inissiiniarluni iliuusaagaluartut iluatsissimangimmata. K-mi napparsimmavik nalunaarpoq paaqutarinninnermut immikkoortoqarfimmi inissaateqarani pineqartullu paaqutarinissaanut paarinissaanullu distriktimi nukissaqaratik.

K-mi napparsimmavik allakkatigut nalunaarpoq A peqqinnissaqarfimmi inaarlugu katsorsarneqarsimasoq, napparsimmavimmiitiinnarneqarnissaalu pilersaarutigineqanngitsoq.

Fysioterapeutip killiffik pillugu nalunaarusiaa 22.01.07-imeersoq kiisalu ergoterapeutip killiffik pillugu nalunaarusiaa 18. december 2006-imeersoq ilanngullugit nassiunneqarput.

Paasissutissani taakkunani oqaatigineqarpoq A-p sungiusarneqarnera eqqarsaatigalugu arriitsumik pitsanngoriartuartaq, tassa ullormut arlaleriarluni nalunaaquttap akunnerata ataatsip affallu missaanni akitsinik tallimi ataatigut iluaqusersorluni issiasinnaalersimasoq. Taamatuttaaq niaqqi aalatissinnaalersimavaa, eqqummaarippalunerulersimalluni, sivikitsukkaartumillu nipit aalanerillu eqqumasutut qisuariarfigisarlugit.

K Kommunip A-mut taassuma utoqqaat illuani paaqutarinninnermut immikkoortorta qarfianiinnerani tapersersortitut ikiorteqartitsinnermut sapaatip akunneranut nalunaaquttap akunneri 160-it qinnuteqaatigisimavai, iliuusissanulli pilersaarusiamik uppersaasigaasumik qinnuteqaammut tunngavilersuutinut ikiorfartuutaasumik saqqummiussinani.

A-p sungiusarneqarneranut paaqutarineqarneranullu sapaatip akunneranut nalunaaquttap akunnerini 160-ini tapersersortitut ikiorteqartitsinnermut qinnuteqaatigineqartut itigartitsissutigineqarput.

Manna tikillugu pisinnaasarilersimasai aallaavigalugit terapeutip nangilluni suliniuteqarneratigut perorsaanikkut suliassanik ingerlatitsiniarneq piviusorsioruunngilaq.

Najugaqarnermut akiliutini nerisat ineqarnerullu saniatigut pineqartup annertuumik innarluuteqarnera aallaavigalugu paarsinnermut paaqutarinninnermullu sulisut aamma ilaatinneqarput.

Inunnik annertuumik innarluutilinnik ikiorsiisarneq pillugu ilitsersuummi immikkoortoq 3.7 innersuussutigineqarpoq: Utoqqaat illuanni najugaqaraanni.

Naammagittaalliorsinnaanermik ilitersuut:

Ilaqutariinnermut Pisortaqarfiup aalajangiinera allakkat ukua tiguneqarnerisa kingornatigut sapaatit akunnerisa sisamat iluanni uunga suliassanngortinneqarsinnaavoq: Isumaginninnermi Naammagittaalliuuteqartarfik, Box 1015, 3900 Nuuk." (Atorfeqarfimmi nutsigaavoq)

K Kommuni Ilaqutariinnermut Peqqissutsimullu Naalakkersuisumut 28. marts 2007-imi imatut allappoq:

"Allakkat ammasut ukununga:

Naalakkarsuisunut v/ Ilaqutariinnermut Naalakkersuisunut Aleqa Hammondimut kiisalu Peqqissutsimut Naalakkersuisumut Agathe Fontainimut.

Suliamut piviusumut tunngatillugu K Kommuni isumaginninnikkut maalaaruteqartarfimmut ukuninnga allakkatigut maalaaruteqarniarpoq:

"Ukiakkut 2006-imi angut 39-nik ukiulik sakkortuumik qaratsamigut aanaartoorpoq, qaratsamigut sakkortuumik akornuserneqaatigisaminik.

Angut aanaartoornerminut napparsimmavimmi uninngasimavoq, siullermik Sanami kingusinnerusukkullu maani napparsimmavimmi innangalluni. Maani napparsimmavik suliamik taama annertutigisumik sullissinissaminut akissaqanngilaq, naak Namminersornerullutik Oqartussanit paaqqutarineqarneranut akiliisoqartaraluartoq (plejetakst). Napparsimmavik kalerriivoq angut 1. april 2007 napparsimmavimmit angerlartinneqassasoq.

Piffissap sivisuup ingerlanerani Ilaqutariinnermut Pisortaqarfiup K Kommunimi inunnik isumaginninnermi akisussaasut pinngitsaaligaluarpai angut maani illoqarfimmi utoqqaat illuannut nuutseqqullugu. Taarsiullugu K Kommuni qinnuteqarpoq angutip (...) -mut unitsinneqarnissaanik, taamaaliornerup nassatarissammagu ullukut unnuakkullu paarineqarneranut akissaq akikinnerusoq atorneqarsinnaammat (plejetakst) maani illoqarfimmi utoqqaat illuannut ineqarnissaraluanit. Qinnuteqaat taanna peqqinnissaqarfimmit Ilaqutariinnermullu Pisortaqarfimmit itigartitsissutigineqarpoq, aalajangersaasut taakku tamarmik innersuussutigimmassuk aalajangersaasup allaat pineqartup uninngavissinnissaa akilersinnaammagu.

Illoqarfimmi utoqqaat illuannut nuutsitsinissaq kommunip itigartitsissutigaa, utoqqaat illuannut nuutsitsiniarneq akisussaassuseqanngitsutut, ileqqorissaanngitsutullu sakkortuumik nalilermagu. Ilaatigut K-mi utoqqaat illuat utoqqarnut sulionnaarnikunut nammineq angerlarsimaffimmi najukkami nammineersinnaajunnaarnikunut na-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

jugassatut naatsorsuussaammat, ilaatigullu angut inuusuttoq tassani pineqarmat, ilaqaataanillu utoqqat illuannut nuutsinneqarnissaa assut akkerlerineqarmat.

Utoqqaat illuat napparsimasunut paaqqutarisanik oqimaatsunik suliaqarnissamut aaqqissuussaangilaq, aalajangersagaanikuunanilu taama napparsimasunik oqimaatsigisunik sullissinissaminut. Inissinissamut sivisuumik utaqqiffiuvoq, taamatullu sulisut amigarlutik, pingaartumik napparsimasumik paarsisut amigaataallutik.

K Kommuni Ilaqutariinnermut Pisortaqarfiup innersuussineratigut angut (...) -mi plejehjemmimut, (...) -p napparsimmaviata plejeafdelingianut kiisalu (...) -mut nuutsinni- arneqaraluarpoq. Angerlarsimaffiilli taakku pingasut qinnuteqaatinut itigartitsipput. Aammattaaq K Kommuni misiliigaluarpoq (...) -mi napparsimmavimmut unitsitsinissamik, kisiannili aamma itigartinneqarluni.

K-p napparsimmavia nalunaarmat angut 1. april 2007 ANGERLARTINNEQAS- SASOQ angutip paaqqutarineqarfissaanut inissiffissaq alla NASSAARINEQAS- SAAQ. Paasineqassaaq angut ulloq unnuarlu sulisoqarfiusumut inissinneqassasoq, taamatullu napparsimasumik ilinniarsimasumik ullut tamaasa nakkutigineqassasoq. Aammattaaq angut pisinnaangorsaqqinnissaminut eqaarsaarnermik pisariaqartitsi- voq, pisinnaangorsaqqinnissaami eqaarsaartitsiniartarneralu assut killeqarmat.

Maannakkut K Kommunip pissutsinit pinngitsaalineqarluni angutip illoqarfimmi utoqqaat illuannut nuutsinneqarallarnissaa sulissutigaa, inissinneqarnissamut utaqqisuni angut 92-inik ukiulik maannakkut nammineq ineqartoq, taamaattoarli utoqqaat illuannut nuutsinneqarnissaminik sakkortuumik pisariaqartitsisoq utaqqisu- neeqqatigissallugu.

Kommuni qinnuteqarpoq sapaatip akunneranut 160 tiiminik tapersersortinut atugas- sanik, angutip sullinneqarnissaanut aprilip aallaqqaataanit pitsaannerusumik periarfis- sinnissata tungaanut. Ulloq manna Ilaqutariinnermut Pisortaqarfiup qinnuteqaat itigartitsissutigaa, utoqqaat illuanni maannakkut inissaqalernera tunngavilersuuti- galugu, inissarlu taanna sullinneqarnermik annertuumik nassataqassammat, saniati- gut aningaasanik atuiffiunani.

Utoqqaat illuanni nalinginnaasumik sulisut ilinniarsimasuunngillat taamalu angum- mut 40-nik ukiulimmut paaqqutarisariaqartigisumut pisinnaangorsaqqitassamullu suliaqarsinnaanatik. Suliassaq taamaattoq aningaasanik amerlanerusunik atuinissa- mik pisariaqartitsivoq, utoqqaat illuannut nalinginnaasumut inissinermi.

K Kommunip maluginiaquaa Landstingip aalajangigaa nr. 7, 3. november 1994- imeersoq, kingusinnerusukut allanguuteqartoq, inunnut annertuumik innarluuti- linnut ikiorsiissut, § 13, inuk innarluutilik sullinneqarnissaminik paaqqutarineqarnis- saminillu ulloq unnuarlu pisariaqartitsisoq ulloq unnuarlu inissiisarfimmut allatsis-

sinnaasoq, najoqqutaralugu aalajangersagaq § 14 inunnik Isumaginninnermut Naalakkersuisup (kiisalu Ilaqutariinnermut Naalakkersuisup) takussavaa pisariaqarluinartooq sakkortuumik innarluutilinnut ulloq unnuarlu angerlarsimaffimmi qassinik inissaqarnersoq, taamatuttaaq Naalakkersuisup aalajangersagaq taanna stk. 2 ataqatigiissaarilluni pilersillugulu ingerlatissagaa angerlarsimaffik taamaattoq, aamma stk. 3 Naalakkersuisup suliarissagaa inassutigalugu allaffissorneq tassannga, lands-tingip peqqussutaa malillugu § 26 aalajangersakkat naapertorlugit aningaasartuutit atuutissasut (taamaallaat taakkununnga ataqatigiinnut tunngassuteqanngitsut kisiisa pinnagit) Kalaallit Nunaanni Namminersornerullutik Oqartussanit. Taamaattumik K Kommuni akuersaarsinnaanngilaa Ilaqutariinnermut Pisortaqarfiup aalajangersagaa 27. marts 2007-imeersoq, itigartitsissut, aningaasartuutit inunnut ilinniarsimasunut atoqqunagit, nalunnginnittunut angummut, taakku pisariaqartikkai."

Naalakkersuisunut naggasiut

Ilaqutariinnermut Pisortaqarfiup inissiiffissatut innersuussutaasa angut tiguju-mannngimmassuk aamma Ilaqutariinnermut Pisortaqarfiup ulloq unnuarlu inissiisarfimmik innersuussinnaanngimmassuk K Kommuni isumaqarpoq Kalaallit Nunaanni eqqortumik periarfissat nungussimasut.

Hjemmestyrip maannakkut misissugassaa (...) -mut inissinneqarsinnaanera, imaluunniit kommuni innersuutissagaa allamut inissiisarfimmut, angutip pisariaqartitaanik pisinnaanngorsaqqinniarlugu eqaarsartittarniarlugu passunneqarnissaanut. Hjemmestyrip aningaasartuutit tamaasa akilissavai, angutip inissinneqarneranut passunneqarneranullu naleqquttumik ulloq unnuarlu inissiisarfimmut aallartinneqarnissaata tungaanut."

Allakkat taakku Naalakkersuisut Allattoqarfiata Isumaginninnermi Naammagittaalliuuteqartarfimmut ingerlateqqillugit 29. april 2007-imi nassiuppai.

K Kommuni Ilaqutariinnermut Pisortaqarfimmut 2. april 2007-imi imatut allappoq:

"A-p, (...), K-mi utoqqaat illuannut inissinneqarneranut atatillugu tapersersortitut ikiorteqartitsinnermut nalunaaqquttap akunnerinik 160-inik qinnuteqaammik Ilaqutariinnermut Pisortaqarfiup atatillugu aalajangiiviginninnera 27. marts 2007-imeersoq K Kommunip matumuuna naammagittaalliuutiginiarpaa.

A 2006-imi septemberip qaammataani qaratsamigut annertuumik aanaartoorpoq, aanaartoornermilu kingornatigut napparsimmavimmi uninngasimalluni, siullermik Sanami kingusinerusukkullu maani napparsimmavimmi. Maani napparsimmavik angutip taama annertutigisumik paaqqutarinissaanut paaqqutarinninnikkut nukissaqanngilaq,

6. Suliat nalinginnaasumik soqutiginaatillit, inatsiseqartitsiffiusunut agguataakkat

naak paaqqutarinninnermut akiliutit Namminersornerullutik Oqartussat akilertaralua-raat.

Angut taanna 1. april 2007-imi angerlartinneqassasoq napparsimmaviup nalunaaruti-gaa.

Ilaqutariinnermut Pisortaqarfiup K Kommuni piffissami sivisunerusumi pinngitsaali-niarsimagaluarpa A maani utoqqaat illuannut inissequllugu.

K Kommunip tassunga taarsiullugu (...) -ut inissinneqarnissaa qinnuteqaatigisimavaa, tassami paaqqinniffimmi immikkut ittumi eqqortumik katsorsarneqaruni pisinnaasa-migut suli siuariartorsinnaasoq naliliisoqarmat. Aammattaaq (...) -miinneq maani utoqqaat illuanniinnermit ulloq unnuarlu akiliutinik annertunerujussuarnik nassataqar-naviannilaq.

Qinnuteqaat taanna peqqinnissaqarfimmit aamma Ilaqutariinnermut Pisortaqarfimmit itigartinneqarpoq, oqartussaasummi marluk taakku inissiineq oqartussaasup inissiisup akilertussaagaa innersuussutigimmassuk.

Maani utoqqaat illuannut inissiisoqarnissaa kommunip peqataaffigiumasimangilaa, tassami tassunga inissiineq akisussaassuseqanngitsuliomerujussuullunilu pissuseris-saernerungimmat, ilaatigut K-mi utoqqaat illuat utoqqalinersialinnut namminneq a-ngerlarsimaffimmini nammineersinnaanngitsunut naatsorsuussaammat, ilaatigullu angut inuusuttoq pineqarmat, utoqqaallu illuannut inissiisoqarnissaa ilaquataasut ak'er-lerisorujussuummassuk.

K Kommunip angut taanna Ilaqutariinnermut Pisortaqarfiup ilitersuina malillugu (...) -mi paaqqutarinniffimmut, (...) -p napparsimmaviani paaqqutarinninnermut immik-koortortaqarfimmut aamma utoqqarnut sammisassaqartitsivimmum Nuummiittumut inissinniarsimagaluarpa. Qinnuteqaat suliffeqarfiit taakku pingasut tamarmik itigar-tissimavaat.

Aammattaaq K Kommunip angut taanna (...) -mi napparsimmavimmut inissinniarsi-magaluarpa, tassanngaanniilli aamma itigartinneqarsimalluni.

A 1. april 2007-imi angerlartinneqassasoq K-mi napparsimmaviup nalunaarutigimma-gu inissiivissaq alla A-p paaqqutarineqarfigisinnaasaa ulloq taanna nassaarineqartus-saavoq. Naliliisoqarpoq A ulloq unnuarlu paaqqutarineqassasoq, taamatuttaarlu peq-qissaasumit ullut tamaasa nakkutigineqartussaalluni. Aammattaaq A sungiusaqqinne-garnissamik pisariaqartitsivoq, tamannalu taamaallaat killilerujussuarmik isumaginiar-neqarsimalluni.

K Kommunilli pissutsinit pinngitsaalineqarluni A maani utoqqaat illuannut inissikkal-larsimavaa, inissami utaqqisut allattorsimaffiat malillugu angummut 92-inik ukiulim-mut utoqqaat illuanni inissamik taassuminnga pisariaqartitsisorujussuarmut tunniun-neqartussaagaluami. Aammattaaq utoqqalinersiallit allat marluk utaqqisut allattorsi-maffianniipput, taakkulu utoqqaat illuani inissamut qangangaatsiarli allatsissimasuu-galuarlutik.

A-p 1. aprilimit aaqqiissutip nutaap nassaarineqarnissaata tungaanut paaqqutarineqar-nissaa isumaginarlugu tapersersortitut ikiorteqartitsinermut sapaatip akunneranut nalunaaquttap akunneri 160-it qinnutigisimavai. Ilaqutariinnermut Pisortaqarfiup qin-nuteqaat 27. marts 2007-imi itigartippaa, utoqqaat illuanni massakut inissaqalersima-nera nukissanillu annertunerusunik ilassuteqanngikkaluarluni annertuumik paaqquta-rinnittoqarsinnaanera tunngavilersuutigalugit.

Utoqqaat illuanni sulisut nalinginnaasut angummik massakut 40-nik ukiulimmik an-nertuumik paaqqutarinninnissamut sungiusaaqqinnissamullu ilinniagaqarsimasuuna-tillu naammattunik amerlassusiligaanngillat. Suliassaq taamaattoq sularineqassappat nukissat utoqqaat illuani inissiami nalinginnaasumi atorneqartartunit amerlanerusut pisariaqartinneqartussaapput.

A paaqqutarineqarnissamik pisariaqartitsingaarmat utoqqaat illuat pisariaqartinneqar-tutut amerlatigisunik sulisussaqaanngilaq. Utoqqaat illuanniinnermut akiliutit akuersis-sutigineqarsimagaluartut taakku amerlanerusunik sulisoqalernissamut aningaasartuuti-nik matussusiisnaanngillat. Unnuakkut pigaartussamik suli ataatsimik atorfinit-sitsisoqassaaq, taamatuttaarlu assallatsinneqartarneranut kiisalu sondip, katederip il.il. paarinissaannut amerlanerusunik atugassiissuteqartoqartariaqarluni, tassanilu sulisut suli allat marluk atorfinitsinneqarnissaat pisariaqartussaalluni. Tamatuma saniatigut sungiusaasoqassappat suli amerlanerusunik sulisoqarnissaaq, naliliineq malillugu su-lisunik suli marlunnik, pisariaqartussaavoq. A-p utoqqaat illuanniinnermini pisariaqar-titai naammaginalaarsinnaasumilluunniit K Kommunip naammassisinnaassappagit tassani sapaatip akunneranut nalunaaquttap akunnerini 160-ini tapersersortitut ikiorte-qartitsisoqarnissaa piumasaqaataasussaavoq.

Aammattaaq kommunip malugeqqullugu oqaatigissavaa A-p utoqqaat illuanni allap inissaanut inissinneqarnissaanut kommunip pinngitsaalineqarnerata kommuni angum-mik 92-inik ukiulimmik taassuminnga angerlarsimaffiani paaqqutarinninnermut amer-lanerusunik aningaasartuuteqalersippaa, tassami utoqqaat illuani inissaraluani pisin-naasimannimmagu.

K Kommunip malugeqqullugu oqaatigissavaa innarluutilik katsorsarneqarnissamik paaqqutarineqarnissamillu ulloq unnuarlu pisariaqartitsisoq inunnik annertuumik in-narluutilinnik ikiorsiisarneq pillugu Inatsisartut peqqussutaanni nr. 7-imi, 3. november 1994-imeersumi § 13 tunngavigalugu ulloq unnuarlu paaqqinniffimmut inissinneqar-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

sinnaammat, peqqussummilu § 14-ikkut aalajangersarneqarmat Isumaginninnermut Naalakkersuisup (massakkut ilaqutariinnermut Naalakkersuisup) annertuumik innarluutilinnik ulloq unnuarlu paaqqinniffinni pisariaqartinneqarnerat amerlatigusunik inissaqartitsisoqarnissaa nakkutigissagaa, taamatuttaarlu aalajangersakkami tassani imm. 2-kkut aalajangersarneqarluni Naalakkersuisup paaqqinniffinnik taamaattunik pilersitsineq ingerlatsinerlu ataqatigiissaassagaa, imm. 3-kkullu aalajangersarneqarluni taakku aqunneqarnerat Naalakkersuisup isumagissagaa. § 26-kkut aalajangersarneqarpoq peqqussut tunngavigalugu aningaasartuutit (ilaatinneqanngitsut ataqatigiinneqarnermi matumani soqutiginaateqanngitsut eqqaassanngikkaanni) Kalaallit Nunaanni Namminersornerullutik Oqartussanit akilerneqassasut.

Taamaattumik aningaasartuutit sulisut A-mik ilisimasaqartut oqarnerat malillugu pisariaqartut isigineqartariaqartut akilerneqarnissaasa Ilaqutariinnermut Pisortaqarfiup aalajangiineratigut 27. marts 2007-imeersukkut itigartitsissutigineqarnerat K Kommunip akuerisinnaangilaa, taamatuttaarlu A perorsaanikkut sungiusaaqqinnermik pissarsiviginninnaviangitsoq Ilaqutariinnermut Pisortaqarfiup A ilisimasaqarfigerpiarnagu naliliisimanagera K Kommunip naammagittaalliuutiginiarpaa.

Taamaattumik K Kommunip tunngaviumik kissaatigaa Ilaqutariinnermut Pisortaqarfiup aalajangiinera 27. marts 2007-imeersoq atorunnaarsinneqassasoq, suliarlu Namminersornerullutik Oqartussanut pissusiviusut tunngavigalugit suliarisassanngortillugu nassiunneqassasoq. Tamanna pisinnaangippat tassunga tulliuullugu kissaatigineqarpoq Ilaqutariinnermut Pisortaqarfiup aalajangiinera allanngortinneqassasoq, taamaallutik A-p utoqqaat illuanniinnerani sapaatip akunneranut nalunaaquttap akunneri 160-it tapersorsortitut ikiorteqartitsinermut atugassatut akuerineqarlutik." (Atofeqarfimmi nutsigaavoq)

Isumaginninnermi Naammagittaalliuuteqartarfik K Kommunimut 10. april 2007-imi imatut allappoq:

"Isumaginninnermi Naammagittaalliuuteqartarfiup naammagitaalluutit 28. marts 2007-imi ullulernerqartoq tiguaa. Ilisimatissinnaavatsigit suliassaq maanna suliaralugu ingerlanneqarmat.

Ilisimatitsissutigineqassaaq Isumaginninnermi Naammagittaalliuuteqartarfiup ataatsimiititaliaani ilaasortat ukiumut pingasoriarlutik-sisamariarlutik ataatsimiittarmata.

Tamatuma saniatigut oqartussanit suliassatini aalajangiisimasunit oqartussanillu allanit aalajangiisimasinnaasunit paasissutissanik Naammagittaalliuuteqartarfik piniartussaavoq.

Maannakkorpiaq Naammagittaalliuuteqartarfiup ataatsimiititaliaani qaammatit 12-18-it atorlugit suliassat suliarineqartarput.

Meeqqanik pinngitsaaliilluni arsaarinnittoqarsimatillugu naammagittaalliuutigineqartut suliaassani salliutinneqartarput, naammagittaalliuutigineqartullu sinneri tiguneri najoqqutaralugit tulleriiaarneqartarlutik. Suliaq Isumaginninnermi Naammagittaalliuuteqartarfiup suliarereerpagu aalajangiineq allaganngorlugu tigussavat.

Suliamut tunngassutilinnik annertunerusumik paasissutissaateqaruit Isumaginninnermi Naammagittaalliuuteqartarfimmut aamma attaveqarsinnaavutit.

(...)

Assilinera uunga nassiunneqarpoq: Ilaqutariinnermut Pisortaqarfik, taannalu qinnuigineqarpoq suliami allagaatit assilineri nassuiaallu Isumaginninnermi Naammagittaalliuuteqartarfimmut kingusinnerpaamik 11. maj 2007-imi nassiuteqqullugit. Naammagittaalliuutip assilinera ilanngullugu nassiunneqarpoq."

A-p nakkutilliisua tamatuma kingornatigut uannut naammagittaalliorpoq.

Isumaginninnermi Naammagittaalliuuteqartarfimmut 22. maj 2007-imi imatut allappunga:

"(...)p A-mut, inuttut normua (...), nakkutilliisuusooq Ombudsmandip K-mi 11. maj 2007-imi tikeraarnerani peqataaffigisanni manna naammagittaalliuutigaa, tassalu Isumaginninnermi Naammagittaalliuuteqartarfik kommunimut (...)mulluunniit nalunaarsimasooq kommunip (...)lluunniit Ilaqutariinnermut Pisortaqarfiup aalajangiinera 15. januar 2007-imeersooq, (...), pillugu naammagittaalliuutaata ukiut marluk iluanni suliarineqarnissaa naatsorsuutigineqarsinnaasooq.

(...)p oqaatigaa suliap pilertortumik suliarineqarnissaa pisariaqartuusooq, tassami (...)mi sungiusartitsilluni najugaqartitsinissamik qinnutigineqartoq kissaatigineqartutut sunniuteqassaguni sapinngisamik pilertornerpaamik aallartisarneqartariaqarmat.

Naammagittaalliuuteqartarfik tassunnga atatillugu qinnuigaara naammagittaalliuut pillugu oqaaseqaateqaqqullugu, suliarlu naammagittaalliummut tunngasooq pineqartoq misissugassangorlugu uannut nassiuteqqullugu.

Naammagittaalliuuteqartarfiup akissutaa (...)mut suliami illua'tungiusup isumaanik tusarniaatit saqqummiunneqarsinnaavoq."

Naammagittaalliuuteqartarfik K Kommunimut 24. maj 2007-imi imatut allappoq:

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

"Naammagittaalliuutit Isumaginninnermi Naammagittaalliuuteqartarfiup suliarivaa. Naammagittaalliuuteqartarfiup naammagittaalliuutivit 10. april 2007-imi tiguneqarne-ranuat atatillugu Ilaqutariinnermut Pisortaqarfik qinnuigaara suliaq pillugu paasissutis-seeqqullugu oqaaseqaateqaqqullugulu. Naammagittaalliuuteqartarfik paasissutissanik Ilaqutariinnermut Pisortaqarfimmit suli tigusaqanngilaq, taamaattumillu paasissutis-sat taakku oqaaseqaallu ullumikkut nukingisaarutigisimallugit.

Naammagittaalliuutit Isumaginninnermi Naammagittaalliuuteqartarfiup paasissutissat suliami pisariaqartut periinngikkunigit suliarisinnaanngilaa.

Naammagittaalliuutit paasissutissat pissarsiarineqarniariarpata Naammagittaalliuute-qartarfiup suliariniarpaa.

(...)

Assilinera uunga nassiunneqarpoq: Ilaqutariinnermut Pisortaqarfik, taannalu qinnuigi-neqarpoq suliami allagaatit assilineri nassuiaallu Isumaginninnermi Naammagittaal-liuuteqartarfirmut kingusinnerpaamik 11. maj 2007-imi nassiateqqullugit." (Atorfe-qarfimmi nutsigaavoq)

Naammagittaalliuuteqartarfiup akissutaa imaattoq 6. juni 2007-imi tiguara:

"Inatsisartut Ombudsmandiata allakkatigut ullulerneqarsimasunik 22. maj. 2007 qin-nutigaa (...) -p naammagittaalliuutigisimasaanut oqaaseqaat kiisalu naammagittaalliuut-pineqartoq takujumallugit.

Isumaginninnermi Naammagittaalliuuteqartarfirmut ilisimatitsissutigineqassaaq (...) -mit imaluunniit K Kommunimit A-p (...) -mi uninngasimanera pillugu naammagittaal-liuummik tigusaqarsimannginnatta.

Taamaattumik Isumaginninnermi Naammagittaalliuuteqartarfirmut naammagittaal-liuutigineqartoq pillugu oqaaseqarsinnaanngilagut."

Naammagittaalliuuteqartarfik Ilaqutariinnermut Pisortaqarfimmut 18. juni 2007-imi imatut allappoq, assilinera K Kommunimut nassiullugu:

"NUKINGISAARUT

Pineqartoq: Naammagittaalliuut tiguneqartoq.

Inuk ataani taaneqartoq naammagittaalliuummik Isumaginninnermi Naammagittaal-liuuteqartarfirmut nassiussivoq.

Isumaginninnermi Naammagittaalliuuteqartarfiup suliame paasissutissat il.il. 11. maj 2007-imi aamma 8. juni 2007-imi qinnutigai. Naammagittaalliuuteqartarfiup suli tusarfiginngimmatit suliaq matumuuna eqqaasitsissutigineqassaaq, pilertortumik nas-siussisoqarnissaa neriuutigalugu.

Naammagittaalliuuteqartarfiup paasissutissanik il.il. nukingisaarutiginnissimanagera naammagittaalliortumut ilisimatitsissutigineqarpoq.

Suliaq una pineqarpoq: K Kommuni, inuttut normua, angut 39-nik ukiulik.

Paasissutissat piumaneqartut Isumaginninnermi Naammagittaalliuuteqartarfiup faxik-kut 32 50 02-kkut kingusinnerpaamik 2. juli 2007-imi tigusimannngippagit suliaq paa-sissutissat pigineqartut tunngavigalugit aalajangiivigineqarniarpoq." (Atorfeqarfim-mi nutsigaavoq)

Suliami allagaat tulleeq Isumaginninnermi Naammagittaalliuuteqartarfimmit tigu-sara tassaavoq Naammagittaalliuuteqartarfiup nukingisaarutaanut Ilaqutariinner-mut Pisortaqarfiup 19. juni 2007-imi tigusimasaanut pisortaqarfiup akissutaa. Ilaqutariinnermut Pisortaqarfiup akissutaa "2007-06-15"-mi ullulerneqarsi-mavoq, Naalakkersuisullu Allattoqarfianni tiguneqartutut "3-JUNI 2007"-imi naqissuserneqarsimalluni:

"Isumaginninnermi Naammagittaalliuuteqartarfiup nukingisaarutaa Ilaqutariinnermut Pisortaqarfiup tiguua, tassanilu pisortaqarfik qinnuigineqarpoq nassuiaateqaqqullugu kiisalu suliami allagaatit nassiateqqullugit.

Oqaluttuassartaa:

A, inuttut normua (...), Inatsisartut peqqussutaanni nr. 7-imi, 3. november 1994-imeer-sumi pineqartunut 13. november 2006-imi ilaatinneqalerpoq.

Nappaataata suussusia: Qaratsakkut annertuumik aanaaroornerup kingunerisaanik qa-ratsakkut annertuumik ajoquteqalerneq, avatitigut nukillaarneq.

A-p Danmarkimi (...)-mi sungiusarluni najugaqarnissaanik qinnuteqaat Ilaqutariinner-mut Pisortaqarfiup 20. december 2006-imi tiguua.

Qinnutigineqartoq Ilaqutariinnermut Pisortaqarfiup 15. januar 2007-imi itigartitsissu-tigaa.

Itigartitsinnermut tunngavilersuut:

6. Suli at nalinginnaasumik soqutiginaatillit, inatsiseqartitsiffiusunut agguataakkat

Ilaqutariinnermut Pisortaqarfiup Namminersornerullutik Oqartussat nalunaarutaat nr. 28, 22. december 2000-imeersoq tunngavilersuutigaa: Isumaginninnermi Pisortaqarfik, massakkut Ilaqutariinnermut Pisortaqarfik Kalaallit Nunaata avataani katsorsarneqarluni najugaqarnermut ikiorsiisinnaavoq, Kalaallit Nunaanni katsorsaanssamut periarfissat tamarmik misilinneqareersimappata.

Ilaqutariinnermut Pisortaqarfik paasissutissat assigiinngitsunik sulialinnit, nakorsanit, fysioterapeutinit ergoterapeutinillu saqqummiunneqartut aallaavigalugit ataatsimut nalilii voq A sungiusaanertigut fysioterapeutip killiffik pillugu nalunaarusiaani 22. december 2006-meersumi oqaatigisaasigut ajornerulernaveersaartinneqarsinnaasoq, tassa oqaatigineqarmat erseqqissoq ullormut nalunaaquttap akunnerini 1-2-ni sungiusaasarnertigut piffissap kingulliup iluani annertuumik siuariartitsisoqarsimasoq.

Ilaqutariinnermut Pisortaqarfik utoqqaat illuanniinnermut akiliutinik akiliisarpoq, tak. isumaginninnermi tunniunneqartartut amerlassusii pillugit kaajallaasitami nr. 525-mi § 20, taakkulu peqqinnissaqarfiup, utoqqarnik paaqqinniffiit assigisaasaluunniit iluanni paaqqutarinninnermut immikkoortortaqarfimmiinnermut, pineqartup annertuumik innarluutaa tunngavigalugu aalajangerneqarsimasumut matussusii sarput.

Akiliutini najugaqarnermut, nerisaqarnermut sulisunullu aningaasartuutit ilaatinneqarput.

Taamaattumik Ilaqutariinnermut Pisoqartaqarfik nalilii voq Kalaallit Nunaanni katsorsaanssamut periarfissat tamarmik suli atorneqarsimanngitsut.

K Kommunip Ilaqutariinnermut Pisortaqarfimmut allakkamini 8. februar 2007-imeersuni oqaatigaa utoqqaat illuanni peqqissaasoq ataasiinnaq atorfeqartitaasoq, taannalu tassaasoq utoqqaat illuata pisortaa, innarluutilillu pineqartoq inunnut utoqqaat illuannut inissinneqarsinnaasunut ilaangitsaq.

Inatsisartut peqqussutaanni nr. 7-imi, 3. november 1994-imeersumi § 16: Isumaginninnermut Pisortaqarfik, massakkut Ilaqutariinnermut Pisortaqarfik innarluutillip komunitut najugarivitaata inassuteqaateqarneratigut aalajangiissaaq innarluutilik ulloq unnuarlu paaqqinniffimmut inissinneqarsinnaanersoq.

Isumaginninnermut Pisortaqarfiup aammattaaq aalajangissavaa innarluutilik ulloq unnuarlu paaqqinniffimmut sorlermut inissiniarneqassanersoq.

Eqikkaaneq:

Ilaqutariinnermut Pisortaqarfiup itigartitsineq 15. januar 2007-imeersoq aalajangiisimavaa.

Ilaqutariinnermut Pisortaqarfik isumaqarpoq Kalaallit Nunaanni katsorsaanissamut periarfissat tamarmik suli misilinneqarsimanngitsut.

Pineqartup paaqqutarineqarnissamik pisariaqartitsinerata annertooujussuunera Ilaqutariinnermut Pisortaqarfiup nassuerutigaa, taamaattumillu sungiusaanermut suli allatigut suliniuteqarnissamik pisariaqartitsisoqarsinnaanera Ilaqutariinnermut Pisortaqarfiup piareersimaffigaa.

Taamaattumik pineqartup fysioterapeutimit suli annertunerusumik ikiorneqarnissaa-nik qinnuteqartoqassappat tamanna Ilaqutariinnermut Pisortaqarfiup akuersaarniarpaa.

Ilaqutariinnermut Pisortaqarfik aammattaaq isumaqarpoq, pineqartup inuunerata pitsaassuseqartinneqarnera Kalaallillu Nunaannut attaveqarnera eqqarsaatigalugu, pineqartup killilimmik pisinnaasaqarnerata sapinngisamik annertunerpaamik tapersersuiffigineqarnissaa naleqqunnerpaajussasoq, matumani ilaqtutanut angerlarsimaffimmullu attaveqarneq ilanngullugit eqqarsaatigalugit." (Atorfeqarfimmi nutsigaavoq)

K Kommuni Isumaginninnermi Naammagittaalliuuteqartarfimmut 27. juni 2007-imi imatut allappoq:

"Pineqartoq: Allakkasi 18. juni 2007-imeersut, 40.72.06-imik normoqartut, angut 39-nik ukiulik, naammagittaalliuut pillugu suliaq A-mut, (...), tunngasoq innersuussutigalugit

Qulaani pineqartumik Isumaginninnermi Nammaagittaalliuuteqartarfimmut naammagittaalliuut pillugu suliami allagaatit matumuuna nassiuppavut. Suliaq pillugu nalorisoqarpat ataani atsiortunga oqarasuaammi nr. (...) toqqaannartumik imaluunniit emailadresse (...) atorlugu attaveqarfigineqarsinnaavunga." (Atorfeqarfimmi nutsigaavoq)

Naammagittaalliuuteqartarfik uannut 1. august 2007-imi imatut allaqqippoq:

"Ombudsmandip naammagittaalliuut pillugu oqaaseqaateqaqqusilluni kiisalu suliaq naammagittaalliummut tunngasoq misissugassanngorlugu nassiateqqullugu allagai Isumaginninnermi Naammagittaalliuuteqartarfiup 22. maj 2007-imi tiguai.

Isumaginninnermi Naammagittaalliuuteqartarfik naammagittaalliuutinik amerliartortunik tigusaqartalerpoq, piffissarlu sulianik suliarinninnermut atorneqartartoq massakut ukiut marluk missaannik ajoraluartumik sivisussuseqarpoq.

Meeqqanik inissiisarnerit pillugit suliat Isumaginninnermi Naammagittaalliuuteqartarfiup salluutittarpai, suliallu allat takkussornertik malillugu suliarineqartarlutik. Sulianik

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

tulleriiarinermi salliutitsiniartoqaqqissappat piffissaq suliat sinnerisa suliarineqarne-
rannut atorneqartussaq tamatuma sivisoqataanik sivitsortussaavoq.

Naammagittaalliuuteqartarfimmi piffissap sulianik suliarinninnermut atorneqartartup
sivisusarsimanera Naammagittaalliuuteqartarfiup ajuusaarutigissavaa." (Atorfeqar-
fimmi nutsigaavoq)

Naammagittaalliuuteqartarfimmut 26. august 2007-imi imatut allappunga:

"Suliami allagaatit suliamilu illua'tungiusup isumaanik tusarniutinnut Naammagittaal-
liuuteqartarfiup akissutaa 22. maj 2007-imeersoq 1. august 2007-imi Naammagittaal-
liuuteqartarfimmit tiguakka.

Naammagittaalliuuteqartarfiup maannakkut akissutaa imatut paasivara naammagit-
taalliuuteqartarfiup suliamik suliarinnilersimannginnera pillugu Naammagittaalliuute-
qartarfiup akissutaa 5. juni 2007-imeersoq eqqortuunngitsoq.

Naammagittaalliuuteqartarfiup akissutaata kingulliup Naammagittaalliuuteqartarfim-
mut nutaamik tusarniaanissannut pissutissaqalersippaanga.

Allagaatit assilineri Naammagittaalliuuteqartarfiup uannut nassiussimasai aallaavi-
galugit Naammagittaalliuuteqartarfiup suliamik maannamut suliarinnissimanera paa-
siuminaatsippara, tassami suliami allagaatit ullulersorneqarneri malillugit tullerii-
gaanngimmata, suliallu pappiarartaasa ilaat amigaataasorinarmata, matumanilu Naam-
magittaalliuuteqartarfiup K Kommunimut Ilaqutariinnermullu Pisortaqarfimmut tusar-
niaanera aamma suliap ingerlasimanerani K Kommunimut (...)mullu ilisimatitsissu-
tigisimasinnaasai ilanngullugit eqqarsaatigalugit.

Taamaattumik Ombudsmandip misissuisarnerminut nalinginnaasumik aallaavigisarta-
gaa, tassalu mappip allagaatinik allaqqaakkanik imallip tamarmiusup Ombudsmandi-
mut nassiunneqarnissaanik kissaateqartarnera saneqqutissallugu pissutissaqarnanga
isumaqarpunga.

Taamaattumik Naammagittaalliuuteqartarfik qinnuigaara mappi suliami allagaatinik
allaqqaakkanik imalik misissugassanngorlugu uannut nassiuteqqullugu.

Tamatuma saniatigut Naammagittaalliuuteqartarfik qinnuigaara apeqqutit uku akeq-
qullugit:

Naammagittaalliuuteqartarfik K Kommunip Naalackersuisunut allagai ammasut 28.
marts 2007-imeersut tunngavigalugit suliamik suliarinnilluni aallartitsisimava?

Taamaappat Naammagittaalliuuteqartarfik qinnuigaara kommuni naammagittaallior-sinnaatitaanersoq Naammagittaalliuuteqartarfiup misissorsimaneraa nassuiaqqullugu, aamma Naammagittaalliuuteqartarfiup (...)mit piginnaatitsissummik piniarnissani isumaliutersuutigisimaneraa?

Naammagittaalliuuteqartarfik Ilaqutariinnermut Pisortaqarfimmit akissummik tigu-saqarsimava?

Naammagittaalliuuteqartarfik Ilaqutariinnermut Pisortaqarfimmit akissummik tigu-saqarsimangippat naammagittaalliuuteqartarfik qinnuigaara qanoq iliulsaarnermi-nik nassuiaateqaqqullugu.

Suliami allagaatit assilinerannit, Naammagittaalliuuteqartarfiup uannut nassiussaani, erserpoq Naammagittaalliuuteqartarfiup allakkatigut nukingisaarutigut 18. juni 2007-imeersutigut Ilaqutariinnermut Pisortaqarfik nalunaarfigisimagaa suliaq paasissutissat pigineqartut tunngavigalugit aalajangiiviginiarneqartoq, Pisortaqarfiup suliami allagaatai Naammagittaalliuuteqartarfiup kingusinnerpaamik 2. juli 2007-imi tigunngippagit.

Naammagittaalliuuteqartarfik qinnuigaara Naammagittaalliuuteqartarfiup suliami allagaatit oqartussaasumit naammagittaalliuutigineqartumit tigunngippagit suliap qanoq iliorluni inaarlugu suliarineqarsinnaanera nassuiaqqullugu.

Naammagittaalliuuteqartarfiup sulianik tulleriarisarnermi periaatsini allakkatigut 1. august 2007-imeersutigut uannut nassuiaatigaa.

Taamaattumik Naammagittaalliuuteqartarfik qinnuigaara Ilaqutariinnermut Pisortaqarfiup A pillugu aalajangiinera imaluunniit ikiorsiinissaq pillugu aalajangiineri pillugit naammagittaalliuutip suliarinissaata salliutinneqarnissaa Naammagittaalliuuteqartarfiup naliliiffigisimaneraa nassuiaqqullugu.

Tamatumunnga K Kommunip suliap pilertortumik suliarineqarnissaanik kissaateqarnera kommunip Naalakkersuisunut 28. marts 2007-imi ammasunik allagaanit ersertoq innersuussutigaa.

Naammagittaalliuuteqartarfik sulianik tulleriarineq pillugu apeqqummut naliliisimappat Naammagittaalliuuteqartarfik qinnuigaara tulleriarineq pillugu apeqqut pillugu paasinninnermini pissutsit suut tunngaviginerai nassuiaqqullugu."

Naammagittaalliuuteqartarfiup 12. september 2007-imi imatut akivaanga:

"Allakkani 1. august 2007-imeersuni uppersarsarneqartutut uppersarsarneqarsinnaavoq suliaq Isumaginninnermi Naammagittaalliuuteqartarfimmiimat.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Mappi allagaatit allaqqaarneqarnerinik imalik tamarmiusoq nassuteqqullugu Inatsisartut Ombudsmandiata qinnutigaa.

Isumaginninnermi Naammagittaalliuuteqartarfiup oqaatigissavaa suliami allagaatit tamarmik Isumaginninnermi Naammagittaalliuuteqartarfiup mappiutaani tulleriinnerisut tulleriinneqartillugit assilineri Inatsisartut Ombudsmandiata tigusimagai. Suliaq suliarineqalerpat suliami allagaatit ullulorsorneqarneri malillugit tulleriiaartillugit tigungissaat Inatsisartut Ombudsmandiata kissaatigippagu qinnuigineqarputit tamanna nalunaarutigeqqullugu.

Suliami allagaatit tamarmik Isumaginninnermi Naammagittaalliuuteqartarfimmi pigineqarnermittut tulleriinneqartillugit assilineri eqqortussa anguniarlugu nassiuuneqarput. Taamaalilluni mappip allagaatit allaqqaarneqarnerinik imallip Inatsisartut Ombudsmandiannut nassiuuneqarnissaa pisariaqanngitsutut isigineqarpoq.

Allakkat assilineranni qulaani taaneqartumi Isumaginninnermi Naammagittaalliuuteqartarfiup tulleriinneri malillugit K Kommunimut aamma Ilaqutariinnermut Pisortaqarfimmut allaffigeqatiginnittarnermi allagaasimasut aamma ilanngunneqarput.

Oqaatigineqassaaq kommunit innarluutilinnut tunngasut iluanni naammagittaalliorsinnaatitaasut, kommunilu naammagittaallioruusimammat imaappoq allakkat K Kommunimut nassiuuneqassasut, taannalu innuttaasunut nalunaaruteqartussaataitaavoq.

Suliani ulloq unnuarlugu paaqqinniffinnut inissiiernut tunngasuni kommunit innuttaasut sinnerlugit naammagittaalliorsinnaatitaapput, tak. inunnik annertuumik innarluutilinnik ikiorsiisarneq pillugu Inatsisartut peqqussutaat nr. 7, 3. november 1994-imeersoq:

"§ 16. Innarluutillip kommunitut najugarivitaata inassuteqarneratigut innarluutilik ulloq unnuarlu paaqqinniffimmut inissinneqarsinnaanersoq Isumaginninnermut Pisortaqarfiup aalajangissavaa. Innarluutilik ulloq unnuarlu paaqqinniffimmut sorlermut inissinneqassanersoq Isumaginninnermut Pisortaqarfiup aamma aalajangissava.

§ 17. Ulloq unnuarlu paaqqinniffinni ataasiakkaani tamani inissiiniartussatut ataatsimiitit atavartut, paaqqinniffimmi inissiiissanut angerlartitsinissanullu isummertartussat Isumaginninnermut Pisortaqarfiup pilersissavai.

Imm. 2. Ataatsimiititap aalajangiineri pillugit naammagittaalliuutit aalajangiinerup kingornatigut sapaatip akunneri sisamat qaangiutsinnagit innarluutilimmit taassumaluunniit kommunitut najugarivitaanit, ataatsimiititamiluunniit ilaasortat ilaannit Isumaginninnermut Naalakkersuisumut suliasannortillugit ingerlateqqinneqarsinnaapput."

Kommunit taamatutaaq inunnik annertuumik innarluutilinnik ikiorsiisarneq pillugu Namminersornerullutik Oqartussat nalunaarutaatigut nr. 28-kkut, 22. december 2000-imeersukkut naammagittaalliorsinnaatitaapput.

"§ 14. Annertuumik innarluutilinnut ataasiakkaanut nal. akunneri tapersersortimik ikiorteqartitsiviusussat kommunip inassuteqarneratigut Isumaginninnermut Pisorta-qarfiup nunap immikkoortuini immikkoortoqarfiinit akuerineqartassapput.

Imm. 2. Kommunimi ataatsimi annertuumik innarluutilinnut tamanut atugassat tapersersortitit ikiortit nal. akunneri suliffissaat ataatsimoortillugit Isumaginninnermut Pisorta-qarfiup nunap immikkoortuini immikkoortoqarfiisa tunniussinnaavaat.

Imm. 3. Isumaginninnermut Pisorta-qarfiup nunap immikkoortuini immikkoortoqarfiisa kommunit tapersersortitit ikiortit nal. akunneri atugassaat aalajangersimasumik amerlassusilerlugit nalunaarutigisinnaavaat. Nal. akunneri tapersersortitit ikiortit atugassat kommunit pisariaqartitsineq tunngavigalugu agguataartassavaat.

Imm. 4. Nal. akunneri tapersersortitit ikiortit atugassaat nalinginnaasumik qaammatit arfinilinnut tunniunneqartarput."

Kommunit inatsisiliornikkut naammagittaalliorsinnaatitaammata Isumaginninnermi Naammagittaalliuuteqartarfiup innuttaasut piginnaatitsissummik piumaffigineq ajor-pai. Innuttaasut suliat pillugu ilisimatinneqartarnissaat kommunit akisussaaffiattut isigineqarpoq.

K Kommunip allagai 28. marts 2007-imeersut Naammagittaalliuuteqartarfiup tigusi-magai uppersarneqassaaq. Isumaginninnermi Naammagittaalliuuteqartarfiup allak-kat taakku tunngavigalugit Ilaqutariinnermut Pisorta-qarfik allakkatigut 10. maj 2007-imeersutigut, 24. maj 2007-imeersutigut kiisalu 18. juni 2007-imeersutigut suliaq pil-lugu paasissutisseeqqullugu qinnuigisimavaa. Mappimi allagaatit assilineri ta-maasa takulaaqquneqarput, allakkammi taaneqartut assilineri aamma tassaniimmata. Suliaq pillugu paasissutissat Isumaginninnermi Naammagittaalliuuteqartarfiup Ilaqutariinnermut Pisorta-qarfimmit 15. juni 2006-imi tiguai, assilinerat mappimi ilan-gullugu nassiunneqartumiittoq takulaaruk.

Allagaatit assilinerini 1. august 2007-imi nassiunneqartuni takuneqarsinnaasut Ilaqutariinnermut Pisorta-qarfiup akissutaa Isumaginninnermi Naammagittaalliuute-qartarfiup 16. juni 2007-imi tiguua.

Allakkani 1. august 2008-mi oqaatigineqartut piffissaq Isumaginninnermi Naamma-gittaalliuuteqartarfimmi sulianik suliarinninnermut atorneqartoq uk. marluk missaan-nik ajoraluartumik sivilissuseqarpoq. Suliat meeqqanut tunngasut Isumaginninnermi Naammagittaalliuuteqartarfiup salliutittarpai, suliali sinneri takkussornertik malinne-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

rullugu suliarineqartarlutik. Allakkani 1. august 2007-imeersuni oqaatigineqartutut al-latut tulleriiaarineq piffissamik suliat allat sularineqarnerannut atorneqartumik malun-naatilimmik sivitsortitsisussaavoq.

Naliliisoqarpoq suliaq manna suliatut nukinginnartutut suliarineqassanngitsaq.

Suliat matumani salliutinneqarnissaanik apeqqummut atatillugu oqaatigineqassaaq suliat tamarmik tiguneqaraangamik atuarneqartarmata - nutserneqartarlutillu - tassalu imaappoq piffissaq suliat suliarineqarneranut atorneqartoq suliat tiguneqarneranit sa-paatit akunnerisa sisamat missaannik sivilisussuseqartartoq. Matumani suliaq salliutin-neqassanersoq Naammagittaalliuuteqartarfik aamma naliliisarpoq. Tamanna sulianut takkuttunut tamanut atuuppoq. Oqaatigineqassaaq Isumaginninnermi Naammagittaal-liuuteqartarfik massakut suliasat amerlassusiat pissutigalugu suliat Naammagittaal-liuuteqartarfiup suliasaqarfiata avataaniittut suliat takkunnerini itigartitsissutigini-saannut ajoraluartumik periarfissaqartarsimanngitsaq.

Suliami allagaatinit oqartussaasumit naammagittaalliuutigineqartumit tiguneqarsi-manngippata suliaq Naammagittaalliuuteqartarfimmit qanoq iliorluni inaarlugu sulia-rineqarsinnaanersoq nassuiaqquneqarpoq.

Paasissutissanik pisortani oqartussaasunit pissarsiniarnerup ajornartorsiutaanera pissu-tigalugu periaaseq Isumaginninnermi Naammagittaalliuuteqartarfiup aalajangersarsi-mavaa, taamaalillutik suliat naammagittaalliuortumit iluaqusiisumik aalajangiiffigine-qarsinnaappata paasissutissat taakku ilaatinngit aalajangiiffigineqartalersillugit." (A-torfeqarfimmi nutsigaavoq)

Naammaagittaalliuuteqartarfik K Kommunimut taamatuttaaq 12. september 2007-imi imatut allappoq, assilinera Ilaqutariinnermut Pisortaqarfimmut nassiul-lugu:

"Pineqartoq: Naammagittaalliuut pillugu suliaq, K Kommunip naammagittaal-liuuta, A.

Naalakkersuisunut allakkanut ammasunut atatillugu naammagittaalliuut Isumaginnin-nermi Naammagittaalliuuteqartarfimmut 29. marts 2007-imi takkuppoq. Naammagit-talliuut immikkoortunik arlalinnik imaqarpoq.

(...)-mut inissinissamik qinnuteqaatip itigartinneqarnera pillugu naammagittaalliuut.

(...) peqqinnissaqarfiup paaqqinniffiutigimmagu peqqinnissaqarfik tassaavoq nappar-simasut (...) -mut inissinneqarnissaannik tassanilu najugaqarnissaannik nakorsat im-mikkut ilisimasallit aqqutigalugit inissiisartoq inassuteqaateqartartorlu. Suliami al-

lagaatini ilanngullugit nassiunneqartuni takuneqarsinnaavoq peqqinnissaqarfiup inisiiniartartoqatigiivi (...) -mi najugaqarnissanik qinnuteqaammik itigartitsisuusimasut.

Naammagittaalliuutip ilaa taanna Isumaginninnermi Naammagittaalliuuteqartarfiup suliarisinnaangilaa, tassami tassani peqqinnissaqarfimmi suliatigut naliliineq pineqarmat. Taamaalilluni Isumaginninnermi Naammagittaalliuuteqartarfiup peqqinnissaqarfimmi naammagittaalliuuteqartarneq innersuussutigissavaa, (...) -mi inissiiniarne-
rup naliliivigineqarnissaa siunertaralugu.

Naammagittaalliuutip ilaa taanna eqqarsaatigalugu naammagittaalliuuteqarnissaq pillugu eqqortumik ilitsersuisoqarsimannginnera ajuusaarutigineqassaaq.

Kalaallit Nunaanni eqqortumik pineqarnissaq siunertaralugu naammagittaalliornissamut periarfissat tamarmik misilinneqareersimapput.

Naammagittaalliuutip ilaa taanna sapinngisamik pilertornerpaamik suliarineqassaaq, tassa imaappoq naammagittaalliuutit takkussornertik malillugu suliarineqartartut.

Nalunaaquttap akunnerinik tapersersortitut ikiorteqartitsinermit atugassanik qinnuteqaatit itigartinneqarnera pillugu naammagittaalliuut.

K Kommunip nalunaaquttap akunneri 160-it tapersersortitut ikiorteqartitsinermit atugassatut qinnutigisimavai, allakkanilu ammasuni 28. marts 2007-imeersuni oqaatigineqarpoq taakku itigartitsissutigineqarsimasut.

Suliami paasissutissat pisariaqartut nassiuteqquneqarput (annikinnerpaatut ilaassapput qinnuteqaat, itigartitsineq, iliuusissanut pilersaarussiaq, tapersersortitut ikiortip nalunaarussia).

Naammagittaalliuutip ilaa taanna sapinngisamik pilertornerpaamik suliarineqassaaq, tassa imaappoq naammagittaalliuutit takkussornertik malillugu suliarineqartartut.

Eqqortussaq anguniarlugu oqaatigineqassaaq sungiusaaneq peqqinnissaqarfimmi sulisut suliaassarigaat, tamannalu peqqinnissaqarfiup, imaanngitsoq isumaginnittoqarfiup, pisussaaffigaa. Taamaalillutik toqqaannartumik sungiusaaneq pillugu qinnuteqaatit peqqinnissaqarfimmut ingerlatinneqartassapput." (Atorfeqarfimmi nutsigaavoq)

Naammagittaalliuuteqartarfiup tusarniaanermut akissutaa 12. september 2007-imeersaq tunngavigalugu aalajangerpunga kommunit naammagittaalliorsinnaati-taanerat, Naammagittaalliuuteqartarfiup pisinnaatitaanera aamma pisinnaatitaanermik Ilaqutariinnermut Pisortaqarfiup peqqinnissaqarfiullu akornanni killissal-lersuineq misissuiniinna ilaatilearniarlugit. Apeqqutit taakku Naammagittaalliuute-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

qartarfiup kingusinnerusukkut aalajangiinerani 26. juni 2009-meersumi kingusinnerusukkut issuakkanni aalajangiivigineqarsimapput.

Kommunit naammagittaalliorsinnaatitaanerat eqqarsaatigalugu uanga paasinninera unaavoq apeqqut taanna kommunit suliani innarluutilinnut tunngasuni inissisimanerat oqartussaasutut suliamiluunniit illua'tungiusutut inissisimaneruner-soq apeqqummut ataneqarluinnartoq, apeqqullu taanna pillugu ataatsimut oqaaseqaatinik arlalinnik ataani oqaaseqaatinni saqqummiussivunga.

Isumaginninnermi Naammagittaalliuuteqartarfimmut 14. april 2009-mi imatut allappunga:

"(...)

Piffissaq Naammagittaalliuuteqartarfimmit kingullermik tusagaqarninnit manna tikillugu ingerlasimasoq isiginiarlugu Naammagittaalliuuteqartarfik qinnuigaara makku pillugit ilassutaasunik nassuiaateqaqqullugu:

1) K Kommunip naammagittaalliuutai Naammagittaalliuuteqartarfiup inaarlugit suliarisimavai?

Taamaappat Naammagittaalliuuteqartarfik qinnuigaara aalajangiinerup/aalajangiinerit assilineri uannut nassiateqaqqullugit.

2) Naammagittaalliuuteqartarfiup uannut siusinnerusukkut allakkamini 12. september 2007-imeersuni suliamik tullerriaarinnermi inissiinini pillugu oqaatigaa:

"Naliliisoqarpoq suliaq manna nukingiuttariaqartutut suliarineqassanngitsoq."
(Atorfeqarfimmi nutsigaavoq)

Naammagittaalliuuteqartarfik qinnuigaara isumaliutersuutit sorsipaat naliliinnermut tasunga tunngaviunerat pillugu erseqqinnerusumik nassuiaateqaqqullugu."

Naammagittaalliuuteqartarfimmut 19. maj 2009-mi imatut allaqqippunga:

"Naammagittaalliuuteqartarfik 14. april 2009-mi qinnuigaara suliamik suliarinninnermi atugassannik ilassutitut nassuiaateqaqqullugu.

Naammagittaalliuuteqartarfiup allattoqarfianut oqarasuaatikkut 18. maj 2009-mi saaffiginnippunga, tassami allakkanut 14. april 2009-meersunut akissummik tigu-saqannginnama.

Naammagittaalliuuteqartarfiup allattoqarfiata oqaatigaa saaffiginnissutigaa suliap ujarneqarnissaanut pissutissaqalersitsisimasoq, suliarimi imaaliallaannaq sumiissusersineqarsinnaasimangimmat.

Naammagittaalliuuteqartarfiup nalunaarfigaanga suliaq suli nanineqarsinnaasimangitsoq.

Tamanna tunngavigalugu, Naammagittaalliuuteqartarfiup allattoqarfia aamma isumaqatigiissuteqarfigalugu, Naammagittaalliuuteqartarfiup suliامي allagaataasa assilinerisa 13. september 2007-imi tigusama Naammagittaalliuuteqartarfiup piffissami tassani paasissutissaataasut tamarmiusutut naatsorsuutigisama assilineri matumuuna nassiuppakka.

Naammagittaalliuuteqartarfik qinnuigaara allakkama 14. april 2009-meersut akineqarnissaat tamatuma kingornatigut sapinngisamik annertunerpaamik nukingiuteqqulugu."

Naammagittaalliuuteqartarfiup 18. maj 2009-mi imatut akivaanga:

"Suliami A-mut tunngasumi siusinnerusukkut allaffigeqatigiittarsimaneq, matumani kingullermik Inatsisartut Ombudsmandiata Isumaginninnermi Naammagittaalliuuteqartarfimmut allagai 14. april 2009-meersut ilangullugit eqqarsaatigalugit, innersuusutigalugu Isumaginninnermi Naammagittaalliuuteqartarfiup matumuuna paasissutisiissutigisinnaavaa suliaq suliarineqarmat.

Suliaq Naammagittaalliuuteqartarfimmut taassuma ataatsimiinnerani kingusinnerpaamik september 2009-mi saqqummiunneqarniarpoq, Naammagittaalliuuteqartarfiullu aalajangiinera tamatuma kingornatigut nutserneqassaaq suliami illua'tungiusunut nassiunneqassalluni, taamatuttaarlu assilineri Ombudsmandimut nassiunneqassalluni.

Ombudsmandip apequtigisai tamatumunnga peqatigitillugu akineqarniarumaarput." (Atorfeqarfimmi nutsigaavoq)

Naammagittaalliuuteqartarfik 26. juni 2009-mi imatut aalajangiivoq:

"Ilaqutariinnermut Pisortaqarfiup, maanna Ilaqutariinnermut Naalakkersuisoqarfiusup aalajangiineri 1) 19. februar 2007-imeersoq A-p (...) -miinnerani aningaasartuutit itigartissutigineqarnerannut tunngasoq, aamma 2) 23. marts 2007-imeersoq tapersersorteqartitsinnermut tunngasoq pillugit K Kommunip naammagittaalliuutaa Isumaginninnermi Naammagittaalliuuteqartarfiup 26. juni 2009-mi suliaraa imalu aalajangiilluni

A A L A J A N G I I N E R I T

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

1-imut) Ilaqutariinnermut Pisortaqarfiup aalajangiinera 19. februar 2007-imeersoq allanngortinneqarpoq.

Tamatuma kinguneraa Ilaqutariinnermut Pisortaqarfiup aalajangiinerata eqqortuunnginnera, kiisalu kommunip aalajangiineq taanna pillugu naammagittaalliuutiminut taperserneqarnera. Ilaqutariinnermut Pisortaqarfik, maanna Ilaqutariinnermut Naalakkersuisoqarfiusoq A-p (...) -miinneranut sivikinnerpaamik ukiup affaanut akiliissaaq.

2-mut) Ilaqutariinnermut Pisortaqarfiup aalajangiinera 23. marts 2007-imeersoq allanngortinneqarpoq. Tamatuma kinguneraa Ilaqutariinnermut Pisortaqarfiup aalajangiinerata eqqortuunnginnera, kiisalu kommunip aalajangiineq taanna pillugu naammagittaalliuutiminut taperserneqarnera. Ilaqutariinnermut Pisortaqarfik, maanna Ilaqutariinnermut Naalakkersuisoqarfiusoq A-mut piffissami 1. april 2007-imit (...) -miilernerup tungaanut sap.ak. 160 tiimini tapersersorteqartitsinnermut akiliissaaq.

Aalajangiinerit allakkani 28. marts 2007-imeersuni K Kommunip naammagittaalliuutigai.

Suliaq Annertuumik innarluutillit ikiorserneqartarnerat pillugu Inatsisartut peqqussutaat nr. 7, 3.november 1994-imeersoq, kiisalu annertuumik innarluutillit ikiorserneqartarnerat pillugu Namminersornerullutik Oqartussat nalunaarutaat nr. 28, 22. december 2000-imeersoq naapertorlugit aalajangiiffigineqarpoq.

(...)

Naliliineq:

1) (...) -miinneq pillugu

Isumaginninnermi Naammagittaalliuuteqartarfik isumaqarpoq Ilaqutariinnermut Pisortaqarfiup oqartussaasut allat namminneq suliassaqarfimminni aalajangiinerat sa-neqqussinnaanngikkaa.

Ilaqutariinnermut Pisortaqarfik isumaqarpat peqqinnissakkut oqartussaasut aalajangiinerat tunngavigineqarsinnaanngitsoq, taava Isumaginninnermi Naammagittaalliuuteqartarfik isumaqarpoq Ilaqutariinnermut Pisortaqarfik suliama matumani aalajangiinnginnermi isumaqatigiinnginneq Peqqissutsimut Pisortaqarfimmut aaqqiiviginiarsimasariaqaraluaraa.

Tamanna pisimannngimmat Isumaginninnermi Naammagittaalliuuteqartarfik isumaqarpoq peqqinnissakkut oqartussaasut aalajangiinerat tunngaviusariaqartoq.

Tassani allassimavoq A nunatsinni pissutsit malillugit naammassillugu katsorsarneqarsimasutut isigineqartariaqartoq. Taamaattumik A-p sapinngisamik nalinginnaasumik atugaqartinneqarnissaata qularnaarneqarnissaa siunertaralugu naapertuuttumik ikiorserneqarnissaa Ilaqutariinnermut Pisorta qarfiup akisussaaffigaa.

Nakorsat pisortaata (...) -p allagaani 5. januar 2007-imeersuni allassimavoq napparsimasoq (...) -mi sullitarineqartutut napparsimasutut isigineqartariaqartoq.

K Kommunip borgmesterimut allakkiaani ullulernerqarsimanngitsuni (2007-imi upernaameersuni) allassimavoq:

"Fysioterapeuti naliliivoq A eqqortumik sungiusaqqinneqaruni arlalinnik pisinnaasaqalersinnaasoq isumaqartoqartuaannaarsimasoq. Taamaattumik Danmarkimi sungiusaqqitsinneqarnissaa siusinnerusukkut qinnuteqaatigineqarsimavoq, Kalaallit Nunaanni sungiusaqqinnissamut neqeroorutininik peqanngimmat. K-mi napparsimavik utoqqaalluunniit illuat sungiusaaqqissinnaanngillat.

A-p kommunimi utoqqaat illuannut inissinneqarnissaa K Kommunip kissaatigisimanngilaa, ilaatigut sukumiisumik tassani sungiusaqqinneqarsinnaanngimmat, ilaatigullu angutip 39-nik ukiullip (massakut 40-nik ukioqalersimasup) utoqqaat illuannut inissinneqarnera pissuserissaarnerunngimmat."

Qulaani allassimasut tunuliaqutaralugit Isumaginninnermi Naammagittaalliuuteqartarfik naliliivoq A-p pisariaqartitai Kalaallit Nunaanni malinneqarsinnaanngitsut, taamaattorli (...) -miinneq iluaqutigissagaa.

Taamaattumik Isumaginninnermi Naammagittaalliuuteqartarfik aalajangiivoq A pilertortumik (...) -mut pitinneqassasoq.

2) Tiimit tapersersorteqartitsiviusut pillugit

Allakkiami qulaani taaneqartumi oqaatigineqarpoq: "Tapersersortitit ikiortit peqataasut peqatigiillutik naliliipput A inissinneqarpat pigaartuusartumik suli ataatsimik atorfinitsitsisoqartariaqartoq, tassanilu aamma ilaavoq pineqartup paaqqutarisarialiunera, taamaattumillu utoqqaat illuanni najugaqartunut nalinginnaasunut sanilliulluni sulisunik amerlanerusunik tassunga atugassanik atorfinitsitsisoqartariaqarluni. Pisorta q naliliivoq utoqqaat illuanni najugaqartumut ataatsimut naatsorsuullugu sulisunik atuinisamik naatsorsuutaareersut saniatigut A-p paaqqutarineqarneranut sulisut piffissaq taamaat sulisartussat marluk allat atorfinitsinneqartariaqassasut."

Isumaginninnermi Naammagittaalliuuteqartarfik isumaqarpoq pisorta qarfik maanna Peqqissutsimut Naalakkersuisoqarfiusoq A-mut piffissami 1. april 2007-imit (...) -mii-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

lernissap tungaanut sap.ak. 160 tiimini tapersersorteqartitsinermut aningaasartuutitut aningaasaliissasoq.

Isumaginninnermi Naammagittaalliuuteqartarfiup aalajangiinnermini pingaartippaa K-mi utoqqaat illuani A-p pisariaqartitai malinneqarsinnaannginnerat, utoqqaat illuanni najugalinnut allanut pisariaqartinneqartut sinnerujussuarlugit sulisunik atorfinitsitsisoqartariaqarmat, kiisalu pisorta qarfik (maanna Naalakkersuisoqarfik) sumiiffim-mik allamik innersuussisinnaasimannginnera.

Aalajangiineq:

Ilaqutariinnermut Pisorta qarfiup aalajangiinera 19. februar 2007-imeersoq allanngortinneqarpoq, Ilaqutariinnermut Pisorta qarfik maanna Ilaqutariinnermut Naalakkersuisoqarfiusoq A-p (...) -miinneranut sivikinnerpaamik ukiup affaanut akiliisussanngorlugu.

Ilaqutariinnermut Pisorta qarfiup aalajangiinera 23. marts 2007-imeersoq allanngortinneqarpoq Ilaqutariinnermut Pisorta qarfik maanna Ilaqutariinnermut Naalakkersuisoqarfiusoq piffissami 1. april 2007-imit (...) -miilernissap tungaanut A-mut sap.ak. 160 tiimini tapersersorteqartitsinermut akiliisussanngorlugu."

Naammagittaalliuuteqartarfiup nassuiaata imaattoq 3. juli 2009-mi tiguara:

"K Kommuni Kalaallit Nunaanni Namminersorerullutik Oqartussanut, Naalakkersuisuni Ilaqutariinnermut Naalakkersuisuni Ilaqutariinnermut Naalakkersuisumut Aleqa Hammondimut aamma Peqqissutsimut Naalakkersuisumut Agathe Fontainimut 28. marts 2007-mi allappoq - oqaasertai malillugit - allakkanik ammasunik.

Kommunip allakkani taakkunani ilaatigut imatut allappoq:

(...)

Allakkani taakkunani allakkatut ammasuunerat pissutigalugu inuup aqqanik inuttuluunniit normuanik taasaqartoqarsimannilaq.

Namminersorerullutik Oqartussat allattoqarfiata allakkat taakku ilaatigut Isumaginninnermi Naammagittaalliuuteqartarfimmut ingerlateqqillugit nassiuppai, suliarineqarnissaat siunertaralugu.

Isumaginninnermi Naammagittaalliuuteqartarfiup allattoqarfia K Kommunimut 10. april 2007-imi imatut allappoq:

(...)

Isumaginninnermi Naammagittaalliuuteqartarfiup allattoqarfiata suliami allagaatit tamaasa Ilaqutariinnermut Pisortaqarfimmit piuvavai.

Inatsisartut Ombudsmandiata allakkamini 22. maj 2007-imeersuni (...)p naammagittaalliuutaa pillugu oqaaseqaateqaqquusivoq, kiisalu suliaq naammagittaalliummut tunngasoq misissugassanngorlugu nassiuuteqqullugu.

Isumaginninnermi Naammagittaalliuuteqartarfik K Kommunimut 24. maj 2007-imi imatut allappoq:

(...)

Isumaginninnermi Naammagittaalliuuteqartarfiup allattoqarfiata suliaq Ilaqutariinnermut Pisortaqarfimmut tamatumunnga peqatigitillugu eqqaasitsissutigaa.

Isumaginninnermi Naammagittaalliuuteqartarfik suliami allagaatinik il.il Ilaqutariinnermut Pisortaqarfimmit suli tigusaqannginnami taakku 18. juni 2007-imi nukingisarrutigai.

Inatsisartut Ombudsmandiata allagai 22. maj 2007-imeersut Isumaginninnermi Naammagittaalliuuteqartarfiup allattoqarfiata 5. juni 2007-imi imatut akivai:

(...)

Ilaqutariinnermut Pisortaqarfik Isumaginninnermi Naammagittaalliuuteqartarfimmut allakkani 15. juni 2007-imeersuni suliaq pillugu nassuiaateqarpoq kiisalu suliami allagaatit nassiullugit. Allakkani taakkunani Isumaginninnermi Naammagittaalliuuteqartarfiup nukingisarrutaa 19. juni 2007-imeersaq innersuussutigineqarsimavoq, taamaattumillu allakkat taakku ullut taassuma kingornatigut allanneqarsimassallutik.

Allakkat taakku 3. juni 2007-imi tiguneqarsimasutut naqissuserneqarsimapput. Tamanna kukkunerusoq ilimagineqartariaqarpoq, ullorlu naqissusiiffiusoq eqqortoq 3. juli 2007-iussasoq ilimagineqartariaqarluni. Allakkat tamatuma kingornatigut nalunaarsorneqarput, aatsaallu piffissap taamaalinerani A-p aqqa inuttullu normua Isumaginninnermi Naammagittaalliuuteqartarfiup allattoqarfiata ilisimalersimallugu.

Isumaginninnermi Naammagittaalliuuteqartarfiup allattoqarfia Inatsisartut Ombudsmandiannut 1. august 2007-imi imatut allappoq:

(...)

Suliami allagaatit assilineri allakkanut taakkununnga ilanngullugit nassiunneqarput.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Inatsisartut Ombudsmandiat Isumaginninnermi Naammagittaalliuuteqartarfimmut allakkani 26. august 2007-imeersuni suliaq pillugu saaffigineqqippoq, ilaatigut apeq-quteqaatigalugu suliaq qaqugu suliarineqarniarnersoq, suliarinninneq nukingiunneqartariaqannginnersoq kiisalu piginnaatitsissut sinniisuutitaqarnerlu apeqqutit pillugit.

Isumaginninnermi Naammagittaalliuuteqartarfiup allattoqarfiata K Kommunimut allagaani 12. september 2007-imeersuni makku oqaatigineqarput:

(...)

Isumaginninnermi Naammagittaalliuuteqartarfiup allattoqarfiata Inatsisartut Ombudsmandiannut ulloq taanna, tassalu 12. september 2007-imi, allagaani suliani inunnut anertuumik innarluutilinnut tunngasuni aalajangersimasuni kommunit immikkut naammagittaalliuuteqarsinnaatitaanerit nassuiarneqarpoq. Isumaginninnermi Naammagittaalliuuteqartarfiup allattoqarfia sulianik tullerriararnermi periaaseq pillugu aammattaaq nassuiaateqarpoq.

Suliami A-mut tunngasumi Isumaginninnermi Naammagittaalliuuteqartarfiup allattoqarfia suliap tiguneqarnerani piginnaatitsissummik ingerlaannaq nassiusseqqusinngilaq, oqaatigaluguli suliaq suliarineqalersimasoq. Ilaatigut tamanna pissutigalugu, ilaatigullu suliaqarfirmi tassani periaaseq ersarivinnigisoq pissutigalugu, ilaatigullu piffissaq sivisooq naammagittaalliuutip tiguneqarneranit ingerlasimasoq pissutigalugu, ilaatigullu nakkutilliisup (...)p A sinnerlugu Inatsisartut Ombudsmandiannut naammagittaalliorsimanera pissutigalugu Isumaginninnermi Naammagittaalliuuteqartarfiup allattoqarfia suliami matumani naliliivoq piginnaatitsissummik pissarsiniar-toqarnissaa pisariaqanngitsoq.

Sulianik tullerriarineq eqqarsaatigalugu Isumaginninnermi Naammagittaalliuuteqartarfiup allattoqarfiata oqaatigisinnaavaa periaaseq siusinnerusukkut imaassimasoq suliat pinngitsaaliinikkut meeqqanik angerlarsimaffimmit peersitsinerlut tunngasut nukingiullugit suliarineqartarlutik, suliali allat tigoorarneqarnitik malinnerullugit suliarineqartarlutik.

Periaaseq taanna Isumaginninnermi Naammagittaalliuuteqartarfiup allattoqarfiata 2008-mi ukiakkut allanngortippaa, taamaalilluni suliap nukingiullugu suliarineqartariaqarneranit suliata ataasiakkaarnerullugit massakut naliliisoqartalerluni. Taamaatorli naammagittaalliuutit oqaasertalersugaaneri pissutigalugit suliaq nukingiullugu suliarineqartariaqarnersoq paasiuminartuaannartanngilaq. Aammattaaq allattoqarfimmi sulisussaaleqineq pissutigalugu suliata amerlanerusut nukingiullugit suliarineqarnissaannut massakut periarfissaqanngikkallarpoq.

Suliaq A-mut tunngasooq eqqarsaatigalugu Isumaginninnermi Naammagittaalliuuteqartarfiup allattoqarfiata oqaatigisinnaavaa suliamik suliarinninnerup ingerlaannaq

aallartinneqarnissaa ajornarsimasoq, tassami kommunip allagaani ammasuni inuk kina pineqarnersoq takuneqarsinnaangimmat, taamatuttaarlu (...) kommuniluunniit Isumaginninnermi Naammagittaalliuuteqartarfimmut toqqaannartumik saaffiginnissimanngimmata. Allattoqarfiup 2007-imi, 2008-mi sulilu massakkut sulisussaaleqinera pisutigalugu suliap sukumiinerusumik siusinnerusukkut misissorneqarnissaanut periarfissaqarsimangilaq.

Suliap sukumiinerusumik 2009-mi junimi misissorneqarnerata kingornatigut Isumaginninnermi Naammagittaalliuuteqartarfiup allattoqarfia naliliivoq suliaq nukingiullugu suliarineqartariaqartoq, tamatumalumi kingornatigut taamaaliortoqarpoq.

Suliaq pineqartoq suliarineqarnersoq Naammagittaalliuuteqartarfiup siusinnerusukkut allagaani erseqqarlussimanera Isumaginninnermi Naammagittaalliuuteqartarfip allattoqafiata ajuusaarutigissavaa.

Aalajangiineq 26. juni 2009-meersoq Isumaginninnermi Naammagittaalliuuteqartarfiup aammattaaq innersuussutigerusuppaa.

Kiisalu piffissap sivisuup suliap suliarineqarneranut atorneqarsimanera Isumaginninnermi Naammagittaalliuuteqartarfiup allattoqarfiata ajuusaarutigissavaa." (Atorfeqarfimmi nutsigaavoq)

K-mi isumaginninnermik ingerlatsiviup oqaloqatigineqarnera pillugu allakkiap assilinera imaattoq Naammagittaalliuuteqartarfiup 17. september 2009-mi uanut aammattaaq nassiuppaa:

"K Kommunimut allakkat 3. september 2009-mi takkupput. Takkuttut tassaapput suliami allagaatit kiisalu Isumaginninnermi Naammagittaalliuuteqartarfiup aalajangiinera 26. juni 2009-meersup assilinera.

Suna akeqquneqarnersoq (saqqaa takuuk) oqarasuaatikkut apeqqutigigakku suliamik suliarinnittup (...)p oqaatigaa taakku kukkunikkut nassiunneqarsimasut! Pappiarat Aqutsisoqarfiup igiinnarsinnaavaagoq.

Alapernaalerlunga suliap A-mut tunngasup suliareqqinneqarnera apeqqutigaa. (...) oqarpoq suliap sammivia sanguallatsinneqarsimasoq, taamaalilluni A-p (...)liartinneqarnissaa pisariaarussimalluni, tassami (...)mut nuutsinneqarnissaa kommunip qinnutigisimammagu.

Taamaattorli utaqqisoqartariaqarpoq, qaqugulu nuunneqarsinnaanersoq ilisimaneqarani.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Qanoq sivistigisumik utaqqisoqarnissaa ilisimaneqanngimmat isumaginninnermik ingerlatsivimmi ullumikkut ataatsimiittoqarsimavoq, isumaqatigiissutigineqarsimallu nilu attaveqatiginnittarnermi siunnersortip Danmarkimeersup A ikiussagaa, (...) -mut nuunneqarnera pineqartumut oqinnerusinnaaqullugu." (Atorfeqarfimmi nutsigaavoq)

K Kommuni 28. september 2009-mi nalunaarfigaanga A-p nakkutilliisussaani allamik toqqaasoqarsimasoq.

Tamatuma kingornatigut imaattunik oqaaseqaateqarpunga:

"1. Misissuinerma ilusilersorneqarnera

Uanga misissuinerma (...) -p A-mut nakkutilliisutut naammagittaalliuuta K-mi 11. maj 2007-imi tikeraarninni tunniunneqartoq tunngavigalugu aallartinneqarpoq.

Piffissaq Ilaqutariinnermut Pisortaqrarfiup aalajangiinerinik marlunnik suliarinninnermut atornerqartussatut Isumaginninnermi Naammagittaalliuuteqartarfiup naatsorsuutigisaa (...) -p naammagittaalliuutigaa.

Suliami matumani naammagittaalliuutitut suliamik suliarinninneq ingerlatsineq pillugu inatsiseqartitsinermi piffissaq sulianik suliarinninnermut atornerqartartoq pillugu piunasaqaataasunik eqqortitsisuunersoq isummerfigaara, taamaalillungalu Naammagittaalliuuteqartarfiup suliamik suliarinninnerani kinguaattoornut ataatsimoortumik pissutaasut suliamut sunniutigisaat naliiffiginagu. Apeqqutit taakku suliami Naammagittaalliuuteqartarfimmut 2. marts 2009-mi oqaaseqaateqarfigisanni ataatsimut suliarakka, tassanilu 2. marts 2009-mi ataatsimut oqaaseqaateqarpunga. Oqaaseqaat taanna uanga nittartakkanni www.-ombudsmand.gl-mi aamma atuarneqarsinnaavoq.

Suliaq tamatuma saniatigut apeqqutinik ukuninnga saqqummersitsivoq, tassalu K Kommuni Ilaqutariinnermut Pisortaqrarfiup aalajangiinerini pineqartuunersoq, kommuni Naammagittaalliuuteqartarfimmut naammagittaalliorsinnaatitaanersoq aamma pisinnaatitaanermik isumaginninnermi oqartussaasut peqqissutsikkullu oqartussaasut akornanni killissalersuineq pillugu apeqqut.

(...) -p uannut naammagittaalliuutaata aalajangiinerit pisimasut aqutsinikkut pilertortumik misilinneqarnissaat siunertaralugu tunniunneqarsimanera A-lu suliami inunnik annertuumik innarluutilinnik ikiorsiisarneq pillugu Inatsisartut peqqussutaat tunngavigalugu ikiorserneqarsinnaatitaaneranik apeqqummut tunngasuni qularnaateqanngitsumik illua'tungiunera isiginiarlugit isumaqarpunga kommunip Naammagittaalliuuteqartarfimmut naammagittaalliorsin-

naatitaasimaneranik apeqqutip oqaaseqaammi matumani naliliiffigineqarnissaa pisariaqanngitsoq.

Taamaattorli apeqqut taanna pillugu ataatsimut oqaaseqaatinik naggasiutitut saqqummiussinissamut pissutissaqarlunga isumaqarpunga.

Suliami ajornartorsiutit pisinnaatitaanermik Ilaqutariinnermut Pisortaqarfiup (massakut Isumaginninnermut Naalakkersuisoqarfiup) peqqinnissaqarfiullu akornanni killissalersuinerup nalornissutigineqarnerata nassatarisaanik piler-sut suliami matumami ilaasutut Naalakkersuisunut tusarniaatigaakka.

Apeqqutit taakku Naammagittaalliuuteqartarfiup aalajangiinnermini 26. juni 2009-meersumi isummerfigisimavai, Ilaqutariinnermullu Pisortaqarfiup suliamik suliarinninnera oqaaseqaateqarnissamut pissutissaqalersitsimasoq pillugu tamatumunnga ataneqartillugu naliliivunga, Naammagittaalliuuteqartarfiulli aalajangiinera pissutigalugu tamatumunnga atatillugu annertunerusumik iliuuseqaqqissananga.

2. Piffissaq A-p innarluutilittut taparserneqarnissaanik itigartitsissutit pillugit naammagittaalliuutit suliarineqarnerinut atatillugu atorneqartoq

Ilaqutariinnermik Aqutsisoqarfiup aalajangiinera Naammagittaalliuuteqartarfiup suliarisai 19. februar 2007-imi aamma 23. marts 2007-imi pisimapput.

Suliat Naammagittaalliuuteqartarfiup K Kommunip Naalakkersuisunut allagaanik ammasunik 28. marts 2007-imeersunik Naalakkersuisut Allattoqarfiata 29. marts 2007-imi ingerlatitseqqilluni nassiussineranut atatillugu suliarilerpai.

Naammagittaalliuuteqartarfiup Ilaqutariinnermut Pisortaqarfik 10. april 2007-imi qinnuigaa suliami allagaatit misissugassanngorlugit nassuteqqullugit. Naammagittaalliuuteqartarfiup K Kommuni tamatumunnga peqatigitillugu nalunaarfigaa suliaq qaammatit 12-18-it iluanni suliarineqassasoq, Naammagittaalliuuteqartarfiup tulleriarinermini ataatsimut periaasia tunngavigalugu, tassanilu suliat pinngitsaaliinikkut meeqqanik arsaarinninnernut tunngasut sulianut allanut piffissat tiguneqarfitik tunngavigalugit tulleriarneqartunut sanilliullutik salliutinneqartartut.

Suliami 2006-imi ukiumoortumik nalunaarutinni immikkoortumi 5-imi suliatut 11.73.79-itut ilanngussanni oqaatigaara tulleriarinermi periaatsip taassuma aallaavittut atorneqaruni oqaaseqaateqarnissannut pissutissalersinngikkaannga, Naammagittaalliuuteqartarfiulli suliani ataasiakkaani pissutsinik tulleriarinermi periaatsip taassuma saneqqunneqarnissaanut pissutissaqalersitsinnaasunik peqarnersoq eqqumaffigisariaqaraa.

Isuma taanna suliaq manna eqqarsaatigalugu aamma atuuppoq, isumaqarpungalu suliami matumani innuttaasumut annertuumik innarluuteqartuusumut

ikiorsiinerup pineqarnera Naammagittaalliuuteqartarfiup suliamik salliutitsinissaanut annertuumik oqimaassuseqarluni ikorfartuutaasimasoq.

Taamaattumik Naammagittaalliuuteqartarfiup tulleriiaarinermi periaatsiminik suliami pineqartumi nammineq suliniuteqarnermigut saneqqutsisimannginera isorisariaqartutut isigaara.

Tulliullugu maanna oqaatigaara, tassalu Naalakkersuisunut allakkanit ammasunit 28. marts 2007-imeersunit ersertoq suliaq K Kommunip nukinginnartutut isigigaa, Naammagittaalliuuteqartarfimmullu uanga tusarniaaninnit 22. maj 2007-imeersumit ersertoq suliap Naammagittaalliuuteqartarfimmit suliarineqarnerata nukingiunneqarnissaa A-p nakkutilliisuata kissaatigigaa.

Isumaqarpunga suliap tulleriiaarinermi salliutinneqarnissaa suliami illua'tungiusup kissaatigalugu saqqummiussimammagu tulleriiaarinermik apeqqut Naammagittaalliuuteqartarfiup naliliiffigisimasariaqaraluaraa.

Naammagittaalliuuteqartarfiulli tusarniaanermut akissummini 2. juli 2009-meersuni suliap tulleriiaarinermi salliutineqarnissaa pisariaqartinneqarner-soq Naammagittaalliuuteqartarfiup 2008-mi ukiakkumiilli suliani ataasiakkaani naliliiffigisalersimagaa oqarnera isiginiarlugu apeqqut taanna pillugu annertunerusumik iliuuseqaqqissanngilanga.

Suliap ingerlaqqinnera pillugu, Naammagittaalliuuteqartarfiup tusarniaanermut akissutaata 2. juli 2009-meersup kingornatigut, manna tunngaviutippara, tassalu tusarniaanermut akissut Naammagittaalliuuteqartarfiup Ilaqutariinnermut Pisortaqarfimmit 3. juli 2007-imi tigusimagaa, suliamilu paasissutissat K Kommunip Naammagittaalliuuteqartarfimmut 27. juni 2007-imi nassiussimagai.

Naammagittaalliuuteqartarfik tamatuma kingornatigut, tassalu 26. juni 2009-mi, aalajangiisimavoq.

Taamaalilluni pineqartoq tassaavoq piffissap Naammagittaalliuuteqartarfiup suliamik suliarinninnerata tamarmiusup ukiut marluk qaammatillu pingasut sinnerlugit sivisussuseqarsimanera.

Tamanna Naammagittaalliuuteqartarfiup K Kommunimut allakkamini piffissap suliamik suliarinninnermut atorneqartartup qaammatit 18-it tikillugit sivisussuseqartarneranik paasissutissiissutaanut ataneqartillugu isigineqartariaqarpoq.

Suliaq taamaalilluni piffissami piffissamit Naammagittaalliuuteqartarfiup suliamik suliarinnilernermini atortagaatut oqaatigisaanit sivisunerujussuarmini suliarineqarsimavoq.

Suliaq piffissamit suliami illua'tungiusunut neriorsuutigineqarsimasumit sivisunerusumik suliarineqassasoq oqartussaasut suliami illua'tungiusunut ilisimatitsissuteqartarnerat ingerlatsinermi ileqqorissaarnermut ilaavoq. Inatsisi-

leriffiup suliassat suliarineqartarnerat pillugu inatsit pillugu ilitsersuusiaani december 1994-imeersumi imm. 206 matumani aamma innersuussutigaa.

Taamaattumik isumaqarpunga suliaq suliap tiguneqarneranit qaammatit 18-it iluanni inaarlugu suliarineqarsinnaanngitsoq paasinarsimmat Naammagittaalliuuteqartarfik A-mut aamma K Kommunimut ilisimatitsissuteqarsimasa-riaqaraluartoq.

Suliamit aamma erserpoq suliaq Naammagittaalliuuteqartarfimmi nassaarineqarsinnaanngitsoq Naammagittaalliuuteqartarfiup pisuni marlunni uannut nalunaarutigisarsimagaa. Tassani pineqartut tassaapput Naammagittaalliuuteqartarfiup allagai 7. juni 2007-imeersut aamma Naammagittaalliuuteqartarfiup oqarasuaatikkut 18. maj 2009-mi uannut paasissutissiissutaa.

Suliap oqartussaasumi tammaaneqarnera soorunalimi kukkuneruvoq pitsaanngitsorujussuaq.

Qulaani taaneqartunut atatillugu oqaatigaara oqartussaasumi sulianik eqqaasiteriaatsit sunniuteqarluartut suliap puigorneqarsinnaanerannik pinaveersaartitsinermi iliuusaammata atornerqarluarsinnaasut, tamatumani tak. suliassat suliarineqartarnerat pillugu inatsit pillugu ilitsersuummi imm. 204.

Siusinnerusukkut suliami, 2006-imi ukiumoortumik nalunaarutinni imm. 5-imi suliatut 11.01-11.09.09.1-itut ilanngussanni, Naammagittaalliuuteqartarfiup tunngavinnik taakkuninnga eqqortitsinissaminut pisussaaffeqarnera erseqqis-sarpara, taamaattumillu suliap Naammagittaalliuuteqartarfimmi tammaaqqin-neqarsimanagera iluarinanngitsutut isigaara.

Taamaattumik Naammagittaalliuuteqartarfik qinnuigaara periaatsit suut suli-at tammaaneqarsinnaanerisa pinaveersaartinneqarnissaat qulakkeerniarlugu Naammagittaalliuuteqartarfiup ullumikkut atugai pillugit nassuiaateqaqqul-lugu.

Suliami Naammagittaalliuuteqartarfiup suliamik suliarinninnera eqqarsaati-galugu allatigut annertunerusumik iliuuseqaqqissanngilanga.

3. A peqqinnissaqarfimmi inaarlugu katsorsarneqarsimangersoq pillugu apeq-qummi Ilaqutariinnermut Pisortaqarfiup Peqqissutsimullu Pisortaqarfiup isu-maqatigiinninnerisa suliap ingerlasimanageranut sunniutaa

Naammagittaalliuuteqartarfiup aalajangiineranit 26. juni 2009-meersumit er-serpoq A-p Peqqinnissaqarfimmi inaarlugu suliarineqarsimanageranik Peqqis-

sutsimut Pisortaqarfiup naliliineranik Ilaqutariinnermut Pisortaqarfiup sumiginnaasimanera Naammagittaalliuuteqartarfiup isornartorsiorsimagaa.

Naammagittaalliuuteqartarfiup oqaatigaa isumaqatigiinninneq taanna Ilaqutariinnermut Pisortaqarfiup aalajangiinninnermini qulaajarniarlugu Peqqisutsimut Pisortaqarfimmu saaffiginnissutigisimasariaqaraluaraa.

Naammagittaalliuuteqartarfiup inerniliinera isumaqatigaara, ilassutitullu oqaatigalugu Ilaqutariinnermut Pisortaqarfiup (massakut Isumaginninnermut Naalakkersuisoqarfiup) suliani innarluutilinnut tunngasuni suliassai aamma peqqinnisaqarfiup suliani napparsimasunik katsorsaannermi suliassai pisinnaatitaanermik agguataarinermut Naalakkersuisut Siulittaasuannit Inatsisartut Naalakkersuisullu pillugit inatsisaanni § 4, imm. 3 tunngavigalugu aalajangersarsimasaanut takussutissaasoq.

Tulliullugu oqaatigaara Ilaqutariinnermut Pisortaqarfik 13. november 2006-imi aalajangiisimasoq A inunnik annertuumik innarluutilinnik ikiorsiisarneq pillugu Inatsisartut peqqussutaat nr. 7, 3. november 1994-imeersoq aamma inunnik annertuumik innarluutilinnik ikiorsiisarneq pillugu nalunaarut nr. 28, 22. december 2000-imeersoq tunngavigalugit ikiorserneqarnissaminut pisinnaatitaasoq.

Aalajangiineq taanna "A itisoorujussuarmik ilisimanngitsoq, qaratsamigut annertuumik ajoqusersimasoq avataalu nukillaarsimasut, qanoq issusia ataavartussatut isigineqartoq massakkullu annertuumik arlalinnillu innarluuteqarluni paaqqutarisaliusoq" paasissutissiissutigineqartut tunngavigalugit pisimavoq.

Inunnik annertuumik innarluutilinnik ikiorsiisarneq pillugu Inatsisartut peqqussutaat nr. 7, 3. november 1994-imeersoq Inatsisartut peqqussutaatigut nr. 13-ikkut, 31. oktober 1996-imeersukkut aamma Inatsisartut peqqussutaatigut nr. 1-ikkut, 23. maj 2000-imeersukkut allanngortinneqarsimasoq §§-ini 3-mi, 4-mi, 6-imi aamma 22-mi aalajangersakkanik imaattunik imaqarpoq³⁴:

"§ 3. Inuit 63-it inorlugit ukiullit Kalaallit Nunaanni aalajangersimasumik najugaqartut, eqqarsartaatsimikkut timimikkulluunniit annertuumik innarluuteqarnertik pissutigalugu immikkut ikiorserneqarnissamik pisariaqartitsisut peqqussummi matumani malittarisassat tunngavigalugit ikiorserneqarsinnaapput.

Imm. 2. Innarluutit piginnaassutsikkullu killiffiit suut ikiorserneqarnissaanni tunngaviussanersut pillugit malittarisassat Naalakkersuisut aalajangersarsinnaavaat.

- 34) Inatsisartut peqqussutaat taanna kingusinnerusukkut Inatsisartut peqqussutaatigut nr. 13-ik-kut, 20. november 2006-imeersukkut aamma Inatsisartut peqqussutaatigut nr. 12-ikkut, 5. december 2008-meersukkut allanngortinneqarsimavoq. Allannguitit taakkua arlaannaalluunniit § 3, imm. 2-mut aamma § 4-mut tunngasuunngilaq.

(...)

§ 6. *Ikiorsiiniutit tuniunneqarsinnaapput siunnersuinertut, ilitsersuinertut tapersersuinertullu, sungiusarneqarnertut, paaqqinniffimmut inissinneqarnertut kiisalu innarluuteqarnermut atatillugu aningaasartuutiginerulikkanut aningaasatigut ikiorsiinertut ilusilerlugit.*

(...)

§ 22. *Peqqussut manna tunngavigalugu innarluutilik ikiorserneqarsinnaanersoq, aamma sutigut qanorlu annertutigisumik ikiorserneqassanersoq Isumaginninnermut Pisortaqarfiup aalajangiiffigissavaa"*

Inatsisartut peqqussutissaattut nr. 7-itut, 3. november 1994-imeersutut siunnersuummi §§-it 3 aamma 4 pillugit oqaaseqaatinit ilaatigut makku erserput:

"§ 3-imut:

(...)

Nalunaarusiortoqarnissaa naatsorsuutigineqarpoq, peqqussut naapertorlugu inuit kikkut ikiorserneqarsinnaaneriniq aalajangersaaviumik.

Nalunaarummi tassani annertuumik innarluutilik" nassuiarneqassaaq, taamaalilluni inuup qanoq annertutigisumik innarluuteqarnera ilanngullugu naliliivigineqartallissalluni, assersuutigalugu illuinnarmik nioqaruni inunnut allanut ukioqatiminut sanilliulluni ikiorserneqarnissamik pisariaqartitsinerunersoq, tassa piginnaassusia eqqarsaatigalugu allanut sanilliulluni piginnaanikinnerunersoq.

Taamaalilluni malittarisassat inuit siumungaaq aalajangersimasut tunngavigalugit aqunneqarunnaassapput, qinnuteqartulli ataasiakkaat kommuniminnut najugarivitaminnut ikiorseqqullutik qinnuteqaataat tunngavigalugit. Tamatuma kingunerissavaa ikiorsiiniut aalajangersimasoq Isumaginninnermut Pisortaqarfiup siusinnerusukkut akuersissutigereersimagaluarlugu tullianik qinnutigineqartoq ingerlaannartumik akuersisariaqassanngimmagu. Akuersissuteqarnissami qinnuteqaateqarnerup nalaani pissutsinik naliliineq tunngavigineqartalissaaq.

Ajoqut innarluuteqalernermik kinguneqartoq nakorsamit suussusianik aalajangiivigineqartoq - assersuutigalugu atuarfimmit, Siunnersuisarfimmit PPR-imit paaqqinniffinnillu paasissutissanik taperneqartoq - qinnuteqaateqartup annertuumik innarluutilittut isigineqarsinnaaneranut aalajangiisuussaaq.

Ajoqutitut annertuumik innarluutaasutut assersuutigalugu makku taaneqarsinnaapput: Eqqarsartaatsikkut kinguarsimaneq, timikkut kiisalu eqqarsartaatsikkut anner-

6. Suliat nalinginnaasumik soqutiginaatillit, inatsiseqartitsiffiusunut agguataakkat

tuumik ajoqutit. Innarluutillip piginnaassutsimigut killiffiata naliliiffigineqarnerani innarluutillip innarluuteqanngitsumut sanilliulluni piginnaassutsimigut sumut killif-
feqarnerata peqqissutsikkut inooqatigiinnikkullu naliliiffigineqarnera tunngavigine-
qassaaq. Assersuutigalugu taaneqarsinnaavoq inuk allaffimmiutut ilinniarsimasoq
ajutoornermut atatillugu nissumi illuanik annaasaqarsimasoq niuusartaareer-
nermi kingorna angerlarsimaffimmini suliffimminilu nalinginnaasumik ingerlatsisinnaas-
samat. Sulisartorli suliaminik manna tikillugu ingerlatsisinnaanermisut immaqa
aatsaat ingerlatsisinnaassalluni iluaqusersuutinik assigiinngitsunik arlalinnik ilua-
qusersuusersorneqaruni. Assersuummi tassani allaffimmiutut ilinniarsimasoq, naak
innarluuteqarluinnaraluarluni annertuumik innarluutilittut isigineqarnaviannigilaq.
Sulisartorli annertuumik innarluutilittut isigineqassalluni.

§ 4-mut:

Ataatsimut isigalugu oqaaseqaatini oqaatigineqareersutut malittarisassat makku
malittarisassat "nalinginnaasut" tunngavigalugit ikiorsiinissaq eqqarsaatigalugu
pingaanninnerupput, tassa malittarisassat innarluuteqanngitsunut malittarisassat
eqqarsaatigalugit, assersuutigalugu pisortanit ikiorsiissutit pillugit malittarisassat,
meeqqanik inuusuttunillu ikiorsiisarneq pillugu malittarisassat, pensionit (matuma-
ni inunnut tapit ilanngullugit) pillugit malittarisassat, peqqinnissakkut sullin-
eqarnerit imaluunniit meeqqat atuarfianni atuaritsinermi ilinniakkamilluunniit ingerlat-
sinermi atortussat.

Taamaattumik napparsimaruluttunik paaqqutarinninnermut ikiorsiisoqarsinnaan-
ngilaq.

Aamma napparsimmavimmut unitsinneqarnermut atatillugu ikiorsiisoqarsinnaan-
ngilaq, pineqartoq annertuumik innarluuteqaraluarpalluunniit. Matumani ilaatigut
kræftertut, AIDS-ertut allallu inuuner-
mut ulorianartorsiortitsisumik nappaatillit,
nappaatertik pissutigalugu annertuumik innarluutilittut isigineqartut eqqarsaatigi-
neqarput.

Inuilli pineqartut taakku innarluutip kingunerisaanik annertuumik aningaasartuute-
qarnerussutinit ikiorserneqarsinnaasussaapput, napparsimmavimmi uninngareer-
lutik angerlarnermik kingorna.

Annertuumik innarluuteqarneq pissutigalugu napparsimmavimmi uninnganermut
atatillugu sungiusaqqinneqarnermut il.il. aningaasartuutit peqqussut manna tun-
ngavigalugu akuersissutigineqarsinnaanngillat, peqqinnissaqarfiulli malittarisassai
tunngavigalugit akuersissuteqarfigineqartariaqarlutik.

Killeqarfigisaalli erseqqissuunngilaq, tassami napparsimmavimmi uninnganerup
nalaani ikiorsiiniutit ataasiakkaat akuersissutigineqarsinnaanerat takorloorneqar-

sinnaavoq, soorlu assersuutigalugu ikiorsiissutinut nakorsap katsorsaananeranut tunngassuteqanngitsunut."

Innarluutit sorliit Inatsisartut peqqussutaat tunngavigalugu ikiorsiissuteqarfigineqarsinnaanerat Naalakkersuisut annertuumik innarluutilinnik ikiorsiisarneq pillugu nalunaarummi nr. 28-mi, 22. december 2000-imeersumi malittari-sassat makku aalajangersarsimavaat:

"§ 1. Inuk annertuumik innarluuteqartarpoq pisinnaanera annertuumik killilerneqarsimappat. Pisinnaanerup annertuumik killeqalerneranut pissutaasinnaapput si-visuumik imaluunniit ataavartumik timikkut imaluunniit eqqarsartaatsikkut ajoquteqarneq, kiisalu nappaatit pissusissamisoortumik ineriartunnginnermik, imaluunniit kukkusumik kinguarsimasumilluunniit ineriartornermik kinguneqarsinnaallutilluunniit kinguneqartussat.

§ 2. Inuup pisinnaanera annertuumik killilerneqarsimasarpoq, pineqartoq innarluutini pissutigalugu

1) nammineq pisariaqartitani, soorlu imminut eqqiluutsuutinnissaq, atisalersornissaq, nerinissaq assigisaallu, isumagisinnaanngikkaangagit, imaluunniit

2) illup iluani silamilu nammineerluni angallasinnaanngikkaangat, matumani niuertarfilerineq, allanut pulaarneq, nalinginnaasumik sukisaarsartunut assigisaannullu akuusinnaaneq il.il. eqqarsaatigalugit, imaluunniit

3) inunnut allanut attaveqarsinnaanngikkaangat.

§ 3. Timikkut ajoqutit tassaapput ajoqutit amigaatillu inunnguuserisat kingusinnerusukkulluunniit pilersut, assersuutigalugu tappiitsuulluniluunniit isigiarsunneq aamma tusilartuulluniluunniit tutsarlunneq, nukitsigut noqartoortarneq allatulluunniit nukillaarnerit, noqartarneq, oqalunniarnikkut ajornartorsiuteqarneq, timip pisataa-nik amigaateqarneq, uummatikkut/taqqatigut/tartukut/tingukkullu ajoquteqarnerup kingunerisai, nagguarlunneq (gigteqarneq) kiisalu kromosomitigut ajoquteqarneq."

Tamanna tunngavigalugu uanga paasinninnera unaavoq Ilaqutariinnermut Pi-sortaqarfiup aalajangiinerani 13. november 2006-imeersumi pineqartoq tassaasoq A-p inunnik annertuumik innarluutilinnik ikiorsiisarneq pillugu Inatsisartut peqqussutaanni §§-it 3 aamma 4, tak. inunnik annertuumik innarluutilinnik ikiorsiisarneq pillugu nalunaarummi nr. 28-mi, 22. december 2000-imeer-

6. Suliat nalinginnaasumik soqutiginaatillit, inatsiseqartitsiffiusunut agguataakkat

sunni §§-it 1-imit 3-mut, tunngavigalugit ikiorserneqarnissamut piumasagaatit nalinginnaasut eqqortikkai.

Ilaqutariinnermut Pisortaqarfiup ikiorsiiniutinik qinnuteqaatit ikiorsiiniutinik qinnutigineqartunik pineqartunik Inatsisartut peqqussutaanni § 6 tunngavigalugu naliliisarnermigut tamatuma kingornatigut suliarisartussaasimavai.

Ikiorserneqarnissamilli qinnuteqaatip, matumani sungiusaaqqinneq ilanngulugu eqqarsaatigalugu, peqqinnissaqarfimmi katsorsaanerup naammassineqarsimannginnera innersuussutigalugu itigartinneqarnissaanik aalajangiinerup manna nassatarissavaa, tassalu A-p Inatsisartut peqqussutaanni §§-ini 3-mi 4-milu piumasagaataasunik eqqortitsisuuneranik siusinnerusukkut aalajangiinerup tunuartinneqarnera.

Suliaq matumani ajornartorsiut eqqarsaatigalugu oqaatigaara A-p (...) -mi sungiusaaqqinneqarnissaata itigartitsissutigineqarnissaanik Ilaqutariinnermut Pisortaqarfiup aalajangiinera 15. januar 2007-imeersoq A-p inunnik anner-tuumik innarluutilinnik ikiorsiisarneq pillugu Inatsisartut peqqussutaat tunngavigalugu ikiorserneqarsinnaasutut isigineqarnissaanik aalajangiineq 13. november 2006-imeersoq eqqarsaatigalugu A-p qanoq issusiata annertuumik allannguuteqarsimaneranik tunngavilersorneqarsimanngitsoq.

Aamma oqaatigaara A sungiusaaqqinneqarnissamik qinnuteqaat pillugu 13. november 2006-imi aalajangiinerup nalaani napparsimmavimmi uninngasimasooq, peqqinnissaqarfiullu K Kommuni 17. oktober 2006-imi nalunaarfigisimaga peqqinnissaqarfimmi katsorsaaneq unitsinneqartoq. Tamatuma kingornatigut napparsimmavimmi uninnganeq A-p peqqinnissaqarfimmi katsorsarneqarneranik pissuteqanngilaq, uninnganerali paaqqutarineqarnissamik annertuumik pisariaqartitsinera pissutigalugu angerlartinneqarsinnaannginneranik piffissallu taamaalinerani paaqqinniffiit allat pineqartoq tigusinnaallugu nalunaaruteqarsimannginnerannik taamaallaat pissuteqarpoq.

Taamaattumik aalajangiinerup 13. november 2006-imeersup tunuartinnessaanut piumasagaatit A-p (...) -mi sungiusaaqqinneqarnissaanik qinnuteqaatip itigartinneqarnissaanik aalajangiinerup nalaani eqqortinneqarsimanngitlat.

Tamanna tunngavigalugu isumaqarpunga A-p (...) -mi sungiusaaqqinneqarnissaanik qinnuteqaammik Ilaqutariinnermut Pisortaqarfiup A-p peqqinnissaqarfimmi inaarlugi katsorsarneqarsimannginnera innersuussutigalugu itigartitsinera kukkunerusoq isorisariaqartoq, tassami peqqinnissaqarfimmi inaarlugi

katsorsarneqarsimanginneranik naliliineq pisut taamaatsillugit suliamut atuumassuteqanngimmat.

4. Kommunit suliani innarluutilinnut tunngasuni inissisimanerat

A eqqarsaatigalugu suliap ingerlasimanerata kommunip suliani innarluutilinnut tunngasuni inissisimanerat pillugu ataatsimut arlalinnik oqaaseqaateqarnissannut pissutissaqalersippaanga.

Taamaalilluni suliamit erserpoq Ilaqutariinnermut Pisortaqarfik K Kommunip qinnuteqaatai tunngavigalugit aalajangiisarsimasoq, suliarlu K Kommunip naammagittaalliuutaa tunngavigalugu Isumaginninnermi Naammagittaalliuuteqartarfimmit suliarineqarsimasoq.

Oqaatigaara kommunit ikiorsiiniutinik qinnuteqaataannut atatillugu Naalakkersuisut eqqarsaatigalugit suliassaar inunnik annertuumik innarluutilinnik ikiorsiisarneq pillugu Inatsisartut peqqussutaanni § 7, imm. 1-imi imatut allaserineqartut:

"Innarluutillip kommunitut najugarivitaata inassuteqarneratigut ikiorsiiniut sorleq aallartinneqarsinnaanersoq Isumaginninnermut Pisortaqarfiup aalajangissavaa."

§ 20-mi aamma imaattunik aalajangersagaqarpoq:

"§ 20. Kommunit isumaginninnermut ataatsimiititaliaasa annertuumik innarluutillit peqqussut manna tunngavigalugu ikiorserneqarsinnaanermut periarfissat pillugit siunnersorlugillu ilitsersussavaat.

Imm. 2. Kommunit isumaginninnermut ataatsimiititaliaasa ikiorsiinissamut inassuteqaatit tunngavilersukkat suliarissavaat Isumaginninnermullu Pisortaqarfimmut nassiullugit.

Imm. 3. Peqqussut manna tunngavigalugu qinnuteqartarneq, inassuteqartarneq, akuersissuteqartarneq aqutsinerlu pillugit malittarisassanik Naalakkersuisut aalajangersaasinnaapput."

Peqqussutissatut siunnersuummi § 20 pillugu oqaaseqaatit imaattut ilanngunneqarsimapput:

"Aalajangersakkat taakku tunngavigalugit innarluutilik Isumaginninnermut Pisortaqarfimmut ikiorserneqarnissaminik nammineerluni toqqaannartumik qinnuteqarnissamut periarfissaqanngilaq. Qinnuteqaat taamaattoq innarluutillip kommunitut najugarivitaata aqutigalugu ingerlatinneqassaaq, tassanilu siullermik naliliiffigineqassalluni qinnuteqaatip akuerineqarnissaanut periarfissaqarnersoq. Innarluutilik

6. Suliat nalinginnaasumik soqutiginaatillit, inatsiseqartitsiffiusunut agguataakkat

peqqussummi malittarisassanut ilaatinneqarsinnaasoq ikiorserneqarnissamullu pi-sariaqartitsinera akuersaarneqarsinnaasoq kommuni isumaqarpat inassuteqaat Pi-sorta qarfirmut ingerlateqqinneqassaaq.

Qinnuteqaateqarnermi, akuersissuteqartarnermi aqutsinermilu periusissat pillugit malittarisassat nalunaarutikkut aalajangersarneqassapput."

Aammattaaq peqqussutissatut siunnersuut pillugu ataatsimut oqaaseqaatini makku oqaatigineqarput:

"Peqqussummi aalajangersakkatut nutaatut taaneqarsinnaavoq innarluutilik peqqussut manna tunngavigalugu ikiorserneqarnissamik kissaateqartoq kommuni najugarivitani aqutigalugu qinnuteqaateqassasoq, ulloq unnuarlu paaqqinniffimmi najugaqaralaruniluunniit. Suliassa qarfirmi tassani allaffissornikkut manna tikillugu ileqqusimasoq malittarisassakkut tassuuna ingerlateqqinneqarpoq. Malittarisassaaq taanna ilanngunneqarsimavoq inuit kommunimi najugaqavissut tamaasa eqqarsaatigalugit kommunip akisussaaffeqarnera erseqqissarniarlugu, innarluuteqarnerat innarluuteqannginneralluunniit apeqqutaatinnagu.

Siornatigut iliuusaasarsimasup malitsigivaa, kommunit tamakkiisumik akiligassaat peqqussut malillugu akilerneqartarsimallutik, tassalu landskarsimit.

Aammattaaq ingerlatsinerup kingunerisaasa ilagaat, innarluutillit aningaasartuutinit tapiiffigineqartarsimani, naak asserluinnaasa aningaasartuutigineri innarluuteqanngitsup nammineq isumagisussaagai.

Taamaattumik pineqanngilaq kommunit Namminersornerullutillu Oqartussat akornanni nammaqatiginnerup allanngornera, kisianniliuna siusinnerusukku ingerlatseriaatsit erseqqissarneqartut.

Peqqussutip allanngortinneqarnerata suliassa qarfirmi aningaasartuutit amerline-rat aallaavittut kingunerisussaanngilaa, sulialli ingerlanneqartut annertusineqar-nissaat kissaatigineqarpat, matumani Kalaallit Nunaanni paaqqinnittarfut anner-tusaavigineqarnerat ilanngullugu, tamatuma aningaasartuuteqarnerulerneq siun-nersuummi siunertarineqanngitsoq kingunerissavaa.

Innarluutilinnik angerlarartitsineq il.il. manna tikillugu ingerlanermit annertuneru-sumik pissappat tamanna suliassa qarfirmut tassunga amerlanerusunik aningaasa-liissuteqarnikkut aatsaat pisinnaavoq.

(...)"

Peqqussutip oqaasertai peqqussutissatut siunnersuut pillugu oqaaseqaatinut ataneqarlutik kommunit Namminersornerullutillu Oqartussani (Namminersorlutillu Oqartussani) aalajangiinermi oqartussaasup akornanni suliatigut pisinnaatitaanerinik allaaserinnittuupput, tassanilu kommunit qinnuteqaatinik tigusisartuupput oqartussaasumullu aalajangiisussamut inassuteqaateqartartuulutik.

Peqqussutissatut siunnersuut pillugu oqaaseqaatinut erserpoq pisinnaatitaanermik taamatut agguataarinerup manna siunertarigaa, tassalu Namminersornerullutik Oqartussat (Namminersorlutik Oqartussat) isumaginninnermut tunngasuni innarluutilinnut kommunit pisussaaffigisaannut aningaasartuuteqartanninnissaat isumaginnittoqarfiullu susassarinnngisaanut ikiorsiisoqartanninnissaa qulakkeerneqassasoq.

Inatsisartut peqqussutaanni § 27, imm. 1-ikkut aalajangersarneqarpoq Inatsisartut peqqussutaat taanna tunngavigalugu aalajangiinerit isumaginnittoqarfiup aqunneqarnera aaqqissuussaanelu pillugit Inatsisartut peqqussutaanni naammagittaalliortarneq pillugu malittarisassat nalinginnaasut tunngavigalugit naammagittaalliuutigineqarsinnaasut.

Kommunit suliassat peqqussutissatut siunnersuummi aalajangersagaq kingullertut taaneqartoq pillugu oqaaseqaatini imatut aamma allaaserineqarput:

"Peqqussut tunngavigalugu aalajangiinerit isumaginninnermut tunngasut siulersorneqarnerat aaqqissuussaanelu pillugit Inatsisartut peqqussutaanni malittarisassat nalinginnaasut tunngavigalugit naammagittaalliuutigineqarsinnaapput.

Tassanili ilaatinneqanngillat inissiiniartartutut ataatsimiititap aalajangiineri, taakkumi Isumaginninnermut Naalakkersuisumut taamaallaat naammagittaalliuutigineqarsinnaammata.

Assersuutigalugu isumaginninnermut ataatsimititaliap qinnuteqaammut inassuteqaammik Isumaginninnermut Pisortaqarfimmu nassiussinnnginnissamik aalajangernera innarluutillip kommunalbestyrelsimut naammagittaalliuutiginnaasussavaa³⁵.

Kommunalbestyrelsip aalajangiinera innarluutillip Isumaginninnermut Tunngasunut Naammagittaalliuuteqartarfimmu naammagittaalliuutiginnaavaa.

35) Naammagittaalliornissamut periarfissaq taanna isumaginnittoqarfiup aqunneqarnera aaqqis-suussaanelu pillugit Inatsisartut peqqussutaanni nr. 8-mi, 10. oktober 1979-i-meersumi § 7, imm. 1-imi oqaaseqatigiit siulliit nassataraat.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Isumaginninnermut Pisortaqarfiup aalajangigaa innarluutillip Isumaginninnermut Tunngasunut Naammagittaalliuuteqartarfimmuut naammagittaalliuutigisinnaavaa."

Taamaalilluni kommuni ikiorsiisoqarnissaata inassuteqaatiginissaanut tunngavissaqanngitsoq isumaqarpat pineqartoq aamma tassaavoq Namminersornerullutik Oqartussat (Namminersorlutik Oqartussat) kommunillu akornanni suliani pisinnaatitaanermik agguataarineq. Taamaalillunimi kommuni pineqartoq pisumi taamaattumi tassaammat aalajangiinissamut pisinnaatitaasoq, taamaalillunilu itigartitsineq innarluutillip Isumaginninnermi Naammagittaalliuuteqartarfimmuut naammagittaalliuutigisinnaavaa.

Qanorluunniit pisoqaraluarpat pineqartoq tassaavoq kommunit suliani innarluutilinnut tunngasuni peqataanerisa oqartussaasut sulianik suliarinninnerisut pissuseqarnerat.

Aallaaviusoq tassaavoq pisortani oqartussaasut suliani oqartussaasutut suliarisaminni ingerlatsineq pillugu inatsiseqartitsineq tunngavigalugu suliami illua'tungiusutut inissisimasanninnerat³⁶.

Innarluutillip qinnuteqaammik kommuni najugarivitani aqqutigalugu tunniussisusaanerata immuni suliami illua'tungiusutut inissisimalersinngilaa, taamalu qinnuteqaatip itigartinneqarnerani naammagittaalliuuteqarsinnaalersinnagu.

Suliani innarluutilinnut tunngasuni aallaaviup taassuma attanneqarnera innarluutillip naammagittaalliuuteqarsinnaasuutitaanerani ikorfartorneqarpoq.

Taamaattumik innarluutillit ikiorserneqarnissaannik kommunip inassuteqaatai tunngavigalugit Ilaqutariinnermut Pisortaqarfiup (Isumaginninnermut Naalakkersuisoqarfiup) aalajangiinerisa kommunimut sammitinneqartarnerat ajornartorsiutaasutut isigaara, tassami kommunit aalajangiinermik tassungalu tunngavilersuummik - aamma naammagittaalliornissamik ilitsersuineramik - innarluutilimmuut ingerlatitseqqinnissamik taamaaliornikkut isumaginnittussanngortinneqarmata.

Kommunit suliamik suliarinninnerup ilaanut suliatigut suliamullu tunngassuteqartut eqqarsaatigalugit Namminersornerullutik Oqartussat (Namminersorlutik Oqartussat) ataanniittunut akisussaaqataanerat ilimagissallugu inunnik anertuumik innarluutilinnik ikiorsiisarneq pillugu Inatsisartut peqqussutaanni

36) Hans Gammeltoft-Hansen allallu: "Forvaltningsret", aappasaanik 2002-mi naqitertitaq, qupperneq 62.

Inatsisartullu peqqussutaat taanna piareersarlugu suliani tunngavissaqanngilaq.

Taamaattumik inassuteqaatigaara Isumaginninnermut Naalackersuisoqarfiup aalajangiinini innarluutilinnut siullertut ingerlatittarallassagai³⁷, innarluuteqartullu suliamik suliarinninnermi peqataatinneqarnissaata, assersuutigalugu suliami illua'tungiusup isumaanik tusarniaasarnikkut, innarluutilimmut toqqaannartumik saaffiginninnikkut pisarnissaa Naalackersuisoqarfiup aamma isumagissagaa, innarluutillilu suliamik suliarinninnermi peqataatinneqarnerrisa, soorlu suliami illua'tungiusup isumaanik tusarniaasarnikkut, innarluutilimmut toqqaannartumik saaffiginninnikkut pisarnissaat Naalackersuisoqarfiup aamma isumagissagaa.

Suliami allatigut annertunerusumik iliuuseqaqqissanngilanga."

Allat

6.7 Ilinniagaqarnermut atatillugu ilinniagaqartup kommunitut najugarivitaata avataani najugaqarallernerani meeqqanik paaqqinniffimmiittuuteqarnermut akiliutitut tapiissuteqartarnek

A-p ilinniagaqarnerminut atatillugu Nuummiinnissamini ilinniartut ineqarfiata meeqqanik paaqqinniffiani Meeqqerivik Tikiusaamiittuuteqarnermut akiliutitut tapiissuteqarfigineqarnissaminik qinnuteqaammi K Kommunimit allakkatigut 22. april 2009-meersutigut itigartitsissutigineqarnera e-mailikkut 28. april 2009-meersukkut Ombudsmandimut naammagittaalliuutigaa.

A-p saaffiginnissummini oqaatigaa ilinniagaqarnermut atatillugu siusinnerusukkut 2007-imi Nuummiinnermini meeqqanik paaqqinniffimmiittuuteqarnerminut akiliutitut tapiiffigineqarsimalluni, taamanili K Kommuniusup suliassaqarfimmi tassani periaatsini 1. januar 2008-mi allanngortissimagaa, taamatullu tapiiffigineqarnissamik qinnuteqaatini taamanili itigartinneqartarsimasut.

37) Annertuumik innarluutillit ikiorserneqartarnerat pillugu Inatsisartut peqqussutaata allanngortinneqarnera pillugu Inatsisartut peqqussutaatigut nr. 10-kkut, 31. maj 2010-meersukkut aalajangersarneqarpoq aalajangiinissamut pisinnaatitaaneq kommuninut 1. januar 2011 aallarnerfigalugu nuunneqassasoq.

6. Suliat nalinginnaasumik soqutiginaatillit, inatsiseqartitsiffiusunut agguataakkat

A-p naammagittaalliuutaata meeqqanik inuusuttunillu ikiorsiisarneq pillugu Inatsisartut peqqussutaata meeqqerivimmiittuuteqarnermut Meeq-qerivik Tikiusaamut akiliutinut tapiissuteqarnissamut atornissaanut periarfissanik aamma K Kommunip suliaq A-mut tunngasoq eqqarsaatigalugu peqqussut taanna ilanngullugu isiginiartariaqarsimanngikkaluarneraa misissuinissamut Ombudsmandi pissutissaqalersippaa.

K Kommunip suliamut meeqqanik inuusuttunillu ikiorsiisarneq pillugu peqqussummik ilanngussisimannginnerata, ilinniartullu ineqarfiata meeqqanik paaqqinniffiani Meeqqerivik Tikiusaamiittuuteqarnermut akiliutinut tapiissutinik A-p qinnuteqaataata suliarineqarnerani taassuminnga ilitsersuisimannginnerata isornartorsiornissaannut tunngavissaqarnani Ombudsmandi isumaqarpoq (j.nr. 2009-239-0001)

K Kommuni itigartitsinerminut 22. april 2009-meersumut tunngavilersuummini allappoq kommuni isumaqartoq pisortanit ikiorsiissutit pillugit Inatsisartut peqqussutaat³⁸ tunngavigalugu ikiorserneqarnissamut piumasaqaatit A-p eqqortissimanngikkai. Kommunip aammattaaq oqaatigaa aalajangiineq tiguneqarneranit sapaatit akunneri sisamat qaangiutsinnagit A-p Isumaginninnermi Naammagittaalliuuteqartarfimmut naammagittaalliuutigisinnaagaa.

A tamakku tunngavigalugit allakkatigut 7. maj 2009-meersutigut nalunaarfigaara itigartitsineq aqutsinermi oqartussaasumit qulliunerusumit allanngortinneqarsinnaasoq pillugu naammagittaalliuut oqartussaasoq qulliunerusoq taanna suliami aalajangeereersimatinnagu Ombudsmandi pillugu inatsimmi³⁹ § 6, imm. 3 tunngavigalugu suliarisinnaanngikkiga. Taamaattumik A-p naammagittaalliuutaa K Kommunip itigartitsissutaa 22. april 2009-meersoq eqqarsaatigalugu suliarisinnaanngilara, taamaattumillu aalajangiineq taanna Isumaginninnermi Naammagittaalliuuteqartarfimmut naammagittaalliuutigeqqullugu A innersuuppara.

Taamaattorli allakkanni 7. maj 2009-meersuni aammattaaq imatut allappunga:

"(...)

Ilinnut ilisimatitsissutitut oqaatigisinnaavara naammagittaalliummut allamut tigusimasannut atatillugu ilinniagaqartut ineqarfianni meeqqanik paaqqinnittarfimmik

38) Inatsisartut peqqussutaat nr. 15, 20. november 2006-imeersoq, kingusinnerusukkut allannguuteqartinneqarsimasoq.

39) Inatsisartut Ombudsmandiat pillugu Inatsisartut inatsisaat nr. 7, 13. juni 1994-imeersoq.

Meeqqerivik Tikiusaamik Nuummiittumik pilersitsinermut aamma atuisut meeqqamut ataatsimut qaammammut 5.000 kr.-nik akiliuteqartinneqartarnissaannik aalajangiinnermut inatsisitigut tunngavisoq massakkut misissuleriga.

Aammattaaq nalunnigilara ilinniagaqartut ilinniarnermik nalaani kommunitut najugari-vitamik avataaniittut meeqqerivimmiittuuteqarnermut akiliutaannut tapersiissuteqartarnek pillugu apeqqut Inatsisartut 2008-mi oqaluuserisimagaat. Taamaalilluni aalajangiiffigisassatut siunnersuutigineqarsimavoq Naalackersuisut peqquneqassatut ilinniagaqartut meerallit atugaat allanngorteqqullugit, taamaalillutik taakku allanngortinneqarnerisigut angajoqqaat piffissami killilimmi illoqarfimmut allamukartariaqartut meeqqaminnillu meeqqanik paaqqinniffinniititsisariaqartut aningaasatigut ikiorserneqarsinnaalersillugit. Siunnersuut taanna 2008-mi ukiakkut ataatsimiinnermi akuerineqarpoq. Suliaq pillugu allagaatit suliamut tassunga tunngasut Inatsisartuneersut assilineri ilinnut ilisimatitsissutitut ilanngullugit nassiuppakka.

Inatsisartut oqaluuserinninnerannit erserpoq Ilaqutariinnermut Peqqissutsimullu Naalackersuisoqarfiup kommunit allakkatigut 8. januar 2008-meersutigut nalunaarfigisimagai pisuni taamaattuni pisortanit ikiorsiissutit pillugit Inatsisartut peqqussutaanni malittarisassat tunngaviginagit kisiannili meeqqanik inuusuttunillu ikiorsiisarnek pillugu Inatsisartut peqqussutaat tunngavigalugu tapersiissuteqarsinnaasut.

Suliami ilinnut tunngasumi Isumaginninnermi Naammagittaalliuuteqartarfimmut naammagittaalliuutigineqarsinnaagaluartumi pissutsinik uanga misissorsinnaasannik piusoqarnerisik naliliisinnaanissara siunertaralugu Ilaqutariinnermut Peqqissutsimullu Naalackersuisoqarfik qinnuigaara allakkat taakkua 8. januar 2008-meersut assilinerat uannut nassiuuteqqullugu.

Ilaqutariinnermut Peqqissutsimullu Naalackersuisoqarfiup akissutaa tigugukku suliaq ilinnut tunngasooq uterfigeqqikkumaarpara. (...)"

Isumaginninnermi Naammagittaalliuuteqartarfiup aalajangiinerata 15. januar 2009-meersup, taamani K Kommuniup aalajangiinerinik naammagittaalliummut tunngasup meeqqanik paaqqinniffimmi Meeqqerivik Tikiusaamiittuuteqarnermut akiliutinut tapiissutinik taamatuttaaq itigartitsissutaasup assilineri A-p emailikkut 7. maj 2009-meersukkut uannut nassiuppaa.

Isumaginninnermi Naammagittaalliuuteqartarfiup aalajangiinera annertunerusutigut apeqqummut K Kommunip kingusinnerusukkut aalajangiinerinik A-p uannut naammagittaalliuutaatut ittumut tunngammat saaffiginnissutaa Isumaginninnermi Naammagittaalliuuteqartarfiup aalajangiinerinik 15. januar 2009-meersumik naammagittaalliuutitut suliariniarlugu aalajangerpunga.

Taamaattumik A-mut 19. august 2009-mi imatut allappunga:

"(...)

Taamaattumik Isumaginninnermi Naammagittaalliuuteqartarfiup aalajangiinera misis-suiffigisimavara, tassani imaattumik aalajangiisoqarsimasoq:

“(…)

Pisortanut ikiorsiissutit pillugit Inatsisartut peqqussutaanni nr. 15-imi, 20. november 2006-imeersumi § 7 naapertorlugu kommunalbestyrelsi tassanngaannartumik pisariaqavissumik pissaaleqilernermi pisortanit ikiorsiissuteqarsinnaavoq qinnuteqartoq inooqatigiinnermi pisimasumik, soorlu nappaammik, erninermik, suliffissaarunnermik inooqatigiikkunnaarnermilluunniit nalaataqarsimappat, aamma imminut ilaqtutaminillu pilersuinnermut akiligassanullu aalajangersimasunut pisariaqartitaminik pissarsisinnaanngippat.

Peqqussummi tassani § 8 naapertorlugu kommunalbestyrelse pilersuinnermut akiligassanullu aalajangersimasunut kiisalu ataasiartumik aningaasartuutitut pisortanit ikiorsiissuteqarsinnaavoq, qinnuteqartup § 7-imi piumasaqaatit naammassisimappagit kiisalu suliffissaqanngikkuni suliffissaminillu naammaginartumik neqeroorfigineqarsimanngikkuni pimoorullugulu suliffissarsiortuunngikkuni.

Suliami allagaatini allassimavoq ilaqtariit tassaasusi illit paniillu. Taamatutaaq suliami allagaatini allassimavoq ilinniartuusutit taamaattumillu sulinissamut piareersimanngitsutit.

Taamaattumik [taamani kommuniup] K Kommunip aalajangiinerisa 15. juli 2008-meersup aamma 29. juli 2008-meersup allannortinnissaannut Isumaginninnermi Naammagittaalliuuteqartarfik tunngavissaqanngilaq.

Aammattaaq [taamani kommuniup] K Kommunip aalajangiinera 8. september 2008-meersoq Isumaginninnermi Naammagittaalliuuteqartarfiup atuutsissinnaavaa.

Isumaginninnermi Naammagittaalliuuteqartarfiup oqaatigissavaa pisortanit ikiorserneqarnissamut piumasaqaatit, kiisalu peqqussummi piumasaqaatit allat allaaserineqartut naammassineqarsimappata aatsaat kommuni utertitassanngorlugit pisortanit ikiorsiisinnaammat.

(...) Kommunip aalajangiinera atuutsinneqarpoq.”

Uanga paasinninnera unaavoq pisortanit ikiorsiissutit pillugit peqqussum malillugu ikiorsiissuteqartarneq pillugu inatsisit atuuttut Isumaginninnermi Naammagittalliuute-

qartarfiup aalajangiinerani eqqortumik issuarneqarsimasut. Taamaattumik aalajangiineq isornartorsiussallugu pissutissaqarsorinngilanga, tassanilu aalajangiineq isumaqatigisinnaallugu.

Aammattaaq allakkanni 7. maj 2009-meersuni allappunga Ilaqutariinnermut Peqqisutsimullu Naalackersuisoqarfiusimasoq qinnuigisimagiga Naalackersuisoqarfiup allagaata 8. januar 2008-meersup assilineranik nasseqqullunga suliama ilinnut tunngasumi misissugassanik misissuisinnaanera siunertaralugu, naak K Kommuniip aalajangiinera Isumaginninnermi Naammagittaalliuuteqartarfimmut naammagittaalliuutigisinaagaluarit.

Allakkat taaneqartut assilinerat maanna tigusimalerpara, taassuminngalu misissuinerma massakkut Isumaginninnermut Tunngasunut Naalackersuisoqarfiulersumut itisilerutaasunik apeqquteqaateqarnissannik pissutissaqalersippaanga.

Isumaginninnermut Tunngasunut Naalackersuisoqarfimmit akissummik tigusaqaruma suliaq ilinnut tunngasoq uterfigeqqikkumaarpara."

Isumaginninnermi Naalackersuisoqarfimmut ulloq taanna imatut allappunga:

"Ilaqutariinnermut Peqqisutsimullu Naalackersuisoqarfiusimasoq allakkatigut 7. maj 2009-meersutigut qinnuigaara Naalackersuisoqarfiup allagaata 8. januar 2008-meersup assilineranik nasseqqullunga.

Qinnuteqarninnut tunuliaqutaasimavoq innuttaasup ilinniagaqarnermini Nuummi najugaqarallarnissamini meeqqerivimmiittuuteqarnissamut akiliutissatigut ikiorserneqarnissaq pillugu kommunimut angerlarsimaffigisaminut qinnuteqaammut itigartinneqarsimanini pillugu innuttaasumit tassannga saaffiginnissut.

Qinnuteqarninni ilinniagaqartut meerallit meeqqerivinniittuuteqartut illoqarfimmut allanukarlutik, piffissami aalajangersimasumi, ilinniarallarnermini meeqqamik paartinnerannut akiliuteqarnermikkut oqilisaaffigineqarlutik tapiiffigineqartarnissaannik nutaamik aalajangersaaffigineqarnissaat anguniarlugu Naalackersuisut peqquneqarnissaannik Inatsisartut aalajangiiffigisassaattut siunnersuut pillugu Inatsisartut 2008-mi oqallinneranni (UPA 2008/61 aamma UKA 2008/16) allakkat pineqartut oqallinnermut ilanngunneqarnerat innersuussutigaa.

Pisortanit ikiorsisarneq pillugu Inatsisartut peqqussutaat malillugu ilinniagaqartut ikiorserneqartarnerat pillugu Ilaqutariinnermut Pisortaqaqarfiup allagaasa 8. januar 2007-meersut assilinerat 24. juni 2009-mi tiguara. Paasivara allakkat taakkuusut Inatsisartut oqallinneranni innersuussutigineqarsimasut.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Allakkat misissuiffiginissaat masaakkut periarfissaqarfigilersimavara, imarisaanillu suliamik allamik suliarinninninnut atatillugu paasissutissiissutinut tigusimasannut naleqqiussisinnaalerlunga. Tamatuma ilassutitut apeqquteqaateqarnissannik pissutis-saqalersissimavaanga, takuuk ataani allanneqartut.

Ilaqutariinnermut Pisorta qarfiup allagai 8. januar 2007-imeersut imatut oqaasertaqar-put:

“Pineqartoq: pisortanit ikiorsiisarneq pillugu inatsisartut peqqussutaat tunngavigalugu ilinniartunik ikiorsiisarneq.

Ilaqutariinnermut pisorta qarfimmiit paasineqarpoq kommunit nalornissutigigaat, ilinniartut meerallit, meeqqanik meeqquerivimmiittuuteqarnerannut aningaasatigut akiliussilluni ikiorsiisinnaaneq, piffissami sivikinnerusumi illoqarfigisaq qimallugu ilinniakkaminnik ingerlassisunut. Ilinniartut namminneq meeqquerivimmiititsineq akissaqartinneq ajorpaat.

Apriliip aallaqqaataata 2007 pisortatigut ikiorsiisarneq pillugu Inatsisartut peqqussu-taat nr. 15, 20. november 2006-imeersaq atuutilerpoq. Inatsisartut peqqussutaat nu-taaq malittarisassanik pisoqqamik nutarterineruvoq, aammalu pisortatigut ikiorser-neqartartunik sulilernissamut siuarsaataasutut piumassuseqalersitsinissamullu kaju-missaataalluni.

Nalinginnaasumi ilinniartut inatsisartut peqqussutaat nr. 15. pisortatigut ikiorsiisar-neq pillugu peqqussut tunngavigalugu ikiorserneqartartussaangikkaluarput, tassa piumasaqaataammat suliffissarsiortutut inissinneqarsimanissaq, takuuk § 8. Kisian-nili siunertaanngilaq ilinniartut taamatut inissitsillugit ikiorserneqarnissamut periar-fissaarunnissaat.

Kommunit naliliinerisa kinguneranik ilinniartut meeqquerivinnut akiliinissamut aningaasatigut ikiorserneqarnissamut periarfissaqartussaapput. Takuuk § 9 meeqqa-nut inuusuttunullu inatsisartut peqqussutaanni nr. 15, aprili 2003-meersuni. § 9-mi imm. 2-mi ikiorsiinissamut periarfissat ammatitsipput. Tassa aalajangiisuusaaq kommunit naliliisinnaanerat, meeqqap ineriartornerminut pisariaqartitai tunngavi-galugit meeqquerivimmiititsinermut akiliussinissamut, taamaalilluni meeqqap anga-joqqaat ilinniarnernani ilagiinnarsinnaallugit.”

Aalajangiiffigisassatut siunnersuutip qulaani taaneqartup aappassaaneerlugu oqallisi-gineqarnissaanut isumaliutissiissummit 6. oktober 2008-meersumit Inatsisartut Inuus-utisarsiornermut Ataatsimiititaliaata tunniusnaanit allakkat 8. januar 2007-imeersut pillugit makku erserput:

“(…)

Suliaq aaqiiviginiarneqarsimasoq kommuninullu erseqqissaatiginiarneqarsimasoq Naalakkersuisut akissuteqaataanni allassimavoq, Naalakkersuisullu UPA 08/61-imut akissuteqaammini aamma ima paasissutissiipput:

“Ilaqutariinnermut Peqqinnissamullu Naalakkersuisoqarfiup kommuuninut 8. januar 2008-mi allakkiamini erseqqissarpaa siunertarineqarsimanngitsoq ilinniagaqartumut oqaatigineqartut atugaqarnerani naammaassiissutaasinnaasup atorunnaarsinnissaa. Tassunga taarsiullugu Naalakkersuisoqarfiup kommuunit inner-suuppai naammaasiinissamik akiliutigineqartussaq naammaassiissutigineqassasoq Inatsisartut meeqqanut inuusuttunullu ikiuteqarnissamik peqqussutaa malillugu.

Taamaalilluni ilinniagaqarniarlutik qinnuteqartut ilinniarfimmiiinnermi meeqqaminik nassataqarnissaminnik piunasaqaatinik naammassinnissimasut meeqqatik ilinniarfissaminnukaqatigisinnaanngoqqippaat illoqarfigisaminnut annerusumik aningaasartuutaanerusussaannngitsumik, taamaalillunilu siunnersuutip maannakkut pisunut pingaartinnarnera peeruppoq.

Ilaqutariinnermut tunngasunut ataatsimiititaliap marsip 14-ianni allakkatigut nalunaaruteqarnermini malunnartippaa, ataatsimiititaliap qulaani taaneqartup inenera tunngavissaqarluartuunngitsoq. Naalakkersuisuni eqqartorneqassaaq maannakkut periusaasut allanngortinneqassanersut. Naalakkersuisut Ilaqutariinnermut tunngasunut ataatsimiititaliaq susoqarneranik ilisimatittassavaa.”

Pisortanit ikiorsiissutit pillugit peqqussummik allanngortitsinermi ilinniagaqartut atugarisaannik ajornerulersitsinissaq siunertarineqarsimanngitsoq Inatsisartut Inuus-sutissarsiornermut Ataatsimiititaliaata maluginiarpaa. Soorluttaaq tamanna pillugu Ilaqutariinnermut Naalakkersuisoqarfik kommuninut allakkatigut saaffiginnissimasoq suliarlu taamaalilluni aaqiivigineqarsimagunartoq allakkiami allassimasoq Inuus-sutissarsiornermut Ataatsimiititaliamit maluginiarneqartoq.

Ilinniagaqartunut pisinnaatitaaffiup taassuma ilinniagaqarneriutit pillugit malerua-gassanut ilannguteqqullugu Inuus-sutissarsiornermut Ataatsimiititaliap Naalakkersuisut qinnuigissavai, taamaalilluni pisortanit ikiorsiissutit pillugit inatsimmi allannguteqartoqarnera apeqqutaatinnagu ilinniagaqartup pisinnatitaaffii siunissami nalornissutigineqarsinnaaqunagit.

(...)”

Suliami allami taasimasanni aammattaaq ilinniagaqarnerup nalaani Nuummiikkallarnermit meeqqerivimiittuteqarnermut akiliutigut ikiorserneqarnissaq pillugu apeqquut pineqarpoq. Naammagittaalliut tunngavigalugu ilinniartut najugaqarfianni meeqqanik paaqqinninnermik aaqqissuussamik Nuummi Meeqqerivik Tikiusaamik pilersitsineq pillugu aamma meeqqamut ataatsimut qaammammut 5.000 kr.-nik akiliuteqartit-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

sinerup aalajangersarneqarsimanera pillugu inatsisitigut tunngavissaqarnerseq misissorsimavara. Suliami oqaaseqaateqaqqammerpunga, ilisimatitsissutitullu nalunaarutigisinnaavara ilinniartut najugaqarfianni meeqqanik paaqqinninnermik aqqissuussap Nuummi Meeqerivik Tikiusaap pilersinneqarneranut inatsisitigut pisariaqartumik tunngavissaqartoq isumaqartunga, kisiannili suliaq una pillugu piffissami pineqartumi atuisunut 5.000 kr.-nik akiliuteqartitsinermik aalajangersaanermut inatsisitigut tunngavissaqanngitsoq.

Tusarniaanernut akissutinit suliami tigusimasannit Ilaqutariinnermut Pisortaqarfiup allagai 8. januar 2007-imeersut pillugit imaattunik paasissutissiissuteqarfigineqarpunga:

"Inuussutissarsiornermut, Suliffissaqartitsiniarnermut Inuussutissarsiornermullu Ilinniartitsinermut Naalackersuisoqarfik 7. april 2008-mi imatut allappoq:

“(…)

Kiisalu akiliutitigut nammagassaq eqqarsaatigalugu oqaatigineqartariaqarpoq ilinniagaqartumit taanna akilernerqartussaajuaannanngimmat, ilinniagaqartulli kommunitut najugarivitaanit akilernerqartarluni, tak. taamani Ilaqutariinnermut Pisortaqarfiusimasup allagai 8. januar 2007-imeersut ilanngullugit nassiunneqartut, tassanilu kommunit ilisimatinneqarput ilinniagaqartut meeqqanik paarsinermik aqqissuussinermik atuinerannut atatillugu aningaasartuutit meeqqanik inuusuttunillu ikiorsiisarneq pillugu Inatsisartut peqqussutaat tunngavigalugu matussuserneqarsinnaasut, kommuni naliliippat meeqqanik paarsinermik aqqissuussineq atornerqarpat tamanna meeqqamut pitsaannerusussaq eqqarsaatigalugu pisariaqartoq, taamaaliornikkut meeqqap angajoqqaani illoqarfimmi ilinniagaqarfimmeeqatigisinnaaqqullugit.

(…)”

Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfik 19. juni 2009-mi imatut allappoq:

“(…)”

Naalackersuisoqarfiup aamma oqaatigissallugu eqqortuusorineruaa Naalackersuisoqarfiup paasissutissaatai qitiusumik ilinniariartortunut meeralinnut avataaneersunut meeqqanik paaqqinniffimmik atuineranut atatillugu akiliinertaanut tunngatilugulu ajornartorsiutitaqanngitsoorsimanngimmata, tassami kommuni ilinniartup kommunerisaa tassaammat aningaasartuuteqartussaq. Taamaattorli taamani kommuniusoq massakkullu K Kommuni Naalackersuisoqarfiup misilittagaqarfianut ilaangillat, taakku meeqqanik inuusuttunillu ikiorsiisarneq pillugu inatsimmik atuuttumik kommunimi ilinniartunut meeralinnut kommunip avataani ilinniariar-

tortussanut tapiisarnermut tunngavittut atuinissamik Ilaqutariinnermut Naalackersuisoqarfimmit nalunaarfigineqaraluarlutik kommunitut allatulli Ilaqutariinnermut Naalackersuisoqarfiup inassuteqaataanik malinnissimannimmata. Taamaattumik taamani kommuniusup maannalu K Kommunip suleriaasia kommunimi ilinniartunut meeralinnut ilinniarnerminnut atatillugu kommunip avataani qitiusumik ilinniariartortariaqartunut ajornartorsiutaangaatsialersimavoq, ajornartorsiullu tamanana nunatsinni kommunini allani misigineqarsimannilaq. Taamani kommuniusup maannalu K Kommunip aalajangiinera kommunimi ilinniartunut meeralinnut ilinniariartornerminni kommunip avataaniinnerminni meeqqanik paarsisoqarnissamut atatillugu ikiorsertarialinnut tapiissuteqarnissamut kommunip inatsisitigut tunngavissaqannginnerarneqarneranut atavoq.

(...)"

Taamaalilluni Nuummi ilinniagaqarnermi najugaqarallernerup nalaani meeqquerivimmiittuuteqarnermut akiliutitigut ikiorsiutit, pisortanit ikiorsiisarneq pillugu peqqussut malillugu siusinnerusukkut pisoq assigalugu meeqqanik inuusuttunillu ikiorsiisarneq pillugu peqqussut malillugu annertoqaataanik tunniussisarnissaq naatsorsuutigineqartut isigineqarpoq.

Taamaattumik Isumaginninnermut Tunngasunut Naalackersuisoqarfik qinnuigaara meeqqanik inuusuttunillu ikiorsiisarneq pillugu peqqussutip, pisortanit ikiorsiisarneq pillugu peqqussutip siornatigut periarfissiisimanagera assigalugu, kommuninut periarfissaqartitsineranik Naalackersuisoqarfiup paasinninneruneraa paasissutissiissutigeqqullugu. Tassa ilinniagaqartut illoqarfimmi ilinniagaqarfimmiikkallarnerminni meeqquerivimmiittuuteqarnermut akiliutitigut ikiorserneqarnissamik siornatigut periutsit malillugit akuersissuteqarfigineqarsimasut, pissutsinik imatut atugaqalersimanersut, tassalu meeqqatik immikkut pisariaqartitsinerminni ikiorsiissuteqarnissamut aqqissuussamik atuutsilersitsisoqartariaqartoq.

Tamatununga atatillugu kissaatigaara paasissutissiissutigineqassasoq Ilaqutariinnermut Pisortaqaqarfiup allagaata 8. januar 2007-imeersup suliarineqarnissaa sioqqullugu illoqarfimmit ilinniagaqarfimmiikkallarnermi meeqquerivimmiittuuteqarnermut akiliutitigut ikiorsiissutinik tunniussisarneq pillugu kommunit siornatigut iliuuserisarsimasaa-nik erseqqinnerusumik misissuisoqarsimangersoq."

Saaffiginnissutigat Isumaginninnermut Naalackersuisoqarfiup allakkatigut 4. november 2009-meersutigut imatut akivaa:

"Ilinniagaqartup kommunip najugarivigitaata avataani ilinniagaqarnermut atatillugu najugaqarfigisaani meeqquerivimmiititsinermut akiliisarnermi tapiiffiqineqarnissaq pillugu saaffiginnissut

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Inatsisartut Ombudsmandiata Isumaginninnermut Naalackersuisoqarfik paasisutissii-nissaanik 19. august 2009-mi allakkatigut qinnuigaa, meeqqanik inuusuttunillu ikior-siisarneq pillugu Inatsisartut peqqussutaatigut pineqartumut tunngatillugu, kommunit tapiissuteqarnissamut periarfissaqarnerat, siusinnerusukkut pisortanit ikiorsiisarneq pillugu peqqussutip periarfissisarneratut innersoq Naalackersuisoqarfiup paasineraa.

Isumaginninnermut Naalackersuisoqarfiup ilisimatitsissutigisinnaavaa siusinnerusuk-kut pisortanit ikiorsiissutit pillugit peqqussummi tapiissuteqarnissamut periarfissaq kommunip naliliineranik taamaallaat aallaaveqartarmat. Kommuninit tapiissuteqarnis-samut tunngavilersuutigineqartunut tunngatillugu sunik piumasaqaateqartarnerat Naa-lackersuisoqarfiup ilisimasaqarfigingilaa.

Meeqqanik inuusuttunillu ikiorsiisarneq pillugu peqqussut malillugu kommunit ikior-siissutinik tunniussisinnaanermut periarfissaannut aallaavioq tassaavoq, angajoq-qaat ilinniagaqarnerminni najugaqarallarnerni meeqqap malinnaanissaanut atatil-lugu meeqqamut pitsaanerusussaq pisariaqartinneqartoq eqqarsaatigissallugu.

Taamaalilluni Naalackersuisoqarfiup nalilerpaa ilinniagaqartut meeqperivinniititsisar-nerannut tapiissuteqartarneq meeqqanik inuusuttunillu ikiorsiisarneq pillugu inatsisar-tut peqqussutaat malillugu ilimagisamit annikinnerusoq.

(...)"

Tamatuma kingornatigut imaattunik oqaaseqaateqarpunga:

“1. Uanga misissuina

Allaffiqatigiittarnermi allagaasimasunik qulaani issuaanernit ersertutut ilin-niagaqarnermut atatillugu Nuummiikkallarnermi meeqqanik paaqqinniffim-miittuuteqarnermut akiliutinut tapiissuteqartarneq pillugu apeqqut Inatsisartut 2008-mi ataatsimiinnerini oqaluuserinninnissamut pissutissaqalersitsisima-voq. Oqaluuserinninnermut tassunga tunuliaqutaasoq tassaavoq pisortanit ikiorsiissutit pillugit peqqussummi⁴⁰ siusinnerusukkut atuuttumi kommunit taa-matut tapiissuteqarnissaminnut periarfissaasa suliassaqarfimmi tassani peq-qussutip massakkut atuuttup akuerineqarneranut atatillugu peerneqarsimane-rat.

Taamaalilluni pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq 1. april 2007-imi atortuulerpoq. Pilersuinnermut, aalajangersimasumik aningaasartuutinut aningaasartuutinullu ataasiakkaanut pisortanit ikiorsiissutisisinnaassagaanni suliffissamut innersuunneqarsinnaa-nermut piareersimasuunissaq Inatsisartut peqqussutaanni tassani piumasa-

40) Pisortanit ikiorsiissutit pillugit Inatsisartut peqqussutaat nr. 10, 1. november 1982-i-meersoq, kingusinnerusukkut allannguuteqartinneqartarsimasoq.

qaataavoq, tak. peqqussummi tassani § 8, taamaattumillu ilinniagaqartut peqqussut tunngavigalugu ikiorserneqarsinnaanatik.

Taamaattumik allaffigeqatigiittarnermi allagaasimasunik qulaani issuaanernit ersertutut uanga paasinninnera unaavoq A ilinniagaqarnerminut atatillugu 2009-mi ukiakkut Nuummiikkallarnerani meeqqanik paaqqinniffimmi Meeqquerivik Tikiusaamiittuuteqarneranut akiliutinut tapiissuteqarfiginissaanut pisortanit ikiorsiissutit pillugit peqqussutip nutaap taassuma K Kommuni periarfissaqartinnigikkaa.

Taamaattumik tulliuttuni uanga misissuina pisortanit ikiorsiissutit pillugit peqqussutip atuuttup atuuffia pillugu apeqqummut tunngasuunngilaq.

Taamanili Ilaqutariinnermut Pisortaqarfiusup kommunimut allakkani 8. januar 2007-imeersuni qulaani issuarneqartuni oqaatigaa pisumi pineqartumi ilinniagaqartunut tapiissuteqarnissamut periarfissap peerneqarnissaa siunertaasimanngitsoq. Ilaqutariinnermut Pisortaqarfiup allakkani taakkunani meeqqanik inuusuttunillu ikiorsiisarneq pillugu peqqussummi⁴¹ § 9 tunngavigalugu ikiorsiinissamut periarfissaq kommunimut aammattaaq malugeqquaa.

Meeqqanik inuusuttunillu ikiorsiisarneq pillugu peqqussut meeqqanik paaqqinniffimmi Meeqquerivik Tikiusaamiittuuteqarnermut akiliutinut tapiissuteqarnissamut periarfissiinissamut tunngavissaliinersoq aamma peqqussut taanna K Kommunip suliami A-mut tunngasumi ilanngullugu isiginiartariaqarsimagaluarneraa misissuinissamut pissutissaqalersippaanga.

Tamatununga atatillugu oqaatigaara K Kommuni innuttaasunut ikioqqullutik kommunimut saaffiginnittunut innuttaasup taamatut ikiorserneqarnissaminut sunik periarfissaqarneranik ilitsersuinissaminut pisussaaffeqartoq, tak. suliasat suliarineqartarnerat pillugu inatsimmi⁴² § 7, imm. 1. A meeqqanik paaqqinniffimmi Meeqquerivik Tikiusaamiittuuteqarnermut akiliutinut meeqqanik inuusuttunillu ikiorsiisarneq pillugu peqqussut tunngavigalugu ikiorserneqarsinnaappat K Kommunip tamatuminnga ilitsersorsimasussaagalarpaa.

Matuma malugeqqunissaanut pissutissaqarlunga aammattaaq isumaqarpunga, tassalu meeqqanik paaqqinniffimmi Meeqquerivik Tikiusaamiittuuteqarnermut akiliutinut tapiissuteqarnermut meeqqanik inuusuttunillu ikiorsiisarneq pillugu peqqussutip tunngavittut atorneqarnera pillugu apeqqu K Kommunip saqqummiussimagaa. Taamaalilluni kommuni naammagittaalliut pillugu suliamut allaffigeqatigiittarnermi qulaani issuarneqartuni oqaatigisattut allamut atatillugu uannut saaffiginnippoq, tassanilu ilinniartut ineqarfianni meeqqanik

41) Meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15. april 2003-meersoq, kingusinnerusukkat allannguuteqartinneqarsimasoq.

42) Pisortat ingerlatsineranni suliasat suliarineqartarnerat pillugu Inatsisartut inatsisaat nr. 8, 13. juni 1994-imeersoq, kingusinnerusukkat allannguuteqartinneqarsimasoq.

6. Suliat nalinginnaasumik soqutiginaatillit, inatsiseqartitsiffiusunut agguataakkat

paarsisarnermik aaqqissuussinermi Meeqquerivik Tikiusaamik pilersitsineq aamma meeqqamut ataatsimut qaammammut 5.000 kr.-nik akiliuteqartarnissamik aalajangersaaneq inatsisinik unioqqutitsisuunnginnersut misissorpakka. Tamatumunnga atatillugu paasissutissiissutigaaara inatsisikkut tunngavigisaq pillugu apeqquut inaarlugu suliarereerukku apeqquut taanna uterfigeqqinniari-ga.

2. Meeqquerivimmi Tikiusaamiittuuteqarnermut akiliutinut tapiissutit

Meeqqanik inuusuttunillu ikiorsiisarneq pillugu peqqussut §§-t 1-ip 2-llu oqaasertai malillugit imaattumik siunertaqarpoq:

"§ 1. Peqqussummi matumani siunertarineqarpoq meeqqap qitiutinnissaa, aamma peqqussut naapertorlugu suliniutini tamani meeqqap pisariaqartitai aallaavigineqassasut.

Imm. 2. Inuit 18-iliinissamik tungaanut meeqqanik taagorneqarput, tamatumani al-latut taaneqarsimangikkunik.

§ 2. Kommunalbestyrelsi pisussaavoq meeqqat ineriartornerannik, ingerlalluarne-rannik nammineersinnaanerannillu siuarsaasumik alliarorneranni atugassaqaar-titsinissamik.

Imm. 2. (...)

Imm. 3. Meeqqat timimikkut eqqarsartaatsimikkulluunniit piginnaanikillisimasut imaluunniit immikkut tapersorneqarnissamik pisariaqartitsisut siusissukkuut aam-malu siunertaqartumik iliuuseqarfineqassapput."

Aalajangersakkat taakku pillugit oqaaseqaatinit makku erserput:

"1-imut

Peqqussut aallarnerneqarpoq siunertassaq aalajangersarlugu, ilanngullugu meeraq qitiutinneqassasoq.

Peqqussummi atuuttumi tunngaviusutut atuutsinneqarsimavoq meeqqap ilaqutariil-lu ataatsimut isigalugit qanoq ikiorserneqarnissaannut angajoqqaat meqqaminnut pisinnaatitaaffii aalajangiisuutillugit. Ilaqutariit tamarmiusut pisariaqartitaat suli aallaavigineqassapput ikiorserneqarnissaminnik neqeroorfigineqarlutik, kisiannili tamatuma meeqqap ataasiakkaatut pisariaqartitai, amerlanertigut angajoqqaat su-miginnaanerannik tunngaviliisuusartoq ersigunnaarsissanngilaa. Meeqqap inuusut-

tulluunniit toqqissimasumik peroriartornissaminik pisariaqartitai tunngavittut aallaaviupput.

§ 2-mut

Siunertaq naapertorlugu meeqqanut inuusuttunullu tamanut peroriartornermi sapinngisamik pitsaernerpaamik atugassaqalersitsisoqassaaq. Meeqqanut inuusuttunullu immikkut pisariaqartitsinngitsunut ulluunnerani neqerooruteqarnissamik, a-tuartitaanissamik il.il. kommunit pisussaaffeqarput.

Neqeroorutinut taakkununga tapertaliunneqarput meeqqanut inuusuttunullu immikkut pisariaqartitsisunut peqqussummi matumani aalajangersakkat. Kommuninut suliniutissatut peqqussummi periarfissaliunneqartut iluanni suliniutit meeqqamut inuusuttumulluunniit ataasiakkaamut pisuni ataasiakkaani naleqqunnerpaaq qinerneqassaaq. Taamaattumik meeqqamut inuusuttumulluunniit pissutsinik misissuinerup aallartinnerani pisariaqartitap paasineqartup aaqqiivigineqarnissaanut naleqquttuusorineqartoq ikiorsiinissamik periarfissatut piaarnerpaamik aallartittariaqarpoq.

(...)"

Taamaalillutik peqqussummi aalajangersakkat meeqqanut immikkut ittunik pisariaqartitsisunut atorneqartussaavoq, kommunillu pisussaaffii tamatuma nassatarisaanut ilassutitut oqaatigineqarlutik. Peqqussut tunngavigalugu ikiorsiisoqassanersoq naliliinermi aammattaaq meeqqap pisariaqartitai tassaapput qitiutinneqartut, imaanngitsoq angajoqqaat pisariaqartitaat.

Meeqqanik inuusuttunillu ikiorsiisarneq pillugu Inatsisartut peqqussutaanni § 9, Ilaqutariinnermut Pisortaqarfiup allakkamini 8. januar 2007-imeersumi innersuussutigisaa, imaattunik oqaasertaqarpoq:

"Suliniutit

§ 9. Angajoqqaatut oqartussaassuseqartoq aamma meeraq 15-ileereersimasoq akuersiseqqaarlugit ikiorsiissutissaq meeqqap immikkut pisariaqartitsineranut naleqqunnerpaaq kommunalbestyrelsip toqqassavaa.

Imm. 2. Kommunalbestyrelsi assersuutigalugu aalajangersinnaavoq

1) meeqqamut pissutsinut tunngatillugu isumaginninnermi sullissinikkut ikiorsiinissamik,

6. Suliat nalinginnaasumik soqutiginaatillit, inatsiseqartitsiffiusunut agguataakkat

2) meeraq ulluunerani neqeroorutini, inuusuttut klubbianni, ilinniartitaanermut assigisaanniluunniit peqataassasoq,

3) illup iluani, perorsaanermik imaluunniit allatut angerlarsimaffimmi tapersersuinnikkut ikiorsiinissamik,

4) ilaqutariinnik katsorsaanissamik assigisaanilluunniit tapersersuinissamik,

5) meeqqamut, angajoqqaatut oqartussaassuseqartumut aamma ilaqutariinni ilaasunut allanut ulloq unnuarlu paaqqinniffimmi, angajoqqaarsiani assigisaanniluunniit ulloq unnuarlu inissiinissamik neqerooruteqarnissamik,

6) ulloq unnuarlu paaqqinnittarfimmi, angajoqqaarsiani assigisaanniluunniit oqili-saassinertut inissiinissamik neqerooruteqarnissamik,

7) meeqqap angerlarsimaffiup avataanut inissinneqarneranut atatillugu angajoqqaatut oqartussaassuseqartup tapersersorteqarnissaanik neqerooruteqarnissamik,

8) inuttut siunnersuisorisamik neqerooruteqarnissamik, tak. § 16,

9) ineqarfutugalugu atuarfimiinnermut efterskolemiinnermulluunniit aningaasatigut ikiorsiinissamik, tamatumunnga angajoqqaatut oqartussaassuseqartoq nammineerluni akissaqanngippat,

10) meeqqap angerlarsimaffiup avataanut inissinneqarnissaanik, assersuutigalugu ulloq unnuarlu paaqqinniffimmut imaluunniit angajoqqaarsianut, meeqqap immikkut pisariaqartitsineranut naammassinnissinnaasutut isigineqartumut imaluunniit,

11) suliniuteqareermermi malinnaanissamik.

Imm. 3. Kommunalbestyrelsi aalajangersinnaavoq suliniutit imm. 2-mi taakkartorneqartut malitsigisaannik aningaasartuutinut ikiorsiinissamik, taakkununnga angajoqqaatut oqartussaassuseqartoq nammineerluni akissaqarsimanngippat."

Aalajangersagaq taanna peqqussummi misissuineq pillugu aalajangersakkanut imaattunik oqaasertaqartunut ataneqartillugu isiginiarneqassaaq:

"Misissuineq

§ 6. Kommunalbestyrelsi meeqqamik immikkut tapersersortarialimmik paasisaqaruni, ilanngullugu timikkut eqqarsartaatsikkullu pisinnaasakillisimaneq pissutigalugu, pissutsit misissorneqarnissaat kommunalbestyrelsip isumagissavaa.

Imm. 2. Angajoqqaatut oqartussaassuseqartoq aammalu meeraq 15-ileereersimasoq akuersiseqqaarlugit misissuisoqassaaq.

Imm. 3. Meeqqap peqqissusaata ineriartornerataluunniit annertuumik ajoquserneqarnissaa navianartorsiornersoq paasiniallugu misissuinissaq pisariaqarpat angajoqqaatut oqartussaassuseqartoq meeralu 15-ileereersimasoq akuersiteqqaanngikkaluarlugit kommunalbestyrelsip misissuinissaq aalajangiussinnaavaa.

Imm. 4. Misissuineq ingerlanneqassaaq najukkami suliamik ilinniagaqarsimasut isumaginnittoqarfimmeersut, peqqinnissaqarfimmeersut atuarfeqarfimmeersullu sulleqatigalugit. Pisariaqarpat misissuisoqassaaq paaqqinniffimmiititsinermi imaluunniit napparsimavimmuut unitsitsinikkut, ilanngullugu tarnikkut nappaatilinnuut immikkoortortaq.

§ 7. Misissuinermi paasisat isummertoqarnissaanut atorineqassapput, suliniutinik aallartitsinissaq tunngavissaqarnersoq taamaappallu suliniutit suut inassutigineqassanersut.

Imm. 2. Inassuteqarnermi ersersinneqassaaq angajoqqaatut oqartussaassuseqartoq aammalu meeraq suliniutissamut qanoq isumaqarnersut. Taamatuttaaq ersersinneqassaaq ilaqutariinni taakkualu avatangiisaanni inuttut nukissat suut pigineqarner-sut.

§ 8. Meeraq qilileereersoq pillugu suliami aalajangiisoqannginnerani ajornanngippat sapinngisamik meeraq oqaloqatigineqassaaq. Meeqqap isumai ilanngunneqassapput ukiuinullu inerisimassusianullu naleqqiullugu naleqquttumik pingaartinneqassallutik.

Imm. 2. Meeqqanut qililiisimanningsunut meeqqap inerisimassusiata suliallu suususaata taamaattariaqartippagu meeqqap suliniutissamut qanoq isumaqarnera pillugu paasisutissat sapinngisamik pigineqassapput.

(...)"

Meeqqanik inuusuttunillu ikiorsiisarneq pillugu Inatsisartut peqqussutaanni § 9 taamaalilluni meeqqanut immikkut ittunik pisariaqartitsisunut tunngasuuvooq, tassalu ikiorsiiniutit taamaattut nassatarisaannut aningaasartuutit tassaapput kommunip aalajangersakkami imm. 3 tunngavigalugu aningaasatigut ikiorsiisuteqarfiginnaasai. Ikiorsiiniutinik aallartitsisoqarnissaanik aalajangiineq

6. Suliat nalinginnaasumik soqutiginaatillit, inatsiseqartitsiffiusunut agguataakkat

§§-it 6-8 naapertorlugit meeqqap atugaanik misissuineq tunngavigalugu piskasooq peqqussummi tassani aalajangersarneqarpoq.

Tamatumunnga sanilliussissutitut oqaatigineqarsinnaavoq pisortanit ikiorsiisutit pillugit Inatsisartut peqqussutaanni nr. 10-mi, 1. november 1982-imeersumi § 16, imm. 1-imit makku ersertut:

"§ 16. Kapitalit tallimaanni arfernannilu ikiorsiinissamut piumasarineqartut tunngavigalugit immikkut imaluunniit inuuniarnermut ikiorsiissutitut ilassutitut ataa-siaannakkanik ikiorsiisoqarsinnaavoq: Taakku aningaasartuutit akuersaarneqarsinnaasumik uppersaaserneqarsimasussat tamakkiisumik ilaannakortumilluunniit akilernerneqarnissaannut ikiorsiissutaasussaapput: Taamatut ikiorsiisoqartassaaq aningaasartuutissat taakku inuup pineqartup piffissami pineqartumi aningaasatigut ingerlaneranut annertuumik nanertuutaasussaalersimappata imaluunniit taamatut ikiorsiinikkut inuk pineqartoq siunissami imminut napatinniarnissaminut periarfissaqarluarnerulersinneqarsinnaappat."

Kapitali 5-imi § 12, imm. 1-imit makku erserput:

"§ 12. Inuk imminut inuutinniarnissaminut ilaquttamiluunniit inuutinniarnissaannut pisortanit ikiorserneqartussaataavoq, inuussutissat imaluunniit napparsimasoqarnerani ernisoqarneraniluunniit peqqissarnissamut paaqqutarineqarnissamullu pisariaqaritaasa pissarsiarineqarnissaat siunertaralugu:

1) Aningaasarsiannaajusut qaangiutilertortussaannngitsumik isertinneqartarunnaarsimagaangata imaluunniit ikileriarujussuarsimagaangata,

2) imaluunniit aningaasatigut pissaaleqilernissamut naleqquttunngorsarnissamulluunniit ajornartorsiutit ilungersornartut pilersinnaanerannut aarlerinaatit ikorsiisuteqarnikkut peersinneqarsinnaappata millisinneqarsinaallutilluunniit."

Taamaalilluni peqqussut taanna tunngavigalugu tapiissuteqartoqarsinnaanersoq aalajangiinermi pisortanit ikiorsiissutisisup nammineernissaminut periarfissaasa qulakkeerneqarnissaannik isiginninneq tunngavigalugu missiliuus-sinikkut naliliisoqassaaq.

Taamaattumik ilinniagaqartut meeqqanik paaqqinniffimmi Meeqquerivik Tikiusaamiittuuteqarnermut akiliutitut tapiiffigineqarnissamik kissaateqartut eqqarsaatigalugit aallaavigineqartussat tassaapput ilinniagaqartup pisariaqartitai.

Pisortanit ikiorsiisutit pillugit peqqussummi siusinnerusukkut atuuttumi aamma meeqqanik inuusuttunillu ikiorsiisarneq pillugu peqqussummi aalajangersakkat issuarneqartut tunngavigalugit aningaasatigut ikiorsiinermi siunertat

taamaalillutik assigiinningsuupput, taamaattumillu peqqussutit taakkua atuuffii aamma assigiinningsuullutik.

Peqqussutit pineqartut taakkua atuuffiisa assigiinningsutaat pissutigalugu meeqqanik paaqqinniffimmi Meeqquerivik Tikiusaamiittuuteqarnermut akiliutinut kommuni imaaliallaannaq tapiissuteqarsinnaanngilaq, pisortanit ikiorsiisutit pillugit peqqussut siusinnerusukkut atuuttoq tunngavigalugu taamaaliorinnaasimaneq pissutiginnarlugu.

Immikkut pisariaqartitanik oqarneq meeqqanik inuusuttunillu ikiorsiisarneq pillugu peqqussummi taannaluunnit piareersarlugu erseqqinnerusumik nasuiarneqarsimanngilaq. Qulaanilu oqaatigineqartutut takuneqarsinnaavoq pisussaaffiit peqqussutip kommunimut pisussaaffiuliussai tassaasut kommunit meeqqanut tamanut ataatsimut pisussaaffiitut ilassutaasut.

Tassa imaappoq immikkut pisariaqartitat meeqqat nalinginnaasumik pisariaqartitaasa naammassineqarnissaannut paarlattumik inissisimasut.

Pisussaaffittut kommunit meeqqanut immikkut pisariaqartitsinngitsunut pisussaaffiusut peqqussummi § 2 pillugu oqaaseqaatini assersuutitut taaneqarput ulluunerani neqeroorutit, atuarfik il.il. pillugit pisussaaffiit.

Taamaalilluni meeqqat paarineqarnissaannik pisariaqartitsineq nalinginnaasumik pisariaqartitatut isigineqartariaqarpoq. Taamaattumik angajoqqaat meeqqamik paarineqarnissaannaat pisariaqartippassuk isumaqarpunga meeqqap paarineqarnissaannik pisariaqartitsineq meeqqanit inuusuttunillu ikiorsiisarneq pillugu peqqussummi § 9 tunngavigalugu ikiorsiiniutitut isigineqarsinnaanngitsoq. Meeqqap ulluunerani neqeroorummi, inuusuttut klubbianni, ilinniartitsinermi assigisaaniluunniit peqataanissaannik aalajangiineq peqqussummi § 9, imm. 2 tunngavigalugu ikiorsiniutitut isigineqassappat taamaalilluni piumasaqaatigineqarpoq taakkunani peqataaneq paarineqarnissamik pisariaqartitsinerinnaananani meeqqap ajornartorsiutaanik allanik aaqiisuussasoq.

Ilinniagaqartup ilinniarnerninut atatillugu Nuummiikkallartussap meeqqami illoqarfimmi angerlarsimaffigisami avataani paarineqarnissaannik kissaateqarnerata paarsisitsinissamik pisariaqartitsineq taassuma immikkut pisariaqartitsinertut aallagangortillugu isigineqarsinnaalersinngilaa. Taamaalilluni Meeqquerivimmi Tikiusaami inissap angajoqqaat paarsisitsinissamik pisariaqartitsinerat aaqiivigissavaa, tasaananilu meeqqap ajornartorsiutaanik allanik aaqiiniarnermi iliuuseq.

Taamaattorli isumaliutersuutigaara paarsisitsinissamik pisariaqartitsineq pisuni ilinniagaqartup meeqqamik angajoqqaap aappaa peqatigalugu meeqqalluunniit aanakkuini/aatakuini paarsisitsisinnaanngiffiani allannugssaner-

6. Suliat nalinginnaasumik soqutiginaatillit, inatsiseqartitsiffiusunut agguataakkat

soq. Tassa imaappoq ilinniagaqartup meeqqaminik allamik periarfissaqannginneq pissutigalugu Nuummumt nassartariaqarfiani.

Tamatumunnga atatillugu paasissutissiissutigisinnaavara suliamik allamik qulaani taaneqartumik Meeqquerivimmi Tikiusaamiittuuteqarnermut akiliutinut tapiissuteqarnermut tunngasumi naammagittaalliortup pineqartup taamani K Kommuniusumut qinnuteqaatitut nassiussimasaata assilineranik tigusaqarsimasunga. Qinnuteqaat immersugassaq naqeriigaq atorlugu immersorneqarsimavoq, imaattunillu oqaasertaqarluni:

"QINNUTEQARNERMI IMMERSUGASSAQ

Branchertermi meeqqamik/meeqqanik nassataqarnermi paaqqinniffimmi inissap akilerneqarnerani aningaasatigut ikiorneqarnissaq.

Siusinnerusukkut oqaatigineqarpoq meeqqat branchertermi nassarneqarsinnaangitsut. Aatsaat pisuni immikkorluinnaq ittuni paaqqinniffimmi inissamik pissar-sisoqarsinnaavoq kiisalu tamatumunnga aningaasartuutaanerusut matussutissaanik aningaasatigut ikiorsiisoqarsinnaalluni.

...-MI ATUARTOQ

INUTTUT NORMU:

Ateq:

-mit -p tungaanut brancherterneq:

Atuartitsissut:

Branche:

MEEQQANIK UKUNINNGA NASSATAQARTOQ

CPR.NR.: Ateq: Massakkut paaqqinniffik: Nassarneqarpoq/Nassarneqanngilaq

KRYDSILIIGIT

M= NASSARNISSAA KISSAATIGAARA

U= NASSARNISSAA KISSAATIGINNGILARA

MEEQQAP/MEEQQAT NASSARNISSAANNUT TUNNGAVILERSUUT

Qinnuteqaat isumaginninnermik ingerlatsivimmut nassiunneqassaaq" (Atorfegarfimmi nutsigaavoq)

Taamaalilluni oqaatigineqarpoq Meeqquerivimmi Tikiusaami taamaallaat pi-suni immikkut illuinnartuni pisortanit ikiorsiissutit pillugit peqqussut siusinnerusukkut atuuttoq tunngavigalugu inissaqartitsisoqarsinnaasarsimallunilu tapiissuteqartoqarsinnaasarsimasoq.

Pisut immikkorluinnaq ittut atuunnissaannik piunasaqaat ilinniagaqartup al-lamik periarfissaqannginnini pissutigalugu meeqqaminik Nuummut nassarta-riaqarneranik pisoqarfiusoq eqqortinneqarsimappat pissutsit taamaannerisa meeqqap meeqqanik inuusuttunillu ikiorsiisarneq pillugu peqqussut tunngavi-galugu immikkut pisariaqartitsisutut taamatuttaaq nassataqarnera itigartitsis-utigineqartariaqarpoq. Pisumi aamma taamaattumi paarsisitsinissamik pisa-riaqartitsineq Nuummi eqqortinneqarnissaa ilinniagaqartup pisariaqartitaa nalinginnaasumik pineqarpoq.

Aammattaaq ilinniagaqartup paarsisitsinissamik pisariaqartitsinerata eqqor-tinneqarnissaa tassaaginnarpoq ilinniagaqartup aningaasaqarnikkut inissisi-maneranut tunngasoq.

Ilinniagaqartup meeqqamik Nuummut nassarnissaanut paaritinnissaanullu akissaqannginnerata ilinniagaqartup meeqqamik taassuminnga paarsisitsinis-samik immikkut pisariaqartitsineq matumani kisiat nassatarippagu tamatuma-ni meeqqanik inuusuttunillu ikiorsiisarneq pillugu peqqussutip qanoq paasine-qarnissaanik nassuiaanermik annertusisitsineq pineqassaaq, piunasaqaatillu/tunngaviillu peqqussummut attuumassuteqanngitsut ilanngunneqarnerat nas-satarissallugu.

Qanoq paasinninnissamik nassuiaaneq taanna pineqalersimavoq pisortanit ikiorsiissutit pillugit peqqussutit ilinniagaqartut peqqussut taanna tunngavi-galugu ikiorserneqarsinnaajunnaarnerannik nassataqartumik allanngortinne-qarnerata kingunerisaanik.

Tamatumunnga atatillugu oqaatigaara meeqqanik inuusuttunillu ikiorsiisar-neq pillugu peqqussut pisortanit ikiorsiissutit pillugit peqqussutit nutaap akue-rineqarnerata kingunerisaanik allanngortinneqarsimanngitsoq. Meeqqanik inuusuttunillu ikiorsiisarneq pillugu peqqussut peqqussutit akuerineqarnera-niilli allannguuteqartinneqarsimanngilaq.

Qulaani taaneqartut tunngavigalugit isumaqarpunga ilinniagaqartup Nuum-miikkallartariaqarnerata immiini ilinniagaqartup meeraata ingerlalluartup im-mikkut pisariaqartitsisutut isigineqarsinnaanera nassatarinngikkaa.

Taamaattumik kommunip meeraq meeqqalluunniit qinnuteqartup Nuummiin-nermini nassarusutai ikiorsiiniutinik aallartitsinissamik pisariaqalersitsisunik

immikkut ittunik pisariaqartitsinersut pisut ataasiakkaarlugit missingiussinik-kut naliliisariaqarpoq. Naliliineq taanna oqaatigineqartutut pissutsinik meeqqap atugaanik misissuineq tunngavigalugu pissaaq, tak. meeqqanik inuusuttunillu ikiorsiisarneq pillugu peqqussummi §§-t 6-8.

Taamaattumik innuttaasoq meeqqanik paaqqinniffimmi Meeqperivik Tikiusaamiittuuteqarneq pillugu saaffiginnippat kommunip meeqqanik inuusuttunillu ikiorsiisarneq pillugu peqqussummik ilanngussinissaa peqqussullu taanna pillugu ilitsersuinissaa tulluartaunersoq apeqqaappat suliami pineqartumi pissutsit aalajangiisuussapput.

Paasisutissat ilinniagaqartup meeqqanik paaqqinniffimmi Meeqperivik Tikiusaamiittuuteqarnermut akiliutinut tapiiffigineqarnissamik qinnuteqartup meeraa ikiorsiiniutinik aallartitsinissamik pisariaqalersitsisunik immikkut pisariaqartitsineranik ilimanarsisitsisut pigineqanngippata isumaqarpunga kommuni meeqqanik inuusuttunillu ikiorsiisarneq pillugu peqqussut tunngavigalugu qinnuteqaammik nammineq suliniuteqarnini tunngavigalugu suliarinninnissaminut pisussaaffeqanngitsoq. Aammattaaq isumaqarpunga kommuni pisumi taamaattumi peqqussut taanna tunngavigalugu ikiorsiiniutinik ilinniagaqartumut ilitsersuinissaminut pissutissaqanngitsoq.

Suliaq A-mut tunngasoq eqqarsaatigalugu pissutsinik pineqartup meeraata immikkut ittunik pisariaqartitsineranik takutitsisunik ilisimasaqanngilanga. Taamaattumik isumaqarpunga K Kommunip meeqqanik inuusuttunillu ikiorsiisarneq pillugu peqqussummik ilanngussisimannginnerata, ilinniartullu ineqarfia-ta meeqqanik paaqqinniffiani Meeqperivik Tikiusaamiittuuteqarnermut akiliutinut tapiissutinik A-p qinnuteqaataata suliarineqarnerani taassuminnga ilitsersuisimannginnerata isornartorsiornissaannut tunngavissaqarnanga.

A misissuinerma inernilerneqarneranik allakkatigut allatigut allakkat ukua assilinerannik ilaqartinneqartutigut ilisimatippara. Aammattaaq allakkat ukua assilineri Isumaginninnermi Naalakkersuisoqarfimmut, Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfimmut, Isumaginninnermi Naammagittaalliuuteqartarfimmut aamma Inatsisartut Inatsisit Atortinneqarnerannut Ataatsimiititaliaannut ilisimatitsissutitut nassiuppakka.

Oqaaseqaatima ajornartorsiutinut nunami maani kommuninut tamanut sunniuteqartunut tunngasuunera isiginiarlugu oqaaseqaatip matuma assilineri KANUKOKA-mut aamma nassiuppara.

A-p naammagittaalliuutaanut atatillugu matuma kingornatigut annertunerusumik iliuuseqaqqissanngilanga."

Mianersoqqussut

6.8 Naalasseriitsuliorneq pissutigalugu mianersoqqussutit pillugit suliap amigartumik paasissutissartalersorneqarnera

Sulisut peqatigiiffiata ilaasortami ilaata A-p naalasseriitsuliorneq pissutigalugu marloriarluni mianersoqquneqartarsimaneera tamatumunngalu atatillugu suliamik suliarinninneq naammagittaalliuutigai.

Ombudsmandi isumaqarpoq Aningaasaqarnermut Naalakkersuisoqarfik mianersoqqusisoqarnissaanik aalajangiisimasoq mianersoqqussut siulleq eqqarsaatigalugu suliap qalliinnarsiortumik erseqqissumillu naammaginngitsumik misissorneqarnera tunngavigalugu aalajangiisimasoq, mianersoqqussutillu appaa unioqqutitsisimanermut naapertuuttuunngitsumik qisuariarnerusoq.

Ombudsmandip inassuteqaatigaa mianersoqqussutit tunuartinneqassasut, imaluunniit - mianersoqqussut siulleq eqqarsaatigalugu - suliaq suliareqqinneqassasoq, kukkunerit aaqqinneqarnissaat siunertaralugu.

Aningaasaqarnermut Naalakkersuisoqarfiup Ombudsmandi nalunaarfigaa mianersoqqussutit taakku marluk tunuartinneqartut, Ombudsmandillu suliamik paasinninnera Naalakkersuisoqarfiup tusaatissatut tiggaa (j.nr. 2009-321-0003).

2007-imi missingersuutini aningaasat atorneqanngitsut ulloq unnuarlu paaqqinniffimmi A-p pisortaaffigisaani ilinniartitsinermik ineriartortitsinermillu suliniutit aningaasalersorneqarnissaat siunertaralugu nuunneqarnissaat A-p taamani Ilaqutariinnermut Peqqissutsimullu Pisorta qarfiusumut 24. juli 2007-imi qinnuteqaatigaa.

Pisorta qarfiup ulloq unnuarlu paaqqinniffik 25. august 2008-mi qinnuigaa ukiup qaammataani siullerni arfineq marlunni paaqqinniffiup atuinera pillugu nassuiaateqaqqullugu.

Aningaasaqarnermut Naalakkersuisoqarfiup aamma Isumagininnermut Naalakkersuisoqarfiup suliami allagaataat paaqqinniffiup atuneq pillugu nassuiaataanik ullulerneqarsimanngitsumik ima qarput.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Pisortaqarfiup A 16. oktober 2006-imi qinnuigaa 2008-mi sulinermit atatillugu angalasarsimanini pillugit nassuiaateqaqqullugu.

A 20. oktober 2008-mi akivoq sapinngisamik pilertornerpaamik akissuteqarniarluni, saaffiginnissutillu tunuliaqutaata paasissutissiissutigineqarnissaa tamatumunnga peqatigitillugu qinnutigalugu.

A sulisumik atorfinitsitsinermit atatillugu pisortaqarfimmut 27. oktober 2008-mi arlalinnik apeqquteqarpoq.

Pisortaqarfiup A ulloq taanna qinnuigaa atorfinitsitsineq taanna aamma paaqqinniffiup ilinniartitsinermik ingerlataa pillugu amerlanerusunik paasissutisseeqqullugu, sulinernullu atatillugu angalasarnerit pillugit nassuiaateqaqqullugu tamatumunnga peqatigitillugu qinnuigalugu.

A taamatuttaaq ulloq taanna akivoq sulinermit atatillugu angalanerit pillugit paasissutissat sumi nassaarineqarsinnaasut innersuussutigalugu, apeqqutillu arlallit tamatumunnga peqatigitillugu aamma akillugit.

Tamanna A-p pisortaqarfiullu 27. aamma 28. oktober 2008-mi e-mailikkut allafigeqatigeeqattaarnerannik kinguneqarpoq.

A pisortaqarfimmut 3. december 2008-mi allappoq ulloq unnuarlu paaqqinniffiup allangortiterneqarneranut aningaasartuutit akuereqqullugit, tamatumunngalu peqatigitillugu oqaatigalugu ataatsimut kontomik taaneqartartumit qanoq anner-tutigisut matussuserneqarsinnaanersut ilisimanngikkini.

Akissuteqartoqarnissaa A-p 11. december 2008-mi nukingisaarutigaa, oqaatigalugulu ulloq tulliuuttoq allamik tusagaqanngikkuni attartorneq pillugu isumaqatigiissutit suliaralugit ingerlaqqinniarluni.

Pisortaqarfik 12. december 2008-mi akivoq A-p akissutisinissani aatsaat sapaatip akunnerani tulliuuttumi naatsorsuutigisinnaagaa.

Ilassutaasumik nassuiaat A-p pisortaqarfimmut 13. december 2008-mi nassiup-paa.

A Ilaqutariinnermut Peqqissutsimullu Naalackersuisoqarfimmut 7. januar 2009-mi allappoq, allangortiterinermit ingerlataq pillugu ilisimatitsissuteqarluni, tamatumunngalu peqatigitillugu ilimasaarutigalugu aningaasartuutit ataatsimut

kontomit matuneqarnissaat qinnuteqaatiginiarini. A-p suliaq inummut tunngasoq allangortiterinermut attuumassuteqartoq pillugu tamatumunnga peqatigitillugu allappoq.

Naalackersuisoqarfiup A 8. januar 2009-mi imatut akivaa:

"Asasara A

Niviarsiaqqat aningaasarpasuit atorlugit inisseqqinniarnernut taarsiullugu paaqqinniffiup ingerlatamik nammineq aallartitsinialernera tusarlugu nuannerpoq.

Isumaqaqpunga tamanna torrallaalluartumik toqqaanerusoq." (Atorfeqarfimmi nutsigaavoq)

A ulloq taanna imatut akivoq:

"Maani paaqqinniffimmi torrallaasugut pitsaasumillu pilersarusiorsimasugut massakut isumaqatigiissutigigatsisu nuannaarutigaa. Tassami niviarsiaqqat ingerlatap sumiiffissaa eqqaassanngikkaanni pilersaarut manna inisseeqqinnissamillu pilersaarutit sinneri tassarpiaapput siorna 3/12-imi siullermik ilinnut allaaserisakka.

Massakut angusarisatta anguneqannginneranni ulloq unnuarlu paaqqinniffinnut immikkoortotaqarfiup iliuserisavut pillugit taamarsuaq qisuariarnera paatsiveerutsitsineralu aamma tupigusuutigineqarsinnaapput. ... Siunnersuutiginiarpara iliuseriniakkakka tullianik isumaqatiginngikkukkit allatut iliuseqarnermut taarsiullugu attaveqarfīgissagimma, qulaatiinnarluta iliuseqaqattaarnernut taarsiullugu oqaloqatigiinnissaq siunertaralugu. Taamaaliorneq ilinnut uannullu pakatsinerpassuarnik nukinnillu siunertaqanngitsumik atuinernik pinngitsoortitsiviusinnaasoq qularinngilara, tassa ajornartorsiuṭit ataqpeqatigiiffiusumik suleqatigiinnikkut aqqikkutsigit. Taamaalillunga suleqatigiinnissamut qaaqquṣivunga!" (Atorfeqarfimmi nutsigaavoq)

Ilaqtariinnermut Peqqissutsimullu Naalackersuisoqarfiup iluani e-mailikkut allakkanit 8. januar 2009-meersunit makku erserput:

"Hej ...

A arlaatigut naveerneqassanersoq misissortariaqannginnerparput?" (Atorfeqarfimmi nutsigaavoq)

Isumaginninnermut Naalackersuisoqarfiup A 13. januar 2009-mi nalunaarfigaa Naalackersuisoqarfik paaqqinniffimmut tikeraarniartoq, tamannalu ajunngitsoq A-p ulloq taanna uppersarpaa.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

A-p 7. januar 2009-mi ilisimatitsissut innersuussutigalugu allanngortiterinermut atatillugu aningaasartuutit pillugit ilassutaasumik nassuiaat Naalackersuisoqarfimmut taamatuttaaq 13. januar 2009-mi nassiuppaa.

Naalackersuisoqarfiup e-mailimut 13. januar 2009-meersumut akissuteqarnissaa A-p 28. januar 2009-mi eqqaasitsissutigaa.

Paasissutissat pigineqartut sapaatip akunnerani aggersumi nassiunneqarnissaat A-p 29. januar 2009-mi neriorsuutigaa.

Uannut naammagittaalliummi oqaatigineqarpoq meeqqat inissikkallarneqarne-rannut aningaasartuutit ataatsimut kontokkut akilerneqarsinnaanerannik nerior-suut paaqqinniffiup 3. februar 2009-mi tigusimagaa.

Ilaqtariinnermut Peqqissutsimullu Naalackersuisoqarfiup allakkat imaattut A-mut 19. februar 2009-mi nassiuppai:

"Pinaveersaartitsinermik Aqutsisoqarfimmut, Samuel Kleinschmidtsvej 11-mut sap. ak. 12-imi⁴³ sulinermut atatillugu oqaloqatigineqarnissat pillugu matumuuna aggeqqu-neqarputit, qinnuigineqarputit ullormi sumerpiaq Nuummiinnissannut periarfissat nalunaarutigeqqullugu, tamatuma kingornatigut piffissaviusussaq isumaqatigiissutigi-neqassammat.

Matumani pineqarpoq immikkoortut uku aallaavigalugit annertunerusumik paasissu-tissiisoqarnissaa:

- Aningaasanik atuivallaarneq
- Sulinermut atatillugu naalakkiutinik malinninnginneq
- Illit pissusilersornerit ataatsimut

Illit nammineq qinikkannik illersuisussamik ataatsimiinnissamut ilaqarsinnaavutit." (Atorfeqarfimmi nutsigaavoq)

A-p eqqartuussissuserisuata paasissutissiissutigaa aggeqqusissut A-p e-mailikkut 10. marts 2009-meersukkut akisimagaa, 23. marts 2009-mullu kinguartitsisoqar-nissaa qinnutigalugu. A aamma imatut allappoq:

"(...)

43) 16. - 22. marts 2009.

Aggeqqusissummi allapputit immikkoortortat arlariit erseqqinnerusumik paasissutissiissutigineqarnissaat kissaatigigit. Tamatumunnga soorunami peqataassaanga, taamaattumillu eqqarsaatigaara tamatsinnut iluaqutaassasoq uanga piareersarnissannut periarfissinneqaruma, soorlu uppernarsaatissanik pineqartumut attuumassuteqartunik pissarsiniarneq il.il.

Taamaattumik qinnuigaakkit uku itisileqqullugit:

1. 2008-mi paaqqinniffimmi atuisimaneq pillugu immikkut erseqqissagassaqarpa?
2. Uanga nammineq sulinermit atatillugu naalakkiutinik malinninngitsoorsimasinnaanera ilisimanngilara. Tamatumani suliaq suna pineqarpa?
3. "Uanga pissusilersonera ataatsimut" oqaasertalersuineruvoq annertoq, pisimasunillu aalajangersimasunit arlaannit aallaaveqarsimanissaa ilimanarluni. Pisimasut suut matumani pineqarpat?

Tusagaqarfiginissat qilanaaraara." (Atorfeqarfimmi nutsigaavoq)

Eqqartuussissuserisup taamatuttaaq paasissutissiissutigaa Ilaqutariinnermut Peqqissutsimullu Naalakkersuisoqarfik aamma A e-mailikkut 11. marts 2009-mi allaffigeqatigiittarsimasut piffissaq oqaloqatigiiffiususaaq pillugu, taakkulu suliami allagaatini Aningaasaqarnermut Naalakkersuisoqarfiup uannut nassiussaani ilaangillat. Tamatuma inerneraa 23. marts 2009-p aalajangiunneqarnera.

A-p peqatigiiffittut ilaasortaaffiata eqqartuussissuserisuata e-mail imaattoq Ilaqutariinnermut Peqqissutsimullu Naalakkersuisoqarfimmut 11. marts 2009-mi nassiuppa:

"Asasara (...)

A-p suliami qulaani taaneqartumi peqatigiiffiup ilaasortaaffigisaata uannit ikiorneqarnissaq qinnutigisimavaa. Tamatumunnga atatillugu inussiarnersumik qinnutigissavara ataatsimiinnissaq A-mit qinnutigineqartutut kinguartinneqassasoq, pissutitut A-mit taaneqartut tunngavigalugit. Tamatumunnga pissutaavoq ilaatigut uanga 17.3.-mi ataatsimiinnissamut peqataasinnaanginnama ilaatigullu, minnerunngitsumillu, A sammisassanik ataatsimut soorunalimi ilisimasaqartussaammat, taamatullu ataatsimiinnissaq pillugu piareersaateqarnissaminut periarfissaqartussaammat. Tamanna atorfinitinneqarnermut inatsisitigut tunngaviuvoq saneqqunneqarsinnaangitsoq, suleqatigisamullu ajoqusiisussaangilluinnartoq. Taamaattumik immikkoortortat pillugit itisiliinissaq nassuiaateqarnissarlu pillugit A-p qinnutigisaa saqqumiuteqqissavara.

Tusarfiginissat qilanaaraara." (Atorfeqarfimmi nutsigaavoq)

Aningaasaqarnermut Nunanullu Allanut Tunngasunut Naalackersuisoqarfimmi Aningaasaqarnermik Sulisoqarnermillu Aqutsisoqarfik tulliuttuni P-mik taaneqartartussaq ulloq taanna imatut akivoq:

"Asasara (...)

Ulloq unnuarlu paaqqinniffinnut immikkoortortaqarfimmi aamma innarluutilinnut immikkoortortaqarfimmi pisortaqatigiit suliamut atatillugu ataatsimiiffissatut ulluliussap 19. imaluunniit 20. marts 2009-mut allangortinneqarnissaa akuerisinnaavaat.

Ullut taakkua arlaat sorleq ilinnut pitsaanerussanersoq sapinngisamik piaarnerpaamik nalunaarutigisariaqarpat." (Atorfeqarfimmi nutsigaavoq)

Eqqartuussissuserisoq P-mut 12. marts 2009-mi imatut allappoq:

"Suliami qulaani taaneqartumi mailikkut siusinnerusukkut allaffigeqatigiittarsimane-rit innersuussutigaakka, matumani pingaartumik [Ilaqutariinnermut Peqqissutsimullu Naalackersuisoqarfimmit] maili ippassarnisaq ilanngullugu eqqarsaatigalugu, tassuuna qaammatip uuma 23-anni ataatsimiinnissaq taassuma akueralugu, allatut iliortoqarsinnaanngippat aamma A-p ...-mik oqarasuaatikkut ullumikkut oqaloqateqarnera. A-taatsimiinneq 20-anni pissappat A-p suleqatigiit 35-t missaasa ulloq imminnut sammiffissaat pilersaarusiorigaq taamaatiinnartariaqassavaa pingasunngornikkullu aallarlu- ni, 19.2.-mi billetsit tamarmik tunineqareersimammata. ...-mik oqarasuaatikkut oqaloqatigeereernerup kingorna paasisinnaavara oqaluuserisassani 2. "Sulinermi naalakiutinik malinninngitsoorneq" aamma 3. "Illit pissusilersornerit ataatsimut" pillugit ataatsimiinnissaq sioqqullugu Aqutsisoqarfik pineqartunik itisiliinianngitsoq, taamaalilluni A-p sulinermi naalakiutinik malinninngitsoorsimanerminik nammineq ilisimasaqannginnini mailikkut siusinnerusukkut nalunaaruteqaraluartoq, apersuineq sakkortuumik misissuinerit isikkoqalersinnaalersillugu, taamatullu aamma "illit pissusilersornerit" oqallisigissallugu Aqutsisoqarfik sumik pissutissaqalersimanani pillugu ataatsimiinnissaq sioqqulluguli Aqutsisoqarfiup piaaraluni ilisimatitsissuteqanngitsoornera. Naammagittaalliortoqarsimappat suliassanik ingerlatsinermi inatsisitigut tunngaviuvoq A-p taakku pillugit isummersinnaanissaa. Ajoraluartumik paasisinnaavara Aqutsisoqarfiup taamatut nalunaaruteqarnerata suliamik suliarinnineq sivitsortippallaarsinnaagaa, tassami A sammineqartussanut piareersimannngilluinnartussaamat. Taamaalilluni aamma Namminersornerullutik Oqartussat suliami immikkoortumi 1-imi 2-milu suut pineqarnersut A ilisimasaqarnissaminut periarfissinneqarsimasuuppat pilertornerusumik akikinnerusumillu aaqqinneqarsimasinnaagaluartumi sulisoqar-nikkut nalunaaquttap akunnerinik aningaasatigullu akuersissutigineqartunik pisariaqanngitsumik atuivallaartoorsinnaapput." (Atorfeqarfimmi nutsigaavoq)

Ataatsimiinneq tamatuma kingornatigut 23. marts 2009-mi pisimavoq, suliamilu allagaatini P-mit tigusanni ataatsimiinneq pillugu imaqarniliaq ullulernerqarsimanngitsoq atsiorneqarsimanngitsorlu ilaavoq, oqartussaasumillu kimit suliarineqarsimanera aamma oqaatigineqarsimanani:

"Sulinermit atatillugu A-mik 23. marts 2009-mi oqaloqatiginninneq pillugu imaqarniliaq

Najuuttoq: A

Illersuisoq:Eqqartuussissuserisoq (...)

Aqutsisoqarfimmi pisortaagallartoq (...), Ilaqutariinnermik Pinaveersaartitsinermillu Aqutsisoqarfik

(...), Sulisoqarnermik Aqutsisoqarfik

A sulinermit atatillugu oqaloqatiginninnissaq pillugu aggeqquneqarpoq immikkoortut uku aallaavigalugit annertunerusumik paasissutissiinissaq siunertaralugu:

- Aningaasanik atuivallaarsimaneq
- Sulinermit tunngatillugu naalakkiutinik malinninnginneq
- Pissusilersuutit ataatsimut

Aaqqissuussaanermit allannguutit 1. februarimi pisimasut pillugit aallaqqaasiutitut paasissutissiisoqarpoq: Ulloq Unnuarlu Paaqqinniffinnut Immikkoortortaqarfik aamma Innarluutilinnut immikkoortortaqarfik, Ilaqutariinnermut Peqqissutsumullu Naalakkersuisoqarfimmi immikkoortortatut ulloq taanna tikillugu inissisimasimasut, aqutsisoqarfimmut maanna nuunneqarput, tassaasut: Ulloq unnuarlu Paaqqinniffinnut Immikkoortortaqarfik, Innarluutilinnut Immikkoortortaqarfik, Paarisa, MIPI aamma Naligiissitaanermut Siunnersuisoqatigiit Allattoqarfiat.

(...) Aqutsisoqarfiup pisortarigallagaraa, taamaattuuninilu tunngavigalugu sulinermit atatillugu oqaloqatiginninnissamat matumunnga aggeqqusisulluni.

Aggeqqusinermit tunuliaqutaasoq Aqutsisoqarfiup ulloq unnuarlu paaqqinniffiit tamarmik aningaasaqarniarnerisa misissuiffiginerini paaqqinniffiup annertoorujussuarmik atuivallaarsimaneramik paasisaqarsimaneramik tunngaveqarpoq.

Suliap misissorneqarnerani paasineqarsinnaasimavoq Ilaqutariinnermut Peqqissutsumullu Naalakkersuisoqarfimmi (...)p allakkatigut 25. august 2008-meersutigut A-mut

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

malugeqqullugu oqaatigisimagaa aningaasaqarnermut immikkoortortaqrarfiup missingersuusianik qaammatini arfineq marlunni siullerni malitseqartitsinerata takutissinnaasimagaa paaqqinniffiup kontoani annertuumik akuerineqarsinnaanngitsumillu atui-vallaartoqarsimasoq. Atuivallaarneq 40 %-iusimavoq. Aningaasaqarnermut immikkoortortaqrarfiup nalilerpaa ukiup sinnerani aningaasartuutissat periarfissaqartillugu annikillineqartariaqarnerat piaarnerpaamik isiginiarneqartariaqartoq. Tamatumani suliner-mut tunngatillugu angalanerit aamma siunnersortinik atuinerit tikkuarneqarput. Naak Naalackersuisoqarfik suliner-mut tunngatillugu angalaner-nik siunnersortinillu atuiunnaaqqusilluni naalakkiteqaraluartoq A-p naalakkiut tamanna malinngilaa.

Oqaloqatiginninnermi A-p nassuiaatigaa tamatuma malitsigisaanik nassuiaat Naalackersuisoqarfimmut nassius-simasani tusaatissatut tiguneqartoq isumaqarsimalluni, atui-nerlu akuerineqarsimasoq.

Pingaartumik siunnersortinik avataaneersunik atuisimaneq atuivallaarnermut pissutaa-simavoq. Paaqqinniffimmi sulisunik ilinniartitsiner-mut pilersaar-usiamik, ukiuni si-samani sivilissuseqartussamik, A aallartitsisimavoq. A-mut malugeqquneqarpoq isumaqatigiissutinik pituttuisuusunik ukiumi aningaasasaqartitsivioersumi tunngavia-tigut isumaqatigiissuteqartoqarsinnaanngitsoq. Aningaasaqar-neq eqqarsaatigalugu pi-lersaar-usiaq, A-p aallartissimasaa, taamatut sivilissusilik aallartinneqarnissaa sioqqul-lugu aningaasanut inatsimmut ilannguneqartussaavoq.

A qinnuigineqarpoq siunnersortinut avataaneersunut isumaqatigiissusiarisimasami as-silinerinik aamma pilersaar-usiaq pillugu missingersuusiamik nassiusseqqullugu. Al-lagaatinit A-p ulloq manna tikillugu tunniussimasaanit isumaqatigiissutinik missi-ngersuusiamilluunniit aalajangersimasunik ersitsoqanngilaq.

A paasissutissanik [Ilaqutariinnermut Peqqissutsimullu Naalackersuisoqarfimmut] nassiusseqquneqarpoq.

Ilinniartitsinissamik pilersaar-usiami massakut pisumi ”immikkut ilisimasalinnik” Danmarkimeersunik paaqqinniffimmi sulisunik ilinniartitsisussanik, saniatigullu oqa-lutseqartariaqartunik taama amerlatigisunik ilumut pisariaqartitsisoqarner-soq Aqut-sisoqarfiup apeqquserpaa. Isumaginninnermi Perorsaasunngorniat Ilinniarfiat illoqar-fimmi tassanerpiamiippoq, taannalu periarfissaasimasariaqaraluarluni, pingaartumik peqataasussat ilaasa ilinniagaqarsimasuunnginnerat eqqarsaatigalugu tunngaviusumik ilinniartinneqarnissaasa pisariaqarnerat isiginiarlugu.

Paaqqinniffik maanna allanngortiterlugu sanaqqinneqarpoq. Tamatumunnga atatillugu saniatigut aningaasartuuteqartoqarsimavoq, ilaatigut ulloq unnuarlu paaqqinniffiit a-taatsimoorussamik kontoanit matussuserneqarsimasut. A arlaleriarlugu qinnuigineqar-simavoq aaqqiissutissanik ator-neqarsimasuninngarnit akikinnerusunik nassaarsioqqul-

lugu. A-p akissuteqartarneri ataatsimut tassaapput akikinnerusunik nassaassaqaangitsoq.

A sulinerminut tunngatillugu arlaleriarluni angalasarsimavoq. Angalasimanagerit arlallit sumik siunertaqarsimanagerat pillugu paasissutissanik paasiniaasoqarpoq tamanna pillugu A-p pisortarisaminut qaninnerpaanut, ulloq unnuarlu paaqqinnittarfiit pillugit immikkoortortaqaqfimmip pisortamut piffissamilu tassani atorfik Naalackersuisoqarfiup pisortaatusu atuukkallartumut, ilisimatitsissuteqarnissaq pisariaqartissimanngimmagu.

A peqquneqarpoq ukiup affaani kingullermi sulinerminut tunngatillugu angalasimanagerit pillugit nassuiaammik [Ilaqutariinnermut Peqqissutsimullu Naalackersuisoqarfimmut] nassiussissasoq.

Qaammatini kingullerni pingasuni takuneqarsinnaavoq paaqqinniffimmi missinger-suutit nammassinnaasaaningarnit atuineroqqajaaneq ingerlaannarsimasoq, tassami qaammatini pingasuni kingullerni ½ mio. kr.-nik atuivallaartoqarsimasoq takuneqarsinnaammat.

A-mut malugeqquneqarpoq sullissiveqarfimmut aningaasaqarnikkut killissaliussat iluanni atuisassasoq.

A-mut malugeqquneqarpoq naalakkiutigineqartunik malinnittassasoq, qullersarisaminillu naalakkiutigineqartunik assortuiunnaassasoq/akerlilersuiunnaassasoq.

[Ilaqutariinnermut Peqqissutsimullu Naalackersuisoqarfik] ilassutaasutut nassuiaammik tigusaqarpat suliaq naliliiffigineqassaaq.” (Atorfeqarfimmi nutsigaavoq)

Eqqartuussissuserisup naammagittaalliutaanit ataatsimiinneq tamatumunngalu malitseqartitsineq pillugu makku erserput:

"A-p uangalu paasinnerput unaavoq ataatsimiinnermi makku isumaqatigiissutigineqartut:

1. Imaqarniliamut missingusiortoqassaaq, illua'tungeriinnit misissorneqareerpat akuerineqareerpallu kingornatigut atsiorneqartussamik.
2. Piffissaq oktober 2008-mit martsip naalernerata 2009 pillugu sulinerminut atatillugu A angalasimaneq pillugu nassuiaammik nassiussissasoq, kiisalu
3. A sullissiveqarfiup aningaasarsiornikkut atugaasa killiffia pillugu nalunaarusissasoq.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Ataatsimiinnermi Aqutsisoqarfiup pisortarigallagaata (...) -p issianermini allagaatit arlariit sulinermut tunngatillugu oqaloqatigiinnissamut tunngaviliisuunnguatsiartut tigummivai, tassami ataatsimiinneq naallugu Aqutsisoqarfiup pisortarigallagaata papiaqqat tigummiani ikorfartuutigiinnavikkamigit.

Ataatsimeereernerup aqaguani allakkat allagaatinik paasitinneqarnissamut tunngasut nassiuppakka, imaattunik oqaasertallit:

”Suliami qulaani taaneqartumi sulinermut tunngatillugu ippassaq oqaloqatigiinneq ilinnit, ...-mit, A-mit ataanilu atsiortumit A-mik illersuisuusutut peqataaffigineqartoq innersuussutigaaara. Taassuma saniatigut qaammatip uuma 11-anni 12-iannilu mailikkut allakkakka kiisalu ...p qaammatip uuma 12-ianni mailikkut allagai innersuussutigaaakka.

Ataatsimiinnermi issianinni tigummiarpatit allagaatit arlariit oqaloqatigiinnermut tunngavilersuutaannguatsiartut. A-p eqqartuussissuserisuatut allagaatit ataatsimiinnermut nassatatit kiisalu allagaatit allat, uanga sullitannut tunngasuusinnaasut, pillugit paasitinneqarnissara inussiarnersumik qinnutigissavara. Tamatumunnga atatilugu suliasat suliarineqartarnerat pillugu inatsimmi § 9, imm. 1 kiisalu § 16, imm. 2-mi oqaaseqatigiit siulliit innersuussutigaaakka.” (Atorfeqarfimmi nutsigaavoq)

Eqqartuussissuserisup suliami allagaatinik paasitinneqarumalluni qinnuteqaataata assiliner P-mut nassiullugu [Ilaqutariinnermut Peqqissutsimullu Naalakkersuisoqarfimmut] ingerlatitaasoq ...-p 30. marts 2009-mi imatut akivaa:

”Suliasat suliarineqartarnerat pillugu inatsit sulianik, ingerlatsinermik oqartussaasunit aalajangiiffigineqarsimasunik imaluunniit aalajangiiffigineqartussanik, suliarinnittarnerq pillugu kisimi atuummat, tak. suliasat suliarineqartarnerat pillugu inatsimmi § 2, imm. 1, Aningaasaqarnermut Sulisoqarnermullu Aqutsisoqarfiup allagaatinik paasitinneqarnissamik qinnuteqaatit ajoraluartumik akuerisinnaanngilaa suliasat suliarineqartarnerat pillugu inatsimmi § 9, imm. 1 kiisalu § 16, imm. 2-mi oqaaseqatigiit siulliit innersuussutigalugit.

Taamaattorli pisortat ingerlatsinerat pillugu paasitinneqarsinnaatitaaneq pillugu inatsimmi § 5, imm. 1 malillugu allagaatinik paasitinneqarnissannut periarfissaqarputit.

Allagaatinik paasitinneqarnissaq pillugu qinnuteqaat ullut qulit ingerlaneranni ajoraluartumik akuerisinnaanngilarput, Aqutsisoqarfiup pisortarigallagaa (...) sulinerminut atatilugu angalammat. Tamatuma kingorna allagaatinik paasitinneqarnissamik qinnuteqaat 6. april 2009-p kinguninnguatigut akuerineqarniarpoq.” (Atorfeqarfimmi nutsigaavoq)

Paasissutissat Ilaqutariinnermut Peqqissutsimullu Naalackersuisoqarfiup piumasimasai A-p 1. april 2009-mi nassiuppai.

Ilaqutariinnermut Peqqissutsimullu Naalackersuisoqarfiup amerlanerusunik paasissutissiisoqarnissaa 5. april 2009-mi qinnutigaa.

Eqqartuussissuserisup allagaatinik paasitinneqarumalluni qinnuteqaatip aalajangiivigineqarnera pillugu naammagittaalliummi makku oqaatigai:

"Maili 16.4.2009-mi allatara P-p 23.4.2009-mi akivaa:

„Matumuuna qinnutigineqartutut

Inussiarnersumik inuulluaqqusillunga

(...)

Sulisoqarnermik Aqutsisoqarfik"

A-p Namminersornerullutillu Oqartussat mailikkut allaffigeqatigiittarsimaneranni allagaatit assigiinngitsut quppernerit 25-t kackersaanneqarsimapput." (Atorfeqarfimmi nutsigaavoq)

Ilaqutariinnermut Peqqissutsimullu Naalackersuisoqarfiup A-mik suliamut atavillugu 23. marts 2009-mi oqaloqatiginninneq pillugu imaqarniliaq pillugu 7. april 2009-mi allappoq.

A 8. april 2009-mi imatut akivoq:

"Qujanaq nassiussanut.

Uanga paasinninnera unaavoq imaqarniliaq amigaateqarlunilu kukkuneqartoq. Taamaattumik, eqqortussaqaq anguniarlugu, oqaatigissavara imaqarniliaq massakkut ilutsumisut iluseqartillugu akuerisinnaanngikkiga. Tamanna pillugu akerliliissut tamana pillugu P.I.P.-mik eqqartuussissuserisumillu (...)mut oqaloqatiginninnissannut periarfissaqalerniaruma tigujuuarpasit." (Atorfeqarfimmi nutsigaavoq)

A-p saaffiginnissut 5. april 2009-meersoq Ilaqutariinnermut Peqqissutsimullu Naalackersuisoqarfimmut 13. april 2009-mi akivaa.

Eqqartuussissuserisoq P-mut 16. april 2009-mi imatut allappoq:

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

"Påskikkunni feriarnera tamatumalu kingorna ulapputeqarneq pissutigalugit nassiussat atuassallugu aatsaat periarfissarsivunga. Massakkut naliliinera unaavoq, tassalu allagaatit nassiunneqartut amigaatilerujussuummata soorluttaaq taakku paasisutissanik sullitannut siusinnerusukkut saqqummiussimanngisannik ilaqartut, assersuutigalugu allagassatut missingiut 16.2.2009-meersoq, mailip qupp. 2-p naqitanngortinnera 28.-10.2008-mi ullulernerqarsimasoq, mailimi qupp. 1-p naqitanngortinnera 12.12.2009-mik ullulernerqarsimagunartoq, immaqa [Ilaqutariinnermut Peqqissutsimullu Naalakkersuisoqarfimmit] akissut mailikkut [Ilaqutariinnermut Peqqissutsimullu Naalakkersuisoqarfimmeersoq] 8.1.2009-mi, mailini taakkunani qupperneq 2. Allagaatit sullitama mappiani ilaasut tamarmiusut tiginissaat qilanaaraara." (Atorfeqarfimmi nutsigaavoq)

P-p A-mut allakkat imaattut 16. april 2009-mi nassiuppai:

"Mianersoqqussuteqassamaarnermik suliami illua'tungiusup isumaanik tusarniaaneq

Aningaasaqarnermut Sulisoqarnermullu Aqutsisoqarfimmut inassuteqareernikkut manna siunniunneqarpoq, tassalu illit pisortatut sulinerit pillugu paaqqinniffiup aningaasaqarnerata aqunneqarnerani aningaasatigut akisussaaffeqannginnertut isiginneq tunngavigalugu allakkatigut mianersoqqussummik tunineqassasutit.

Suliami pissusiviusut:

Sulinermut atatillugu 23. marts 2009-mi oqaloqatigineqarnissannut aggersarneqarputit naatsorsuutit pillugit nassuiaativit itisilertinnissaat pisortaqaatiit kissaatigimmassuk.

Naak illit 2008-mi augustimili erseqqissumik nalunaarfigineqaraluartutit sulisilluni angalanernut siunnersortinillu atuneq tunuarsimaarfigissagit taamaattoq sippuilluni atuneq ingerlateqqiinnarpat.

Tamatuma saniatigut 16. oktober 2008-mi peqquneqarputit 2008-mi sulisillutit angalasarnitit qanorlu annertutigisumik siunnersortinik ikiorteqarnermik atuisimanitit pillugit allakkatigut nalunaarusiamik saqqummiussaqqassasutit – taamaaliunngilatit.

Sulisut ukiuni 4-nik sivisussusilimmik ilinniartinnissaannut suliniummik aallartitsivutit taamaalillutillu ukiut aningaasaliiffiusussat arlallit aqqusaartussanngortillugit – suliniut aningaasaqarnikkut paaqqinniffiup nammineq aningaasatigut atugassaasa iluanni matussuserneqarsinnaanngitsoq. Aningaasanut inatsimmi ilinniartitsineq pillugu suliniummut aningaasanik illuartitsisoqarsimannngimmat tamanna missingersuusiornermut inatsisinik unioqutitsineruvoq, tassami ukiumi aningaasaliiffiusumi ataatsimi aningaasaliissutaasut iluanni taamaallaat atuisoqarsinnaatitsisoqarmat.

Paaqqinniffiup aningaasaqarnerani ullumikkut killiffiup takutippaa ukiumut missingersuutit 40,17%-imik sipporlugit atuiffiusimasut, nalinginnaasut 28,49%-iusut.

Mianersoqqussuteqassamaarneq pillugu pisortaqatigiit tunngavilersuutaat:

Pisortaqatigiit isumaat unaavoq, tassalu illit paaqqinniffiup aningaasaqarneranik aqutsinernut atatillugu akisussaassuseqannginnermik annertuumik takutitsisimasutit sulilu takutitsiuartutit.

Arlaleriarlutit qinnuigineqartarsimavutit sulisilluni angalanernik siunnersortinillu ikiorteqartarnermik atuineq tunuarsimaarfigeqqullugu – inassuteqaatit taakku malineqartarsimangillat.

Pisortaqatigiitaaq isumaat unaavoq, tassalu illit piaaralutit missingersuusiornermut inatsiseqartitsineq unioqquittarsimagit kiisalu paaqqinniffiup aningaasaqarneranut atatillugu illit atuisimanitit pillugit pisortarisavit qaninnerpaap unneqqarillutit ilisimatitarnissaanik pisussaaffiit sumiginnartarsimagit.

Tamanna tunngavigalugu pisortaqatigiit paasinninnerat unaavoq atorfeqartitaanermut pissutsit ilinnut tunngasut illit unioqquittissimagitit, ilisimatitsissutigissallugulu unioqquitseqqinneq atorfeqartitaanikkut ilinnut annertunerusumik kinguneqarumaartoq.

Siunnersortinik assigiinngitsunik ”isumaqatigiissuteqartarnerit” aningaasatigullu atui-nerit allat massakkut ingerlatatit tamarmik ingerlaannartumik unitsinneqassapput. Tamatuma kingorna aningaasatigut iliutsit tamarmik sulisillunilu angalanerit aallartinneqannginneranni pisortarisannit qaninnermit akuersissutigineqaaqartassapput.

Inatsiseqartitsinerimi malittarisassat:

Allakkatigut mianersoqqussutissatut siunniussaq nalinginnaasumik aqutsisinnaatitaa-nermik tunngaveqartinneqarpoq.

Allakkiamut matumunnga tunngavik pillugu, tak. suliassat suliarineqartarnerat pillugu inatsimmi § 19, akerliliissummik saqqummiussinissannut periarfissaqarputit.

Naggasiut:

Akerliliissuteqartoqassappat akerliliissutit P-mit tiguneqareersimassapput kingusinnerpaamik sisamangornermi 30. april 2009-mi nal. 12.00.” (Atorfeqarfimmi nutsigaavoq)

Eqqartuussissuserisup allagaatinik paasitinneqarnissamik qinnuteqaanni pillugu saaffiginnissutaa kingulleq P-p 23. april 2009-mi imatut akivaa:

6. Suliat nalinginnaasumik soqutiginaatillit, inatsiseqartitsiffiusunut agguataakkat

"Asasara (...)

Matumuuna qinnutigineqartut

Inussiarnersumik inuulluaqqusillunga

(...)

Sulisoqarnermik Aqutsisoqarfik" (Atorfeqarfimmi nutsigaavoq)

Eqqartuussissuserisup P 29. april 2009-mi imatut akivaa:

"Filit nassiunneqartut, niuerneq pillugu angalaneq allaffimmilu suliassanik nukinginnartumik allanik ulapputeqarneq pissutigalugit, erseqqinnerusumik misissornissaannut aatsaat periarfissaqalerpunga.

Filit 141-t nassiunneqartut kussanngaartinneqarsimmata, tamatuma kinguneraa, uanga quppernerit allatut ajornartumik naqitanngortittariaqarsimavakka, atuarsinnaasagukkit. Tamanna tunngavigalugu maannangaaq illua'tungiusup isumaanik tusarniaannissamut piffissap killiliussap kinguartinneqarnissaa qinnuteqaatigaara, tamannami sullitannut ullut 14 inornagit nalunaarutigineqarsimammat, assilinera aqutigalugu uannut ilisimatitsissutitaqannngitsumik." (Atorfeqarfimmi nutsigaavoq)

P ulloq taanna imatut akivoq:

"Illua'tungiusup isumaanik tusarniaanermi piffissap killiliussap kinguartinnissaa Aningaasaqarnermut Sulisoqarnermullu Aqutsisoqarfiup akuersissutigisinnaavaa. Tamatuma kingorna akissuteqarnissamut killiliussaq imatut inissinneqarpoq: Sisamanngorneq 7. maj 2009 nal. 12.00, tak. suliassat suliarineqartarnerat pillugu inatsimmi § 8, imm., tak. § 21, imm. 1." (Atorfeqarfimmi nutsigaavoq)

Eqqartuussissuserisoq P-mut 6. maj 2009-mi imatut allappoq:

"Killiliussap ullut 14-it inornagit sivitsorneqarnissaa pillugu qinnuteqaateqarninnut pissutaavoq sapaatip akunnerata matuma ingerlanerani suliap misissornissaanut piffissaqarsorinnnginnama. Tamanna aamma ajorluartumik erserpoq suliassat allat nukinginnartut eqqartuussivimmiittariaqartarnerillu pissutigalugit. Taamaattumik illua'tungiusup allakkatigut akissutaa sapaatip akunnerata tulliuttup naanissaa tikitsinnagu tunniussinnaanngilara, tassa 15. maj 2009-mi." (Atorfeqarfimmi nutsigaavoq)

P-p aalajangiineq imaattoq A-mut 7. maj 2009-mi nassiuppaa:

"Allakkatigut mianersoqqussut pillugu aalajangiineq

Aningaasaqarnermik Sulisoqarnermillu Aqutsisoqarfiup inassuteqaataa malillugu aalajangerneqarpoq allakkatigut mianersoqquneqassasutit, pisortatut sulinerit eqqarsaatigalugu paaqqinniffiup (...)p aningaasaqarneranik aqutsininni aningaasaqarnikkut akisussaassuseqanngitsuliorsimanerit tunngavigalugu.

Suliami pissusiviusut:

Sulineq pillugu oqaloqatigiinnissamut 23. marts 2009-mi aggersarneqarputit naatsorsuutit pillugit nassuiaativit itisilertinnissaat pisortaqtigiit kissaatigimmassuk.

Naak illit 2008-mi augustimili erseqqissumik nalunaarfigineqaraluartutit sulisilluni angalanernut siunnersortinillu atuineq tunuarsimaarfigissagit taamaattoq sippulimmik atuineq ingerlateqqinnarpat.

Tamatuma saniatigut 16. oktober 2008-mi peqquneqarputit 2008-mi sulisillutit angalasarnitit qanorlu annertutigisumik siunnersortinik ikiorteqarnermik atuisimanitit pillugit allakkatigut nalunaarusiamik saqqummiussaqaassasutit – taamaaliunngilatit.

Sulisut ukiuni 4-nik sivisussusilimmik ilinniartinnissaannut suliniummik aallartitsivutit taamaalillutillu ukiut aningaasaliiffiusussat arlallit aqqusaartussanngortillugit – suliniut aningaasaqarnikkut paaqqinniffiup nammineq aningaasatigut atugassaasa iluanni matussuserneqarsinnaanngitsaq. Aningaasanut inatsimmi ilinniartitsineq pillugu suliniummut aningaasanik illuartitsisoqarsimanngimmat tamanna missingersuusiornermut inatsisinik unioqutitsineruvoq, tassami ukiumi aningaasaliiffiusumi ataatsimi aningaasaliissutaasut iluanni taamaallaat atuisoqarsinnaatitsisoqarmat - tamatuma saniatigut ingerlataq taanna akuerineqarsimanngilaq.

Paaqqinniffiup aningaasaqarnerani ullumikkut killiffiup takutippaa ukiumut missingersuutit 40,17%-imik sipporlugit atuiiffiusimasut, akuersissutaasut 28,49%-iusut.

Illit suliamik naliliinerit:

Akerliisinnaatitaanerit atorsimanngilat.

Taamaattorli illua'tungiusutut sinniisorisat akissuteqarnissamut killiliussap ullunik 14-inik inornerunngitsumik kinguartinneqarnissaanik 29. april 2009-mi qinnuteqarpoq. Pingasunngornermi 6. maj 2009-mi illua'tungiusutut sinniisorisat qinnuteqaqqippaq akissuteqarnissamut killiliussaq nutaamik kinguardeqqullugu nammineq "suliassanik nukinginnartunik allanik eqqartuussivimmiittarnissanillu" pissuteqartumik.

Pisortaqtigiit allakkatigut mianersoqqussut pillugu tunngavilersuutaat:

6. Suliat nalinginnaasumik soqutiginaatillit, inatsiseqartitsiffiusunut agguataakkat

Pisortaqatigiit isumaat unaavoq, tassalu illit paaqqinniffiup ...-p aningasaqarneranik aqutsinernut atatillugu akisussaassuseqannginnermik annertuumik takutitsisimasutit sulilulu takutitsiuartutit. Arlaleriarlutit qinnuigineqartarsimavutit sulisilluni angalaner-
nik siunnersortinillu ikiorteqartarnermik atuineq tunuarsimaarfigeqqullugu - inassute-
qaatit taakku malinneqartarsimangillat.

Pisortaqatigiiitaaq isumaat unaavoq, tassalu missingersuusiornermut inatsiseqartitsi-
neq piaaralutit unioqquittarsimagit kiisalu paaqqinniffiup aningaasaqarneranut atatil-
lugu illit atuisimanitit pillugit pisortarisavit qaninnerpaap unneqqarillutit ilisimatittar-
nissaanik pisussaaffiit sumiginnartarsimagit.

Tamanna tunngavigalugu pisortaqatigiit paasinninnerat unaavoq atorfeqartitaaninnut
tunngasut unioqquutissimagitit, unioqquutitseqqinnerlu atorfeqartitaanikkut ilinnut an-
nertunerusumik kinguneqarumaarpoq.

Siunnersortinik assigiinngitsunik "isumaqatigiissuteqartarnerit" aningaasanillu atuine-
rit allat massakkut ingerlatatit tamarmik ingerlaannartumik unitsinneqassapput. Tama-
tuma kingorna aningaasatigut iliuitsit tamarmik sulisillunilu angalanerit aallartinne-
qannginneranni pisortarisannit qaninnermit akuersissutigineqaqqaartassapput.

Inatsiseqartitsinermi malittarisassat:

Allakkatigut mianersoqqussutissatut siunniussaq aqutsisinnaatitaanermik nalinginnaa-
sumik tunngaveqarpoq.

Allakkanut ukununga tunngaviusoq pillugu, tak. suliassat suliarineqartarnerat pillugu
inatsimmi § 19, akerliliissummik saqqummiussinissannut periarfissaqarputit.

Akissuteqarnissamut killiliussami kinguartitsiffigineqarputit 30. april 2009 nal. 12.00-
imit 7. maj 2009 nal. 12.00-imit, tak. suliassat suliarineqartarnerat pillugu inatsimmi
§ 21, imm. 1.

Naggasiut:

Aalajangiineq manna suliame illua'tungiusutut sinniisinnut aamma nassiunneqassaaq,
tak. suliassat suliarineqartarnerat pillugu inatsimmi § 8, imm. 1". (Atorfeqarfimmi
nutsigaavoq)

A Ilaqutariinnermut Peqqissutsimullu Naalakkersuisoqarfimmut 7. maj 2009-mi
imatut allappoq:

"Allakkatigut mianersoqqussut pillugu aalajangiineq P-mit tigoqqammerpara.

Peqatigiiffik ilaasortaaffigisara eqqartuussissuserisoralu peqatigalugit paasinninnera unaavoq, tassalu aalajangiineq paasissutissanik eqqunngitsunik imaqarnermi saniatigut suliami suliarinninnermi kukkunernik ima annertutigisunik ilaqartoq suliaq qanorluunniit pisoqaraluarpat Ombudsmandimut naammagittaalliuutigisariaqarluni.

Utaqqiisaagallartumik inaarutaasumilluunniit aalajangiinerup piareersimalernissaata tungaanut mianersoqqussummi peqqussutigineqartut maleruartariaqassavakka, tamatumalu ilaatigut nassataraa peqquneqarama aningaasatigut iliuusissakka tamaasa akuerineqqaartittassagikka. Taamaattumik ullumimiit qinnuigeriissavakkit makku isummerfigeqqullugit:

- Qinnuigaakkit najugaqartuutivut pillugit niuerniartarsinnaanerput akuereqqullugu (nerisassanik ulluinnarnilu nalinginnaasumik atorfissaqartinneqartartunik). Aqagu Tussiarfissuarmi pisiniarfiit matoqqasussaapput taamaattumillu pineqartoq pillugu ullumikkut aalajangiisoqareernissaa pisariaqartipparput. Illumi sorpiaat amigaataanersut erseqqissumik ilisimanginnakkit ajoraluartumik massakkorpiaq oqaatigisinnaanngilara qanoq annertutigisumik pisiniassanersugut.
- Uatsinni pigaartuusup biili atorsinnaasariaqarpaa ulluni sulinngiffiusussani aggersuni (meeqqat qimaasimasut ujarnissaannut illullu takuniartarnissaannut). Taamaattumik biilip orsersortittarnissaa qinnuteqaatigisariaqarpara.
- Akunnerup naanerata aggersup takisuup ingerlanerani sulisut napparsimanerartarnissaat naatsorsuutigisinnaavarput. Siusinnerusukkut allakkani ersersinneqartartutut ullut unnuillu suliffiusussat ima sukaterneqarsimatigipput meerartatta amerlassusaat eqqarsaatigalugu naammaginartumik akisussaassusilimmik sulisoqarnissarput attasinnaassagutsigu sulisut aalaakkaasut ilaasa napparsimanerini taartaasussanik aggersaasariaqartassalluta. Taamaattumik tamanna pillugu akuerseqqullutit qinnuigaakkit.
- **Qinnuigissavakkit qulaani pineqartoq pillugu ullumi nal. 16 tikitsinnagu akisuteqaqqullutit taamaangippat uanga nammineq iliuuseqarnikkut sulisut akuerisariaqassagakkit, pisiniartarsinnaanissaannut biilillu orsersortarnissaannut kiisalu napparsimasoqartillugu taartaasussanik sianerlunga aggeqqusisarnissaannut.**

Tamatuma saniatigut ingerlatsinikkut ingerlaavartumik aningaasartuuteqartartussavugut, sapinngisamillu piaarnerpaamik qinnuigisariaqarpatsigit makku akuereqqullugit:

- Sanasut nutarterinerat massakut ingerlanneqartoq eqqarsaatigalugu IT-mik sullisissutta ...-p atortuvut atorsinnaaqullugit nalimmassaajuartut naleqqussaajuartullu ataavartumik atorfissaqartipparput. Taakkoqanngitsuuppammi e-mailit atorlugit atavartarsinnaasarnaviannilugut, XAL-ikkut naatsorsuutitut allattuisarsinnaanavia-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

rata assigisaannillu. Taamaattumik suliffeqarfiup suli atortarnissaanut akuereqqulluta qinnuigaatsigit attaveqarfigisartakkavut attavigiuartarsinnaaqqullugit.

- Arlalinnik sullissinissamik isumaqatigiissuteqarpugut, atuiffinnut ilaasortaaffeqarluta suliffeqarfiillu assigiinngitsut maannamut ajunngitsumik isumamik ingerlaavartumik pisiassatigut isumaqatigiissuteqarfigalutigik. Assersuutigalugu makku pineqarput: Eqqakkanik eqqaasarneq, anartarfinnik milluaatitsinikkut imaarsisarneq, olialersorneqartarneq, imeq innaallagiarlu, telefonit qarasaasiillu, IT-mik siunnersorteqarneq, angallataatillit peqatigiiffiannut ilaasortaaneq angallaterput aasakkut talittarfinni inissaqartikkumallugu. Tamakku aamma akuereqqullugit qinnuigisariaqarpakkit.
- Pedelitta angallat aasarnissaanut piareersaleruttorpaa. Tassunga atatillugu ilaannikkut atorfissaqartitsisarpoq kingoraartissanik mikinerusunik, qinnilinnik, møtrikkunik assigisaannillu eqqiaanermilu atortunik assigiinngitsunik. Taamaattumik qulaani pineqartut ingerlatiinnarnissaannut/aallartinnissaannut akuereqqullunga qinnuigaakkit.” (Atorfeqarfimmi nutsigaavoq)

Saaffiginnissut Ilaqutariinnermut Peqqissutsimullu Naalackersuisoqarfiup ulloq taanna imatut akivaa:

"Mailikkut nassiussat eqqumiigikujutara tiguara. Paaqqinniffimmi atugassanik nerisassanik ulluinnarniluunniit atorfissaqartinneqartartunik pisiniartarnerit annikillilerifiginissaat taaneqanngisaannarsimavoq, akerlianilli taaneqarput sulisilluni angalasarnerit siunnersortinillu ikiorteqartarnerit." (Atorfeqarfimmi nutsigaavoq)

A-p Ilaqutariinnermut Peqqissutsimullu Naalackersuisoqarfik taamatuttaaq 7. maj 2009-mi imatut akivaa:

"Mianersoqqussut pillugu nassuiaat illit oqaatigisat ajoraluartumik ilisarisinnaanngilara. Innersuussutigaaqka immikkoortoq 5 quppernermi 2-mi oqaasertaliussat uku: "... Tamatuma kingorna aningaasatigut iliuutsit **tamarmik**..."

Uanga isumannaatsuunissara pinerullugu aammalu mianersoqqussutip taama erseqqarlutsigisumik eqqoqqissaanngitsumillu oqaasertaligaanera eqqarsaatigalugu imatut misigisimavunga inertequtit tulleriissaakkat unioqquatinneqarsimaneri pillugit kingorna uannik unnerluussutaasut akerlilernissaat qulakkeerniartariaqarsimavara.” (Atorfeqarfimmi nutsigaavoq)

Suliami allagaat tullesq P-p A-mut 11. maj 2009-mi nassiuppaa:

"Allakkatigut mianersoqqussut pillugu suliami illua'tungiusup isumaanik tusarniaaneq

Aningaasaqarnermut Sulisoqarnermullu Aqutsisoqarfimmut inassuteqaateqareernikut siunniunneqartoq unaavoq pissusilersuutigisartakkatit kiisalu illit pisortavillu qaninnerpaap akornanni ajunngitsumik suleqatigiinnissamut piumassuseqannginnerit tunngavigalugit allakkatigut mianersoqqussummik tunineqassasutit.

Suliami pissusiviusut

Sulinermut atatillugu oqaloqatigineqarnissamut 23. marts 2009-mi aggeqquneqarputit, tassanilu oqaluuserisassat ilagaat illit pisortarisannut qaninnerpaamut pissusilersuutigisartakkatit.

7. maj 2009-mi allakkatigut mianersoqqussut tiguat paaqqinniffiup aningaasaqarnerata aqutsivigineranut tunngatillugu illit akisussaassuseqartuusimanginnerit tunngavigalugu kiisalu paaqqinniffimmut tunngatillugu illit aningaasatigut iliuserisartakkatit pillugit pisortarisannut qaninnerpaamut unneqqarissummik paasissutissiinissamut pissusaaffitit sumiginnarsimagakkit.

Allakkatigut mianersoqqussut 7. maj 2009-mi tigugakku Ilaqutariinnermut Peqqissutisimullu Naalackersuisoqarfimmut ingerlaannaq mailerputit paaqqinniffimmut tunngatillugu nerisassat ulluinnarnilu pisariaqartitat allat pillugit apeqqutit ingerlatsinermut tunngasut pisariaqanngitsut nalinginnaasumik ingerlatsineq eqqarsaatigalugu pissusisamisoorut amerlasuut akineqaqqullugit.

Mianersoqqussuteqassamaarneq pillugu pisortaqtigiit tunngavilersuutaat

Pisortaqtigiit isumaat unaavoq paaqqinniffimmi suliassat atuuttut isumatuumik aaqqiiviginissaannut peqataanissamut piumassuseqanngitsutit.

Aammattaaq pisortaqtigiit isumaat unaavoq illit pisortarisavillu qaninnerup akornanni ajunngitsumik suleqatigiinnissamut piumassuseqanngitsutit, tamatumalu saniatigut illit pisortarisavillu qaninnerpaap akunnissinni pitsaasumik suleqatigiinnissamut illit naleqqutinngitsumik pissusilersortarnitit kajumissaataanngilluarlutik.

Tamatuma saniatigut pisortaqtigiit isumaat unaavoq illit ilungersuussisuunngitsuusutit suliallu ilungersunartuunera paasisimangikkit, mailimik taama ittumik pisortarisannut nassiussisinnaaguit.

Paaqqinniffimmi suliassat atuuttut aaqqiiviginissaannut ajunngitsumik peqataanissamut piumassuseqanngissutsit pisortarisannut qaninnerpaamut isumatusaartumik suleqatiginninnissaq eqqarsaatigalugu allanngortinngikkukku tamanna ilinnut atorfeqartitaaninnut tunngatillugu annertunerusumik kinguneqassaaq.

Inatsiseqartitsinermi malittarisassat:

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Allakkatigut mianersoqqussutissatut siunniussaq aqutsinermi inatsisunik nalinginnaasunik tunngaveqartinneqarpoq.

Allakkiamut matumunnga tunngavik pillugu, tak. suliassat suliarineqartarnerat pillugu inatsimmi § 19, akerriliissummik saqqummiussinissannut periarfissaqarputit.

Akerliliissuteqarnissamut piffissaliussaq tamatuma kingorna 26. maj 2009-mi nal. 12.00-imut aalajangersarneqarpoq.” (Atorfeqarfimmi nutsigaavoq)

Eqqartuussissuserisup suliame illua'tungiusup isumaanik tusarniaanermut akissut imaattoq 25. maj 2009-mi nassiuppaa:

"Suliami qulaani pineqartumi all. nr. ... qaammatip matuma 11-anneersaq innersuussutigineqarpoq, tassani nalunaarutigineqarmat allakkatigut mianersoqqussut A-mut tunniunneqarnissaa siunniunneqartoq makku tunngavigalugit:

"(...)" A-p suliatigut kattuffik ilaasortaaffigisaa tassaavoq (...), A sinnerlugu piginnaatitsissummik pigisallip qinnuigaanga suliami ikiuteqqullunga, taamaattumillu matumuuna illua'tungiusup allagaa nassiuppara, tassunga atatillugu takuuk suliassat suliarineqartarnerat pillugu inatsimmi § 8, imm. 1.

Tusarniaaneq pillugu allakkami Aqutsisoqarfiup allakkat mianersoqqussutit qaammatip matuma 7-ianneersut innersuussutigai. Aalajangiineq pivoq, naak uanga A-mut sinniisutut aamma piffissap taamanikkut taamaalinerani naallu Aqutsisoqarfik tamanna pillugu ilisimaarisaraqarluartoq illua'tungiusup tusarniaanermi allagaata nassiunnissaata kinguartinneqarnissaanik qinnuteqaateqaraluartunga, soorluttaaq tamanna Sulisoqarnermik Aqutsisoqarfik suliassat suliarineqartarnerat pillugu inatsimmi § 21. imm. 1, oqaaseqatigiit siulliit naapertorlugit malinnissaanut pisussaaffeqarluartoq. Tassunga ataneqartillugu tamanna pisunut sakkortusaataasutut isigineqartariaqartoq unaavoq, tassalu Aqutsisoqarfiup allakkamini oqaatigimmagu: "Akerliussuteqarsinnaatitaaneq atorsimangilat." Aalajangiineq taanna Inatsisartut Ombudsmandiannut ingerlatinneqaraluttualerpoq atorsinnaassuseqanngitsutut oqaatigalugu suliap suliarineqarnerani kukkuneq kukkunerilluunniit arlallit annertuut pissutigalugit.

Allakkatigut mianersoqqussut pillugu aalajangiineq erseqqarlunneruliinnarpoq aalajaassuseqannginneruliinnartitsillunilu, kukkunertut angisuunngitsutut isigineqarsinnaanani, ilaatigummi oqaatigineqarmat:

"Isumaqatigiissutit **tamarmik** siunnersortinut assigiinngitsunut tunngassutillit aningaasaqarnikkullu iliuutsit illit massakut ingerlatatit ingerlaannartumik unitsinneqassapput. Tamatuma kingorna aningaasatigut iliuutsit **tamarmik** kiisalu sulisilluni angalanerit pilersinnagit illit qaninnerpaatut pisortarisannit akuersissutigineqartassapput." (Aqutsisoqarfiup nammeneq erseqqissagai).

Oqaasertaliussat A-p pisortatut pisinnaatitaaffii pillugit nalornissuteqalersitsipput Aqutsisoqarfimmilu pisortaagallartumut (...) -mut qaammatip matuma 7-ianni nal. 15:09 mailikkut nalunaaruteqarnermik kinguneqarluni, tassa Tussiarfissuarmi sulingiffeqarnerup aallartinngitsiarnerani. Allakkani A-p aningaasatigut iliuusissat tamaasa akuersissutigineqarnissaat qinnutigaa, tamatumunngalu peqatigitillugu A-p oqaatigalugu:

"... aammami uanga allatut ajornartumik mianersoqqussummi peqqusissutaasut malittariaqarakkit, taamaattumillu tamatuma ilaatigut manna kinguneralugu, tassalu aningaasatigut iliuusissat tamarmik akuersissutigiteqqaartarnissaat uannut peqqusutaalluni."

Taamaattumik saaffiginnissut taamaallaat imatut paasineqassaaq, tassalu A-p kissaatiginngikkaa nammineq keermiaasiit imatut inissisimatinneqalissalluni, aqutsisoqatiinnit imatut pasillerneqarluni:

" ... paaqqinniffimmi suliassat isumatusaartumik aaqqeqataaffiginissaannut piupmassuseqannginnavit",

" ... illit pisortavillu qaninnerup akornanni ajunngitsumik suleqatigiinnissamut piupmassuseqannginnavit, tamatumalu saniatigut illit pisortavillu qaninnerup ajunngitsumik suleqatigiinnissassinnut pissusissamisunngitsumik pissusilersortarnitit kajumissaataanngilluinnarmata" kiisalu

" ... ilungersuutiginnissinnaassuseqanngitsutit suliallu ilungersunassusia paasisimannikkitt mailimik taama ittumik pisortannut nassitsisinnaasimaguit".

Tassunga atatillugu pisariaqartussaannngikkaluarpoq erseqqissaatigissallugu pisortatut sulisitsisup isumagissallugu suliassarigaa, mianersoqqussutip imaa sulisullu maannamut pisinnaatitaaffiisa killiliiffiginissaat imatut erseqqitsigisumik aalajangersimarपालुसिगिसुमिल्लु oqaatigissallugu, pineqartoq arnaagaluarpat angutaagaluarpalluunniit killissani kingorna nalornissutigisariaqanngikkai. Tassa tamanna tunngavigalugu A pisortaminut qaninnerpaamut saaffiginnippoq." (Atorfeqarfimmi nutsigaavoq)

P-p aalajangiineq imaattoq A-mut 26. maj 2009-mi nassiuppaa:

"Allakkatigut mianersoqqussut pillugu aalajangiineq

Aningaasaqarnermik Sulisoqarnermillu Aqutsisoqarfiup inassuteqareerneratigut aalajangiunneqarpoq pissusilersortarnitit pisortannillu qaninnerpaamut pitsaasumik suleqatiginninnissamik piupmassuseqannginerit tunngavigalugit allakkatigut mianersoqqussummik tunineqassasutit.

Suliami pissusiviusut:

Sulineq pillugu oqaloqatigiinnissamut 23. marts 2009-mi aggeqquneqarputit, oqaluu-serisassallu ilaat tassaavoq illit pisortarisannut qaninnerpaamut pissusilersuutigisartak-katit.

Allakkatigut mianersoqqussut 7. maj 2009-mi tiguat, paaqinniffiup aningaasaqarne-rata aqutsivigineranut tunngatillugu illit akisussaassuseqarsimanninnerit tunngavi-galugu kiisalu paaqinniffimmut tunngatillugu illit aningaasatigut iliuuserisartakkatit pillugit pisortarisannut qaninnerpaamut unneqqarissumik paasissutissiinissamut pisa-saaffitit sumiginnarsimagakkit.

Allakkatigut mianersoqqussut 7. maj 2009-mi tigugakku [Ilaqutariinnermut Peqqissut-simullu Naalakkersuisoqarfimmut] ingerlaannaq mailerputit paaqinniffimmut tun-ngatillugu nerisassat ulluinnarnilu pisariaqartitat allat pillugit apeqqutit ingerlatsiner-mut tunngasut pisariaqanngitsut nalinginnaasumik ingerlatsineq eqqarsaatigalugu pis-susissamisoorut amerlasuut akineqaqqullugit.

Illit suliamik naliliinerit:

Ilua'tungiusumik tusarniaanermut 11. maj 2009 nal. 07.01-imeersumut akerliliissut 26. majimi mailikkut nassiunneqarpoq.

Aqutsisoqatigiit allakkatigut mianersoqqussut pillugu tunngavilersuutaat:

Akerliliissut aqutsisoqatigiit nalilerpaat, aalajangiinerli aalajangiusimallugu, makku tunngavilersuutigalugit:

Aqutsisoqatigiit isumaat suli unaavoq, tassalu paaqinniffimmi suliassat isumatusaar-tumik aaqeeqataaffiginissaannut piumassuseqanngitsutit.

Aammattaaq pisortaqtigiit isumaat unaavoq, tassalu illit pisortarisavillu qaninnerup akornanni ajunngitsumik suleqatigiinnissamut piumassuseqanngitsutit, tamatumalu saniatigut illit pisortarisavillu qaninnerpaap akunnissinni pitsaasumik suleqatigiinnis-samut illit naleqqutinngitsumik pissusilersortarnitit kajumissaataanngilluinnarlutik.

Tamatuma saniatigut pisortaqtigiit isumaat aammattaaq unaavoq illit ilungersuussi-suunngitsuusutit suliallu ilungersunartuunera paasisimanngikkit, mailimik taama ittu-mik pisortarisannut nassiussinnaaguit.

Paaqinniffimmi suliassat atuuttut aaqiiviginissaannut ajunngitsumik peqataanissa-mut piumassuseqanngissutit pisortarisannut qaninnerpaamut isumatusaartumik sule-

qatiginninnissaq eqqarsaatigalugu allanngortinnikkukku tamanna ilinnut atorfeqartitaaninnut tunngatillugu annertunerusumik kinguneqassaaq.

Allakkatigut mianersoqqussutissatut siunniussaq aqutsisinnaatitaaneq pillugu inatsiseqartitsinermik nalinginnaasunik tunngaveqartinneqarpoq.

Eqqartuussissuserisoq (...) sinniisoraat, tak. suliassat suliarineqartarnerat pillugu inatsimmi § 8, imm. 1.

Allakkanut ukununnga tunngavik pillugu akerliliissummik saqqummiussinissannut periarfissaqarputit, tak. suliassat suliarineqartarnerat pillugu inatsimmi § 19." (Atorfeqarfimmi nutsigaavoq)

A uannut tamatuma kingornatigut naammagittaalliorpoq.

P-mut 19. august 2009-mi imatut allappunga:

"Eqqartuussissuserisup (...) -p naammagittaalliuutaa Ombudsmandip 6. juli 2009-mi tiguaa, taassumalu assilineri ilisimatitsissutitut ilanngullugu nassiuppara. Tamatumunnga peqatigitillugu naammagittaalliuutip kalaallisuumut nutserneqarnera ilanngullugu nassiuppara.

Naammagittaalliuut imatut paasivara, tassalu pisortaq A naalasseriitsuliorneq pillugu mianersoqqussutinik tunineqassasoq taamanikkut Aningaasanut Nunanullu Allanut Tunngasunut Naalackersuisoqarfiup, Aningaasaqarnermik Sulisoqarnermillu Aqutsisoqarfiup aalajangiineri marluk 7. aamma 26. maj 2009-meersut eqqartuussissuserisup (...) -p naammagittaalliuutigai.

Aammattaaq naammagittaalliuut imatut paasivara, tassalu tamatuma saniatigut mianersoqqusinerit marluk pinnginnerini suliamik suliarinninnermi pissutsit aalajangersimasut pineqartut.

Aalajangiinerit marluk suliamillu suliarinninnermi pissutsit naammagittaalliuutigineqartut pillugit naammagittaalliummi immikkoortunut oqaaseqaateqaqqullugu Naalackersuisoqarfik qinnuigaara.

Tamatumunnga peqatigitillugu Naalackersuisoqarfimmi suliami allagaatit allaqqaarneqarneri, A-mut tunngasut uannut nassiuteqqullugit Naalackersuisoqarfik qinnuigaara. Suliami allagaatit ilaat qarasaasiakkuinnaq pigineqarpata, allagaatit taakku tarmiusut naqitanngortinneri tigussagikka qinnutigaara.

Tamatuma saniatigut sulineq pillugu 23. marts 2009-mi oqaloqatiginninnermut atillugu naammagittaalliummi suliamik suliarinninneq pineqarpoq.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Naammagittaalliummit erserpoq oqaloqatigiinnermi tassani taamanikkut Ilaqutariinnermut Peqqinnissamullu Naalackersuisoqarfimmit taamanikkullu Aningaasanut Nunanullu Allanut Tunngasunut Naalackersuisoqarfimmi, Akissarsialerinnermik Sulisoqarnermillu Aqutsisoqarfimmit sinniisuutitat peqataasimasut.

Paasissutissat pigineqartut aallaavigalugit oqartussaasoq sorleq akisussaattillugu oqaloqatigiinneq pisimanersoq nalilersinnaanngilara.

Naammagittaalliutip ilaa taanna pillugu Naalackersuisoqarfik oqaaseqaateqaqqullugu qinnuigaara aamma Aningaasanut Nunanullu Allanut Tunngasunut Naalackersuisoqarfik akisussaannermik oqartussaassusillit inissisimatillugu oqaloqatigiinneq pisi-mannigippat, Naalackersuisoqarfik qinnuigaara naammagittaalliutip ilaa taanna pillugu Isumaginninnermut Naalackersuisoqarfiup oqaaseqaataa oqaloqatigiinnerlu pillugu naalackersuisoqarfiup suliami allagaatai tamarmiusut taakkualu allaqqaarneqarneri tigussagikka sulissutigeqqullugu.

Naammagittaalliummi pissutsit eqqartuussissuserisup (...) -p taasaasa saniatigut pissutsit makku nassuiaateqarfigeqqullugit Naalackersuisoqarfik qinnuigaara:

- Sulinnermut tunngatillugu 23. marts 2009-mi oqaloqatigiinnermi Naalackersuisoqarfik akisussaasuulluni oqartussaasutut inissisimannigippat, Naalackersuisoqarfik qinnuigaara Naalackersuisoqarfiup oqaloqatigiinnermi peqataanerminut pissutaasoq nassuiaateqarfigeqqullugu, aamma oqaloqatigiinneq taanna pillugu tamatuma malitsigisaanik allagaatinik paasitinneqarnissamik qinnuteqarneq pillugit eqqartuussissuserisup (...) -p saaffiginnissutai Naalackersuisoqarfiup akissuteqarfigisimanerai.
- Naammagittaalliummit erserpoq suliassat suliarineqartarnerat pillugu inatsit malillugu allagaatinik paasitinneqarnissamik eqqartuussissuserisup (...) -p qinnuteqaataa Naalackersuisoqarfiup 30. marts 2009-mi itigartissutigisimagaa Inatsisartut inatsisaata taassuma suliani aalajangiinernut kisimi tunngasuunera innersuussutigalugu. Suliassat suliarineqartarnerat pillugu inatsimmi malittarisassat malillugit allagaatinik paasititsinissap itigartissutigineqarnera imatut paasineqassanersoq, tassalu paasissutissat sulinnermut tunngatillugu 23. marts 2009-mi oqaloqatigiinnermi saqqummer-sut 7. aamma 26. maj 2009-mi aalajangiinernut tunngavimmi ilanngunneqanngitsut Naalackersuisoqarfik nassuiaateqaqqullugu qinnuigaara.
- Suliassat suliarineqartarnerat pillugu inatsimmi § 21, imm. 1 innersuussutigalugu suliami illua'tungiusup isumaanik tusarniaanermut akissuteqarnissamut killiliussap sivitsorneqarnissaanik Naalackersuisoqarfiup 29. april 2009-mi aalajangiineranut pissutaasoq.
- Aalajangiineq 7. maj 2007-imeersoq sioqqullugu suliami illua'tungiusup isumaanik tusarniaanermut akissuteqarnissamut killiliussap sivitsorneqarnissaanik allagaatinil-

lu paasitinneqarnissamik eqqartuussissuserisup (...) -p qinnutigisai pillugit aalajangiinnermut atatillugu Naalakkersuisoqarfik nammineq suliniuteqarnermigut suliasat suliarineqarnerat pillugu inatsimmi § 11 malillugu suliap aalajangiiffiginissaa kinguar-tinneqassasoq Naalakkersuisoqarfik isumaliutersuuteqarsimanersoq.

- Suliasat suliarineqarnerat pillugu inatsimmi § 19 malillugu mianersoqqussutinut marlunnut atatillugu A-p isumaanik taamaallaat tusarniaaffigineqarsimaneranut pis-sutaasoq, suliap inatsisitigut tunngavii pillugit suliami illua'tungiusup isumaanik tusarniaasussaataaneq, sulisunik aqutsinermi nammatassiissutilimmik aalajangiine-rit pillugit atuuttoq malinnagu.

(...)

- Suliami illua'tungiusup isumaanik tusarniaanerit aalajangiinerlu A-mut nassiunne-qarsimaneritut pissutaasoq, naak A kattuffiup ilaasortaaffigisami eqqartuussissuse-risuanit sinniisuuffigineqartoq Naalakkersuisoqarfiup ilisimagaluaraa.

Naalakkersuisoqarfiup (aamma – taama ittumik suliarinnittoqassappat – Isumaginnin-nermut Naalakkersuisoqarfiup) oqaaseqaataa eqqartuussissuserisumut (...) -mut sulia-mi illua'tungiusup isumaanik tusarniaassutitut saqqummiunneqarsinnaavoq."

P-p 21. oktober 2009-mi imatut akivaanga:

"Eqqartuussissuserisup (...) -p naammagittaalliutaa tunuliaqutaralugu Aningaasaqar-nermut Naalakkersuisoqarfimmi Aningaasaqarnermik Sulisoqarnermillu Aqutsisoqar-fiup oqaaseqaateqarnissaat Inatsisartut Ombudsmandiata qinnutigisimavaa.

Aallarniutigalugu Aningaasaqarnermik Sulisoqarnermillu Aqutsisoqarfiup, Isumaqati-giinniartarnermut immikkoortortap ajuusaarutigissavaa suliap suliarineqarnera sivit-sorussimammat, tamatumunnga pingaarnertut pissutaavoq Isumaqatigiinniartarnermut immikkoortortap sulisoqarniarneranut tunngasut, pingaartumik naammagittaalliutitip annertussusia eqqarsaatigalugu.

Akissummut ilanngullugit nassiunneqarput A pillugu suliamut tunngassutillit tamar-miusut Aningaasaqarnermut Naalakkersuisoqarfimmeersut aamma Inunnik Isumagin-ninnermi Naalakkersuisoqarfimmeersut.

Akissut agguataarneqarpoq imaalillugu, siullertut nassuiaateqarfigineqarput pissutsit Inatsisartut Ombudsmandiata paasisaqarfigerusutai, kingornalu oqaaseqaateqarfigine-qarlutik pissutsit eqqartuussissuserisup (...) -p tigussaasumik taasimasai.

Akissut manna oqaasertalersorneqarpoq Inunnik Isumaginninnermi Naalakkersui-soqarfik suliami akisussaasusutut oqartussaasoq suleqatigalugu. Sulinnermut tunnga-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

tillugu A-p oqaloqatigineqarnerani (...) Ilaqutariinnermik Pinaveersaartitsinermillu Aqutsisoqarfimmi pisortaagallartutut inissisimanini tunngavigalugu peqataavoq. Aqutsisoqarfilli ulloq 31. juli 2009-mi atorunnaarsinneqarpoq. (...) Innarluutillit pillugit immikkoortortami pisortatut atorfimminut uternikuuvoq.

Aningaasaqarnermut Naalackersuisoqarfik, Aningaasaqarnermik Sulisoqarnermillu Aqutsisoqarfik suliap ingerlanerani tamarmiusumi Inunnik Isumaginninnermi Naalackersuisoqarfimmut siunnersuisutut atuussimavoq. Suliami akissutit toqqaannartut Aningaasaqarnermik Sulisoqarnermillu Aqutsisoqarfimmeersut Inunnik Isumaginninnermi Naalackersuisoqarfimmiit inassuteqaatit tunngavigalugit pipput.

Taamaattumik sulinermut tunngatillugu 23. marts 2009-mi oqaloqatiginninnermi Aningaasaqarnermik Sulisoqarnermillu Aqutsisoqarfiup peqataanera taamanikkut Ilaqutariinnermik Pinaveersaartitsinermillu Aqutsisoqarfimmut siunnersuisutut taama-tulli taamaallaat pisimavoq.

Eqqartuussissuserisup (...) -p saaffiginnissutaanut Aningaasaqarnermik Sulisoqarnermillu Aqutsisoqarfiup akissutai Inunnik Isumaginninnermi Naalackersuisoqarfik sinnerlugu pisimapput ingerlaannartumillu eqqartuussissuserisumut (...) -mut ingerlatin-neqarlutik piffissaq suliamik suliarinninnermut atorneqartoq tamanna ajornanngikkaangat sivikillisarniarlugu.

Suliassat suliarineqartarnerat pillugu inatsit malillugu suliassamut tunngasunik ilisimasaqalersinneqarnissamik eqqartuussissuserisup (...) -p qinnuteqaataa Inunnik Isumaginninnermut Naalackersuisoqarfik sinnerlugu Aningaasaqarnermik Sulisoqarnermillu Aqutsisoqarfiup itigartippaa, tamanna ima paasineqarmat suliassamut tunngasunik ilisimasaqalersinneqarnissamik qinnuteqaat sulinermut tunngatillugu oqaloqatiginninnerq tunngavigalugu pisoq, taannalu suliassat suliarineqartarnerat pillugu inatsit malillugu aalajangiinerunngimmat. Tamatuma akerlianik mianersoqqussutit 7-ini aamma 26.-ni majimeersut tamarmik ingerlatsinnermi inatsisit paasineqarnissaat malillugu aalajangiinertut isigineqarput.

Peqataasup isumaanik tusarniaanermi akissuteqarnissamut piffissaliussap sivitsorneqarnera Inunnik Isumaginninnermi Naalackersuisoqarfik sinnerlugu pivoq. Aningaasaqarnermik Sulisoqarnermillu Aqutsisoqarfiup ajuusaarutigaa piffissaliussap sivitsorneqarnerani takuneqarsinnaangimmat tamanna pisoq Inunnik Isumaginninnermi Naalackersuisoqarfiup piginnaatitsineratigut.

Aningaasaqarnermik Sulisoqarnermillu Aqutsisoqarfik isumasioqatigalugu Inunnik Isumaginninnermi Naalackersuisoqarfiup nammineerluni isumaliutiginnigilaa suliassat suliarineqartarnerat pillugu inatsimmi § 11 malillugu suliap aalajangiiffigineqarnissaa-ta kinguartinneqarnissaa.

Suliani sulisoqarnikkut aqutsinermi ilungersunartunik aalajangiiviusuni suliami peqataasunik tusarniaanissamut pisussaaffik malillugu A-p sooq tusarniaaffigineqarsimannginneranut patsisaasoq apeqqutigalugu Inatsisartut Ombudsmandiata suna inner-suussutigineraa Aningaasaqarnermik Sulisoqarnermillu Aqutsisoqarfiup paasiuminaatsippaa, tassami allakkatigut mianersoqqussutit marluk pineqarmata.

(...)

Eqqartuussissuserisoq (...) sulinermut tunngatillugu A-p oqaloqatigineqarnerani ikior-taanersoq sulialluunniit sularineqarnerani tamarmi sinniisuunersoq paasiuminaappoq. Suliassamut tunngasunik ilisimasaqalersinneqarnissamik (...) -p qinnuteqarnera eqqarsaatigalugu Aningaasaqarnermik Sulisoqarnermillu Aqutsisoqarfimmit erseqqissumik ilisimaneqarsimasariaqaraluarpoq aalajangiineq suliami peqataasumut toqqaannartu-mik nassiunnagu suliami peqataasup sinniisuanut nassiunneqarsimasariaqaraluarpoq, tamannalu ajuusaarutigineqarpoq.

Eqqartuussissuserisup (...) -p naammagittaalliordermini sammisai eqqarsaatigalugit Inunnik Isumaginninnermi Naalackersuisoqarfiup aamma Aningaasaqarnermut Naalackersuisoqarfiup, Aningaasaqarnermik Sulisoqarnermillu Aqutsisoqarfiup makku oqaaseqaatigissavaat.

Inunnik Isumaginninnermi Naalackersuisoqarfiup naliliineraa sulinermut tunngatil-lugu oqaloqatiginninnissamut ataatsimiigiqqussisut amigaateqartutut isigineqarsin-naanngitsoq, tassa A aggersarneqarmat oqaluuserisassatut allatorneqarsimasut aallaa-vigalugit taamaallaat nassuaateqartussaalluni.

Inunnik Isumaginninnermi Naalackersuisoqarfik aamma Aningaasaqarnermut Naalackersuisoqarfik, isumaqatigiinniarnernut immikkoortortaq isumaqarput sulinermut tunngatillugu oqaloqatiginninnermi isumaqatigiissutigineqanngitsoq aallarniutitut sularineqassasoq imaqaarniliamut missingiut kingorna illua'tungeriinnit akuersissutigine-qartussaq. Akerlianilli imaqaarniliaq ataatsimiinnerup imarisaanut uppernarsaatissaati-tut taamaallaat isumaavoq.

Aningaasaqarnermik Sulisoqarnermillu Aqutsisoqarfik isumaqarpoq suliami peqataa-sup isumaanik tusarniaanissamik aamma piffissaliussap kinguartinneqarnissaanik qin-nuteqaatit akuerineqarsimasut. Taamaattumik Aningaasaqarnermut Sulisoqarnermillu Aqutsisoqarfiup siunertarisimangilaa piffissaliussamik sivitsuinerup saneqqunneqar-nissaa, taamaallaalli suliap pisariaqanngitsumik sivitsorsarneqarnissaa pinngitsoortin-niarneqaannarsimasoq.

Inunnik Isumaginninnermi Naalackersuisoqarfik aamma Aningaasaqarnermik Suliso-qarnermillu Aqutsisoqarfik isumaqarput allaganngorlugu mianersoqqussutit taakku

6. Suliat nalinginnaasumik soqutiginaatillit, inatsiseqartitsiffiusunut agguataakkat

marluk paasissutissanik eqqortunik ilaqartinnagit imaluunniit paasissutissat pisoqalimasut tunngavigalugit tunniunneqarsimanngitsut.

Misissuinissamut pisussaaffimminik aqutsisoqarfik sumiginnaasimanerarlugu eqqartuussissuserisup (...)p oqaaseqarnermini sumik innersuussinera Aningaasaqarnermik Sulisoqarnermillu Aqutsisoqarfiup paasiuminaatsippaa.

Mianersoqqussutip 7. maj 2009-meersup pisutut annertutigisumik paatsoorneqarsinnaasimanera Inunnik Isumaginninnermi Naalackersuisoqarfiup aamma Aningaasaqarnermik Sulisoqarnermillu Aqutsisoqarfiup ajuusaarutigaat.

Kisiannili mianersoqqussut oqaasertalerneqavinnermisut paatsuugassaannngilluinnartutut isumaqarfigineqarpoq, taamaattumik A-p mianersoqqussummik paasinninnera piaaraluni paatsuinertut isigineqartariaqarpoq.

Inunnik Isumaginninnermi Naalackersuisoqarfik aamma Aningaasaqarnermik Sulisoqarnermillu Aqutsisoqarfik isumaqarputtaaq A-p oqaatigisaasa isummerfiginissaannut piumassuseqanngissimanatik.

Naggasiutitut suliameqataasumut tusarniaanermut 11. maj 2009-meersumut aamma aalajangiinnermut 26. maj 2009-meersumut atatillugu suliameqataasumut kukkerit eqqartuussissuserisup (...)p innersuutigisai suunersut paasiuminaatsinneqarput.

Taamaalillutik Inunnik Isumaginninnermi Naalackersuisoqarfiup kiisalu Aningaasaqarnermut Naalackersuisoqarfiup, Aningaasaqarnermik Sulisoqarnermillu Aqutsisoqarfiup neriutigaat Inatsisartut Ombudsmandiata saaffiginissutaa akissuteqarfigisimassallugu."

P itisiliisumik nassuiaateqaqqullugu 28. oktober 2009-mi imatut qinnuigaara:

"Naalackersuisoqarfiup tusarniaanermut akissutaa aamma "Aningaasaqarnermut Naalackersuisoqarfimmi Isumaginninnermullu Naalackersuisoqarfimmi A pillugu allagaatit tamaasa" 21. oktober 2009-mi tiguakka.

Suliameqataasumut qarasaasiami pigineqartut naqitanngortinneqarlutik tiguneqartut eqqartuussissuserisup (...)p naammagittaalliuutaanut sanilliukkakkat suliameqataasumut allagaatit tamakkerlugit tigusimanagit imaaliannaq takusinnaavara.

Taamaalilluni naammagittaalliummi allagaatit uku filimi Aningaasaqarnermut Naalackersuisoqarfimmit tigusanni ilaanngitsut innersuussutigineqarput:

(Allagaatit 30-t suussusii erseqqinnerusumik taaneqartut)

Tassani aamma ilaavoq Naalackersuisoqarfiup tusarniaanermut akissutaa suliamilu allagaatini Isumaginnermut Naalackersuisoqarfiup aamma Aningaasaqarnermut Naalackersuisoqarfimmi Aningaasaqarnermik Sulisoqarnermillu Aqutsisoqarfiup allaffigeqatigiittarsimanerisa allat suliami allagaatini tigusanni aamma ilaanngitsut uku innersuussutigineqarnerat:

- Eqqartuussissuserisup (...) -p suliami allagaatinik paasitinneqarnissamik qinnuteqaataata Aningaasaqarnermut Naalackersuisoqarfimmit suliarineqarnissaanik Isumaginninnermi Naalackersuisoqarfiup piginnaatitsissutaa, matumanilu Aningaasaqarnermut Naalackersuisoqarfiup suliami allagaatinik paasitinneqarnissamik qinnuteqaat Naalackersuisoqarfinni marlunni taakkunani allagaatinut tunngasutut isigineqarnera pillugu oqaaseqaateqaqqusivunga.
- Aningaasaqarnermik Sulisoqarnermillu Aqutsisoqarfimmut inassuteqaat, Aqutsisoqarfiup taassuma A-p suliami illua'tungiusutut isumaanik tusarniaanermi innersuussutigisaa 16. april 2009-meersoq aamma
- Aningaasaqarnermik Sulisoqarnermillu Aqutsisoqarfimmut inassuteqaat, Aqutsisoqarfiup taassuma A-p suliami illua'tungiusutut isumaanik tusarniaanermi innersuussutigisaa 11. maj 2009-meersoq.

Oqaatigaara Ombudsmandeqarfiup suliami allagaatinik misissugassanik Inatsisartut Ombudsmandiat pillugu Inatsisartut inatsisaanni § 7 tunngavigalugu pissarsiniarnerani oqartussaasup suliami allagaatai tamarluinnarmik ilaatinneqartarmata, qinnutigisami allatut allattoqarsimangippat.

Taamaalilluni suliap suliarineqarnera pillugu allakkatigut uppernarsaasiussat tigusisaat Ombudsmandip kissaatigisarpaa, suliap suliarineqarnerata sulianut assigiinngitsunut agguataarlugu nalunaarsorneqarsimanagera apeqqutaatinnagu, aamma uppernarsaasiussat taakku assigiinngitsunik iluseqarnerat apeqqutaatinnagu, matumani suliaq pappialanik katersuiffik, suliaq qarasaasiakkut toqqortarineqartoq imaluunniit e-mailikkut allaffigeqatigiittarnermi e-mailitut immikkut toqqortarineqartut ilanngullugit eqqarsaatigalugit.

Tamanna suliami matumani aamma atuuppoq, kissaatigigakkumi suliami allagaatinik Aningaasaqarnermut Naalackersuisoqarfimmit aamma Isumaginninnermut Naalackersuisoqarfimmit tigusaqarnissara, matumani paasissutissat A-p atorfeqartitaaneranut tunngasut aamma A-p paaqqinniffimmi pisortatut sulineranut tunngasut oqartussaasunut allanut suliamiluunniit illua'tungiusunut ingerlateqqinneqarsimangitsut aamma ilanngullugit eqqarsaatigalugit.

Taamaattumik suliami paasissutissanik tamakkiisunik Naalackersuisoqarfimmit akuusunit marlunniit taakkunanga tigusaqarnissara utaqqivara.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Tusarniaanermut akissut tiguneqartoq tamakkua saniatigut ilassutaasunik arlalinnik apeqquteqarnissannut pissutissaqalersitsivoq:

- A-p sulineranut atatillugu 23. marts 2009-mi oqaloqatiginninnermut atatillugu Aningaasaqarnermut Naalackersuisoqarfiup Isumaginninnermut Naalackersuisoqarfimmut siunnersuisimaneranut pissutaasoq pillugu erseqqinnerusumik nassuiaasoqarnissaa qinnutigaara,
- Naalackersuisoqarfik qinnuigaara Aningaasaqarnermut Naalackersuisoqarfimmi Aningaasaqarnermik Sulisoqarnermillu Aqutsisoqarfiup "Isumaginninnermut Naalackersuisoqarfimmut siunnersuinerinnarmik suliaqarsimanera"-nik oqarnermut suna tunngaviunersoq erseqqinnerusumik itisileqqullugu, tassami suliami paasissutissanit manna tikillugu misissorsimasannit ersermat A-mut mianersoqqussutit marluk taakku Aningaasaqarnermut Naalackersuisoqarfimmit, imminut sinnerluni, tunniunneqarsimasut.
- Paasissutissat suliamut atatillugu 23. marts 2009-mi saqqummertut mianersoqqussutit taakku arlaannut ataatsimut taakkunungaluunniit marlunnut A-mut tunniunneqartunut aalajangiiniarnermi tunngavinnut ilaasimanersut paasissutissiissutigeqquara."

Naalackersuisoqarfiup 26. november 2009-mi imatut akivaanga:

"Inatsisartut ombudsmandiata allagaa 28. oktober 2009-minngaanneersoq tunuliaqutalugu matumuuna suliaq uterfigaara.

Siullermik ajusaarutigeqalugu oqaatigissavara saaffiginninnermi siullermi Inatsisartut Ombudsmandiata suliami takussutissat tamaasa pisimangimmagit.

Suliami takussutissat apeqqutigineqarsimasut matumuuna nassiunneqarput.

Tassungaa atatillugu inatsisartut Ombudsmandiannut apeqqutigerusuppara inunnut sulisorisanut ataasiakkaanut suliani allagaatigisat toqqorneqartassanersut (arkiveerluggit), suliamut pingaarutaa apeqqutaatinnagu.

Inatsisartut Ombudsmandiata aamma apeqqutigaa eqqartuussissuserisup (...)p allagaatinik takunnissinnaatitaanermik qinnuteqaataata suliarisinnaaneramik pisinnaatinnerqarnerluni, tassa pisinnaatitaaffiup Isumaginninnermut Naalackersuisoqarfimmiit Aningaasaqarnermut Naalackersuisoqarfimmut tunniutereernerani.

Tassunga atatillugu paasissutissiissutigineqassaaq piginnaatitaaneq oqaasiinnartigut tunniunneqarsimammatt taamaattumillu tamanna pillugu suliami allagaatinik peqarnani.

Aningaasaqarnermut Naalackersuisoqarfiup allagaatinik takusinnaatitaanermik qinnuteqarneq Naalackersuisoqarfimmut marlunnut atuunnersoq ilisimatitsissutigineqassaaq taamaammatt.

Inatsisartut Ombudsmandiata ujartorpaattaaq inassutit Aningaasaqarnermik Sulisoqarnermillu Aqutsisoqarfiup A pillugu soqutigisaqatigiinnik tusarniaanermut atatillugu, tassa ulluni 16. april 2009-mi aamma 11. maj 2009-mi, innersuussutigisimasai.

Tassunga atatillugu ilisimatitsissutigineqassaaq inassutit taakku marluk oqaatsitigut Aningaasaqarnermik Sulisoqarnermillu Aqutsisoqarfimmut tunniunneqarsimammata.

Inatsisartut Ombudsmandiattaaq nassuiarneqaaq sooq Aningaasaqarnermut Naalackersuisoqarfiup A-p atorfianut atatiliugu oqaloqatiginninnermi ulloq 23. marts 2009 Isumaginninnermut Naalackersuisoqarfik siunnersorsimagaa, itisileqqullugulu Aningaasaqarnermik Sulisoqarnermillu Aqutsisoqarfik Isumaginninnermut Naalackersuisoqarfimmut siunnersuisuinnartut inissisimanera.

Tassunga atatillugu ilisimatitsissutigineqassaaq Kalaallit Nunaanni Namminersorlutik Oqartussani immikkoortortat arlaanni sulisorisanut tunngasunik suliassanut siunnersorneqarnissamik kissaateqartoqarpat Aningaasaqarnermik Sulisoqarnermillu Aqutsisoqarfik attavigineqarsinnaammatt. Immikkoortullu arlaat sulinermut atatillugu oqaloqatiginninnermi ikioqquppat Aningaasaqarnermik Sulisoqarnermillu Aqutsisoqarfimminngaanniit ilaatitsisinnaaneq periarfissaammatt.

Aningaasaqarnermik Sulisoqarnermillu Aqutsisoqarfik Namminersorlutik Oqartussat immikkoortortaanuinaq siunnersuisinnaavoq ilitersuillunilu, immikkoortortarli sulisorisanut suliani nammineeerluni aalajangiisassaaq. Immikkoortortap Aningaasaqarnermik Sulisoqarnermillu Aqutsisoqarfiup siunnersuutaa tunngaviumik malinnagu iliuuseqarsinnaatitaavoq. Mianersoqqussutit A-mut nassiunneqarsimasut Aningaasaqarnermik Sulisoqarnermillu Aqutsisoqarfimmut innersuussisoqareernerup kingorna taamaallutik suliarineqarsimapput.

Naggataarutaasumik Inatsisartut Ombudsmandiata paaserusussimavaa paasissutissat sulinermut atatillugu 23. marts 2009 oqaloqatiginninnermi saqqummiunneqarsimasut, mianersoqqusinerne tamani aalajangiinerne suut tunngavigineqarsimanersut, tassa A-mut mianersoqqussutitinnik tunniussinerne.

Isumaginninnermut Naalackersuisoqarfiup A sulinermut atatillugu ulloq 23. marts 2009 oqaloqatigerusullugu qaaqqusimavaa, tassani paaqqinniffimmi aningaasanik a-

6. Suliat nalinginnaasumik soqutiginaatillit, inatsiseqartitsiffiusunut agguataakkat

tuivallaarneq, sulinermut atatillugu iliuusereqqusanik naapertuisimannginneq A-llu pissusai nalinginnaat eqqartorneqarmata. Tassanili ulloq 23. marts oqaloqatiginninnermi paasissutissanik saqqummiussisoqanngilaq, tassa mianersoqqussutitut marluusunut tunniunneqarsimasunut aalajangiinnermut tunngavigineqarsimasut eqqarsaatigalugit.

Isumaginninnermut Naalackersuisoqarflup kiisalu Aningaasaqarnermut Naalackersuisoqarfimmi Aningaasaqarnermik Sulisoqarnermillu Aqutsisoqarfiup Inatsisartut Ombudsmandiata saaffiginnissutaa naammaginartumik akissuteqarfigisimallugu matumuuna neriuutigaaat."

Isumaginninnermut Naalackersuisoqarfik Naalackersuisoqarfiup taassuma meeqqanik inuusuttunillu ulloq unnuarlu paaqqinniffinnik aningaasatigut aqutsineranik oqarasuaatikkut 19. januar 2010-mi tusarniaavigaara:

Oqaatigineqarpoq paaqqinniffiit ingerlatsinerinut aningaasaliissutit aningaasanut inatsimmi kontomi 30.10.37-imi immikkuualuttulerlugit nassuiarneqarsimasut, taannalu tamatuma saniatigut ataatsimut kontomik Naalackersuisoqarfiup kisimi atuiffigisinnaasaanik imaqartoq.

Paaqqinniffiit ukiumi aggersumi ingerlatsinerinut aningaasaliissutit pillugit nalunaarummik ukiut tamaasa nassinneqartarput.

Paaqqinniffinnut ataasiakkaanut ingerlatsinerinut aningaasaliissutit inissanik tamakkiisumik atuinerinut tunngaveqarput, tamatumunngalu peqatigitillugu kontomi tassani kommunit atuisutut atuinerinut akiliutaasigut isertitat inissanik atuneq aallaavigalugu naatsorsorneqartartut missingersuusiorneqartarlutik.

Inissat 100 %-inik atorineqanngippata ingerlatsinerinut aningaasaliissutit atuini-kinnerup annertoqataanik ikilineqartarput, tamannalu paaqqinniffiit ataasiakkaat ilisimavaat.

Tamatuma kingornatigut imaattunik oqaaseqaateqarpunga

"(...)

1. Pisinnaatitaanermik Aningaasaqarnermut Naalakkersuisoqarfiup aamma Isumaginninnermut Naalakkersuisoqarfiup akornanni killissalersuineq

1.1. Malittarisassatigut tunngavigisaq

1.1.1. Ataatsimut

Kalaallit Nunaanni Namminersornerullutik Oqartussat, massakkut Namminersorlutik Oqartussat qitiusumik allaffeqarfissuat 2008-p aallartinneranili Naalakkersuisoqarfinnut Naalakkersuisunut ilaasortat ataasiakkaarlutik inatsiseqartitsinikkullu akisussaasutut pisortaaffigisaannut agguataarneqarsimavoq, tak. Naalakkersuisunut ilaasortat akisussaanerat pillugu Inatsisartut inatsisaanni nr. 6-imi, 13. maj 1993-imeersumi §§-it 3 aamma 5:

"§ 3. Naalakkersuisunut ilaasorta qinaluunniit sulianut naalakkersuinikkut oqartussaaffigisaminut tunngasunik aalajangiinernut akisussaavoq.

(...)

§ 5. Inatsisinik unioqqutitsinermi peqataanermut akisussaaneq pillugu pinerluttulerinermi inatsisini aalajangersakkamik atuinermi Naalakkersuisunut ilaasorta q sulisorisami qanoq iliorneranut peqataasutut isigineqassaaq

1) nalusimangikkuniuk qanoq iliorneq taanna suliaajumaartoq, akornuserniarsimanagulu,

2) qanoq iliorneq taanna aalajangiinissap Naalakkersuisunut ilaasortap akisussaaffigisaata naammassinissaanut pisariaqartuusimappat pinngitsooraniluunniit iliuusissaasimappat, imaluunniit

3) qanoq iliorneq tamanna naammassineqartissinnaasimaguniuk pisariaqarneratut annertutigisumik nakkutilliinnginnermigut malittarisassaliunnginnermigullu."

Inatsisartut Naalakkersuisullu pillugit Inatsisartut inatsisaanni nr. 11-mi, 20. oktober 1998-imeersumi § 4, imm. 3-kkut aalajangersarneqarpoq suliasat Naalakkersuisut siulittaasuata Naalakkersuisunut ilaasortanut agguaatissagai.

Naalakkersuisoqarfiit ataasiakkaat immikkoortuunerat/nammineertuunerat tamatuma kinguneraa, Naalakkersuisoqarfiillu ataasiakkaat tusarniaanertut ilusiligaanngitsumik suleqatigiissappata tamanna ingerlatsineq pillugu inatsise-

6. Suliat nalinginnaasumik soqutiginaatillit, inatsiseqartitsiffiusunut agguataakkat

qartitsinermi (suliassa qarfinnik) avammut isumagisassannqortitsisarneq imaluunniit sulianik (ataasiakkaanik) allanut suliassannqortitsisarneq pillugit malittarisassat tunngavigalugit, suliassallu suliarineqartarnerat pillugu inatsimimi paasisutissanik oqartussaasut akornanni paarlaateqatigiittarneq pillugu malittarisassat malillugit.

Aallaaviusq tassaavoq Naalakkersuisuni oqartussaasut naligiissut akornanni isumagisassannqortitsisoqassappat sulianillu allanut suliassannqortitsisoqassappat tamanna inatsisikkut tunngavissaqarnissamik piumasaqaateqarfiusq, isumagisassannqortitsisoqassasoq suliassannqortitsisoqassasorluunniit Naalakkersuisut Siulittaasuata aalajangigarinnigippagu.

Aallaavik taanna apequtaatinnagu ilimagineqarpoq isumagisassannqortitsineq oqartussaasut akuusut akornanni isumaqatigiissuteqarnikkut pisinnaasasoq, isumagisassannqortitsineq naleqquttutut aamma isigineqarpat, tamanalu inatsiseqartitsinikkut eqqarsarnartoqalersitsinnigipat⁴⁴.

Suliassannqortitsinerli inatsisikkut tunngaveqarani pisinnaanersoq qularnarpoq⁴⁵.

Qanorluunniit pisoqaraluarpat inatsisikkut tunngavissaqarnissamik piumasaqaatip qulaani taaneqartup manna pisariaqalersippaa, tassalu suliassannqortitsineq isumagisassannqortitsinerlu erseqqissunik uppersaasorsorluugaasunillu tunngaveqassasut.

Tamatumunnga peqatigitillugu innuttaasunik inatsiseqartitsinikkut innarlitsaaliinissap isiginiarneqarnissaata immikkut oqimaassuseqarluni manna pisariaqalersippaa, tassalu suliaq oqartussaasutut aalajangiinissamut pisinnaatitaatitaartumit allaasumit suliarineqassappat aalajangiivigineqassappalluunniit tamanna suliami illua'tungiusunut erseqqissarneqassasoq, taamaalillutik taakku suliap suliarineqarnera aalajangiinerluunniit pillugu apeqquteqaateqassagunik naammagittaalliusagunilluunniit sumut saaffiginninnissartik ilisimaniassammassuk.

Suliassa qarfimmik sulianilluunniit ataasiakkaanik aalajangiiviginninnissamut pisinnaatitaaneq oqartussaasumut allamut isumaqatigiissuteqarnikkut isumagisassannqortinneqarsimappat aallaaviusq tamatumunnga peqatigitillugu tassaavoq oqartussaasumut aalajangiinissamut pisinnaatitaatitaartumut naammagittaalliorfissaqarnera, taamaalilluni oqartussaasoq aalajangiinissamut pisinnaatitaanermik tunineqarsimasoq naammagittaalliornissamut periar-

44) FOB 1992.292.

45) Jens Gardep allallu atuakkiaanni "Forvaltningsret, Almindelige emner", sisamassanik 2004-mi naqitertitami qupperneq 36.

fissamik suliassat sularineqartarnerat pillugu inatsimmi § 25 tunngavigalugu ilitsersuissalluni.

1.1.2. Namminersornerullutik Oqartussani/Namminersorlutik Oqartussani sulisoqarnermik aqutsinermi pisinnaatitaaneq pillugu malittarisassat

Oqartussaasup sorliup suliamik sularinninnissamut pisinnaatitaaneranik apequt isumagisassanngortitsinermi suliassanngortitsinermilu inatsisikkut tunngaveqarnissamik apeqqummit allaavoq.

Oqartussaasoq suliamik sularinninnissamut pisinnaatitaappat oqartussaasup allap inassuteqaateqarnikkut, tusarniaanermut akissuteqarnikkut paasissutisaniilluunniit nalunaarutiginninnikkut peqataanera isumagisassanngortitsinerut suliassanngortitsineritulluunniit isigineqarsinnaanngilaq.

Namminersornerullutik Oqartussat Namminersorlutillu Oqartussat sulisoqarnermik aqutsinerat inatsisiliortunit immikkut oqartussaasunut inissineqarsimannngilaq.

Inatsisartut 2008-mi aningaasanut inatsisaanni konto 14.01.01, Sulisoqarnermut Pisortaqarfik, Naalakkersuisut Siulittaasuata akisussaaffeqarfiata ataaniiitoq pillugu oqaasertaliussani pisortaqarfiup suliassai imatut allaaserineqarsimapput:

"Sulisoqarnermik Aqutsisoqarfiup pisortaqarfittut suliassat akissarsianut sulisunullu tunngassutillit allat isumagisarai. Aammattaaq suliassat sulisunut tunngasut aalajangersimasut isumaqatigiinniutigineqartarput kiisalu isumaqatigiissutinik nassuiaasoqartarluni. Tamatumani saniatigut tjenestemandinut tunngasunik inatsisiliorneq maleruagassaliuussinerlu, feriarneq pillugu inatsit aningaasarsiaqartitsinerlu pillugu siunnersuisoqatigiinnut allattoqarfittut suliassat sularineqartarput."

Sulisoqarnermut Pisortaqarfimmu aningaasaliissutit qitiusumik allaffeqarfiisuup 2008-mi allanngortiterinermut atatillugu Aningaasaqarnermut Nunanullu Allanut Tunngasunut Naalakkersuisoqarfimmi Aningaasaqarnermik Sulisoqarnermillu Aqutsisoqarfimmu (ASA-mut), konto 20.30.01-imut nuunneqarput.

Inatsisartut 2009-mi aningaasanut inatsisaanni konto 20.30.01 pillugu oqaasertaliussanit makku erserput:

"ASA Namminersornerullutik Oqartussani kommuninilu sulisut kiisalu Namminersornerullutik Oqartussat Danmarkimi sulisui akissarsianik isumaqatigiinninniarneq tjenestemandinullu tunngasunik isumaqatigiissutit isumaqatigiissutinullu tunngasuteqartut isumagisarai. Taakkua saniatigut suliassat qitiusumik akissarsialerinermut sulisunullu tunngassuteqartut ASA-p isumagisarigai. Aammattaaq sulisunut

6. Suliat nalinginnaasumik soqutiginaatillit, inatsiseqartitsiffiusunut agguataakkat

ataasiakkaanut tunngassutilinnik isumaqatiginninniarnert kiisalu isumaqatigiissutinnik nassuiaanerit. Taakkua saniatigut tjenestemandinut tunngassutilinnik inatsisiliorneq najoqqutassiornerlu, feeria pillugu inatsit akissarsialerinemullu allattoqarfeqarneq."

Sulisogarnermik aqutsinermi "naalackersuisoqarfittut" imaluunniit "qitiusumik" suliassat suunerat aningaasanut inatsimmi erseqqinnerusumik allaaserineqarsimangillat.

Siusinnerusukkut suliat qitiusumik allaffeqarfissuup pisinnaatitaanera pillugu apeqqummik isumaliutersuutissaqalersissimavaangga:

Taamaalillunga suliame 2000-imi ukiumoortumik nalunaarutinni immikkoortumi 5-imi suliatut 32-1-itut ilanngunneqartumi oqaatigaara taamani Sulisogarnermut Pisortaqarfiusoq suliassaqarfinni atorfinitsitsinermut oqartussaanerup inatsisikkut oqartussaasumut allamut inissinneqarfigisimasaani sulisogarnermik aqutsinikkut aalajangiinissaminut pisinnaatitaanngitsoq.

Suliame 2003-mi ukiumoortumik nalunaarummi immikkoortumi 5-imi suliatut 20-1-itut ilanngussanni oqaatigaara Aqutsinermut Pisortaqarfiup suliassanik aningaasanut inatsimmi allaaserineqartuni manna erseqqarlussorinartoq, tassalu pisortaqarfik taanna sulisogarnermik aqutsinermi oqartussaasut allat aalajangiineri eqqarsaatigalugit aqutsinermut immikkut piginnaatitaanersoq.

Suliame 2008-mi ukiumoortumik nalunaarutinni immikkoortumi 5-imi suliatut 5.1.3.-tut ilanngunneqartumi oqaatigaara:

"Naalackersuisut Siulittaasuata qitiusumik allaffeqarfissuarmi sulisunik atorfinitsitsisarnermik soraarsitsisarnermillu Sulisogarnermut Pisortaqarfiup suliassaqarfianut inissiisimanerata sulisogarnermik aqutsinermi ingerlatsineq pillugu inatsiseqartitsinermi malittarisassanik nalinginnaasunik sanequtsinissaanut tunngavissalersimangilaa, aamma oqartussaasut atorfeqartitsisut suliffigisaat eqqarsaatigalugit sulisitsisutut ingerlatsinermi immikkut akisussaaffiginnikkaluarpatigilluunniit."

Uanga paasinninnera tamatuma kingornatigut unaavoq Aningaasaqarnermut Naalackersuisoqarfiup (Akissarsianik Sulisogarnermillu Aqutsisoqarfiup) qitiusumik allaffissuarmi sulisogarnermut oqartussaasutut pisinnaatitaanera Naalackersuisunut ilaasortat pisinnaatitaanerannik agguataarinermik Naalackersuisut Siulittaasuannit Inatsisartut Naalackersuisullu pillugit Inatsisartut inatsisaanni § 4, imm. 3-mik tunngaveqartoq.

Tamatumunnga peqatigitillugu tunngaviuttippara pisinnaatitaanermik agguataarinerup taassuma manna tikillugu manna nassatarisimagaa, tassalu Aningaasaqarnermik Sulisogarnermillu Aqutsisoqarfiup aamma siusinnerusukkut suliassaqarfimmi tassani pisortaqarfiusimasut Namminersornerullutik Oqar-

tussat Namminersorlutillu oqartussat sulisuinik atorfinitsitsisarneq soraarsit-sisarnerlu isumagisarisimagaat.

Pisinnaatitaanermik agguataarinerup taassuma imaaliallaannaq nassatarisaa tassaavoq Sulisoqarnermik Aqutsisoqarfiup sulisut pineqartut naalasseriitsuliornerat pissutigalugu pineqaatissiisoqarnissaa aamma aalajangersinnaagaa, oqaatigaaralu pineqaatisseeriaatsimik toqqaaneq pillugu apeqqut sulisunik soraarsitsinissamut pisinnaatitaanermiit aallaavittut avissaartinneqarsinnaanngitsoq. Taamaalilluni atorfeqartoq naalasseriitsuliornini pissutigalugu mianersoqquneqassanersoq soraarsinneqassanersorluunniit apeqqut pisunut naapertuuttumik iliuuseqarnerup naliliivigineqarneranik tunngaveqarpoq.

Taamaattumik Aningaasaqarnermik Sulisoqarnermillu Aqutsisoqarfiup suliani Naalackersuisoqarfinni allani sulisunut tunngasuni pineqartuni, suliaq atorfeqartitaasup qitiusumik allaffeqarfissuarmi sulisoqarnermut oqartussaasup atorfinitsitaata naalasseriitsuliorneq pissutigalugu mianersoqqussummik tunineqassaneranik soraarsinneqassaneranilluunniit apeqqummut tunngappat, peqataanermi oqartussaasoq alla sinnerlugu pisarnerarlugu oqarnera ilalersinnaanngilara.

Aningaasanut inatsimmi oqaasertaliussat issuarneqartut marluk taakku aammattaaq erseqqissarpaat sulisoqarnermik qitiusumik aqutsisoqarfik suliani sulisunut tunngasuni pineqartuni "isumaqatigiinniuteqarsinnaasoq".

Tamatumunnga atatillugu oqaatigaara Aningaasaqarnermik Sulisoqarnermillu Aqutsisoqarfiup tusarniaanermut akissummini 26. november 2009-meersumi ilaatigut makku oqaatigigai:

"Aningaasaqarnermik Sulisoqarnermillu Aqutsisoqarfik Namminersorlutik Oqartussat immikkoortortaanuinnaq siunnersuisinnaavoq ilitersuillunilu, immikkoortortarli sulisorisanut suliani nammineerluni aalajangiisassaaq. Immikkoortup Aningaasaqarnermik Sulisoqarnermillu Aqutsisoqarfiup siunnersuutaa tunngaviusumik malinnagu iliuuseqarsinnaatitaavoq."

Uanga paasinninnera unaavoq Aningaasaqarnermik Sulisoqarnermillu Aqutsisoqarfiup Namminersorlutillu Oqartussani oqartussaasut allat suliassaannik agguataarinerup issuarneqartup Aningaasaqarnermut Naalackersuisoqarfimmi Aningaasaqarnermik Sulisoqarnermillu Aqutsisoqarfiup Inatsisartut Naalackersuisullu pillugit Inatsisartut inatsisaanni § 4, imm. 3 tunngavigalugu su-

lianik ataasiakkaanut tunngasunik suliarinninnissamut aalajangiiviginninnissamullu pisinnaatitaanissaa mattutinngikkaa.

Taamaalilluni suliani ataasiakkaanut tunngasuni suliarinninnerup aalajangiinerullu Aningaasaqarnermik Sulisoqarnermillu Aqutsisoqarfimmu isumagissassanngortitsinikkut suliassanngortitsinikkulluunniit tunniunneqarsinnaanera

Aningaasanut Inatsimmi killissalersorneqarsimanersoq takuneqarsinnaanngilaq, taamatuttaarlu malittarisassanik tamanut nalunaarutigineqarsimasumik periarfissamik taassuminnga mattussisumik Naalackersuisut Siulittaasuata aalajangersagaanik peqarnersoq takuneqarsinnaanngilaq.

Taamaattumik uanga paasinninnera aamma unaavoq Aningaasaqarnermik Sulisoqarnermillu Aqutsisoqarfiup suliani ataasiakkaanut tunngasuni peqataanerata pissusianik inatsisinillu unioqqutitsisuunnginneranik apeqqut Aningaasaqarnermik Sulisoqarnermillu Aqutsisoqarfiup sunik suliassaqartitaanerata qanoq paasineqarnissaanik ataatsimut nassuiaanikkut akineqarsinnaanngitsoq, sulianili ataasiakkaani naliliiffigisariaqarluni.

Sulisut ulluinnarni sulinerminni oqartussaasup suliffigisamik naalakkiisinnaneranit aqutsineranillu qulangersimaneqarnerat suliami matumani sulianilu siusinnerusukkut suliarisimasanni eqqumaffigaara.

Tassa suliap pissusia aallaavigalugu imaappoq oqartussaasoq pineqartoq uluinnarni aqutsinermi piginnaatitaanernik tigummisaqartoq sulisoqarnermik aqutsinermut tunngasut pillugit aalajangiisinnaasoq, naalasseriitsuliornermut pineqaatissiinertut pissuseqanngitsunik.

Aallaaviusariaqarportaaq naalasseriitsuliornernut pineqaatissiissutinik aallarnisaanissamik isumaliutersuuteqarnerup oqartussaasumit pineqartup atorfeqarfigisaanik suliniuteqarnermik aallaaveqarnera. Kisianni Akissarsianik Sulisoqarnermillu Aqutsisoqarfiup oqartussaasumit allamit inassuteqaat tunngavigalugu aalajangiisussaanerata Aningaasaqarnermik Sulisoqarnermillu Aqutsisoqarfiup suliamik paasissutissartalersuinissamut immikkut akisussaaffeqannginnera nassatarinngilaa. Taamaalilluni aalajangiinerup suliamik illersorneqarsinnaasumik suliarinninnermik tunngaveqarnissaa Aningaasaqarnermut Naalackersuisoqarfiup (Aningaasaqarnermik Sulisoqarnermillu Aqutsisoqarfiup) immikkut akisussaaffigaa, Naalackersuisoqarfillu inassuteqaateqartuusooq tamatumunnga peqatigitillugu Aningaasaqarnermik Sulisoqarnermillu Aqutsisoqarfiup paasissutissanik eqqortumik takutitsisuusunik naammattunillu tuniorarneqarnissaanut akisussaasuulluni. Apeqqutip taassuma suliamut ma-

tumunnga sunniutai pillugit oqaaseqaatika immikkoortuni 1.2.3-miittut 1.2.4-miittullu aamma innersuussutigaa.

1.2. Suliaq pineqartoq

1.2.1. Sulisoqarnermut Pisortaqarfiup aamma Aningaasaqarnermik Sulisoqarnermillu Aqutsisoqarfiup suliami peqataanerat

Paasisutissiissutigineqarpoq Aqutsinermut Pisortaqarfiup⁴⁶ A 21. juli 2004-mi atorfinitsissimagaa, ulloq unnuarlu paaqqinniffimmi inissisimagallartussatut.

Eqqartuussissuserisup (...) -p Ilaqutariinnermut Peqqissutsimullu Pisortaqarfirmut suliamut atatillugu oqaloqatiginninnissamut piffissaliussaq pillugu e-mailia 11. marts 2009-meersoq Aningaasaqarnermik Sulisoqarnermillu Aqutsisoqarfirmi sulisup ulloq taanna akivaa.

Eqqartuussissuserisumut attaveqarneq 23. marts 2009-mi oqaloqatiginninneq sioqqullugu Aningaasaqarnermik Sulisoqarnermillu Aqutsisoqarfirmi sulisup pineqartup tamatuma kingornatigut isumagisimavaa.

Oqaloqatigiinneq pillugu imaqarniliamit erserpoq Ilaqutariinnermut Peqqissutsimullu Naalackersuisoqarfik aamma P oqaloqatigiinnermi peqataasimasut.

A oqaloqatiginninnermi peqquneqarpoq nassuiaammik Ilaqutariinnermut Peqqissutsimullu Naalackersuisoqarfirmut nassiusseqqullugu, tamatumalu kingornatigut "suliami naliliisoqarniarluni".

Aamma paasisutissiissutigineqarpoq eqqartuussissuserisup allagaatinik paasitinneqarumalluni qinnuteqaataa 30. marts 2009-meersoq tamatumalu kingornatigut saaffiginnissutai P-p akisarsimagai.

Aammattaaq suliami tamatuma kingornatigut mianersoqqussutit marluk taaku A-mut tunniunneqartut pillugit suliami illua'tungiusup isumaanik tusarniaanerit aalajangiinerillu P-p atsiorsimavai.

Aningaasaqarnermut Naalackersuisoqarfirmi Aningaasaqarnermik Sulisoqarnermillu Aqutsisoqarfiup tusarniaanermut akissummini 21. oktober 2009-meersumi makku oqaatigai:

"Sulinermit tunngatillugu A-p oqaloqatigineqarnerani (...) Ilaqutariinnermik Pinaveersaartitsinermillu Aqutsisoqarfirmi pisortaagallartutut inissisimanini tunngavigalugu peqataavoq. Aqutsisoqarfilli ulloq 31. juli 2009-mi atorunnaarsinneqar-

46) Aqutsinermut Pisortaqarfiup sulisoqarnermik aqutsinikkut suliasai Sulisoqarnermut Pisortaqarfirmi Inatsisartut 2006-imi aningaasanut inatsisaat tunngavigalugu tiguneqarput.

6. Suliat nalinginnaasumik soqutiginaatillit, inatsiseqartitsiffiusunut agguataakkat

poq.(...) innarluutillit pillugit immikkoortortami pisortatut atorfimminut uternikuuvoq.

Aningaasaqarnermut Naalackersuisoqarfimmi Aningaasaqarnermik Sulisoqarnermillu Aqutsisoqarfik suliap ingerlanerani tamarmiusumi Inunnik Isumaginninnermi Naalackersuisoqarfimmut siunnersuisutut atuussimavoq. Suliami akissutit toqqaanartut Aningaasaqarnermik Sulisoqarnermillu Aqutsisoqarfimmeersut Inunnik Isumaginninnermi Naalackersuisoqarfimmiit inassuteqaatit tunngavigalugit pipput.

Taamaattumik sulinermut tunngatillugu 23. marts 2009-mi oqaloqatiginninnermi Aningaasaqarnermik Sulisoqarnermillu Aqutsisoqarfiup peqataanera taamanikkut Ilaqutariinnermik Pinaveersaartitsinermillu Aqutsisoqarfimmut siunnersuisutut taamatulli taamaallaat pisimavoq.

Eqqartuussissuserisup (...)p saaffiginnissutaanut Aningaasaqarnermik Sulisoqarnermillu Aqutsisoqarfiup akissutai Inunnik Isumaginninnermi Naalackersuisoqarfik sinnerlugu pisimapput (...)."

Tusarniaanermut ilassutaasumik akissummit 26. november 2009-meersumit er-serpoq Isumaginninnermut Naalackersuisoqarfiup (Ilaqutariinnermut Peqqis-sutsimullu Naalackersuisoqarfiup) Aningaasaqarnermik Sulisoqarnermillu Aqutsisoqarfik eqqartuussissuserisup (...)p suliami allagaatinik paasitinnegarumalluni qinnuteqaataata kiisalu A-p mianersoqqussutinik tunineqarnissaa-nik suliat suliarinissaannut oqaasiinnartigut piginnaatissimaga.

Pisuni Aningaasaqarnermik Sulisoqarnermillu Aqutsisoqarfiup peqataaffigisi-masaani pisinnaatitaaneq pillugu apeqqummik uanga paasinninnera tamatu-ma kingornatigut allaaseraara.

1.2.2.A-p suliamut atatillugu oqaloqatigineqarnissaanut aggeqqusineq taassu-malu ingerlanneqarnera

Tusarniaanermut akissutit Aningaasaqarnermik Sulisoqarnermillu Aqutsiso-qarfiup uannut nassiussai aallaavigalugit manna tunngaviutippara, tassalu Ilaqutariinnermut Peqqis-sutsimullu Naalackersuisoqarfik oqaloqatiginninnis-samut meeqqanik inuusuttunillu ulloq unnuarlu paaqqinniffinnik nakkutillii-suunerminut meeqqanik inuusuttunillu ikiorsiisarneq pillugu Inatsisartut peq-qussutaanni nr. 1-imi, 15. april 2003-meersumi §§-ini 22, imm. 3-kkut aamma 23, imm. 2-kkut aalajangersarneqartumut ilagitillugu aggeqqusisusimasoq. § 22, imm. 3:

"Nuna tamakkerlugu paaqqinniffinnik aqutsineq Naalackersuisut isumagissavaat."

§ 23, imm. 2:

"Ingerlatsinerup tungaatigut, aningaasaqarnermut perorsaanermullu tunngatillugu ulloq unnuarlu paaqqinniffinnik Naalakkersuisut nakkutilliissapput."

Kisiannili oqaloqatiginninnissamut aggeqqusissummit aamma erserpoq oqaloqatiginninnermi pissutsit A-p suliaminik ingerlatsineranut tunngasut ilaatinneqarniartut oqaloqatiginninnissamullu illersuisoqarluni takkunnissaminut periarfissaqarneranik ilitsersorneqartoq.

Tamanna imatut paasineqartariaqarpoq oqaloqatiginninneq paaqqinniffimmik qitiusumik allaffissornikkut aqutsineranut ilaanermi saniatigut A sulinerminut atatillugu unioqqutitsisimanersoq uppersaatinik pissarsiniarnermik siunertaqartoq.

Aningaasaqarnermik Sulisoqarnermillu Aqutsisoqarfiup tusarniaanermut akisummini 26. november 2009-meersumi suliamut atatillugu oqaloqatiginninnermi Naalakkersuisoqarfinnit allamit ingerlanneqartuni qinnuigineqarnini mallillugu peqataasinnaanini ataatsimut innersuussutigaa.

Ilaqutariinnermut Peqqissutsimullu Naalakkersuisoqarfiup sulisoqarnermik aqutsinermi oqartussaasup sinniisaanik oqaloqatiginninnermi paaqqinniffiup ingerlanneqarneranik nakkutilliinermuinnaq tunngasuunngitsumi peqataasoqarnissaanik kissaateqarsimanerata isornartorsiuinissannut pissutissaqalersinngilaanga.

Aningaasaqarnermik Sulisoqarnermillu Aqutsisoqarfiup oqaloqatiginninnermi inissisimanera tamatuma kingornatigut oqartussaasup taassuma atorfinitsitsisarnermi oqartussaasutut pisinnaatitaaneranut ilaasutut isigineqartariaqarpoq, tassami qulaani nassuiaatigisattut Aningaasaqarnermik Sulisoqarnermillu Aqutsisoqarfiup suliami pisinnaatitaanerata isumagisassanngortitsinermik suliassanngortitsinermilluunniit tunngaveqarnissaata ilimaginissaanut tunngavissaqanngimmat.

Tamatuma imaattoq nassataraa, tassalu Ilaqutariinnermut Peqqissutsimullu Naalakkersuisoqarfiup imaluunniit Aningaasaqarnermik Sulisoqarnermillu Aqutsisoqarfiup oqaloqatiginninnermut aggeqqusisutut oqartussaasup taaneqartup kingulliup suliamut atatillugu oqaloqatiginninnermi inissisimanera Amut erseqqisarsimasariaqaraluaat.

Oqaloqatiginninnerup ilaa Ilaqutariinnermut Peqqissutsimullu Naalakkersuisoqarfiup paaqqinniffimmik nakkutilliinermi oqartussaasutut suliassaanik tunngaveqartoq eqqarsaatigalugu A ilumoorfiginninnissamut naalannissami-

nullu pisussaaffeqarsimavoq, apeqqutit imminut saqqummiunneqartut akissal-lugit pisussaaffeqarneranik nassataqartumik.

Oqaloqatiginninnerulli ilaa A-p sulinermit atatillugu unioqqutitsisimasinnaa-neranik qulaajaaniarnermik siunertaqartoq eqqarsaatigalugu A oqaaseqaate-garnissaminut pisussaaffeqarsimannilaq.

Tamanna pillugu oqaaseqaatikka immikkoortoq 4.1-imiittut aamma innersuus-sutigaakka.

1.2.3. Eqqartuussissuserisup (...) -p suliame allagaatinik paasitinneqarumalluni qinnuteqaataa

Eqqartuussissuserisup (...) -p uannut naammagittaalliuutaanit erserpoq alla-gaatinik paasitinneqarumalluni qinnuteqaammik allagaatit [Ilaqutariinnermut Peqqisutsimullu Naalakkersuisoqarfiup] suliame atatillugu oqaloqatiginnin-nermut nassatai "paasissutissallu allat sullitamut attuumassuteqarsinnaasut" ilanngullugit pineqartut. Qinnuteqaat suliassat suliarineqartarnerat pillugu i-natsimmi suliame illua'tungiusut suliame allagaatinik paasitinneqarsinnaati-taernerat pillugu malittarisassat innersuussutigalugit tunniunneqarpoq.

Aningaasaqarnermik Sulisoqarnermillu Aqutsisoqarfiup tusarniaanermut akis-sutaanit 21. oktober 2009-meersumit erserpoq qinnuteqaat Aqutsisoqarfiup "Isumaginninnermut Naalakkersuisoqarfik sinnerlugu" suliarigaa, tamatu-munngalu pissutaasoq tassaasoq piffissamik sipaarniarneq/atorluaaniarneq.

Suliassat suliarineqartarnerat pillugu inatsimmi § 16, imm. 1-imit makku erser-put:

"Qinnuteqaat akuersaarneqarsinnaanersoq oqartussap pineqartup piaarnerpaamik aalajangiiffigissavaa, aammalu aalajangissallugu allakkiat qinnuteqartumut saq-qummiunneqarnerat allaffimmi taakkuninnga ammaassinikkut imaluunniit allakkiat taakku allaqinnerinik assilinerinilluunniit tunniussinikkut pissanersoq."

Allagaatinik paasitinneqarumalluni qinnuteqaatip allagaatinut suliame atatil-lugu oqaloqatiginninnermut tunngaviusumi ilaasut pineqarnerat isiginiarlugu naatsorsuutigaara qinnuteqaammik allagaatit Aningaasaqarnermik Sulisoqar-nermillu Aqutsisoqarfiup suliame A-p naalasseriitsuliorneranut tunngasumik suliarinninneranut ilaasut ilanngullugit pineqarsimasut. Taamaappat Ani-ngaasaqarnermik Sulisoqarnermillu Aqutsisoqarfik allagaatinik paasitinneqa-rumalluni qinnuteqaammik suliarinninnissaminut pisinnaatitaasimavoq, taa-maappallu Aningaasaqarnermik Sulisoqarnermillu Aqutsisoqarfiup qinnute-

qaammik Naalackersuisoqarfik alla sinnerlugu suliarinninnera pineqassanngilaq.

Allagaatinik paasitinneqarumalluni qinnuteqaammi allagaatit Isumaginninnermut Naalackersuisoqarfimmit Aningaasaqarnermik Sulisoqarnermillu Aqutsisoqarfimmut tunniunneqarsimangitsut aamma ilaatinneqarpata Aningaasaqarnermik Sulisoqarnermillu Aqutsisoqarfiup qinnuteqaammik suliarinninnissaa inatsisikkut isumaqatigiissutikkulluunniit tunngaveqarnissamik piumasaqaateqarfiusussaavoq, tak. 1.1.1-imi oqaaseqaatikka.

Taamaattumik allagaatinik paasitinneqarumalluni qinnuteqaammi allagaatit Aningaasaqarnermut Nunanullu Allanut Tunngasunut Naalackersuisoqarfimmut tunniunneqarsimangitsut ilanngullugit pineqarnersut Aningaasaqarnermik Sulisoqarnermillu Aqutsisoqarfiup immikkut qulaajaasimanginnera ajuusaarnartutut isigaara.

Piginnaatitsissutip Aningaasaqarnermik Sulisoqarnermillu Aqutsisoqarfiup tunngaviginiagaata allaganngorlugu pigineqannginnera ajuusaarnartutut aamma isigaara, tassami taassuma allaganngorlugu pigineqannginneratigut Aningaasaqarnermik Sulisoqarnermillu Aqutsisoqarfiup suliami peqataanerata inatsisinik unioqutitsisuunnginnera aamma aalajangiisimanerup Ilaqutariinnermut Peqqissutsimullu Naalackersuisoqarfimmut naammagittaalliuutigineqarsinnaanera nalornissutigineqalersimammat.

Aningaasaqarnermik Sulisoqarnermillu Aqutsisoqarfiup suliamik Ilaqutariinnermut Peqqissutsimullu Naalackersuisoqarfik "sinnerlugu" suliarinnilluni oqarnera tusaannarlugu erseqqarlussorinarpoq:

1.1.1-imi nassuiaatigisattut Naalackersuisunut ilaasortat akisussaanagerat pillugu Inatsisartut inatsisaanni §§-it 3-p 5-illu Naalackersuisunut ilaasortat sulianik suliassaqarfimmini suliarinninnermut akisussaanagerat nassataraa.

Inatsisartut Naalackersuisullu pillugit Inatsisartut inatsisaanni § 4, imm. 2-kkut aalajangersarneqarpoq Naalackersuisut Naalackersuisunullu ilaasortat ataasiakkaat akisussaasuunerat Inatsisartut inatsisaatigut aalajangersarneqassasoq.

Taamaalilluni Naalackersuisoqarfiup atorfilittat suliamik suliarinninnerannut akisussaaffik suliamik suliarinninnerup Naalackersuisoqarfik alla sinnerlugu ingerlanneqarnera innersuussutigalugu tigujumangissinnaanngilaa, tassami taamatut ilusiliinerup akisussaanagermik aaqqissuussinermik Naalackersuisunut ilaasortat akisussaanagerat pillugu Inatsisartut inatsisaanni §§-ini 3 aamma 5-imi aalajangersarneqarsimasumik Naalackersuisunut ilaasortap allersarisami

*sulinerminnik ingerlatsinerannut akisussaasuuneranik tunngaveqartumik sa-
neqqutsineq nassatarisussaammagu.*

*Taamaattumik tunngaviutippara Aningaasaqarnermut Naalackersuisoqarfim-
mi Aningaasaqarnermik Sulisoqarnermillu Aqutsisoqarfik eqqartuussissuseri-
sup (...) -p allagaatinik paasitinneqarumalluni qinnuteqaataata suliarineqarne-
ranut akisussaasuusoq, matumani Aningaasaqarnermik Sulisoqarnermillu
Aqutsisoqarfiup suliamik suliarinninnissaminut pisinnaatitaasimaneranut aki-
sussaasuuneq ilanngullugu eqqarsaatigalugu.*

*Taamaattorli eqqartuussissuserisup (...) -p allagaatinik aalajangersimasumik
annertussusilimmik paasitinneqarsimamera aamma Ilaqutariinnermut Peqqis-
sutsimullu Naalackersuisoqarfiup suliassaqarfiani allagaatit eqqarsaatigalu-
git allagaatinik paasitinneqarnerup annertussusia pillugu naammagittaallior-
simannginnera isiginiarlugit suliap ilaani tassani pisinnaatitaaneq pillugu
apeqqut eqqarsaatigalugu annertunerusumik iliuuseqaqqissanngilanga.*

*1.2.4. A-p naalasseriitsuliorneq pissutigalugu mianersoqqussutininik tunineqar-
nissaanik Aningaasaqarnermik Sulisoqarnermillu Aqutsisoqarfiup suliarinnin-
nera aalajangiineralu*

Mianersoqqussummit 7. maj 2009-meersumit ilaatigut makku erseerput:

*"Tamanna tunngavigalugu pisortaqatigiit paasinninnerat unaavoq atorfeqartita-
ninnut tunngasut unioqqutissimagitit, unioqqutitseqqinnerlu atorfeqartitaanikkut
ilinnut annertunerusumik kinguneqarumaarpoq."*

*Aningaasaqarnermik Sulisoqarnermillu Aqutsisoqarfiup tusarniaanermut akis-
sutaanit 21. oktober 2009-meersumit aamma erseerpoq:*

*"Aningaasaqarnermut Naalackersuisoqarfik, Aningaasaqarnermik Sulisoqarner-
millu Aqutsisoqarfik suliap ingerlanerani tamarmiusumi Inunnik Isumaginninnermi
Naalackersuisoqarfimmut siunnersuisutut atuussimavoq. Suliami akissutit toqqaan-
nartut Aningaasaqarnermik Sulisoqarnermillu Aqutsisoqarfimmeersut Inunnik Isu-
maginninnermi Naalackersuisoqarfimmiit inassuteqaatit tunngavigalugit pippit."*

*Aalajangiinermi "pisortaqatigiit paasinninnerat"-nik oqarnermi suna eqqar-
saatigineqarnerneq tamanna tunngavigalugu erseqqarlussorinarpoq.*

*Tusarniaanermut akissummit 21. oktober 2009-meersumit qulaani issuarne-
qartoq takuinnarlugu aamma erseqqarlussorinarpoq, tassami mianersoqqus-
sut Aningaasaqarnermut Naalackersuisoqarfiup allaffissiaa atorlugu nalunaa-
rutigineqarsimammat Naalackersuisoqarfimmilu tassani sulisumit atsiorne-*

qarsimalluni. Tamatuma pissuseqataa mianersoqqussut sioqqullugu suliami il-lua'tungiusup isumaanik tusaarniaanermut aamma atuuppoq.

Suliap Ilaqutariinnermut Peqqissutsimullu Naalackersuisoqarfimmit inassute-qaat tunngavigalugu suliarineqarsimanerata Aningaasaqarnermut Nunanullu Allanut Tunngasunut Naalackersuisoqarfiup suliami siunnersuinerinnarmik suliaqarsimanagera aammattaaq nassatarinngilaa.

Tamatumunnga peqatigitillugu pineqartoq tassaavoq A atorfinitsinneqassasoq Aqutsinermut Pisortaqaqarfiup aalajangiisimanagera. Atorfinitsitsinermit allakkani atorfinitsitsineq oqartussaasup allap piginnaatitsinera tunngavigalugu pisima-nersoq takuneqarsinnaanngilaa.

Unioqqutitseqqinneq atorfeqartitaanermut tunngasutigut kinguneqartinneqas-sasoq naalasseriitsuliorneq pissutigalugu mianersoqqussummi oqaatigineqar-mat tamanna A-p atorfeqartitaanerata suna tunngavigalugu unitsinneqarsin-naaneranik isummernermut takussutissaavoq.

Tamatuma kingornatigut uanga paasinninnera unaavoq mianersoqqussut Aningaasaqarnermut Naalackersuisoqarfiup Naalackersuisoqarfiup taassuma atorfinitsitsinermit oqartussaasutut suliassai tunngavigalugit aalajangiinertut paasisariaqartoq, suliallu oqartussaasup allap inassuteqaataa tunngavigalugu suliarineqarsimanagera Naalackersuisoqarfiup suliamik suliarinninnermut aala-jangiiviginninnermullu akisussaasuuneranut immikkut sunniteqartinneqar-sinnaanngilaa.

Tamannali tunngavilersuisussaataaneq eqqarsaatigalugu immikkut sunnite-qarpoq, tak. immikkoortumi 4.4-mi tamanna pillugu oqaaseqaatikka.

Tamatuma saniatigut pineqartoq tassaavoq allakkat 7. maj 2009-meersut mia-nersoqqussummik tunniussisoqarneranik aalajangiinerunermiinnut peqatigitil-lugu A-mut suliamut atatillugu naalakkiiutaanerat, paaqqinniffiup aningaasaqarneranik Naalackersuisut oqartussaasutut qulliunerusutut imaluunniit paaqqinniffiup ingerlanneqarneranut akisussaasutut suliassaannut atasumik aqutsinermit pissusaaffinut atasumik.

Aningaasaqarnermit Sulisoqarnermillu Aqutsisoqarfiup allagaatinik paasitin-neqarumalluni qinnuteqaammik suliarinninnera pillugu qulaani oqaaseqaatik-ka tamatumunnga atatillugu innersuussutigaaakka.

Taamaattumik isumaqarpunga Aningaasaqarnermit Sulisoqarnermillu Aqutsi-soqarfiup naalakkiummik taamaattumik nalunaaruteqarsinnaaneranik pigin-naatitsissuttip allaganngorlugu pigineqannginnera pitsaanngitsuusoq, naalak-kiutilli taamaattup Ilaqutariinnermut Peqqissutsimullu Naalackersuisoqarfim-mit qularutissaanngitsumik nalunaarutigineqarsinnaanera isiginiarlugu isu-

6. Suliat nalinginnaasumik soqutiginaatillit, inatsiseqartitsiffiusunut agguataakkat

maqarpunga pisinnaatitaasoqarsimangippat tamanna naalakkiutip atuussin-nassuseqannginneranik nassataqarsinnaanngitsoq.

Mianersoqqussut 26. maj 2009-meersoq A-mut naalakkiummik aamma imaqar-poq. Taamaattumik mianersoqqussummi 7. maj 2009-meersumi suliamut ata-tillugu naalakkiut eqqarsaatigalugu piginnaatitsissutip amigaataanera pillugu oqaaseqaatika mianersoqqussummi 26. maj 2009-meersumi suliamut atatil-lugu naalakkiummut aamma atuupput.

1.3.Suliami pisinnaatitaanermik apeqqut pillugu eqikkaallunga oqaaseqaatika

Qulaani oqaaseqaatinnit erserpoq suliap suliarineqarnerata ingerlanneqarne-ra, suliassaqrarfiup sulialluunniit ataasiakkaanut tunngasup aalajangiivigine-qarnera imaluunniit ingerlateqqillugu Naalakkersuisoqarfiup Naalakkersui-soqarfimmut allamut piginnaatitsinera piginnaatitsissummik erseqqissumik uppernarsaasersugaasumillu tunngaveqartariaqartoq.

Piginnaatitsissutilli taamaattup inatsisikkut tunngaveqarani ingerlatsiviup pi-ginnaatitsisup suliamik suliarinninnermut akissussaaffimmit kaanngarnera nassatarisinnaanngilaa.

Tusarniaanermut akissutit suliami tigusakka tunngavigalugit uanga paasinnin-nera unaavoq suliassanik agguataarinermut tunngaviit taakku suliassani su-lisoqarnermik aqutsinermut tunngasuni Aningaasaqarnermut Naalakkersui-soqarfiup isumagisai eqqarsaatigalugit eqqortinneqanngitsut.

Taamaattumik inassuteqaatigaara Naalakkersuisoqarfiup suliassanik oqartus-saasoq alla sinnerlugu suliarinnilinnginnerani allakkatigut piginnaatitsissutip pigineqartarnissaa Naalakkersuisoqarfiup siunissami qulakkiissagaa.

Aamma inassuteqaatigaara suliassat Naalakkersuisoqarfiup oqartussaasumit allamit inassuteqaat tunngavigalugu suliarisai oqartussaasup inassuteqaate-qartup akissussaaffigisaanik ingerlanneqartassasut, Naalakkersuisoqarfik isu-maqarpat apeqqutip inatsisiliornikkut aalajangersaavigineqarnissaa Naalak-kersuisoqarfiup suliniutigissagaa.

2. Mianersoqqusutip 7. maj 2009-meersup tigussaasutigut tunngavia

Aningasaqarnermik Sulisoqarnermillu Aqutsisoqarfiup aalajangiineranit er-serpoq aalajangiineranut tunngavippiaasoq tassaasoq "[A-p] pisortatut sulineq

eqqarsaatigalugu paaqqinniffiup aningaasaqarneranik aqutsinermi aningaasaqarnikkut akisussaassuseqanngitsuliorsimamera".

Aningaasaqarnermik Sulisoqarnermillu Aqutsisoqarfiup "suliame pissusiviusut"-mi nassuiaammi suut erseqqinnerusumik pinerai immikkoortumi tulliuttumi nassuiarneqarpoq.

Tassannga erserpoq Aningaasaqarnermik Sulisoqarnermillu Aqutsisoqarfiup A pissutsit makku pillugit avoqqaarigaa:

- Sulinermut atatillugu angalavallaarunnaaqqullugu siunnersortinillu atuivallaarunnaaqqullugu naalakkiutinik malinnissimannginnera.*
- Sulinermut atatillugu angalanerminik siunnersortillu kiffartuussinerinik atuinermik nalunaarutiginnissimannginnera.*
- Missingersuutini tunngavissaqanngitsumik ilinniartitsinermik ukiuni arlalinni ingerlasussamik aallartitsinermigut missingersuusiortarneq pillugu inatsimmik unioqutitsisimamera.*
- Paaqqinniffiup atuinera mianersoqqussuteqarnerup nalaani ingerlatsinermut aningaasaliissutinit 40,17 %-iunera, naak nalinginnaasooq 28,49 %-iugaluartoq*

Pissutsit ataasiakkaat pillugit oqaaseqaatikka tulliuttuni saqqummiuppakka:

2.1. Sulinermut atatillugu angalavallaarunnaaqqullugu siunnersortinillu atuivallaarunnaaqqullugu naalakkiutinik A-p malinnissimannginnera

Ilaqutariinnermut Peqqissutsimullu Naalakkersuisoqarfiup A allakkatigut 25. august 2008-meersutigut nalunaarfigaa paaqqinniffik ukiup qaammataani siulerni arfineq marlunni akissarsiatigut ingerlatsinikkullu atuivallaarsimasooq:

"(...) aningaasartuutit ukiup sinnerani periarfissaqarfiatigut ikinnerpaaffissaminnitinneqarnissaat ingerlaannaq aallunneqalissasooq. Pingaartumik sulinermut atatillugu angalanertigut atuineq siunnersortinillu atuineq annertuumik annikillisinneqassaaq, ajornangippat unitsinneqavissalluni. Tamatuma saniatigut suliassaqarfiit aningaasartuuteqarfiillu sipaarfiusinnaasut paaqqinniffiup nammineq nassaariniasavai." (Atorfeqarfimmi nutsigaavoq)

Naalakkiut taamaattoq qullersariaanermi piginnaatitsissutit ulloq unnuarlu paaqqinniffiit eqqarsaatigalugit Naalakkersuisut pigisaat tunngavigalugit inatsisinik unioqutitsinani naalakkiutigineqarsinnaavoq, tak. meeqqanik inuusuttunillu ikiorsiisarneq pillugu Inatsisartut peqqussutaanni nr. 1-imi, 15. april

2003-meersumi §§-it 22, imm. 3 aamma 23, imm. 2 siusinnerusukkut issuarneqartut.

Taamaattumik naalakkiut malinneqanngippat tamanna inatsisinik unioqquitsinertut isigineqarsinnaavoq.

Suliami allagaatinit erserpoq A allakkani ullulernerqarsimanningsuni suliap ingerlasimaneranik allaaserinninnermi issuakkanni, Ilaqutariinnermut Peqqisutsimullu Naalackersuisoqarfiup 19. september 2008-mi tigusimasaani paaqqinniffiup missingersuutitigut atuinera pillugu nassuiaateqarsimasoq, oqaatigalugulu atuneq, matumani angalanernik siunnersortillu kiffartuussinerinik atuneq ilanngullugu eqqarsaatigalugu, killilersimaarniarlugu suliniutit suut paaqqinniffiup suliniutigisimagai.

Paaqqinniffiup suliniutigisimasai Ilaqutariinnermut Peqqisutsimullu Naalackersuisoqarfiup piumasaqaatai eqqarsaatigalugit naammassimanersut paasisutissat pigineqartut tunngavigalugit nalilersinnaanngilara. Kisiannili suliami Naalackersuisuni oqartussaasut nassuiaammik isummerfiginnissimanerat pillugu paasisutissat amigaataapput, matumani taanna suliamut atatillugu 23. marts 2009-mi oqaloqatiginninneq sioqqullugu akineqarsimanersoq ilanngullugu eqqarsaatigalugu.

Oqaloqatiginninneq pillugu imaqarnialiamit suliap ingerlasimaneranik allaaserinninnermi siusinnerusukkut issuarneqartumit erserpoq nassuiaat Naalackersuisoqarfiup piumasaqaatai eqqortinniarlugit naammattoq A-p naatsorsutigisimagaa.

Uanga tamanna tunngavigalugu paasinninnera unaavoq Aningaasaqarnermut Nunanullu Allanut Tunngasunut Naalackersuisoqarfik akisummik A-p Ilaqutariinnermut Peqqisutsimullu Naalackersuisoqarfimmu 19. september 2008-mi nassiusaanik Naalackersuisoqarfiullu taassuma nassuiaammut malitseqartitsineranik erseqqinnerusumik naliliiffiginneqqaarani A-p allakkani 25. august 2008-meersuni sulinermut atatillugu naalakkiummut malitseqartitsineranik sulinermut atatillugu unioqquitsinertut isiginnissalluni tunngavissaqarsimanngitsoq.

Aningaasaqarnermut Nunanullu Allanut Tunngasunut Naalackersuisoqarfimmi Aningaasaqarnermik Sulisoqarnermillu Aqutsisoqarfiup pisumik sulianik pissusiviusunik sukumiinerusumik misissueqqaarani naliliiffiginneqqaaranilu inatsisinik unioqquitsinertut isiginnissimanagera pissutissaqanngitsutut isorisariaqartutullu isigaara.

2.2. A-p sulinermut atatillugu angalanerminik siunnersortillu kiffartuussinerinik atuinermik nalunaarutiginnissimannginnera.

Mianersoqqussummi e-mail suliap ingerlasimaneranik allaaserinninninni siusinnerusukkut issuarsimasara innersuussutigineqarpoq, [Ilaqutariinnermut

*Peqqissutsimullu Naalackersuisoqarfiup] A 16. oktober 2008-mi peqquaa suliner-
nermut atatillugu angalanernut, siunnersortit kiffartuussinerinik atuiner-
mut taartaasartunullu 2008-mi aningaasartuutit pillugit paasissutissat ingerlaan-
nartumik nalunaarutigeqqullugit.*

*Isiginninnerit oqaaseqaatip ilaani 2.1-imi oqaatigisama pissuseqataat aallaa-
vigalugit isumaqarpunga peqqusissut taamaattoq inatsisinik unioqqutitsi-
nerunngitsoq, peqqusissutillu malinneqannginnera atorfeqartitaasumut avoq-
qaarinnissutigineqarsinnaasoq.*

*A 20. oktober 2008-mi akivoq napparsimanini pissutigalugu ingerlaannaq
akisinnaanani, sapinngisamilli pilertornerpaamik akiumaarluni.*

*Akissuteqartoqarnissaa [Ilaqutariinnermut Peqqissutsimullu Naalackersuiso-
qarfiup] 27. oktober 2008-mi nukingisaarutigaa.*

*A ulloq taanna akivoq suliner-
mut atatillugu angalanerit pillugit paasissutissat Naalackersuisoqarfiup pigigai,
imaaliallaannarluunniit pissarsiarisinnaagai, siunnersortinullu aningaasartuutit
pillugit paasissutissat suut Naalackersuisoqarfiup piumaneraí erseqqissaqullugu,
tamatumunngalu peqatigitillugu oqaatigalugu isumaqatigiissuterpiaasunik
peqarani, kisiannili akit assigisaallu pillugit paasissutissat arlallit pigigini.*

*Ilaqutariinnermut Peqqissutsimullu Naalackersuisoqarfik 27. oktober 2008-mi
akivoq pineqartut tassaasut siunnersortinut tamanut isumaqatigiissutit, sulia-
mulli atatillugu angalanerit pillugit paasissutissat eqqaanagit.*

*A-p qalleqqillugu 28. oktober 2008-mi oqaatigaa isumaqatigiissusiortoqarsi-
manngitsoq, piffissamilli atuneq akillu pillugit pineqartuni paaqqinniffiup ilin-
niartitsisuinut avataaneersunut isumaqatigiissuteqartoqarsimasoq.*

*Naalackersuisoqarfiup pisortaa (...) 28. oktober 2008-mi akivoq allakkatigut
isumaqatigiissuteqartoqarsimanngippat "taakku qilersuisuusinnaanngitsut a-
torunnaarsinneqarsinnaallutillu."*

*Naalackersuisoqarfiup pisortaata tamatuma saniatigut oqaatigaa aningaasar-
tuutit ataatsimut konto aqqutigalugu akilernerqassappata isumaqatigiissutit
Naalackersuisoqarfiup tigussagai, ukiumilu missingersuusiorfiusumi nutaami
isumaqatigiissuteqartoqarsinnaanngitsoq.*

*Nalunaaruteqaqqusisummut 23. marts 2009-mi suliamut atatillugu oqaloqati-
ginninneq sioqqullugu malitseqartitsisoqarsimanersoq takuneqarsinnaanngi-
laq, oqaloqatiginninnerlu pillugu imaqarniliami allassimavoq A peqquneqar-
toq siunnersortinut avataaneersunut isumaqatigiissutit assilineri nassiteqqul-
lugit. A tamatumunnga peqatigitillugu peqquneqarpoq ukiup affaani kinguller-*

mi sulinermut atatillugu angalasimanini pillugit nassuiaammik nassiusseqqullugu.

A [Ilaqutariinnermut Peqqissutsimullu Naalackersuisoqarfimmut] 1. april 2009-mi allappoq paasissutissat ugartugai nassiukkini.

[Ilaqutariinnermut Peqqissutsimullu Naalackersuisoqarfik] ulloq taanna amerlanerusunik paasissutisseeqqusivoq, A-lu 13. april 2009-mi akivoq paasissutissat taakku nassiukkini.

Uanga tamakku tunngavigalugit paasinninnera unaavoq A sulinermut atatillugu naalakkiummik 16. oktober 2008-meersumik malinnissimangitsutut isornartorsiornissaanut erseqqissumik tunngavissaqanngitsoq.

Taamaalilluni pisoq inatsisinik unioqutitsinertut isigineqassappat A-p aamma Ilaqutariinnermut Peqqissutsimullu Naalackersuisoqarfiup tamatuma kingornatigut allaffigeqatigiittarsimanerannik sukumiinerusumik naliliiviginnittoqarsimanissaa piumasqaataasoq.

Aningaasaqarnermik Sulisoqarnermillu Aqutsisoqarfik taamatut naliliisimangimmat uanga paasinninnera unaavoq Aningaasaqarnermik Sulisoqarnermillu Aqutsisoqarfik pisumik inatsisinik unioqutitsinertut isiginninnissaminut naammattumik tunngavissaqarsimangitsoq, taamaattumillu aalajangiineq pissutissaqanngitsutut isorisariaqartutullu isigaara.

Matuma oqaatiginissaanut pissutissaqarlunga aamma isumaqarpunga, tassalu isumaqatigiissutit isumaqatigiissutit ilusiliilluni isumaqatigiissutigineqarsimangitsut qilersuisuunnginnerannik atorunnaarsinneqarsinnaanerannillu Ilaqutariinnermut Peqqissutsimullu Naalackersuisoqarfiup A-mut oqarsimanagera eqqortuunngitsutut isigigiga. Isumaqatigiissutit pillugit inatsimmi § 1-ikkut aalajangersarneqarpoq inatsimmi allatut aalajangersaasoqarsimangippat isumaqatigiissutit qilersuisuusut, taakku qanoq ilusilerlugit isumaqatigiissutigineqarsimanagerat apeqqaatinnagu.

A-p ukiunut arlalinnut isumaqatigiissuteqarsimanageranik isornartorsiuineq pillugu tulluuttumi 2.3-mi oqaaseqaateqarpunga.

2.3. A-p missingersuutini tunngavissaqanngitsumik ilinniartitsinermik ukiuni arlalinni ingerlasussamik aallartitsinermigut missingersuusiortarneq pillugu inatsimmik unioqutitsisimanera

Mianersoqqussutip oqaasertai suliap ingerlasimanageranik allaaserinninnermi siusinerusukkut issuarneqartut imaapput:

"Sulisut ukiuni 4-nik sivisussusilimmik ilinniartinnissaannut suliniummik aallartitsivutit taamaalillutillu ukiut aningaasaliiffiusussat arlallit aqqusaartussanngortillu-

*git – suliniut anningaasaqarnikkut paaqqinniffiup nammineq aningaasatigut atugas-
saasa iluanni matussuserneqarsinnaanngitsoq. Aningaasanut inatsimmi ilinniartit-
sineq pillugu suliniummut aningaasanik illuartitsisoqarsimannngimmat tamanna mis-
singersuusiornermut inatsisunik unioqqutitsineruvoq, tassami ukiuni aningaasaliif-
fiusuni ataasiakkaani aningaasaliissutaasut iluanni taamaallaat atuisoqarsinnaa-
titsisoqarmat - ingerlataq taanna tamatuma saniatigut akuerineqarsimanngilaq."
(Atorfeqarfimmi nutsigaavoq)*

*Issuarneqartut imatut paasivakka A ingerlatamik paaqqinniffiup missingersuu-
taani killissaliussat iluanni akilerneqarsinnaanngitsunik aallartitsisimasoq, A-
llu ingerlatap taassuma aningaasanut inatsisikkut aningaasaliiffigineqarnera
qulakkiinnnginnamiuk missingersuusiortarnek pillugu inatsit unioqqutissi-
magaa, tassami ingerlatap ukiuni aningaasaliiffiusuni arlalinni ingerlasussaa-
nera immikkut sunniuteqartillugu isiginiarneqarsimammat. A ingerlatap akue-
rineqarsimannginnera pillugu tamatuma saniatigut avoqqaarineqarpoq.*

*Siullertut oqaatigaara aningaasaliissutitigut matussutissaqanngitsunik Nam-
minersornerullutik Oqartussanut/Namminersorlutik Oqartussanut aningaasar-
tuutissiineq atorfeqartitaasumut aallaavittut avoqqaarinnissutigineqarsinnaa-
soq, tak. Kalaallit Nunaanni Namminersornerullutik Oqartussat missingersuu-
taat pillugit Inatsisartut inatsisaanni § 1, imm. 3:*

*"Aningaasaliissuteqarnissamik sioqqutsisumik akuersissuteqartoqareertinnagu ani-
ngaasartuuteqarnanilu aningaasanik atuisoqarsinnaanngilaq."*

*Ukiunut arlalinnut atuuttumik isumaqatigiissutinik aningaasaliisarnek pillugu
inatsiseqartitsineq tunngavigalugu suliarinninnermik apeqqut pillugu immik-
kut oqaatigaara mianersoqqussutip tamanna pillugu oqaasertai [Ilaqutariin-
nermut Peqqissutsimullu Naalakkersuisoqarfiup] mailikkut nassiussaa 28. ok-
tober 2008-meersoq aamma suliamut atatillugu 23. marts 2009-mi oqaloqati-
ginnineq pillugu imaqarniliaq naapertorlugit paasisariaqariga, tassami al-
lagaatinit marlunnit taakkunanga - pingaartumik aallaavittut - ersermat isu-
maqatigiissutinik ukioq aningaasaliiffiusoq ataaseq sinnerlugu ukiut arlalit i-
ngerlasussanik isumaqatigiissuteqartoqarsinnaanngimmat, aningaasanut inat-
simmi siumoortumik ilanngussisoqareersimatinnagu.*

*Oqaatigaara missingersuusiortarnek pillugu inatsimmi § 1, imm 3, Tunngaviu-
sumik Inatsimmi § 46, imm. 2-p assigisaa eqqarsaatigalugu, manna nassatari-
gaa, tassalu inatsisikkut immikkut ittumik tunngavissaqarani pisussaaffiliisu-*

mik ukiumut aningaasaliiffiusumut kingusinnerusumut tunngasumik isumaqatigiissuteqartoqarsinnaanngitsoq⁴⁷.

Ilaatigulli pineqartoq tassaavoq inatsisikkut tunngavissap aningaasanut inatsisikkut aningaasaliinermi allaasumik pissarsiarineqarsinnaanera, ilaatigullu aningaasaliissuteqarnermi piumasaqaatini ilaasinnaasoq ukiumut aningaasaliiffiusumut kingusinnerusumut sunniuteqartumik atuisoqarsinnaanera. Inatsiseqartitsinikkut inissisimanerup, isumaqatigiissuteqartoqassappat aningaasaliissuteqarnissamut tunngavissaqarnissamik pinngitsoorani piumasaqaateqarfiusup, oqartussaasut ukiunut arlalinnut atuuttunik isumaqatigiissuteqarsinnaanerat imaluunniit eqqiaaneq aamma IT-mut tunngasutigut siunnersuineq pillugit kiffartuussineq pillugu ingerlaavartunik isumaqatigiissuteqarsinnaanerat ajornarsisilluinnartussaavaa.

Taamaalilluni atorfeqartitaasoq ukioq aningaasaliiffiusoq ataaseq sinnerlugu isumaqatigiissuteqarsimanera pillugu avoqqaarineqassappat piumasaqaataasussaavoq isumaqatigiissuteqarsimanermut aningaasanut inatsisip avataatigut inatsiseqartitsinikkut tunngavissamik piusoqassanngitsoq, ukiorlu aningaasaliiffiusoq ingerlasoq sinnerlugu inatsiseqartitsinikkut sunniuteqartumik isumaqatigiissuteqarsimaneq aningaasanut inatsimmi aningaasaliissutitigut pineqartutigut tunngaviusimasutut isigineqarsinnaassanngitsoq.

Aningaasaliissutit aningaasanut inatsimmi kontokkut kukkusukkut akilerneqarpata aningaasaliinissamut tunngavissaqarani aningaasartuuteqarneq pineqarnaviannigilaq, naatsorsuutinulli kukkusunik inissiineq pineqassalluni, taamatuttaarlu aningaasaliisarneq pillugu malittarisassat unioqquutinneqarsimaniaralik pisortani atorfeqartitaasoq aningaasaliissutinik atussallugit pisinnaatitaaffiginngisaminik atuisimappat.

Ulloq unnuarlu paaqqinniffimmut (...) -mut 2007-imi 2008-milu missingersuutitigut killissaliussanik apeqqut pillugu oqaatigaara:

Meeqqanik inuusuttunillu ulloq unnuarlu nuna tamakkerlugu paaqqinniffinnut, matumani paaqqinniffik ilanngullugu eqqarsaatigalugu, aningaasanut inatsisikkut aningaasaliissutit konto 30.10.37-miipput, aningaasaliissutillu aningaasartaat eqqaassanngikkaanni aningaasanut inatsisini marlunni taakkunani assigiimmik allaaserineqarsimallutik.

Aningaasaliissutit ilaatigut tassaapput paaqqinniffinnut ataasiakkaanut ingerlatsinermut aningaasaliissutit, ilaatigullu ataatsimut konto, taassumalu atornerqarnissaa oqaasertaliussani imatut allaaserineqarpoq:

"Konto pingarneq manna aqquutigalugu aningaasartuutit, misilittakkat malillugit allanngorarujussuarsinnaasut, taamaattumillu angerlarsimaffit ataasiakkaat missi-

47) Max Sørensen, "Statsforvaltningsret", 1977-imi aappasaanik naqitertitami qupperneq 232.

ngersuutaannut ilanngunneqartussatut naleqqutinngitsut akilerneqartarput. Tassani pingaartumik sulisut atorfininnerannut soraarnerannullu atatillugu angalanernut, atorfiit inuttassarsiornerinut, sulisut sulinnigiffeqarnerminni akiliunneqarlutik angalaneranut, inissiigallarnernut, pikkorissartitsinernut kiisalu angerlarsimaffiit illuutaanni taakkulu teknikkikkut atortulersuutaanni ajoqusikkanut siumut naatsorsuutigineqanngitsunut, sillimatinillu aningaasartuutit pineqarput."

Paaqqinniffinnut ataasiakkaanut ingerlatsinermut aningaasaliissutit inissat tamarmik atorneqarnerannik tunngaveqarpoq, taamaalillutik aningaasaliissutit inissat tamakkiisumik atorneqarsimannigippata taakkununnga naapertuuttumik ikilineqartarlutik.

Aningaasartuutit kommunit atuinermut akiliutaasigut isertitassatut missingersuutigineqartunit akilerneqartarput.

Aningaasanut inatsit aningaasartuutit suut paaqqinniffinnut ataasiakkaanut ingerlatsinermut aningaasaliissutitigut akilerneqarsinnaanersut ilitersuummik erseqqinnerusumik imaqanngilaq.

Paaqqinniffiit suliassamik meeqqanik inuusuttunillu ikiorsiisarneq pillugu Inatsisartut peqqussutaanni allaaserineqarsimanerat aamma aningaasaliisarneq pillugu inatsiseqartitsinermik ilusiliisimaneq pissutigalugu tassaapput pi-sortani oqartussaasut nammineertut, Naalakkersuisuni naalakkersuisoqarfiup isumaginninnermut tunngasutigut suliassaqaarfiusup allersarisai.

Tamatuma manna nassatarisariaqarpar, tassalu paaqqinniffiit pisortaasa inatsiseqartitsinerup atuuttup killissarititaasa killissalersuutillu aningaasartuutit aalajangersimasut arlallit ataatsimut kontokkut akilerneqartussaaneriniittut iluanni paaqqinniffinnut pineqartunut ingerlatsinermut aningaasaliissutinik namminneq atuisinnaatitaanerat.

Taamaattumik A-p pikkorissartitsinerni ilinniartitsisunik atorfinitsitsinermut atatillugu atuineri missingersuusiortarneq pillugu inatsimmik unioqqutitsisutut isigineqassappata aningaasartuutit taakku konto 30.10.37-mi aningaasaliissutitigut akilerneqarsinnaasimanersut, taamaappallu ukioq aningaasaliiffiusoq qaangerlugu isumaqatigiissuteqartoqarsinnaanera tunngaviusimanersoq missisuisoqarsimanissaa piumasagaataasariaqarpoq.

Konto 30.10.37 pillugu oqaasertaliussanit erserpoq pikkorissartitsinernik ingerlatsinerit kontop taassuma siunertaanut ilaasut.

Ingerlataq aningaasanut inatsimmi aningaasaliissutit tunngaviillu qulaani taaneqartut eqqarsaatigalugit naliliiffigineqarsimanersoq paasissutissani tigusanni takuneqarsinnaanngilaq, tamannalu tunngavigalugu isumaqarpunga pisumik Aningaasaqarnermut Nunanullu Allanut Tunngasunut Naalakkersuisoqarfimmi Aningaasaqarnermik Sulisoqarnermillu Aqutsisoqarfiup avoqqaar-

liutigisariaqartutut isiginnissimanera tunngavissaqaranilu isorisariaqartuusoq.

Tassani aamma ilaavoq A ingerlatamut aningaasartuutit taakkuluunniit aningaasaliissuteqarnissamut tunngavissaqarani akilerneqarsimanerisa kingunerisaannik avoqqaarineqarsinnaassappat Ilaqutariinnermut Peqqissutsimullu Naalackersuisoqarfiup qullersarisaasutut paaqqinniffillu eqqarsaatigalugu missingersuutinut akisussaasutut ingerlatamik akuerinnissimanniginnissaata piumasagaataanera.

Ingerlataq akuerineqarsimanngitsoq mianersoqqussummit erserpoq.

A-p Ilaqutariinnermut Peqqissutsimullu Naalackersuisoqarfimmut nassuiaammini 13. april 2009-meersumi atortussaatiippaa ingerlataq taassumalu aningaasalersorneqarnera ulloq unnuarlu paaqqinniffinnut immikkoortortaqarfimmit akuerineqarsimasut.

Aningaasaqarnermik Sulisoqarnermillu Aqutsisoqarfiup A-p naalasseriitsuliorneq pissutigalugu mianersoqquneqarnissaanik aalajangiinnginnerani A-p tamanna pillugu paasissutissiisutaanik Aningaasaqarnermik Sulisoqarnermillu Aqutsisoqarfiup sukumiinerusumik misissuisimanissaa uanga paasinninnera malillugu manna pisariaqartuusimavoq.

Taamatutaaq Aningaasaqarnermik Sulisoqarnermillu Aqutsisoqarfiup taamatut misissuisimanniginnera isorisariaqartutut isigaara.

2.4. Paaqqinniffiup atuinerata mianersoqqussuteqarnerup nalaani ingerlat-sinnermut aningaasaliissutinut 40,17 %-iunera, naak nalinginnaasoq 28,49 %-iusaraluartoq

Tamanna pillugu oqaatigaara Aningaasaqarnermik Sulisoqarnermillu Aqutsisoqarfiup aningaasaliissutinik pissutsinut sanilliussilluni atuivallaarsimaneq atorfilittamut missingersuutinut akisussaasumut avoqqaarinnissutigineqarsinnaaneranik oqarnera isumaqatigigiga, naak atuineq aningaasaliissutinik tamatuma nalaani (suli) sippuiffiunngikkaluartoq.

Taamaaliortoqassappalli aningaasaliissutit atuinerup paasineqartup nassatarisaanik sipporneqarnissaannik ilimaginninnissamut tunngavissaqarnissaa piumasagaataavoq.

Tassani aamma ilaavoq aningaasaliissutit taakkununnga killissaliussat qilersuisuusut pineqarnissaat. Taamaalilluni aningaasaliissutit inatsisikkut aalajangersagaasumik aningaasartuutit aningaasanut inatsisip akuerineqarnerata

- 48) Ilaqutariinnermut Peqqissutsimullu Naalackersuisoqarfiup A-mut allagaani 25. august 2008-meersuni suliap ingerlasimaneranik allaaserinninninni siusinnerusukut issuakkanni 19 %-it missaannik sippuinertut nalilerneqartoq.

nalaani naatsorsuutigereerneqanngitsut pissutigalugu sipporneqarpata Inatsisartulluunniit aningaasaliissutinik sippuisinnaaneq allamik tunngaveqarlutik naatsorsuutigisimappassuk tamanna inatsisinik unioqqutitsinerusinnaanngilaq.

Paaqqinniffimmik ingerlatsinermut aningaasaliissutini inatsisikkut aalajangersagaasunik aningaasartuuteqarnerisoeq apeqqut pillugu oqaatigaara meeqqanik inuusuttunillu ikiorsiisarneq pillugu Inatsisartut peqqussutaanni § 24-mit makku ersertut:

"§ 24. Ulloq unnuarlu paaqqinniffiit Inatsisartut peqqussutaanni matumani pineqartut, meeqqanik paaqqinniffimmut kommunalbestyrelsemit inissikkumaneqartunik tigusinissaminnik pisussaapput, tamatumuuna inissaqartitsigunik aammalu inissiinis-saq paaqqinniffiup siunertaanut naapertuuppat. Kommuni paaqqinniffillu inissiinis-saq pillugu isumaqatigiinngissuteqarpata, apeqqut Naalackersuisunut aalajangiiffi-gisassanngorlugu saqqummiunneqassaaq.

Imm. 2. Naalackersuisut ulloq unnuarlu paaqqinniffiup kommunalbestyrelsimik suleqateqarluni isumaginninnermi perorsaanermut tunngasunik allanik suliaqarsinnaanera pillugu aalajangersaasinnaapput, tamatumani ilanngullugu akiliuteqarnis-samik aalajangersakkat."

Tulliullugu oqaatigaara oqaaseqaatit imaattut Inatsisartut 2009-mi aningaasanut inatsisaanni konto 30.10.37-mut ilanngunneqarsimasut:

"Kontomut pingaarnermut 30.10.37-mut nuna tamakkerlugu meeqqanut inuusuttunullu angerlarsimaffiit

Kontomi pingaarnermi 30.10.37-mi, Nuna tamakkerlugu meeqqanut inuusuttunullu angerlarsimaffiit, atuinerussutit atuinikinnerussutilluunniit ukiup naatsorsuusiortarfiusup kingorna ukiumut aningaasaliiffiusumut tulliuttumut nuussinissamut Ilaqutariinnermut Peqqissutsimullu Naalackersuisoeq piginnaatinneqarpoq."

Aningaasanut inatsimmi oqaasertaliussat pillugit oqaaseqaatinit erserpoq:

"Piginnaatitsissut naapertorlugu pineqartut pillugit missingersuusiortarnerit naatsorsuutitigullu malinnaaqittarnerit pisariillisaavigineqassapput. Suliassaqarfik Ilaqutariinnermut Pisortaqaqfimmik ingerlanneqarpoq, kisiannili kommuninit akilernerqartarluni, isumaqatigiissullu pineqartoq Namminersornerullutik Oqartussat aamma KANUKOKA-p akornanni ataatsimut tapiissutit pillugit isumaqatigiissummut ilaavoq. Kommuninut ataatsimut tapiissutit pillugit isumaqatigiissummut atatil-lugu nuna tamakkerlugu meeqqanut inuusuttunullu angerlarsimaffinni atuinerussu-tit atuinikinnerussutilluunniit ukiumi aningaasaliiffiusumi tulliuttumi siullermi na-

6. Suliat nalinginnaasumik soqutiginaatillit, inatsiseqartitsiffiusunut agguataakkat

leqqussarneqarnissaat aalajangersakkami siunertarineqarpoq. Oqaasertaliussat AI 2008-mit ingerlateqqitaapput."

Taamaattumik uanga paasinninnera unaavoq pisoq inatsisinik unioqquitsiner-tut isigineqassappat aningaasaliissutitigut killissaliussat saniatigut atuine-rusoqarsimappat atuineruneq imaannersoq taanna kommuninit matuneqarta-riaqarnersoq pisariaqarpallu ukiumut aningaasaliiffiusumut aggersumut oqaasertaliussat tunngavigalugit nuunneqartariaqarnersoq sukumiinerusumik naliliisoqarsimanissaa aamma piumasagaataassasoq.

Taamatut isiginnittoqassappat atuineruneq paaqqinniffiup allannortiterne-garneranut atatillugu inissiigallarnernut aningaasartuutunik pisariaqartunik pissuteqartinneqarsinnaanersoq isummerfiginninnermik aamma piumasagaat-eqarfivoq.

Taamatut naliliisoqarsimangitsoq takuneqarsinnaavoq, tamannalu tunngavi-galugu ingerlatsinermut aningaasaliissutinit 40,17 %-inik atuinerusimanerup inatsisinik unioqquitsinertut A-mut avoqqaarinnissutigineqarsimanagera pissu-tissaqanngitsutut isorisariaqartutullu isigaara.

2.5. Mianersoqqussut 7. maj 2009-meersoq pillugu eqikkaaneq

Uanga paasinninnera unaavoq Aningaasaqarnermik Sulisoqarnermillu Aqut-sisoqarfiup suliamik suliarinninnera suliap qaapiaannartumik erseqqissumillu amigartumik misissorneqarsimaneramik takutitsisusooq, tamatumalu A-p mia-nersoqqussummi tunngavilersuutitut inatsisinik unioqquitsimanerarneqarnera pisariaqarneratut annertutigisumik uppernarsaasersugaanngitsutut saqqum-mersippaa.

Tamatumunnga atatillugu oqaatigaara mianersoqqussut A-p pissusilersorne-ranik missiliuussinikkut naliliineq tunngavigalugu tunniunneqarsimasutut i-sikkoqanngitsoq, unioqquitsinerillu pineqartut pissutigalugit naalasseriitsu-liornermut pineqaatissiissutitut pissuseqarluni, tak. aalajangiinnermut tunnga-vilersuut pillugu immikkoortumi 4.5-imi oqaaseqaatika, tassami unioqquiti-seqqittoqarpat atorfeqartitaanermut tunngasutigut kinguneqartitsisoqarnissaa sioorasaarutigineqarmat. Naalasseriitsuliorneq pissutigalugu naliliinikkut pi-neqaatissiissutitut mianersoqqusisoqassappat imaluunniit allatut uparuaa-soqassappat pineqaatissiissutip siumut sammisuutinneqarnissaa⁴⁹ aamma piu-

49) FOB 2005.258.

masaqataasariaqarpoq, tassa imaappoq atorfeqartitaasoq pineqartooq pissusilersornini allanngooqullugu peqquneqassasoq.

Taamaattumik inassuteqaatigaara mianersoqqussut tunuartinneqassasoq imaluunniit suliaq suliareqqilerneqassasoq, kukkunerit paasineqartut aaqqinnegarnissaat siunertaralugu.

3. Mianersoqqussutip 26. maj 2009-meersup tigussaasutigut tunngavia

Suliap ingerlasimaneranik allaaserisanni issuarneqartutut mianersoqqussummit erserpoq A-p "pissusilersortarnera" aamma "pitsaasumik suleqatiginninnissamut piumassuseqannginera" pissutigalugit mianersoqquneqartooq.

Mianersoqqussummili suliami pissusiviusut pillugit nassuiaammi A-p Ilaqutariinnermut Peqqissutsimullu Naalakkersuisoqarfimmut mailikkut nassiussaa 7. maj 2009-meersoq siusinnerusukkut issuarneqartooq kisimi innersuussutigineqarpoq, tassanilu paaqqinniffiup ulluinnarni pisariaqartitanik pisiniarsinnaanerata, paaqqinniffiup biiliata orsersorneqartarnissaata, sapaatip akunnerata naaneranut aggersumut atatillugu napparsimasoqarnerani taartaasumik aggeqqusisoqarnissaata, paaqqinniffiup angallataata piareersarneqarneranut aningaasartuutit akilernissaasa paaqqinniffimullu ilaatigut IT, oqarasuaatit, imeq, innaallagiaq, oliamik ikummatissamik immiisarneq, eqqagassat, anartarfinnut tankip imaarneqarnisaa angallateeraatilinnullu ilaasortaaneq eqqarsaatigalugit kiffartuussineq pillugu isumaqatigiissutit ingerlaannarsinnaanerisa akuerineqarnissaat A-p qinnutigaa.

Mianersoqqussutip immikkoortuani "pisortaqatigiit tunngavilersuutaannut" tunngasumit ilaatigut makku erserput:

"Aqutsisoqatigiit isumaat suli unaavoq, tassalu paaqqinniffimmi suliasat isumatusaartumik aaqeeqqataaffiginissaannut piumassuseqanngitsutit.

Aammattaaq pisortaqatigiit isumaat unaavoq, tassalu illit pisortarisavillu qaninnerup akornanni ajunngitsumik suleqatigiinnissamut piumassuseqanngitsutit, tamatumalu saniatigut illit pisortarisavillu qaninnerpaap akunnissinni pitsaasumik suleqatigiinnissamut illit naleqqutinngitsumik pissusilersortarnitit kajumissaataanngiluinnarlutik.

Tamatuma saniatigut pisortaqatigiit isumaat aammattaaq unaavoq illit ilungersuusisuunngitsuusutit suliallu ilungersunartuunera paasisimangikkitt, mailimik taamaattumik pisortarisannut nassiussisinnaaguit." (Atorfeqarfimmi nutsigaavoq)

Mianersoqqussut immikkoortumik imaattumik aammattaaq imaqarpoq:

"Paaqqinniffimmi suliassat atuuttut aaqqiiviginissaannut ajunngitsumik peqataanisamat piumassuseqanngissutsit pisortarisannut qaninnerpaamut isumatusaartumik suleqatiginninnissaq eqqarsaatigalugu allangortinngikkukku tamanna ilinnut atorfeqartitaaninnut tunngatillugu annertunerusumik kinguneqassaaq." (Atorfeqarfimmi nutsigaavoq)

Issuarneqartumi siullermi immikkoortut siulliit marluk A-p sulinera Aningaasaqarnermik Sulisoqarnermillu Pisortaqarfiup sutigut naammaginnginneraa erseqqissaatinik imaqqanngilaq, immikkoortumulli issuarneqartumut kingullermut ataneqartillugu isigineqartariaqarluni.

Taamaattumik uanga paasinninnera unaavoq mianersoqqussut A-p [Ilaqutariinnermut Peqqissutsimullu Naalackersuisoqarfimmut] e-mailia 7. maj 2009-meersoq tunngavigalugu naalasseriitsuliornermut qisuariaataasoq, tamatumunngalu peqatigitillugu naliliinikkut mianersoqqussutaasoq, tak. immikkoortumi 2.5-imi taaguutit marluk taakku pillugit oqaaseqaatikka.

Uanga paasinninnera unaavoq sulisunit qullersarisanut pisariaqanngitsumik saaffiginnissutit pisut qanoq ituunerat aalajangiisuutillugu sulinnermut atatilugu unioqquitsinertut isigineqarsinnaasut.

Mianersoqqussut pissutissaqartutut isigineqassappat A-p e-mailia 7. maj 2009-meersoq mianersoqqussummi A-p ulloq taanna tigusaani naammaginngitsumik tunngavilersuutigineqarsimasoq piumasaqaatigineqartariaqarpoq.

A-p [Ilaqutariinnermut Peqqissutsimullu Naalackersuisoqarfimmut] tamatuma kingornatigut e-mailianit 7. maj 2009-meersut aamma eqqartuussissuserisup (...) -p tusarniaanermut akissutaanit 25. maj 2009-meersunit, tamarmik suliap ingerlasimaneranik allaaserinninnermi issuarneqarsimasunit, erserpoq saaffiginnissut naalakkiutip mianersoqqussummut 7. maj 2009-meersumut ilaasup uuma annertussusianik nalornissutiginninnermik pissuteqartutut A-p nassuiarsimagaa:

*"Isumaqatigiissutit **tamarmik** siunnersortinut assigiinngitsunut tunngassutillit aningaasaqarnikkullu iliuutsit illit massakkut ingerlatatit ingerlaannartumik unitsinneqassapput. Tamatuma kingorna aningaasatigut iliuutsit **tamarmik** kiisalu sulisilluni angalanerit pilersinnagit illit qaninnerpaatut pisortarisannit akuersissutigineqartassapput."*

*Naalakkiutip oqaasertaligaanerata nalornissutigineqarsinnaanera imaaliallaannaq isumaqatigaara. Pingaartumik "aningaasatigut iliuutsit **tamarmik**" -p*

malunnartinniarneqarnera naalakkiutip imarisaanik nalornissutiginnilersit-sisinnaavoq.

Uangali tamatumunnga peqatigitillugu paasinninnera unaavoq tamatuma manna illua'tungerisariaqaraa, tassalu ingerlaavartumik aningaasartuutit paaqqinniffiup ingerlanneqarneranut pisariaqartut siumoortumik akuerite-reertassagai paaqqinniffik naalakkerneqassasoq Ilaqutariinnermut Peqqissut-simullu Naalackersuisoqarfiup siunertarisimagaa.

A-p ingerlaavartumik pisinerit paaqqinniffiup ingerlanneqarneranut pisariaqartut tamaasa paaqqinniuffiullu kiffartuunneqarnera pillugu isumaqatigiissutit ingerlaavartut pisortatigoortumik akuereqqullugit qinnuiginninnera pissutissaqanngitsoq Naalackersuisoqarfiup isumaqarnera tamatuma kingornatigut ilalersinnaavara, tassami isumaqatigiissummi erseqqarluttoq taanna naalakkiutip qanoq annertutiginnera erseqqissaqqullugu qinnutiginninnikkut qulaajartinneqarsimasinnaagaluarmat.

Naalakkiutilli oqaasertalerneqarnerata erseqqarlunnera isiginiarlugu aamma isumaqarpunga A-p saaffiginnissuteqarnera eqqarsaatigalugu mianersoqqussummik naalasseriitsuliornermut pineqaatissiinikkut qisuariarneq pisut qanoq ittuussusiannut naapertuussimanngitsoq, tassami erseqqissaalluni ilitersuineq naammassineqarsimasariaqaraluarmat.

Taamaattumik inassuteqaatigaara mianersoqqussutip ilaa naalasseriitsuliornermut tunngasoq tunuartinneqassasoq.

Mianersoqqussutip naliliinertanut tunngasoq eqqarsaatigalugu oqaatigaara tamatuma pissutissaqarneranik naliliinissannut naammattumik tunngavissaqanngitsunga, tassami mianersoqqussutip ilaa taanna immikkut tunngavilersugaanngimmat, tamannalu immikkoortumi mianersoqqussummut tunngavilersuinnermut tunngasumi kingusinnerusumiittumi erseqqinnerusumik iserfigiu-maarpara.

Taamaattorli matuma oqaatiginissaanut tunngavissaqarlunga isumaqarpunga, tassalu pisumut taannaasumut mianersoqqussut ataatsikkut siumut sammisuul-lunilu kingumut sammisuusinnaanngitsoq. Mianersoqqussut A-p [Ilaqutariinnermut Peqqissutsimullu Naalackersuisoqarfimmu] mailikkut nassiussaani 7. maj 2009-meersuinnarmik tunngaveqaruni naalasseriitsuliornermut pineqaatissiissutaassaaq, tassa imaappoq kingumut sammititaassaaq, imatut paasil-lugu taassuma inatsiseqartitsinikkut sunniutaa pisumik mianersoqqussuteqarnermut pissutaasumik pisoqaqqinneranut tunngatinneqassasoq, naliliinikkulli mianersoqqussut siumut sammititaasoq atorfeqartitaasup pissusilersornermi-

nik malunnaatilinnik allannqortitsinissaanut pinngitsoorani tunngasuusariaqarluni.

4. Mianersoqqussut 7. maj 2009-meersoq sioqqullugu suliamik suliarinninneq, matumani suliamut atatillugu 23. marts 2009-mi oqaloqatiginninneq, eqqartuussissuserisup (...) -p allagaatinik paasitinnegarumalluni qinnuteqaataa, suliami illua'tungiusup isumaanik tusarniaanerup ingerlanneqarnera, aalajangiinermik tunngavilersuineq aamma aalajangiinerup nalunaarutigineqarnera ilanngullugit eqqarsaatigalugit.

4.1. Suliamut atatillugu 23. marts 2009-mi oqaloqatiginninneq

Suliamut atatillugu 23. marts 2009-mi oqaloqatiginninnissamut aggeqqusisutip amigarnera eqqartuussissuserisup (...) -p naammagittaalliuutigaa.

Aggeqqusissummit 19. marts 2009-meersumit suliap ingerlasimaneranik allaserinninnermi issuarneqartumit erserpoq oqaloqatiginninneq matuminnga siunertaqartoq "immikkoortut uku aallaavigalugit paasissutissanik amerlanerusunik pissarsiniarneq - aningaasanik atuivallaarneq - sulinermut atatillugu naalakkiutigineqartumik malinninnginneq - pissusilersornerit ataatsimut isigalugu".

Oqaloqatiginnissutigineqartussat taakku itisilerneqaqqullugit A-p e-mailikkut 10. marts 2009-meersukkut qinnutigaa, tamannalu [Ilaqutariinnermut Peqqisutsimullu Naalakkersioqarfiup] 11. marts 2009-mi itigartitsissutigaa "qulequttat naammattumik erseqqissuseqarnerat" innersuussutigalugu.

Eqqartuussissuserisup (...) -p oqaloqatiginnissutigineqartussat itisileqqullugit [Ilaqutariinnermut Peqqisutsimullu Naalakkersuisoqarfimmut] 11. marts 2009-mi siullermik qinnutigaa, aappasaanillu P-mut 12. marts 2009-mi qinnutigalugu. Eqqartuussissuserisup (...) -p P-mut tamatuma kingornatigut saaffiginnissummini 12. marts 2009-meersumi P-p oqarasuaatikkut oqaloqatigineqarnera innersuussutigaa, tassanilu oqaloqatiginnissutigineqartussat - sulinermut atatillugu naalakkiutigineqartumik malinninnginneq - pissusilersornerit ataatsimut isigalugu"-p itisilerneqarnissaasa itigartitsissutigineqarnerat aalajangiisimavaa.

Siullertut oqaatigaara A-p 23. marts 2009-mi oqaloqatigineqarnissaminik kisaatigisaata [Ilaqutariinnermut Peqqisutsimullu Naalakkersuisoqarfimmit] akuerineqarsimanagera eqqartuussissuserisup (...) -p piffissaq ataatsimiiffiususaq pillugu allaffigeqatiginninnerani Aningaasaqarnermik Sulisoqarnermillu Aqutsisoqarfimmit eqqumaffigineqarsimanninnera pitsaangitsutut isigigiga. Tulliullugu oqaatigaara oqartussaasup qulliunerusup aqutsinermut piginnaatitaanermi ilagitillugu oqartussaasoq alliunerusoq paasissutisseeqqullugu

nassuiaateqaqqullugulu nalinginnaasumik piumasaqaateqarfigisinnaagaa, oqartussaasullu qulliunerusup oqartussaasumi alliunerusumi sulisut tamatumunnga atatillugu ataatsimiinnernut aggeqqusinnaagai.

Oqartussaasup alliunerusup taassumalu sulisuisa matumani oqartussaasoq qulliunerusup kissaatigisaminik sukumiinerusumik tunngavilersueqqullugu nalinginnaasumik piumasaqaateqarfigisinnaangilaat, tassami oqartussaasoq alliunerusup suliami taamaattumi suliami illua'tungiusutut malittarisassatut pingaarnertut isigineqarsinnaangimmat⁵⁰.

Paasisutissiisoqarnissanilli nassuiaasoqarnissanilluunniit kissaatigisaq atorfeqartitaasumut pineqartumut nanertuutaasumik aalajangiisoqarniarner-soq naliliinissamik siunertaqarpat ingerlatsineq pillugu inatsiseqartitsiner-mi suliami illua'tungiusutut inissisimaneq pillugu malittarisassat atuupput, matu-mani suliami illua'tungiusut eqqarsaatigalugit ingerlatsiner-mi ileqqorissaar-neq ilanngullugu eqqarsaatigalugu.

Oqartussaasup pisortani atorfeqartitaasoq pillugu naammagittaalliuutip mi-sissorneqarnissanik aalajangiinerup immi atorfeqartitaasup suliami illua'-tungiusutut inissisimaler-nera nassatarinngilaa. Naammagittaalliuulli atorfe-qartitaasup naalasseriitsuliorneranut pineqaatissiinissamik naliliinikkulluun-niit pineqaatissiinissamik aalajangiinnissamut tunngavissaqarner-soq paasi-niaanissamut pissutissaqalersitsippat atorfeqartitaasoq pineqartoq suliami il-lua'tungiusutut inissisimalissaaq.⁵¹ Tamatuma pissuseqataa atuuttariaqarpoq oqartussaasup pisumik naammagittaalliummit allaasumik tunngaveqarluni misissuineq atorfeqartitaasoq eqqarsaatigalugu nanertuutaasumik aalajangi-ner-nik inernilerneqarsinnaasoq aallartippagu.

Naalasseriitsuliorneq tunngavigalugu oqaloqatiginninnissamut aggeqqusis-summit aamma oqaloqatiginninneq pillugu imaqarniliamit erserpoq ulloq un-nuarlu paaqqinniffiup (...)p missingersuutai aamma pissutsit A-mut tunngasut (suliamut atatilugu naalakkiummik malinninnginneq aamma A-p pissusilersor-nera ataatsimut isigalugu) oqaluuserineqarniartut.

Oqaloqatiginninneq pillugu imaqarniliamit pissutsit sulisumut tunngasut mar-luk pillugit imaattut erserput:

"A-mut malugeqquneqarpoq naalakkiutigineqartunik malinnittassasoq, naalakkiuti-gineqartunillu qullersarisanit tunniunneqartunik assortuiunnaassasoq/akerliler-suiunnaassasoq."

50) FOB 2000.229.

51) Hans Gammeltoft-Hansen allallu, "Forvaltningsret", 2002-mi aappasaanik naqiter-titaq, qupperneq 224.

Uanga paasinninnera oqaaseqaatip immikkoortuani 1.2.2-mi nassuiakkattut unaavoq naalasseriitsuliorneq tunngavigalugu oqaloqatiginninneq pissutsinik paaqqinniffiup aningaasaqarnermik aqutsineranut tunngasut A-p suliame illua'tungiusutut inassisimanissaanut tunngavissaqalersitsinngitsut kiisalu apeq-qutit sulisumut sammitinneqartut qulaajarneqarnissaannik siunertaqartoq.

Taamaattumik pisumi matumani atorfeqartitaasumut nanertuutaasumik aalajangiisoqannginnerani atorfeqartitaasup suliame illua'tungiusutut isumaanik tusarniaanissamut pisussaaffeqartoqarsimavoq, taamatuttaarlu atorfeqartitaasumut malugeqquneqartussaalluni nassuiaanissamut pisussaaffeqartoqanngitsoq.

Uanga paasinninnera unaavoq atorfeqartitaasoq suliame illua'tungiusup isumaanik tusarniaanermut akinissamut periarfissinnagu sulinermut atatillugu oqaloqatiginninnissamut suliap atorfinitsitsisarneq pillugu inatsiseqartitsineq tunngavigalugu pineqaatissiisoqarsinnaanerata paasissutissaqartalersorneqarnissaanik siunertaqartumut aggeqqusineq malittarisassanut taakkununga assortuuttusoq.⁵²

Tamanna tunngavigalugu isumaqarpunga A-p aamma (...)p tunngavimmik oqartussaasut sulinermut atatillugu oqaloqatiginninnissamut aggeqqusinerminnut tunngavigisaannik itisiliisoqarnissaanik qinnutigisaat Aningaasaqarnermik Sulisoqarnermillu Aqutsisoqarfiup akuersaarsimasariaqaralarai.

Matuma ilassutitut oqaatiginissaanut pissutissaqarlunga isumaqarpunga, tassalu pisumi oqartussaasup sulisumik sulinermut atatillugu oqaloqatiginninnermut aggeqqusiffigisaani apeqqutinik atorfeqartitaasup suliameanut tunngasunik aamma apeq-qutit pineqartup atorfeqartitaaneranut tunngasunik suliarniffiusussami oqartussaasup pineqartup oqaluuserisassat immikkoortisimaneqarnissaat eqqumaffigisimasariaqaralaruaa, taamaalilluni atorfeqartitaasumut erseqqissisillugu oqaloqatiginninneq qaqugukkut sulinermut atorfeqartitaasup oqaaseqaateqarnissaminut pisussaaffeqarfigisaanut tunngasuunersoq aamma oqaloqatiginninneq qaqugukkut pissutsinut atorfeqartitaanermut tunngasunut pineqartup oqaaseqaateqarnissaminut pisussaaffeqarfiginngisaanut tunngasuunersoq.

4.1.1. Eqqartuussissuserisup (...)p sulinermut atatillugu oqaloqatiginninneq pillugu imaqarniliap ataatsimiinnermi peqataasunit akuerineqarsimanissaanik atsiorneqarsimanissaanillu piumasqaataa

Aningaasaqarnermik Sulisoqarnermillu Aqutsisoqarfiup tusarniaanermut akissummini 21. oktober 2009-meersumi atortussaattippaa ataatsimiinneq pillugu

52) Tamatumani tak. UfR 1998.685H-mi eqqartuussut.

imaqarniliap ataatsimiinnermi peqataasunit akuerineqarnissaa isumaqatigiis-sutigineqarsimanngitsoq.

Ataatsimiinneq pillugu imaqarniliap suliarineqarnerani periaaseq ataatsimiinneq pillugu imaqarniliami suliami allagaatinut Aningaasaqarnermik Sulisoqarnermillu Aqutsisoqarfiup uannut nassiussaanut ilaasumi aamma takuneqarsinnaanngilaq.

Tamanna pissutigalugu A imaluunniit eqqartuussissuserisoq (...) ataatsimiinneq pillugu imaqarniliap akuerinissaanut periarfissinneqarnissaminnik neriorsorneqarsimanersut sukumiinerusumik nalilersinnaanngilara, taamaattumillu apeqqut taanna pillugu annertunerusumik iliuuseqaqqissanngilanga, tak. Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 6, imm. 4, tak. Inatsisartut Ombudsmandiat pillugu Inatsisartut inatsisaanni nr. 8-mi, 3. december 2009-meersumi § 30, imm. 3.

Taamaattorli matuma oqaatiginissaanut pissutissaqarlunga isumaqarpunga, tassalu pisumi matumanisut ittumi sulinermut atatillugu oqaloqatiginniffiusumi ilaatigut atorfeqartitaasup naalasseriitsuliorneq pissutigalugu iliuuseqarfigineqarfigisaani atorfeqartitaasumut pineqaatissiinermik nassataqarsinnaasumi pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 6 tunngavigalugu allattuisussaatitaaneq atuummat, tassami suliami pineqartumi aalajangiisoqarnerneq imaluunniit suliaq aalajangiivigineqanngikkaluortoq unitsinneqarnerneq allattuisussaatitaanermut immikkut sunniuteqaanngimmat⁵³.

Oqaatigaara allakkiat, matumani ataatsimiinnerit pillugit imaqarniliat ilanngullugit eqqarsaatigalugit, allattuisussaatitaanermi pineqartunut ilaatinneqartut, siunertartik eqqortissinnaassagunikku nakkutilliinermilu isiginiagassat eqqarsaatigalugit ullulernerneqarsimasariaqarput atsiorneqarsimasariaqarlutilu.

Taamaattumik piumasaqaatip taassuma sulinermut atatillugu oqaloqatiginninneq pillugu imaqarniliap suliarineqarneranut atatillugu malinneqarsimanninnera ajuusaarnartutut isigaara.

4.2. Eqqartuussissuserisup (...) -p allagaatinik paasitinneqarnissamik qinnuteqaataa

Suliamit erserpoq eqqartuussissuserisoq (...) allagaatinik Ilaqutariinnermut Peqqissutsimullu Naalakkersuisoqarfiup sulinermut atatillugu oqaloqatigiinnermi nassataanik aamma "paasissutissanik sullitamut attuummassuteqarsinnaasunik allanik" paasitinneqarnissani suliasat suliarineqartarnerat pillugu

53) John Vogter, "Offentlighedsloven", 1998, qupperneq 152.

6. Suliat nalinginnaasumik soqutiginaatillit, inatsiseqartitsiffiusunut agguataakkat

inatsimmi suliame illua'tungiusut allagaatinik paasitinneqarsinnaatitaanerit pillugu malittarisassat tunngavigalugit 24. marts 2009-mi qinnuteqaatigisimaga.

Allagaatinik suliassat suliarineqartarnerat pillugu inatsit tunngavigalugu paasissutissiinissaq Aningaasaqarnermut Sulisoqarnermillu Aqutsisoqarfiup 30. marts 2009-mi itigartitsissutigaa, qinnuteqaalli pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 5, imm. 1 tunngavigalugu akueralugu.

Suliami allagaatit P-p eqqartuussissuserisumut (...) -mut 7. april 2009-mi nassiuppai.

Eqqartuussissuserisup (...) -p P 16. april 2009-mi nalunaarfigaa allagaatinik paasitinneqarnissaminik qinnuteqaammimi allagaatit mappimi sulisumut sullitaminut tunngasumiittut tamaasa eqqarsaatigigini.

A-p mianersoqquneqalersaarnera pillugu suliame illua'tungiusumut tusarniaat P-p ulloq taanna nassiuppaa.

Suliami allagaatit amerlanerusut P-p eqqartuussissuserisumut (...) -mut 23. april 2009-mi nassiuppai, taannalu 29. april 2009-mi akivoq suliame allagaatit tigoreerlugit suliame illua'tungiusup isumaanik tusarniaanermut akissuteqarnissamut piffissaliussap ullunit 14-init ikinnerunngitsunik kinguartinneqarnissaa kissaatigigini.

P 29. april 2009-mi akivoq piffissaliussaq 7. maj 2009-mi nal. 12.00-imut kinguartinneqartoq.

Eqqartuussissuserisoq (...) -p 6. maj 2009-mi akivoq suliame illua'tungiusup isumaanik tusarniaanermut akissuteqarnissamut piffissaliussap sivitsorneqarnissaanik kissaatini suli atuuttoq, 15. maj 2009-lu sioqqullugu akisinnaanani.

A mianersoqqussummik tunineqassasoq P 7. maj 2009-mi aalajangiivoq.

Aningaasaqarnermik Sulisoqarnermillu Aqutsisoqarfiup suliame allagaatinik paasissutissiinissaq suliassat suliarineqartarnerat pillugu inatsit tunngavigalugu itigartitsissutigiarlugu pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat tunngavigalugu akueriniarlugu aalajangernerata immikkut ajornartorsiutit saqqummersippai:

Siullertut allagaatinik pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat tunngavigalugu paasitinneqarsinnaatitaaneq suliassat suliarineqartarnerat pillugu Inatsisartut peqqussutaat tunngavigalugu paasitinneqarsinnaatitaanermit sanilliullugu ajornarnerulaarpoq, tassami suliame illua'tungiusup paasitinneqarsinnaatitaanera pingaartumik ni-

pangiussisussaataaneq pillugu malittarisassanit killissalersorneqanngimmat, tak. suliassat suliarineqartarnerat pillugu inatsimmi § 9, imm. 2.

Aappaattut oqartussaasup suliamik pisortani ingerlatsineq pillugu paasitinneqarsinnaatitaaneq pillugu Inatsisartut inatsisaat tunngavigalugu suliarinninnerata manna nassataaraa, tassalu eqqartuussissuserisup allagaatinik tunniunneqartunik misissuinissamut taakkulu pillugit oqaaseqaateqassaguni oqaaseqaateqarnissamut periarfissaqarnerata oqartussaasup suliamik suliassat suliarineqartarnerat pillugu inatsimmi § 11 imaattunik oqaasertaqartoq tunngavigalugu aalajangiinissamik kinguartitsinissaanut pisussaaffiliisuunnginnera:

"§ 11. Suliami peqataasoq suliassaq suliarineqartillugu suliamut tunngasunik ilisimatinneqarnissaminik qinnuteqarpat, qinnuteqaataalu inatsit una malillugu akuerineqassappat, suliassap aalajangiiffigineqarnissaa kinguartinneqassaaq suliami peqataasup allagaatinik ilisimatinneqareernissaanut.

Imm. 2. Imm. 1-imili aalajangersagaq atortuussanngilaq kinguartitsinissaq suliassap aalajangiiffiginissaanut inatsisitigut killiussap qaangerneqarneranik kinguneqassappat, imaluunniit peqataasup taassuma suliap aalajangiiffigineqarnissaata kinguartinneqarnissaanik soqutiginninnera pisortat inuinnaalluunniit soqutigisaat taamatut kinguartitsinikkut ajoquserneqartussat pissutiginerullugit minnerutittariaqartutut isumaqarfiginarpat."

Aningaasaqarnermik Sulisoqarnermillu Aqutsisoqarfiup suliami allagaatinik paasitinneqarumalluni qinnuteqaammik suliarinninnera pillugu tamanna tunngavigalugu imaattunik oqaaseqaateqarpunga:

Eqqartuussissuserisup (...) -p allagaatinik paasitinneqarumalluni qinnuteqaataani allagaatit [Ilaqutariinnermut Peqqissutsimullu Naalakersuisoqarfiup] sulinermut atatillugu oqaloqatiginninnermut nassatai aamma A pillugu paasisutissat allat tamarmik ilaatinneqarput.

Taamaattumik qinnuteqaatip pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaannik taassuma sulianut ingerlatsinnermi oqartussaasumit aalajangiiffigineqarsimasunut aalajangiiffigineqartus-sanulluunniit tunngassuteqannginnera innersuussutigalugu tunngaveqartitsiniartoqassappat allagaatit pineqartunut sulianut sunut atanerannik pisumi misissuisoqarsimanissaa piumasaqaataavoq.

Taamaalilluni suliami allagaatinik suliami illua'tungiusup paasitinneqarnissaanik suliassat suliarineqartarnerat pillugu inatsit tunngavigalugu itigartitsinnermi suliami allagaatit suliamik suliarinninnermi A-p mianersoqqussummik tunineqarneranik inernilerneqartumik suliarinninnermi ilaasimasuuppata suli-

nermut atatillugu oqaloqatiginninnermut atatillugu aalajangiisoqarnaviannginnera innersuussutigineqarsinnaanngilaq.

Aningaasaqarnermut Naalakkersuisoqarfiup tusarniaanermut akissutaa 21. oktober 2009-meersoq isumaqalersitsivoq allagaatinik suliassat sularineqartarnerat pillugu inatsit tunngavigalugu paasissutissiumannginnermi tunngavik tassarpiaasimasoq sulinermit atatillugu oqaloqatiginninneq immi suliatut aalajangiiffigineqartussaanngitsoq, tamannalu taamaalilluni allagaatinik paasitinneqarsinnaatitaaneq pillugu malittarisassanik paatsuuineruvoq isorisarialik.

Tassani aamma ilaavoq allagaatinik paasitinneqarumalluni qinnuteqaatip - ilaatigut - suliame A-mut tunngasumi allagaatinik paasitinneqarumalluni qinnuteqaatitut paasisariaqarnera.

Malittarisassat atuuttut tunngavigalugit pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat tunngavigalugu suliani sulisunut tunngasumi allagaatinik paasissutissinissamut nalinginnaasumik tunngavissaqanngilaq.

Matumani pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaata allanngortinneqarneranik Inatsisartut inatsisaanni nr. 1-imi, 31. maj 1999-imeersumi § 1, nr. 1 imaa oqaasertaqartoq innersuussutigaa:

"§ 2 ima oqaasertalerneqassaaq:

"§ 2. Inatsit sulianut pinerluttulerinnermut attuumassuteqartunut atuutinngilaq. Suliat inatsisiliornermut tunngasut, matumani aningaasaliissutissanut inatsisit ilanngullugit eqqarsaatigalugit, inatsisissatut siunnersuutitut Inatsisartunut saqqummiunneqarsimagunik inatsimmi pineqartunut aatsaat ilaatinneqarsinnaapput.

Imm. 2. Aammattaaq sulianut pisortani sulisunik atorfinitsitsinernut imaluunniit pisortani atorfinnut qaffasinnerusunut qaffatsinneqarnermut tunngasunut inatsit atuutinngilaq, § 6-imi aalajangersagaq eqqaassanngikkaanni. Tamanna paasissutissanut inuit ataasiakkaat pisortani atorfeqarnerannut tunngassuteqartunut aamma atuuppoq, taamaattorli imm. 3 aamma § 4, imm. 2 takuuk.

Imm. 3. Suliani imm. 2-mi oqaaseqatigiit aappaanni taaneqartuni atorfeqartup aqqa, atorfia, ilinniagaqarnera, suliassai, akissarsiai suliamullu atatillugu angaleneri pillugit paasissutissanut inatsit atuuppoq. Aammattaaq pisortatut atorfinni atorfinitsinneqartut eqqarsaatigalugit inatsit suliamut atatillugu mianersoqqussutit iliuuserisallu taakkunanga sakkortunerusut pillugit paasissutissanut atuuppoq. Taamaattorli tamakku pillugit inaarutaasumik aalajangiinnermit ukiuni marlunni taamaallaat tamanna atuuppoq.

Imm. 4. Suliani imm. 2-mi oqaaseqaatigiit aappaanni pineqartunut ilaatinneqartuni paasisutissanut imm. 3-mi taaneqarsimasunit allaanerusunut inatsit aamma atuutissasoq Naalakkersuisut aalajangersinnaavaat."

Naalakkersuisut Siulittaasuata inatsisissatut siunnersuummik Inatsisartuni 12. april 1999-imi saqqummiussineranit ilaatigut makku erseput:

"Siunnersuut manna suliani sulisunut ataasiakkaanut tunngassuteqartuni paasitinneqarsinnaatitaanermut periarfissat pillugit siusinnerusukkat oqallisimanermik tunngaveqarpoq, danskillu pisortat ingerlatsinerat pillugu paasitinneqarsinnaatitaaneq pillugu inatsisaanni allannguutit kingulliit assigalugit. Taamaaliornikkut suliaassaqarfimmi tassani nunatta Danmarkillu akornanni inatsisitigut assigiimmik tunngavissaqarnissaq anguniarneqarpoq."

Danmarkimi paasitinneqarsinnaatitaaneq pillugu inatsisip (inatsisip nr. 276-ip, 13. maj 1998-imeersup) matumani pineqartup pissuseqataata allanngortinneqarneranut atatillugu allannguutit apeqqutinut atorfeqartitaasut suliani namminneq sulisunut tunngasuni allagaatinik paasitinneqarsinnaatitaanermut tunngasut Retsudvalgip isumaliutissiisutaani 30. april 1998-imeersumi, ataatsimiititaliap Justitsministerimut apeqqutai pillugit isumaliutissiisummi taasumalu akissutaani allaaserineqarput:

"Apeqqut nr. 17:

"Atorfeqartitaasoq suliame sulisutut imminut tunngasumi, imaassinnaavoq suliame naalasseriitsuliornermut tunngasumi, allagaatinik qanoq annertutigisumik paasitinneqarsinnaatitaava?"

Akissut:

"Inatsisissatut siunnersuummi § 2, imm. 2-mi oqaaseqatigiit appaasa manna nassataraat, tassalu suliat inuit ataasiakkaat pisortani sulisut atorfeqartitaanerannut tunngasut - ilaatitsinnigiffiit aalajangersakkami imm. 3-mi 4-milu takuneqarsinnaasut eqqaassannigikkaanni - paasitinneqarsinnaatitaaneq pillugu pineqartunut ilaatinneqanninnerat.

Tamatuma tunngaviatigut manna nassataraa, tassalu inatsimmi § 4, imm. 2-mi suliame imminut tunngasumi aalajangersakkap sulianut sulisunut tunngasunut aamma atuutinnginnera, tak. John Vogterip atuakkiaani⁵⁴quppernemi 91-imi tulliinilu aalajangersagaq taanna pillugu sukumiinerusumik allaaserisat.

54) John Vogter, "Offentlighedsloven", 1992.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Inatsisissatut siunnersuutip siunertaa tassaavoq innuttaasut suliani sulisunut tunngasuni allagaatinik paasitinneqarsinnaanerisa killilersimaarneqarnissaat. Atorfeqartitaasup nammineq suliami sulisutut imminut tunngasumi allagaatinik paasitinneqarsinnaatitaanerata killilersimaarneqarnissaa siunertarineqanngilaq. Tamanna pissutigalugu tunngaviuvoq atorfeqartitaasoq annertunerusumik paasitinneqarsinnaatitaanermik tunngaveqarneq aallaavigalugu suliami sulisutut imminut tunngasumi tunngaviit ullumikkut atuuttut tunngavigalugit suli paasitinneqarsinnaatitaasasoq. Taamaattoqarnera Justitsministereqarfiup paasinninnera malillugu ingerlatsinermi ileqqorissaarnerup sulisoqarnermillu aqutsinermi mianerinnittarnerup aamma nassatarisussaavaa.

Suliaq atorfeqartitaasup suliami illua'tungiuuffigisaa ingerlatsineq pillugu inatsit tunngavigalugu aalajangiivigineqartoq pineqarpat, soorlu naalasseriitsuliornermut tunngasoq, suliami allagaatit atorfeqartitaasumut paasissutissiissutigineqartassapput ingerlatsineq pillugu inatsimmi kapitali 4-mi suliami illua'tungiusup paasitinneqarsinnaatitaanera pillugu immikkut aalajangersakkat tunngavigalugit. Aalajangersakkat taakku inatsisissatut siunnersuummit attorneqassanngillat, tak. siunnersuummi quppernerit 2 tullialu." (Atorfeqarfimmi nutsigaavoq)

Taamaattumik uanga paasinninnera unaavoq eqqartuussissuserisup (...)p suliami sulisumut A-mut tunngasumi allagaatinik paasitinneqarumalluni qinnuteqaataanut Aningaasaqarnermik Sulisoqarnermillu Aqutsisoqarfiup pisortat ingerlatsinerat pillugu Inatsisartut inatsisaannik tunngaviutitsiniarnera qanorluunniit pisoqaraluarpat kukkunerusoq.

Taamaalilluni eqqartuussissuserisup (...)p qinnuteqaatigisaa 24. marts 2009-meersoq suliassat suliarineqartarnerat pillugu inatsimmi suliami illua'tungiusut allagaatinik paasitinneqarsinnaatitaanerat pillugu malittarisassat tunngavigalugit suliarineqarsimasariaqaraluarpoq - imaluunniit piffissap taamaalinerani A naalasseriitsuliornermut pineqaatissinneqassanersoq isumaliutersuuteqartoqarsimanngitsuuppat - annertunerusumik paasitinneqarsinnaatitaaneq atorfeqartitaasut namminneq atorfeqartitaanertik pillugu paasissutissanik paasitinneqarsinnaatitaanerannut atuuttoq tunngavigalugu suliarineqarsimasariaqaraluarluni.

Tamatumunnga atatillugu suliami allagaatinik A-p mianersoqqussummik tunineqarnissaanik aalajangiinermi tunngavinnut ilaasussanik peqarnerusoq Aningaasaqarnermik Sulisoqarnermillu Aqutsisoqarfimmit isummerfigineqarnissaa pisariaqarsimagaluarpoq.

Eqqartuussissuserisoq (...) 16. april 2009-mi, ulloq taanna A-p mianersoqqusut siulleg sioqqullugu suliami illua'tungiusutut isummaminik tusarniaavigine-

qarfiani, suliami sulisumut A-mut tunngasumi allagaatinik tamanik paasitinneqarnissaminik qinnuteqaateqarpoq.

Aningaasaqarnermik Sulisoqarnermillu Aqutsisoqarfiup piffissap taamaalinerani oqartussaasup suliaataata suliassat suliarineqartarnerat pillugu inatsit tunngavigalugu aalajangiivigineqartussaana ilisimareersimavaa.

Taamaattumik isumaqarpunga Aningaasaqarnermik Sulisoqarnermillu Aqutsisoqarfiup suliamik aalajangiiviginninnissap suliami sulisumut A-mut tunngasumi allagaatinik eqqartuussissuserisup misissuinissaminut periarfissaqartinneqareernissaata tungaanut kinguartinneqarnissaa, tak. suliassat suliarineqartarnerat pillugu inatsimmi § 11, imm. 1, nammineq suliniuteqarnermigut anguniarsimasariaqaraluaraa, eqqartuussissuserisullu (...)p suliami illua'tungiusup isumaanik tusarniaanermut akissuteqarnissamut piffissaliussap kinguartinneqarnissaanik qinnuteqaatai 29. april 2009-meersoq aamma 6. maj 2009-meersoq qanorluunniit pisoqaraluarpat akuerineqarsimasariaqaraluartut.

Aamma oqaatigaara aalajangiinermi suliami illua'tungiusup sinniisaata kinguartitsisoqarnissaanik qinnuteqaataata "sulianik nukinginnartumik allanik eqqartuussivimmilu sulianik" tunngavilersugaanerata pingaartillugu isiginiarneqarnera eqqortumik takutitsisuunngitsoq, tassami oqartussaasup kinguartitsisoqartariaqarnerisup naliliinerani pingaartillugu isiginiarneqartussaap tassaammat suliami illua'tungiusoq taassumaluunniit sinniisaa suliamik isummerfiginninnissaminut naammaginartumik periarfissaqarsimanersoq.

Piffissaliussap sivitsorneqarnissaanik qinnuteqaatit suliami allagaatinik paasitinneqarnissamik tunngavilersugaasut akuersaarneqartariaqarput, namminerisamik soqutigisat imaluunniit pisortat soqutigisaasa aalajangiisuusumik isiginiartariaqarnerisa tamanna ajornartinnigippassuk⁵⁵.

Kukkussutigineqarsimasooq taanna isorisariaqartutut isigaara.

Kukkussutigineqarsimasup inatsiseqartitsinikkut sunniutigisaa tassaavoq A-p taassumaluunniit suliami illua'tungiusutut sinniisaata suliami illua'tungiusup isumaanik tusarniaanermut akissuteqarnissaminnut naammattumik tunngavissaqarsimannginnerat, tamannalu immikkut oqimaassuseqarluni Aningaasaqarnermik Sulisoqarnermillu Aqutsisoqarfiup kukkuneq aaqqinniarlugu suliamik suliarinneqqinnissaanik pisariaqalersitsivoq. Taamaattumik aamma inasuteqaatigaara suliassat suliarineqartarnerat pillugu inatsimmi § 11 kukkunerit allat Naalackersuisoqarfiup kukkussutigisimasaatut nassuiakkama aaqqin-

55) John Vogter, "Forvaltningsloven", 1999, qupperneq 287.

neqarnissaat siunertaralugu suliamik suliarinneqqinnermut atatillugu malinneqassasoq.

4.3. Suliami illua'tungiusup isumaanik tusarniaanerp ingelanneqarnera

Suliassat suliarineqartarnerat pillugu inatsit § 19-imi suliami illua'tungiusup isumaanik tusarniaasarneq pillugu malittarisassamik imaattumik imaqqarpoq:

"(...)"

Suliani soraarsitsinernut aamma pisortani atorfeqartitaasumut pineqaatissii-nernik atuinermut tunngasuni suliami illua'tungiusup isumaanik suliassat suliarineqartarnerat pillugu inatsisip nassatarisaanik pisussaaffimmit annertunerusumik suliami illua'tungiusup isumaanik tusarniaanissamut inatsisitigut aalajangersagaanngitsumik pisussaaffik atuuppoq.

Suliami illua'tungiusup isumaanik tusarniaanissamut pisussaaffeqarnerup annertusisap taassuma suliami pissusiviusuinnaat pinnagit aammali suliami inatsiseqartitsinermut tunngasut pillugit tusarniaasussaataaneq nassataraa, matumani oqartussaasup pissusiviusunik inatsiseqartitsinikkut isiginninnera aamma - suliami apequtinik uppernarsaasersuinerup tunngasunik piusoqarpat - oqartussaasup uppernarsaasersuinerit pillugit naliliinera ilanngullugu eqqarsaatigalugu.

Oqaatigaara A-mut mianersoqqussut 7. maj 2009-meersoq naalasseriitsuliornermut ataasiinnarmik paasineqarsinnaasumik sammiveqartoq, tassami A-p atorfeqartitaanerminut tunngasunik unioqutitsineranut unioqutitsisoqaqqipallu atorfeqartitaaneranut tunngasutigut (annertunerusumik) kinguneqartitsiniarnermut innersuussisuugami.

Mianersoqqussummi taamaalilluni A unioqutitseqqikkuni soraarsinneqarsinnaasussaansersoq isummerfigineqanngilaq.

Uanga tamanna tunngavigalugu paasinninnera unaavoq suliami illua'tungiusup isumaanik tusarniaanissamut annertusisamik pisussaaffeqarneq suliami matumani atuussimasoq, taamaattumillu Aningaasaqarnermik Sulisoqarnermillu Aqutsisoqarfiup suliami illua'tungiusup isumaanik tusarniaanissamut pisussaaffimmik annertusisamik taassuminnga eqqortitsisimanninnera isorisagariartutut isigaara. Suliaq suliareqqinneqassappat suliamik suliarinninnermi kukkuneq taanna Aningaasaqarnermik Sulisoqarnermillu Aqutsisoqarfiup aqqissagaa naatsorsuutigaara.

Aamma oqaatigaara suliami illua'tungiusup isumaanik tusarniaaneq suliami illua'tungiusup suliami tunngaviusunik oqaaseqaateqarfiginninnissaanut, naqqiissuteqarnissaanut ilassuteqarnissaanullu periarfissinneqarnissaanik siu-

nertaqarmat, taamaattumillu piumasqaatigineqartariaqarluni paasissutissat oqartussaasup aalajangiissamaarnerminut tunngaviutitai suliame illua'tungiusup isumaanik tusarniaanermut atatillugu suliame illua'tungiusumut tunniunneqassasut.

Suliame illua'tungiusup isumaanik tusarniaalluni allakkani suliame pissusiviusut allaaserineqarnerannit erserpoq allagaatit allaaserinninnermi innersuussutigineqartut ilanngullugit nassiunneqanngitsut. Isumaqaarpunga allagaatit pineqartumut attuumassuteqartut assilineri suliame illua'tungiusup isumaanik tusarniaanermi allakkanut ilanngunneqarsimasuuppata tamanna A-mik qajasuussinerpaallunilu suliame illua'tungiusup isumaanik tusarniaasarnerup siunertaanut naapertuunnerpaasimassagaluartoq, taamaalilluni A suliaq pillugu paasissutissat imminnut ataqatigiinneqartut tunngavigalugit suliamek nalilii-nissaminut periarfissaqarsimassagaluarluni.

4.4. Aalajangiinnermut tunngavilersuut

Suliassat sularineqartarnerat pillugu inatsimmit tunngavilersuisarneq pillugu malittarisassat imaattunik oqaasertaqarput:

"(...)"

Mianersoqqussut 7. maj 2009-meersoq tunngavilersuutaasumi makku pillugit oqaaseqaateqarnissamut pissutissaqalersitsivoq:

Siullertut mianersoqqussummi suliame pissusiviusut pillugit nassuiaammi sulinnermut atatillugu 23. marts 2009-mi oqaloqatiginninneq innersuussutigineqarpoq.

Aningaasaqarnermik Sulisoqarnermillu Aqutsisoqarfiup tusarniaanermut akisummini 26. november 2009-meersumi oqaatigaa paasissutissat oqaloqatiginninnermi tassani saqqummertut mianersoqqussummik tunniussisoqarnissaanik aalajangiinnermut tunngavinnut ilaatinneqanngitsut.

Tunngavilersuut eqqortumik soorunalimi takutitsisuusussaammat 23. marts 2009-mi oqaloqatiginninnerup tunngavilersuummut ilanngullugu innersuussutigineqarsimanagera pitsaanngitsorujussuartut isigaara.

Aappaattut oqaatigaara aalajangiineq "pisortaqatigii" naliliinerat tunngavigalugu pisimasoq. Taaguut taanna eqqarsaatigalugu immikkoortumi 1.2.4-mi oqaaseqaatika innersuussutigaakka.

Uanga paasinninnera unaavoq oqartussaasup akisussaasup suup naliliinerisa aalajangiinnermut tunngaviusimanagerisa erseqqissumik takuneqarsinnaanerat aalajangiinnerup inatsiseqartitsinnermut tunngasortai pillugit sukumiisumik

tunngavilersuinermit ilaasoq, tak. suliassat suliarineqartarnerat pillugu inatsimmi § 24, imm. 1.

Tamanna pillugu erseqqissaasoqarsimannginnera pitsaanngitsutut isigaara.

Pingajuattut isumaqarpunga Aningaasaqarnermik Sulisoqarnermillu Aqutsisoqarfiup inatsiseqartitsinermi malittarisassanut innersuussummini eqqartuussissuserisup (...) -p akissuteqarnissamik piffissamik suliassat suliarineqartarnerat pillugu inatsimmi § 21, imm. 1 tunngavigalugu kinguartitsissunneqarneranut innersuussisimanera pitsaanngitsuusoq.

§ 21, imm. 1 suliame illua'tungiusup suliniuteqarneratigut suliame illua'tungiusup isumaanik tusarniaanermut tunngasuvoq, suliame matumani pineqartoq tassaalluni akissuteqarnissamut piffissaliussap suliassat suliarineqartarnerat pillugu inatsimmi § 19, imm. 1 -imi oqaaseqatigiit pingajuini oqartussaasup suliniuteqarneratigut suliame illua'tungiusup isumaanik tusarniaaneq pillugu aalajangersagaq tunngavigalugu aalajangersarneqartoq.

4.5. Aalajangiinerup nalunaarutigineqarnera

Mianersoqqussut 7. maj 2009-meersoq A-mut ingerlatitaavoq, assilinera suliame illua'tungiusup sinniisaanut eqqartuussissuserisumut (...) -mut nassiullugu.

Oqaatigaara suliame illua'tungiusoq suliap suliarineqarnerani sinniisiminit ikiorneqarsimappat aalajangiineq suliame illua'tungiusup sinniisaanut ingerlanneqartariaqartoq, assilinera suliame illua'tungiusumut namminermut nassiunneqassappat tassunga nassiullugu.

Aalajangiinerulli suliame illua'tungiusup sinniisaanut ingerlatinneqarsimannginnera Aningaasaqarnermik Sulisoqarnermillu Aqutsisoqarfiup tusarniaanermut akissummi 21. oktober 2009-meersumi ajuusaarutigisimammagu apequt taanna pillugu annertunerusumik iliuuseqaqqissanngilanga.

5. Mianersoqqussut 26. maj 2009-meersoq sioqqullugu suliame suliarinnineq, matumani suliame illua'tungiusup isumaanik tusarniaanerup ingerlanneqarnera aamma aalajangiinerup nalunaarutigineqarnera ilanngullugit eqqarsaatigalugit

5.1. Suliame illua'tungiusup isumaanik tusarniaanerup ingerlanneqarnera

Suliame inatsiseqartitsinermut tunngasut pillugit suliame illua'tungiusup isumaanik inatsisikkut aalajangersagaanngitsumik tusarniaanissamut pisussaaffeqarneq pillugu immikkoortumi 4.3-mi oqaaseqaatika innersuussutigaakka.

Taamaattumik aamma isumaqarpunga mianersoqqussut 26. maj 2009-meersoq sioqqullugu suliame illua'tungiusup isumaanik 11. maj 2009-mi tusarniaaner-

mut atatillugu suliassat sularineqartarnerat pillugu inatsimmi § 19 kisiat tunngavigalugu tusarniaasoqarsimanagera isorisariaqartuusoq.

5.2. Aalajangiinermut tunngavilersuut

Aalajangiinermut tunngavilersuut eqqartuussissuserisup (...) -p suliame illua'tungiusup isumaanik tusarniaanermut akissutaa Aningaasaqarnermik Sulisoqarnermillu Aqutisisoqarfimmit isummerfigineqarsimanagera erseqqinnerusumik nassuiaammik imaqqanngilaq, tassami suliame illua'tungiusup isumaanik tusarniaanermi aalajangiissamaanermut tunngavilersuut aalajangiinermi uteqqinneqaannarmat.

Tunngavilersuinermulli ilaasumik suliame illua'tungiusup piumasagaataanut isummernissaq pisussaaffiusoq ilimagineqarsinnaanngikkaluartoq piumasagaatit aalajangiinermut pingaaruteqanngitsutut imaluunniit attuumassuteqanngitsutut imaaliallaannaq tunuartinneqarsinnaanngitsut oqartussaasumit qanoq isummerfigineqarsimanagerat pillugu erseqqinnerusumik nassuiaateqar-nissamat pisussaaffeqartoqartussaavoq⁵⁶.

Uanga tamanna tunngavigalugu isumaqarpunga mianersoqqussutip 7. maj 2009-meersup oqaasertalersugaanera erseqqarlunnerarlugu eqqartuussissuserisup (...) -p oqaatigisaanik Aningaasaqarnermik Sulisoqarnermillu Aqutisisoqarfiup naliliinini pillugu erseqqinnerusumik nassuiaateqarsimanagerinera ajuusaarnartuusoq.

Mianersoqqussutip ilaa naliliinermut siumullu sammitinneqartoq eqqarsaatigalugu oqaatigaara mianersoqqussutip ilaa taanna tunngavilersorneqarsimanagerinngilluinnartutut saqqummertoq, tamannalu isorisariaqartutut imminilu aalajangiinermik atuussinnaassuseerutsisisinnaasutut isigaara.

"Pisortaqatigiit" naliliinerannik atuinermik allaaserinninneq pillugu qulaani oqaaseqaatika aamma innersuussutigaaakka.

5.3. Aalajangiinerup nalunaarutigineqarnera

Mianersoqqussutip 7. maj 2009-meersup nalunaarutigineqarnera pillugu qulaani oqaaseqaatika innersuussutigaaakka.

6. Aningaasaqarnermik Sulisoqarnermillu Aqutisisoqarfiup suliame sularininnera pillugu eqikkaalluni inerniliineq

Aningaasaqarnermut Naalakkersuisoqarfiup immikkoortortaqarfiata Aningaasaqarnermik Sulisoqarnermillu Aqutisisoqarfiup Naalakkersuisut sulisoqarner-

56) John Vogter, "Forvaltningsret", 1999, qupperneq 428.

6. Suliat nalinginnaasumik soqutiginaatillit, inatsiseqartitsiffiusunut agguataakkat

mik aqutsinikkut qitiusumik suliassaat isumagisarai, taamalu aqutsinermi oqartussaasumit qulliunerusumit nakkutigineqarani.

Taamaattumik Aningaasaqarnermik Sulisoqarnermillu Aqutsisoqarfik sulianik suliarinninnermini peqqissaarluinnarnissaminut erseqqissumik pisussaaffeqarpoq, sulianillu suliarinninnerup ingerlatsineq pillugu inatsiseqartitsinerup sulisoqarnermillu aqutsinerup iluanni tunngaviusumik malittarisassanik eqqortitsisuunissaa eqqumaffigilluinnartariaqarlugu.

Suliami matumani malugaara Aningaasaqarnermik Sulisoqarnermillu Aqutsisoqarfik arlalitsigut annertuunik kukkussuteqarsimasoq, taakkulu ilungersunarnersaat tassaapput sulianik amigartumik paasisutissartalersuineq, suliassat suliarineqartarnerat pillugu inatsimmi § 11-mik eqqortitsinnginneq, allagaatinik paasitinneqarnissamik qinnuteqaatip kukkusumik suliarineqarnera aamma aalajangiinernut amigartumik tunngavilersuisimaneq.

Aammattaaq Aningaasaqarnermik Sulisoqarnermillu Aqutsisoqarfiup suliamik suliarinninnermini Aqutsisoqarfiup atorfinitsitsisarnermi qitiusumik oqartussaasutut qaqugukkut iliuuseqarneri aamma Aqutsisoqarfiup apeqqutinik Naalakkersuisoqarfiup allap aalajangiinissamut pisinnaatitaaneraniittunik qaqugukkut suliarinninnini pisariaqarneratut annertutigisumik immikkoortisimatisimanngilai, taamatuttaarlu Aqutsisoqarfiup pisumi taaneqartumi kingullermi isumagisassanngortitsinerup suliassanngortitsinerulluunniit inatsisikkut tunngavissaqarnissaa pisariaqarneratut annertutigisumik qulakkeersimanagu.

Piumasagaatit Aqutsisoqarfiup sulianik suliarinninnerata pitsaassuseqartinneqarneranut piumasagaatigineqartariaqartut isiginiarlugit Aningaasaqarnermik Naalakkersuisoqarfimmut manna inassuteqaatigaara, tassalu suliamik suliarinninnerup pitsaassuseqartinneqarnerata siunissami qanoq iliorkuni pitsaanerulersinneqarnissaa isummerfigissagaa, taamaalilluni kukkunerit suliami matumani kukkussutigineqarsimasut pinngitsoortinneqarsinnaaleqqullugit.

7. Aningaasaqarnermik Sulisoqarnermillu Aqutsisoqarfiup suliami allagaatinik uannut nassiussinera

Aningaasaqarnermut Naalakkersuisoqarfik 19. august 2009-mi qinnuigaara suliami allagaatit tamarmiusut misissugassanngorlugit uannut nassiteqqullugit.

Ilassutaasumik tusarniaaninnut 21. oktober 2009-meersumut atatillugu oqaatigaara suliami allagaatit tamarmiusut suli tigunngikkikka.

Aningaasaqarnermut Naalakkersuisoqarfimmi Aningaasaqarnermik Sulisoqarnermillu Aqutsisoqarfiup tusarniaanermut akissummini 26. november 2009-meersumi oqaatigaa isumaqartunga suliani sulisunut tunngasuni allaffi-

geqatigiittarnermi allagaasimasut tamarmik toqqorneqartassasut, sulianut pineqartunut qanoq sunniuteqarnertik/pingaaruteqarnertik apeqqutaatinnagu.

Qulaani taaneqartoq pillugu oqaatigaara uanga oqartussaasunit paasissutissanik tunniusseqqusillunga piumasaqaateqarsinnaatitaanera matuminnga tungaveqartoq, tassalu paasissutissat oqartussaasup suliamik suliarinninnermini nammineq tigummisaasa assingi oqartussaasunik nakkutiginninninni pigis-sagikka.

Paasissutissat oqartussaasup nalunaarsortarai tamatumani naatsorsuutigaa-ra, taakku pappiaranngorlugit qarasaasiakkulluunniit toqqortatut pigineqar-nerat apeqqutaatinnagu, taakku toqqortarineqarnissaat ingerlatsineq pillugu inatsiseqartitsinikkut piumasaqaatigineqarpat.

Allagaateqarfeqarneq pillugu Inatsisartut inatsisaat nr. 22, 30. oktober 1998-imeersoq tamatumunnga atatillugu innersuussutigaara, tassanilu ilaatigut makku aalajangersarneqarput:

§ 6:

"Suulluunniit paasissutissartallit pisortat sullissiveqarfini sulinikkut pilersinneqartut taakkuluunniit aqutigalugit pilersinneqartut toqqorneqassapput."

§ 7, imm. 1:

"Pisortat sullissiveqarfiutaasa toqqortaaticimik qaqugukkulluunniit isumannaatumik suliarineqarnissaat toqqortarineqarnissaallu isumagissavaat."

§ 14, imm. 1:

"Toqqortaatinik atortussaajunnaarsitsineq Nunatta Katersugaasiviata Allagaate-qarfiatalu allakkatigut akuersineratigut aatsaat pisinnaavoq imaluunniit § 13 naa-pertorlugu ilitsersuutitut maleruagassiarineqarsimasut naapertorlugit."

Taamaalilluni pineqartoq tassaavoq pisortani oqartussaasut allakkatigut paa-sissutissanik paasissutissanilluunniit pappiaramut naqitanngortinneqarsin-naasunik toqqorterinngitsoorsinnaannginnerat, uppernarsaatip paasissutissal-luunniit pingaaruteqassusia apeqqutaatinnagu.

Pineqartoq aammattaaq tassavoq suliami allagaatit pappiaranngorlugit oqar-tussaasumit tiguneqartut tamatumalu kingornatigut qarasaasiakkut toqqu-

6. Suliat nalinginnaasumik soqutiginaatillit, inatsiseqartitsiffiusunut agguataakkat

gassanngorlugit assilineqartut (indscanning) allagaateqarfeqarnermi oqartussaasumit pisinnaatitaasumit akuerineqarani kasiilerneqarsinnaannginnerat."

Aningaasaqarnermut Naalackersuisoqarfiup tamatuma kingornatigut nalunaarfigaanga mianersoqqussutit taakku marluk tunuartinneqartut, oqaaseqaatigalugu Naalackersuisoqarfiup tusaatissatut aamma tigugaa.

Soraarsitsineq

6.9 Suliame illua'tungiusup isumaanik tusarniaasarneq aamma tungavilersuisarneq pillugit malittarisassat soraarsitsinermit atatilugu malinneqarsimannginnerat. Suliap oqartussaasumi qulliunerusutut naammagittaalliorfissami naammaginangitsumik paasissutissartalersorneqarnera

B-p Mittarfeqarfinni atorfimmit soraarsinneqarsimanera soraarsitsinerullu Ineqarnermut, Attaveqarnermut Angallanermullu Naalackersuisoqarfimmit oqartussaasutut qulliunerusutut naammagittaalliorfiusussamit B-p naammagittaalliorfigisimasaanit aalajangiusimaneqarnera A-p uini B sinnerlugu naammagittaalliuutigaa.

Mittarfeqarfiit aalajangiinerat suliame illu suliarininnerat eqqarsaatigalugit, suliame illua'tungiusup isumaanik aalajangiissamaarneq sioqqullugu tusarniaasoqartartussaaneq pissutigalugu Ombudsmandi isumaqarpoq allakkat Mittarfeqarfiit soraarsitsissutaasa suliame illua'tungiusup isumaanik tusarniaaneq pillugu immikkoortumik soraarsitsineq pillugu oqaaseqaataasinnaasut soraarsitsinermit nalunaarutit tiguneqarnerata kingornatigut piffissap erseqqinnerusumik killissaligaasup iluani saqqummiunneqarsinnaanerannik oqaatiginnittumik imaqarnerat ajuusaarnarluinnartuusooq. Ombudsmandip tamanna pillugu oqaatigaa suliame illua'tungiusup isumaanik tusarniaaneq soraarsitsissamaarneq sioqqullugu pisimasariaqaraluartoq.

Mittarfeqarfiit B soraarsitsineq sioqqutitsiarlugu suliame atatilugu oqaloqatigisimavaat. Mittarfeqarfiit oqaloqatigiinneq pillugu allakkiorsimannngillat. Ombudsmandip oqaatigaa suliame illua'tungiusup isumaanik tusarniaaneq allakkatigut ingerlanneqarsimasariaqaraluartoq, B-lu

*soraarsitsinermut tunngaviusq pillugu oqaaseqaateqarnissaminut Mit-
tarfeqarfinit piffissalernerqarsimasariaqaraluartoq. Ombudsmandi isu-
maqarpoq Mittarfeqarfiit tulleriinneri malillugit allattuisussaaitaaner-
minnik suliamilu illua'tungiusup isumaanik tusarniaasussaaitaanermin-
nik eqqortitsisimanginnerat isorisariaqartuusq.*

*Aalajangiinerup tunngavilersorneqarnera Ombudsmandip arlalitsigut
aammattaaq isornartorsiorpaa.*

*Kiisalu Ombudsmandi isumaqarpoq Mittaqarfeqarfiit B-p soraarsitsi-
nermut tunngaviusunut ilaasumi allagaatinik naammagittaalliummi
paasitinneqarumalluni qinnuteqaataanik itigartitsisimanerat ajuusaar-
narluinnartuusq.*

*Ombudsmandi Ineqarnermut, Attaveqarnermut Angallanermullu Naa-
lakkersuisoqarfiup aalajangiinera suliamillu suliarinninnera eqqarsaati-
galugit isumaqarpoq Naalakkersuisoqarfiup Mittarfeqarfiit amigartumik
tunngavilersuisimanerannik naammagittaalliornissamullu periarfissanik
ilitersuisimanginnerannik isummerfiginnissimanginnera isorisaria-
qartuusq.*

*Ombudsmandi aammattaaq isumaqarpoq B-p suliami illua'tungiusutut
isumaanik Naalakkersuisoqarfiup tusarniaasimanginnera aalajangi-
ninili sioqqullugu suliamik pisariaqarneratut annertutigisumik paasis-
sutissartalersuiniarsimanginnera isorisariaqartorujussuusut.*

*Taamaattumik Ombudsmandip inassuteqaatigaa suliap suliarineqarnera
Naalakkersuisoqarfiup aallarteqqissagaa (j.nr. 2009-323-0019).*

B suliamut atatillugu oqaloqatigineqarnissaminut aggeqquneqarsimavoq, oqalo-
qatigiinnerlu 25. marts 2009-mi pisimalluni. Ulloq taanna soraarsitsinermut na-
linginnaasumik piffissalerlugu soraarsinneqarpoq, piffissamilu soraarnissap
tungaanut ingerlasumi suliuinnaarsinneqarluni. Soraarsitsineq B-mut allakkatigut
imaattunik oqaasertaqartutigut nalunaarutigineqarpoq:

"25. marts 2009-mi oqaloqatigiinnerput innersuussutigalugu Mittarfeqarfiit matumuu-
na nalunaarfigaatsit K-mi qulimiguullit mittarfianni X-p Mittarfiata ataaniittumi pisor-
tatut atorfnit ullumikkumiit soraarsinneqartutit, funktionærit pillugit inatsimmi so-
raarnissamut nalinginnaasumik piffissaliussaq tunngavigalugu qammatinik pingasunik
piffissaqartitaallutit, 2009-mi junip qaammataata naanerani soraartussanngorlutit.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Qulimiguulinnut mittarfimmi pisortatut atorfimmit soraarsitsinermut tunuliaqutaasut:

- X-ip Mittarfiani mittarfiup pisortaa C, B-p pisortarisaa arlaleriarluni inassuteqartar-simagaluartoq K-mi qulimiguulinnut mittarfimmik aqutsinermi sulerusussuse-qannginneq soqutigisaqannginnerlu.
- Aqutseriaatsit aamma suleqatinnut pissusilersortarnitit oqaatsillu atortakkatit pillu-git sulisut annertuumik naammagittaalliuuteqartarnerat.
- Mittarfeqarfiit sullitaannut pissusilersortarnitit oqaatsillu atortakkatit pillugit sulli-tanit naammagittaalliuutit.
- Sulisumut aqqa taaneqartumut arneriniartarnitit, tassungalu tunngatillugu allakka-tigut naammagittaalliuut uppersaaitit pigineqarpoq.

Piffissami soraarnissap tungaanut ingerlasumi ullumikkumiit suliunnaarsinneqarputit, taamaalillutillu piffissap soraarnissap tungaanut ingerlasup sinnerani suliarortariaqar-nak.

Piffissami soraarnissap tungaanut ingerlasumi allamik suliffeqaleruit - feriarnersiuti-siassat naatsorsorneqarnissaat funktionærillu pillugit inatsimmi malittarisassat tunnga- vigalugit ilanngaassisoqassappat ilanngaattissat naatsorsorneqarnissaat siunertaralugu - Mittarfeqarfiit piffissaq sulilerfik akissarsiallu pillugit ingerlaannartumik ilisimatinne-qassapput. Piffissami soraarnissap tungaanut ingerlasumi allamik suliffeqalinngikkuit akissarsiatit isumaqatigiissut tunngavigalugu 2009-mi junip qaammataata naanissaata tungaanut tunniunneqartassapput.

Mittarfeqarfinit erseqqissarneqassaaq taarsiisuteqartarnek pillugu inatsiseqartitsi-nermi tunngaviit tunngavigalugit pisussaaffeqartutit annaasaqarsinnaanerit ingerlaa-vartumik suliffissarsiornikkut killilersimaarniassallugu, pisussaaffimmillu taassu-minnga eqqortitsinnginneq Mittarfeqarfiit 2009-mi junip qaammataata naanissaata tungaanut akissarsiassaannarnik tunniussinissaminnut pisussaaffeqarnerat nassataris-savaa.

Feriarfissat sinneqarpata taakku sapinngisamik piffissami suliunnaarsitsiviusumi fe-riarfigineqassapput.

Eqqortussaq anguniarlugu malugeqqullugu oqaatigissavarput piffissami soraarnissap tungaanut ingerlasumi Mittarfeqarfinnut ilumoorfiginninnissamik pisussaaffiit pisus-saaffigiinnassagit, taamatuttaarlu nipangiussisussaataaneq pissutsit atorfik aquti-galugu ilisimalersimasat isertuunneqarnissaallu pissusertik pissutigalugu piumasaqaa-taasut imaluunniit qullersarisannit isertuuteqqusaasut eqqarsaatigalugit atuutiinnassal-

luni. Malugeqquneqassaaq nipangiussisussaataaneq atorfeqartitaanerup naanerani atorunnaarneq ajormat.

Qinnuigineqarputit soraarnermut atatillugu assigiinngitsut, tassa imaappoq matuersaatnik, ID-kortinik Mittarfeqarfiillu pigisaannik allanik utertitsilluni tunniussinissaq pillugu uannut erseqqinnerusumik isumaqatigiissuteqaqqullutit.

Soraarsinneqarnerit pillugu oqaaseqaatissaruit taakku allaganngorlugit Sulisoqarnermut Ilinniartitsinermullu Immikkoortortaqarfimmut, Postboks 1036, 3900 Nuuk, imaluunniit massakut faxikkut 32 14 60-ikkut nassiunnissaannut periarfissaqarputit, allakkat ukua tigunerannit ullut arfineq pingasut qaangiutsinnagit kingusinnerpaamillu sisamanngorneq 2. april 2009 nallertinnagu tunniussinissannut periarfissaqaravit. (Suliami illua'tungiusup isumaanik suliassat suliarineqartarnerat pillugu inatsit tunngavigalugu tusarniaaneq).

Qinnuigineqarputit allakkat ukua tiguneqarnerat allakkat ukua assilineratigut atsiortutit uppernarsaqqullugu." (Atorfeqarfimmi nutsigaavoq)

Soraarsitsineq B-p Mittarfeqarfimmut 1. april 2009-mi naammagittaalliutigaa. Mittarfeqarfiit B allakkatigut 14. maj 2009-meersutigut nalunaarfigaat soraarsitsineq Mittarfeqarfiit aalajangiusimagaat.

Soraarsitsineq B-p Naalackersuisut Siulittaasuannut 21. maj 2009-mi naammagittaalliutigaa. Naammagittaalliut imaattunik oqaasertaqarpoq:

"Naammagittaalliut pillugu

Hallu Hans Enoksen

Allakkatigut saaffiginnissutigaara atorfinniit suliunnaarsitaaneq pillugu. K-mi mittarfimmi ittutut atorfinniit suliunnaarsitaavunga sulisut kiisalu ittuusup C-p qullersarisatta X-imi aaliangiinerat malillugu. Suliunnaarsitaaninnut allakkat tassunga tunngasut tamaasa ilanngullugit nassiuppakka kisiannili unnerluussisimasup allagai kisimik ilaangillat taakku mittarfiup pisortaata C-p tunniukkusunngimmagit aammalu takutikusunnagit takujumagaluarakkit suna peqqutaanersoq takuniarlugu, kisiannili allagai malillugit kanngunartuliortutut imaqartut paasivara kisianni taamaattoqanngitsoq, sulisut tamarmik taama aaliangiisimaneri malillugit.

Tamakku toqqammavigalugit kattuffimmut ingerlatinnikuuvakka suliassatut tunniullugu. Aammali kinguneqanngittumik, taamaamat Ombudsmandeqarfimmut saaffiginnissutigigakku Ombudsmandimut taanna isumaqarami siunnersuivoq Naalackersuisut Siulittaasuannut ingerlateqqullugu, taamaamat ilinnut ingerlatippakka allakkat, isumaqarama inuttut malersorneqarlunga. Suut naammagittaalliutinni tamaasa

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

ilannguppakka. Suliarineqarnera naammaginangissorinarmat iluamik nalilernerqarnissaa, taama pineqarninnut ikiorneqarnissara suliareqqullugu saaffiginnissutigaa, aaliangiisimaneq soraarsitsinermik Mittarfeqarfinniit naammagittaalliuteqareernerma kingorna allangorterusunneqanngimmat. Aammalu Mittarfeqarfinni maleruagassat malillugit sulisut pineqaatissinneqarsimanatillu ajortuliorsimanermut allagarsersimassanngittut, tamakku qiviassagaanni uanga taamaattuunngitsunga takuneqarsinnaavoq. Ajortisarneqarnera sulisunniit aammalu ittuusumiit ilaqutarsiuneq atorneqartoq naak iluamik sulisitsineq uanga ingerlakkiga aammalu aalajaallunga sulinera suliffinnut orniguffigisaringa sulinngitsoornerlu peqqutissaanngittumik atortorinngikkinga, iluamillu nassuiaateqarninni tusaajumaneqarnanga sulisorisakka pillugit. Neriuppunga allagaqaatigisimasakka paasiumaaritit.”

Taamani Attaveqarnermut Avatangiisinullu Naalackersuisoqarfiusumi Silap Pissusianut Tunngasunik Attaveqarnermillu Aqutsisoqarfiusup B-p naammagittaalliutaanik Naalackersuisut Siulittaasuannit tiguisimasup B 10. juni 2009-mi nalunaarfigaa Aqutsisoqarfik Mittarfeqarfiit aalajangiinerannik allangortitsinisaminut pisinnaatitaanngitsaq, tassami Mittarfeqarfiit nammineertutut suliffeqarfiummata aqutsinermi iliuuseqarnissamut piginnaatitaasut, matumani nammineq sulisorisanut tunngasut ilanngullugit eqqarsaatigalugit.

B-p soraarsinneqarnera A-p uini B sinnerlugu uannut 13. juli 2009-mi naammagittaalliutigaa.

Ineqarnermut, Attaveqarnermut Angallanermullu Naalackersuisoqarfik (matuma kingornatigut Naalackersuisoqarfimmik taaneqartartussaq) naammagittaalliutip suliarinissaanut tunngavissaqarnerlunga qulaajaaneq siunertaralugu 23. juli 2010-mi qinnuigaara Mittarfeqarfiit aalajangiinerannik oqartussaasumut qul-liunerusumut naammagittaalliornissamut periarfissaq inatsiseqartitsinikkut suna tunngavigalugu mattunneqarsimasutut Naalackersuisoqarfiup isigineraa nassuiaqqullugu.

Naalackersuisoqarfiup allakkatigut 28. juli 2009-meersutigut nalunaarfigaanga B-p Naalackersuisut Siulittaasuannut naammagittaalliutaata suliarineqarnissaanik itigartitsineq Naalackersuisut suliffeqarfiillu nammineertitaasut Mittarfeqarfiit akornanni pisinnaatitaanermut oqartussaasuunermullu tunngasunik kukkusumik paasinnineq tunngavigalugu pisimasoq, taamaattumillu suliap suliarineqarnera Attaveqarnermik Aqutsisoqarfiup aallarteqqissimagaa.

A tamanna tunngavigalugu 12. august 2009-mi imatut allaffigaara:

"Ineqarnermut, Attaveqarnermut Angallanermullu Naalackersuisoqarfimmit allakkannut 23. juli 2009-meersunut akissutip assilineri 5. august 2009-mi tiguara. Naalackersuisoqarfiup allakkamini nalunaarutigaa Naalackersuisoqarfik isumaqartoq naammagittaalliuutivit suliarinissaa kukkunikkut Naalackersuisoqarfiup itigartitsissutigeqqaarsimallugu, aamma soraarsitsineq pillugu naammagittaalliuut Naalackersuisoqarfiup maanna suliarilerniarlugu.

Inatsisartut Ombudsmandiat pillugu Inatsisartut inatsisaanni § 6, imm. 3 malillugu aalajangiinerit oqartussaasumit qulliunerusumit allanngortinneqarsinnaasut pillugit naammagittaalliuut Ombudsmandimut suliassanngortinneqarsinnaangilaq oqartussaasoq qulliunerusoq taanna suliami aalajangeereersimatinnagu.

Naalackersuisoqarfiup naammagittaalliuutit maanna suliarilerniarmagu saaffiginnisutit tunngavigalugu annertunerusumik iliuseqaaqqinniingilanga.

Taamaattumik qinnuigaakkit Naalackersuisoqarfiup aalajangiinissaa utaqqimaaqqullugu. Aalajangiineq tigugukku uannut suli naammagittaalliorumanerlutit isummersinnaavutit.

Taamaappat qinnuigaakkit uannut nutaamik saaffiginneqqullutit."

B-p soraarsitsineq pillugu oqaaseqaatai arlallit 3. oktober 2009-mi tiguakka. Soraarsitsinermut tunngaviusutut oqaatigineqartut B-p saqqummiussinermi ilumuunnginnerarpai:

Sullitanit naammagittaalliuutit eqqarsaatigalugit B oqarpoq allakkatigut naammagittaalliummik takusaqarsimanngisaannarluni. Nalunnginnerarpaali pissarsiariuminaannini peqqinnissaqarfimmi sulisup arlaleriarluni naammagittaalliuutigisimagaa. B tamanna pillugu oqarpoq K-mi qulimiguullit mittarfiata X-imilu mittarfiup sullissinerisa tamarmik ataasinngornikkut matoqqasarnerat tamanit ilisimaneqartoq, nukinginnartumilli pisariaqartoqartillugu oqarasuaatimigut angallattakkakkut attaveqarfigineqarsinnaalluni.

Sulisut allat naammagittaalliuutaat eqqarsaatigalugu pissutsit arlallit suliamut attuumassuteqanngitsumik tunuliaqutaasorisamisut isigisani B-p oqaatigai.

Arneriniartarnermik pasilliineq eqqarsaatigalugu B-p makku oqaatigai:

"Qeerliineq tupassaalarinerluunniit kalaallit quiasaarutaat naluneqanngilaq taamaattoq, uanga aamma taamaaliorneqartarpunga ilakka aamma taamaattarput tupingaara uanga kisima taamatut eqqorniarneqarama unnerluutigineqarlunga allaat ajortuliortorujussuurtut nalilerlunga, soorluli pinngitsaaleeriarsimasutut nalilerneqarsimasunga

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

tamakku allaalluinnarput. Aamma ittorisara C aperingaluarakku qanoq kimillu naam-magittaalliuutingineqarsimanersunga, akivaanga oqaatingisinnaanagit! Sulisitsisoq soraarsitsiniaruni eqqortunik tunngavilersuuteqartussaavoq sulisuminik immikkoorti-terinani, allaat soraarsitsisup allakkat uppernarsaatissatut atukkani takutissinnaangi-laaluunniit. Qanoq ilillunga upperissanerpara tunngavilersuutaaluunniit takutissinnaa-nagit.”

Kiisalu suliassani qanoq isumagisimanerlugit B-p nassuiarppaa, tamatumunngalu atatillugu oqaatigalugu mittarfiup pisortaa pisortarisani C suliffeqarfiup biiliisa B-mut taassumaluunniit ilaqutaanut nassiussanik assartuinnermut atorneqartarne-rat pillugu (soraarsitsinnermut atatillugu?) oqaaseqaateqarsimasoq:

"Aap, tamanna ilumoortutut oqaatigaara. Uanga tamanna akisussaaffigaara, sulisukka-li ilaqtattatik ikiorlugit biiliussisartut aamma nalunngilara. Akuersaartarpakka taamaat-tarneq suliffeqarfimmi qangarsuarli K-mi atorneqartartoq naluneqanngimmat aamma mittarfiup pisortaa nammineq taamaattarpoq. Soorunami suliffimmut akornutaangitsu-mik taamaattoqartarpoq, nalinginnarlu biileqattaqqunagit eqqaasittarpakka. Isumaqa-ramami suliffitsinni taama sulinertutigitilluta aamma suliffitsinniit biilit ilaqtattasin-nut atorsinnaalaartariaqarivut, soorunami killilimmik.”

B-p pingaarnerusutigut paasinninnera unaavoq soraarsitsineq tunngavilersuutillu tassunga atatitaasut assigiinngisitsinnermut takussutissaasut, K-milu mittarfiup pi-sortaa C isummanik ilaqtattaminit saqqummiunneqartunik illua'tungaannarsiortu-mik tusaaniartarnerminit sunnigaasimasoq. (Peqqinnissaqarfimmi sulisoq B pil-lugu arlaleriarluni naammagittaalliorsimasoq B-p mittarfiup pisortaanut C-mut ilaqutaanerarpaa, B-lu oqarpoq tamatuma pissuseqataa suleqatini ataaseq arlallil-luunniit eqqarsaatigalugit atuuttoq).

Ineqarnermut, Attaveqarnermut Angallannermullu Naalackersuisoqarfiup B 9. december 2009-mi nalunaarfigaa Mittarfeqarfiit aalajangiinerat Naalackersui-soqarfiup aalajangiusimagaa. Naalackersuisoqarfiup aalajangiinera imaattunik oqaasertaqarpoq:

"K-mi qulimiguulinnut mittarfimmi Mittarfeqarfinit soraarsitsineq

Suliap ingerlanera, kiisalu suliap qaqqeqinneqarnera

Ineqarnermut, Attaveqarnermut Angallannermullu Naalackersuisoqarfimmi Attave-qarnermut Aqutsisoqarfik 10. juni 2009-mi aalajangiimmat Mittarfeqarfinit soraarsit-sineq pillugu maalaarutip suliarinissaa itigartipparput, 28. juli 2009-mi Ombudsman-dip allagaanik Naalackersuisoqarfik tigusaqarpoq, tassanilu suliaq kukkusunik tunnga-veqarluta itigartissimagippit eqqumaffigeqquneqarpoq. Taamaattumik Naalackersui-

soqarfik aalajangerpoq suliaq nutaamik qaqeqqillugu aalajangiineq iluarsiiviginiarlugu.

Tamatuma kingorna suliamut tunngatillugu paasissutissinneqarnissaq siunertarlugu Naalackersuisoqarfiup Mittarfeqarfiit attaveqarfigaatit. Maalaarut misissorparput, pisutsillu suliamut attuumassuteqartut misissuiffigalugit.

Aalajangiinermut tunngavigineqartoq

B, matuma kinguliini „illua'tungiusoq"-mik taagorneqartoq, 25. marts 2009-mi atorfimmunit soraarsinneqarpoq sulionnaarsinneqarlunilu. Suliami illua'tungiusoq tusarniaaffigineqarsimangilaq, kisiannili soraarsitsineq pillugu allakkiami 25. marts 2009-meersumi oqaloqatigiinneq innersuussutigineqarluni.

Suliasat suliarineqartarnerat pillugu inatsimmi § 19 naapertorlugu illua'tungiusunik tusarniaasarneq oqartussaasut suliami pineqartorpiat pillugit paasissutissanik aalajangersimasunik pigisaqarnerinik illuatungiusoq ilisimasaqartutut ilimagineqartinnagu atorneqartarpoq. Illua'tungiusumut tusarniaaneq aalajangiisoqartinnagu pisussaavoq, aammalu illuatungiusup tusarniaaffigineqarnissaa nalinginnaasumik piumasarineqartannigilaq, tassalu illua'tungiusumut tusarniaaneq oqaasiinnartigut pisinnaavoq. Illua'tungiusup suliami akerliliissuteqarnermut periarfissaqartinneqarnissaa pingaaruteqarpoq.

Illua'tungiusumut tusarniaasoqarsimangippat aalajangiinerup paasisaqarfiusumik tunngaveqarsimangitsutut ilimagineqarsinnaanera sulianut inunnut tunngasunut aalavigineqartarpoq - taamaattumillu aalajangiineq piviusorsortunik tunngaveqarsimassanani (sulianik suliaqarnermi annertuumik kukkuneq). Tassani sulianik suliaqarnermi kukkuneq pingaaruteqarnerneq, taamaattumillu tamanna aalajangiinerup allangortinneqarneranik imaluunniit atortussaatinneqannginneranik kinguneqassanersoq aalajangiiffigineqartussaavoq.

Suliami matumani pissutsit pineqartut arlaliupput, tassalu siullermik soraarsitsinermik allakkiami oqaloqatigiinneq innersuussutigineqarpoq, taamaattumillu sulisitsisup siunertarisaa illua'tungiusup ilisimasimassagaa ilimagineqarpoq. Mittarfeqarfiilli pisortat ingerlatsinerat pillugu inatsimmi § 6 naapertorlugu oqaloqatigiinneq pillugu allakkior-simangilaq, taamaattumillu illua'tungiusup suliami oqaaseqarnissamut periarfissinneqarsimanginnissaa ilimagineqarsinnaavoq. Taassuma kingunerisaanik illua'tungiusumut tusarniaanissamut maleruagassaq unioqqutinneqarsimassasoq ilimanaateqarpoq.

Soraarsitsinermut allakkiami immikkoortut sisamat soraarsitsinermut tunngavilersuutitut allanneqarput:

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

- X-ip Mittarfiani mittarfiup pisortaa C arlaleriarluni inassuteqartarsimagaluartoq, K-mi qulimiguulinnut mittarfimmik aqutsinermi sulerusussuseqannginneq soqutigisaqannginnerlu.
- Aqutseriaatsit aamma suleqatinnut pissusilersortarnitit oqaatsillu atortakkatit pillugit sulisut annertuumik naammagittaalliuuteqarnerat.
- Mittarfeqarfiit sullitaanut pissusilersortarnitit oqaatsillu atortakkatit pillugit sullitanit naammagittaalliuutit.
- Sulisumut aqqa taaneqartumut arneriniartarnitit, tassungalu tunngatillugu allakkatigut naammagittaalliuut uppersaatitit pigineqarpoq.

Sulisitsisup immikkoortunut matuma siulianiittunut tamarmiusunut naliliinera tunngavigalugu soraarsitsineq pisimavoq. Suliap suliarineqarneranut atugassatut Mittarfeqarfiit sulisut maalaarutaasa assilineri uppersaatitit ilanngullugit nassiuppaat. Naalakkersuisoqarfiup isumaa malillugu Mittarfeqarfiit soraarsitsinerat pissutsinut annertuunut pingaarutilinnullu tunngasuupput. Illua'tungiusoq aamma maalaarummini soraarsitsineranut tunngatillugu pissutsinik attuumassutilinnik saqqummiussingilaq.

Soraarsitsineq pillugu allakkami immikkoortut pingasut siulliit sulisitsisup sulisumik mianersoqqusinani soraarsitsisinnaaneranut naammangillat. Kisiannili illuatungiusup mittarfimmi pisortap illua'tungiusumut innersuussutai tunngavigalugit pissutsit soraarsitsineranut tunngaviusut ilisimareersimassavai, 2007-imi mianersoqqussutit illua'tungiusumut nalunaarutigineqartoq 2009-mi soraarsitsinerup nalaani suli atuuttussasutut isumaqarfigineqarsinnaangilaq.

Soraarsitsineranut allakkiami immikkoortoq kingulleq, arneriniarnermut tunngasoq ingasattajaartorujussuarmik pissusilersorneruvoq, imminermini soraarsitsineranut tunngaviusinnaasoq. Taamaakkaluartoq Mittarfeqarfiit isumaqatigiissutit tunngavigalugit periarfissaqartitsilluni illua'tungiusoq soraarsinniarlugu aalajangersimapput.

Aalajangiineq

Naalakkersuisoqarfiup isumaa malillugu soraarsitsineq pissusiviusunik tunngaveqarluni pisimavoq. Illua'tungiusup tusarniaaffigineqarsimanginnerata ilimagineqannginnera aalajangiinerup inerneranut sunniuteqartussatut Naalakkersuisoqarfimmit nalileneqanngilaq, illua'tungiusup Mittarfeqarfiit siunertaa soraarsitsinermullu tunngavigisaa ilisimareersimassagaa ilimagineqarmat. Taamaattumik suliap suliarineqarnerani amigaataasimasinnaasut aalajangiinerup inernilerneqarneranik annertuumik allangortitsisinnaasutut naliliiffigineqanngilaq.

Mittarfeqarfiit soraarsitsinerat atortussaatiinnarneqarpoq.

Maalaaruteqarnissamut ilitsersuut

Aalajangiineq manna allaffissornikkut oqartussaasunut allanut maalaarutigineqarsinnaangilaq, aalajangiinerli eqqartuussivitsigut maalaarutigineqarsinnaavoq.“

Naalackersuisoqarfiup aalajangiinerata assiliner B-kkunnit 21. januar 2010-mi tiguara. Saaffiginnissut taanna imatut paasivara naammagittaalliutip siusinnerusukkut tunniunneqarsimasup Naalackersuisoqarfiup soraarsitsinermik aalajangiusermanninnissamik aalajangiinera ilaalersillugu annertusineqarnissaa B-p kisaatigigaa.

B Ineqarnermut, Attaveqarnermut Angallanermullu Naalackersuisoqarfimmut e-mailikkut allappoq, arneriniartarnerlu pillugu naammagittaalliutip assiliner piimallugu. Mailimit pineqartumit erserpoq B naammagittaalliutini allanik soraarsitsinermut tunngavilersuummi taaneqarsimasumik paasitinneqarnissaminut aamma periarfissinneqarsimangitsoq.

Arneriniartarsimaneq pillugu naammagittaalliutip assiliner kiisalu naammagittaalliutit allat Mittarfeqarfiit pisortaannut tunniunneqarsimasut assilineri Ineqarnermut, Attaveqarnermut Angallanermullu Naalackersuisoqarfiup B-mut 10. maj 2010-mi nassiuppai.

Arneriniartarneq pillugu naammagittaalliut naammagittaalliortumit atsiorneqarsimasoq 13. februar 2009-milu ullulerneqarsimasoq imaattunik oqaasertaqarpoq:

"Pillugu B

Siullermik arneriniaaluttut nalunaarutigaa, pissutingalugu suliffiup nalaani taamatut pissusilersortarmat uangaalluni nuanningerujussuarami tassami suliffiup nalaani taamaaliortarmat. Makkuninnga pissusilersorfigisarpaanga qeerlerlunga, oqarsuani nuisittaarlugu, isinnuaartaarlunga, oqartarlunilu "aannguaruna", aamma oqartarpoq, "(...)-p uppasui", aamma oqartarpoq "ajoqaarmi inuujaarsimaneq". Ataasiarani isersimaartarfimmi issiavik pingasuuttariami issiasunga qallerlunga qeerlerniarsarlunga nilliatillunga soorlumi tusaasaqanngittoq, uffa inerterlugu nilliasunga.

Qasseria suliffitsinni B-p nilliatittaartarpaanga qattukkaangakku nilliallunga inertertarakku tusarumanerli ajorlunga, massakkulluunniit B qanillerpiarsinnaangilara ersigaara qanikkutta kisiat qeerlerlunga. Sukujuppassuarnik soorlu tiinganiarnerup tunngaatigut oqalualuffigisarpaanga, tamakku uangaalluni nuanninginnermut massakkummi suliertoraangama naattorsuutigereertarpara B-mit qeerlertittussaallunga tassali uannut ulluinnarsiutigingaaramiuk taamaaliarlunga. Sukujuppassuarnik "arneriniaa-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

luffigisarpaanga” ukuali allatakka pingaarnersiunnarpakka. Uppernarsaasorisinnaavakka [suleqatit sisamat aqqi].“

Naammagittaalliuutit allat ullulernerqarsimangillat. Kisiannili Mittarfeqarfiit mappiutaanni suliami allagaatinik imalimmi takuneqarsinnaavoq taakku mittarfiup pisortaata C-p 24. marts 2009-mi tigusimagai, angallannermi ikiortip nassitsissutitut allagaanik ilaqartillugit. Allakkat nassitsissutit naammagittaalliuutillu imaattunik oqaasertaqarput:

"Hej C

B pillugu naammagittaalliuutit kinguaattornerat siullertut ajuusaarutiginiarpara. Oqaatigineqartut K-p mittarfianik aqutsineq pillugu naammagittaalliuutit arlallit tiguakka. Qinnuigineqarpunga kikkut sorlernik allattuunerat oqaatigeqqunagu.

Ilanngussaq 1:

- Nalunaaqutaq ataqqinngippallaaqaa
- Suliffini qimakulaarpallaaqaa
- Kingusinaartuaannarpoq
- Ataatsimiinneq ajorpugut
- Oqaatsit nuanninngitsut atorpallaarpai
- Suleqatiminik ingutsivallaarpoq
- Naalakkiisinnaassuseqanngilaq
- Illoqarfimmi "nalinginnaq oqaluttartoq" tusaamanarpoq
- Ilaasunut pissusiluppoq, tusarniitsunik oqaluttarpoq
- Sulisut allat tikikkaangata aatsaat nuannersumik sulilersarpugut

Ilanngussaq 2

- Tikittunik/aallartussanik kuniuisarpoq (sullitanut nuanninngitsumik)
- Biilivut eftersynertittanngilai (oqaluuttaraluarparput)
- Oqaatsit kusanaatsut atorpallaarpai
- Fragtit tikittut qatanngutiminut ingerlattarpai
- Akuleruffigisassarinnngisatsinnik ingutsisarpoq
- Allaffik torinnngittuaannartittarpaa
- Sulisuminut siunnersuisanngilaq
- Ataasinngornikkut takkupperartanngilaq
- Sullisitaartinneqartanngilagut
- Suleqatigiinnit nuannarineqanngilaq

Ilangussaq 3

- [Sulisumut arneriniarneq pillugu] naammagittaalliummik suliaq suli UNITSINNE-QANNGILAQ. Sulisut tikilluaqusaanngitsutut iluarineqanngitsutullu misigisimagamik soraarniarput
- Pisortaq pissutigalugu soraarniarput, suliffik PISSUTIGINAGU, K-mili suliffissaa-leqinerujussuaq uniffigalugu, aamma suliffik PITSAASUUMMAT
- Ataatsimiittoqarneq ajorpoq
- Ilaqutai sianertuaannarput
Assersuut: Nuliani pisiniarfiliarniarluni sianerpat akisarpoq: "Timmisartoq aallarpat"
Assersuut: Ilaqutariinni ajornartorsiutit ilaquutaasa sianertuarnerannut pissutaapput
- Sulisut ilaquitaanit pingaarnerunngillat
- Marsenera/arajutsianngippallaaqaaq
- Pisuutitsisarneq pillugu
- Aperineqartinnani ilinniartitsisinnaannginnera
- NERSUALAARINEQ AJORPOQ!
- Suliffinnut allanut nikassaasarneq

Ilangussaq 4

- Qeerleraasarpog - Annikillisimavorli
- Suliunnaarusuppunga
- Kingusinaarluni takkuttarpoq
- Ataatsimiisitsineq ajorpoq
- Naammagittaalliuuteqartoqarpat susoqarneq ajormat naammagittaalliorneq ajorpu-ngut

Ilangussaq 5

- Tiiminik ilanngartuisarpoq!

Ilangussaq 6

- Piffissamik eqquinngippallaarneq, inortuinerit amerlavallaartut
- Sulitilluni suliffini qimattaarpallaartaqaa, ullormut arlaleriartaqaaq, mittarfiup qi-maqqasarneranut pequtigisarpai ilaqttani biiliukkiartorlugit
- Suleqatikkuminaattaqaaq, ullut ilaanni malunnarnerusarpoq ullululluni uagut suleqa-tigiiusugut nuanniillioortilluta suleqatikkuminaalluni oqaluussassaarpiarnani
- Sulinermini ilaqttani salluutippallaaqai, soorlu tikittut aallalersulluunniit uagut sule-qataasugut biiliutsikkumalluta piffissaqarfigineq ajorpaatigut, ulapippallaarami-gooq, ilaqtamilu biiliunnissaannut piffissaqarfigalugit, suleqataasuulluni tamanna nuannerneq ajorami minninngortitaajuannarluni

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

- Nassiussassat pillugit, soorlu nuliata ilaqutaasa suliffeqarfiutaaniit fragtinik nunaqarfinnut nassiussilerpata inuinnarnut akiligassanngorlugit nassiutsittarpai, maleruaqqusat malillugit inuinnarnut akiligasseequsaanngilaq

Ilanngussaq 7 (ilaasut marluk nassataat aserorsimasut)

- Ulloq tikiffik: 6. juni 2008
- Sullitat taamanili qaammatit tamaasa sianertarput, akineqartuaannarlutilli: "Y-mit suli tusagaqanngilanga". B nassatat taakku aserorsimanagerat pillugu nalunaarusiorsimanngisaannarpoq
- B-p soqutigisaqanngippasissutut pissuseqarnera sullitat kamaatigaat
- B immaqa isumaqarpoq piffissami sivisunerusumi kinguarsaaguni sullitat nassatit aserorsimasut puigussagaat
- Eqiasuppallaaqaaq
- Soqutiginnittunik massakut sullinneqalerluni pitsaajallappoq.

K-p mittarfiani suliffimmi pissutsit pitsaanerulinngippata tamanna ajorluinnartunik kinguneqarataannaavoq.

Sulisut B suleqatigerusunngilaat. Taakku pisortaaasalu akornanni qanoq pisoqarnera tusaaginnarlugu namminerlu soriarsinnaanani eqqorsorinangilaq.

Aqutsinerlunneq sulisut pisinnaasaannut sunniuteqarsimavoq, suliffimmilu eqqarsartaatsikkut pitsaanngitsunik avatangiiseqalersitsilluni. Ataasinnguamilluunniit napparsimasoqarsimanngilaq, sulisup ataatsip meeraata napparsimanagera eqqaassanngikkaani. Allammi massakut piffissaq eqqorlugi takkuttalerput, suliarternissartillu qilanaarisalerlugu.

Mittarfimmi pissutsit ajorsiertortillugit ineriartornissamut periarfissat amigaatigineqarput. Sulisut ineriartorusupput, ilinniakkatillu nutarterusullugit. B-p pisortaanerata nalaani naqisimannissimaneq malunnarpoq.

Pisoqarnissaa qamanngavik neriuutigaara. Naak allanngortoqarnissaa neriuutigineqarsinnaajuaannaraluartoq." (Ilaatigut Atorfeqarfimmi nutsigaavoq)

Ineqarnermut, Attaveqarnermut Angallannermullu Naalakkersuisoqarfik 10. juni 2010-mi qinnuigaara mappiutini allagaatit suliamut soraarsitsinermut tunngasut allaqqaarneqarnerinik imalik tamarmiusoq uannut atukkiuteqqullugu.

Mappi allagaatinik imalik Naalakkersuisoqarfiup uannut 22. juni 2010-mi nas-siuppaa.

Naalackersuisoqarfimmut 28. juli 2010-mi imatut allappunga:

"Ombudsmandi A-p B sinnerlugu attaveqarfigisimavaa B-p K-mi mittarfiup pisortaat atorfianit Mittarfeqarfiit soraarsitsinermik aalajangiinerannik 9. december 2009-meersumik Ineqarnermut, Attaveqarnermut Angallanermullu Naalackersuisoqarfiup aalajangiusimanniinnarnera pillugu naammagittaalliuuteqarniarluni. (Naalackersuisoqarfiup aalajangiinera ilanngullugu nassiunneqarpoq).

Naalackersuisoqarfiup mappiutaanik suliami allagaatinik imalimmik misissuereernerma kingornatigut suliamik suliarinninniarlunga aalajangerpunga, aamma Attaveqarnermut Angallanermullu Naalackersuisoqarfik aalajangiinermini Mittarfeqarfiit suliamik suliarinninneranni kukkunernik amigaataasinnaasunillu tamakkiisumik maluginninniansimanersoq misissuiffiginiarlugu, kiisalu Naalackersuisoqarfik suliamik paasissutissartalersuineq pillugu aamma suliami illua'tungiusup isumaanik tusarniaasarneq pillugu (annertusisamik) piumasaqaatinik, kiisalu peqataasup suliami allagaatinik paasitinneqarsinnaatitaanera pillugu malittarisassanik (pisortat ingerlatsineranni suliassat suliarineqartarnerat pillugu Inatsisartut inatsisaanni §§ 9 aamma 11) aamma aalajangiinermini tunngavilersuutip imarisaanik (pisortat ingerlatsineranni suliassat suliarineqartarnerat pillugu Inatsisartut inatsisaanni § 24) naammassinnissimanersoq misissuiffiginiarlugu.

Taamaattumik Naalackersuisoqarfik qinnuigaara suliamik qanoq paasinninnini pillugu nassuiaateqaqqullugu.

Suliamik inaarlugu suliarinninninninni Naalackersuisoqarfiup akissutaata naammagittaalliortumut saqqummiunneqarnissaa naatsorsuutigineqarpoq.

Taakkua saniatigut Naalackersuisoqarfik qinnuigaara makku pillugit ataatsimut paasissutisseeqqullugu:

1. Naalackersuisoqarfiup aalajangiineranut tunngavilersuummi pissutsinut naapertuut-tunngortitsineq pillugu Naalackersuisoqarfik makkuninnga taasaqarpoq:

“Soraarsitsinermut allakkiami immikoortut sisamat soraarsitsinermut tunngavilersuutitut allanneqarput:

- X-ip Mittarfiani mittarfiup pisortaa C arlaleriarluni inassuteqartarsimagaluartoq, K-mi qulimiguulinnut mittarfimmik aqutsinermi sulerusussuseqannginneq soqutigisaqannginnerlu.
- Aqutseriaatsit aamma suleqatinnut pissusilersortarnitit oqaatsillu atortakkatit pillugit sulisut annertuumik naammagittaalliuuteqarnerat.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

- Mittarfeqarfiit sullitaanut pissusilersortarnitit oqaatsillu atortakkatit pillugit sullitanit naammagittaalliuutit.
- Sulisumut aqqa taaneqartumut arneriniartarnitit, tassungalu tunngatillugu allakkatigut naammagittaalliuut uppersaatitit pigineqarpoq.

(...)

Naalackersuisoqarfiup isumaa malillugu Mittarfeqarfiit soraarsitsinerat pissutsinut annertuunut pingaarutilinnullu tunngasuupput.

(...)

Soraarsitsineq pillugu allakkani immikkoortut pingasut siulliit sulisitsisup sulisumik mianersoqqussuteqarani soraarsitsisinnaaneranut naammangillat.

(...)

Soraarsitsinermut allakkiani immikkoortoq kingulleq, arneriniarnermut tunngasoq ingasattajaartorujussuarmik pissusilersorneruvoq, imminermini soraarsitsinermut tunngaviusinnaasoq.”

1.A. Naalackersuisoqarfik qinnuigaara arneriniartarsimaneq pillugu immikkoortup immiini suliinnaarsitsinermut tunngavilersuutaasinnaaneranik Naalackersuisoqarfiup naliliinera, soraarsitaasup aalajangersimasumik pissusilersuuteqarneranut tunngasuunersoq, imaluunniit Naalackersuisoqarfiup naliliinera atoqatigiinnikkut kanngutsaat-suliornermut ataatsimut tunngasuunersoq paasissutissiissutigeqqullugu.

1.B. Aammattaaq Naalackersuisoqarfik qinnuigaara pissutsit mianersoqqussuteqaaqqaarani soraarsitsissutaasinnaaneranik Naalackersuisoqarfiup naliliinerisimasai Naalackersuisoqarfiup soraarsitsinermik aalajangiusimanniinnarneranik tunngavilersuummut ilaanersut, imaluunniit soraarsitsinermut tunngavilersuut kisimi ”Sulisumut aqqa taaneqartumut arneriniartarnitit”-mik oqarnermut tunngavilersuutaanersoq paasissutissiissutigeqqullugu.

2. X-ip Mittarfiani mittarfiup pisortaanit C-mit sulisoqarnermut pisortamut Rudolf Heilmannimut, Mittarfeqarfiit, maili 26. oktober 2009-mi nassiunneqarsimasoq paasissutissanik imaattunik ilaatigut imaqarpoq:

”Oqaloqatigiinneq X-ip Mittarfeqarfiani uanga allaffinni pivoq, oqaloqatigiinnermilu pineqarput naammagittaalliuutit K-mi qulimiguullit mittarfiani sulisunit saqqummiunneqarsimasut, pingaartumillu arneriniarfigineqarneq pillugu sulisumit arnamit allakkat pineqartut A-p soraarsitaaneranut pissutaasut pingaarnerusut. A-p ingerlat-

seqatigiiffimmut ilumoorfiginninnginnera kiisalu aqutsisutut pisinnaasaqannginnera soraarsitsinissamik aalajangiinermut soorunami aamma sunniteqaqataapput.” (Atorfeqarfimmi nutsigaavoq)

Naalackersuisoqarfiup ”ingerlatseqatigiiffimmik ilumoorfiginninnginnera”-mik oqar-neq qanoq isumaqarnerseq misissorsimavaa, aamma Mittarfeqarfiit B-mik soraarsitsi-neranut tunngavilersuutaqataasoq taanna Mittarfeqarfiit allakkani soraarsitsissutini tunngavilersuummut naammattumik oqaatiginninnerusinnaanersoq isumaliutersuuti-gisimavaa?

3. Naalackersuisoqarfik qinnuigaara Naalackersuisoqarfiup Mittarfeqarfiit mappiutaa-ta suliami allagaatinik imallip tamarmiusup assilineranik Naalackersuisoqarfik sulia-mik suliarinninnermini atugassatut pissarsiniarsimanersoq paasissutissiissutigeqqul-lugu.

4. Kiisalu Naalackersuisoqarfik qinnuigaara Mittarfeqarfiit mappiutaa suliami allagaa-tit allaqqaarnerinik imalik tamarmiusoq pissarsiariniaqqullugu uannullu atukkiuteq-qullugu.

Allakkat ukua assilinerat A-mut ilisimatitsissutitut ullumikkut nassiunneqarpoq.”

Saaffiginnissutigaa Naalackersuisoqarfiup 17. august 2010-mi imatut akivaa:

"Ombudsmandip allagai 28. juli 2010-meersut, 2009-323-0019-imik j. normoqartut, Ineqarnermut, Attaveqarnermut Angallannermullu Naalackersuisoqarfiup tiguai.

Ombudsmandip Naalackersuisoqarfik qinnuigaa nassuiaaqqullugu, Naalackersuiso-qarfik pingaartumik Mittarfeqarfiit (matuma kinguliani GLV) suliarinninnerminni kukkunerisinnaasaanik amigaatigisinnaasaanillu tamanik ilanngussisimanersoq eqqar-saatigalugu, tassungalu immikkut illua'tungiusumut tusarniaanissamat innersuussineq ilaatinneqarpoq.

B-p (matuma kinguliini illua'tungiusumik taaneqartup) maalaarutaa Naalackersuiso-qarfiup tigummagu, maalaarutip assilineranik GLV-mut nassiunneqarpoq, aammalu sulia-mi paasissutissat assilinerinik piniartoqarluni. Naalackersuisoqarfiup suliamik misis-suinerani illua'tungiusup tusarniaaffigineqarnissaa, soraarsitsinermi amigaatitut na-linginnaasutut amigaataasimasinnaasoq paasineqarpoq. Taamaattumik GLV itisiliiffi-galugu apeqquteqarfigineqarpoq, illua'tungiusumullu tusarniaanermut tunngassuteqar-toq aalajangiinermi sukumiisumik suliarineqarpoq.

Illua'tungiusup tusarniaaffigineqarnerata amigaataasinnaaneranut tunngatillugu Naa-lackersuisoqarfiup tungaaniit pingaartinneqarpoq, illua'tungiusoq suliami pissusiviu-sunik ilisimasaqartutut ilimagineqartariaqartoq. Tamanna illua'tungiusup maalaarute-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

qarnermini allagaani paasinarpoq, ilaatigut arnerilluni malersuinermit tunngasoq isummerfigigamiuk, tak. tamanna pillugu GLV-p aqutsisunut maalaarut, 1. april 2010-mi ullulernerqartoq:

“Nalunngilaatigut suleqatigiinnitsigut qanoq ingerlasugut, uagutsinnut quiasaaqati-giittuartugut sammiuarluta. Qeerliineq tupassaalaarinerluunniit kalaallit quiasaarutaat naluneqanngilaq taamaattoq, uanga aamma taamaaliorneqartarpunga, ilakka aamma taamaattarput, tupigaara uanga kisima taamatut eqqorniarneqarama unnerluutigineqarlunga, allaat ajortuliorujussuurtutut nalilerlunga, soorluli pinngitsaaleeriarsimasutut nalilerneqarsimasunga, tamakku allaalluinnarput.”

Aamma kattuffimmut maalaarummi, 28. april 2009-mi ullulernerqartumi imatut allasimasoqarpoq:

“Taamaattorli sulisut taakku naammagittaalliormata ingerlaannaq aalajangerlugu uanga soraarsitaassasunga, uangaannarlu kisima ajortuliorutut pineqarlunga sulisulli tamarmik qeerleraasartut (tassanilu uanga kisima pineqartutut sexchikane) ingerlaannaq eqqorneqarlunga. Tamakku pillugit allakkerisut nalunngilaat, ukuusut X, Y aamma Z qanoq ingerlasoqartoq [...]”

Illua'tungiusup maalaarutimini tunngavilersuutigisai tunngavigalugit suliami annertunerusumik nutaanik saqqummertoqassasoq imaluunniit aalajangiinerup allanngornissaanut tunngavissiisoqassasoq isumaqartoqanngilaq. Kiisalu maalaaruteqartup maalaaruteqarnermini soraarsitsinermit pissutaasutut tunuliaqutarineqartut nukittunerusutut inissitsiinnarpai. Illua'tungiusumut tusarniaaneq amigaataasimasinnaasoq suliap naammassinnaanut pingaaruteqartutut oqaatigineqarsinnaanngilaq, tamannalu pissutigalugu Naalakkersuisoqarfik naliliivoq, inatsisit tunngavigalugit amigaataasinnaasoq taanna pingaaruteqanngitsoq.

Taamaattorli Naalakkersuisoqarfiup GLV-mut erseqqissaatigissavaa siunissami illua'tungiusunut tusarniaasernerit allakkatigut ingerlanneqartassammata, aammalu sulisut pillugit maalaarutaasinnaasut tunniunneqartassammata.

Tamatuma kingorna Ombudsmandip Naalakkersuisoqarfik qinnuigaa, suliaq pillugu paasissutissamut tassunga tunngatillugu, aammalu sulisut pillugit suliani illua'tungiusumut tusarniaanissamut pisussaaffimmut annertusisamut tunngatillugu Naalakkersuisoqarfiup suliaminik nassuiaateqaqqullugu.

Tassunga tunngatillugu erseqqissaatigineqassaaq Naalakkersuisoqarfik suliaq taannarpiaq tunngavigalugu aammalu tamat sullinneqarnerat eqqarsaatigalugu suliaq qanoq iliorluni pitsaanerpaamik paasiniaaffigineqassanersoq anguniarlugu suliamik suliaqarnermi paasissutissiisarnermilu suleriaatsit suut atorneqassanersut naliliisimammat. Suliamut pineqartumut tunngatillugu Naalakkersuisoqarfik aalajangiivoq suliami up-

pernarsaatissat misissorniarlugit aammalu GLV-mut itisiliiffiusunik apeqquteqarniarluni.

Sulisut pillugit suliani qinnuteqaatitaqanngitsumik soraarsitsinernut atatillugu illua'tungiusumut tusarniaanissamut annertusisamik pisussaaffeqartoqartoq Naalackersuisoqarfiup ilisimaaraa. Kisiannili illua'tungiusup maalaarutimini pissutsit suliami pingaaruteqartut innersuussutigai, taamaattumillu illua'tungiusup pissusiviusunut ilisimaarinnissimanissaa ilimagineqartariaqarluni. Tamanna pissutigalugu Naalackersuisoqarfik naliliivoq, suliamik ingerlatitseqqinnermi suliap suliarineqarneranut atatilugu illua'tungiusumut tusarniaasoqartariaqanngitsoq.

Tamatuma saniatigut Ombudsmandip kissaatigaa, sulianik suliaqartarnermut inatsimmi illua'tungiusut allagaatinik takunnissinnaanerannut maleruagassat, §§ 9 aamma 11 naapertorlugi suliaq qanoq ingerlanneqarsimanersoq Naalackersuisoqarfik nassuiaateqassasoq.

Tassunga tunngatillugu Naalackersuisoqarfiup ilisimatitsissutigissavaa Naalackersuisoqarfiup 27. april 2010-mi oqarasuaatikkut, tamatumalu kingorna e-mailikkut, illua'tungiusup allagaatinik takunnissinnaaneranut qinnuteqaat tigupeqarmat. Tamatuma kingorna GLV-mi sulisut maalaarutaat, illuatungiusup kissaatigisai tamarmik nassiunneqarput. Naalackersuisoqarfiup § 11-mut tunngatillugu oqaatigiinnassavaa, illua'tungiusup allagaatinik takusaqarnissamut piunasaqarnerani Naalackersuisoqarfik suliami aalajangereersimammat.

Tamatuma saniatigut Ombudsmandip Naalackersuisoqarfik qinnuigaa, § 24 naapertorlugi aalajangiinermut tunngaviliinissamut piunasaqaatit eqqarsaatigalugit nassuiaateqaqullugu.

Naalackersuisoqarfiup aalajangiinermut tunngavilersuutimini illua'tungiusumut tusarniaanerup amigaataasimasinnaanera pingaartippaa. Tassani soraarsitsinermut (aqutsisup pisinnaatitaaffia) aamma illua'tungiliuttup tusarniaaffigineqarnissaanut tunngasut innersuussutigineqarput.

Naalackersuisoqarfiup tungaaniit suliap suliarineqarnerani suliami najoqqutassat pissutsillu saqqummiunneqartussat, taamaalillunilu aalajangiinissamut tunngavissat tamarmiusut naliliiffigineqarsimapput: Sulisup tungaaniit sulisitsisumut pisussaaffiit annertuumik sumiginnarneqarsimapput, tamatumalu kingunerisaanik atorfeqarneq ingerlaannarsinnaajunnaarsimalluni, kiisalu tamatuma kingorna GLV-p illua'tungiusoq soraarsinniarlugu aalajangersimavoq, tamanna Naalackersuisoqarfiup naliliinera malillugu GLV-p tungaaniit atorfeqartitsinermut inatsisit malillugit qisuariarneruvoq.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Imaassinnaavoq taamatut ataatsimut naliliineq 9. december 2009-mi aalajangiinermi pitsaanerpaamik saqqummiunneqarsimanngitsoq, tamannalu tusaatissatut tiguneqarpoq.

Tamatuma kingorna Ombudsmandi aalajangersimasunik arlalinnik apeqquteqarpoq, taakkulu matuma kingorna akineqarput:

1.A. Ombudsmandip Naalackersuisoqarfik qinnuigaa, immikkoortoq arneriniartarsimanermut tunngasoq imminermini erniinnaartumik soraarsitsinermut tunngavigineqarsinnaanera pillugu Naalackersuisoqarfiup naliliinera soraarsinneqartup pissusilersorneranut immikkut tunngasuunersoq, imaluunniit Naalackersuisoqarfiup naliliinera arnerilluni/anguserilluni malersuisarnermut tamarmiusumut tunngasuunersoq nasuiaateqaqqullugu.

Tamatumunnga tunngatillugu Naalackersuisoqarfimmit erseqqissaatigineqassaaq arnerilluni/anguserilluni malersuisarnerit pissusilersornerummata sakkortuut, toqqaanartumik soraarsitsinermik kinguneqarsinnaasut. Tamatumanili pissusiviusunik aalajangersimasunik naliliinissaq apeqqutaassaaq. Oqaasertaliussaq issuarneqartoq taanna sulisut pillugit suliani pingaarutilinnik tamanik naliliineruvoq. Tamatumunnga peqatigitillugu erniinnaartumik soraarsitsineqarneq ajormat, illua'tungiusoq soraarsitsinissamut siumut ilisimatitsinissaq nalinginnaasooq atorlugu soraarsinneqartarluni. Suliami matumani pineqartup pissusilersornera atorfeqarnermi annikinnerusumik qisuariaateqarnermut, GLV-p tungaaniit toqqarneqartumut naleqqiullugu isummerfigineqarpoq.

1.B. Pissutsit Naalackersuisoqarfiup naliliiffigisimasai siumoortumik ilisimatitseqqaarani iliuseqarnermi soraarsitsinermik kinguneqarsinnaasut Naalackersuisoqarfiup soraarsitsinermik atuutsitsiinnarnissaanut tunngaviusunut ilaatinneqarnersoq, imaluunniit soraarsitsineq taamaallaat "sulisumut aqqa taaneqartumut arnerilluni malersuinermik" tunngavilerneqarsimanersoq pillugu Ombudsmandip Naalackersuisoqarfik ilisimatitseqqullugu qinnuigaa.

Naalackersuisoqarfiup isumaa malillugu arnerilluni malersuineq aalajangiinermut tamarmiusumut, aammattaaq pissutsinik allanik ilaqartumut pingaaruteqarpoq. Tamanna soraarsitsinermut atatillugu allakkiami, taamatullu GLV-p e-mailerutaani, 26. oktober 2009-meersumi, Ombudsmandip issuaaffigisaani taperserneqarpoq.

2. Ombudsmandip Naalackersuisoqarfik qinnuigaa e-mail-imi GLV-p 26. oktober 2009-mi nassiussimasaani "ilumoorfiginninngitsoq" qanoq isumaqartinneqarnersoq, kiisalu GLV-p aalajangiinerani tamanna ilaatinneqarnersoq pillugu ilisimatitseqqullugu.

GLV-p tungaaniit "ilumoorfiginninngitsoq" qanoq isumaqartinneqarnersoq Naalackersuisoqarfimmit misissorneqanngilaq. Ilumoorfiginninnginneq suliami pissutsinut

assigiinngitsunut tunngasinnaavoq. Naalackersuisoqarfiup oqaaseq taanna, aammattaq soraarsitsinermut atatillugu allakkiami, 25. marts 2009-mik ullulernerqartumi tunngavilersuutitut atorneqanngitsoq immikkut misissuiffigisimannilaa.

3. Tamatuma kingorna Ombudsmandip apequtigaa, Naalackersuisoqarfiup suliamik suliarinninnerminut atatillugu GLV-mi suliamut mappi piniarsimaneraa.

Uppernarsaatissat paasissutissallu suliap suliarineqarneranut atatillugu atorfissaqartineqartut nassiateqqullugit Naalackersuisoqarfiup GLV qinnuigisimavaa, kisiannili GLV-mi suliamut mappi piniarsimanagu. Naalackersuisoqarfik taamaaliorimasari-aqaraluarpoq, siunissamilu sulisut pillugit suliani suliap ilusia pissutigalugu tunngavis-saqartoqartillugu Naalackersuisoqarfik taamaaliortalissaaq.

4. Naalackersuisoqarfiup GLV-mi suliamut mappi allakkamut matumunnga ilanngul-lugu nassiuppaa.

Naalackersuisoqarfimmit neriuutigineqarpoq akissuteqaat manna naammassasoq.”

Tamatuma kingornatigut imaattunik oqaaseqaateqarpunga:

1. Mittarfeqarfiit aalajangiinerat

1.1. Suliami illua'tungiusup isumaanik tusarniaaneq

Mittarfeqarfiit B-mik soorarsitsillutik allagaat immikkoortumik imaattumik imaqarput:

"Soraarnerit pillugu oqaaseqaatissaqaruit taakku allaganngorlugit Sulisoqarner-mut Ilinniartiitsinermullu Immikkoortortaqarfimmut, Postboks 1036, 3900 Nuuk, imaluunniit massakut faxikkut 32 14 60-ikkut nassiunnissaannut periarfissaqaravit, allakkat ukua tigunerannit kingusinnerpaamillu sisamannorneq 2. april 2009 nal-lertinnagu. (Suliami illua'tungiusup isumaanik suliassat suliarineqartarnerat pil-lugu inatsit tunngavigalugu tusarniaaneq)." (Atorfeqarfimmi nutsigaavoq)

Pisortat ingerlatsineranni suliassat suliarineqartarnerat pillugu inatsimmi (matuma kingornatigut "suliassat suliarineqartarnerat pillugu inatsit"-mik taa-neqartartussami) oqartussaasut aalajangiinneginnerminni suliami illua'tungiu-sup isumaanik tusarniaanissaminnut pisussaaffeqarnerat pillugit aalajanger-sakkat imaattut § 19-ikkut aalajangersarneqarput:

"§ 19. Suliassami (illua'tungiulluni) peqataasoq paasissutissanik aalajangersimasu-nik suliassami pisimasuinnut tunngasunik oqartussaasut pigisaqarnerannik ilisima-saqarsorinanngippat aalajangiisoqassanngilaq peqataasoq taanna paasissutissanik tamakkuninna oqartussaasunit ilisimatinneqartinnagu oqaaseqaateqarnissaanullu

6. Suliat nalinginnaasumik soqutiginaatillit, inatsiseqartitsiffiusunut agguataakkat

periarfissinneqartinnagu. Aalajangigarli taanna aatsaat atortuussaaq paasissutissat peqataasumut tassunga iluaqutaasussaassanngippata suliallu aalangiiffiginissaanut annertuumik pingaaruteqarpata. Oqartussaasut oqaaseqaateqarnissamut taaneqartumut piffissamik killiliisinnaapput.

Imm. 2. Imm. 1-imi aalajangersagaq atortuussanngilaq

1) paasissutissat pissuserisaat suliassallu suussusia naapertorlugit tigungmiariikkat tunngavigalugit suliami aalangiinissaq nangaanartutut isumaqarfiginangippat,

2) kinguartitsineq kinguneqassappat suliassap aalangiiffiginissaanut inatsisitigut killiliussap qaangerneqarneranik,

3) peqataasup taassuma suliassap aalangiiffigineqarnissaata kinguartinneqarnissaanik soqutiginninnera pisortat inuinnaalluunniit soqutigisaat taamatut kinguartitsinikkut ajoquserneqartussat pissutiginerullugit minnerutittariaqartutut isumaqarfiginarpata.

4) kapitali 4-mi maleruagassiat malillugit peqataasooq taanna paasissutissanik suliamut tunngasunik tamakkuninnga ilisimatinneqarnissamut pisussaanngippat,

5) paasissutissanik peqataasumut saqqummiussineq annertuumik ajornartorsiutisartaqassaaq, matumani aalajangernermi inuppasuut peqataasutut inissisimasut ilaatinneqartussaananerata pissutigalugu, imaluunniit

6) inatsisitigut immikkut ittunik aalajangersagaqarpata peqataasup aalangiineq pitinnagu aalangiinissamut eqqarsaatigineqartumut tunngaviusunik ilisimatinneqarnissaanut pisussaalersitsisunik.

Imm. 3. Naalackersuisut maleruagassaliorsinnaapput suliassaqrifiit erseqqinnerusumik taaneqartut, imm. 2, nr. 2-mi imaluunniit 5-imi aalajangersakkat nalinginnaasumik atortuuffigisassaata, imm. 1 -imi aalajangersakkami pineqartunut ilaatinneqartussaannginnerannik."

Suliani pisortani atorfeqartitaasunik suleqatigiinnermi ajornartorsiutit, pikkorlunneq imaluunniit naalasseriitsuliornernut tunngasut tunngavilersuutigalugit soraarsitsinermut tunngasuni suliami illua'tungiusup isumaanik tusarniaanissamut annertusisamik pisussaaffeqarneq inatsimmi aalajangersagaanngitsoq aammattaaq atuuppoq. Suliami illua'tungiusup isumaanik tusarniaanissamut pisussaaffik annertusisamik pisussaaffeqarnerup manna nassataraa, tassalu soraarsitsinermi oqartussaasup - suliami aalangiisooqannginnerani - oqartussaasup nammineq suliamik paasinninnerigallakkani pillugu atorfeqar-

titaasumut allakkatigoortuusariaqartumik nassuiaateqarnissaminut nalinginnaasumik pisussaaffeqarnera, matumani suliami pissusiviusunik inatsiseqartitsinikkut suussusiliineq aamma - suliami uppersaasersuineq pillugu apeq-qutinik piusoqarpat - oqartussaasup uppersaasiussanik naliliineri ilanngulugit eqqarsaatigalugit. (Tamatumani tak. Hans Gammeltoft-Hansen allallu: "Forvaltningsret" aappasaanik naqitertitaq, quppernerit 232 tullilu).

Suliassat suliarineqartarnerat pillugu inatsimmi § 19, imm. 1-imi erseqqissumik takuneqarsinnaavoq suliami aalajangiisoqassanngitsoq, oqartussaasup suliami illua'tungiusoq paasissutissanik paasitereersimanngippagu atorfeqartitaasorlu oqaaseqaatiminik saqqummiussinissaminut periarfissinneqareersimatinnagu. Suliami illua'tungiusup isumaanik tusarniaanissamut annertusisamik pisussaaffik suliani soraarsitsinermut tunngasuni aalajangersimasuni aalajangiisoqannginnerani aamma atuuppoq.

Taamaattumik Mittarfeqarfuit aalajangiinerata immikkoortumik qulaani taaneqartumik imaqarnera ajuusaarnarluinnartutut isigaara.

Malugaara B soraarsitsineq sioqqullugu oqaloqatigineqarnissaminut aggeqquneqarsimasoq. Taamaalilluni allakkani soraarsitsissutini "25. martsimi oqaloqatigiinnerput" innersuussutigineqarpoq. B-p aamma mittarfiup pisortaata C-p oqaloqatigiinnerisa 25. martsimi (tassalu ullormi Mittarfeqarfuit A-mik soraarsitsivigisaanni) pisimanagera B-p Mittarfeqarfinnut naammagittaalliuutaanit 1. april 2009-mi ulluleneqarsimasumi aamma uppersarneqarpoq. B imatut allappoq:

"Taakkua ittunnut oqaloqatingiinnitsinni tamaasa eqqartorpakka. (...) -mut X-imi ulloq 25/3-2009 biiliniq sikukkut aatimmanga, naak niunnik ajutooqqallunga nakorsamiit sap. ak. arfinillit uninngasutut pappilisatingut uppersaasat suliffinnut nassiuunikuungaluarina. (...) "

Tamanna tunngavigalugu isumaliutersuutigisimavara B - soraarsitsineq pillugu allakkani immikkoortoq suliami illua'tungiusup isumaanik tusarniaanermut tunngasoq apeqqutaatinnagu - soraarsitsineq sioqqullugu suliami illua'tungiusutut isummaminik (oqaasiinnartigut) tusaarniaavigineqarsimasinnaanersoq.

Suliassat suliarineqartarnerat pillugu inatsimmi § 19-ip immi suliami illua'tungiusup isumaanik tusarniaanerup oqaasiinnartigut ingerlanneqarsinnaanera mattutinngilaa.

Kisianni Carl Aage Nørgaardip aamma Jens Gardep atuakkiaanni "Forvaltningsret, sagbehandling" -imi (1995-imeersumi) quppernermi 176-imi suliami

illua'tungiusup isumaanik tusaarniaanermi periaaseq pillugu ilaatigut makku oqaatigineqarput:

"Tamatumani saniatigut suliami illua'tungiusup isumaanik tusarniaasarneq pillugu malittarisassanik aalajangersaasoqarsimangilaq. Pisut ilaanni paasissutissat ikitut pisariitsullu pineqarfiani tusarniaaneq oqaasiinnartigut ingerlanneqarsinnaasussaavoq, oqartussaasup allaffiani, pineqartup najugaqarfiani imaluunniit oqarasuaatikkut. (...) Sulianili pisariunerulaartuni, tusarniaanerup siunertani eqqortisappagu, paasissutissat allagaatit pineqartut assilinerisa nassiunneqarnerisigut allakkatigut saqqummiunneqarnissaat pisariaqarsinnaavoq. Suliaq pisariusuuppat pisut ilaanni oqartussaasup tusarniaanermut tunngavimmik suliami pissusiviusut pillugu imaqarniliamik immikkut suliaqarnissaa naleqqunnerussaaq." (Atorfeqarfimmi nutsigaavoq)

Hans Gammeltoft-Hansenip allallu atuakkiaanni "Forvaltningsret"-imi, aappassaanik naqitertinneqartumi quppernermi 236-mi oqaatigineqarpoq suliami illua'tungiusup isumaanik tusarniaaneq nalinginnaasumik allatigut ingerlanneqassasoq, soraarsitsineq suliami illua'tungiusup isumaanik tusarniaanissamut annertusisamik tusarniaasarnermik inatsiseqartitsinikkut tunngavimmi pineqartunut ilaatinneqartoq pineqarpat.

Uanga paasinninnera unaavoq pisumi tassani pissutsinik aallaavimmik taassuminnga saneqqutsinissamut tunngavilersuutaasinnaasunik piusoqanngitsoq. Taamaattumik isumaqarpunga B-p suliami illua'tungiusutut isumaanik tusarniaaneq allakkatigut ingerlanneqarsimasariaqaraluartoq.

Aamma oqaatigaara oqartussaasup suliami illua'tungiusup isumaanik tusarniaanerata allakkatigut ingerlanneqarnera uppernarsaasersuinikkut pingaaruteqarsinnaasoq. Taamaalilluni oqartussaasup pineqartup suliami illua'tungiusup isumaanik allakkatigut tusarniaanikkut paasissutissat suut suliami illua'tungiusumut saqqummiunneqarsimanerat uppernarsarsinnaasussaavaa.

Mittarfeqarfuit B pillugu mappiutaanni allagaatinik imalimmi B-p oqaloqatigineqarnissaminut aggeqquneqarsimanera imaluunniit paasissutissat suut oqaloqatigiinnermi B-mut saqqummiunneqarsimanerat pillugu paasissutissanik peqanngilaq. B paasissutissat pillugit oqaaseqaateqarsimappat oqaaseqaatigisimasinnaasai pillugit paasissutissanik aamma peqanngilaq.

Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni (matuma kingornatigut "paasitinneqarsinnaatitaaneq pillugu inatsit"-mik taaneqartartussami) nr. 9-mi, 13. juni 1994-imeersumi § 6, imm. 1-ikkut makku aalajangersarneqarput:

"§ 6. Suliassani ingerlatsinermut oqartussaasunit aalajangiiffigineqartussani oqartussaap paasissutissanik suliassamut tunngassuteqarluinnartumik suliassap aalajangiiffigineqarnissaanut pingaaruteqartunik oqaasiinnakkut pissarsisoq, paasissutis-

sanilluunniit taamaattunik allatut iliorluni paasisaqartoq paasisutissat taakku imaat pillugit allakkiussaaq. Taamaattorli paasisutissat taakku suliassap allakkiartaasa ilaanni takuneqarsinnaappata tamanna atuutinnilaq."

Aalajangersagaq taanna inatsiseqartitsinikkut tunngaviup matuma nalinginnaasumik erserneratut isigisariaqarpoq, tassalu pisortani oqartussaasut suliarmi iliuuserineqartunik pingaaruteqartunik tamanik allattuinnissaminut pisussaaffeqartut. Pisussaaffik taanna oqartussaasoq eqqortumik iliuuseqarsimangersoq sunniuteqarluartumik nakkutilliinermi nalinginnaasumik tunngaviuvoq. Matumani FOB 1999-161 innersuussutigaara.

Mittarfeqarfiit B-mik 25. marts 2009-mi oqaloqateqarsimaneq pillugu allakkiorsimannnginnerat isorisariaqarluinnartutut isigaara.

Mittarfeqarfiit mappiutaat suliarmi allagaatinik imalik 25. marts 2009-mi oqaloqatigiinneq imaluunniit oqaloqatigiinnissamut aggeqqusineq pillugu paasisutissanik imaqanngimmat aammattaaq manna erseqqarluppoq, tassalu Mittarfeqarfiit B ataatsimiinermi illersortissaminik nassarnissaminut pisinnaatitaasoq paasitissimaneraat.

Ingerlatsineq pillugu inatsiseqartitsinermi aalajangiisuusumik tunngaviuvoq pisortat ingerlatsivianni suliarmi illua'tungiusoq allanit sukkulluunniit sinniisogarsinnaasoq illersorteqarsinnaasorluunniit. Tunngavik taanna suliassat suliarineqartarnerat pillugu inatsimmi § 8-kkut, sulianut aalajangiiffigineqartunut aalajangiiffigisassanulluunniit toqqaannartumik atuuttukkut, assersuutigalugu sulineq pillugu oqaloqatigiinnerni - inatsisikkut aalajangersagaanngitsumik - aamma annertusisamik atuuttukkut saqqummerpoq. Taamaalilluni Folкетинgip Ombudsmandiata pisuni arlalinni manna tunngaviutittarsimavaa, tassalu atorfeqartitaasoq pisortarisaminut sulineq pillugu oqaloqatigineqarnermini illersorteqarnissaminut nalinginnaasumik pisinnaatitaaffeqartoq. Matumani FOB 2001-574 innersuussutigaara.

Suliassat suliarineqartarnerat pillugu inatsimmi § 7, imm. 1-ip manna nassataraa, tassalu ingerlatsinermi oqartussaaffiup inuit oqartussaaffigisamini suliassat pillugit apeqquteqarlutik saaffiginnittut pisariaqarneratut annertutigisumik ilitsersorlugillu ikiortassagai. Ilitsersuinissamulli pisussaaffimmut ilaasut suliassat suliarineqartarnerat pillugu inatsimmi § 7, imm. 1-ikkut sukumiisumik taagorneqarsimannngillat, tassami ilitsersuinissamut annertusisamik pisussaaffik ingerlatsinermi ileqqorissaarnerup nassatarisinnaammagu. Ataatsimiinnerup pissusia B-millu soraarsitsissamaarneq isiginiarlugit uanga paasinninnera unaavoq Mittarfeqarfiit ataatsimiinnissamut aggeqqusinermut atatillugu ilitsersuinissaminut ingerlatsinermi ileqqorissaarneq tunngavigalugu pisussaaffeqarsimasut, taamaalillutillu Mittarfeqarfiit B-p ataatsimiigiaruni illersuisu-

mik ilaqarsinnaatitaanera B-mut paasissutissiissutigisimasariaqaraluaaraat. Matumani FOB 2007-132 innersuussutigaaara.

Tassanili aamma ilaavoq Mittarfeqarfiit ulloq taanna oqaloqatiginniffimmini B-mik soraarsitsisimanerat. Taamaalillutik Mittarfeqarfiit soraarsitsinermut tunngaviutinneqassamaartunik ulloq taanna ataatsimiinnermi B-mut qanoq annertutigisumik saqqummiussisimanerat apeqqutaatinnagu B soraarsitsinermut tunngaviusoq pillugu oqaaseqaateqarnissaanut naammattumik piffissaler-simanngilaat.

Matumani U 2003.2203 VLD⁵⁷ innersuussutigaaara.

25. marts 2009-mi ataatsimiinneq pillugu eqikkaallunga oqaatigisariaqarpara Mittarfeqarfiit suliaasat suliarineqartarnerat pillugu inatsimmi § 19 tunngavigalugu suliami illua'tungiusup isumaanik tusaarniaanissaminnut pisussaaffitsik kiisalu suliami illua'tungiusup isumaanik tusaarniaanissamut annertusisamik pisussaaffeqarnermik inatsiseqartitsinikkut tunngaviusoq eqqortissimanngikkaat. Tamanna isorisariaqartutut isigaara.

1.2. Aalajangiinermut tunngavilersuut

Aalajangiinerit allakkatigut nalunaarutigineqarnerannut atatillugu suliaasat suliarineqartarnerat pillugu inatsimmi §§-it 22 aamma 24 atuuppuit:

"§ 22. Aalajangiineq allakkatigut nalunaarutigineqaruni aalajangiinermut tunngaviusumik ilaqartinneqassaaq, suliami peqataasumut tassunga tapersiisuulluinnanngikkuni."

"§ 24. Aalajangiinermut tunngaviusumik nalunaarummi innersuussutigineqassapput inatsisini maleruaqqusat aalajangiinermi tunngavigineqartut. Maleruaqqusat tamakku malillugit aalajangiineq oqartussaasuni sulisut isumaannik tunngaveqarpat tunngaviusumik nalunaarummi taaneqassapputtaaq pissutaasut pingaarnerusut isummat tamakku atornerannut aalajangiisuunerusut."

- 57) Kommunip naammagittaalliuutit marluk ataatsimiinnermi kommunimi ulluunerani paarsisartumut atuffassissutigalugit saqqummiuppai, taannalu ataatsimiinnermi tamatuma kingornatigut ingerlaannartumik atuutilersumik suliuunnaarsinneqarpoq. Vestre Landsretsip eqqartuussummut tunngavilersuutini erseqqissarlugu oqaatigaa kommunip ulluunerani paarsisartoq allakkatigut naammagittaalliuutinik tunineqanngitsoq ataatsimiinnermi so-raarsitsinermik sulisitsisuminut oqaloqatiginninnissaminut periarfissaqaraluartoq soraarsitsinermut tunngaviusoq pillugu oqaaseqaateqarnissaanut naammattumik periarfississiman-ngikkaa, tak. ingerlatsineq pillugu inatsimmi § 19, imm. 1. Tassani tunngaviusariaqarpoq ulluunerani paarsisartoq ataatsimiinnermi tupassimaarsimasoq naammagittaalliuutit pillugit oqaaseqaateqassanngitsoq, taamaaliornissaminulli sivikinnerusumik piffissalerneqarsimasoq.

Imm. 2. Tunngaviusumik nalunaarummi pisariaqarpat naatsumik erseqqissarneqas-sapputaaq paasissutissat suliami pissusiviusunut tunngasut aalajangiinermi anner-tuumik pingaartinneqartut.

Imm. 3. Tunngaviusumik nalunaarutip imarisai killiliiffigineqarsinnaapput suliami peqataasup tamakkununga ilisimasaqarnini nammineq iluaqutigiumallugu atuii-masinnaanerninik soqutiginninnera inuk taanna nammineq eqqarsaatigalugu imaluunniit inuinnaat allat pisortalluunniit soqutigisaat pissutiginerullugit minne-ruttariaqartutut isumaqarfiginarpat, tak. § 15."

Suliassat suliarineqartarnerat pillugu inatsimmi § 24, imm. 2-mi aalajanger-sarneqarpoq tunngavilersuut pisariaqarpat suliami pissusiviusut pillugit nas-suiaammik naatsumik ilaqartinneqassasoq. Suliami pissusiviusut nassuiaammi qanoq annertussuseqarnissaannik, imaqarnissaannik qanorlu immikkuualuttu-lersugaatiginissaannik apeqqut makku tunngavigalugit ilaatigut naliliiffigine-qartariaqarpoq, tassalu suliami illua'tungiusoq suliap suliarineqarnerani qa-noq annertutigisumik ilaatinneqarsimanersoq (pingaartumik suliami illua'tu-ngiusup isumaanik tusarniaanermi aamma suliami illua'tungiusup suliami al-lagaatinik paasitinneqarnerani), suliamilu pissusiviusut suliami illua'tungiusu-mit ilisimaneqareernersut ilisimaneqariinnnginnersulluunniit. Tamatuma sania-tigut suliami pissusiviusut ajornakusuussusiat naliliinermi aamma ilaatinne-qartariaqarpoq, taamatuttaarlu pissuiviusup assortuussutigineqarnera assor-tuussutigineqannginneraluunniit aamma pingaaruteqarluni. Pissusiviusumut assortuussutigineqartumut atatillugu tunngavilersuut pissusiviusup assortuus-tigineqarnerata paasissutissiisutigineqaannarani tamatuminnga paasinnin-nerit assigiinnigitsut saqqummiunneqarnerannik kiisalu pissusiviusumik sorler-mik oqartussaasup aalajangiinermut atatillugu uppersaasarsuinikkut tun-gaviutitsinera pillugu paasissutissiisummik aamma imaqassaaq, ataatsimut isigalugu tak. FOB qupp. 359.

Allakkani Mittarfearfiit B-mik soraarsitsissutigisaanni tunngavilersuut ukununngaannaq tunngatinneqarpoq:

"Qulimiguulinnut mittarfimmi pisortatut atorfimmit soraarsitsinermut tunuliaqutaasut:

- X-ip Mittarfiani mittarfiup pisortaa C arlaleriarluni inassuteqartarsimagaluartoq K-mi qulimiguulinnut mittarfimmik aqutsinermi sulerusussuseqannginneq soquti-gisaqannginnerlu.*
- Aqutseriaatsit aamma suleqatinnut pissusilersortarnitit oqaatsillu atortakkatit pillugit sulisut annertuumik naammagittaalliuuteqartarnerat.*

6. Suliat nalinginnaasumik soqutiginaatillit, inatsiseqartitsiffiusunut agguataakkat

- *Mittarfearfiit sullitaannut pissusilersortarnitit oqaatsillu atortakkatit pillugit sullitanit naammagittaalliuutit.*
- *Sulisumut aqqa taaneqartumut arneriniartarnitit, tassungalu tunngatillugu allakkatigut naammagittaalliuut uppersaaitit pigineqarpoq."*

Uanga paasinninnera unaavoq tunngavilersuutit taaneqartoq suliami pissusiviusut pillugit nassuiaatitaqangitsoq naammaginatunimik erseqqissaasuungitsoq, tamatumalu soraarsinneqartup aalajangiinermik naammagittaalliuutiginninnerani naqqiisuteqarsinnaanera soraarsitsinermulluunniit tunngavipiasoq eqqarsaatigalugu akerliliisuteqarnissaanut periarfissaa ajornaku-soortunngortikkaa. Tamatumani manna pingaartillugu aamma isiginiarpara, tassalu B suliami illua'tungiusup isumaanik tusarniaanermut ilaasumik suliap ingerlasimanerata allaaserineqarneranik tunngavilersuummi immikkoortunut taaneqartunut itisilerutaasimasinnaasumik tigusaqarsimanngitsoq.

Aalajangiinermut tunngavilersuutip naammattumik erseqqarissuseqannginnera suliamilu pissusiviusut pillugit nassuiaatitaqannginnera ajuusaarnarluinnartutut isigaara.

Allakkat soraarsitsissutit inatsiseqartitsinermi malittarisassanut aalajangiinermi tunngavigineqartunut innersuussummik imaqannginnermikkut suliasat suliarineqartarnerat pillugu inatsimmi § 24, imm. 1-imi piumasagaatinik tamakkiisumik aamma eqqortitsisuunnigillat.

Taamaalilluni uanga paasinninnera unaavoq tunngavilersuummi arnat anguttillu naligiissitaanissaat pillugu Inatsisartut inatsisaanni nr. 7-imi, 11. april 2003-meersumi § 9, imm. 1 kiisalu eqqartuussinermi periaaseq tassunga atatinneqartoq innersuussutigineqarsimasariaqaraluartut.

Aalajangersagaq taanna imaattunik oqaasertaqarpoq:

"Sulisitsisup kialuunniit angutunik arnanillu sulisoqartup atorfinitsitsinerni, suliffimmi nuutsitsisarnerni, atorfimmi qaffatsitaanerni soraarsitsinernilu naligiimmik pissassavai, suliffimmilu naligiimmik atugassaqartissallugit."

Inatsimmi aalajangersagaq taanna pillugu oqaaseqaatinik erserpoq taassuma sulinermi erninermullu atatillugu sulinngiffeqarnermi il.il. angutit arnallu assigiimmik pineqarnissaat pillugu inatsimmi nr. 244-mi, 19. april 1989-meersumi Inatsisartut inatsisaata atortuulernissaata tungaanut atuuttumi § 2 aamma § 4 annertunerusutigit assigigai.

Folketingip inatsisaa taanna (inatsit nr. 244, 19. april 1989-meersoq) kingusinnerusukkut ilaatigut inatsisikkut nr. 1385-ikkut, 21. december 2005-meersukkut allanngortinneqarsimavoq, taannali Kalaallit Nunaannut atortuunani,

taassuma Kalaallit Nunaanni pingaarnertut inatsisip arnat angutillu naligiissitaanissaat pillugu Inatsisartut inatsisaata nr. 7-ip, 11. april 2003-meersup atortuulersinneqarneratigut atorunnaarsinneqarsimanera pissutigalugu.

Inatsisip taaneqartup allannguutaatigut (inatsisikkut 1385-ikkut, 21. december 2005-imeersukkut) taaneqartukkut aalajangersagaq (§ 1, imm. 7) ilaatigut ikkunneqarpoq, tassuunalu aalajangersarneqarluni "tiinganiarneq/arneriniarneq/anguseriniarneq pineqartarpoq oqaatsitigut, oqaaseqarani iliuutsitigut imaluunniit timikkut iliuutsitigut inuup ataqqinassusianik innarliiniarnermik siunertaqartutigut iliuuseqartoqarpat, pingaartumik pissutsinik qunusaariffiusunik, akeqqersimaarfiusunik, kanngunarsaataasunik, nikanarsaataasunik nuanniitsunilluunniit pilersitsinik." (Atorfeqarfimmi nutsigaavoq)

Aalajangersakkami tassani Danmarkimi aalajangersarneqarpoq tiinganiarneq/arneriniarneq/anguseriniarneq suiaassuseq pissutigalugu assigiinngisitsinertut isigineqassasoq. Inatsilli pillugu oqaaseqaatinit erserpoq tiinganiarneq/arneriniarneq/anguseriniarneq inatsisip allanngortinneqarnera sioqqullugu inatsiseqartitsinikkut periaatsimi naligiimmik pinnittarnermik unioqqutitsinertut aamma isigineqartoq:

"Danmarkimi inatsiseqartitsinikkut periaatsimi tiinganiarnermik/arneriniarnermik/anguseriniarnermik oqartarnek inatsimmi §§-ini 2-mit 4-mut ilanngunneqarsimavoq, taamaalilluni suiaassuseq pissutigalugu assigiinngisitsinermi tiinganiarneq/arneriniarneq/anguseriniarneq ilaatinneqareerluni, naligiimmillu pinnittarnermik tunngaveqarnermik unioqqutitsinertut isigineqarluni. (...) Tiinganiarneq/arneriniarneq/anguseriniarneq pineqarnerasoq naliliiniarnermi innarliinerup kusanaassusia, innarlerneqartup ilatsiinnarsimanera, innarliisup taamaaliorinnaalluni isumaqarsimanera, suliffimmi pissutsit sammeqatigiittarnermilu periaatsit qanoq ittuussusiat il.il. eqqartuussiviit isummerfigisarpaat. Pissusilersorneq kusanaanneruleriartortillugu taamalu innarliinermik sunniutigisaa annertusiartortillugu pissutsit allat, matumani suliffimmi pissutsit sammeqatigiittarnermilu periaatsit qanoq ittuussusiat ataatsimut isigalugit sunniuteqarunnaariartortinneqartarput. Ullumikkumiillu tamatuma tiinganiarnernut/arneriniarnernut/anguseriniarnernut illersuutaanera inatsimmi §§-ini 2-mit 4-mut ilaatinneqareerpoq, tassami sulisitsisoq suliffeqarfimmi pissutsit eqqarsaatigalugit akissarsiaqarluni sulisartunik assigiinngitsunik pinnequsaanngimmat. Ataqatigiinneqarnermi tassani suliffeqarfimmi pissutsit imatut nasuiarneqarput sumiiffinnik tiinganiarfiunngitsunik/arneriniarfiunngitsunik/anguseriniarfiunngitsunik sulisitsisup atugassaqartitsinissaminut pisussaaffeqarnera aalajangersakkap aamma nassataraa, sulisitsisorlu sulisumi tiinganiarnernut/arneriniarnernut/anguseriniarnernut illersorneqarnissaasa qulakkeerneqarnissaat pisussaaffigaa." (Atorfeqarfimmi nutsigaavoq)

Arnat angutillu naligiissitaanissaat pillugu Inatsisartut inatsisaanni nr. 7-imi, 11. april 2003-meersumi § 9, imm. 1 pillugu oqaaseqaatit matuma ilimaginis-

saanut pissutissaqalersitsinngillat, tassalu eqqartuussiviit periaasianni sulisisup sulisumi tiinganiarnernut/arneriniarnernut/anguseriniarnernut illersorneqarnissaasa qulakkeerneqarnissaannik pisussaaffeqarneratut ilanngussap allanngortinneqarnissaa inatsisiliortut siunertarisimagaat.

Taamaattumik isumaqarpunga soraarsitsinermut tunngavilersuummi aalajangersakkamut taaneqartumut eqqartuussiviillu tassunga atatillugu periaasianut innersuussissalluni pissusissamisoorisimassagaluartoq.

1.3. Naammagittaalliuutit soraarsitsinermut tunngavilersuummi ilaasut

Allakkani soraarsitsissutini soraarsitsinermut pissutaasut ilaat tassaapput suleqatit naammagittaalliuutaat, sullitat naammagittaalliuutaat kiisalu "sulisumut aqqa taaneqartumut arneriniartarnitit, tassungalu tunngatillugu allakkatigut naammagittaalliuut uppersaatitut pigineqarpoq."

Malugaara Mittarfeqarfiit mappiutaat B pillugu allagaatinik imalik ilaatigut sulisup aqqatigut taaneqartup arneriniarfigineqartarnini pillugu naammagittaalliuutaanik 13. februar 2009-mi ullulerneqarsimasumik ilaatigullu mittarfimmi sulisut aqqisigut taaneqanngitsut naammagittaalliuutaannik ullulerneqarsimannngitsunik arlalinnik mittarfiup pisortaanut C-mut ataatsimoortillugit 24. marts 2009-mi tunniunneqarsimasunik imaqartoq.

Aamma malugaara naammagittaalliuutini mittarfiup pisortaanut C-mut ataatsimoortillugit tunniunneqartuni sullitat naammagittaalliortut marluk nassatamik aserorsimasut nalunaarutigineqarnerisa suliarineqarnerat nukingisaarutigalugu arlaleriarlutik saaffiginnittarsimasut eqqaaneqartut. Naammagittaalliuutit oqaasiinnartigut tunniunneqarsimanersut erseqqarluppoq. Naammagittaalliortoqarsimappat naammagittaalliuutit qanga tunniunneqarsimanersut takuneqarsinnaanngilaq, taamatuttaarlu sullitat taakku kikkuunerat paasisutis-siissutigineqarani.

Mittarfeqarfiit mappiutaat allagaatinik B-mut tunngasunik imalik taakkua saniatigut sulisut sullitalluunniit naammagittaalliuutaat tiguneqartut pillugit allakkianik imaqanngilaq. Tamatumunnga atatillugu oqaatigaara oqartussaasoq paasisutissanik suliamut pingaaruteqartunik oqaasiinnartigut tigusaqartoq tamakku pillugit allakkiornissamut pisussaaffeqartoq, tak. paasitinneqarsinnaatitaaneq pillugu inatsimmi § 6, imm. 1.

Mittarfimmi sulisut aqqisigut taaneqanngitsut naammagittaalliuutaasa ullulerneqarsimannngitsut matuma oqaatiginissaanut pissutissaqalersippaanna, tassalu oqartussaasup naammagittaalliuutit naammagittaalliortup kinaassusianik takutitsisuunngitsut soraarsitsinermi tunngavimmut ilaatissinnaanngik-

kai. Matumani Inatsisartut Ombudsmandiata 2003-mi ukiumoortumik nalunaa-rutaani quppernerit 102 tulliilu innersuussutigaa.

Taamaalillutik Mittarfeqarfiit naammagittaalliuutit naammagittaalliortut kinaassusiinik takutitsisut kisiisa soraarsitsinermut tunngaviusumi ilaatissinnaasimavai, B-llu tusarniaavigineqarneranut atatillugu kikkut naammagittaalliuuteqarsimanerat B-mut paasissutissiissutigissallugu pisussaaffeqarsimalluni.

Arneriniarneq pillugu naammagittaalliuut naammagittaalliortup kinaassusiinik takutitsisoq eqqarsaatigalugu B-p Naalackersuisut Siulittaasuannut naammagittaalliummini oqaatigaa naammagittaalliuut takujumasimagini, mittarfulli pisortaata C-p tamatuminnga itigartissimagaani. Paasissutissiissut taanna Mittarfeqarfinnit ilumuunnginnerarneqarsimanngilaq.

Suliassat suliarineqartarnerat pillugu inatsit (§§-ini 9-mi 10-milu) suliami illua'tungiusup allagaatinik suliamut tunngasunik (ilaatinneqartussaannigitsut erseqqinnerusut taaneqartut kisiisa pinnagit) paasitinneqarnissaanut periarfissiivoq. Nipangiussisussaataanerup suliami illua'tungiusup paasitinneqartussaataanera killissalersunngilaa (§ 9, imm. 2).

Taamaattumik B-p arneriniartarneq pillugu naammagittaalliuut takujumallugu qinnutigisaanik Mittarfeqarfiit itigartisisimanerat ajuusaarnarluinnartut isigaara.

Arneriniartarsimanermik naammagittaalliuut takujumallugu qinnutigineqartoq qanga saqqummiunneqarsimanersoq B-p Naalackersuisut Siulittaasuannut naammagittaalliuutaani takuneqarsinnaannigilaq. Tamanna 25. marts 2009-mi oqaloqatigiinnermut atatillugu pisimappat - tamannalu ilimanarneruvoq - taamalu soraarsitsineq sioqqullugu pisimappat suliap aalajangiivigineqarnissaa kinguartinneqarsimasussaagaluarpoq, B-p allagaammik pineqartumik takusaqarnissaminut periarfissinneqareernerata tungaanut. Tamanna suliassat suliarineqartarnerat pillugu inatsimmi § 11, imm. 1-ip imaattup nassataraa:

"§ 11. Suliami peqataasoq suliassaq suliarineqartillugu suliamut tunngasunik ilisimatinneqarnissaminik qinnuteqarpat, qinnuteqaataalu inatsit una malillugu akuerineqassappat, suliassap aalajangiiffigineqarnissaa kinguartinneqassaaq suliami peqataasup allagaatinik ilisimatinneqareernissaanut."

1.4 Naammagittaalliornissamut periarfissamik ilitsersuineq

Allakkat soraarsitsissutaasut naammagittaalliornissamut periarfissap ilitsersuutigineqarneranik imaqanngilaq, taamaalillutillu suliassat suliarineqartar-

nerat pillugu inatsimmi § 25, imm. 1-ikkut imaattukkut piumasaqaammik eqqortitsisuunatik:

"§ 25. Aalajangiinerit ingerlatsinermut oqartussaasunut allanut naammagittaalliuutigineqarsinnaasut allakkatigut nalunaarutigineqarunik naammagittaalliorsinnaanermut ilitsersuummik ilaqartinneqassapput tassuuna nalunaarlugit naammagittaalliorfik naammagittaalliusagaannilu qanoq iliortariaqartoq immaqalu aamma ullut qassit qaangiutsinnagit naammagittaalliorfik. Tamakkuninngali ilaqartinneqassanngillat aalajangiineq aalajangiiffigineqartumut tapersiisuulluinnarsimappat."

Tamanna ajuusaarnarluinnartutut isigaara.

2. Ineqarnermut, Attaveqarnermut Angallanermullu Naalackersuisoqarfiup suliamik suliarinninnera aalajangiineralu

2.1. Oqartussaasup qulliunerusutut naammagittaalliorfissap oqartussaasumi alliunerusumi suliamik suliarinninnermi kukkunernik amigaatinillu uparuannissaminut pisussaaffia

Naalackersuisoqarfik oqartussaasutut qulliunerusutut naammagittaalliorfissatut oqartussaasumi alliunerusumi suliamik suliarinninnermi aalajangiinermilu kukkunerit sumiginnaanerillu uparuassallugit pisussaaffeqarpoq.

Naalackersuisoqarfiup aalajangiinermi uparuarlugu oqaatigisimavaa Mittarfeqarfiit suliami illua tungiusup isumaanik tusarniaasarneq pillugu malittarisassaq "unioqutinneqarsimassasoq ilimanaateqartoq". Mittarfeqarfiilli amigartumik tunngavilersuinerat naammagittaalliorfissamullu periarfissanik ilitsersuisimanninnerat Naalackersuisoqarfiup isummerfigisimannigilaa.

Tamanna isorisariaqartutut isigaara.

2.2. Naalackersuisoqarfiup oqartussaasutut qulliunerusutut naammagittaalliorfissatut tunngavilersuutit Mittarfeqarfiit aalajangiineranni ilaatinneqartut ilalersimavai?

Mittarfeqarfiit allagaanni soraarsitsissutini immikkoortut sisamat soraarsitsinermut tunngavilersuutit taaneqarsimapput, siusinnerusukku allaaserineqartutut.

Naalackersuisoqarfik aalajangiinermi tunngavilersuummi nalilivoq immikkoortunit sisamanit taakkunanga pingasut siulliit imminni soraarsitsinermut tunngavittut naammannigisut, soraarsitsineq sioqqullugu mianersoqqusisoqarsimannigippat.

Naalackersuisoqarfik qinnuigaara pissutsit Naalackersuisoqarfiup mianersoqqusisoqareersimannigippat soraarsitsinermut tunngaviusinnaanngisutut nali-

ligai Naalackersuisoqarfiup soraarsitsinermik aalajangiusimanninnerani ila-nersut imaluunniit soraarsitsinermut tunngaviusumi "sulisumut aqqa taaneqartumut arneriniartarnitit, tassungalu tunngatillugu allakkatigut naammagittaalliuut uppernarsaatitit pigineqarpoq" kisimi ilaatinneqarnerseq paasissutissiissutigeqqullugu.

Apeqqutigisara taanna Naalackersuisoqarfiup 17. august 2010-mi imatut akivaa:

*"Naalackersuisoqarfiup isumaa malillugu arnerilluni malersuineq aalajangiinermut tamarmiusumut, aammattaaq pissutsinik allanik ilaqartumut pingaaruteqarpoq. Tamanna soraarsitsinermut atatillugu allakkiami, taamatullu GLV-p e-mailerutaa-
ni, 26. oktober 2009-meersumi, Ombudsmandip issuaaffigisaani taperserseqarpoq."*

Naalackersuisoqarfiup akissutaa imatut paasivara Naalackersuisoqarfiup soraarsitsinermik aalajangiusimanninnera, Mittarfeqarfiit aalajangiinerattut, immikkoortunik sisamanik tamanik tunngaveqartinneqartoq.

Taamatut paasinnineq Naalackersuisoqarfiup tunngavilersuummini imatut oqarneranit aamma ikorfartorneqarpoq:

"Naalackersuisoqarfiup isumaa malillugu Mittarfeqarfiit soraarsitsinerat pissutsinut annertuunut pingaarutilinnullu tunngasuupput."

Tamatumunnga atatillugu oqaatigaara pissutsit sisamat taakku ataasiakkaarlutik sunniuteqassappata piumasagaataavoq pissutsit taakku ataasiakkaarlutik Naalackersuisoqarfiup aalajangiineranut tunngavimmi ilaatinneqarnissaanut uppernarsaasersuinikkut qulaarnaatsumik tunngavik naammattumik erseqqarissuseqartoq piussasoq.

Taamaalillutik suliami illua'tungiusup isumaanik suliaq paasissutissartaler-sorniarlugu tusarniaanermut piumasagaatit Naalackersuisoqarfiup suliamik suliarinninnerani ilaasutut soraarsitsinermut tunngaviusut sisamat Naalackersuisoqarfiup soraarsitsinermik aalajangiusimanninnerani ilaatinneqartut tamaasa eqqarsaatigalugit atuupput. Naalackersuisoqarfiup soraarsitsinermut tunngaviusut sisamaata immini soraarsitsinermut tunngavigissallugu naammanneranik naliliinerata Naalackersuisoqarfik matuminnga pisussaaffiiangi-laa, tassalu soraarsitsinermut tunngaviusut sinnerisa pingasut Naalackersuisoqarfiup soraarsitsinermik aalajangiusimanninnerminut tunngavittut ilaatis-

simasai aamma eqqarsaatigalugit suliap naammattumik paasissutissartalersorneqarnissaa.

*Naalackersuisoqarfiup suliami illua'tungiusup isumaanik tusarniaanissamut aamma suliamik paasissutissartalersuinissamut pisussaaffini eqqortissimane-
rai immikkoortuni 2.4-mi aamma 2.5-imi isummerfigaara.*

2.3 Allagaatinik paasitinneqarsinnaatitaaneq

*Naalackersuisunut (Naalackersuisut Siulitaasuannut) naammagittaalliummi-
ni 21. maj 2009-mi ullulerneqarsimasumi B-p ilaatigut makku oqaatigai:*

*"Suliunnaarsitaaninnut allakkat tassunga tunngasut tamaasa ilanngullugit nassiup-
pakka, kisianni unnerluussisimasup allagai kisimik ilaanngillat, taakku C-p tunniuk-
kusunnngimmagit aammalu takutikkusunnagit, takujumagaluarakkitt suna peqqutaa-
nersoq takuniarlugu, kisiannili allagai malillugit kanngunartuliortutut imaqartut
paasivara (...)"*

*Naammagittaalliuut soraarsitsineq piinnarnagu aammali arneriniarneq pil-
lugu naammagittaalliummi soraarsitsinermut tunngaviusutut ilaasumi al-
lagaatinik paasitinneqarumanerup itigartinneqarnera pillugu naammagittaal-
liuutitut paasineqassanersoq B-p Naalackersuisunut (Naalackersuisut Siulit-
taasuannut) naammagittaalliuutaani erseqqissumik takuneqarsinnaanngilaq.*

*Naammagittaalliuutip ilaa issuarneqartoq suliami allagaatinik paasitinneqa-
rumalluni qinnutigisatut erseqqissumik oqaasertalerneqarsimasutut aamma
oqaatigineqarsinnaanngilaq.*

*Taamaattorli B-p arneriniarneq pillugu naammagittaalliummik paasitinne-
garnissani kissaatigisimagaa erseqqissumik takuneqarsinnaavoq.*

*Malugeqqullugu oqaatigaara oqartussaasoq aalajangiineq ataasiinnaanngit-
soq naammagittaalliuutigineqarnerasoq naammagittaalliuutip nalorninarsisip-
pagu nalornissutigineqartup taassuma naammagittaalliortumut saaffiginnin-
nikkut qulaajarniarnissaanut pisussaaffeqarsinnaasoq.*

*Aamma malugeqqullugu oqaatigaara suliassat sularineqartarnerat pillugu i-
natsimmi § 7, imm. 1-ikkut manna aalajangersarneqartoq, tassalu inuit oqar-
tussaasup suliassaqarfiata iluani apeqqut pillugu saaffiginnittut pisariaqarne-
ratut annertutigisumik ilitsersornissaannut ikiornissaannullu oqartussaasut pi-
sussaaffeqartut. Ilitsersuinissamut pisussaaffimmi tassani pisut qanoq ittuune-
rat apeqqutaatillugu suliami illua'tungiusup allagaatinik paasitinneqarumal-
luni qinnuteqarnissamut periarfissaa aamma ilaasinnaavoq, suliami illua'tu-
ngiusup oqartussaasumut pineqartumut saaffiginnissutaani takuneqarsinnaap-*

pat suliami allagaatit suliami illua'tungiusup oqarneratut taakkua imarisaat suliami illua'tungiusup ilisimannikkai.

Tassani aamma ilaavoq Naalakkersuisoqarfiup immikkoortumik nakkutilliinermi oqartussaasutut oqartussaasup alliunerusup pisortat ingerlatsinerat pillugu inatsiseqartitsinermi malittarisassanik pingaaruteqartunik sumiginnaanera malugiguniuk tamanna isummerfigissallugu pisut qanoq ittuunerat apeqqutaatillugu pisussaaffeqarsinnaanera.

B-p Naalakkersuisunut (Naalakkersuisut Siulittaasuannut) naammagittaalliuutaata allagaatinik paasitinneqarnissamik itigartitaaneq pillugu naammagittaalliummik erseqqissunik oqaasertalersugaasumik imaqaannginnera suliamilu allagaatinik paasitinneqarnissamik qinnuteqaammik erseqqissunik oqaasertaligaasumik aamma imaqaannginnera apeqqutaatinnagit uanga paasinninnera taamaalilluni unaavoq Naalakkersuisoqarfiup B allagaat pineqartoq takujumallugu angusaqarfiunngitsumik qinnuteqarsimasoq pillugu oqaatigineqartut isiginianngissinnaasimannikkai.

Suliassat suliarineqartarnerat pillugu inatsimmi § 11, imm. 1-ikkut aalajangersarneqarpoq suliami illua'tungiusoq suliap suliarineqarnerata nalaani suliami allagaatinik paasitinneqarumalluni qinnuteqarpat suliap aalajangiivigineqarnissaa kinguartinneqassasoq, suliami illua'tungiusup allagaatinik pineqartunik paasitinneqarnissaminut periarfissinneqareernissaata tungaanut.

Uanga paasinninnera unaavoq Naalakkersuisoqarfik B-p soraarsinneqarnera pillugu aalajangiinissaminut taamaalilluni tunngavissaqarsimanngitsoq, B-p allagaatinik paasitinneqarumalluni qinnuteqaataa Mittarfeqarfïllu tamatuminnga itigartitsinerat isummerfigereersimannikkunigit.

Taamaattorli suliap aalajangiivigineqarnera sioqqullugu B-p arneriniarneq pillugu naammagittaalliummik paasitinneqarnissaanik pisussaaffeqarneq suliami illua'tungiusup isumaanik tusarniaasarneq pillugu malittarisassat nassatarereerpaat, tulliuttut takukkit.

2.4 Suliamik paasissutissartalersuineq

Naalakkersuisoqarfiup akissummini 17. august 2010-meersumi oqaatigaa suliamik suliarinninnermini atugassatut allagaatit suliamut tunngasut Mittarfeqarfïnnit pissarsiarisimagini, Mittarfeqarfïlli mappiutaat suliami allagaatinik imalik pissarsiariniarsimannikkini. Malugaarali Naalakkersuisoqarfiup akissummini oqaatigigaa tamanna Naalakkersuisoqarfiup suliani sulisunut tunngasuni siunissami periaaserilerniaraa, suliap qanoq issusiata tamanna tunngavissaqartippagu. Taamaattumik tamatumunnga atatillugu annertunerusumik iliuuseqaqqissanngilanga.

Suliat qinnuteqaataanngitsumik soraarsitsinermut tunngasut annertuumik akuliunnertut isigisariaqarput, taamaattumillu misissuinerup qanoq annertussuse-

6. Suliat nalinginnaasumik soqutiginaatillit, inatsiseqartitsiffiusunut agguataakkat

qarnissaanik aamma paasissutissat suliamut tunngasut qularnaatsuunissaanik piumasagaatit sakkortungaatsiarput. Pissusiviusut pingaaruteqartut attassisinnaanerit nalornissutigineqarpat nalornissutigineqartup taassuma qulaa-jarniarneqarnera suliap sukumiisumik paasissutissartalersorneqarneranut ilaavoq, paasissutissaq pineqartoq soraarsitsisoqassappat soraarsitsinermut tunngaviutinneqarsinnaanersoq uppersaasarsuinnikkut naliliineq nalinginnaasumik periaaseqarnikkut taamaalilluni pisinnaalersillugu (tak. Hans Gam-meltoft-Hansenip allallu atuakkiaat "Forvaltningsret", aappasaanik naqiteritaq, quppernerit 226 tulliilu).

Malugaara Naalakkersuisoqarfiup mappiutaa allagaatinik suliamut tunngasu-nik imalik X-ip mittarfiani pisortap C-p Mittarfeqarfinni sulisoqarnermut pi-sortamut Rudolf Heilmannimut mailimik 26. oktober 2009-mi nassiuinneqarsi-masumik imaqartoq. Mailimi tassani makku paasissutissiisutigineqarput:

"Oqaloqatigiinneq (...) -mi uanga allaffinni pivoq, oqaloqatigiinnermilu pineqarput naammagittaalliuutit K-mi qulimiguullit mittarfianni sulisunit saqqummiunneqarsi-masut, pingaartumillu arneriniarfingineqartarnej pillugu sulisunit arnamit allakkat pineqartut A-p soraarsitaaneranut pissutaasut pingaarnerusut. B-p ingerlatseqati-giiffimmu ilumoorfiginninnginnera kiisalu aqutsisutut pisinnaasaqannginnera so-raarsitsinissamik aalajanginermut soorunami aamma sunniuteqaqataapput." (Atorfeqarfimmi nutsigaavoq)

Mittarfeqarfiit allakkani soraarsitsissutini tunngavilersuutit uku oqaatigaat:

"- X-ip mittarfiani mittarfiup pisortaa C arlaleriarluni inassuteqartarsimagaluartoq, K-mi qulimiguullinnut mittarfimmik aqutsinermi sulerusussuseqannginneq soquti-gisaqannginnerlu.

- Aqutseriaatsit aamma suleqatinnut pissusilersortarnitit oqaatsillu atortakkatit pil-lugit sulisut annertuumik naammagittaalliuuteqarnerat.

- Mittarfeqarfiit sullitaanut pissusilersortarnitit oqaatsillu atortakkatit pillugit sulli-tanit naammagittaalliuutit.

- Sulisumut aqqa taaneqartumut arneriniartarnitit, tassungalu tunngatillugu allak-katigut naammagittaalliuut uppersaasatit pigineqarpoq."

Soraarsitsinermut pingaarnertut pissutaasoq mailimi oqaatigineqarpoq tas-saasoq sulisut naammagittaalliuutaat arneriniarnerlu pillugu naammagittaal-liuut (soraarsitsinermut tunngaviutinneqartuni nr. 2 aamma nr. 4). Pissutsit marluk taakku eqqarsaatigalugit mailimi paasissutissat tunngavilersuullu al-

lakkani soraarsitsissutaasuni oqaatigineqartut imminnut erseqqissumik naapertuuttuupput.

Mailimi oqaatigineqarpoq pissutaaqataasut ilaat tassaasoq aqutsisinnaassuseqannginneq (taannalu tunngaviutinneqartuni nr. 1-imut tamakkiisumik ilaannakortumilluunniit naapertuutigunarpoq) kiisalu suliffeqarfimmut ilumoorfiginnissuseqannginneq.

Naalackersuisoqarfik aperaara "suliffeqarfimmut ilumoorfiginnissuseqannginneq"-mik oqarnermi suna pineqarnerseq, isumaliutersuutigisimallugulu Mittarfeqarfiit B-mik soraarsitsinerannut pissutaaqataasooq taanna tunngavilersuummi Mittarfeqarfiit allakkani soraarsitsissutini oqaatigisaanni naammattumik erseqqissusilimmik oqaatigineqarsimangersoq.

Naalackersuisoqarfiup akissummini 17. august 2010-meersumi oqaatigaa "suliffeqarfimmut ilumoorfiginnissuseqannginneq"-mik oqarnermi suna pineqarnerseq Naalackersuisoqarfiup misissorsimangikkaa:

"GLV-p tungaaniit "ilumoorfiginninngitsoq" qanoq isumaqartinneqarnerseq Naalackersuisoqarfimmit misissorineqanngilaq. Ilumoorfiginninnginneq suliameq pissutsinut assigiinngitsunut tunngasinnaavoq. Naalackersuisoqarfiup oqaaseq taanna, aammattaaq soraarsitsinermut atatillugu allakkiami, 25. marts 2009-mik ullulernerqartumi tunngavilersuutitut atorineqanngitsoq immikkut misissuiffigisimangilaa."

Naalackersuisoqarfik isumaqatigaara oqarmat "suliffeqarfimmut ilumoorfiginnissuseqannginneq"-mik oqaasertaliinermi pissutsit soraarsitsinermut tunngavilersuummut ilaatinneqarnerat pineqartoq eqqarsaatigineqarsinnaasoq, matumani soraarsitsinermut tunngavilersuummi "sullitat naammagittalliutaat" mittarfiup pisortaata C-p mailiani soraarsitsinermut pissutaasutut oqaatigineqarsimasorinangitsut ilanngullugit eqqarsaatigalugit. Periarfisarli taamaattoq ima ersaritsigisorinangilaq ilimanaraniluunniit tamanna imaaliallaannarluni tunngaviutinneqarsinnaassasoq. Taamaalilluni ilumoorfiginnissuseqannginnerup B-p soraarsinneqarnissaanik aalajangiinermut pissutaaqataasimanera pillugu paasissutissaq eqqarsaatigalugu uanga paasinninnera unaavoq taanna matuma nalornissutigineqalerneranut pissutaasinnaasoq, tassalu allakkani soraarsitsissutini tunngavilersuutitut oqaatigineqartoq ilumuissuunersoq imaluunniit B-p soraarsinneqarnissaanik kissaateqarnermi pissutaaqataasut allat piusimangersut. Taamaattumik uanga paasinninnera unaavoq "suliffeqarfimmut ilumoorfiginnissuseqannginneq"-mik oqarnerup allakkani soraarsitsissutini oqaatigineqannginnera pissutigerpiarlugu Naalackersuisoqarfik pissutissaqarsimasooq mittarfiup pisortaa C mailimi 26. oktober 2010-meersumi pissutsinut allakkani soraarsitsissutaasuni pisortatigoortuni

matuneqarsimasutut isigineqarsinnaasunut innersuussinersonoq erseqqinnerusumik misissussallugu.

B-p mittarfeqarfinnut naammagittaalliummini 1. april 2009-mi ullulerneqarsimasumi ilaatigut makku oqaatigai:

"(...) sulisunnik tusaasunik uppersaasussaqaarpunga kiisalu aamma allakkerisut ulluinnarni qanimut suliffitsinnut allakkanik aallartussanik tikittussanillu aatsisartut aallerlutillu uppersaasinnaapput. Nalunngilaatigut suleqatigiinnitsigut qanoq ingerlasugut, uagutsinnut quiasaaqatigiittuartugut sammiuarluta. Qeerliineq tupassaalaarinerluunniit kalaallit quiasaarutaat naluneqanngilaq taamaattoq, uanga aamma taamaaliorneqartarpunga, ilakka aamma taamaattarput, tupigaara uanga kisima taamatut eqqorniarneqarama unnerluutigineqarlunga, allaat ajortuliorujusuartutut nalilerluna, soorluli pinngitsaaleerarsimasutut nalilerneqarsimasunga, tamakku allaalluinnarput."

Naammagittaalliuut taanna Naalakkersuisoqarfiup mappiutaani allagaatinik imalimmiippoq.

Naalakkersuisoqarfik - allakkerisunut atorfeqarfimmiluunniit sulisunut taaneqartunut saaffiginninnermigut - B-p atorfeqarfimmi pissusilersoriaasiatut oqaatigineqartoq uppersarneqarsinnaanersonoq uppersarneqarsinnaannginnersorluunniit misissorniarlugu iliuuseqarsimanngilaq.

Suliffimmi pissusilersoriaaseq pissusilersornerup aalajangersimasup arneriniarnertut isigineqarsinnaanerani sunniuteqarsinnaasutut ilimagisariaqarpoq, taamaappallu pisumi matumani pissutsinut naapertuuttumik iliuseqartarnermik tunngavimmut naapertuuttutut isigineqarsinnaasoq ilimagisariaqarluni. Matumani U 2007-256Ø innersuussutigaara.

Naalakkersuisoqarfik - sulisumut arneriniarneq pillugu naammagittaalliummik tunniussisumut atorfeqarfimmiluunniit sulisunut allanut saaffiginninnermigut B sulisumik pineqartumik ilumut qeerleraasimanersoq/qeerleraaniarsimanersoq imaluunniit arneriniarnertaqanngitsumik innarliiniarnermilluunniit siunertaqanngitsumik taamaaliorniartuusaartarsimanersoq, B-p oqaatigisaa-tut, nunami maani ileqqusutut quiasaarniutigalugu tupassarutigaluguluunniit ileqqusutut iliuuseqarsimanersoq misissorniarlugu aamma iliuuseqarsimanngilaq. Tamatuma qulaajarneqarnera naalasseriitsuliorneq pissutigalugu pineqaatissiissutit suut pisunut naapertuuttumik iliuuseqartarnerannik tunngavimmut naapertuuttutut isigineqarsinnaanerannut aamma pingaaruteqarsinnaasutut ilimagisariaqarpoq.

Qulaani immikkoortumi 1.2-mi oqaatigaara uanga paasinninera unaasoq Mit-tarfeqarfiit B-mik soraarsitsinermut tunngavilersuutaat pissutsinik Mittarfe-qarfiit soraarsitsinissaannut pissutissaqalersitsisunik naammattumik erseqqa-

rissaasuunnigitsut. Taamaakkaluartoq tunngavilersuutit ilaattut oqaatigineqartut misilinnagit Naalackersuisoqarfiup aalajangiinnerminut tunngaviutissimagunarpai. Taamaalilluni assersuutigalugu Naalackersuisoqarfiup mappiutaani allagaatinik imalimmi takuneqarsinnaanngilaq Mittarfeqarfiit sullitaat kikkut B-p pissusilersornera oqaatsinillu atuinera pillugit naammagittaalliuutinik tunniussisimanersut, naammagittaalliuutit qanga tunniunneqarsimanersut, sorphiaat naammagittaalliuutigineqarsimanersut aamma naammagittaalliuutit pissutissaqartutut innersut Naalackersuisoqarfiup misissorsimanerai.

Mittarfeqarfiit tunngavilersuutaanni "sulisut annertuumik naammagittaalliornerat"-tut oqaatigineqartut tassaaginnarnersut naammagittaalliuutit naammagittaalliortut kikkussusiinik taasaqarfiusimannigitsut, qulaani uanga nassuiaanittut soraarsitsinermi tunngaviusunut ilaatinneqarsinnaanngitsut, Naalackersuisoqarfiup aamma misissorsimannigilaa, taamatuttaarlu naammagittaalliortut aterminnik taasillutik naammagittaalliorsimappata suut naammagittaalliuutigisimaneraat, qanga naammagittaalliorsimanersut naammagittaalliuutillu pissutissaqartutut innersut Naalackersuisoqarfiup aamma misissorsimagunarnagu.

Taamaattumik ataatsimut isiginnillunga uanga paasinninnera unaavoq Naalackersuisoqarfiup suliaq aalajangiinninnermi pisariaqarneratut annertutigi-sumik paasissutissartalersorniarsimannigikkaa, tamannalu isorisarialerujusuartut isigaara.

2.5. Suliami illua'tungiusup isumaanik tusarniaaneq

Suliami illua'tungiusoq oqartussaasup suliami pissusiviusut pillugit paasissutissanik pigisaqarneranik ilisimasaqartoq ilimagineqarsinnaanngippat oqartussaasoq suliami suliaasat suliarineqartarnerat pillugu inatsimmi § 19 (immikkoortup 1.1-ip ataani tamakkerlugu issuarneqartoq) tunngavigalugu aalajangiissanngilaq, oqartussaasup suliami illua'tungiusoq paasissutissanik taakkuninnga ilisimatereersimannigippagu, oqaaseqaateqarnissaanullu periarfisaqartereersimannigippagu. Tamannali paasissutissat suliami illua'tungiusumut tassunga iluaqutaasussaassanngippata suliallu aalajangiiffiginissaanut annertuumik pingaaruteqarpata aatsaat atuutissaaq.

Qulaani immikkoortumi 1.1-imi nassuiaanittut suliani qinnuteqaataannigitsumik soraarsitsinermut tunngasuni oqartussaasut suliami qinnuteqaataannigitsumik soraarsitsinermut suleqatigiinnermi ajornartorsiutinik, pikkorlunnernik imaluunniit pissutsinik naalasseriitsuliornernut tunngasunik tunngavilersugaasuni suliami illua'tungiusup isumaanik tusarniaanissamut annertusisamik pisussaaffeqarnerannik inatsisitigut aalajangersagaannigitsumik tunngavik atuuppoq. Oqartussaasut tamanna tunngavigalugu pisussaaffeqarput oqartussaasup suliamik paasinninnerigallagaa (matumani suliaq uppernarsaasersui-

nikkut apeqqutinik saqqummersitsippat uppersaasersuinikkut naliliinerit aamma ilanngullugit eqqarsaatigalugit) aamma inatsiseqartitsinikkut tunngavigisaq pillugit atorfeqartitaasoq nassuiaateqarfigissallugu.

Qulaani immikkoortup 1.2-p ataani malugeqqullugu oqaatigaara tunngavilersuut Mittarfeqarfiit allagaanni soraarsitsissutaasuni oqaatigineqartoq suliami pissusiviusut pillugit nassuiaammik ilaqanngikkuni pisariaqarneratut erseqqissaat amigaatigigaa. Tamatumunnga atatillugu malugeqqullugu oqaatigaara Mittarfeqarfiit suliami illua'tungiusup isumaanik tusarniaanermi atugassatut suliamik allaaserinninneq tunngavilersuummi immikkoortut taaneqartut erseqqissarneqarnerattut atorneqarsinnaasoq suliarisimanngikkaa.

Immikkoortup 2.4-p ataani aamma malugeqquara Naalackersuisoqarfiup taamaakkaluartoq Mittarfeqarfiit soraarsitsinermut tunngavilersuutaasa ilaat misilinnagit aalajangiinermi tunngaviutissimagunarai. Assersuutitut oqaatigaara Mittarfeqarfiit sullitaat kikkut B-p pissusilersornera oqaatsinillu atuinera pillugit naammagittaalliuutinik tunniussisimanersut, naammagittaalliuutit qanga tunniunneqarsimanersut, sorpiaat naammagittaalliuutigineqarsimanersut aamma naammagittaalliuutit pissutissaqartutut innersut Naalackersuisoqarfiup misissorsimagunanngikkai.

Taamaattumik aallaqqaasiutitut oqaatigaara suliap naammattumik paasissutissartalersorneqarnissaa siunertaralugu oqartussaasumit alliuunerusumit paasissutissanik pissarsiniarneq suliami illua'tungiusup isumaanik tusarniaasarneq pillugu malittarisassat atorneqarsinnaanerannut malinneqarnerannullu tunngaviusoq. Oqartussaasup qulliuunerusup naammagittaalliorfigineqartup suliami illua'tungiusoq soorunalimi aatsaat isumaanik tusarniaavigisinnavaa, paasissutissanik suliap aalajangiivigineqarneranut pingaaruteqartunik pissarsisimaguni.

Suliami pineqartumi uanga paasinninnera unaavoq suliap naammattumik paasissutissartalersorneqarnissaa siunertaralugu oqartussaasumit alliuunerusumit paasissutissanik amigartunik pissarsinerup suliami illua'tungiusup isumaanik tusarniaasinnaanissamut tunngavik sanngiillisissimallugulu killissalersimagaa.

Aallaqqaasiutitut aamma oqaatigaara paasissutissat Naalackersuisoqarfiup pigisaasa akornanni paasissutissat pissuserisatik tunngavigalugit Naalackersuisoqarfiup aalajangiineranut tunngavimmi ilaasinnaangitsut ilaasimasut, assersuutigalugu paasissutissat sulisut kikkussutsiminnik taasisimanngitsut naammagittaalliuutaanni ilaasut, tak. imm. 1.3. Paasissutissat taamaattut suliami illua'tungiusumut iluaqusiisuunnginnerat apeqqutaatinnagu tamatu-

munnga atatillugu suliami illua'tungiusup isumaanik tusarniaaneq soqutiginaateqarnavianngilaaq.

Naalackersuisoqarfilli paasissutissanik suliami illua'tungiusumut ajoqusiusunik aamma suliap aalajangiivigineqarneranut pingaaruteqartunik peqangaatsiarsimavoq, matumani sulisup aqqa ilisimaneqartup arneriniarnermik naammagittaalliuutaa ilanngullugu eqqarsatigalugu. (Matumani Naalackersuisoqarfiup paasissutissanik suliami illua'tungiusumut ajoqusiusunik aamma suliap aalajangiivigineqarneranut pingaaruteqartunik qanoq annertutigisumik peqarsimanera isummerfiginngilara).

Naalackersuisoqarfiulli aalajangiinnginnermi B suliami illua'tungiusutut isumaanik tusarniaavigisimanngilaa, oqartussaasullu suliami pissusiviusut pillugit inatsiseqartitsinikkut suussusiliinera uppernarsaasiussanillu naliliinera pillugit aamma tusarniaavigisimanagu.

Naalackersuisoqarfiup uannut akissummini 17. august 2010-meersumi oqaatigaa:

"Sulisut pillugit suliani qinnuteqaatitaqanngitsumik soraarsitsinernut atatillugu illuatungiliuttumut tusarniaanissamut annertusisamik pisussaaffeqartoqartoq Naalackersuisoqarfiup ilisimaaraa. Kisiannili illuatungiliuttup maalaarutimini pissutsit suliami pingaaruteqartut innersuussutigai, taamaattumillu illuatungiliuttup pissusiviusunut ilisimaarinnissimanissaa ilimagineqartariaqarluni. Tamanna pissutigalugu Naalackersuisoqarfik naliliivoq, suliamik ingerlatitseqqinnermi suliap suliarineqarneranut atatillugu illuatungiliuttumut tusarniaasoqartariaqanngitsoq."

Naalackersuisoqarfik isumaqatigaara oqarmat B-p naammagittaalliuutitut allakkamini pissutsit arlallit B-p suliami pissusiviusut ilaannik aalajangersimasunik ilisimasaqarneranik takutitsisorinartut isummerfigisimagai.

Tamannali pillugu oqaatigaara Mittarfeqarfiit tusarniaanermi paasissutissanik allakkatigut suliarinnissimannginnerat 25. marts 2009-milu oqaloqatigiinneq pillugu allakkiorsimannginnerat pissutigalugu kiisalu Mittarfeqarfiit allagaanni soraarsitsissutini tunngavilersuutip erseqqarlunnerata naammanginneratalu nassatarisaanik matuma oqaatiginissaa ajornartoq, tassalu B piffissami naammagittaalliumminik Naalackersuisoqarfiup suliarinnilerfiata nalaani "suliami pissusiviusunik" qanoq annertutigisumik ilisimasaqarsimannersoq.

Taamaalilluni B-p naammagittaalliumminik Naalackersuisoqarfiup suliarinilernerata nalaani pissutsit Mittarfeqarfiup allagaanni soraarsitsissutini ilaasut ilaannik ilisimasaqarsorinarnerata Naalackersuisoqarfik imatut isumaqa-

lernissaanut periarfissaqalersinngilaa, tassalu B pissutsinik tamanik ilisimasaqartoq.

Pingaartumik arneriniarneq pillugu naammagittaalliuut soraarsitsinermut tunngavimmut ilaasoq eqqarsaatigalugu B-p taamani Naalakkersuisut Siulittaasuannut naammagittaalliummini nammineq oqaatigaa naammagittaalliuut imminut takutikkumaneqarsimanngitsoq. Paasissutissaq taanna ilumuunnginnerarneqarsimanngilaq. Taamaattumik manna tunngaviutittariaqarpara, tassalu oqartussaasup pineqartup naammagittaalliuut tigummigaa B-p ilisimasi-magaa, taannalu arneriniarneq pillugu naammagittaalliuutaasoq, B-li naammagittaalliuutip imarisarpiaanik naammagittaalliortulluunniit kinaassusianik ilisimasaqarsimasoq ilimagineqarsinnaangitsoq.

Taamaalillunga isumaqarpunga Naalakkersuisoqarfik suliami pissusiviusut B-p ilisimasimassagai ilimaginninneq innersuussutigalugu suliassat suliarineqartarnerat pillugu inatsimmi § 19 tunngavigalugu suliami illua'tungiusup isumaanik tusarniaaviginngitsoornissaminut pisariaqarneratut tunngavissaqarsimanngitsoq. Tamatumali paarlattuanik uanga paasinninnera unaavoq Naalakkersuisoqarfiup oqartussaasutut qulliunerusutut naammagittaalliorfigineqartutut oqartussaasup alliunerusup B-mut suliami illua'tungiusumut taassuma isumaanik tusarniaasimannginneranik paasisaqarnera pissutigalugu suliami illua'tungiusup isumaanik tusarniaanissaminik oqartussaasup alliunerusup sumiginnarsimasaanik ingerlatsinissaminut pisussaaffeqartoq, taamaaliornermigullu ilaatigut suliami illua'tungiusup pisinnaatitaaffii qulakkeerlugit, taamalu aamma suliamik paasissutissartalersuineq oqartussaasup alliunerusup aalajangiineranut tunngaviususaaq⁵⁸ ilaatigut qulakkiissallugu.

B pissusiviusut pillugit paasissutissanik Naalakkersuisoqarfiup pigisaanik tamanik oqartussaasoq alliunerusooq aqutigalugu tamakkiisumik ilisimatinnegarsimasooq tunngaviutinneqarsinnaasimagaluarpuunniit uanga paasinninnera unaavoq Naalakkersuisoqarfik B-p paasissutissanik pineqartunik suliami illua'tungiusutut tusarniaavigineqarnissaa isumaliutersuutigissallugu pissutis-saqarsimassagaluartoq. Matumani Kalaallit Nunaanni Namminersornerullutik Oqartussani Inatsisileriffiup suliassat suliarineqartarnerat pillugu inatsit pillugu ilitsersuusaa 1994-imeersoq innersuussutigaa:

"Suliassat suliarineqartarnerat pillugu inatsimmi aalajangersarneqarpoq oqartussaasut qaqugu pisussaataaassasut suliami peqataasumik tusarniaanissamut. Aalajangersakkalli tamakku akornutaasussaangillat suliami peqataasup sunaluunniit pissutigalugu tusarniaavigineqarsinnaanissaanut. Taamaattumik suliami peqataasooq tusarniaavigineqarsinnaasariaqartassaaq isumaqarfigineqaraangat soqutigis-sagaa aalajangiinissamut tunngaviusumik takusaqarnissani immaqalu taakku pillu-

git oqaaseqarnissani, tamanna pisortat allalluunniit inuinnaat soqutigisaannut akerliunnigippat."

Tassanili aamma ilaavoq Naalackersuisoqarfiup aalajangiinninnermini B suliami pissusiviusut pillugit paasissutissanik Naalackersuisoqarfiup pigisaanik tamakkiisumik paasitinneqarsimasoq tunngaviutissinnaasimagaluaruniulluunniit B Naalackersuisoqarfiup pissusiviusunik inatsiseqatitsinikkut suussusiliinera uppernarsaasiinikkullu naliliineri pillugit suliami illua'tungiusutut isumaanik tusarniaavigissallugu pisussaaffigisimassagaluaraa.

Taamaattumik B-p illua'tungiusutut isumaanik Naalackersuisoqarfiup suliasat suliarineqartarnerat pillugu inatsimmi § 19 tunngavigalugu tusarniaasimanninnera imaluunniit suliani qinnuteqaataannigitsumik soraarsitsinernut tunngasuni suliami illua'tungiusup isumaanik tusarniaanissamut annertusisamik pisussaaffeqarnermik tunngavik atuuttoq tunngavigalugu suliami illua'tungiusup isumaanik tusarniaasimanninnera isorisariaqarlunnartorujussuusutut isigaara.

Taamaattumik inassuteqaatigaara Naalackersuisoqarfiup, kiisalu suliap amigartumik paasissutissartalorsorneqarnerata nassatarisaanik, suliaq suliareqqissagaa."

58) Suliasat suliarineqartarnerat pillugu inatsit nunamut maanga atuuttoq piareersarlugu sulianit erserpoq inatsisissatut siunnersuut Danmarkimi ingerlatsineq pillugu inatsit (Inatsit nr. 571, 19. december 1985-imeersoq kingusinnerusukkat allannguteqartinneqarsimasoq) tunngavigalugu suliarineqarsimasoq. Danmarkimi ingerlatsineq pillugu inatsit pillugu oqaaseqaatini suliami illua'tungiusumik tusarniaasarneq pillugu malittarisassat siunertaat pillugu makku oqaatigineqarsimapput:

"Suliami illua'tungiusup isumaanik oqartussaasup suliniuteqarneratigut tusarniaasarneq pillugu malittarisassanik atulersitsinerup siunertaraa ingerlatsiviup suliaataani suliami illua'tungiusup suliamimi aalajangiisoqanninnerani aalajangiinnermut tunngaviusorpiamik paasisaqarnissaminut oqaase-qaateqarfiginninnissaminullu periarfissinneqarnissaata qulakkeerneqarnissaa, taamatuttaarlu suliamimi illua'tungiusup aalajangiisoqanninnerani oqartussaasup aalajangiinnerminut tunngavigisaanik misissuinissaminut periarfissinneqarnera pisortat ingerlatsiviannik tatiginninnermut pingaaruteqartutut immi isigisariaqarluni. Malittarisassarli taamaattoq suliami illua'tungiusuinnaannigitsumut iluaqusiisusaaq. Suliami illua'tungiusup paasissutissani pigineqartuni sunik paatsuuinertut, eqqoqqissaanngitsutut sukumisuunngitsutullu isiginninnerminik suliami tikkuaanissaminut pisinnaatitaanerata pisuni arlalinni ingerlatsiviup aalajangiinnerisa tunngavippiaasut pitsaanerpaat tunngavigalugit pisarnissaat aamma qulakkiivigeqataaffigissavaa." (Atorfeqarfimmi nutsigaavoq)

6. Suliat nalinginnaasumik soqutiginaatillit, inatsiseqartitsiffiusunut agguataakkat

Naalackersuisoqarfiup akissutaanik ukiup nalunaarusiuunneqartup naanerani sulit tigusaqanngilanga.

Suliat nammineerluni misissuiffigineqartut

Kommunimut tikeraarneq

6.10 Innuttaasut imerajuttunik katsorsaavimmi Qaqiffimmiinnerinut kommunip aningaasartuutaasa utertillugit akilerneqarnissaanik piunasaqaat

Ombudsmandi taamani K1 Kommuniusumut juni 2006-imi tikeraarpoq kommunillu isumaginninnermik ingerlatsiviani suliat arlallit tamatumunnga atatillugu misissorlugit.

Suliamik misissuinerup taassuma kommunimut arlalinnik apeqquteqarnissannut pissutissaqalersippaanga⁵⁹, apeqqutinilu taakkunani apeqqut akineqanngitsoq tassaavoq imerajuttunik katsorsaavimmi Qaqiffimmiinnermut aningaasaliisarnermut aamma taamani K1 Kommuniusup ikiorsiissutigineqartunik innuttaasooq atornerluinnermit eqqugaasooq Qaqiffimmiinnerup kingornatigut ukiup ataatsip iluani AA-t ataatsimiinnerini peqataasarsimangippat nakkaateqqippalluunniit taamatut katsorsaanerami aningaasartuutunik utertitsilluni akiliisoqarnissaanik piunasaqaateqartarnermigut periaasianut tunngasuuvoq.

Ombudsmandi eqikkaalluni inerniliivoq Qaqiffimmiinnermut kommunit aningaasaliisarnerat pillugu malittarisassanik immikkut ittunik piunasaqanngitsoq, suliamilu paasissutissat tiguneqartut malillugit utertitsilluni akiliisoqarnissaanik apeqqut pisortanit ikiorsiissutit pillugit malittarisassat aallaavigalugit naliliiffigineqartariaqartoq.

Ombudsmandi isumaqarpoq pisortanit ikiorsiissutit pillugit peqqussutit taamani atuuttup massakkulluunniit atuuttup K1 Kommuni utertitsilluni akiliisoqarnissaanik ataatsimut piunasaqaammik matumani pineqartut ittumik aalajangersaanissaanut periarfissinngikkaat.

59) 2007-imi ukiumoortumik nalunaarummi immikkoortoq 6, quppernerit 85 tulluulu kiisalu immikkoortoq 7, quppernerit 357 tulluulu.

Taamaattumik Ombudsmandip K2 Kommunimut⁶⁰ nutaajusumut inasuteqaatigaa Qaqiffimmiinnermut pisortanit ikiorsiissutitigut akiliutigineqartut innuttaasoq atornerluinnermit eqqugaasoq Qaqiffimmiinnerup kingornatigut ukiup ataatsip iluani AA-t ataatsimiinnerini peqataasarsimangippat nakkaateqqippalluunniit utertitsilluni akiliisoqarnissaanik ataatsimut piumasaqaammik aalajangersaasoqannginnissaa kommunip nakkutigissagaa (j. nr. 2008-901-002).

Ombudsmandip suliamik taassuminnga misissuineq tunngavigalugu aammattaaq malugaa kommunit Qaqiffimmiinnermut taamatut aningaasaliissutigisimasaasa utertillugit akilernerqarnissaannik piumasaqaateqarnerannut inatsiseqartitsinikkut tunngavik annertuumik nalornissutigineqartoq, taamalu apeqqut taanna nammineerluni misissuineramik aalartitsiviginiarlugu aalajangerluni, tak. Ombudsmandi pillugu inatsimmi § 15, imm. 1, aamma tak. immikkoortoq 4, suliaq 2010-904-0005.

K1 Kommunimut tikeraarninnut malitseqartitsissutitut allakkat kommunimut 11. juli 2006-imi nassiuppakka, Qaqiffimmiinnermullu aningaasaliisarneq pillugu imatut allallunga:

"A. inuttut normua ... (B. inuttut normua ...).

(...)

Allagaat imaattunik oqaasertaqartoq suliami allagaatinut ilaavoq:

“Ataatigut atsiortunga nalunngilara katsorsartinnera K1 Kommunip akilersimagaa, nalunngilaralu Qaqiffimmi katsorsartinnera maanaanaq unitsikkukku Qaqiffimmeereernaluunniit kingorna imileqqikkuma aningaasartuutigineqarsimasut akileqqullugit piumaffigineqassasunga.

Katsorsaanerup tamakkiisumik iluatsinnissaa K1 Kommunip inuullu katsorsarneqartup soqutigisaraat, tamannalu tunngavigalugu katsorsartinnerma kingornatigut AA-p ataatsimiittarnerini ukiup ataatsip ingerlanerani ikinnerpaamik sapaatip akunneranut marloriarlunga peqataasarnissara akueraara.

Qulaani piumasaqaataasut ataani atsiortup akueraai.”

Allagaat taanna B-mit 9. januar 2006-imi atsiorneqarsimavoq. Katsorsaanerumut aningaasaliissuteqarneq pillugu paasissutissanik allanik suliami nassaasaqanngilaq.

60) Kommunit kattutsinneqarnerisa kingornatigut kommunerujussuanngortoq.

6. Suliat nalinginnaasumik soqutiginaatillit, inatsiseqartitsiffiusunut agguataakkat

(...)

Kommuni qinnuigaara Qaqiffimmi katsorsartinneq inatsit suna tunngavigalugu akue-rineqarsimansoq nassuiaateqaqqullugu.

Aammattaaq kommuni qinnuigaara utertitsilluni akileeqqusisinaanerup suna inatsisi-tigut tunngavigalugu aalajangersarneqarsimanagera pillugu nassuiaateqaqqullugu.

(...)"

Suliami akissuteqartoqarnissaa allakkatigut 11. august 2006-imeersutigut aamma 26. september 2006-imeersutigut, oqarasuaatikkut kommunaldirektørimik 24. oktober 2006-imi oqaloqateqarnikkut, allakkatigut 16. november 2006-imeersu-tigut aamma oqarasuaatikkut isumaginninnermi pisortamik oqaloqateqarnikkut nukingisaarutigisarpara.

K1 Kommunip 4. december 2006-imi akivaanga, Qaqiffimmiinnermullu akiliuti-nut aningaasaliisarneq pillugu imatut allalluni:

"A ... (B ...)

Isumaginninnermi ataatsimiititaliap aalajangiinera 2. december 1999-imeersoq tun-ngavigalugu K1-imi innuttaasut imigassamik ajornartorsiutiminnut Qaqiffimmi katsorsarneqarnissaminnik qinnuteqarnissaminnut periarfissaqarput. 1999-imi aala-jangerneqarpoq ukiumut inuit tallimat Qaqiffiliartinneqartassasut. 2005-imi inuit qulit imigassamik ajornartorsiuteqarnertik pissutigalugu katsorsartissimapput.

B isumaginninnermi ataatsimiititaliap aalajangiinera tunngavigalugu katsorsartikkia-rtortillugu aallartinneqarpoq.

Inuit katsorsartinnertik naammassinngikkunikku aningaasat tamaasa kommunimut akilissavaat, isumaginninnermi ataatsimiititaliap nammineq tamanna pillugu aalaja-ngiinera tunngavigalugu.

Qaqiffimmi katsorsartinnermut aningaasaliissutit pisortanit ikiorsiissutit, konto 45-01-00-31-61, aqutigalugit isumaginninnermi ataatsimiititaliap tamanna pillugu aalaja-ngiinera tunngavigalugu akilerneqartarput.

(...)"

Isumaginninnermi ataatsimiititaliap 2. december 1999-imi ataatsimiinnermi Qaqiffik pillugu aalajangiinera imaattoq qulaani allakkani innersuussutigineqar-toq kommunip e-mailikkut 4. januar 2007-imeersukkut nassiuppaa:

"Socialudvalgimi 2. decemberimi ataatsimiinnermi Qaqiffimmut tunngatillugu aalajangiineq

Imm. 10. Innuttaasunik Qaqiffiliartitsinermi malittarisassat.

Isumaginnittoqarfimmit innuttaasunik Qaqiffiliarniarlutik saffiginnittoqarnerani periu-sissatsinnik siunnersuuteqarniarput.

Inuk imerajuttuunerminik qaangeerusulluni katsorsartikkusuttoq saaffiginnippat nali-liiffigineqassaaq, ingerlaanaq aallartinneqassanersoq imaluunniit illoqarfitsinni AA-mut qaammat ataaseq orniguttarnissaanik piumasaqarfigineqassanersoq. AA-miittar-nerminimi paasisinnaammagu Qaqiffiliangikkaluarluni AA-mi ilaasarluni qaangii-sinnaalluni. Soorunalumi sapissappagu Qaqiffiliartittariaqarluni. Tassami inuup nam-mineq naliliinissaa pingaaruteqarpoq. Qaqiffiliartitsinermi ullumikkut periusiuvoq isumaginninnermi ataatsimiititaliamut aaliangiititsineq, Qaqiffimmiititsinermi inum-mut ataatsimut 15.200 kr.-inik naleqarmat. Pisariillisaaniarluta periuseq allanngortik-kusupparput, tassa pisinnaatitsissut isumaginnittoqarfimmi sulisuusut naliliinerisigut pisarsinnaalersillugu.

Aalajangiineq: Qaqiffimmiinnerup nalaani angerlareernerulluunniit kingorna ukioq ataaseq qaangiutsinnagu imileqqinnermi akiligassanngortitsinissaq ilanngullugu a-kuersissutigineqarpoq.

Akuersissutigineqarnerata aningaasaqarnermut ataatsimiititaliamit ammaffigi-neqarnissaa kissaatigigipput kalerrisaarutigineqassaaq."

Allakkanit 4. december 2006-imeersunit tigulaakkat qulaani issuarneqartut inner-suussutigalugit K1 Kommuni 10. januar 2007-imi imatut allaffigaara:

"(...)

Kommunip akissutaa pisortanit ikiorsiissutit pillugit Inatsisartut peqqussutaat tunnga-vigalugu ikiorsiisoqartarneratut paasineqassanersoq uannut erseqqarluppoq.

Isumaginninnermi ataatsimiititaliap Qaqiffimmi katsorsartittarneq pillugu aalajangi-i-nera 2. december 1999-imeersoq pillugu imaqarniliap assilineri 4. januar 2007-imi ti-guara.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Imaqarniliaq taanna aalajangiinnermut tunngaviusoq pillugu paasissutissiisummik aamma imaqqanngimmat aqqissuussinnermut inatsisitigut tunngaviusumik kommunimut paasissutisseeqqusinera qalleqqippara. Tamatumunnga atatillugu oqaatigaara isumaginninnermi ataatsimiititaliap aalajangiinera immi inatsisitigut tunngaviunngitsoq. Isumaginninnermili ataatsimiititaliap aalajangiineri assersuutigalugu inatsimmik imaluunniit kommuninut piginnaatitsisummik tunngaveqartussaapput.

(...)"

Akissuteqartoqarnissaa allakkatigut 7. februar 2007-imeersutigut nukingisaarutigaa, K1 Kommunilu 15. februar 2007-imi imatut allappoq:

"Allakkatit 07.02.2007-imeersut 11.73.88.71/053-06-imik j. normoqartut innersuussutigalugit matumuuna nalunaarutigineqassaaq B-p Qaqiffimmiinnerata aningaasaliiffigineqarnissaanik suliarineqarnerani akuerineqarneranilu Inatsisartut peqqussutaanni suna tunngavittut atorineqarsimanersoq erseqqissumik takuneqarsinnaanngitsoq.

Allakkatsinni 4. december 2004-meersuni takuneqarsinnaasutut sullitat Qaqiffimmi katsorsartinneqarneri ataasiaannartumik ikiorsiissutinut kontokkut, konto 45-01-00-31-06-ikkut aningaasaliiffigineqartassasut isumaginninnermi ataatsimiititaliap 4. december 2004-mi ataatsimiinnermini akueraa. Peqqussut suna §-lu suna akuersinnermut atatillugu atorineqarsimanersut takuneqarsinnaanngilaq.

Suliaq sukumiinerusumik misissoreerlugu nalunaarutigineqassaaq Qaqiffimmiinnermut, matumani B-p Qaqiffimmiinnera ilanngullugu eqqarsaatigalugu, aningaasaliineq pisortanit ikiorsiissutit pillugit Inatsisartut peqqussutaanni nr. 10-mi, 1. november 1982-imeersumi kapitali 7, siunertanut immikkut ittunut ikiorsiissutit, § 16, imm. 1 tunngavigalugu pissasoq:

"Kapitalit tallimaanni arfernannilu ikiorsiinissamat piumasarineqartut tunngavigalugit immikkut imaluunniit inuuniarnermut ikiorsiissutinut ilassutitut ataasiaannakkani ikiorsiisoqarsinnaavoq: Taakku aningaasartuutit akuersaarneqarsinnaasumik uppernarsaaserneqarsimasussat tamakkiisumik ilaannakortumilluunniit akilerneqarnissaannut ikiorsiissutaasussaapput: Taamatut ikiorsiisoqartassaaq aningaasartuutissat taakku inuup pineqartup piffissami pineqartumi aningaasatigut ingerlaneranut anneruumik nanertuutaasussaalersimappata imaluunniit taamatut ikiorsiinikkut inuk pineqartoq siunissami immi napatinniarnissaminut periarfissaqarluarnerulersinneqarsinnaappat."

Utertitsilluni akiliinnermut tunngasut eqqarsaatigalugit pisortanit ikiorsiissutit pillugit Inatsisartut peqqussutaanni nr. 10-mi, 1. november 1982-imeersumi kapitali 3, § 10, imm. 3: "Inuk aningaasanik aqutsinnermigut suliffeqarnermigullu naammaganngitsu-

mik iliuuseqartarsimanini pissutigalugit ikiorserneqartariaqalersimappat, ..." isumaginninnermi ataatsimiititaliap tunngavigaa." (Atorfeqarfimmi nutsigaavoq)

Suliamik tamatuma kingornatigut naliliininni isumaqarpunga kommunip Qaqiffimmiinnermut aningaasaliineranut malittarisassatigut tunngavigisaa erseqqarluttoqarsinnaasoq. Taamaattumik taamani Ilaqutariinnermut Peqqissutsimullu Naalackersuisoqarfiusup allakkatigut 13. november 2008-meersutigut imatut tusaarniaavigineqarnissaa toqqarpara:

"Ilaqutariinnermut Peqqissutsimullu Naalackersuisoqarfik matumuuna saaffigaara, suliami suliarisanni isumminnginninni kommunit Qaqiffimmiinnermut aningaasaliisarnerannut malittarisassatigut tunngavik pillugu Naalackersuisoqarfiup isuma tusarniarlugu.

(...)

2. Qaqiffimmi katsorsartinneq kommunillu taassuminnga akiliisarnera

Kommunit Qaqiffimmiinnermut aningaasaliisarnerannut tunngasunik misissuineq qulaani taaneqartut tunngavigalugit aallartippara.

Inatsisartut 2008-mi aningaasanut inatsisaanni konto pingaarneq nr. 32.10.08, imerajuttunik katsorsaaviit, pillugu peqqinnissaqarfimmi ingerlatsinnermut aningaasaliisutit pillugit makku erserput:

"Imerajuttunik katsorsaasarfiit atorneqarneranni Kalaallit Nunaanni imerajuttut katsorsarneqarnissamut neqeroorfigineqartarnissaat siunertarineqarpoq.

Nuummi Ilulissanilu Qaqiffik Frederiksberg Centeret ApS suleqatigalugu suliassanut isumaqatigiissut aqqutigalugu ingerlanneqarput. Katsorsaasarfiit Kalaallit Nunaanni tamarmeersunik katsorsaasarpoq, taamaattumillu unnuiffissaqartitsisoqarluni. Nuummi Qaqiffik ukiumut katsorsartittunik 160-it missaanniittunik tiguisinnaavoq, kiisalu Ilulissani Qaqiffik ukiumut katsorsartittunik 80-it missaanniittunik tiguisinnaalluni. Frederiksberg Centeret kalaallinik alkologinik ilinniartitsissalluni pissusaaffeqarpoq. Katsorsaasarfinni marluusuni ilaqu-taasut qanigisaasullu katsorsarneqarnissaannik neqerooruteqartarput, taakkununnga sullissisut ilaqutariillu katsorsarneqartarnerat ilaallutik.

Pisortat innersuussinerisigut katsorsartikkiartorneq, sapaatit akunnerini arfinilinnik pingaarnermik katsorsartinnermik aamma sapaatit akunneranni ataatsimi ilaqu-taasut marluk katsorsarneqarnerinik imaqartoq 15.200 kr.-inik akeqarpoq. Tamatuma saniatigut inuinaat katsorsaasarfinni katsorsartinnissamik pisisinnaapput. Isertitat

6. Suliat nalinginnaasumik soqutiginaatillit, inatsiseqartitsiffiusunut agguataakkat

taakku Frederiksberg Centeret ApS-imit aamma imerajuttunik katsorsaasarfinnit angeqqatigiinnik avinneqartarput.

Peqqinnissaqarfik misissueqqissaarnermik, katsorsaanerup aqqissuunneqarnissaanut pilersaarummik nutaamik inerneqartussatut naatsorsuuteqarfiusumik ingerlataqarpoq. Suliarli taanna unitsikkallarneqarpoq, suliassaqarfimmut akisussaaffik kommuninut inissinneqassanersoq pillugu aalajangiisoqassanersoq utaqqineqarluni."

Aningaasat 15.200 kr.-t tassaapput aningaasat kommunip akiligassai, innuttaasup Qaqiffimmiinnissaa kommunip akuersissutigippagu. Innuttaasulli suliffiatu taamatut katsorsartinneq namminneq akilerniarlugu aalajangerpata tamanna paasissutissat Qaqiffimmit Nuummiittumit pissarsiarisakka malillugit 10.000 kr.-t missaannik akisunerussaaq. Tassani aamma ilaavoq paasitneqarama atornerluisup angalaneranut aningaasartuutit kommunip Dronning Ingridip Napparsimmavissuanit utertillugit akilertissinnaagai. Taamatuttaaq uanga paasinninnera unaavoq atornerluisup Qaqiffimmiinnera kommunip Dronning Ingridip Napparsimmavissuanut akilertussaagaa, imaangitsoq Qaqiffimmut toqqaannartumik.

Taamaalilluni imaagunangilaq atornerluisup Qaqiffimmiinneranut kommunip akuersissutiginnittup innuttaasumut aningaasartuutit ataasiaannartut innuttaasup nammineq aningaasartuutigisassaralui akilertarai.

Taamaattumik kommunip Qaqiffimmiinnissamik akuersissutiginninnera pisortanit ikiorsiissutit pillugit Inatsisartut peqqussutaanni nr. 15-imi, 20. november 2006-imeersumi § 20 tunngavigalugu ataasiaannartumik aningaasartuutitut pisortanit ikiorsiissutitut isigineqarsinnaanersoq erseqqarluppoq. Aammattaaq malittarisassanik peqqinnissaqarfimmut isumaginnittoqarfimmulluunniit tunngasunik allanik kommunit Qaqiffimmiinnissamik akuersissutiginnittarnerannik apeqqut pillugu erseqqissumik aalajangersaaviginnittunik imaaliallaanaq nassaarsinnaanngilanga.

3. Ilaqutariinnermut Peqqissutsimullu Naalakkersuisoqarfiup isumaanik saqqummiusseqqusineq

Qaqiffimmiinnissamik akuersissutiginnittarneq pillugu malittarisassatigut tunngavigisap nalorninartoqarnera taanna tunngavigalugu Ilaqutariinnermut Peqqissutsimullu Naalakkersuisoqarfik qinnuigaara apeqqut taanna pillugu isummani saqqummiuteq-qullugit. Taamaalilluni innuttaasup atornerluisup Qaqiffimmiinnissaanut aningaasartuutit aalajangersagaq suna tunngavigalugu kommunip akilertarnerai kommunip suliamik suliarinninnerata inatsisinik eqqortitsisuuneranik eqqortitsisuunnginneranilluunniit naliliininnut pingaaruteqarpoq. Tamatuma pissuseqataa innuttaasut aalajangersimasumik amerlassusillit Qaqiffimmiinnissamut akuersissutigineqarsinnaanerisa kom-

munimit siumungaaq aalajangiiffigineqareertarnerisa inatsisinik unioqutitsisuuneranik unioqutitsisuunnginnerannilluunniit apeqqut eqqarsaatigalugu aamma atuuppoq.

Taamaattumik matuma paasissutissiissutigineqarnissaa siullertut kissaatigaara, tassalu Qaqiffimmi katsorsartinneq peqqinnissaqarfiup imaluunniit isumaginnittoqarfiup tungaanit kiffartuussinertut Naalackersuisoqarfiup paasinninnera malillugu akuersisutigineqartarnerisooq. Naalackersuisoqarfik aammattaaq qinnuigaara kommunit Qaqiffimmiinnissamik akuersissuteqarnerminni inatsisitigut tunngavigisaq sunarpiaq tunngavigisarneraat pisunilu aalajangersimasuni kommunit Qaqiffimmiinnissamik akuersissutiginninnissaminut pisussaaffeqartut Naalackersuisoqarfik isumaqarnerisooq paasissutissiissutigeqqullugu."

K1 Kommuni aammattaaq allakkatigut 13. november 2008-meersutigut ilisimatippara Naalackersuisoqarfik tusarniaavigigiga, tusarniaanermilu allakkat asilinerat kommunimut nassiullugu.

Ilaqutariinnermut Peqqissutsimullu Naalackersuisoqarfik allakkatigut 18. december 2008-meersutigut imatut akivoq:

"Inatsisartut Ombudsmandiata allakkatigut 13. nov. 2008-meersutigut Qaqiffimmiinnissamut kommunit aningaasaliisarnerannut inatsisitigut tunngavigisaq pillugu Ilaqutariinnermut Peqqissutsimullu Naalackersuisoqarfik isummeqqullugu qinnuigaa.

Uani pineqartoq tassaavoq inatsisitigut sunarpiaq tunngavigalugu kommunit Qaqiffitunut aningaasaliissuteqartarnerisut, Naalackersuisoqarfillu isumaqarnerisooq arlaatigut pisoqartillugu tamanna kommunit aningaasaliiffigissallugu pisussaaffigineraat.

Qaqiffimmi katsorsartinneq peqqinnissakkut sullissinerup ataani aningaasaliinertut imaluunniit isumaginninnikkut sullissinermi aningaasaliinertut isigineqassanersooq aammattaaq Naalackersuisoqarfimmut isummerfigeqqullugu Inatsisartut Ombudsmandiata qinnutigaa.

Ilaqutariinnermut Peqqissutsimullu Naalackersuisoqarfiup aallaqqaasiutigalugu oqaatigissavaa Qaqiffinniartunut kommunit aningaasaliinissartik pisussaaffiginngikkaat, tamannalu pisortanit ikiorsiissutit pillugit Inatsisartut peqqussutaanni nr. 15-imi, 20. november 2006-imeersumi § 20 imm. 1-imi allassimareerpoq imaattoq, kommunalbestyrelsi ataasiartumik aningaasartuutitut naammaginartumik nassuiaaserneqarsimasunut ikiorsiissuteqarsinnaasooq, qinnuteqartup § 4-mi imm.1 aamma § 8-mi piusasaqataasut naammassisimappagit.

Inatsimmi § 4-mi peqqussumi tassani pineqarpoq pisortanit ikiorsiissutinik pisinnaati-taaneq aamma inatsimmi § 3 naapertorlugu kinaluunniit tassangaannartumik pisaria-qavissumik pissaaleqilernermi pisortanit ikiorserneqartussaataasooq, tamatumani im-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

minut ilaqtaminullu pilersuisinnaanngikkuni. Tassani pineqarput inuup imaluunniit ilaqtariit ajornartorsiulersinnaanerat ikiorserneqarsinnaatitaanerlu inatsimmi § 20 naapertorlugu aningaasaliissutinngorlugu tunniunneqarsinnaanngilaq. Matumani misiliuilluni nalilersuineruvoq.

Ilaqtariinnermut Peqqissutsimullu Naalackersuisoqarfik isumaqarpoq peqqussummi § 20 ataasiartumik aningaasartuutinut naammaginantumik nassuiaaserneqarsimasunut ikiorsiissuteqarsinnaaneq Qaqiffimmi katsorsartinnissamut immikkut aningaasaliissuteqarnissamut tunnganngitsoq, tamannali mattusimaneqarani.

Pisortanit ikiorsiissutit tunniunneqartarnerat, iliuusissatut pilersaarutit, sulisinnaassuseq il.il. pillugit Namminersornerullutik Oqartussat nalunaarutaanni nr. 4-mi, 15. marts 2007-imeersumi § 10, imm. 2-mi oqaatigineqarpoq malinnaavigineqarnermi aalajangiiffigineqassaaq, pisortanit ikiorsiissutinik pisartagaqartoq assersuutigalugu katsorsartinnissamik neqeroorfigineqassanersoq. Taamaalilluni katsorsartinnerup nalaani pisortanit ikiorsiissutinik pinissamut periarfissaqarpoq, paragrafilu taanna Qaqiffinnissamut aningaasaliissuteqarnissamik periarfissinngilaq."

Akissut misissoreerlugu Isumaginninnermut Naalackersuisoqarfik allakkatigut 23. november 2009-meersutigut imatut saaffigaara:

"(...)

Akissulli tiguneqartoq Qaqiffimmiinnermut kommunit akuersissuteqartarnerannut malittarisassatigut tunngavigisaaq eqqarsaatigalugu suliamik Naalackersuisoqarfimmut saaffiginninninnut tunngaviumik suliarinninninnik inaarsaanissannut pisariaqartitatut annertutigisumik qulaajaasuunngilaq.

Taamaattumik Isumaginninnermut Naalackersuisoqarfik qinnuigaara apeqqummik paasinninnini itisileqqullugu. Tamatumunnga atatillugu oqaatigaara Qaqiffimmiinnermut imigassartorunnaarniartunillu katsorsaavinni allani katsorsartinnermut kommunit akuersissuteqartarnerannut malittarisassatigut tunngavigisamik nammineerluni misissuiffiginninneq aallartissanerlugu isumaliutersuutigigiga, tak. Inatsisartut Ombudsmandiat pillugu Inatsisartut inatsisaanni § 6, imm. 5. Misissuinerup taamaattup aallartinneqaruni malittarisassatigut tunngavigisami uanga Inatsisartunut Naalackersuisunullu Inatsisartut Ombudsmandiat pillugu Inatsisartut inatsisaanni § 11 tunngavigalugu nalunaarutigisariaqakkannik erseqqarluttoqarnersoq qulaajartussaassavaa.

Matuma paasissutissiissutigineqarnissaa kissaatigaara, tassa Isumaginninnermut Naalackersuisoqarfiup paasinninnera unaanersoq kommunit Qaqiffimmiinnissamut imigassartorunnaarniartunillu katsorsaavinni allani katsorsartinnissamut akuersissuteqarneq pisortanit ikiorsiissutit pillugit peqqussut⁶¹ tunngavigalugu aamma/imaluunniit allamik tunngaveqarluni pisartog.

Katsorsaaneq pisortanit ikiorsiissutit pillugit peqqussut tunngavigalugu akuersissutigineqartarpat Naalakkersuisoqarfik aammattaaq qinnuigaara manna paasisutissiissutigeqqullugu, tassalu kommunit pisortanit ikiorsiissutinik tunniussisarneranni inatsiseqartitsinikkut atuuttumik allanquineq peqqussutip 2006-imeersup nassatarisaa kommunit Qaqiffimmiinnermut imigassartorunnaarniartunillu katsorsaavinni allani katsorsaanermik akuersissuteqarnissaannut periarfissanut sunniuteqarsimanersoq.

Taamaalilluni pisortanit ikiorsiissutit pillugit Inatsisartut peqqussutaanni nr. 10-mi, 1. november 1982-imeersumi § 16, imm. 1-imit makku erserput:

"§ 16. Kapitalit tallimaanni arfernannilu ikiorsiinissamut piumasarineqartut tunngavigalugit immikkut imaluunniit inuuniarnermut ikiorsiissutinut ilassutitut ataasiaannakkanik ikiorsiisoqarsinnaavoq: Taakku aningaasartuutit akuersaarneqarsinnaasumik uppernarsaaserneqarsimasussat tamakkiisumik ilaannakortumilluunniit akileneqarnissaannut ikiorsiissutaasussaapput: Taamatut ikiorsiisoqartassaaq aningaasartuutissat taakku inuup pineqartup piffissami pineqartumi aningaasatigut ingerlaneranut annertuumik nanertuutaasussaalersimappata imaluunniit taamatut ikiorsiinikkut inuk pineqartoq siunissami imminut napatinniarnissaminut periarfissaqarluarnerulersinneqarsinnaappat."

Kapitali 5-imi § 12, imm. 1-imit makku erserput:

"§ 12. Inuk imminut inuutinniarnissaminut ilaqtutamiluunniit inuutinniarnissaannut pisortanit ikiorserneqartussaataavoq, inuussutissat imaluunniit napparsimasoqarnerani ernisoqarneraniluunniit peqqissarnissamut paaqqutarineqarnissamullu pisariaqartitaasa pissarsiarineqarnissaat siunertaralugu:

1) Aningaasarsiannaajusut qaangiutilertortussaannngitsumik isertinneqartarunnaarsimagaangata imaluunniit ikileriarujussuarsimagaangata, imaluunniit

2) aningaasatigut pissaaleqilernissamut naleqquttunngorsarnissamulluunniit ajornartorsiutit ilungersornartut pilersinnaanerannut aarlerinaatit ikiorsiissuteqarnikkut peersinneqarsinnaappata millisinneqarsinnaallutilluunniit."

Pisortanit ikiorsiissutit pillugit peqqussut atuuttoq eqqarsaatigalugu taanna § 20, imm. 1-imi ataasiaannartumik aningaasartuutit pillugit aalajangersakkamik imaattumik imaqarpoq:

"§ 20. Kommunalbestyrelsi ataasiartumik aningaasartuutinut naammaginartumik nassuiaaserneqarsimasunut ikiorsiissuteqarsinnaavoq, qinnuteqartup § 4-mi imm. 1 aamma § 8-mi piumasaqaataasut naammassisimappagit aammalu nammineerluni

61) Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq kingusinnerusukkut allannguuteqartinneqarsimasoq.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

aningaasartuutini matuniassagunigit imminut ilaquuttamilu siunissami napatinniarnerninut aalajangiisumik ajornartorsiulersussaappat. Nalinginnaasumik aatsaat ikiorsii-soqarsinnaavoq aningaasartuutissaq siumoortumik naatsorsuutigineqarsinnaanngitsumik pisariaqartinneqalersimappat. Taamaattoq aningaasartuutininut siumoortumik naatsorsuutigineqareersinnaasunut kommunalbestyrelsi ataasiakkaatigut naliliinermigut qaqutigoortumik ikiorsiisinnaavoq, taamatut aningaasartuuteqarnissaq qinnuteqartup ilaqutariilluunniit inuuniarneranni pingaaruteqarluinnartuusimappat."

Peqqussummi tassani § 8-mit makku erserput:

"§ 8. Kommunalbestyrelsi pilersuineranut akiligassanullu aalajangersimasunut kiisalu ataasiartumik aningaasartuutininut pisortanit ikiorsiisuteqarsinnaavoq, qinnuteqartup § 7-imi piunasaqaatit naammassisimappagit kiisalu

- 1) suliffissaqanngikkuni suliffissaminillu naammaginartumik neqeroorfigineqarsimannikkuni pimoorullugulu suliassarsiortuunngikkuni
- 2) sungiussiniarnermigut ajornartorsiornini, peqqinnginnini assigisaallu pissutigalugit sulisinnaanngitsutut nalilerneqaruni imaluunniit
- 3) napparsimaguni imaluunniit ernineranut atatillugu sulinngiffeqaruni taamalu sulisinnaanani."

Taamaalilluni inuit ikittuinnaat tassaapput peqqussut 2006-imeersoq tunngavigalugu ataasiaannartumik aningaasartuutininut ikiorserneqarsinnaasut, peqqussummi siusinnerusukkut atuuttumi ataasiaannartumik aningaasartuutininut ikiorsiissutinik pininnaatitaa-sunut sanilliullugit.

Aammattaq kommunit imigassartorunnaarniarluni katsorsartinnernut akuersissuteqartarnerannut malittarisassatigut tunngavigisamik misissuininnut atatillugu Qaqiffik pillugu kommuninut paasissutissiissutit, assilineri ilanngullugit nassiunneqartut, tiguakka. Paasissutissat taakku 1999-imeersuupput, paasitinneqarpungali taakku suli atuuttuusut. Taamaattorli Naalackersuisoqarfik qinnuigaara ilumut taamaannersoq up-
pernarsaqqullugu.

Kiisalu Naalackersuisoqarfik qinnuigaara imigassartorunnaarniartunik katsorsa-
nermut akisussaaffik kommuninut nuunniarlugu suliniuteqartoqalersimanersoq paasissu-
tissiissutigeqqulugu. Taamaalillunga paasivara kommunit suliassaqaarfiinik allanngor-
titerinermut atatillugu siunnersuutigineqarsimasoq imigassartorunnaarniartunik kat-
sorsaaneq Namminersornerullutik Oqartussanit (massakut Namminersorlutik Oqar-
tussanit) kommuninut nutaanut nuunneqassasoq. Imigassartorunnaarniartunik katsor-
saanermut akisussaaffiup kommuninut nuunneqarnissaanik siunnersuut tusaarniaati-

galugu 16. maj 2008-mi nassiunneqarsimavoq, suliassa qarfimmilu tassani annertunerusunik iliuseqaqqittoqarsimanersoq tusassallugu kissaatigaara."

Kommuninut Qaqiffik pillugu paasisutissat taaneqartut assilineri allakkanut ukununga ilanngullugit nassiuppakka.

Isumaginninnermut Naalackersuisoqarfik allakkatigut 30. marts 2010-meersutigut imatut akivoq:

"2008-mi decemberip 18-ianni isumaginninnermut Naalackersuisoqarfiup Inatsisartut Ombudsmandiannut akissuteqaataata "... Qaqiffimmiinnermut kommunit aningaasaliisarnernannut inatsisitigut tunngavigisaq pillugu Ombudsmandimut erseqqissimanniginnera" Isumaginninnermut Naalackersuisoqarfiup tusaatissatut tiguaa.

Isumaginninnermut Naalackersuisoqarfiup ilisimatitsissutigisinnaavaa Isumaginninnermut tunngasutigut oqartussaaffeqarfiup iluani imigassamut katsorsartinneq pillugu malittarisassaqaqqimmatt. Taamaattorli imigassamut katsorsartinnissamut atatillugu pisortanit ikiorsiinissamut periarfissaqarpoq, tamanna naalackersuisoqarfiup allakka-mi decemberip 18-ianni 2008-meersutigut nassuiaatigaa, inatsisitigut tunngavigisaq pillugu apeqqutip itisiliiviginissaanik Ombudsmandip qinnuiginninneranut tunngatillugu, § 20 pillugu oqaaseqaatit innersuussutigisinnaavagut, tassani ilaatigut allasimammatt, ataasiartumik aningaasartuutitut naammaginartumik nassuiaaserneqarsimasunut ikiorsiisoqarsinnaasoq, aningaasartuutitut siumut naatsorsuutigineqareersinnaasunut, pisortanit ikiorsiissutinik pisartagaqartoq sipaagaqarnermigut aningaasartuutitut akiliinissaminut periarfissaqarsimangippat. Taamaattoq ataasiartumik aningaasartuutitut nalinginnaasumik ikiorsiisoqarsinnaavoq, pineqartup ataavartumik akilersukkami saniatigut akiligassarilikkani siumut naatsorsuutigisinnaasimangippagu. Aammattaaq § 20 pillugu oqaaseqaatini ilaatigut allasimavoq ataasiartumik aningaasartuutitut pisortanit ikiorserneqassagaanni § 4, imm. 1-imi piumasaqaatigineqartut naammassineqarsimasariaqartut, kiisalu § 7 malillugu pilersuinissamut aningaasartuutitullu aalajangersimasunut ikiorserneqarsinnaanermut inatsimmi piumasaqaatigineqartut naammassineqarsimassasut. Aammattaaq ataasiartumik aningaasartuutitut ikiorsiinissamut piumasaqaataavoq § 2 malillugu pisortanit ikiorsiissutinik pisartagaqartup taassumaluunniit katissimasaata aappaasulluunniit § 12 imm. 6 malillugu aningaasartuutit matussusernissaat aningaasassaqaartinngippagu aatsaat ikiorsiisoqarsinnaasoq.

Imigassamut katsorsartinnissaq § 20 pillugu oqaaseqaatini immikkut erseqqissarlugu taaneqanngilaq.

Qaqiffimmiinnermut imigassamullu katsorsaavinni allani katsorsartinnernut kommunit aningaasaliissuteqartarnerat pisortanit ikiorsiissutit pillugit peqqussut tunngavigalugu aamma/imaluunniit allamik tunngaveqarluni tamanna pisarnersoq, Isumagin-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

ninnermut Naakkersuisoqarfik taamatut isumaqarneris pillugu, Ombudsmandip ilisimatineqarnissaminik kissaateqarneranut tunngatillugu, taamaattoqarneris naalakkersuisoqarfiup ilisimasaqarfiginngilaa.

Pisortanit ikiorsiissutit pillugit Inatsisartut inatsisaata nr. 15-ip, 20. november 2006-imeersup aprilip aallaqqaataani 2007-imi atuutilersinneqarnerata kingorna Isumagin-ninnermut Naalakkersuisoqarfiup nakkutilliinermi pisuni ikittuinnarni, Qaqiffimmi katsorsartinnissamut pisortanit ikiorsiisoqartarsimasoq paasisimavaa, pisuni ataasiakkaani utertitassanngortinneqartarlutik. Tamanna aallaaveqarsinnaavoq pisortanit ikiorsiissutit pillugit Inatsisartut peqqussutaatigut nr. 15-ikkut, 20. november 2006-imeersukkut Qaqiffimmiinnissamut imigassamullu katsorsaavinni allani katsorsartinnissamut kommunit aningaasaliinissaannut periarfissaqalererat, taannaannarli kisimi tunngavilersuutaasinnaangilaq.

Qaqiffik pillugu paasissutissiissutit 1999-imi kommuninut nassiussuunneqartut pillugit apeqqummut tunngatillugu suli taakku atuunnersut, Peqqissutsimut Naalakkersuisoqarfiup ilisimatitsissutigalugulu uppersarpaa taakku suli atuuttuusut.

Imigassamut katsorsaasarnerup kommuninut nuunneqarsinnaaneranut tunngatillugu imigassamut katsorsaasarnerup oqartussaaffigineqarnera Peqqissutsimut Naalakkersuisoqarfiup ataaniippoq. Peqqissutsimut Naalakkersuisoqarfiup ilisimatitsissutigaa imigassamut katsorsaasarnerup kommuninut nuunneqarnissaa pillugu KANUKOKA maannakkut ingerlasunik sulilu naammassineqanngitsunik isumaqatiginninniarfigineqartoq."

Tamatuma kingornatigut K2 Kommunimut imatut allappunga:

"Paasissutissat siusinnerusukkut Ilaqutariinnermut Peqqissutsimullu Naalakkersuisoqarfiusumit tigusakka malittarisassanillu suliamut attuumassuteqarsinnaasunik misissuina tunngavigalugit inerniliisariaqarpunga kommunit Qaqiffimmiinnermut aningaasaliisarnerat pillugu malittarisassanik immikkut ittunik peqanngitsaq.

Naalakkersuisoqarfiulli oqaatigaa kommunit taamatut katsorsaanerimut pisortanit ikiorsiissutit pillugit malittarisassat tunngavigalugit tapiissuteqarnissaminnut periarfissaqartut, uannullu paasissutissiissutigineqarpoq taamani K1 Kommuniusoq malittarisassat taakku tunngavigalugit innuttaasut atonerlunermi eqqugaasut Qaqiffimmiinnerinut ikiorsiissuteqartarsimasoq.

Taamaattumik taamani K1 Kommuniusup ikiorsiissutigineqartunik innuttaasosq Qaqiffimmiinnerup kingornatigut ukiup ataatsip iluani AA-t ataatsimiinnerini peqataasarsimangippat nakkaateqqippalluunniit utertitsilluni akilii-soqarnissaanik piumasqaateqarsimaneranik uanga misissuina eqqarsaati-

galugu naliliivunga pisortanit ikiorsiissutit pillugit malittarisassat kommunip taamaaliornissaanut periarfissiinersut.

K1 Kommunianni tikeraarnerma nalaani pisortanit ikiorsiissutit pillugit Inatsisartut peqqussutaat nr. 10, 1. november 1982-imeersoq⁶² atorneqarsimavoq.

Kommunit pisortanit ikiorsiissutinik utertitsilluni akiliisoqarnissaanik piumasagaateqarnissamut periarfissaat peqqussummi tassani kapitali 3-kkut aalajangersarneqarput:

"Kapitali 3

Utertitsisarneq

§ 9. Inuk § 8-mi piumasarineqartutut nalunaaruteqartussaagaluarluni nalunaaruteqarsimannikkaanngat imaluunniit peqqussut manna naapertorlugu ikiorserneqarsinnaanani ilisimareeraluarlugu ikiorsiissutisisimagaangat isumaginninnermut ataatsimiititaq ikiorsiissutaasimasut utertinneqarnissaannik aalajangiisinnaavoq.

§ 10. Aammattaaq isumaginninnermut ataatsimiititaq ikiorsiissutaasimasunik utertitsinissamik aalajangiisinnaavoq:

1) Inummumut aapparisaminut qitornaminullu pilersuisussaassutsiminik sumiginnaasimasumut,

2) inuk ikiorsiissutisisimasoq kingusinnerusukkut piffissamut ikiorsiiffiusimasumut naatsorsuussanik taarsiissutisisimappat, akilersuutinik pisimappat taamaangajattunilluunniit pisimappat,

3) inuk aningaasanik aqutsinermigut suliffeqarnermigullu naammaginngitsumik iliuuseqartarsimanini pissutigalugit ikiorserneqartariaqalersimappat,

4) ikiorserneqarnissamik qinnuteqarnerup nalaani paasinarsereersimappat inuup pineqartup ikiorsiissutit piffissap sivikitsup ingerlanerani utertissinnaalissagai.

Imm. 2. Ikiorsiissut tunniunneqarnermini utertitassaassasoq paasinarsereeraangat inuk pineqartoq utertitsisussaaitaanerminik ilisimatinneqartassaaq.

62) Taanna Inatsisartut peqqussutaatigut nr. 2-kkut, 11. maj 1993-imeersukkut aamma Inatsisartut peqqussutaatigut nr. 8-kkut, 3. november 1994-imeersukkut allanngortinneqarsimavoq.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Imm. 3. Isumaginninnermut ataatsimiititap immikkut pissutissaqartillugu ikiorsiis-sutip tunniunneqarneranit ukiup ataatsip ingerlareerneratigut aalajangersinnaavaa utertitsisussaataaneq atorunnaarsinneqassasoq."

K1 Kommunip allakkani 15. februar 2007-imeersuni qulaani issuarneqartuni oqaatigaa ikiorsiissutigineqartunik innuttaasoq atornerluinnermit eqqugaasoq Qaqiffimmiinnerup kingornatigut ukiup ataatsip iluani AA-t ataatsimiinnerini peqataasarsimangippat nakkaateqqippalluunniit utertitsilluni akiliisoqarnis-saanik piumasaqaat peqqussummi § 10, imm. 3-mik imaattunik oqaasertaqar-tumik tunngaveqartoq: "Inuk aningaasanik aqutsinermigut suliffeqarnermigul-lu naammaginangitsumik iliuuseqartarsimanini pissutigalugit ikiorserne-qartariaqalersimappat, ..."

Taanna pillugu oqaatigaara pisuni pineqartuni peqqussummi § 10, imm. 1, nr. 3-p atorneqartarnissaanik kommunip naliliinera isumaqatiginngikkiga.

Peqqussummi § 10, imm. 1, nr. 3-mi pisut inuup pineqartup aningaasaqarnik-kut suliffeqarnikkulluunniit illersorneqarsinnaanngitsumik iliuuseqarsimaneri pissutigalugit ikiorsiisariaqarfiusartut pineqarput.

Innuttaasumut atornerluinnermit eqqugaasumut ikiorsiineq kommunip Qaqif-fimmiinnermut akiliussineratut isigisariaqarpoq. Tassa imaappoq innuttaa-sup aningaasaqarnikkut suliffeqarnikkulluunniit illersorneqarsinnaanngitsu-mik iliuuseqarneri kommunip Qaqiffimmiinnermut ikiorsiissuteqarneranut pis-sutaasariaqartut. Imigassamilli pinngitsuisinnaannginneq oqariartaatsinik paasinnittarneq nalinginnaasoq aallaavigalugu aningaasaqarnikkut suliffe-qarnikkulluunniit iliuuseqarsimanertut isigineqarsinnaanngilaq, taamaattu-millu Qaqiffimmiinnermut ikiorsiissutaasimasut peqqussummi § 10, imm. 1, nr. 3 innersuussutigalugu utertillugit akileqqunissaannut periarfissaqanngilaq.

Peqqussummi kapitali 3-mi aalajangersakkat allat pineqartutut utertitsilluni akiliisoqarnissaanik ataatsimut piumasaqaammik aalajangersaanissamut aamma tunngavissaliinngillat.

Oqaatigaarattaaq pisortanit ikiorsiissutaasimasunik utertitsilluni akiliisoqar-nissaanik piumasaqaateqarnermi suliat ataasiakkaarlugit pisumik naliliiso-qartartussaasoq, taamaattumillu isumaqarpunga qaqugukkut utertitsilluni aki-

liisoqarnissaanik kommuni pisimasutut ataatsimut piunasaqaammik saneq-qunneqarsinnaanngitsumik aalajangersaasinnaanngitsoq.

Taamani pisortanit ikiorsiissutit pillugit peqqussut atuuttoq⁶³ eqqarsaatigalugu taanna utertitsilluni akiliisarneq pillugu aalajangersakkanik imaattunik ima-qarpoq:

"Kapitali 8

Utertitsisarneq

§ 27. Kommunalbestyrelsip pisortanit ikiorsiissutinik tunniunneqartussaannngitsunik utertitsinissamik aalajangiissaaq, ikiorsiissutisisartooq:

1) Paasissutissanik kommunalbestyrelsimut tunniussisussaalluni ilisimaarereerlugu tunniussisimannngippat, takuuk § 26.

2) Taamaaliortussaananani ilisimareeraluarlugu pinsinnaatitaaffiginngisaminik peqqussut manna naapertorlugu ikiorsiissutisisarsimappat.

3) Kingusinnerusukkut taarsiivigineqarpat, nalinginnaasunik akilersuutisisalerpat assigisaannilluunniit pissarsippat, piffissamut ikiorsiissutisiffigisimasaminut tassungalu assingusumik siunertalimmut.

§ 28. Aammattaaq kommunalbestyrelsi pisortanit ikiorsiissutit utertinneqarnissaat pillugu aalajangiisnnaavoq:

1) Inuup aningaasaqarnikkut sulinikkulluunniit mianersuaalliorluni iliuuseqarnera pissutigalugu pineqartoq ikiorneqartariaqarpat.

2) Piffissami pisortanit ikiorsiissutisinissamik qinnuteqarfiusumi takuneqarsinnaappat qinnuteqartoq piffissap sivikitsup ingerlanerani pisortanit ikiorsiissutinik utertitsinnaasoq.

Imm. 2. Kommunalbestyrelsi aalajangerpat pisortanit ikiorsiissutinik imm. 1-imi nr. 2 naapertorlugu utertinneqartussanik, tamanna ikiorsiissutisisumut allakkatigut nalunaarutigineqassaaq kingusinnerpaamik pisortanit ikiorsiissutit tunniunneqarneranni. Kommunalbestyrelsi utertitsinissamik kinguartitsigallarnissamik akuersis-

63) Pisortanit ikiorsiissutit pillugit Inatsisartut peqqussutaat nr. 15, 20. november 2006-i-meersoq, Inatsisartut peqqussutaatigut nr. 5-ikkut, 29. maj 2008-meersukkut aamma Inatsisartut peqqussutaatigut nr. 7-ikkut, 31. maj 2010-meersukkut allannguuteqartinneqarsimasooq.

6. Suliat nalinginnaasumik soqutiginaatillit, inatsiseqartitsiffiusunut agguataakkat

suteqarsinnaavoq pisartagaqartoq aamma katissimallugu aapparisanilu imaluunniit naligalugu inooqatigisanilu pisortanit ikiorsiissutaannarnik pisartagaqarpata.

Imm. 3. Kommunalbestyrelsi immikkut pisoqartillugu ikiorsiissutisisalernermit ukiup ataatsip qaangiunnerani aalajangiinnaavoq ikiorsiissutisiap utertitassanngorsimanagera atorunnaassasoq."

Taamaalilluni peqqussut massakkut atuuttoq aalajangersakkanik pineqartutut utertitsilluni akiliisoqarnissaanik ataatsimut piunasaqaatinik aalajangersaanissamut periarfissiinnigilaq.

Taamaattumik K2 Kommunimut inassuteqaatigaara Qaqiffimmiinnermut ikiorsiissutaasimasunik innuttaasoq atornerluinnermit eqqugaasoq Qaqiffimmiinnerup kingornatigut ukiup ataatsip iluani AA-t ataatsimiinnerini peqataasarsimannigippat nakkaateqqippalluunniit utertitsilluni akiliisoqarnissaanik kommunimi ataatsimut piunasaqaateqartoqartanninnissaa nakkutigineqassasoq.

Tamatuma saniatigut oqaatigisinnaavara suliami matumani misissuina tunngavigalugu malugigiga Qaqiffimmiinnermut akiliutinik akiliisitsiniartarnermut aamma kommunit taamatut katsorsaanernut aningaasaliisarnernut tunngavisoq ima nalorninaroqartigisoq apeqqu taanna pillugu nammineerlunga misissuiffiginninnermik aallartitsiniarlunga aalajangertariaqarlunga, tak. Ombudsmandi pillugu inatsimmi § 15, imm. 1⁶⁴. Misissuina taanna Peqqissutsimut Naalackersuisoqarfimmut sammititaavoq, taannalu nassuiaateqaqqullugu allakkatigut allatigut qinnuigaara.

Taamani K1 Kommuniusumut tikeraarnera pillugu matuma kingornatigut anertunerusumik iliuuseqaqqissanngilanga, suliarlu K2 Kommuni eqqarsaatigalugu inaarlugu suliarineqartutut isigalugu.

Misissuina ajornartorsiutinut nunami maani kommuninut tamanut sunniuteqartuunna isiginiarlugu allakkat ukua allakkani ukunani pineqartut kinaasusii ilisarnarunnaarsillugit assilinerata KANUKOKA-mut nassiunneqarnissaa aalajangiuppara. Allakkat assilinerat Isumaginninnermi Naammagittaalliuteqartarfimmut aamma Isumaginninnermut Naalackersuisoqarfimmut aammattaaq nassiuppara."

Suliat ataasiakkaat - Naalackersuisut

64) Inatsisartut Ombudsmandiat pillugu Inatsisartut inatsisaat nr. 8, 3. december 2009-meersoq.

6.11 Tarnikkut napparsimasunik katsorsaannermi pinngitsaaliiner- mik atuineramik inatsiseqartitsinikkut aalajangersaaviginnineq

Innuttaasumit Dronning Ingridip Napparsimmavissuani tarnikkut napparsimasunut immikkoortorta qarfirmiit katsorsaannermi isiginiagassat pissutigalugit angerlarnissaminik itigartinneqarsimanini pillugu naammagittaalliorluni saaffiginnissut tunngavigalugu Ombudsmandi aalajangerpoq tarnikkut napparsimasunut Dronning Ingridip Napparsimmavissuanut unitsinneqarsimasunut pinngitsaaliineramik atuinermut atatillugu apeqqutit inatsiseqartitsinikkut innarlitsaaliinermut tunngasut assigiinngitsut nammineerluni misissuiffigilerniarlugit.

Misissuinerup inerneraa Ombudsmandi matuma inassuteqaatiginissaanut pissutissaqarluni isumaqartoq, tassalu Peqqissutsimut Naalakkersuisoqarfiup napparsimasut inatsiseqartitsinikkut innarlitsaaliineqarneranut tunngasut ullumikkut atuuttut kaajallaasitatut ilusiligaasut inatsimmi ilanngunneqarnissaat Kalaallit Nunaanni tarnikkut napparsimasunut tunngasut pillugit inatsisip piareersarneqarneranut atatillugu isumaliutertuutigissagaa.

Ombudsmandip aamma oqaatigaa peqqinnissaqarfiup napparsimasunik katsorsaannermi pinngitsaaliineramik atuisoqarnissaanik aalajangiineri ingerlatsineq pillugu inatsiseqartitsineq tunngavigalugu aalajangiinerusut, taamaattumillu naatsorsuutigigini ingerlatsineq pillugu inatsiseqartitsineri malittarisassat sulianut aalajangiiffigineqartunut atuuttut pinngitsaaliineramik tarnikkut napparsimasunut atuinermut atatillugu malinneqartassasut (j.nr. 2009-905-0009).

Dronning Ingridip Napparsimmavissuani tarnikkut napparsimasunut immikkoortorta qarfirmi aqutsisutut nakorsaaneq L oqarasuaatikkut 14. december 2007-imi oqaloqatigaara, tak. allakkiaq 15. december 2007-imeersoq imaattoq:

"...-p saaffiginnissutaanik suliarinninnnut atatillugu Dronning Ingridip Napparsimmavissuani tarnikkut napparsimasunut immikkoortorta qarfirmi aqutsisutut nakorsaaneq L napparsimasut pinngitsaaliinikkut unitsinneqarsimasut eqqarsaatigalugit inatsiseqartitsinikkut innarlitsaaliineramik apeqqut pillugu oqarasuaatikkut 14. december 2007-imi oqaloqatigaara.

(...)

1) Nakkutilliisussamik toqqaasarneq

6. Suliat nalinginnaasumik soqutiginaatillit, inatsiseqartitsiffiusunut agguataakkat

Silanngajaartut napparsimmavimmiittarneri pillugit inatsimmi § 6, imm. 1-ikkut aalajangersarneqarpoq silanngajaartuq politiit suliniuteqarnerisigut pinngitsaaliilluni unitsinneqarpat politiit unitsinneqartup angerlarsimaffiani eqqartuussivimmuut unitsitsineq pillugu ingerlaannaq nalunaaruteqassasut, nakkutilliisumik toqqaasoqarnissaa siunertaralugu.

L-ip uannik oqaloqateqarnermini oqaatigaa pinngitsaaliilluni inissiinermi nakkutilliisumik toqqaasoqarnissaata tungaanut sivikinnerpaamik qaammatip ataatsip ingerlasarnera pingaarnertut atuuttoq.

L imatut paasivara tarnikkut napparsimasunut immikkoortortaarfik eqqartuussiviup aalajangiinissaanik utaqqimaarnerup saniatigut allanik iliuuseqarneq ajortoq.

(...)

Pinngitsaaliinikkut unitsitsineq politiit ikiortiginagit pippat, unitsinneqartullu tamanna qinnutigippagu, nakkutilliisumik toqqaasoqarnissaa suliniutigissallugu nakorsap katarsaanermik ingerlatsisup inatsimmi § 6, imm. 2 tunngavigalugu pisussaaffigaa.

Uanga paasinninnera unaavoq pisussaaffiup taassuma manna nassatarigaa, tassalu unitsinneqartuq nakkutilliisumik toqqaasoqarnissaanut periarfissaqarneranik nakorsap tamatigut ilitsersortartussaagaa. Tamanna unitsinneqartup qinnutigippagu nakkutilliisumik toqqaanerup pinngitsoorani pisussaaneranut ataneqarpoq.

Oqaloqatigiinnermi oqaatigineqarpoq (...) pinngitsaaliinikkut unitsinneqarsimasoq, toqqissisarneqarnissaa siunertaralugu, nakkutilliisumilli toqqaasoqarnissaa kissaatigalugu taassuma oqaatigisimannigikkaa, pineqartorlu tarnikkut napparsimasunut immikkoortortaarfimmit periarfissaq taanna pillugu ilitsersorneqarsimanngitsoq.

L-imik oqaloqateqarnerma annertunerusutigut takutippaa tarnikkut napparsimasunut immikkoortortaarfik nakkutilliisumik toqqaasoqarnissaanut periarfissamik taamaallaat pisuni naliliinikkut ilitsersuisarsimasoq.

(...)

2) Angerlartinneqarumalluni qinnutigisanik suliarinnitarneq

L oqarpoq angerlartinneqarumalluni qinnutigisanik Justitsministerimut silanngajaartut pillugit inatsimmi § 9-kkut piunasaqaatigineqartutut napparsimmavissuup suliaannortitsisariaqartarsimaneramik ilisimasaqarani.

L nassuiaalluni oqarpoq napparsimasup pinngitsaaliinikkut unitsinneqartup angerlartinneqarnissani kissaatigippagu pineqartuq napparsimmavissuup oqaloqatigisaraa.

(...) eqqarsaatigalugu taamatut aamma pisoqarsimavoq, taannalu unitsitsinissamik aalajangiinermik naammagittaalliuutiginninnissamut periarfissamik ilitersorneqarsimanngilaq, tassami tarnikkut napparsimasunut immikkoortortaqarfik isumaqarmat tamatuma kingornatigut angerlartinneqarnissaminik piumasqaateqarnavianngitsoq.

Oqartussaasumut qulliunerusumut silanngajaartut pillugit inatsimmi § 9, imm. 2 tungavigalugu naammagittaalliorsinnaatitaanermut imaluunniit eqqartuussisarneq pillugu inatsimmi kapitali 3, § 21, imm. 1, tak. imm. 2 eqqartuussivikkut misiliisitsinnaatitaanermut periarfissat pillugit ilitersuineq taamaallaat pisumi naliliineq tungavigalugu pisarsimavoq, nakorsaanerlu nassuiaalluni oqarpoq tamanna napparsimasup eqqarsartaatsimigut qanoq issusianut nakkutilliisumillu toqqaasoqarsimaneranut ataneqartoq.

(...)"

Peqqissutsimut Pisortaqarfimmut 19. december 2007-imi imatut allappunga:

"Innuttaasup Dronning Ingridip Napparsimmavissuani tarnikkut napparsimasunut immikkoortortaqarfimmi allaffissorluni aqutsinikkut kiffaanngissusiagaasimasup saaffiginninneranut atatillugu ajornartorsiutit ataani taaneqartut nammineerluni misissuiffiginninnermik aallartitsiviginiarlugit aalajangiussakka malugaakka, tak. Inatsisartut Ombudsmandiat pillugu Inatsisartut inatsisaanni § 6, imm. 5.

Misissuineramik aallartitsiniarlunga aalajangenera innuttaasup kiffaanngissusiagaasimasup saaffiginninneranut atatillugu aqutsisutut nakorsaanerup L-ip aamma inatsisilerinermi pisortap Michael Mikkelsenip oqarasuaatikkut oqaloqatigiinnerisa kingornatigut pivoq.

Nakkutilliisussamik toqqaasarneq

Inuit silanngajaartut napparsimmavimmiittarneri pillugit inatsimmi nr. 259-imi, 27. maj 1981-imeersumi § 6, imm. 1-ikkut aalajangersarneqarpoq silanngajaartoq politiit suliniuteqarnerisigut pinngitsaaliinikkut unitsinneqarpat politiit unitsinneqartup angerlarsimaffiani eqqartuussivimmut unitsitsineq pillugu ingerlaannaq nalunaaruteqasasut, nakkutilliisumik toqqaasoqarnissaa siunertaralugu.

Aqutsisutut nakorsaanerup inatsisilerinermi pisortannik oqaloqateqarnermini oqaatigaa pinngitsaaliinikkut inissiinermit nakkutilliisumik toqqaasoqarnissaata tungaanut sivikinnerpaamik qaammatip ataatsip ingerlasarnera nalinginnaasoq.

Pisortaqarfik tamanna tungavigalugu qinnuigaara pissutsit suut nakkutilliisumik toqqaaniarnermi kinguarsaasusarnerisut toqqaaniarnerullu ingerlanera pilertornerulersinniarlugu peqqinnissaqarfik qanoq iliuseqartarnerisut paasissutissiissutigeqqullugu.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Pinnngitsaaliinikkut unitsitsineq politiit ikiortiginagit pisimappat nakorsaq katsorsaanermik ingerlataqartoq § 6, imm. 2 tunngavigalugu pisussaaffeqarpoq nakkutilliisumik toqqaasoqarnissaa suliniutigissallugu, unitsinneqartup tamanna qinnutigippagu.

Pisortaqarfik qinnuigaara nakorsap katsorsaanermik ingerlataqartup nakkutilliisumik toqqaanissamut periarfissaqarnera unitsinneqartumut ilitersuutigisarneraa qinnutiginisallu taamaattut nakorsap qanoq iliorluni malitseqartitsivigisarnerai paasissutissiisutigeqqullugu.

Angerlartinneqarumalluni qinnutigisanik suliarinnittarneq

Aqutsisutut nakorsaaneq oqarpoq angerlartinneqarumalluni qinnutigisanik Justitsministerimut inuit silanngajaartut napparsimmavinniitinneqartarneri pillugit inatsimmi § 9-kkut piunasaqaatigineqartut napparsimmavissuup suliassanngortitsisariaqartarsimaneramik ilisimasaqarani.

Aqutsisutut nakorsaaneq aamma oqarpoq napparsimasup pinnngitsaaliinikkut unitsinneqartup angerlartinneqarnissani kissaatigippagu pineqartoq napparsimmavissuup oqaloqatigisaraa.

Pisortaqarfik qinnuigaara napparsimasut allaffissornermi aqutsinikkut kiffaanngissusiagaasimasut angerlartinneqarnissaminnik kissaateqartut nakorsap katsorsaanermik ingerlataqartup allakkatigut aalajangiinermik piunasaqaateqarsinnaatitaaneq pillugu qanoq annertutigisumik ilitersortarnerai paasissutissiisutigeqqullugu, tak. suliassat suliarineqartarnerat pillugu inatsimmi § 23.

Pisortaqarfik tamatumunnga peqatigitillugu qinnuigaara nakkutilliisut, ilaquataasut allallu napparsimasumik napparsimasoq sinnerlugu ikiuinissamut iliuseqarnissamulunnit piginnaatitaasut angerlartinneqarnissamik qinnutigisat pillugit suliat suliarineqarnerini qanoq annertutigisumik peqataatinneqartarnerisut paasissutissiisutigeqqullugu."

Naalackersuisoqarfiup 23. juli 2008-mi imatut akivaanga:

"Ilaqutariinnermut Peqqissutsimullu Naalackersusoqarfimmiit Ombudsmandip allagarisai ullulerneqarsimasut 19. december 2007 tiguneqarsimapput, ajuusaarutigarpullu taama sivisutigisumik akineqannginneri, tamatumunnga pissutaavoq sivisuumik napparsimasoqarsimanera.

Nakkutilliisutut sinniisussamik toqqaasarneq

Tarnikkut nappaatillit napparsimmavinni uninngatinneqartarnerat pillugu inatsimmi nr. 259. 27. maaji 1981-meersumi § 6 tunngavigalugu politiit pisussaapput unitsitsiner-

mi ingerlaannaq eqqartuussivik tamatuminnga nalunaarfigissallugu, nakkutilliisutut sinniisussamik toqqaasoqarniassammat.

Naalackersuisoqarfimmiit politiit attavigineqarsimapput paasiniaarlugu unitsitsinermit qanoq iliortoqartarnersoq. Tassani ilisimatitsissutigineqarpoq, politiit pisinnaatitaanngitsut unitsitsinermit atsiornissamut, kinguneranillu nakkutilliisutut sinniisussamik toqqaasoqartinnagu unitsitseqqusaanatik. Napparsimasup qanigisaanik ikinngutaanilluunniit nakkutilliisutut sinniisussamik pissarsinngikkaanni inunnik isumaginnittoqarfik attavigineqassaaq, nakkutilliisutut sinniisussamik taanna toqqaassammat. Taamaalilluni nakkutilliisutut sinniisussamik toqqaasoqarsimatinnagu unitsitsineq pisinnaangilaq.

Tamatuma kinguneranik politiit eqqartuussivimmut innersuussuteqassapput inuk pineqartoq pinngitsaaliilluni unitsitsinermit nakkutilliisutut sinniisussatut toqqaarneqarsimasoq. Nuummi eqqartuussivik nalunaaruteqarpoq toqqaasarneq ullunik 7, 14,-nik sivilisussuseqarsinnaasartoq, ullormi pineqartumi suliasat aalajangersimasut aammalu sulisut amerlassusaat apeqqutaalluni. Sinerissami eqqartuussiviit sulisut misissuiffigineqarsimanngillat suliat qanoq sivilisutigisarnerat pillugu, aammalu nakkutilliisutut sinniisussat aalajangersimasut toqqaarneqaraangata qanoq sivilisutigisarnersoq nalunaarfigineqartarnerat.

Ilaqutariinnermut Peqqussutsimullu Naalackersuisoqarfimmiit immikkoortortaq A1-imit naammagittaalliummik tigusaqartoqarsimanngilaq. Nakkutilliisutut sinniisussat toqqaarneqartarnerini sivilisullaartarnera pillugu. Ajornartorsiut tarnip pissusaa pillugu inatsisissap suliarineranut atatillugu eqqartorneqarsimavoq, tassani peqataallutik Politimesteri, nunatta eqqartuussisuunera, aammalu immikkoortortaq A1-imi nakorsaaneq. Iliuserineqartartut eqqartorneqarput, aammalu akuersaarneqarluni suliat sivilisusarsinnaanerat. Taamaattumik naalackersuisoqarfimmiit iliuseqartoqarsimanngilaq nakkutilliisutut sinniisussamik toqqaasarnerni suliat tuavisaarnissaat pillugu.

Immikkoortortaq A1-imi nakorsaaneq ilisimatitsivoq politiit ikiortigalugit pinngitsaaliilluni unitsitsinerit tamarmik nakkutilliisutut sinniisussamik toqqaaffigineqartartut. Taamaalilluni § 6, imm. 2 taamaallaat piumassutsiminnik unittunut atuuttarpoq. § 6, imm. 2 tunngavigalugu nakorsaqa katsorsaasoq pisussaavoq napparsimasup piumasarippagu, nakkutilliisutut sinniisussamik toqqaassalluni. Napparsimasunik kissaateqartoqartillugu A1-imi nakorsat aammalu sulisut ikiuunniartaannarput nakkutilliisutut sinniisussamik toqqaanissamut kissaateqartoqartillugu. Piumassutsimik uninngasunik ajornartorsiortoqartillugu, A1-imi sulisut napparsimasunut erseqqissaatigisarpaat nakkutilliisutut sinniisussamik toqqaanissamut periarfissaqarnera.

Inatsisartut Ombudsmandiata Naalackersuisoqarfik qinnuigaa nassuiaateqaqqullugu qanoq annertutigisumik nakorsat katsorsaasut napparsimasunut pisortatigut pisinnaati-

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

taaffiaakkanut, angerlarnissaminnut kissaateqartunut siunnersuisarnersut, allakkatigut aalajangiinernik pisinnaatitaanerat pillugu, takuuk sullisinermi inatsisini § 23.

Naalackersuisoqarfimmit erseqqissarneqassaaq pisortatigut aalajangererunngimmat, kisiannili nakorsanit aalajangiinerummat. Napparsimasoq angerlartinneqarnissamut itigartinneqaruni, imaappoq, napparsimasup pinngitsaaliilluni unitsinneqarsinnaanermut piunnaasaqatit naammassisimagai, imatut oqaatigalugu, tarnikkut ima ilungersortigaat, amerlanertigut paasinnissinnaanatik, imaluunniit akuerisinnaanagu angerlartinneqarnissamik itigartitsinermit suna pissutaanersoq.

A1-imi nakorsaaneq ilisimatitsivoq angerlartinneqarnissamut itigartitsinermi napparsimasoq nakorsamik oqaloqateqarnermi tamatigut ilisimatinneqartartoq itigartitsinermit suna pissutaanersoq. Napparsimasoq allakkatigut nalunaarfigineqarneq ajorpoq aalajangiineq pillugu. Napparsimasoq nammineq pilluni allattukkanik takunnissinnaatitaavoq, tassanilu allassimasarpoq angerlartinneqarnissamut itigartitsinermit suna tunngavigineqarsimanersoq. Napparsimasut ilaannut, imaassinnaasarpoq allattukkanik takunninnermi nappaataat ajorseriarsinnaasartoq. Taamaattoqartillugu allattukkanik takunninnissaq itigartinneqartarpoq. Napparsimasoq ima pitsanngortigippat periarfissinneqartarput allattukkanik takunninnissamut atuarnissamullu, taamaalillutillu angerlartinneqarnissamut itigartitsissutigineqartunik allakkatigut paasitinneqartutut taaneqarsinnaalluni.

[Periaaseq taanna Danmarkimi malittarisassani periaaseq assigaat, tassami tarnikkut napparsimasunik katsorsaanermit pinngitsaaliinermik atuinermit atatillugu ilisimatitsisarneq naammagittaalliornissamullu periarfissamik ilitersuisarneq pillugit nalunaarummi § 3-mi oqaatigineqarmat "Pinngitsaaliilluni uninngatitsisoqassasoq nakorsaaneq aalajangerpat tamanna pillugu ilisimatitsineq pinngitsaaliilluni uninngatitsilernissamik aalajangiinermut tunngavioq, tamatumunnga siunertaasoq peqqissutsillu pitsanngoriarnissaanik ilimanaatit pillugit nassuiaammik imaqassaaq." Tassani oqaaseq "ilisimatitsineq" atorneqarpoq, tamannalu itigartitsinermit tunngavilersuutip oqaasiinnartigut nassuiarneqarneratut paasisariaqarpoq.] (Atorfeqarfimmi nutsigaa-voq, nutserneqarnerani qaangiinnarneqarsimammat)

Inatsisartut Ombudsmandiata naggataatigut Naalackersuisoqarfik qinnuigaa nassuiaateqaqqullugu qanoq annertutigisumik nakkutilliisutut sinniisussat, qanigisat allallu napparsimasumut ikiuussinnaasutut pisinnaatitaasut, angerlartinneqarnissamik qinnuteqaatini peqataatinneqartarnersut.

A1-imi nakorsaaneq ilisimatitsivoq immikkoortortami napparsimasut amerlanersaanut tunngatillugu ilaqtanik qanigisanik oqaloqateqartoqartartoq, napparsimasup tamanna akuersissutigigaangagu. Oqaloqateqarnermi tamakkunani annertunerpaamik ilaatigut tamakkiisumik napparsimasoq pillugu paasissutissat piniarneqartarput, aamalu sooq napparsimasup angerlartinneqarnissamut itigartinneqarsimanera pillugu

nassuiaasoqartarluni. Ilanngullugu nakkutilliisutut sinniisussaq oqaloqatigineqartarpoq, napparsimasup tamanna akuersissutigippagu.

Taamaalilluni napparsimasumut attuumassuteqartut angerlartinneqarnissamut itigartitsinermi ilanngunneqartarput."

Aammattaaq Peqqissutsimut Pinaveersaartitsinermullu Ministereqarfik (Ministeriet for Sundhed og Forebyggelse) qinnuigaara kalaallit tarnikkut napparsimasut naammagittaalliornissaannut malittarisassat atuuttut pillugit nassuiaateqaqqullugu.

Ministereqarfiup 14. januar 2010-mi imatut akivaanga:

"Mailikkut nassiussat 23. april 2009-meersut Peqqissutsimut Pinaveersaartitsinermullu Ministereqarfiup (Ministeriet for Sundhed og Forebyggelse) tiguaa, tassanilu tarnikkut napparsimasut Region Hovedstadimi aamma Peqqinnissaqarfimmi Napparsimasut Naammagittaalliuuteqartarfianni naammagittaalliornissamut periarfissaannut inatsisikkut tunngavigisaaq apeqqutigaat.

Mailimi oqaatigaat naammagittaalliornissamut periarfissaq Justitsministereqarfimmut inissinneqarsimasooq, tak. inuit silanngajaartut pillugit inatsit 1938-meersooq, Kalaallit Nunaannut suli atuuttoq. Kalaallit Nunaanni tarnikkut napparsimasut naammagittaalliutaasa suliarineqarnissaat Sundhedsministereqarfimmut tamatumalu kingornatigut naalagaaffiup nunap immikkoortuini oqartussaasuinut isumagisassanngortinneqarsimanersooq tamanna tunngavigalugu nassuiaasoqarnissaa kissaatigaat.

Illit nammineq oqaatigisattut Kalaallit Nunaanni tarnikkut napparsimasunik katsorsaanermi kiffaanngissusiiaanerit inuit silanngajaartut pillugit Danmarkimi inatsisikkut (inatsisikkut nr. 118-ikkut, 13. april 1938-meersukkut, kingusinnerusukkut allannguuteqartinneqarsimasukkut) siusinnerusukkut atuuttukkut Kalaallit Nunaannut atortusanngortinneqarsimasukkut suli aalajangersaavigineqarsimapput. Inatsit taanna atasiakkaatigut allannguuteqartinneqarluni Kalaallit Nunaannut 1981-imi atortuulersinneqarpoq, tak. inuit silanngajaartut napparsimmavimmiittarneri pillugit inatsisip Kalaallit Nunaannut atortuulersinneqarnera pillugu inatsit nr. 259, 27. maj 1981-meersooq.

Ministereqarfiup oqaatigisinnaavaa Statsministereqarfiup Indenrigs- og Sundhedsministereqarfimmut allakkatigut 7. oktober 2004-meersutigut aalajangersimagaa tarnikkut napparsimasunik katsorsaaneq pillugu inatsit suliassaqarfimmik 23. marts 1998-imi Justitsministereqarfimmit taamani Sundhedsministereqarfimmut nuussinikkut suliassaqarfimmi tassani Kalaallit Nunaannut inatsit, tassalu inuit silanngajaartut napparsimmavimmiittarneri pillugit inatsit nr. 11, 13. april 1938-meersooq ilanngullugu nuunneqassasoq. Statsministereqarfiup allagaasa assilinerat ilanngullugu nassiunneqarpoq.

6. *Suliat nalinginnaasumik soqutiginaatillit, inatsiseqartitsiffiusunut agguataakkat*

Inuit silanngajaartut pillugit inatsimmi § 9-p oqaasertaasa manna nassataraat, tassalu napparsimasup angerlartinneqarumalluni kissaatigisaa akuerineqanngippat aalajangiineq taanna Justitsministerimut suliassanngortinneqarsinnaasoq, Justitsministerilu angerlartitsisoqassanersoq qaammatip ataatsip iluani aalajangiinissaminut pisinnaatitaasoq. Pisinnaatitaaneq taanna qulaani oqaatigineqartut Ministeriet for Sundhed og Forebyggelsemut nuunneqarsimavoq.

Inatsiseqartitsinikkut innarlitsaaliiniarnikkut isiginiagassat aallaavigalugit Ministereqarfiup paasinninnera unaavoq sulianik naammagittaalliuutinut tunngasunik suliarininneq aaqqissuussinermi tamatumunnga pisinnaatitaasumi suliassaqarfimmilu tassani misilittagaqartumi pisariaqartoq.

Taamaattumik Ministereqarfiup Københavns Overpræsidium allakkatigut 30. november 2004-meersutigut aamma 14. december 2004-meersutigut ilisimatippaa kiffaanngissusiianeq pillugu naammagittaalliuutinik suliarininneq Ministereqarfiup Overpræsidiumut isumagisassanngortikkaa. Allakkanit siullertut taaneqartunit ilaatigut er-serpoq inatsisip manna nassatarigaa, tassa kiffaanngissusiianeq pillugu aalajangiinerit eqqartuussivimmut suliassanngortinneqarsinnaasut, Kalaallit Nunaanni eqqartuussisarneq pillugu inatsimmi kapitali 4 E, tak. § 9, imm. 3 naapertorlugu. Ministereqarfiup Københavns Overpræsidiumminut allagaasa assilineri ilanngullugit nassiunneqarput.

Københavns Overpræsidiummip 1. januar 2007-imi atorunnaarsinneqarmat naammagittaalliuutit pillugit suliat taakku suliarinissaannut pisinnaatitaaneq Statsforvaltningen i Hovedstadenimut nuunneqarpoq.

Pinngitsaaliineq, matumani pinngitsaaliilluni aalangeerineq pinngitsaaliillunilu nakorsaaitortitsineq ilanngullugit eqqarsaatigalugit, pillugit aalajangiinerit inuit silanngajaartut pillugit inatsisikkut aalajangersaavigineqarsimanngillat, peqqinnissaqarfimmili sulisut pinninneri pillugit naammagittaalliuutit isigineqarput, taamaalillutillu Peqqinnissaqarfimmi Napparsimasut Naammagittaalliuuteqartarfiup nalinginnaasumik pisinnaatitaanerata ataaniillutik.

Ministereqarfiup eqqortussaq anguniarlugu oqaatigissavaa Kalaallit Nunaanni peqqinnissaqarfik inatsisikkut nr. 369-ikkut, 6. juni 1991-imeersukkut Kalaallit Nunaanni Namminersorerullutik Oqartussanut nuunneqarpoq, taamaalilluni Kalaallit Nunaanni peqqinnissaqarfik peqqissutsimullu tunngasut pillugit malittarisassat Namminersorerullutik Oqartussanit Inatsisartut peqqussutaatigut aalajangersarneqarsinnaalerlutik. Nuussinermili tassani tarnikkut napparsimasunik katsorsaanerme pinngitsaaliinermik atuineq ilaatinneqanngilaq. Tarnikkut napparsimasunik katsorsaanerme pinngitsaaliinermik atuineq pillugu suliassaqarfik Kalaallit Nunaanni peqqinnissaqarfik pillugu inatsisikkut nr. 1406-ikkut, 27. december 2008-meersukkut Kalaallit Nunaanni Namminersorerullutik Oqartussanut nuunneqarpoq.

Tamanna tunngavigalugu ilaatigut kalaallit tarnimikkut napparsimasut naammagittaalliornissamut periarfissaat pillugit malittarisassat Kalaallit Nunaanni Namminersorerullutik Oqartussat aalajangersarsinnaavaat. Malittarisassanilli taamaattunik aalajangersaaneq Kalaallit Nunaanni Namminersorerullutik Oqartussat suliarineraat Ministereqarfiup ilisimanngilaa." (Atorfeqarfimmi nutsigaavoq)

Tamakku tunngavigalugit imaattunik oqaaseqaateqarpunga:

"1. Tarnikkut napparsimasunut tunngasunik inatsiseqartitsinikkut aalajangersaaviginnineq pillugu ataatsimut oqaaseqaatit

Pinngitsaaliinikkut unitsitsisarneq pinngitsaaliinikkullu uninngatitsisarneq kii-salu nakkutilliisut pillugit malittarisassat inuit silanngajaartut napparsimmavimmiittarineri pillugit inatsimmiipput, inatsillu taanna inatsisikkut nr. 259-ikkut, 27. maj 1981-imeersukkut Kalaallit Nunaannut atortussanngortinneqarsimavoq⁶⁵.

Inuit silanngajaartut napparsimmavimmiittarineri pillugit inatsit Kalaallit Nunaanni peqqinnissaqarfik pillugu inatsisip allannguutaa pillugu inatsisikkut nr. 1406-ikkut, 27. december 2008-meersukkut attatiinnarneqarsimavoq, Kalaallillu Nunaanni Namminersorerullutik Oqartussat tarnikkut napparsimasunik katsorsaanerme pinngitsaaliinermik atuisarneq pillugu malittarisassanik aalajangersaanissamut pisinnaatitaaneq 1. januar 2009 aallarnerfigalugu tiguaat.

Taamaalilluni inuit silanngajaartut pillugit inatsit taanna Inatsisartut suliasaqarfimmi tassani malittarisassanik nutaanik akuersissutiginninnissaasa tungaanut atuuppoq.

Tarnikkut napparsimasunut tunngasut pillugit nassuiaammit Inatsisartut 18. maj 2010-mi oqaluuserisaannit erserpoq Naalakkersuisut tarnikkut napparsimasut pillugit inatsisissatut nutaatut siunnersuummik Inatsisartut 2011-mi upernaakkut ataatsimiinneranni saqqummiussiniartut.

Tarnikkut napparsimasunik katsorsaanerme, matumani pinngitsaaliinermik atuineq ilanngullugu eqqarsaatigalugu, ingerlatsineq pillugu inatsiseqartitsinerme malittarisassat nalinginnaasut qanoq annertutigisumik atorneqarnissaat

65) Inuit silanngajaartut napparsimmavimmiittarineri pillugit inatsit nr. 118, 13. april 1938-meersoq, inatsisikkut nr. 175-ikkut, 11. juni 1954-imeersukkut, inatsimmi nr. 182-imi, 7. juni 1958-imeersumi § 2-ikkut aamma inatsimmi nr. 225-mi, 7. juni 1972-imeersumi § 5-ikkut allannguuteqartinneqarsimasoq.

inuit silanngajaartut napparsimmavimmiittarneri pillugit inatsimmi isummerfigineqarsimannqilaq.

Napparsimasunik katsorsaaneq ingerlatsineq pillugu inatsiseqartitsineq tunngavigalugu aalajangiinertiguunngitsoq ingerlanneqartoq ingerlatsinermik suliaqarnivimmik oqartarnermi pineqartut avataanniippoq.

Taamaattumik ingerlatsineq pillugu inatsiseqartitsinermi malittarisassat sulianut aalajangiiffigineqartunut atatinneqanngitsut tarnikkut napparsimasunik katsorsaanermi imaaliinnarlutik atorpeqarput.

Napparsimasunik katsorsaanermi ingerlatsineq pillugu inatsiseqartitsinermi aalajangiinermik oqartarnerup atorpeqarnera eqqarsaatigalugu oqaatigaara:

Tarnikkut napparsimasunik katsorsaanermi kiffaannngissusiaasaneq allatullu pinngitsaaliisarneq pillugu Danmarkimi inatsisissatut siunnersuummi, inuit silanngajaartut napparsimmavimmiittarneri pillugit inatsimmik 1. oktober 1988-imi Danmarkimi taarsiisumi § 31-mi napparsimasup pinngitsaaliinermik atuisamaarneq pillugu ilisimatitsisussaataaneq pillugu oqaaseqaatinin manna erserpoq⁶⁶:

"Pinngitsaaliinermik atuinissaq pillugu aalajangiinerit ingerlatsineq pillugu inatsiseqartitsineq tunngavigalugu aalajangiinerusut ilimagineqartariaqarpoq, tamatumalu ilaatigut nassataralugu ingerlatsineq pillugu inatsimmi qinnuteqartoqarneratigut allakkatigut kingusinnerusukut tunngavilersuisarneq pillugu malittarisassat atorpeqartussaanerat." (Atorfeqarfimmi nutsigaavoq)

Tamanna matumunnga ataneqartinneqartariaqarpoq, tassalu suliassaqrfinni ingerlatsinermik suliaqarnerup aalajangiinertut nalinginnaasumik isigineqanngiffigisaraluini, pingaartumik sulianik suliarinninnermi paasissutissartalersuisarneq pillugu suliat ingerlanerini aalajangiinerit eqqarsaatigalugit, inatsisilerineq pillugu allaaserisani/atuakkiani ilimagineqarmat paasissutissanik pinngitsaaliinikkut pissarsiniarneq malittarisassani aalajangiinernut atatinneqartuni pineqartunut ilaatinneqareersut⁶⁷.

Uanga tamanna tunngavigalugu paasinninnera unaavoq suliassat suliarineqartarnerat pillugu inatsimmi malittarisassat tarnikkut napparsimasunik katsorsaanermi pinngitsaaliinermik atuinermi atorpeqartussaasut, suliassat

66) Folketingsstidende 1987-188, Tillæg A, sp. 1022.

67) Hans Gammeltoft-Hansen allallu, "Forvaltningsret", aappassaanik naqitertitaq, 2002, qupperneq 51.

suliarineqartarnerat pillugu inatsimmi malittarisassat inatsisini allani saneq-qunneqarsimangippata.

Pingaartumik napparsimasut allagaatinik paasitinneqarsinnaatitaanerat eq-qarsaatigalugu oqaatigaara napparsimasut inatsisitigut inissisimanerat pillugu Inatsisartut inatsisaanni nr. 6-imi, 31. maj 2001-imeersumi §§-it 19-imit 22-mut atorneqassasut, tak. oqaaseqaammi matumani tamanna pillugu kingusinnerusukkut allaaserineqartut.

Dronning Ingridip Napparsimmavissuanut unitsitsisarneq katsorsaasarnerlu pillugit ilassutaasumik malittarisassat Peqqissutsimut Avatangiisinullu Pisor-taqarfiup kaajallaasitaani nr. 10-mi, 12. juni 1996-imeersumi aalajangersar-neqarsimapput. Malittarisassat taakku malittarisassanut Danmarkimi tarnik-kut napparsimasunut tunngasut pillugit inatsit tunngavigalugu atuuttunut as-singukannerput.

Sulinermi malittarisassat suliffiup nammineq iluani sulinermi atugassat taa-maattut innuttaasunit immikkut tunngaviginiarneqarsinnaangikkaluartut ma-littarisassat ingerlatsivimmik qilersuisuusut inatsiseqartitsinikkullu tunnga-vimmuut inatsisit nalunaarutillu nassatarisaannut tapertaasut pineqarput.

Tarnikkut napparsimasunik katsorsaanermi napparsimasut pissutsinut immi-nut tunngasunut sunniuteqaqataasinnaanermi periarfissaasa qulakkeer-neqarnissaat isiginiarlugu malittarisassat aqunneqarnissaat ataatsimut angu-niartariaqartoq.

Paasinnineq taanna tarnikkut napparsimasunik katsorsaanermi kiffaanngis-susii-aasarneq allatullu pinngitsaaliisarneq pillugit Danmarkimi inatsit pillugu oqaaseqaatini nalinginnaasuni aamma tunngaviutinneqarpoq, inatsisissatullu siunnersuummi imm. 6.4 pillugu oqaaseqaatini nalinginnaasuni imatut allaa-serineqarluni⁶⁸:

“Napparsimasut pissutsinut imminnut tunngasunut sunniuteqarnissaminnut aalaja-ngeeqataanissaminnullu periarfissaat napparsimasut tarnikkut napparsimasunut immikkoortortaqarfimmiinnermikkut, taamalu aamma pinngitsaaliinermik atuinermik qanoq misigisaqarnerannut annertuumik pingaaruteqassasoq ilimagineqarta-riaqarpoq.

Napparsimasut sunniuteqaqataanerat pillugu apeqqut ataatsimiititaliap isumaliutis-siissummi nr. 1068/1986-imi qupp. 404-mi tulliinilu aamma isumaliutissiissummi nr. 1109/1987-imi qupp. 94-imi suliaaraat.

Ataatsimiititaliap ilaatigut oqaatigaa napparsimasut sunniuteqaqataatinneqarnerat napparsimasut namminneq naleqassutsimik sulisullu napparsimasunut isummerne-rannik misigisimanerannut sunniuteqartoq, taamatuttaarlu napparsimasut sunniute-

68) Folketingstidende 187-1988, Tillæg A, sp. 998.

6. Suliat nalinginnaasumik soqutiginaatillit, inatsiseqartitsiffiusunut agguataakkat

qaqataanerat nakkutilliinermi iliuutsit atornerluisinnaanermik pinaveersaartitse-
qataasutut pingaartillugu isigineqartariaqartoq." (Atorfeqarfimmi nutsigaavoq)

*Inuit Europami Pisinnaatitaaffii pillugit inatsimmi kunngip peqqussutaatigut
nr. 814-imi, 18. september 2001-imeersukkut Kalaallit Nunaannut atortuuler-
sinneqarsimasukkut malittarisassat napparsimasunut akuliunnerit suut tarnik-
kut nappaatinik katsorsaanermi pisinnaanerat aamma killissalersorpaat.*

*Isumaqatigiissut taanna artikel 3-mi naalliutitsinerup, inuppalaanngitsumik ni-
kanarsaataasumilluunniit pinninnerup atorneqarnissaasa inertequtaaneran-
nik imaqarpoq, artikel 5-ilu kiffaanngissusiiaanermut atatillugu inatsiseqar-
titsinikkut innarlitsaaliinermut tunngasunik imaqarluni.*

Artikel 5-ikkut makku aalajangersarneqarput:

*"Imm. 1. Kinaluunniit pisinnaatitaaffeqarpoq kiffaanngissuseqarnissaminut immi-
nullu isumannaatsuutinnissaminut. Arlaannaannilluunniit kiffaanngissusiiaasoqas-
sannigilaq taamaallaat pisuni imaattuni aamma periaasissatut inatsisikkut peqqussu-
taasunut naapertuuttumik pisuni pinnani:*

a) (...)

(...)

*e) inunnik nappaatinik tunillannartunik siaruatsaaliuiniarluni, inunnik niaqulaar-
nermik nappaatilinnik, imigassamik narkotikamilluunniit pinngitsuuisinnaanngit-
sunik angalaaginnartunilluunniit inatsisinut naapertuuttumik kiffaanngissusiiaaneq*

d) (...)"

*Napparsimasunik katsorsaanermi ilaasut misissuininni pineqartut tulliuttuni
allaaseraakka.*

2. Nakkutilliisumik toqqaasarneq

*Peqqisutsimut Pisortaqarfimmut tusarniaaninni oqaatigineqartutut nakkutil-
liisumik toqqaasarneq inuit silanngajaartut napparsimmavimmiittarneri pillu-
git inatsimmi § 6-ikkut aalajangersaavigineqarsimavoq.*

*2.A. Pinngitsaaliinikkut unitsitsinermi, pinngitsaaliinikkut uninngatitsinermi
aamma pinngitsaaliinikkut katsorsaanermi qinnuteqaateqartoqanngitsoq nak-
kutilliisumik toqqaasarneq*

*Pinngitsaaliinikkut unitsitsinermut atatillugu nakkutilliisumik toqqaaneq pin-
ngitsoorani pisussaavoq, tak. inatsisikkut aalajangersakkami imm. 1, Peqqis-
sutsimullu Naalakkersuisoqarfiup tusarniaanermut akissummini oqaatigaa po-*

litiit ikiorsiullugit pinngitsaaliinikkut unitsitsisoqarneq ajortoq, nakkutilliisumik toqqaasoqarnissaa suliniutigineqareersimatinnagu. Nakkutilliisoq eqqartuussivimmit (kredsretten) toqqarneqartarpoq, taamaalillunilu piffissap toqqaaniarnermut atorneqartup qanoq sivilutiginissaani eqqartuussiviup suliamik suliarinninnera apeqqutaasinnaalluni.

Tamanna tunngavigalugu pinngitsaaliinikkut unitsitsinermut atatillugu nakkutilliisumik toqqaasarnermi periaaseq pillugu oqaaseqaatissaqanngilanga.

Tamatuma kingornatigut apeqqutaalerpoq pinngitsaaliinikkut uninngatitsinermi aamma pinngitsaalinikkut katsorsaanermi napparsimasoq tamatuminnga erseqqissumik qinnuteqanngikkaluartooq nakkutilliisumik toqqaasoqartariaqarnersoq.

Inuit silanngajaartut napparsimmavimmiittarneri pillugit inatsimmik Danmarkimi aqutsineq atuuttoq malillugu pinngitsaaliinikkut uninngatitsinerni tamani nakkutilliisumik toqqaasoqartartussaavoq, napparsimasoq taamaaliortoqasanngitsoq erseqqissumik oqarsimanngippat, tak. Justitsministereqarfiup tarnikkut napparsimasunik aqutsinikkut kiffaanngissusiiiaanermi naammagittaalliornissamat periarfissaq eqqartuussivikkullu misiliisitsisarneq pillugit kaajallaasitaani 9. juli 1982-imeersumi § 5, imm. 2⁶⁹.

Nakkutilliisumik toqqaasoqarnissaanik taamatut pisariaqartitsineq uanga paasinninnera malillugu Kalaallit Nunaanni tarnikkut napparsimasut eqqarsaatigalugit aamma atuuttariaqarpoq, tassami pinngitsaaliinikkut uninngatitsineq aamma pinngitsaaliinikkut katsorsaaneq napparsimasup tamatuma pissuseqaatanik kiffaanngissusiiagaasarmat.

Peqqissutsimut Avatangiisinullu Pisortaqarfik kaajallaasitami nr. 10-mi, 12. juni 1996-imeersuni § 23, imm. 2-kkut imatut aamma aalajangersaasimavoq:

"Dronning Ingridip Napparsimmaviata isumarujuttunut immikkoortortaqarfiani pinngitsaaliilluni tigungmininnermi imaluunniit pinngitsaaliilluni suliarinninnermi nakorsaanerusoq pisussaavoq napparsimasup qinnuteqarneratigut isumagissallugu taassuma nakkutiginnittussalernissaa."

Tarnikkut napparsimasunut nakorsat sulinerminni malittarisassaasit taanna pillugu oqaaseqaatissaqanngilanga, naatsorsuutigigakkumi napparsimasup nak-

69) Isumaliutissiissut nr. 1068, 14. februar 1986-imeersoq, "Principbetænking om tvang i psykiatrien", quppernerit 340 tullialu.

kutilliisumik toqqaasoqarnissaa kissaatigineraa peqqinissaqarfimmi sulisut paasiniartaraat.

2.B. Pisuni allani qinnuteqartoqarneratigut nakkutilliisumik toqqaaneq

Napparsimasunik kiffaanngissusiiiaanerup saniatigut pisuni allani kiffaanngissusiiiaanerni nakkutilliisumik toqqaasoqassappat napparsimasup tamatuminnga qinnuteqarnera apeqqutaavoq, tak. inatsimmi § 6, imm. 2:

"Napparsimmavimmi katsorsaasarfimmiluunniit nakorsartinnermik pisartuni allani stk. 1-imi taaneqartuunngitsuni aamma taamatut nakkutilliisuliinissaq nakorsap passussisuusup sulissutigisussaavaa silanngajaartup nammineq tamanna kissaatigippagu."

Inatsisiliortut "pisartuni allani"-mik oqarnerminni suna pisimaneraat inatsimmi § 6, imm. 2-p oqaasertaani takuneqarsinnaanngilaq.

§ 6. imm. 2⁷⁰ pillugu oqaaseqaatit imaattut inatsisissatut siunnersuut piareersarlugu sulianit erserput:

"(...) Eqqarsaat taanna aamma Justitsministereqarfiup ilalersinnaammagu siunnersuutigineqarpoq nakorsaq katsorsaaneramik suliaqartoq kialuunniit politiit ikiortigalugit pinngitsaaliinikkut unitsinneqarnerani nakkutilliisumik toqqaasoqarnissaanik ingerlaannaq suliniuteqartassasoq, taamatuttaarlu unitsinneqartut allat tamanna qinnutigippassuk nakkutilliisumik taamaattumik toqqaasoqartassasoq." (Atorfeqarfimmi nutsigaavoq)

Taamaalilluni pinngitsaaliinikkut unitsitsinermik aamma "pisartunik allanik" immikkoortisimatitsineq tassaannngilaq pinngitsaaliinikkut unitsitsinerup katsorsaaneramilu pinngitsaaliinerit allat immikkoortisimaneqarnerat, tassaallunili pinngitsaaliinikkut unitsitsinermi nakkutilliisumik pinngitsoorani toqqaassusaanerup aamma pinngitsaalinagit unitsinneqartunut nakkutilliisumik pi-sussaaffiginagu toqqaasarnerup immikkoortisimaneqarnerat.

Taamaattumik pinngitsaaliinikkut unitsitsinerup saniatigut pinngitsaaliinerni allani nakkutilliisumik toqqaaneq pinngitsaalineqaratik unitsinneqartunut sannilliullugu immiini sunniuteqanngilaq, tassami napparsimasut taakku nakkutilliisumik toqqaasoqarnissaanik inatsiseqartitsineq tunngavigalugu piumasaqarsinnaanertik pisinnaatitaaffigimmasuk, napparsimasulli pinngitsaaliinikkut unitsinneqartut nakkutilliisumik toqqaassunneqareersimasussaallutik.

Kisiannili peqqinnissaqarfimmi sulisut napparsimasunut pinngitsaaliinikkut unitsitaanngitsunut nakkutilliisumik toqqaanissamut periarfissaqarnerannik

70) Rigsdagstidende 1937-38, Tillæg A, Blad Nr. 34, qupperneq 6.

qaqugukkut ilitsersuisassanersut apeqqut pilerpoq, tak. 2.C-mi tulluuttuni allaaserineqartut.

2.C. Ilitsersuisussaatitaaneq

Pinnngitsaaliinikkut unitsitsinerup, pinnngitsaaliinikkut uninngatitsinerup pinnngitsaaliinikkut katsorsaanerup saniatigut pisuni allani nakkutilliisumik toqqaasoqarnissaanik napparsimasup qinnuteqarneranik tunngaveqarnera isigalugu peqqinnissaqarfimmi sulisut napparsimasunut pinnngitsaaliinikkut unit-sitaanngitsut nakkutilliisumik toqqaanissamut periarfissaqarnerannik ilitsersuinissaminut qaqugukkut pisussaaffeqarnerat qulaajassallugu pingaartuuvoq.

Suliassat suliarineqartarnerat pillugu inatsimmi § 7, imm. 1 ilitsersuisussaatitaaneq pillugu imaattunik imaqarpoq:

“Ingerlatsinermi oqartussaaffiup inuit oqartussaaffigisamini suliassat pillugit apeqquteqarlutik saaffiginnittut pisariaqarneratut annertutigisumik ilitsersorlugillu ikiortassavai.”

Suliassat suliarineqartarnerat pillugu inatsimmi § 2, imm. 1-ikkut aalajangersarneqarpoq aalajangersagaq taanna taamaallaat suliani aalajangiiffigineqarsimasuni aalajangiiffigineqartussaniluunniit atuuttoq.

Taamaalilluni tarnikkut napparsimasup pinnngitsaaliinermik atuiiffigineqarnissaanik aalajangerneq ingerlatsineq pillugu inatsiseqartitsineq tunngavigalugu aalajangiinermik oqartarnertut aalajangiinerusoq aallaavigineqarpat napparsimasup ilitsersorneqarnissaanik pisussaaffeqarneq pinnngitsaaliinermik atui-neq pineqalerpat tamatigut imaaliillaannaq piussaaq.

Aalajangersagaq taanna innuttaasup tamanna qinnutigippagu innuttaasullu ilitsersorneqarnissaa pissusissamisoorpat naleqquppallu ilitsersuinissamut pisussaaffiliisuvoq⁷¹.

Ingerlatsinermi oqartussaasoq aalajangersimasumik pissusilinnik aalajangiinerani innuttaasoq inatsisikkut immikkut pisinnaatitaaffiligaappat oqartussaasoq innuttaasumut immikkut pisinnaatitaaffeqarsinnaanermik maluginneqqusinnissaminut nalinginnaasumik pisussaaffeqartussaavoq⁷².

Taamaalilluni uanga paasinninnera unaavoq peqqinnissaqarfik pisuni tamani katsorsaaneq eqqarsaatigalugu napparsimasup peqqinnissaqarfiullu isumaqatigiinnngissuteqarfigisaanni, napparsimasullu nakkutilliisulerneqarfigereersi-

71) John Vogter, "Forvaltningsloven", 1999, qupperneq 204.

72) John Vogter, "Forvaltningsloven", 1999, qupperneq 206.

manngisaani taamaattumik toqqaanissamut periarfissaqarneranik napparsimasumut ilitsersuinissaminut pisussaaffeqarpoq.

Aammattaaq nakkutilliisumik toqqaanissamut periarfissaqarneranik qaqugukut ilitsersuisoqartarnissaanik apeqqut pilerpoq, tamatumunngalu atatillugu suliassat suut nakkutilliisup isumagisassarinerai pingaartillugu isiginiarneqartariaqarpoq.

Silanngajaartup qanoq issusianik malinnaatinneqarnissani aamma napparsimasup napparsimmavimmi uninnganerata pisariaqartoq sinnernagu sivisussuseqartinneqarnissaata isiginiarnissaa nakkutilliisup suliassarai⁷³.

Nakkutilliisoqartitsinermik aaqqissuussineq inatsiseqartitsinikkut innarlitsaaliinermik inuppalaassutsimillu anguniagaqarnermik siunertaqarpoq⁷⁴.

Taamaattumik uanga paasinninnera unaavoq pisuni tamani isiginiagassat aalajangiisuusut tamanna assortunngippassuk peqqinnissaqarfiup pinngitsaaliinermik atuinnginnerani nakkutilliisumik toqqaanissamut periarfissaqarnera ilitsersuutigineqartariaqartoq.

Nakkutilliisoqartitsinermik aaqqissuussineq siunertaminik eqqortitsisinnaasappat napparsimasup pinngitsaaliinermi atuiiffiqineqannginnerani napparsimasoq nakkutilliisumik toqqaasoqassanersoq isummerfiginninnissaminut sapinngisamik annertunerpaamik periarfissinneqartariaqarpoq.

Nakkutilliisumik toqqaasoqarnissaanik pisariaqartitsineq pisumi napparsimasup katsorsaanerme pinngitsaaliinermik atuineq pillugu naammagittaalliornissamik kissaateqarfisgaani aamma pilersarpoq.

Taamaalilluni pinngitsaaliinikkut unitsitsisoqarnerani, pinngitsaaliinikkut uninngatitsisoqarnerani aamma pinngitsaaliinikkut katsorsaanerme napparsimasumut siunnersortimik toqqaasarnerup aamma pinngitsaaliinikkut allatigut akuliunnerni qinnuteqartoqarneratigut toqqaasarnerup immikkoortisimaneranut Danmarkimi atulersinneqartoq isumaliutissiissummi nr. 1068-imi, 14. februar 1986-imeersumi "Principbetænking om tvang i psykiatrien"-imi quppernermi 344-mi imatut allaaserineqarpoq:

"Napparsimasumut siunnersortimik toqqaaneq pinngitsaaliilluni unitsitsinerni, pinngitsaaliilluni uninngatitsinerni pinngitsaaliillunilu katsorsaanerni tamani pinngitsoorani pisartussaagaluartoq toqqaaneq pinngitsaaliinermik atuinerni allani - soorlu aalangeerinerni, timip nukiinik atuinerni imaluunniit illersorniarluni iliut-sinik atuinerni - taamaallaat qinnuteqartoqarneratigut pisariaqarpoq, tassami pisuni taaneqartuni kingullerni napparsimasumut siunnersorti pisariaqartinneqar-

73) Isumaliutissiissut nr. 1068, 14. februar 1986-imeersoq "Principbetænking om tvang i psykiatrien", qupperneq 340 tullialu.

74) Isumaliutissiissut nr. 1068, 14. februar 1986-imeersoq "Principbetænking om tvang i psykiatrien", qupperneq 342.

neq ajormat, napparsimasup naammagittaalliummik aallartitsinissani kissaatiginnigippagu. Napparsimasup naammagittaalliornissani kissaatigalugu oqaatigippagu ingerlaannaq ilisimatinneqartariaqarpoq tamanna kissaatigiguniuk napparsimasunut siunnersortilerneqarsinnaasoq." (Atorfeqarfimmi nutsigaavoq)

Isumaqarpunga nakkutilliisumik toqqaanissamut periarfissaqarneranik ilitseruineq pinngitsaaliinermik atuineq pillugu naammagittaalliuuteqarnissamut periarfissaqarneranik ilitseruineranut atatillugu tamatigut pisariaqartoq, nakkutilliisoq piffissap taamaalinerani toqqarneqareersimannigippat. Tamanna napparsimasup nakkutilliisumik toqqaanissamut periarfissamik siusinnerusukut ilitserorneqarsimanera apeqqutaatinnagu atuuppoq.

Naalakkersuisoqarfiup tusarniaanermut akissummini imatut oqarsimanera maluginiarpara:

"Piumassutsimik uninngasunik ajornartorsiortoqartillugu A1-imi sulisut napparsimasunut erseqqissaatigisarpaat nakkutilliisutut sinniisussamik toqqaanissamut periarfissaqarnera."

Tamatuma kingornatigut manna naatsorsuutigaara, tassalu Naalakkersuisoqarfiup paasisutissiissutaa ilitseruisussaataitanerup annertussusia aamma piffissaq ilitseruiffiusoq pillugit qulaani oqaaseqaatit naapertorlugit paasineqassasoq.

Naammagittaalliornissamut periarfissamik ilitseruinissamut pisussaaffik tulittuni sukumiinerusumik allaaseraara.

3. Angerlartinneqarumalluni qinnuteqaatinik suliarinnittarneq

3.1. Angerlartinneqarumanerup itigartitsissutigineqarneranut tunngaviusoq

Naalakkersuisoqarfiup tusarniaanermut akissummini oqaatigaa napparsimasup angerlartinneqarumalluni qinnuteqaataa pisuni makkunani itigartitsissutigineqartartoq:

"Naalakkersuisoqarfimmit erseqqissarneqassaaq pisortatigut aalajangernerunngimmat, kisiannili nakorsanit aalajangiinerummat. Napparsimasoq angerlartinneqarnissamut itigartinneqaruni, imaappoq, napparsimasup pinngitsaaliilluni unitsinneqarsinnaanermut piumasaqaatit naammassisimagai, imatut oqaatigalugu, tarnikut ima ilungersortigaat, amerlanertigut paasinnissinnaanatik, imaluunniit akuerisinnaanagu angerlartinneqarnissamik itigartitsineranut suna pissutaanersoq."

Siullertut oqaatigaara angerlartinneqarumanermik itigartitsinerup ingerlatsineq pillugu inatsiseqartitsineq tunngavigalugu aalajangiinerunnginneranik

Naalackersuisoqarfiup paasinninnera ilalersinnaanngikkiga, tassami pingitsaaliinermik atuisoqarnissaanik ingerlatsivimmi oqartussaasup aalajangiineri ingerlatsineq pillugu inatsiseqartitsineq tunngavigalugu aalajangiinerugajuttarmata, tak. immikkoortumi 1-imi nassuiaatiga.

Ilassutitut oqaatigaara aalajangiinermi angerlartinneqarumanerup itigartinneqarnissaanik nakorsap naliliinerata ilaanera immi ingerlatsineq pillugu inatsiseqartitsineq tunngavigalugu aalajangiineruneranik naliliinermut suniuteqanngitsoq.

Tulliullugu angerlartinneqarumanermik itigartitsinermut inatsiseqartitsinikkut tunngavigisaq pillugu oqaatigaara:

Angerlartinneqarumanerup nakorsamit katsorsaanermik ingerlataqartumit itigartinneqarsinnaanerani apeqquq inuit silanngajaartut napparsimmavimmiittarneri pillugit inatsimmi § 8 imaattunik oqaasertaqartoq tunngavigalugu aalajangiivigineqassaaq:

"Imm. 1. Nakorsaq peqqissaasuusooq isumaqarpat napparsimasooq immi allanulluunniit navianarmat imaluunniit peqqissisutut angerlartinnissaata napparsimasup ajorunnaarnissaa ilimanarunnaarsinnerussammagu peqqissisutut angerlartinnissaa mianersuaalliornerussasooq peqqissisutut angerlartinnissaa itigartitsissutaassaaq.

Imm. 2. Pisartut stk. 1-imi taaneqartut avataanni peqqissisutut angerlartitsinissamik qinnutigisap akuerinissaa nakorsap passussisusup itigartitsissutigisariaqanngilaa napparsimasumut namminermut annertuumik ajoqutaanissaa ilimagisariaqanngip-pat itigartitsinerlu eqqartuussisoqarnermut ministerip akuerinngippagu."

Tassani aamma ilaavoq inatsimmi § 7-ikkut aalajangersarneqarmat napparsimasooq peqqissisimappat angerlartitsineq pinngitsoorani pissasooq, tamanna napparsimasup nammineq allaluunniit tamanna qinnutiginnikkaluaraat.

Taamaalilluni angerlartitsisoqassanersoq naliliinermi angerlartitsineq napparsimasup immi allanulluunniit ulorianartuunera pissutigalugu illersorneqarsinnaasuunnginnersoq imaluunniit peqqissisitsinnaaneq angerlartitsinerup annertuumik annikillissisaneraa pisumi naliliisoqassaaq.

Piumasagaatip kingulliup pingaartumik manna nassataraa, tassalu napparsimasup katsorsaanermik neqeroortigineqartumik, assersuutigalugu nakorsaatitugassatut innersuunneqartunik, atuiumannginnera immi napparsimasup angerlartinneqarumanerani itigartitsinermut tunngaviusinnaannginnera.

Taamaalilluni napparsimasup katsorsaanermik neqeroortigineqartumik atuiumannginnera angerlartitsinerup inatsimmi § 8 tunngavigalugu tunngavi-

lersuutaasinnaasut tunngavigalugit itigartinneqarneranik nassataqarsinnaanersoq pisumi naliliisoqassaaq.

Angerlartitsineq pisut inatsimmi § 8, imm. 1-imi, tak. § 8, imm. 2, taaneqartut saniatigut taamaallaat itigartitsissutigineqarsinnaavoq angerlartitsineq napparsimasumut namminermut kingunerlutsitsissasoq ilimagisariaqarpat, aalajangiinerlu Justitsministereqarfiup akuerippagu. Pisumi tassani pinngitsaaliinikkut uninngatitsinissamut periarfissaq pinngitsaaliinikkut unitsitsinermit periarfissamit annertuneruvoq.

3.2. Aalajangiinerup nalunaaarutigineqarnera tunngavilersorneqarneralu

Siullertut malugaara Peqqissutsimut Avatangiisinullu Pisortaqarfiup kaajallaasitami nr. 10-mi, 12. juni 1996-imeersumi § 11, imm. 1-ikkut aalajangersarneqartoq nakorsaanerup napparsimasoq sapinngisamik piaartumik kingusinnerpaamillu nal. ak. 24-t qaangiutsinnagit nalunaarfigissagaa qinnuteqaat akuerineqarsimanersoq, imaluunniit kiffaangissusiiaaneq aallartinneqassanersoq.

Aalajangersakkap taassuma isornartorsiuinissannut pissutissaqalersinngilaa nga.

Uanga paasinninnera unaavoq nakkutilliisoq toqqarneqarsimappat nakkutillii-soq aalajangiinermik aamma nalunaarfigineqartariaqartoq, napparsimasoq taamaaliortoqarnissanut akerliunngippat. Taamatut ilisimatitsisussaaitaanermut tunngavilersuutitut oqaatigaara ingerlatsineq pillugu inatsiseqartitsinermit suliami illua'tungiusup sinniisoqartinneqartarnera pillugu malittarisassat nalinginnaasut manna nassatarigaat, tassalu suliami illua'tungiusumut sinniisuusoq suliap aalajangiivigineqarnera pillugu nalunaarfigineqartariaqartoq, nakkutilliisumillu toqqaanerup siunertaata nakkutilliisup aalajangiineq pillugu nalunaarfigineqarnissaa immikkut pisariaqalersikkaa.

Naalakkersuisoqarfiup aalajangiinermik nalunaaarutiginnittarneq pillugu siullertut oqaatigaa:

"A1-imi nakorsaaneq ilisimatitsivoq angerlartinneqarnissamut itigartitsinermit napparsimasoq nakorsamik oqaloqateqarnermit tamatigut ilisimatinneqartartoq itigartitsinermit suna pissutaanersoq. Napparsimasoq allakkatigut nalunaarfigineqarneq ajorpoq aalajangiineq pillugu."

Napparsimasup angerlartinneqarnissamik kissaatigisaata itigartinneqarnissaanik aalajangiineq pinngitsaaliinikkut uninngatitsisoqarnissaanik aalajangiineruvoq.

Qulaani immikkortumi 1-imi oqaatigineqartutut pinngitsaaliilluni uninngatitsinerit pillugit aalajangiinerit ingerlatsineq pillugu inatsiseqartitsineq tunngavi-

6. Suliat nalinginnaasumik soqutiginaatillit, inatsiseqartitsiffiusunut agguataakkat

galugu aalajangiinerupput, aalajangiinerlu oqaasiinnartigut nalunaarutigineqarpat suliassat suliarineqartarnerat pillugu inatsimmi allakkatigut kingusinnerusukkut tunngavilersuisarneq pillugu malittarisassat atorpeqassapput.

Suliassat suliarineqartarnerat pillugu inatsimmi § 23 imaattunik imaqarpoq:

"Aalajangiinermik oqaasiinnakkut nalunaarfigineqartup aalajangiineq imminik tapersiisuulluinnangippat piumasarisinnaavaa aalajangiinermut tunngaviusoq allaganngorlugu piумallugu. Tamatuminnga qinnuteqaat oqartussaasunut saqqummiunneqassaaq aalajangiinermik nalunaarutip suliami peqataasumit tiguneqarne-rata kingornagut ullut 14-it qaangiutsinnagit.

Imm. 2. Tunngaviusup allaganngorlugu nalunaarutigineqarnissaanik imm. 1 malil-lugu qinnuteqaat sapinngisamik piaartumik akineqassaaq. Qinnuteqaat oqartussaa-sumit akissuteqartussamit tiguneqarnermi kingorna ullut 14-it qaangiutinnginne-ranni akineqanngippat oqartussaasup taassuma suliami peqataasoq tamatumunnga pissutaasumik kiisalu qinnuteqaatip qaqugu akineqassangatinneranik nalunaarfi-gissavaa."

Suliassalli suliarineqartarnerat pillugu inatsisip aalajangiineq allakkatigut qaqugukkut nalunaarutigineqassanersoq ataatsimut aalajangersaaviginngi-laa.

Taanna tunngavigalugu angerlartinneqarumanermik itigartitsinerit oqaasiin-nartigut nalunaarutigineqartarnerannut aallaavittut akerliliissutissaqanngi-langa, piumasaaqatigalugu napparsimasoq allakkatigut tunngavilersuisoqar-nissaanik piumasaaqateqarsinnaatitaanermik ilisimatinneqartassasoq, aam-ma tak. oqartussaasut ilitersuisussaataanerit pillugu qulaani oqaaseqaatik-ka.

Tulliullugu oqaatigaara kaajallaasitami § 11, imm. 2 aalajangersakkamik i-maattumik imaqartoq:

"Nakorsaaneq pinngitsaaliilluni tigumminninnissamik aalajangiiguni tamatumun-ga pissutaasumik tamatumalu siunertarisaanik napparsimasoq ilisimatissavaa. Nakorsaanerup napparsimasoq peqqinnerulersinnaanissaanut tunngasunik ilitser-sussavaattaaq."

Aalajangersagaq taanna oqaasiinnartigut aalajangiinerup tunngavilersornis-saanut pisussaaffeqarneq pillugu malittarisassatut paasisariaqarpoq. Tamatu-munnga atatillugu oqaatigaara ingerlatsinermi ileqqorissaarnerup manna piu-masaaqataatikkaa, tassalu aalajangiinerit oqaasiinnartigut nalunaarutigine-

qartut pisariaqarneratut annertutigisumik aallaavittut aamma tunngavilersorneqartassasut.

Aalajangersakkamilli aqutsinerup arlalitsigut isumaliutersuuteqarnissannut pissutissalersippaanga, tassami Naalakkersuisusoqarfiup tusarniaanermut akissummini aalajangiinerup tunngavilersorneqartarneranut atatillugu makku aamma oqaatigisimammagit:

"Napparsimasoq nammineq pilluni allattukkanik takunnissinnaatitaavoq, tassanilu allassimasarpoq angerlartinneqarnissamut itigartitsinermit suna tunngavigineqar-simanersoq. Napparsimasut ilaannut, imaassinnaasarpoq allattukkanik takunnin-nermi nappaataat ajorseriarsinnaasartooq. Taamaattoqartillugu allattukkanik takun-ninnissaq itigartinneqartarpoq. Napparsimasoq ima pitsanngortigippat periarfissin-neqartarput allattukkanik takunninnissamut atuarnissamullu, taamaalillutillu a-ngerlartinneqarnissamut itigartitsissutigineqartunik allakkatigut paasitinneqartutut taaneqarsinnaalluni."

Taamaalilluni Naalakkersuisoqarfiup tusarniaanermi akissutaani issuarneqar-toq kingulleq imatut paasineqartariaqarpoq peqqinnissaqarfiup pinngitsaaliil-luni uninngatitsinerni tunngavilersuisussaataaneq nalinnginnaasumik imaalillugu malittaraa, tassalu tunngavilersuineq katsorsaanerup ingerlaqqin-nera ajorseriartissappagu tunngavilersuinissap itigartitsissutigisarneratigut.

Periaatsitut paasissutissiissutigineqartoq aamma kaajallaasitami § 11, imm. 2 angerlartinneqarumanernik itigartitsinissamik aalajangiinerit tunngavilersor-neqanngitsoorsinnaanerannik imaqaanngitsoq imminnut imaaliillaannaq naa-pertuutinngillat.

Tamatuma kingornatigut apeqqutaalerpoq suliassat suliarineqartarnerat pil-lugu inatsimmi § 24 tunngavigalugu tunngavilersuisussaataaneq kingusinne-rusukkut allakkatigut tunngavilersuinermi atorneqartartoq, tak. inatsimmi § 23, kaajallaasitami § 11, imm. 2 tunngavigalugu tunngavilersuinernut atorne-qassanersoq.

Tamanna sunniuteqarpoq, tassami suliassat suliarineqartarnerat pillugu inat-simmi § 24, imm. 3-kkut, aalajangersarneqarmat tunngavilersuineq isiginia-gassanit suliame illua'tungiusup allagaatinik paasitinneqarsinnaatitaanerata killissalersuutaasinnaasunit taamaallaat killissalersorneqarsinnaasooq, tak. tamanna pillugu erseqqinnerusumik tulluuttuni allaaserineqartut.

Siullertut oqaatigaara napparsimasup allakkatigut tunngavilersuisoqarnissaa kissaatigippagu, tak. suliassat suliarineqartarnerat pillugu inatsimmi § 23, kis-saatigisaq taanna malinneqassaaq, tunngavilersuullu taamaallaat suliassat su-

liarineqartarnerat pillugu inatsimmi § 24, imm. 3-mi, tak. § 15, taaneqartunit killissalersorneqarsinnaalluni.

Paasitinneqarumalluni qinnuteqaammik itigartitsissagaanni itigartitsinissamut piumasaqaatit paasitinneqarsinnaatitaaneq pillugu immikkortumi kingusinnerusumiittumi erseqqinnerusumik sammissavakka.

Oqaasiinnartigut tunngavilersuisussaatitaaneq kaajallaasitami § 11, imm. 2-p nassatarisaa pillugu apeqqut eqqarsaatigalugu uanga paasinninnera unaavoq allakkatigut tunngavilersuutit pillugit piumasaqaatit immikkuualuttulersugaanissaannik piumasaqaatit annertoqataat aalajangiinerit oqaasiinnartigut nalunaarutigineqartut immikkuaaluttulersugaanissaannut piumasaqaatigineqarsinnaanngitsut.

Tamanna makkununga ataneqarpoq, tassalu suliassat suliarineqartarnerat pillugu inatsimmi malittarisassat allakkatigut aalajangiinernorpiaq tunngasuunerat, tak. suliassat suliarineqartarnerat pillugu inatsimmi § 22, suliassallu suliarineqartarnerat pillugu inatsimmi § 24, imm. 1-imi 2-milu inatsiseqartitsineq pillugu malittarisassat, naliliineq pissusiviusullu nassuiarneqarnissaannik immikkut piumasaqaatit oqaasiinnartigut tunngavilersuuteqarnermi sukumiisumik eqqortinneqarnissaasa piumasaqaatiginissaat naleqquttuugajuttartuusaaqunannginnerat.

Ingerlatsinerli pillugu inatsiseqartitsinermi malittarisassani tunngaviusumik piumasaqaatit tunngavilersuinernut inatsisitigut aalajangersagaanngitsumik atuuttut oqaasiinnartigut tunngavilersuutinut aamma atorineqartussaapput.

Taamaalilluni (oqaasiinnartigut) tunngavilersuut aalajangiinerup taassuma imarisamisut sooq imaqarneranik aalajangiinermi pineqartumut nassuiaasuisinnaassaaq.

Aalajangiinerup eqqortumik takutitsisuunera tamatumunnga peqatigitillugu aamma piumasaqaatigineqartariaqarpoq.

Taamaalilluni tunngavilersuutip oqaasiinnartigut saqqummiunneqarnera aalajangiinermut tunngavisoq pillugu annertuumik soqutiginaateqartutut paasissutissat saqqummiutinngitsoornissaannut oqartussaasoq pisinnaatinngilaa, taamatuttaarlu aalajangiinermi pineqartoq paasissutissanik paatsoortitsisinnaasunik eqqunngitsunilluunniit tunineqartussaanngilaq.

Taamaattumik uanga paasinninnera unaavoq peqqinnissaqarfik kaajallaasitami § 11, imm. 2 tunngavigalugu pisussaaqqartoq pinngitsaaliilluni uninngatitsisoqarnissaanik aalajangiinerit oqaasiinnartigut tunngavilersuutit pillugit tunngaviusut taakku naapertorlugit tunngavilersortarnissaannut, tunngavilersuisussaatitaanerlu taanna taamaallaat allakkatigut tunngavilersuutip suliassat

sat suliarineqartarnerat pillugu inatsimmi § 24, imm. 3 tunngavigalugu killissalersorneqarsinnaanerata annertoqataanik killissalersorneqarsinnaasoq.

Kaajallaasitami § 25 malittarisassamik imaattumik imaqarpoq:

"Namineersinnaajunnaarsitsineq pitinnagu napparsimasoq pinngitsaaliinissamik eqqarsaatigineqartumik, tassani suut atorneqarnissaannik, tunuliaqutaanik siunertaanillu nalunaarfigineqassaaq.

Imm. 2. Nukinginnartunik pisoqartillugu kingusinnerusukkut nalunaarfiginngit-toqarsinnaavoq."

Kaajallaasitami § 25-p imarisaa pinngitsaaliinikkut uninngatitsinerit eqqarsaatigalugit immi § 11, imm. 2 eqqarsaatigalugu namminerisaminik imaqarner-soq nalornilersitsisinnaavoq.

§ 11, imm. 2-mi tunngavilersuisussaatitaaneq pinngitsaaliilluni uninngatitsinissamik aalajangiinermut namminermut atavoq, § 25-li pisussaaffittut aallarnisaanermut atasutut oqaasertaligaalluni.

§ 25 pingaarnertigut tarnikkut napparsimasunik katsorsaanermi kiffaannngissusiiaasarneq allatigullu pinngitsaaliisarneq pillugit Danmarkimi tarnikkut napparsimasunut tunngasut pillugit inatsimmi § 31-p oqaasertaatut oqaasertarpoq.

Immikkoortumi 1-imi qulaani oqaatigineqartut tunngavilersuisussaatitaaneq § 31 piareersarlugu suliani erseqqissarneqarsimavoq.

Taamaattumik isumaqarpunga § 25 pinngitsaaliilluni uninngatitsinermi § 11, imm. 2 eqqarsaatigalugu namminerisaminik imaqanngitsoq.

3.3. Naammagittaalliornissamut periarfissamik ilitersuisarneq

Suliamut misissuinerimik matuminnga aallartitsinissamik pissutissaqalersitsisumi Dronning Ingridip Napparsimmavissuani Tarnikkut Napparsimasunut Immikkoortortaqarfimmi aqutsisutut nakorsaaneq L 15. december 2007-imi oqaloqatigineqarpoq, oqaloqatigiinnerlu taanna pillugu Atorfeqarfiup allakki-aanit ilaatigut makku erserput:

"L-ip oqaatigaa pisunik angerlartinneqarumalluni qinnuteqaatinik Napparsimmavissuup Justitsministereqarfimmut inuit silanngajaartut napparsimmavimmiittarneri pillugit inatsimmi § 9-mi piumasarineqartutut suliasannngortittariaqarsimasaanik ilisimasaqarani.

6. Suliat nalinginnaasumik soqutiginaatillit, inatsiseqartitsiffiusunut agguataakkat

L nassuiaalluni oqarpoq napparsimasoq pinngitsaalisaalluni unitsinneqarsimasoq angerlarumappat pineqartoq Napparsimmavissuup oqaloqatigisaraa.

Oqartussaasumut qulliunerusumut inuit silanngajaartut pillugit inatsimmi § 9, imm. 2 tunngavigalugu naammagittaalliorsinnaatitaaneq imaluunniit eqqartuussisarneq pillugu inatsimmi kapitali 3⁷⁵, § 21, imm. 1, tak. imm. 2, tunngavigalugu eqqartuussivikkut misiliisinnaatitaaneq taamaallaat pisuni naliliineq tunngavigalugu ilitser-suutigineqartarpoq, nakorsaanerlu nassuiaalluni oqarpoq tamanna napparsimasup eqqarsartaatsimigut qanoq issusianut ataneqartoq, nakkutilliisumillu toqqaasoqarsimanersoq apeqqutaasoq."

Inuit silanngajaartut napparsimmavimmiittarneri pillugit inatsimmi § 9, imm. 2 oqartussaasumut qulliunerusumut naammagittaalliortarneq pillugu malittarisassamik imaattumik imaqarpoq:

"Piumasaq taama ittoq itigartinneqarpat nakorsap passussisuusup peqqissisutut angerlartitsinissamik piumasaqartumit piumaffigineqarnermigut suliassaq taanna eqqartuussisoqarnermut ministerimut⁷⁶ saqqummiutissavaa, taassumalu qaammat ataaseq qaangiutsinnagu aalajangiissavaa angerlartitsisoqassanersoq."

Tamatununga peqatigitillugu allakkatigut aalajangiinerni suliassat suliari-neqartarnerat pillugu inatsimmi § 25 imaattoq atuuppoq:

"§ 25. Aalajangiinerit ingerlatsinermut oqartussaasunut allanut naammagittaalliu-tigineqarsinnaasut allakkatigut nalunaarutigineqarunik naammagittaalliorsinnaa-nermut ilitersuummik ilaqartinneqassapput tassuuna nalunaarlugit naammagit-taalliortarfik naammagittaalliussagaannilu qanoq iliortariaqartoq immaqalu aam-ma ullut qassit qaangiutsinnagit naammagittaalliortariaqartoq. Tamakkuninngali ilaqartinneqassanngillat aalajangiineq aalajangiiffigineqartumut tapersiisuulluin-narsimappat.

Imm. 2. Naalackersuisut maleruagassaliorsinnaapput ingerlatsinermi suliat ilaat er-seqqinnerusumik taaneqartut, pissuteqartumik immikkut isigisariaqartut, pillugit naammagittaalliornissamut ilitersuummik ilanngussaqaannginnissaq imaluunniit imm. 1-imi ilitersuutigineqartumit allaasumik naammagittaalliortoqarsinnaanera pillugit."

75) Imaassagalarpoq kapitali 4 E.

76) Taanna ullumikkut naalagaaffimmik aqutsisoqarfimmi illoqarfiit pingaarnersaanni-ittumi Det Psykiatriske Patientklagenævnumut isumagisassanngortinneqarsi-mavoq.

Kaajallaasitami § 26-kkut aalajangersarneqarpoq napparsimasoq pinngitsaaliinermik atuinerni tamani pinngitsaaliinerup naammagittaalliuutigineqarsinnaanerani ilitsersorneqartassasoq.

Uanga paasinninnera aamma unaavoq Napparsimmavissuaq suliassat suliari-neqartarnerat pillugu inatsimmi § 7 tunngavigalugu pisariaqarpat naammagittaalliornissamut periarfissamik napparsimasumut ilitsersuissalluni pisussaaf-feqartoq. Tamanna tarnikkut napparsimasunik katsorsaanermi kiffaannngissusiiaasarneq allatullu pinngitsaaliisarneq pillugit Danmarkimi inatsimmi naammagittaalliuuteqarnissamut periarfissamik ilitsersuisussaataaneq pillugu § 32 inuit silanngajaartut napparsimmavimmiittarneri pillugit inatsimmi naammagittaalliornissamut periarfissat pillugit ilitsersuisarneq pillugu malittarisassaqaannginnera pissutigalugu ilanngunneqartoq piareersarlugu suliani⁷⁷ tunngavigineqarsimavoq.

Napparsimmavissuup pisuni nakkutilliisumik toqqaasoqarsimannngiffiusuni napparsimasup qanoq issusia innersuussutigalugu naammagittaalliuuteqarnissamut periarfissanik ilitsersuisannginnermik periaaseqarnera tamanna tunngavigalugu inatsisunik unioqqutitsineruvoq.

Napparsimasulli qanoq issusia pissutigalugu napparsimasoq naammagittaalliornissamut periarfissaq pillugu ilitsersuinermik paasinnissinnaanngitsoq naliiisoqarpat aalajangiinerup kingornatigut napparsimasoq taamatut ilitsersuinerup isumaanik paasinnissinnaalerniariartoq naammagittaalliornissamut periarfissaq pillugu pilertornerpaamik ilitsersuisoqartarnera uanga malittarisasanik unioqqutitsinertut isigisinnaanngilara. Taamaattorli Napparsimmavissuaq naammagittaalliornissamut periarfissaq pillugu ilitsersuinngitsuuissinnaanngilaq.

4. Paasitinneqarsinnaatitaaneq

Napparsimasup allagaatinik paasitinneqarnissaminik allagaatinik paasitinneqarnermigut peqqissusia ajorseriassappat itigartitsisoqartartoq Naalakkersuisoqarfiup tusarniaanermi akissummini innersuussutigaa.

Oqaatigaara napparsimasut allagaatinik paasitinneqarsinnaatitaanerit pillugu malittarisassat napparsimasut inatsisitigut inissisimanerat pillugu Inatsisartut peqqussutaanni nr. 6-imi, 31. maj 2001-imeersumiittut.

Inatsisartut peqqussutaanni tassani § 20-kkut imaattoq aalajangersarneqarpoq:

"§ 20. Napparsimasut ataasiakkaat pillugit allattugaatinut il.il. kinaluunniit peqqisutsini pillugu imminut tunngatillugu suliari-neqartuni suliamut tunngasunik allattugaatinik paasitinneqarsinnaatitaavoq.

77) Folketingstidende 1987-1988, Tillæg A, sp. 1022-1023.

6. Suliat nalinginnaasumik soqutiginaatillit, inatsiseqartitsiffiusunut agguataakkat

Imm. 2. Toqusumut ilaqutaasut qaniginerpaasat toqusoq pillugu napparsimasut ataasiakkaat pillugit allattugaatinut tunngasunik suliamut tunngasunik allattugaatinik paasitinneqarsinnaatitaapput, pisinnaatitaaneq toqusup soqutigisaanik tunngaveqarluni ingerlanneqarpat.

Imm. 3. Imm. 1 malillugu pisinnaatitaaneq taamaattoq killilernerqarsinnaavoq, napparsimasup paasissutissanik paasissutissinneqarnissaminik soqutigisai napparsimasumut namminermut imaluunniit inuinnaat allat soqutigisaannut allaassuteqarsorinarpata."

Inatsisartut peqqussutissaattut siunnersuummi § 20, imm. 3 pillugu oqaaseqaatinik makku erserput:

"Imm. 3-mi malittarisassaq pisuni immikkut ittuni allagaatinik paasitinneqarsinnaatitaanerup killissalernissaanut periarfissiivoq, illua'tungaani napparsimasup paasissutissanik pineqartunik pissarsinissaminik soqutigisaqarnerata isiginiarneqarnissaanik illua'tunganilu napparsimasup nammineq allaluunniit namminneq soqutigisaasa aalajangiisuusumik isiginiarneqarnissaannik pisumi oqimaalutaaneq tunngavigalugu. Atuutsitsinninnissamik aalajangersagaq taanna pingaartumik napparsimasunik tarnikkut nappaateqartunik katsorsaannermut atatillugu atornerqartarnissaa eqqarsaatigineqarpoq, taassumalu napparsimasup katsorsaannermut ingerlasumut atatillugu peqqinnerulersinnaanerani aalajangiisuusumik isiginiagassat napparsimasup allagaatinik paasitinneqarumanerata itigartinneqarnera nassatarisinnaallugu." (Atorfeqarfimmi nutsigaavoq)

Aalajangersakkami tunngavigineqarpoq isiginiagassanik illua'tungeriissutut inissisimasunik pisut tamaasa ataasiakkaarlugit naliliisoqartassasoq. Tassa ilaatigut imaappoq nappaatit aalajangersimasut iluanni allagaatinik paasitinneqarsinnaatitaanermik itigartitsisarnermi aqutsinikkut ataatsimut periaaseq siumungaaq aalajangersarneqareersinnaanngitsoq.

Tarnikkut napparsimasunik katsorsaannermut tunngasut iluanni allagaatinik paasitinneqarnissamik nappaatip katsorsarneqarneranik tunngavilersugaasumik itigartitsisoqassappat paasissutissanik napparsimasumut ingerlatitseqqinnerup napparsimasumut/katsorsaannermut tunngasunut aamma katsorsaannermut ingerlanneqartumut ingerlanneqartussatulluunniit eqqarsaatigineqartumut siunissami toqqaannartumik ajoqusiisussaanerani suliatigut ilimaginnit-toqarsimanissaa piumasaqaataavoq.

Taamatut oqimaalutaanermi allagaatinik paasitinneqarsinnaatitaanerup killissalorsorneqarnissaata pisariaqartutut isigineqarnerata napparsimasumik

annilaangalersitsisinnaanera nalornilersitsisinnaaneralu aamma eqqumaffigineqartariaqarpoq.

Taamaalilluni napparsimasoq allagaatinik paasitinneqarpat katsorsaaqqiniarnerup ajornerulernissaanik ilimaginninnerinnaq tunngavigalugu allagaatinik paasitinneqarumanermik itigartitsisoqartarneranik Naalakkersuisoqarfiup periaatsitut allaaserisaa allagaatinik paasitinneqarumanermik itigartitsinerup kingunerisassai eqqarsaatigalugit oqimaalutaanermik tunngaveqartariaqarpoq.

Napparsimmavissuaq allagaatinik paasitinneqarumanermik itigartitsippat aalajangiineq taanna "Det Psykiatriske Patientklagenævn"-imut illoqarfiit pingaarnersaanni ingerlatsivimmiittumut (Statsforvaltningen i Hovedstaden) immikkut naammagittaalliuutigineqarsinnaavoq, tak. napparsimasut inatsisigut inissisimanerat pillugit Inatsisartut peqqussutaat.

Itigartitsineq allakkatigut nalunaarutigineqarpat napparsimasut naammagittaalliuuteqartarfiannut naammagittaalliornissamut periarfissaq suliassat suliarineqartarnerat pillugu inatsimmi § 25 tunngavigalugu ilitersuutigineqasaaq.

Tamatumunnga atatillugu uanga paasinninnera unaavoq taamatut ilitersuineq aalajangiinerni oqaasiinnartigut nalunaarutigineqartuni pinngitsaaliinikkut akuliunnerit pillugit naammagittaalliuuteqarnissamut periarfissanik ilitersuisussaataitanerup annertoqataanik pisariaqartoq.

5. Naggasiutaasumik oqaaseqaatikka

Peqqinnissaqarfiup periaasianik suliassaqarfimmi tassani malittarisassanut ataneqartitsilluni qulaani allaaserinninnermit ersertutut napparsimasut napparsimasunik katsorsaanermi pinngitsaaliinermik atuinermut atatillugu inatsiseqartitsinikkut innarlitsaalineqarnera kaajallaasitakkut sulinermut atatillugu naalackiutaasukkut napparsimasut inatsiseqartsinermik namminneq atortuutitsiniarfisinnaanngisaatigut annertuumik aalajangersaavigineqarsimavoq.

Uanga paasinninnera unaavoq tamanna eqqarsarnartuusooq, tassami malittarisassat kiffaanngissusiiaanissamut tunngaviusut inatsisitut iluseqarlutik piusussaammata, tak. Inuit Europami Pisinnaatitaaffii pillugit Isumaqatigiissummi artikel 5, imm. 1, ltr. e, taannalu qulaani issuarpara.

Uanga paasinninnera unaavoq pinngitsaaliinermik atuinerup annertussusiata aalajangersaavigineqarnera kisimi pinnani aammali pinngitsaaliinermik atuinermut atatillugu innuttaasunut inatsiseqartitsinikkut innarlitsaaliissutit inatsisitut iluseqarlutik piusariaqartut.

Taamaattumik inassuteqaatigaara tarnikkut napparsimasunut tunngasut pillugit Kalaallit Nunaanni inatsisip piareersarneqarneranut atatillugu nappar-

6. Suliat nalinginnaasumik soqutiginaatillit, inatsiseqartitsiffiusunut agguataakkat

simasut inatsiseqartitsinikkut kaajallaasitatut ilusilerlugit illersugaanerisa atuuttut inatsimmut ilanngunneqarnissaat Naalackersuisoqarfiup isumaliutersuutigissagaa.

Uanga tamatuma saniatigut paasinninnera unaavoq, tak. immikkoortuni 1-imi 3.1-imi oqaaseqaatika, peqqinnissaqarfiup napparsimasunik katsorsaaner-mi pinngitsaaliinermik atuisoqarnissaanik aalajangiineri tassaasut ingerlatsi-neq pillugu inatsiseqartitsineq tunngavigalugu aalajangiinerit, taamaattumillu naatsorsuutigaara ingerlatsineq pillugu inatsiseqartitsinermi malittarisassat sulianut aalajangiiffigineqartunut aalajangiiffigineqartussanulluunniit atuut-tut tarnikkut napparsimasunut pinngitsaaliinermik atuinermut atatillugu ma-linneqassasut."

Naalackersuisoqarfimmit ukiup nalunaarusiuunneqartup naanerani suli tigu-saqanngilanga.

6.12 Namminersorlutik Oqartussat suliffeqarfutaanni nammineerti-tani pisortat oqaaseqaateqarsinnaatitaanerat pillugu Naalackersui-sut naalakkiutaat

"Naalackersuinikkut partiit aamma Inatsisartut ataatsimiititaliaasa "A-siaq"-mut, Mittarfeqarfinnut Nukissiorfinnullu saaffiginnissutaat kiisalu saaffiginnissutit allat naalackersuinermut tunngassuteqartut" Naalak-kersuisunit akineqartarnissaannik "Asiaq"-p, Mittarfeqarfiit Nukissior-fiillu pisortaannut Ineqarnermut, Attaveqarnermut Angallanermullu Naalackersuisoqarfiup naalakkiutaa suliap tusagassiuutitigut eqqartor-neqarnera tunngavigalugu nammineerluni misissuiffiginninnermik aal-lartitsiviginiarlugu Ombudsmandi aalajangerpoq.

Ombudsmandi isumaqarpoq naalakkiut suliffeqarfik sinnerlugu oqaase-qaateqarsinnaatitaaneremut tunngasuusoq, taamaalillunilu pisortat im-minnut sinnerlutik oqaaseqaateqarsinnaatitaanerannut tunngasuunani.

Ombudsmandi isumaqarpoq tamatuma kingornatigut annertunerusumik iliuuseqarnissaminut pissutissaqarani, tassami naalakkiut naammagi-nartumik erseqqissuseqartutut isikkoqarmat, isiginiagassallu suliamut atuumassuteqanngitsut isiginiarneqarsimannimmata (j.nr. 2009-905-0012).

Ineqarnermut, Attaveqarnermut Angallanermullu Naalackersuisoqarfik allak-kani 28. oktober 2009-meersuni qinnuigaara Namminersorlutik Oqartussat sulif-

feqarfiutaanni nammineertitani pisortat oqaaseqarsinnaatitaannnginnerat pillugu e-mailip tusagassiutini pisortanullu pineqartunut allakkani naalakkiutigineqarsimasuni eqqartorneqartup naqitanngortinneqarnera nassiuteqqullugu. Naalakkersuisoqarfik tamatumunnga peqatigitillugu qinnuigaara pisortat pineqartut oqaaseqaateqarsinnaatitaannnginnerat pillugu allakkatigut naalakkiutit allat pigineqartut nassiuteqqullugit, suliamik nammineerluni misissuiffiginninnermik aalartitsissanerlunga isumaliutersuutiginnissinnaanera siunertaralugu, tak. Inatsisartut Ombudsmandiat pillugu Inatsisartut inatsisaanni § 6, imm. 5.

Ineqarnermut, Attaveqarnermut Angallanermullu Naalakkersuisoqarfiup pisortaata Asiaq-mi, Mittarfeqarfinni Nukissiorfinnilu pisortanut e-mailianit 8. oktober 2009-meersumit tigulaagaq imaattoq Naalakkersuisoqarfiup uannut 13. november 2009-mi nassiuppaa:

"ASIAQ-mi, Mittarfeqarfinni Nukissiorfinnilu pisortanut

Pissutissaqarlunga matumuuna erseqqissassavara naalakkersuinikkut partiit saaffiginnissutaat saaffiginnissutillu allat naalakkersuinnermut tunngassuteqartut Asiamut, Mittarfeqarfinnut Nukissiorfinnullu sulissaqarfik eqqarsaatigalugu Ineqarnermut, Attaveqarnermut Angallanermullu Naalakkersuisoqarfiup ataaniittunut ingerlatitaasut Naalakkersuisorput Jens B. Frederiksen aqusaartassagaat.

Tamanna ajornannginnerpaamik pissaaq saaffiginnissutit taamaattut Naalakkersuisoqarfimmum - ajornanngippat ataani atsiortumut - innersuunneqarnerisigut." (Atorfeqarfimmi nutsigaavoq)

Suliap sukumiinerusumik misissuiffigineqannginnissaanik aalajangerninut pissutaasoq pillugu imaattunik oqaaseqaateqarpunga:

"E-mailip pineqartup sunniuteqassusia

E-maili taanna oqaasertani malillugit pisortat pineqartut naalakkersuinikkut partiit Inatsisartullu ataatsimiititaliaasa suliffeqarfinnut saaffiginnissutaannut akissuteqarnissaminnut pisinnaatitaanerannut tunngasuuvoq.

Taamaalilluni pineqartoq tassaavoq Asiamut, Mittarfeqarfinnut Nukissiorfinnullu saaffiginnissutit taamaattut Ineqarnermut, Attaveqarnermut Angallanermullu Naalakkersuisumit akineqartarnissaat.

Pisortat pineqartut imminnut sinnerlutik oqaaseqaateqarsinnaatitaanerat e-mailikkut tassuuna killissalersorneqanngilaq.

Taamaattumik uanga paasinninnera unaavoq suliffeqarfinnut nammineertitaasunut pineqartunut saaffiginnissutit ingerlateqqinneqartarnissaanik pisortanut naalakkiut ingerlatsinermi oqartussaasut sulisunik alliunerusunik naalak-

6. Suliat nalinginnaasumik soqutiginaatillit, inatsiseqartitsiffiusunut agguataakkat

kiisinnaanerit pillugu ingerlatsineq pillugu inatsiseqartitsinermit malittarisassat nalinginnaasut tunngavigalugit naliliiffiqineqassasoq, naalakkiullu taanna pisortat namminneq sinnerlutik oqaaseqaateqarsinnaatitaanerannut tunngasuunngitsoq, tamannami pisortani atorfeqartitaasut kiffaannqissuseqarlutik oqaaseqaateqarsinnaatitaanerit pillugu malittarisassat nalinginnaasut tunngavigalugit aalajangersaavigineqarmat.

Suliffeqarfik sinnerlugu oqaaseqaateqarsinnaatitaaneq

Pisortani oqartussaasut iluanni oqartussaasumi pisortasut sulisumik alliunerusut oqartussaasullu allersarisamik suliaminnik qanoq ingerlatsinissaat pillugu aallaavittut naalakkiisinnaatitaapput.

Naalakkiinissamut piginnaatitaaneq taanna kia oqartussaasoq sinnerlugu oqaaseqaateqarsinnaanera pillugu apeqqummi aamma atuuppoq, matumani oqartussaasumut saaffiginnissutit akineqartarnerat ilanngullugu eqqarsaatigalugu.

Naalakkiinissamut piginnaatitsisoqassappat sulinermut aqqissuussaaneremullu tunngasuni inatsiseqartitsinikkut naalakkiisinnaassuseqarnerup piunissaa piumasagaataavoq.

"Suliffeqarfiit nammineertitat"-nik taaneqartut ingerlatsineq pillugu inatsiseqartitsineq tunngavigalugu tassaapput naalakkersuinikkut qinikkani aqutsinikkut qullersariaannermit aqutsisoqarfiit, Naalakkersuisunik qullersaqartut. Inatsisartut Aningaasanut 2009-mi Inatsisaannit erserpoq suliffeqarfiit nammineertitaasut Ineqarnermut, Attaveqarnermut, Aatsitassanut Ikummatissanullu Naalakkersuisup ataani inissisimasut.

Suliffeqarfiit ataasiakkaat pillugit oqaatigaara:

Nukissamik pilersuineq pillugu Inatsisartut peqqussutaat nr. 14, 6. november 1997-imeersoq malittarisassamik imaattumik § 4, imm. 3-mi imaqarpoq:

"Nukissiorfiit aqunneqarnerat aqqissuussaanerallu aamma suliffeqarfiup Naalakkersuisullu akornanni pissutsit pillugit Naalakkersuisut malittarisassiortassapput."

Mittarfeqarfiit inatsisikkut immikkut aalajangersaavigineqanngillat, kisianni Inatsisartut Aningaasanut 2009-mi Inatsimmi Attaveqarnermut Avatangiisinullu Naalakkersuisoqarfiup ingerlatsineranut aningaasaliissutit, konto 70.01.01,

pillugit oqaasertaliussanit erserpoq Naalakkersuisoqarfik tassaasoq Mittarfeqarfii eqqarsaatigalugit oqartussaasutut qullersaasoq.

Asiaq eqqarsaatigalugu oqaatigaara suliffeqarfik taanna Inatsisartut Aningaasanut 2009-mi Inatsisaanni konto 75.02.06-imi tassaatinneqartoq "Asiaq (Misissueqqaarnerit/Grønlands Forundersøgelse)".

Misissueqqaarnerit pillugit Inatsisartut peqqussutaannit nr. 18-imit, 28. oktober 1993-imeersumit ilaatigut makku erserput:

"§ 1. (...)

Imm. 5. Naalakkersuisut nalunaarutiliorsinnaapput Misissueqqaarnerit ingerlatsinerminni malittarisassaannik aalajangersaasunik.

§ 2. Misissueqqaarnerit Namminersorerullutik Oqartussat suliffeqarfiutigaat imminut ingerlattutut aaqqissuussa.

Imm. 2. Suliffeqarfimmu ukiumoortumik akuersissutit aningaasanut inatsimmi aalajangersarneqartassapput.

Imm. 3. Suliffeqarfik pisortamit Naalakkersuisunit toqqarneqartumit aqunneqassaaq."

Tamanna tunngavigalugu uanga paasinninnera unaavoq Naalakkersuisut suliffeqarfinnut pineqartunut naalakkiuteqarsinnaanerannut aaqqissuussaannik naammattumik tunngavissaqartoq.

Inatsiseqartitsineq tunngavigalugu naalakkiuteqarnissamut suliamut attuumassuteqartumik tunngaveqarnissamik piumasaqaat eqqarsaatigalugu oqaatigaara Naalakkersuisut suliffeqarfinnut pineqartunut naalakkiuteqarnerat isiginiagassanik suliamut attuumassuteqartunik soorunalimi tunngaveqartussaa-soq.

Taamaalillutik suliffeqarfiit pisortaasa saaffiginnissutinut akissuteqarsinnaatitaanerat Naalakkersuisut killissalersorsinnaanngilaat, suliame allagaatinik paasitinneqarsinnaatitaanerup killissalersorneqarnissaa siunertaralugu imaluunniit pisortat taakku inuinnartut kiffaanngissuseqarlutik oqaaseqaateqarsinnaatitaanermunik atuinissaasa pinngitsoortinneqarnissaat siunertaralugu.

Ineqarnermut, Attaveqarnermut Angallanermullu Naalakkersuisup suliffeqarfinni pisortanut pingasunut taakkununnga e-mailia oqaaseqaatinik pine-

6. Suliat nalinginnaasumik soqutiginaatillit, inatsiseqartitsiffiusunut agguataakkat

qartunut naalakkiutip isiginiagassanik suliambut attuumassuteqanngitsunik tunngaveqarneranik takutitsisunik imaqanngilaq.

Aamma oqaatigaara suliassat sularineqartarnerat pillugu inatsimmi § 27, imm. 1 aamma imm. 2 aalajangersakkanik imaattunik imaqartut:

"§ 27. Pisortat ingerlatsiviini suliffilik allanut tusarliussisussaataaannngilaq, tak. pinerluttulerineq pillugu inatsisini § 29, suna ilisimasaq inatsisitigut imaluunniit aalajangersakkakut atortuusukkut allakut tasaaneragaappat allanut oqaatigeqqungisaq, imaluunniit aamma pisariaqarpat isertuutissallugu pisortat inuinnaalluunniit soqutigisaat pingaaruteqartut pissutigalugit, aamma pingaartumik makku pissutigalugit

1) naalagaaffiup isumannaatsuunissaa illersorneqarnissaaluunniit,

2) naalagaaffiup nunani allani naalakkersuinikkut imaluunniit aningaasarsiornikkut soqutigisai, tamakkununnga ilanngullugit naalagaaffinnut allanut pissaanilinnut imaluunniit naalagaaffiit assigiinngitsut soqutigisaannut tunngasut,

3) inatsisinik unioqqutitsinernik pinaveersaartitsineq, paasiniaaneq eqqartuussisunullu suliassanngortitsiniarneq kiisalu pinerlunnermut tunngasumik eqqartuussutit naammassineqarnissaat aamma pinerluttunik imaluunniit ileqqussanik unioqqutitsisunik suliassanngortitsiniarnerni pasilligaasut, ilisimannittut imaluunniit allat illersorneqarnissaat,

4) akileraartarnermut akitsuuteqartitsisarnermullu inatsisit naapertorlugit pisortatigut misissuineq, killilersuineq imaluunniit pilersaarusiortarneq imaluunniit iliuuserissamaakkatut eqqarsaatigineqartut,

5) pisortat aningaasanut tunngasutigut soqutigisaat, tamakkununnga ilanngullugu pisortat niuerneramik ingerlatsinerat,

6) inuit ataasiakkaat imaluunniit ingerlatsiviit namminersortut imaluunniit peqatigiiffiit imminnut tunngasut, tamakkununnga ilanngullugit aningaasarsiornermut tunngasut, pillugit paasissutissanik illersuimallutik soqutigisaat, imaluunniit

7) inuit ataasiakkaat imaluunniit ingerlatsiviit imaluunniit peqatigiiffiit teknikkikkut atortorisat imaluunniit periaatsit pillugit imaluunniit ingerlatsinermut imaluunniit niuernermut tunngasut pillugit paasissutissanik illersuimallutik aningaasatigut soqutigisaat.

Imm. 2. Pisortat ingerlatsiviini allanut tusarliuteqqusaanngissinnaavoq taamaallaat sumut ilisimasamut tunngasoq, pisariaqarpat isertuutissallugu pisortat inuinnaalluunniit soqutigisaat imm. 1-imi taaneqartut pingaaruteqartut pissutigalugit."

Oqaatigaara Naalackersuisut sulineq pillugu naalakkiutikkut kia oqartussasoq sinnerlugu oqaaseqaateqarsinnaanera pillugu malittarisassanik aalajangersaasinnaanerat § 27, imm. 2-p killissalersunnigikkaa, tassami inatsimmi aalajangersakkap taassuma nipangiussisimasussaatitaanerup aamma pisortani atorfeqartitaasut paasissutissanik ingerlatitseqqillutik tunniussisinnaatitaanerisa akornanni pissutsit ataqatigiinneqarnerat aalajangersaaffigimmagu, tamatumani tak. Inatsisileriffiup suliassat suliarineqartarnerat pillugu inatsit pillugu ilitersuusianaani december 1994-imeersumi imm. 163.

Tamatumunngali peqatigitillugu uanga paasinninnera unaavoq oqaaseqaatit pisortani atorfeqartitaasup nammineq sinnerluni saqqummiussaasa aamma oqartussasoq sinnerlugu oqaaseqaatit immikkoortisimaneqarnerat sulinermi ajornakusoortuusussaasoq, oqaaseqaatit oqartussasup suliffeqarfiulluunniit pisortaanit saqqummiunneqartut eqqarsaatigalugit. Oqaaseqaatit taamaattut - nammineq oqaaseqaatit saqqummiunneqartutut isigineqarnerat apeqqutaattinnagu - suliffeqarfimmit namminermi pisutut isigineqarajuttartussaapput.

Taamaattumik, pingaartumik pisortat suliffeqarfii naalackersuinikkut aqutsinikkullu qitiusumik aqutsinermut sanilliullugit nammineertutut inissisimasut eqqarsaatigalugit, piumasqaatigineqartariaqarpoq aqutisoqarfiup/suliffeqarfiup pisortaata pisortani ingerlatsivik sinnerlugu oqaaseqaateqarsinnaatitaanera killissalersorneqassappat tamanna erseqqilluinnartumik nalunaarutigineqarsimassaasoq.

Taamatut erseqqilluinnartumik naalakkiisoqarsimannigippat ilimagisariaqarpoq suliffeqarfiit taamatut nammineertitaasut pisortaata (pisortani atorfeqartitaasut kiffaanngissuseqarlutik oqaaseqaateqarsinnaatitaaneranni pingaarnerutut isumaannut naapertuuttumik) isummaminnik imminnut sinnerlutik aamma suliffeqarfik sinnerlugu tamanut annertunerusutigut saqqummiussisinnaasut.

Suliaq pineqartoq eqqarsaatigalugu oqaatigaara knr.gl-imi 28. oktober 2009-mi nal. 07.52-imi ilanngussamit ilaatigut ersertoq:

"Jens B. Frederiksenip (...)llu oqaatigaat tamanna nalinginnaasunik suleriaaseqarnermut ersiutaaginnartoq. Tassa suleriaaseq tamanna suliffeqarfiit pisortaannut pingasunut atuussimassaaq."

Qulaani taaneqartut nassatarisaattut suliffeqarfiit pingasut taakku pisortaasa oqaaseqaateqarsinnaatinneraanerannik killissalersuineq Naalackersuisut tamanna pillugu pisumi naalakkiutaannik tunngaveqartariaqarpoq, tassami taa-

6. Suliat nalinginnaasumik soqutiginaatillit, inatsiseqartitsiffiusunut agguataakkat

matut naalakkiuteqartoqarsimanngippat suliffeqarfiit pisortaat Inatsisartut ataanni ataatsimiititalianit imaluunniit naalakkersuinikkut partiinit saaffigin-nissutitut suliffeqarfik sinnerlugu akissuteqaqqusaanngitsut ilimaginnittoqar-sinnaanngimmat.

Taamaattorli Ineqarnermut, Attaveqarnermut Angallannermullu Naalakker-suisup e-mailikkut 8. oktober 2009-meersukkut naalakkiutaani saaffiginnissutit suut Naalakkersuisumit akineqartarnissaasa erseqqissumik oqaatigineqarne-rat isiginiarlugu suliffeqarfiit pisortaasa oqartussaasoq sinnerlugu nalingin-naasumik oqaaseqaateqarsinnaanerat pillugu apeqquummi annertunerusumik iliuuseqaqqissanngilanga."

7. Sulianut ukiuni siusinnerusuni nalunaarutini eqqartorneqartunut malitseqartitsineq. Naammagittaalliutit pillugit suliat

2009-mi ukiumoortumik nalunaarut, immikkoortoq 3, quppernerit 47 tullialu

Soraarsitsinnermi suliamik suliarinninnermut atatillugu kukkunerit anner-tuut, matumani suliami illua'tungiusup isumaanik tusarniaasimanninneq ilanngullugu eqqarsaatigalugu (j.nr. 2008-323-0007)

Oqaaseqaatinnut 16. december 2009-meersumut akissuteqartoqarnissaa K Kom-munimut nukingisaarutigereerlugu kommunip akissutaa imaattoq 10. august 2010-mi tiguara:

"Suliaq qulaani taaneqartoq eqqarsaatigalugu Ombudsmandip saaffiginmissutaata aki-neqarsimanninnera K Kommuni sinnerlugu aallaqqaasiutitut ajuusaarutigissavara.

Ombudsmandip suliamik misissuina tunuliaqutaralugu suliap soraarsitsinnermut tunngasup ingerlasimanerani arlalitsigut amigaateqarnera kommunip ajuusaarutigiin-narsinnaavaa.

K Kommuni maanna HR-imut qitiusumik immikkoortortaqaarfimmik kommunip sullis-siveqarfiisa sulianik sulisunut tunngasunik suliaqarneranni siunissami ikiuisartussa-mik pilersitsivoq, matumani sulianik suliarinnittarnermi isumagisassat, soorlu suliami illua'tungiusup isumaanik tusarniaasarnert, ilanngullugit eqqarsaatigalugit. Kommuni isumaqarpoq tamatuma sulianik pingaartumik sulisunut tunngasunik suliarinnittarneq eqqarsaatigalugu Ombudsmandip suliniutigisassatut piumasai kommunip qulakkeerai.

A-li ...-mi atorfimminit soraaramili ...-mi atorfinitsinneqarsimavoq, taamaalillunilu K Kommunimi atorfeqartitaanini nangillugu." (Atorfeqarfimmi nutsigaavoq)

A kommunimi siusinnerusukkut atorfigisimasaminit atorfimmut nutaamut nuu-ginnarsimansoq taamaanngippalluunniit isumaqatigiissut tunngavigalugu pif-fissami soraarnerup tungaanut ingerlasumi akissarsiat kommunip tunniussimane-rai kommunip akissutaani takuneqarsinnaanngimmat kommuni allakkatigut 24. august 2010-mi tamanna pillugu oqaaseqaateqaqqullugu qinnuigaara.

Kommuni akissuteqarnissaanik nukingisaareerlugu A-p mailikkut nassiussaa 7. oktober 2010-mi tiguara, tassanilu A-p uppernarsarlugu oqaatigaa suliaq imminut naammaginatumik inaarlugu massakut suliarineqarsimasoq, tassami piffissami

7. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-soraarnissap tungaanut ingerlasumi qaammatini pingasuni akissarsiasani tunni-unneqarsimammata.

Suliami tamatuma kingornatigut annertunerusumik iliuuseqaqqinngilanga.

2009-mi ukiumoortumik nalunaarut, immikkoortoq 3, quppernerit 47 tulluulu

Inuussutissarsiutigalugu umiatsiaaqqanik pisinermut tapiissutinik qinnuteqaatinik aalisarnermik piniarnermillu inuussutissarsiutillit inuussutissarsiornerannik siuarsaaneq pillugu Inatsisartut peqqussutaat tunngavigalugu suliarinnittarneq (j.nr. 2008-813-0001)

Apeqqutinut suliaq manna pillugu saqqummiussannut Aalisarnermut, Piniarnermut Nunalerinermullu Naalakkersuisup akissuteqarnissaa allakkatigut 12. maj 2010-meersutigut aamma 12. november 2010-meersutigut nukingisaarutigaa.

Akissut imaattoq 23. november 2010-mi tiguara:

"Ombudsmandip allakkatigut 12. november 2010-meersutigut aamma 12. maj 2010-meersutigut suliamut qulaani pineqartumut aalajangiinermut inatsisitigut tunngavigineqartut kiisalu maannakkut inatsisini atuutsinneqartuni tapiissuteqartarnermut tunngaviusut eqqarsaatigalugit, kiisalu immikkoortumut maleruagassat atuutsinneqartut allannguuteqartinnissaannut eqqarsaatersuuteqartoqarnersoq tassani inuussutissarsiutitigut tapersiisarneq pillugu Namminersornerullutik Oqartussat nalunaarutaat nr. 12, 12. december 1984-meersoq aamma aalisarnermik piniarnermillu inuussutissarsiutillit inuussutissarsiornerannik siuarsaaneq pillugu Inatsisartut peqqussutaat nr. 10, 20. november 2006-meersoq eqqarsaatigalugit erseqqissaavigeqqullugit saaffiginnippusi. Aammattaq allakkani apeqqutit akisassat arlaqartut innersuussutigineqarput, allakkatigut 18. maj 2009-meersutigut uanga Naalakkersuisoqarfimmut siulianut saaffiginnisutigisasi.

Aallaqqaasiutigalugu manna naqissuseqqaarusuppara, tassalu pisortat aningaasaliissutaat Naalakkersuisunit aqunneqartut aamma aningaasatigut imminut illersorneqarsinnaasumik aqunneqarmata, soorluttaaq aamma uanga innuttaasut paasissutissinneqartarnissaat aalajangiinernilu tunngavilersuutigineqartunik akissutisiaasa erseqqissumik nassuiaaserneqartarnissaat assut pingaartikkiga.

Maluginiarpara Aalisarnermut, Piniarnermut Nunalerinermullu Naalakkersuisoqarfiusimasup aalajangiiffigisimasai Ombudsmandip isumaqataaffigigai, Naalakkersuisoqarfiusumit A-p qinnuteqaatai marluusut siulleq 18. april 2007-meersoq aappaalu

14. august 2007-imeersaq umiatsiaararsiniarnermi tapiiffigineqarnissamut tunngasumi itigartitsinerani, taamani A-p 2005-imi decemberimi umiatsiaaqqani sikumut kiggigussaasoq annaammagu.

Suliami pineqartumi suliap aalajangiiffigineqarnerani immikkoortumut malittarisassat atuuttut suut malinneqarsimanersut pillugit erseqqissumik innersuussutigineqarsimasariaqaraluartut Ombudsmandi isumaqatigilluinnarpara, pingaartumillu malittarisassat suut aalajangiinermi tunngavigineqarsimanersut innersuussutigisarnissaat. Suliamut pineqartumut atatillugu piffissaq iluatsillugu atorfilittakka qinnuteqaatinik itigartitsisoqartillugu akuersaartoqartilluguluunniit inatsisitigut tunngaviusup tamatumani innersuussutigineqartarnissaanik eqqaasippakka.

Inuussutissarsiutinik siuarsaanissamut aningaasaliissutinut killiliussanut tunngatillugu aningaasanut inatsisissami aningaasani immikkoortinneqartuni inuussutissarsiutinik siuarsaanissamut tapiissutissat aningaasatigut killissaqareerput. Ilumoorpoq inatsimmi atuuttumi siunertamut taaneqartumut aningaasaliissutissat ukiumut aningaasanut inatsisissami immikkoortinneqartartut killeqarnerat erseqqissumik taaneqarsimanngimat. Tapiissuteqarnissamilli nalunaaruteqannginnermi tapiissuteqarnissamut aningaasaliissutissaqarnersoq Aqutsisoqarfiup tamatigut qularnaartartussaavaa, inuussutissarsiutitigut tapersiisarneq pillugu Namminersornerullutik Oqartussat nalunaarutaat nr. 12, 12. december 1984-imeersaq § 16, imm. 1 naapertorlugu. Eqqarsaatigisassarlu tamanna allaffissornikkut malinneqarsimavoq, isumaqatigaarali itigartitsissuteqarnermi allakkatigut nassiunneqartuni inatsimmi qulaani pineqartumi § 16 innersuussutigineqarsimasariaqaraluartoq.

Immikkoortumi allaffissornikkut sulineq eqqarsaatigalugu ilisimatitsissutigerusuppara tamatumuuna allaffissornikkut akisussaasuusumit ukiumut pineqartumut aningaasaliissutit atorneqareersimatillugit tamanna pillugu kommunit allakkatigut ilisimatinneqartarmata, taamaalillutik kommunit qinnuteqartunut tamanna ilisimatitsissutigisarniassammassuk, malitsigitillugu kommuninut saaffiginnippata.

Pissutsit taaneqartut inatsimmi erseqqissaassutigisariaqarneri pillugit Ombudsmandip isummersuutai maluginiarpakka, arlaatigullu inatsit nutarterneqalerpat tamanna eqqaamajumaarlugu.

Qinnuteqaatinik pingaarnersiuisarnissamut periarfissaqarnissaanik taamaalillunilu qinnuteqartunut "siullernut" akuersissuteqartarnerup periaatsitut kisiat atorunnaarnissaa pillugu oqaaseqaateqaqqusillutit qinnuiginninnernut tunngatillugu ilisimatitsissutigisinnaavara ukiumi aningaasaliiffiusumi qaammatit pingasut missaat ingerlareeraangata nunap aggornerisa immikkoortui malillugit qinnuteqaatit allaffimmiit immikkoortiterneqartarmata. Taamaalilluni qinnuteqaatit nunap aggornerisa immikkoortui malillugit pingaarnersiorneqartarput, soorluttaaq aamma ingerlatsiveqarfinni assigiimik pinninnissaq tunngavigalugu qinnuteqaatit eqqortumik nalilersuiffigineqartartut.

7. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-

Aningaasaliissutaasut ukiumi aningaasaliiffiusumi taamaalillutik qaammatit pingasut missaasa qaangiunneranni tunniutereersimasarput. Qinnuteqartullu akuerisaasut aningaasaliissutigineqartut ilumut atugassiissutigineqartutut atorsimaneraat allaffis-sornikkut aamma malitseqartitsivigineqartarput. Naatsorsuutigineqartutut qinnuteqar-tup aningaasaliissutit atorsinnaanngippagit akuersissut utertinneqartarpoq, aningaasa-liissutillu qinnuteqartunut allanut atugassanngortinneqarlutik. Ukiup ingerlanerani qinnuteqaatinik nalilersueqqittoqaleraangat aningaasaliissutinik agguaassisooqarnissaa siunertaralugu piffissami tamatumani qinnuteqarsimasut tamarmik nalilersuinermi i-laatinneqartarput.

Ilisimatitsissutigisinnaavara pisussanut immikkut ittunut tapiissutit qanoq innikkut tunniussuunneqassanersut allaffimmit nalinginnaasumik kommuninut oqarasuaatikkut nalunaarutigineqartarmat, kommunit taamaalillutik sulliissutut qinnuteqartunut ta-manna nalunaarutiginiassammassuk. Inuusutissarsitutinik siuarsaanissamut aningaa-sanik attartortitsisarnermut tunngatillugu tamatumani periaaseq imaappoq, tassalu u-kiumi aningaasaliiffiusumi siunertamut tassunga aningaasaliissutit qaqugu tunnius-suunneqassanersut allaffimmit kommuninut allakkatigut ilisimatitsissutigineqartarlu-ni.

Inatsimmik tunngaviusumik allannguuteqartitsinissaq eqqarsaatersuutigineqarnersoq Ombudsmandip apeqqutaanut tunngatillugu ilisimatitsissutigisinnaavara maanna-ngaag tamatumuuna allannguisooqarnissaanik pilersaartoqanngimmat. Taamaattorli er-seqqissaatigerusullugu pissutsit Ombudsmandip allakkamini 18. maj 2009-meersuni kiisalu 12. maj 2010-meersuni taasai immikkoortumut nutaamik inatsisiliornermi eqqarsaatigineqarumaarmata.

Naggasiullugu suliap matuma sivisuallaamik suliarineqarsimanera ajuusaarutigaaara. Allakkannut ukununnga akissutinut tunngatillugu allanik apeqqtissaqaruit itisilivi-gisariaqartunik tamatumuuna ikiuunnissannut piareersimavunga."

Akissut misissoreerlugu Aalisarnermut, Piniarnermut Nunalerinermullu Naalak-kersuisoq 14. december 2010-mi imatut allaffigaara:

"Aalisarnermut, Piniarnermut Nunalerinermullu Naalakkersuisup ajornartorsiutit arlallit suliamik qulaani taaneqartumik uanga suliarinninninnut atatillugu malugeqqu-sakka pillugit oqaaseqaatai 23. november 2010-mi tiguakka.

Malugaara tapiiffigineqarsinnaanerup aningaasaliissutinut killissaliussanit aningaasa-nut inatsimmi aalajangersarneqarsimasunit killilersugaanerata erseqqissumik takune-qarsinnaanissaa Aalisarnermut, Piniarnermut Nunalerinermullu Naalakkersuisup i-nuusutissarsitugalugu umiatsiaaqanut tapiissuteqartarneq pillugu malittarisassat siunissami allanngortinneqarumaarnissaanni eqqaamaniarniaraa.

Qinnuteqaatit aningaasat aningaasanut inatsimmi immikkoortinneqartut "tigoqqaaraa pisaraa" tunngavigalugu agguaannagit aalisarnermik piniarnarnermillu inuussutissarsiutillit inuussutissarsiornerannik siuarsaaneq pillugu Inatsisartut peqqususutaanni⁷⁸ tullerriarivigineqartarnissaannik tunngavik pillugu apeqqut eqqarsaatigalugu uanga paasinninnera unaavoq tapiissuteqartarnermik aqqissuussinerup aquneqarnerani tamanna qulakkeerniarlugu iliuuseqartoqarsimasoq.

Aalisarnermut, Piniarnermut Nunalerinermullu Naalakkersuisup akissutaa ima paasivara qinnuteqaatit tiguneqartut tamarmik ukiup aningaasaliiffiusup iluani qaammatit siulliit pingasut ingerlaneranni tiguneqartut ataatsimoortillugit misissorneqartartut, aamma tamatumalu kingornatigut tunngaviit peqqussummi aalajangersarneqarsimasut tunngavigalugit tullerriarivigineqartut. Uanga paasinninnera aamma unaavoq periaaseq taanna kommunitinut ilisimatitsissutigineqarsimasoq, taamaalillutik kommunitinut nuttaasunut malittarisassat pillugit pisariaqarneratut ilitsersuisarsinnaaqqullugit.

Taamaattumik Aalisarnermut, Piniarnermut Nunalerinermullu Naalakkersuisup akissutaa tusaatissatut tiguara.

Inuutissarsiutitigut tapersiisarneq pillugu Namminersornerullutik Oqartussat nalunaarutaata nr. 12-ip, 12. december 1984-imeersup taarserneqarnissaa massakkut pilersaarutigineqanngitsaq aammattaaq tusaatissatut tiguara.

Matumali oqaatiginissaanut pissutissaqarlunga isumaqarpunga, tassalu uanga paasinninnera suli unaasoq nalunaarutip taassuma aalajangersarneqarnermi kingornatigut ilaatigut inuussutissarsiutigalugu umiatsiaaqqanut tapiissuteqartarnermut inatsisitigut tunngavigisap allannguuteqartinneqartarnerpassuinit atatillugu nutarterneqarsimannginnera naleqquttuunngitsaq.

A-p naammagittaalliutaanut atatillugu annertunerusumik iliuuseqaaqqissanngilanga."

2009-mi ukiumoortumik nalunaarut, immikkoortoq 3, quppernerit 53 tullu

Meeqqamik angajoqqaat akuersisillugit angerlarsimaffiup avataanut inisinneqarsimasumik angerlartitsinermi periaatsip meeqqap angajoqqaavinit kukkusumik ilitsersuutigineqarnera (j.nr. 2009-142-0001)

K Kommunip 9. februar 2010-mi imatut akivaanga:

78) Aalisarnermik piniarnarnermillu inuussutissarsiutillit inuussutissarsiornerannik siuarsaaneq pillugu Inatsisartut peqqussutaat nr. 10, 20. november 2006-imeersoq, kingusinnerusukkut allannguuteqartinneqartarsimasoq

7. *Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-*

"Angerlartitsisoqarnissaa kommunip innersuussutigisinnaangippagu aalajangiisoqarnissaa sioqqullugu illersuisumik ikiorserneqarnissat/-rsi kiisalu allagaatinik paasitineqarnissamik aamma iliuserissamaagaq pillugu oqaaseqaateqarnissamut periarfissamik neqeroorfigineqarputit/-si." (Atorfeqarfimmi nutsigaavoq)

Suliaq taanna K Kommunimut allakkatigut 7. juni 2010-meersutigut imaattutigut inaarlugu suliaara:

"Meeqqanik angerlarsimaffiup avataanut inissiinermi angajoqqaat akuersissuteqartarnerannut atatillugu kommunip ilitersueriaatsiminik allanngortitsisimanagera imaalilugu tusaatissatut tiguara, tassalu meeqqap angerlartinneqarnissaanik qinnuteqaammik akuerinninnianninnerminik kommunip isumaliutersuuteqarneranik pisoqartillugu inatsiseqartitsinikkut innarlerneqanninnissamut isumannaallisaanerit meeqqanik inuusuttunillu ikiorsiisarneq pillugu Inatsisartut peqqussutaanni § 11, imm. 1-imit ersertut pillugit angajoqqaat ilitersorneqartassasut.

Taamaattumik suliami annertunerusumik iliuseqaqqissanngilanga."

2009-mi ukiumoortumik nalunaarut, immikkoortoq 3, quppernerit 64 tullialu

Inissianik attartortitsisarneq pillugu Inatsisartut peqqussutaanni innersuussisarneq pillugu malittarisassat attartortup inigisaminik Namminersorerullutik Oqartussat kommunillu inissiaataasa attartortittakkat pigisatut inissiannngortissinnaanerit pillugu Inatsisartut peqqussutaat tunngavigalugu pisinissaminut periarfissaata qulakkeerneqarnissaa siunertaralugu ator-neqarsinnaanngillat (j.nr. 2009-711-0003)

Ineqarnermut, Attaveqarnermut Angallannermullu Naalackersuisoqarfiup 29. december 2009-mi akivaanga, suliarlu tamatuma kingorna allakkatigut 7. januar 2010-meersutigut imaattutigut inaarlugu suliaara:

"Suliami oqaaseqaatinnut Naalackersuisoqarfiup akissutaa 29. december 2009-meersoq 30. december 2009-mi tiguara.

Naalackersuisoqarfiup nalunaarutigaa kommunit illuutaannik 1. januar 1993 sioqqullugu sananeqarsimasunik tuniniaanissamut akuersissutinik qinnuteqaatit suliarineqarneranni illu naalagaaffimmit imaluunniit Namminersorerullutik Oqartussanit tapiissutitalimmik sananeqarsimanersoq tapiissuteqarnermilu atuisinnaanerup killissalorsorneqarnissaa piumasaqaataasimanersoq misissorneqartassasoq inassuteqaatiga malinniarini.

Naalackersuisoqarfiup aamma nalunaarfigaanga inissianik attartortitsisarneq pillugu Inatsisartut peqqussutaanni § 5, imm. 1, nr. 6 pillugu isumaliutersuutikka peqqussutip allangortinneqarnerani ilanngullugit isumaliutersuutigineqarumaartut.

Suliami matuma kingornatigut annertunerusumik iliuuseqaqqissanngilanga."

2009-mi ukiumoortumik nalunaarut, immikkoortoq 5, quppernerit 73 tulluilu

Namminersorerullutik Oqartussat Ilinniartut Ineqarfiisa Allaffeqarfiata meeqqanik paarsinermik aaqquissuussinernik atuinermut angajoqqaat atuisut akiliutinik Namminersorerullutik Oqartussat kommunini ulluunerani paaqqinniffinnut aalajangersarsimasaat unioqquutillugit akiliisitsiniarnissaminnut inatsisitigut tunngavissaqanngitsut (j.nr. 2008-143-0001)

Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfiup akissutaa 21. december 2009-meersoq imaattunik oqaasertaqarpoq:

"Nuummi Tikiusaami meeqqerivimmi angajoqqaat akiliutaat pillugit A-mit naammagittaalliuut pillugu Ombudsmandip allagaani 12. august 2009-meersumi ajornartorsiutit pineqartut Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfiup misissoreerpai.

Ombudsmandip allagaani allassimavoq Ombudsmandi isumaqartoq ilinniartut meeqqerivimmik atuinermut meeqqamut ataatsimut 5000 kr.-nik akiliuteqartinneqar-nissaannut inatsisitigut tunngavissaqarsimangitsoq, taamatullu aamma akiliuteq-qqusinissamut tunngavissaqannginnerup sunik kinguneqartinneqar-nissaa Ombuds-mandip allakkamini isummerfigeqqullugu. Aamma Ombudsmandi allappoq tamatumunnga atatillugu ilimagigini Naalackersuisut ajornartorsiut eqqarsaatigisimassagaat A-muinnaq tunngatinnagu aammali ilinniartunut tunngavissaqanngitsumik akileeqquneqarsimasunut allanut tunngatillugu.

Kinguneritinneqarsinnaasunut isummerqusiner-mut tunngatillugu tamatumani aamma utertitsisinnaanermut tunngasut ilaatinneqar-nissaat ilimagineqartariaqarpoq.

Tamatumunnga atatillugu Naalackersuisoqarfik isumaqarpoq utertitsisinnaanermut kingumoortumilluunniit iluarsisinnaanermut tunngasut paatsoormik tunngaveqar-simassasut, tassami Tikiusaaq, KAF Namminersorerullutilluunniit Oqartussaasima-sut ilinniartunut pineqartunut akileeqqusisimangimmata, taamatullu aamma ilinniartut suliaassarfinnut taaneqartut arlaannaannulluunniit akiliisimanatik.

7. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-

Oqaatigineqartut taakku utertitsinerup pingaarnertut taamaallaat susassaqartut aningaasatigut isumannaagassallit akornanni pisinnaaneranut tunngasutut isigineqassapput.

Tamatuma akerlianik Tikiusaap ingerlanneqarneranut akiliutit kommuninit pineqartunit akilerneqartarsimapput, taamaalilluni paasissutissat KAF-imit pissarsiarineqartut naapertorlugit ilinniartunik Tikiusaamut akiliisoqartarsimanani. Allatut oqaatigalugu atuisartut akiliutaat Namminersornerullutik Oqartussaasimasut, tassa Tikiusaap kommunillu akornannut tunngapput, taaneqareersutullu ilinniartunut pineqartunut meeqqerivimmik atuisimasunut tunngatinneqarsimanatik. Tamanna meeqqeriviup ingerlanneqarneranut akiliutit kommuninit akiliuteqarnikkut pisimanerisigut erserpoq taamaattumillu meeqqerivimmik atuisunit pineqartunit akiliutineersuunatik.

Tamatuma saniatigut meeqqerivimmik atuisinnaasut taamaallaat aningaasanik meeqqerineq kommunimi angerlarsimaffigisami pisimasuuppat akiliutissaraluaminnut naapertuuttunik akiliisussaasarput taamaattumillu taakku kommunimut angerlarsimaffigisamut 5000 kr.-nik taaneqartunik taakkuninnga akiliisussaasimanatik. Periaaserli taanna suliami pineqartumi A-mut tunngasumi sulianilu allani ikittuinnarni ilinniartunut K Kommuniusimasumeersunut tunngasuni sanioqqunneqarsimavoq. Tamatumunnga pissutaavoq K Kommuniusimasup pisortanit ikiorsiissutit pillugit Inatsisartut peqqussutaannik nr. 15-imik, 20. november 2006-imeersumik atuutilersitsinerup kingorna kommunimi ilinniartut meerallit meeqqaminnik paarsisoqarnissamik pisariqartitsisunik Nuummi qitiusumik ilinniarfimmukartussanik qitiusumik ilinniarfimiinnermini meeqqaminnik nassarsinnaanngorlugit tapersiinnissamut tunngavissaqarsorinnissimanginnera, imali paasillugu meeqqatik nassarsinnaagaat ilinniartut pineqartut kommunimut aningaasanik kommunip meeqqat nassarneqarpata Tikiusaamut akiliutissaraluinut naapertuuttunik akiliinissamut akuersigunik. Tamannali Naalackersuisoqarfiup naliliinera naapertorlugu Tikiusaap, aamma Namminersornerullutik Oqartussaasimasut kommunillu innuttaasa meeqqerivimmik atuisimasut akornanni isumaqatigiissuteqarfiusinnaanngilaq.

Aammattaaq eqqaasitsissutigineqassaaq meeqqerivik Tikiusaaq kommunit paaseqatigalugit inunnut kommunini allani najugalinnut Nuummi ilinniarnerminnut atatillugu meeqqaminnik paarsisussarsinnaanngitsunut ikiorsiissutitut pilersinneqarsimammat, taamaalillunilu neqeroort kommuninit pineqartunit aningaasaliiffigineqarani taamatullu taakku aalajangissallugu kommunimi sullissinermi taanna aamma ilaatinneqassanersoq.

Taamaattumik Naalackersuisoqarfik isumaqarpoq ilinniartunut meeqqerivimmik atuisimasunut tunngatillugu kingumoortumik iliornissaq tunngavissaqassanngitsoq, aamma utertitsisinnaaneq pillugu eqqartuisoqartariaqanngitsoq, tassami Tikiusaap ilinniar-tullu pineqartut akornanni akiliinermut tunngasoqarsimannngisaannarmat.

Aammattaq Naalackersuisoqarfiup ilisimatitsissutigisinnaavaa Naalackersuisoqarfiup Inatsileriffiata allakkatigut 23. november 2009-meersutigut allakkanut ukununga ilanngussatut ilanngullugit nassinneqartutigut Kultureqarnermut, Ilinniartitaanermut, Iisimatusarnermut Ilageeqarnermullu Naalackersuisoqarfiup utertitsisussaataitanermut tunngasumik naliliinera isumaqatigimmagu.

Naggasiutigalugu Naalackersuisoqarfiup iluatsillugu tunngavissatigut ajornartorsiummut Naalackersuisoqarfimmit siusinnerusukkut taaneqartumut tunngatillugu ilassutitut ilisimatitsissutigissavaa Inatsisartut Inatsiseqarnermut Ataatsimiititaliaat Tikiusaamik atuinnermut akiliuteqartitsisarneq, tassunga ilanngullugu qanoq akiliuteqartitsisoqarnera pillugu 2009-mut aningaasanut inatsisissatut siunnersuummik suliarinninnermut atatillugu ilisimatinneqarsimammat, tamannalu Aningaasaqarnermut Ataatsimiititaliap 2009-mut aningaasanut inatsisissatut siunnersuummut isumaliutissiissutaani 4. november 2008-meersumi siunnersuutip aappassaaneerseqarnissaanut tunniunneqartup takuneqarsinnaavoq kingulleq taaneqartoq uani pissarsiarineqarsinnaavoq:

"http://www.inatsisartut.gl/upload/labu/em2008/bet/pkt65_bet_2beh_dk.pdf."

Tamatuma kingornatigut Inatsisartut Aningaasaqarnermut Ataatsimiititaliaannut 25. april 2010-mi imatut allappunga, allakkat assilinerat Inatsisit Atortinneqarnerannut Ataatsimiititaliamut nassiullugu:

"Innuttaasup Namminersornerullutik Oqartussat (massakkut Namminersorlutik Oqartussat) meeqqanik paarsisarnermik ilinniartut ineqarfiisa allaffeqarfianni aqqissuussaanni Tikiusaamiittuuteqarnermut angajoqqaat akiliutaannik januar 2008-mi meeqqamut ataatsimut qaammammut 5.000 kr.-nik akiliisinneqarsimanerminik naammagittaalliuutaa pillugu suliami 12. august 2009-mi oqaaseqaateqarpunga.

Misissuininnut inerniliunneqarpoq ilaatigut isumaqartunga angajoqqaat akiliutaattut meeqqamut ataatsimut qaammammut 5.000 kr.-nik inissamut ataatsimut naatsorsuullugu ingerlatsinnermut aningaasartuutit 100 procentiinut naapertuuttunik aalajangersaasimaneq inatsisikkut pisariaqarneratut tunngavissaqanngitsoq.

Tamatumunnga atatillugu Inatsisartut aamma Aningaasaqarnermut Ataatsimiititaliamut Naalackersuisut paasissutissiisarnermikkut akiliutinik taama amerlatigisunik akiliitsiniarnissamut inatsisikkut tunngavissaq qulakkeersimaneraat naliliivunga.

Oqaaseqaatinni apeqqut taanna pillugu imaattut takuneqarsinnaapput:

"(...) oqartussaasut tusarniaanermut akissutimini atuisunut akiliutit inatsisinik unioqutitsisuunnginnerannut tunngavilersuutai naliliffigaakka.

7. *Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-*

Tikiusaap missingersuutitut ilanngussami taaneqarsimanera oqartussaasut pingaartillugu isiginiarpaat.

Innersuussutigaaara, soorlu tamanna immikkoortumi 1-imi aamma oqaatigigiga, 2009-mi Aningaasanut Inatsimmi kontomut 40.90.05-imut, Ilinniartunik Nuummi ineqartitsineq, oqaasertaliussanit aamma 2008-mi Aningaasanut Inatsimmi kontomut 62.01.05-imut oqaasertaliussanit assigiinnik oqaasertaqartunit ersertoq ingerlatat suut Tikiusaami ingerlanneqarnissaat kisimi allaaserineqarsimasoq. Missingersuutinulli ilanngussani takuneqarsinnaanngilaq aaqquissuussineq atuisut akiliutaasigut aningaasalersorneqassasoq naatsorsuutigineqartoq, taamatuttaarlu paaqqinnif-fiup ingerlanneqarnerani aningaasartuutit isertitallu aningaasaliissutini nassuiaasereqarsimanatik.

Ukiut aningaasaliiffiusut siusinnerusumiittut eqqarsaatigalugit Tikiusaaq 2005-imili ilinniartunik ineqartitsinermik ingerlatsinermut aningaasaliissutini taaneqartarsimavoq, taamaallaalli ukiuni kingullerni marlunni naatsumik allaaserinninnertut naatsigisumik.

Tikiusaaq ukiuni aningaasaliiffiusuni 2004-mi siusinnerusunilu taaneqartarsimanngilaq.

Højesteretsip, "suliaq akiliutinut tunngasoq"-mik taaneqartumi, UfR 1993-imi quppernemi 757-imi tulliiniilu issuarneqartumi Folketingip Aningaasaqarnermullu Ataatsimiititaliap ilisimatinneqarnerisigut akiliutinik inatsisikkut imaaliillaanaq tunngavissaqanngitsunik akiliisitsiniarnissamut tunngavissamik pissarsisoqarsimasinnaanersoq isummerfigisimavaa.

Højesteretsimi amerlanerussuteqartut, akiliutit pineqartut tunngavissaqarluni akilersinniarneqarsimanerannik ilaliisut tamatumunnga atatillugu ilaatigut imaattunik oqaaseqaateqarput:

"Eqqartuussummi oqaatigineqartutut, akiliutit suliami pineqartut amerlassusiat naatsorsuinerimullu tunngavisoq Justitsministereqarfiup Folketingimut Aningaasaqarnermullu Ataatsimiititaliamut ilisimatitsissutigiuarsimavaa, tamannali Folketingip Ataatsimiititaliialluunniit akuliunnissaannut pissutissaqalersitsisimangi-laq." (Atorfeqarfimmi nutsigaavoq)

Suliami qulaani innersuussutigisanni (FOB 1996.75-imi) Højesteretsip "suliaq akiliutinut tunngasoq"-mik taaneqartumi aningaasanut inatsisiliornermi periaaseq aqquutigalugu Patentdirektoratimi nukingiuksinermut akiliutinut sooq tunngavissaliisoqarsimaneramik apeqqut Folketingip Ombudsmandiata naliliiffigisimavaa.

Folketingip Ombudsmandia tamatumunnga atatillugu imaattunik oqaaseqaateqarpoq:

"Paasissutissaq aningaasanut inatsisissatut siunnersuummi oqaasertaliussani Patentdirektoratip suliaasaqarfia pillugu ersertoq tassaaginnarpoq tabelitut annertuutut ilusiliinermi naatsumik oqaatiginninneq; nukingiussilluni suliarinninnermut akiliutit pillugit oqaaseqaatinik sunilluunniit ilanngussisoqarsimanngilaq.

Apeqqutip matuma aamma pisup Højesteretsip aalajangiineranut tunngaviusup assigiinngissuteqarnerujussuat pissutigalugu isumaqarpunga nukingiussilluni suliarinninnermut akiliutinik akiliisitsiniarnissamut aningaasanut inatsimmi pisariaqarneranut tunngavissaqanngitsoq." (Atorfeqarfimmi nutsigaavoq)

Inatsisartut aamma Aningaasaqarnermut Ataatsimiititaliaq angajoqqaat akiliutaasa annertussusiannik akiliutillu taakku naatsorsorneqarsimanerannut tunngaviusumik ilisimatinneqarsimanngimmata, pissutaasut Folketingip Ombudsmandiata Patentdirektoratimi nukingiussilluni suliarinninnermut akiliutit pillugit suliami oqaatigisimaasaasa pissuseqataat pissutigalugit, isumaqarpunga matuma ilimaginissaanut tunngavissaqanngitsoq, tassalu atuisunut akiliutit Naalackersuisunit aalajangersarneqartut Inatsisartut aningaasanut inatsisissaattut siunnersuutini Tikiusaaq pillugu paasissutissat aqutugalugit Inatsisartut nipangiinnarlutik akuerisimagaat."

Ilassutit oqaatigisinnaavara naliliininni manna pineqarmat, tassalu atuisut akiliutaat piffissami taakkuninnga akiliisitsiniarnerup nalaani, tassalu januar 2008-mi, Inatsisartut akuerisimaneraat.

Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfiup suliami akissutaa 22. december 2009-mi tiguara.

Aningaasaqarnermut Ataatsimiititaliaq pingaartumik qinnuigaara akissummi immikkoortoq kingulleq una eqqumaffigeqqullugu:

"Naggasiutigalugu Naalackersuisoqarfiup iluatsillugu tunngavissatigut ajornartorsiummut Naalackersuisoqarfimmit siusinnerusukku taaneqartumut tunngatillugu ilassutit ilisimatitsissutigissavaa Inatsisartut Inatsiseqarnermut Ataatsimiititaliaat Tikiusaamik atuinermut akiliuteqartitsisarneq, tassunga ilanngullugu qanoq akiliuteqartitsisoqarnera pillugu 2009-mut aningaasanut inatsisissatut siunnersuummik suliarinninnermut atatillugu ilisimatinneqarsimammat, tamannalu Aningaasaqarnermut Ataatsimiititaliap 2009-mut aningaasanut inatsisissatut siunnersuummut isumaliutissiissutaani 4. november 2008-meersumi siunnersuutip aappasaaneerpeqarnissanut tunniunneqartumi takuneqarsinnaavoq kingulleq taaneqartoq uani pissarsiari-neqarsinnaavoq:

"http://www.inatsisartut.gl/upload/labu/em2008/bet/pkt65_bet_2beh_dk.pdf."

7. *Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-*

Naalakkersuisut Aningaasaqarnermut Ataatsimiititaliamut paasissutissiissutaat isumaliutissiissummi imatut issuarneqartut tamanna tunngavigalugu misissorpakka:

"Ilinniartut inaannik aqutsiviup meeqqueriviutaani ilinniartunut meerartalinnut sine-rissameersunut akigititat Aningaasaqarnermut Ataatsimiititaliamit aamma apeqqutigineqarput. Qaammammut akiliutigigitinneqartartoq 5.000 kr.-iusoq Naalakkersuisut paasissutissiissutigaa, tamannalu Nuup Kommuniiani nalinginnaasumik akigitinneqartoq oqaatigineqarluni. Tamanna ataatsimiititaliamit akisugineqarpoq. Aki taama qaffasitsigitillugu ilinniartut (innuttaasullu allat) meeqqamik paarineqarnerannut akissaqarniarnertik ajornakusoortittassagaat ataatsimiititaliaq isumaqarpoq. Aningaasatigut nammaneqarsinnaanerumik aaqqiinissaq siunertaralugu Naalakkersuisut Nuup Kommunalu oqaloqatigiittariaqarput."

Naalakkersuisut Aningaasaqarnermut Ataatsimiititaliamut akissutaat inatsisilerinermi pisortama oqarasuaatikkut 23. april 2010-mi qinnuiginninneratigut Aningaasaqarnermut Ataatsimiititaliap allattaata nassiuppaa, tassangalu makku erseput:

"Meeqquerivik Tikiusaaq aqcutigalugu meeqqamik paarsisarnermut akigititaaq 1. januar 2006-imi qaammammut 5.000 kr.-iuvoq.

Meeqquerivik "Tikiusaaq" 1980-ikkut naalerneranni pilersinneqarpoq. Aallaqqaammut eqqarsaatigineqarsimagaluarpooq pilersinneqarnerata kingorna ingerlanneqarnera Nuup Kommuniata tigussagaa. Taamanikkut qaammammut akia 2.500 kr.-iusi-mavoq.

Tamatumali kingorna Nuup Kommuniata, taamanikkut Kultureqarnermut, Ilinniarti-taanerumut, Ilisimatusarnermut Ilageeqarnermullu Pisortaqarfiup aamma Nuummi ilinniartut ineqarfiinut allaffiup akornanni oqaloqatigiinnikkut isumaqatigiissutigineqarpoq ingerlanneqarnera ilinniartunut ineqarfinnut allaffeqarfiup isumaginera ingerlatiinnassagaa kiisalu meeqqeriveqarnermut Nuup Kommuniata akigititai malinneqassasut."

Kultureqarnermut, Ilinniartitaanerumut, Ilisimatusarnermut Ilageeqarnermullu Naalakkersuisoqarfiup akissutaata isummerfigineqarnissaa siunertaralugu Aningaasaqarnermut Ataatsimiititaliaq inussiarnersumik qinnuigaara aningaasanut inatsit pillugu isumaliutissiissummit issuarneqartut taakku angajoqqaat akiliutaasa amerlassusiisa inatsisinik unioqcutitsisuunnginerannik Aningaasaqarnermut Ataatsimiititaliap piffissap taamaalinerani isummerfiginnissimaneranut takussutissatut paasineqarsinnaanersut uannut nalunaarutigeqqullugu.

Tamatumunnga peqatigitillugu matuma aamma malugeqqunissaanut pissutissaqarlunga isumaqarpunga, tassalu akiliutit amerlassusiisa Nuup Kommuniiani ulluunerani paaqqinniffinnut tunngasuni akiliutit amerlassusii malikkaat Naalakkersuisut Ani-

ngaasaqarnermut Ataatsimiititaliamut paasissutissiissutigisaat takuinnarlugu erseqqar-lussorinartoq, tassami kommunit ulluunerani paaqqinniffinniittuuteqarnermut akiliuti-nut amerlassusiliussaasat meeqqat kommunip ulluunerani paaqqinniffiutaanniinnerinut kommunillu aaqqissugaanik ulluunerani angerlarsimaffimmi paaqqinniffinniinnerinut akiliuteqartarnej pillugu Namminersornerullutik Oqartussat nalunaarutaatigut nr. 18-ikkut, 14. september 2006-imeersukkut aalajangersarneqarsimammata, tassanilu aala-jangersarneqarluni angajoqqaat akiliutaat angajoqqaat isertitaqqortussusiat tunngavi-galugu aalajangersarneqartassasut, inissamullu ataatsimut naatsorsuullugu ingerlatsi-nermut aningaasartuutit annerpaamik 55 procentiattut annertussusiliisoqarsinnaasoq."

Aningaasaqarnermut Ataatsimiititaliap 1. juni 2010-mi imatut akivaanga:

"Suliamut pineqartumut tunngatillugu

Aningaasaqarnermut Ataatsimiititaliamut maanna ilaasortaasut Ataatsimiititaliamut 2008-p ukiaani ilaasortaannngillat.

Taamaattumillu Aningaasaqarnermut Ataatsimiititaliaasimasup naalakkersuinikkut a-nguniagarisai taamani Ataatsimiititaliaasup 2009-mut aningaasanut inatsisissatut siun-nersuutip aappassaaneerneqarnissaanut isumaliutissiissutaani oqaatigineqartut Ataatsimiititaliap maanna ilaasortaanut nalileruminaatsinneqarput.

Isumaliutissiissutip oqaasertai aallaavigalugit naliliinini naapertorlugu maanna Aningaasaqarnermut Ataatsimiititaliaasooq isumaqarpoq paaqqinniffiup atornerqarnera-nut qaammammut 5.000 kr.-inik akiliuteqartarnissaq isumaliutissiissut aqutugalugu naalakkersuinikkut akuersinertut isigineqarsinnaanngitsoq. Akerlianilli taamani Ataatsimiititaliaasup oqaatigaa akiliutissaq annertuallaartoq, taamaattumillu tamanna pil-lugu taamani Naalakkersuisuusut aammalu Nuup Kommuniata oqaloqatigiinnissaat qinnutigalugu.

Taama oqariartuuteqarnej taamani nalunaarutaasumut nr. 18-mut, 14. september 2006-imeersumut Ombudsmandip allakkamini taasaanut aamma naapertuulluartutut isumaqarfiginarpoq, tassanimi paasissutissiissutigineqartut malillugit angajoqqaat isertitaannut naapertuuttumik angajoqqaat akiliutaat killiliivigineqarput, taamaalilluni-lu akiliutissat ingerlatsinermut aningaasartuutit annerpaamik 55 procenterisinnaavaat.

Ataatsimut isigalugu

Aningaasaqarnermut Ataatsimiititaliamut Inatsisartulluunniit Ataatsimiititaliaannut allamut ilisimatitsissuteqarnermikkut Naalakkersuisut iliuitsinik inatsisitigut tunnga-veqannngitsunik inatsisinut unioqqutitsisuuinnaarsitsisinnaanerit pillugu makku oqaatigineqassapput:

7. *Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-*

"Suliaq akiliutitut tunngasoq"-mik taaneqartoq Højesteretsimi amerlanerussuteqartunut aalajangiunneqartoq (U 1993.757 H) Ataatsimiititaliamit ilisimaneqarpoq.

Akileraarutit inatsimmik tunngaveqarnissaat eqqartuussummi aalajangersarneqarpoq, tamannali akiliutitut atuutissanani. Tamatuma peqatigisaanik aningaasartuutit sulianik ingerlatsinnermut toqqaannartumik attuumassuteqanngitsut akiliutitut matussuserneqarsinnaasut aalajangerneqarpoq. Akiliutitilli ima annertutigissanngillat akileraarutitngortinneqarlutik, tak. Tunngaviusumik Inatsimmi § 43.

Tassunga ilanngullugu Højesteretsip oqaatigaa akiliutit suliami pineqartut amerlassusiat naatsorsuinerumullu tunngaviusoq Justitsministereqarfiup Folketingimut Aningaasaqarnerumullu Ataatsimiititaliamut ilisimatitsissutigiuarsimagaa, tamannali Folketingip Ataatsimiititalialluunniit akuliunnissaannut pissutissaqalersitsisimangitsoq.

Inatsisartulli Aningaasaqarnermut Ataatsimiititaliaata paasinninnera malillugu eqqartuussutip allanut tunngatillugu malinneqartussanngortinneqarsinnaanerata eqqartuussummi tunngaviusunut aamma atuutsinniarneqarnissaa mianersuuttariaqarpoq.

Iliuutsinik inatsisitigut tunngavissinneqarsimangitsunik nalinginnaasumik Folketingimut/Inatsisartunut ilisimatitsissuteqarnermikkut innuttaasut inatsisitigut inissisimanagerannut tunngasumik iliuuseqarnissamut inatsisitigut tunngavissinngitsoorsimanagerup aaqqiissuteqarfiginissaanut eqqartuussut danskit naalakkersuisuinit/nunatsinni Naalakkersuisunit atorneqarsinnaasutut oqaatigineqarsinnaagunangilaq. Tamanna inatsisitigut akuerisamik nalinginnaasumik periaaseqarnermik ersarissumik malunnaatilimmillu saneqqudsinerussaaq.

Erseqqinnerusumik oqaatigalugu taamaaliortoqarnissaata oqaatigineqarnera piinnarlugu danskit naalakkersuisui/Naalakkersuisut maleruagassanik atuuttunik qaangiinissaat inatsisinut naapertuutissanngilaq.

Tamatuma saniatigut akiliutitut, amerlassusiat naatsorsuinerumullu tunngaviusoq Folketingimut Folketingillu Aningaasaqarnermut Ataatsimiititaliaanut ataasiaannarani kisianili arlaleriarujussuarluni ilisimatitsissutigineqarsimasunut (Eqqartuussummi oqaaseq "ilisimatitsissutiguarneqarsimasut" atorneqarpoq) eqqartuussut immikkut tunngassuteqarpoq.

Inatsisitigut tunngavissinneqarsimangitsunik iliuuseqarnermut eqqartuussivikkut (Naalakkersuisunut ilaasortamik) akisussaatisinnaanermik apeqqut eqqarsaatigalugu Naalakkersuisut akisussaanerata pillugu Inatsisartut inatsisaanni § 4-mut nasuiaatit aamma eqqumaffigissallugit tunngavissaqarpoq. Tassani allassimavoq Aningaasaqarnermut Ataatsimiititaliap (aningaasaliissuteqarnissamik) akuersisimanagerata Naalakkersuisunut ilaasortat Inatsisartut inatsisaat naapertorlugu akisussaataitajunnaarsissinnaanngikkai.

Taamatutaaq nunami inatsisitigut aqqissuussineq pillugu atuakkiani ima isumaqar-toqarpoq, tassalu naalagaaffiup naatsorsuutaanik akuersissutiginninnikkut iliuitsinut naalagaaffiup naatsorsuutaani/nunatta karsiata naatsorsuutaani pineqartuni ilaasunut ministerip/Naalakkersuisunut ilaasortap eqqartuussivikkut Inatsisartunit/Folketingimit akisussaatinneqarsinnaanera mattunneqanngitsoq.

Aningaasaqarnermut Ataatsimiititaliaq - Inatsisartut Ataatsimiititaliaat allat assigalugit - Naalakkersuisunik nakkutilliisussaataivoq. Tamanna Inatsisartut Suleriaasianni § 14, imm. 2-mut naapertuuppoq, taanna malillugu Ataatsimiititaliaq, ilaatigut Naalakkersuisunut apeqquteqartarnermigut, suliassaqarfimmi iluani ingerlatsinermik malittarinninnissaminut pisussaavoq aammalu Naalakkersuisut inatsisitigut killissarititit iluanni ingerlatsinikkulluunniit ileqqorissaarnermut tunngatillugu killigititit iluanni ingerlatsinissaat nakkutigissallugu.

Naalakkersuisut inatsisitigut killissarititanut ingerlatsinikkulluunniit ileqqorissaarnermut tunngatillugu killigititanut akerliusumik iliuseqarnerat, iliuseqarsimanagerat imaluunniit iliuseqalersaanagerat pillugu erseqqissumik, toqqaannartumik paatsoorneqarsinnaanngitsumillu Ataatsimiititaliamut eqqumaffigeqqullugu Naalakkersuisut paasisutissiisimanagerat Ataatsimiititaliamit iliuseqarfigineqarsimangippat pissutsit apeqqutaatillugit Naalakkersuisut naalakkersuinikkut akisussaatinneqanngitsoornerannik kinguneqarsinnaavoq, tamatumani (imaanngilaq) eqqartuussivitsigut akisussaatisoqarsinnaanngitsoq, tak. siuliani allassimasoq.

Tamanna atuuppoq paasisutissat aningaasanut inatsisissatut siunnersuutip/ilassutitut aningaasaliisuteqarnissamik qinnuteqaatip ilaatut imaluunniit ataatsimiititaliap apeqqutaanut akissutitut ataatsimiititaliamut tunniunneqarsimanagerat apeqqutaatinnagu. Tassa imaappoq maleruaqqusanik atuuttunik unioqquutitsisinnaanerit pillugit Aningaasaqarnermut Ataatsimiititaliaq Naalakkersuisunut nalunaaruteqanngippat Aningaasaqarnermut Ataatsimiititaliaq kukkusoqarnerani naalakkersuinikkut akisussaaqataaneersoq isumaliutigineqarsinnaasoq. Naalakkersuisulli eqqartuussivitsigut kisimik akisussaasuussapput.

Tamanna pillugu ataatsimiititaliamut erseqqissumik eqqumaffigineqqussummik ilanagit Naalakkersuisut inatsisitigut killissarititanut ingerlatsinikkulluunniit ileqqorissaarnermut tunngatillugu killigititanut akerliusumik iliuseqarnerat, iliuseqarsimanagerat imaluunniit iliuseqalersaanagerat pillugu paasisutissanik, taamaallaat toqqaanngitsumik/inatsisitigut immikkut ilisimasalimmit paasineqarsinnaasunik, Naalakkersuisut ataatsimiititaliamut tunniussisimappata, tamanna pissutsit apeqqutaatillugit immini Naalakkersuisunut ilaasortat akisussaanagerat pillugu Inatsisartut inatsisaanni § 6, imm. 2-mik unioqquutitsinerussaaq (paasisutissanik Inatsisartut suliamik naliliinissaannut pingaaruteqartunik nipangiussineq). Tassunga assersuutitut taaneqarsinnaavoq piumasaaqatip Romami isumaqatigiisummi artikel 7-imut atatillugu ajornartorsiutitaqarsinnaanera Folketingimut oqaatiginagu taamani angallannermut ministeriu-

7. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-

soq danskinit pisinissamik piumasaqaammik oqaasertai maliinnarlugit Folketingimut issuaagami ministerit akisussaanagerat pillugu inatsimmi § 5 naapertorlugu iliorsimanesoq pillugu apeqqummik eqqartuussivittut kommissionip, Storebæltimik suliariumannittussarsiuussinermi danskinit pisinissamik piumasaqaat pillugu suliamut atatillugu pilersinneqartup qaqitsinera.

Iliuutsit aningaasaliiffigeqqullugit Naalakkersuisunit qinnutigineqartut, Naalakkersuisut erseqqilluinnartumik allamik paasissutissiisimangippata, inatsisitigut killissaritat iluanniittut ingerlatsinikkulluunniit ileqqorissaarnermut tunngatillugu killigitat iluanniittut Naalakkersuisunit peqqissaartumik qulakkeerneqarsimassasut piumasaqaatit tunngavissaatissinnaallugu siuliani allassimasut naapertorlugit Aningaasaqarnermut Ataatsimiititaliaq ukiut ingerlaneranni isumaqartuarsimavoq. Tamatuma aamma nassataraa ataatsimiititaliap aningaasaliissuteqarnissamik qinnuteqaammik akuerssutiginninnera (imaluunniit Naalakkersuisut akissuteqaataat tunngavigalugu iliuuseqannginnera) iliuutsinut inatsisunik tunngavissinneqarsimangitsunut imaluunniit inatsisunut naapertuutinningsunut inatsisunik unioqqutitsiunnaarsitsinertut Aningaasaqarnermut Ataatsimiititaliap isiginngimmagu."

Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisumut 7. december 2010-mi imatut allappunga:

"Naalakkersuisoqarfiup oqaaseqaatinni 12. august 2009-meersumi inassuteqaatinnut akissutaa 21. december 2009-meersoq (2009-021313-imik j. normoqartoq) massakkut misissoreerpara.

Malugaara Naalakkersuisut Siulittaasuata Naalakkersuisoqarfiani inatsiseqartitsiner-mut inatsisilerinermullu immikkoortortaqarfiup oqaaseqaataa Naalakkersuisoqarfiup suliamik suliarinninnermi atugassatut pissarsiarisimagaa. Oqaaseqaat taanna Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfiup uannut akissutaa imarisamigut assigaa, taamaattumillu inatsiseqartitsiner-mut inatsisilerinermullu immikkoortortaqarfiup oqaaseqaataa taanna pillugu immikkut oqaaseqaateqassanngilanga.

Atuisut Tikiusaamiittuuteqarnermut akiliuteqartarnerannik apeqqut kommunit aamma Namminersornerullutik Oqartussat/Namminersorlutik Oqartussat kisimik susassa-qarfigaat Naalakkersuisoqarfiup paasinninnera ilalersinnaanngilanga.

Taamaalillunga siullertut oqaatigaara kommuni paaqqinniffimmiittuuteqarnermut aki-liutit matussutissaannik pisortanit ikiorsiissutit pillugit Inatsisartut peqqussutaat nr. 10, 1. november 1982-imeersoq kingusinnerusukkut allannguuteqartinneqartarsimasoq imaluunniit pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq kingusinnerusukkut allannguuteqartinneqartarsimasoq tunngavi-galugit ikiorsiisimappat, ikiorsiissuteqarsimanagerullu utertitassanngortitanik ikiorsii-

nertut pisimanagera apeqquaatinnagu, tassani pineqartoq tassaasoq paaqqinniffimmik atuisumut naammagittaalliorsinnaatitaasumullu isumaginninnikkut tunniussineq.

Ikiorssiisutiginartut kommunimit Tikiusaamut toqqaannartumik tunniunneqarsimasinnaanerat kia ikiorserneqarsimaneramik apeqqummut tunngasuunngilaq, ikiorssiisutigineqarsimasulli tunniunneqarsimanerannut taamaallaat tunngasuulluni.

Tamatuma saniatigut Naalackersuisoqarfiup oqarnera una imaaliillaanaq isumaqatiginngilara, tassalu atuisut ataasiakkaat Tikiusaamiittuuteqarnermut akiliutinik namminneq akiliisariaqarsimanerannik pisoqarsimanngitsoq.

Taamaalillunga B-mit oqarasuaatikkut 1. oktober 2009-mi attaveqarfigineqarpunga, taassumalu oqaatigaa 10.000 kr.-t paaqqinniffimmut nammineq akilersimagini, taak-kulu utertillugit tunniunneqarnissaat kissaatigigini. Saaffiginnissut taanna pillugu anertunerusumik iliuuseqarsimanngilanga, tassami utertitsilluni tunniusseqqusinermik piumasaqaat Naalackersuisoqarfimmut nammineq saqqummiunniarlugu B-p isumaliutersuutiginiarmagu.

Aammattaaq C-p 4. november 2010-mi saaffigaanga, Tikiusaamiittuuteqarnermut akiliutinik akileeqqusissut Akileraartarnermik Ingerlatsivimmit tigusimagamiuk.

Kommunip akileeqataasimannginneramik ajornartorsiutit taamaallaat K Kommuniusimasumut tunngasuunerannik Naalackersuisoqarfiup paasissutissiissutaa aamma imaaliillaanaq ilalersinnaanngilara. D-p 29. september 2010-mi oqarasuaatikkut saaffigaanga, taassumalu taamani K2 Kommuniusup paaqqinniffimmiittuuteqarnermut akiliutit matussutissaannik 25.000 kr.-nik utertitassanngortitanik ikiorsisuteqarsimanagera naammagittaalliuutiginiarpaa. D ilitersorpara utertitassanngortitsinermik aalajangersaasimaneq Isumaginninnermi Naammagittaalliuuteqartarfimmut naammagittaalliuutigeqqullugu imaluunniit oqaaseqaammi 12. august 2009-meersumi inassuteqaatinnik Naalackersuisut suliarinninnissaat utaqqimaaqqullugu.

Aamma oqaatigaara kommunit paaqqinniffiutaanniittuuteqarnermut akiliutit amerlaqataannaannik kommunimit ikiorserneqartunit utertitsillutik akileeqqusisinnaanerataamaallaat kommunit kommunimillu ikiorserneqartut akornanni inatsiseqartitsinermut tunngasusooq.

Matuma oqaatiginissaanut pissutissaqarlunga aamma isumaqarpunga, tassalu kommunit aningaasaleeqataanerata kommunit isumaqatigiissutigineqarsimasooq Naalackersuisoqarfiup isumaqarnera sumik tunngaveqarnersoq uanga ilisimannikkiga.

Taamaalillunga A-p naammagittaalliuutaanik misissuininni paaqqinniffimmik kommunip tigusinissaa Namminersornerullutik Oqartussat Nuullu Kommuniata ukiorpaaluit matuma siornatigut oqaloqatigiissutigisimagaat taamaallaat paasivara. Tikiu-

7. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-

saap ingerlanneqarnera kommunit akilissagaat kommunit aamma Namminersornerul-lutik Oqartussat isumaqatigiissutigisimagaat uppersaatiniq Kultureqarnermut, Ilin-niartitaanermut, Iisimatusarnermut Ilageeqarnermullu Naalackersuisoqarfimmuut aamma Inuussutissarsiornermut Suliffeqarnermullu Naalackersuisoqarfimmuut (siusinnerusukku Suliffeqarnermut Inuussutissarsiutinillu Ilinniartitsinermut Pisortaqaqarfiummut) tusarniaasarninnut atatillugu tigusaqarsimangilanga.

Tamatuma kingornatigut isumaqarpunga Naalackersuisoqarfik suliame paasissutissanik nutaanik Tikiusaamik atuinermut akiliutit paaqqinniffiup atuisunut aningaasartuutaanerannik uanga paasinninninnik allangortitsinissannut pissutissaqalersitsisunik saqummiussisimangitsoq.

Atuisut akiliuteqartarnerat Aningaasaqarnermut Ataatsimiititaliamit 2009-mi aningaasanut inatsit pillugu siunnersuummut atatillugu isumaliutissiissummi 4. november 2008-meersumi paasissutissiissutigineqarsimanerannik Naalackersuisoqarfiup oqarnerata akiliutit tunngavissaqarani akilersinniarneqartarsimanerannik uanga paasinninnera allangortinngilaa.

Tamatumani manna innersuussutigaa, tassa Naalackersuisoqarfiup akissutaani 21. december 2009-meersumi immikkoortoq kingulleq pissutigalugu Aningaasaqarnermut Ataatsimiititaliaq 26. april 2010-mi tusarniaavigisimagiga. Aningaasaqarnermut Ataatsimiititaliap akissutaata 1. juni 2010-meersup assilinera ilanngullugu nassiuppara.

Aningaasaqarnermut Ataatsimiititaliap akissutaanit erserpoq Ataatsimiititaliaq isumaqartoq meeqqamut ataatsimut naatsorsuullugu qaammammut 5.000 kr.-nik akiliuteqartitsisoqartarnissaa Ataatsimiititaliap akuerisimangikkaa, suliame illu Ataatsimiititaliamut saqummiussineq Naalackersuisut suliame inatsiseqartitsinikkut iliuuserisaannik Inatsisartut akuersinerannut aallaavittut takussutissaanngitsoq.

Taamaattumik uanga paasinninnera suli unaavoq Tikiusaamiittuuteqarnermut meeqqamut ataatsimut naatsorsuullugu qaammammut 5.000 kr.-nik allangortinneqarsinnaanngitsunik paaqqinniffimmi inissap ataatsip ingerlanneqarneranut aningaasartuutit 100 procentiinut naapertuuttunik akiliisitsiniartarneq naammattumik tunngavissaqanngitsoq, innuttaasullu akiliutinik taakkuninnga akiliisariaqartarsimasut (akiliutinut pisortanit ikiorsiissutinik ikiorserneqarlutik akiliisarsimanerat apeqqutaatinnagu) utertitsiluni akiliisoqarnissaanik piumasaaqateqarnissaminnut aallaavittut tunngavissaqartut.

Taamaattumik akiliutinut tunngavissaqannginneq sunik nassataqassanersoq Naalackersuisunut isummerfigeqqullu inassuteqaatiga aalajangiusimavara.

A (imaluunniit ilinniagaqartut allat) utertitsivigineqarnissaminnik piumasaaqateqarsinnaanngitsut Naalackersuisut aalajangiusimappassuk A-p matuminnga nalunaarfiginissaa isumaliutersuutiginiarpara, tassalu atuisunut akiliutit inatsisunik unioqutitsi-

suunersut unioqputitsisuunnginnersulluunniit A imminut aningaasartuutaanngitsumik eqqartuussivikkut misiliisitsinissaminut akuerineqassasoq oqartussaasunut taamatut akuersissuteqartartunut inassuteqaatigissallugu piareersimaffiginiariga, imminut aningaasartuutaanngitsumik eqqartuussivikkoortitsinissaminut aningaasaqarnikkut piumasqaataasunik eqqortitsinera eqqortitsinnginneraluunniit apeqqutaatinnagu."

2009-mi ukiumoortumik nalunaarut, immikkoortoq 5, quppernerit 170 tullilu

Atuisartunut Pisisartunullu Siunnersuisoqatigiit siulittaasuata aningaasarsiaqartitaaneranut inatsisikkut tunngavigisaq aamma aningaasarsiat naatsorsornissaannut pisinnaatitaaneq (j.nr. 2009-721-0001)

Inuussutissarsiornermut Suliffeqarnermullu Naalackersuisoqarfiup 7. december 2009-mi imatut akivaanga:

"Inuussutissarsiornermut Suliffeqarnermullu Naalackersuisoqarfiup Atuisut Siunnersuisoqatigiivisa siulittaasuata ...-p ajunngitsorsiasat pillugit maalaarutaanut Inatsisartut Ombudsmandiata allagaanut 20. oktober 2009-meersunut, j.nr. 2009-721-0001-imut, akissut.

Naalackersuisoqarfiup Inatsisartut Ombudsmandiata ajunngitsorsiaqartitsisarnermik periaatsit pillugit peqqusinera tusaatissatut tiguaa, ulluinnarnilu peqqusineq malillugu periaatsit aaqqissuunnialerlugit.

Naalackersuisoqarfiup isiginninnera malillugu qanga Atuisut Siunnersuisoqatigiivini aammalu Siunnersuisoqatigiit ulluinnarni aqutsisuisa ataatsimiinnerminni ajunngitsorsiasarsimasat Ombudsmandip peqqusinerata isumaanut assingusumik pisarsimammata kingumoortumik ajunngitsorsiasarsimasut qaqilerniangilai.

Ombudsmandip Atuisut Siunnersuisoqatigiivisa aaqqissugaanikkut inissisimanerannut tunngasumik piumasaa tunngavigalugu Naalackersuisoqarfiup qulaajaaneq aallartisalerpaa, taamaalilluni Atuisut Siunnersuisoqatigiivi Siunnersuisoqatigiinnik Aalajangiisartunillu Aqutsisoqarfimmi inissisimanerat qulaajassallugu. Suliap tamassuma inernerit Ombudsmandimut kingusinnerusukkut kalleriunneqarumaarput."

Atuisartunut Pisisartunullu Siunnersuisoqatigiit siulittaasuat Inuussutissarsiornermut Suliffeqarnermullu Naalackersuisoqarfimmut 14. december 2010-mi allappoq, ataatsimiinnernilu aningaasarsiaqarneq pillugu suliat suliareqqinneqar-nissaannik qinnutigisani qinnutigeqqillugu.

7. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-

Siulittaasoq 26. april 2010-mi imatut akivara:

"Suliaq aningaasarsiaqartitsineq pillugu suliat suliareqqinneqarnissaannik piumasaqaatit eqqarsaatigalugu qanoq ingerlariaqqinnissannik ilitsersoqqullutit e-mailikkut 29. marts 2010-meersukkut kingullermik saaffiginnissutigisat massakkut uterfigaara.

Inuussutissarsiornermut Suliffeqarnermullu Naalackersuisoqarfimmut allakkama allakkanut ukununga peqatigitillugit nassiunneqartut assilinerat ilanngullugu nassiunneqartoq tamatumunnga atatillugu innersuussutigaa.

Allakkanit taakkunannga ersertutut naatsorsuutigaara aningaasarsiaqartitsineq pillugu suliat siusinnerusukkut aalajangiiffigineqarsimasut Naalackersuisoqarfiup suliareqqis-sagai, aningaasarsiaqartitsineq ataatsimiinnernut, ataatsimiinnerit piareersarfiginerinut pisariaqartumillu angalanernut piffissamik atorneqartumik naatsorsuinerit tunngavi-ginagit pisimasoq uppersaatinik saqqummiussisoqarpat.

Misissuininnili oqaaseqaammik 20. oktober 2009-meersumi inernilerneqartumi aningaasarsiatut tunniunneqartut pineqartut eqqortuusimanersut isummerfiginngilara.

Malugaarali aningaasarsiaqartitsineq pillugu suliat suliareqqeqqullugit Inuussutissar-siornermut Suliffeqarnermullu Naalackersuisoqarfik allakkatigut 14. december 2009-meersutigut qinnuigisimagit, taamaattumillu Naalackersuisoqarfik qinnuigaara saaffi-ginnissutit qanoq akineqarsimanersoq ilisimateqqullunga.

Ilassutitit oqaatigaara Atuisartunut Pisisartunullu Siunnersuisoqatigiinni ataatsimiin-nerneq peqataaffigisimasanni amerlanerusunik aningaasarsisneqarnissat piumasaqaa-tigissagukku manna aalajangiisuusassaasoq, tassalu piffissamik ataatsimiinnerit pia-reersarnerinut angalanernulluunniit atukkannut naatsorsuutit aningaasarsianut tigusi-masannut atatillugu ilanngunneqarsimannigisut aallaavittut saqqummiussinnaassagi-tit.

Saaffiginnissutit 14. december 2009-meersoq pillugu allakkannut Naalackersuisoqar-fiup akissutaa tigugukku suliami annertunerusumik iliuuseqaqqissanerlunga nalilii-niarpunga."

Inuussutissarsiornermut Suliffeqarnermullu Naalackersuisoqarfik taamatuttaaq 26. april 2010-mi imatut allaffigaara:

"Suliaq oqaaseqaatinni 20. oktober 2009-meersumi inassuteqaatinnut Naalackersui-soqarfiup 7. december 2009-mi akissuteqarfigisimasaa massakkut uterfigaara.

Malugaara aningaasarsiaqartitsineq pillugu malittarisassat qanoq aqunneqarnissaannik uanga paasinninnera Naalackersuisoqarfiup ilaleraa.

Naalackersuisoqarfik tamatuma saniatigut naliliivoq malittarisassat taakku oqaluttua-risaaneq eqqarsaatigalugu inassuteqaatinni siunertaq naapertorlugu aqunneqartut, taa-maattumillu aningaasarsiaqartitsineq pillugu siusinnerusukkut aalajangiinerit suliareq-qinneqarnissaat Naalackersuisoqarfiup suliniutiginianggikaa.

Oqaatigaara suliani siusinnerusukkut aalajangiiffigineqarsimasuni kukkussuteqar-toqarsimanersoq oqaaseqaatinni isummerfiginngikkiga.

Ungali paasinninnera unaavoq, tassa pisut siusinnerusukkut aalajangiiffigineqarsima-sut Siunnersuisoqatigiit siulittaasuata aamma Siunnersuisoqatigiinnut ilaasortat suli-nerminnut atatillugu piffissamik atuinerisa naliliiffigineqannginnerisa kingunerisaanik aningaasarsianik ikinaarlugit tunniussiffigineqarsimasut Naalackersuisoqarfiup eqqu-maffigigunigit suliat taakku suliareqqittariaqarai.

Tamatuma pissuseqataa atuuppoq Naalackersuisoqarfik suliat aningaasarsiaqartitsi-nermut tunngasut suliareqqinneqarnissaannik Atuisartunut Pisisartunullu Siunnersui-soqatigiit siulittaasuata ilaasortaasaluunniit saaffiginnissutaannik tigusaqarpat, piffis-sarlu aningaasarsisitsissutigineqartumit sivisunerusoq atorineqarsimasoq uppersaa-tinik saqqummiussisoqarpat.

[Atuisartunut Pisisartunullu Siunnersuisoqatigiit siulittaasuata] ilisimatippaanga siu-sinnerusukkut ataatsimiinnernut amerlanerusunik aningaasarsisitsisoqarnissaanik qin-uteqaat Naalackersuisoqarfimmut 14. december 2009-mi nassiukkini.

Naalackersuisoqarfik tamanna tunngavigalugu qinnuigaara saaffiginnissut taanna qa-noq akineqarsimanersoq ilisimateqqullunga.

[Atuisartunut Pisisartunullu Siunnersuisoqatigiit siulittaasuata] allakkatigut allatigut al-lakkat ukua assilinerannik ilaqartinneqartutigut ilisimatippara Atuisartunut Pisisartu-nullu Siunnersuisoqatigiit siusinnerusukkut ataatsimiinnerinut piffissat atukkatut naat-sorsorneqartut tunngavigalugit eqqortumik aningaasarsisinneqarsimanani uppersar-sarsinnaappagu suliat Naalackersuisoqarfiup suliareqqilissagai naatsorsuutigigiga.

Naalackersuisoqarfiup aamma ilisimatippaanga ilaatigut Kalaallit Nunaanni Atuisar-tunut Pisisartunullu Siunnersuisoqatigiit Siunnersuisoqatigiinnik Aalajangiisartunillu Aqutsisoqarfiup ataani inissisimaneranik qulaajaaneq Naalackersuisoqarfiup aallarti-sarsimagaa.

Naalackersuisoqarfik qinnuigaara suliap taassuma killiffianik ilisimateqqullunga, tas-sami naatsorsuutigigakku Atuisartunut Pisisartunullu Siunnersuisoqatigiit Allattoqar-fiata qitiusumik allaffeqarfissuarmi Naalackersuisoqarfimmi inissisimanerata ajornar-torsiutaanera isumaliutersuutigeqqullugu inassuteqaatigisara Naalackersuisoqarfiup tamatumunnga atatillugu malitseqartitsivigissagaa, kiisalu Atuisartunut Pisisartunullu

7. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-

Siunnersuisoqatigiit Allattoqarfiata Inuussutissarsiornermut Suliffeqarnermullu Naalakkersuisoqarfimmut inissinnissaanut tunngavissaqannginnerannik Inatsisartut Ombudsmandiat pillugu Inatsisartut inatsisaanni § 11 tunngavigalugu uanga nalunaarutiginninnera Naalakkersuisoqarfiup aamma malitseqartitsivigissagaa."

Suliaq Inuussutissarsiornermut Suliffeqarnermullu Naalakkersuisoqarfimmut 29. oktober 2010-mi eqqaasitsissutigaa.

Naalakkersuisoqarfiup akissutaa imaattoq 13. december 2010-mi tiguara, taanalu ukiup nalunaarusiuunneqartup naanerani suli isummerfiginngilara:

"Naalakkersuisoqarfiup matumuuna uterfigeqippai Ombudsmandip 29. oktober aamma 26. april 2010-mi allagai. Aallarniutigalugu ajuusaarutigineqassaaq Ombudsmandip saaffiginnissutaanut Naalakkersuisoqarfik siusinnerusukkut akissuteqarsinnaasimangimmat.

Ombudsmandip Kalaallit Nunaanni Atuisartunut Siunnersuisartoqatigiinnut akissusaanerup inissisimanagera pillugu Naalakkersuisoqarfiup nassuiaasiortitsinera sumut killinnersoq paaserusuppaa. Tassunga ilisimatitsissutigineqarsinnaavoq naatsorsuutigineqarmat Atuisartunut Pisisartunullu Siunnersuisartoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliaq pillugit Inatsisartut inatsisaat nr. 10, 13. november 1986-imeersup annertuumik nutarteriffigineqarnera Naalakkersuisut UPA2012-imi Inatsisartunut saqqumiukkumaaraat. Atuisartunut inatsisitigut nutarterineq ilaatigut Atuisartunut Siunnersuisoqatigiit pisinnaatitaanerannik inissisimanagerannillu imaqarumaarpoq.

Aammattaaq Naalakkersuisoqarfiup [Atuisartunut Pisisartunullu Siunnersuisoqatigiit siulittaasuata] saaffiginnissutaanut akissutaa pillugu ilisimatinneqarnissaaq Ombudsmandimit kissaatigineqarpoq.

Naalakkersuisoqarflup [Atuisartunut Pisisartunullu Siunnersuisoqatigiit siulittaasuanut] allakkiaa 13. december 2010-meersoq ilannguppaa, tassani Naalakkersuisoqarfik ilisimatitsivoq 1. januar 2004-mut 31. december 2009 tikillugu ataatsimiinnersianik suliaqarnerup nangeqqinneqarnissaa itigartissutigineqartoq."

8. Sulianut ukiuni siusinnerusuni nalunaarutini eqqartorneqartunut malitseqartitsineq. Suliat nammineerluni misissugassannngortitat

2007-imi ukiumoortumik nalunaarummi immikkoortoq 3, quppernerit 74 tullilu kiisalu immikkoortoq 7, quppernerit 357 tullilu

Sulianik isumaginninnermut tunngasunik misissuineq - utertitassannngortitanik ikiorsiissuteqarnermut inatsiseqartitsinikkut tunngavigisaq (j.nr. 2008-901-0002)

Sulianik misissuinerup 2007-imi ukiumoortumik nalunaarummi paasissutissiisutigisama saniatigut innuttaasut imerajuttunik katsorsaavimmi Qaqiffimmi katsorsarneqarnerinut aningaasartuutit utertillugit akilernerqarnissaannik kommunnip piumasaqaataata ataatsimut oqaaseqaatinik saqqummiussinissannut pissutis-saqalersippaanga, immikkoortoq 5 takuuk.

2009-mi ukiumoortumik nalunaarut, immikkoortoq 5, quppernerit 236 tullilu

Ineqarnermut akiliutinut akiitsut naafferartumik akilersorneqarnissaannut inatsisikkut tunngavigisami amigaatit (j.nr. 2008-904-0003)

Ineqarnermut, Attaveqarnermut Angallannermullu Naalackersuisoqarfiup 22. januar 2010-mi imatut akivaanga:

"Ombudsmandip Naalackersuisoqarfik qinnuigaa inissianik attartortitsisarneq pillugu Inatsisartut peqqussutaata allanngortinneqarnera pillugu Inatsisartut peqqussutaat nr. 14, 20. november 2006-meersoq aamma inissianik attartortitsisarneq pillugu Inatsisartut peqqussutaata allanngortinneqarnera pillugu Inatsisartut peqqussutaat nr. 9, 5. december 2008-meersoq pillugit Ombudsmandip saaffiginnissutaanut Naalackersuisoqarfiup akissutigisimasaanut ilassuteqaqqullugu. Ombudsmandip ukununga tunngasut immikkut itisiliiffigineqarnissaat piumasaraa:

- attartortitsinermut peqqussutip iluarsaanneqarnissaatut eqqarsaatigineqartoq Ombudsmandip amigaatit nalunaarutigisaasa saniatigut apeqqutinik allanik ilaqarnersoq
- inatsisissatut siunnersuummik allannguutissatut eqqarsaatigineqartunik imalimmik saqqummiussinissap qaqugu pinissaa Naalackersuisut eqqarsaatiginerat

8. *Sulianut ukiuni siusinnerusuni nalunaarutini eqqartorneqartunut malitseqartitsineq. Suliat*

- amigaatit Ombudsmandip nalunaarutigisai Naalackersuisut qanorpiaq iliuseqarfiginiarneraat, kiisalu

- Inatsisartut peqqussutaat atuuttut tunngavigalugit Naalackersuisut aqutsinerminni Ombudsmandip nalunaarutai eqqarsaatigalugit qanoq iliorniarnersut.

Naalackersuisoqarfik matumuuna Ombudsmandip apeqqutai immikkut eqqarsaatigalugit itisiliiffiusumik nassuiaateqassaaq.

1 pillugu) Attartortitsinermut peqqussutip iluarsaanneqarnissaatut eqqarsaatigineqartoq Ombudsmandip amigaatitut nalunaarutigisaasa saniatigut apeqqutinik allanik ilaqarnersoq.

Naalackersuisoqarfimmit nalunaarutigineqarsinnaavoq attartortitsisarnermut peqqussutip iluarsaannera Ombudsmandip amigaatitut nalunaarutigisaasa saniatigut apeqqutinut allanut tunngasunik imaqqassamat. Iluarsaassineq attartortitsinermut inatsisinik, inuiaqatigiinni pissutsinik ersersitsiviusunik inerneqassaaq. Attartortitsinermut peqqussut maanna atuuttoq aamma maleruagassat sunniutaat atuunnerilu tamarmik isummorsorfigineqassapput.

2 pillugu) Inatsisissatut siunnersuummik allannguutissatut eqqarsaatigineqartunik imalimmik saqqummiussinissap qaqugu pinissaa Naalackersuisut eqqarsaatigineraat.

Naalackersuisut 2011-mi attartortitsisarnermut inatsisissatut siunnersuummik nutaamik saqqummiussinnaanissaat naatsorsuutigineqarpoq.

3 pillugu) Amigaatitut Ombudsmandip nalunaarutigisai Naalackersuisut qanorpiaq iliuseqarfiginiarneraat.

Inatsisit nutaat naapertorlugit maleruagassanik atorunnaarsitsinissap allannguinnissalluunniit tungaanut Naalackersuisoqarfiup maleruagassanik maannamut atuinini ingerlatiinnassavaa. Amigaataasinnaasut Ombudsmandip nalunaarutigisai inatsisissap nutaap suliarineqarnerani isumaliutigineqartunut ilanngunneqassapput.

4 pillugu) Inatsisartut peqqussutaat atuuttut tunngavigalugit Naalackersuisut aqutsinerminni Ombudsmandip nalunaarutai eqqarsaatigalugit qanoq iliorniarnersut.

Naalackersuisut aqutsinerminni Inatsisartut peqqussutaasa atuuttut malinneqarnerat allanngortissanngilaat, pingaartumik inissianik attartortitsisarneq pillugu Inatsisartut peqqussutaata allanngortinneqarnera pillugu Inatsisartut peqqussutaanni nr. 9-mi, 5. december 2008-meersumi inatsisitigut inissisimanerup eqqarsarnartoqarnera pillugu Ombudsmandip isumaliutersuutaanut Naalackersuisut tamakkiisumik isumaqataangimmata.

Attartortitsisarnermut inatsisissanut nutaanut atatillugu attartortitsisarnermut inatsisunik ataqatigiissunik atorluarsinnaasunillu, inatsisip allassimanerani nassuiaatillu allassimanerani kiisalu inissianut inatsisinut allanut naleqqiullugu ataqatigiissitsinissamik pingaartitsiviusunik Naalakkersuisut suliaqassapput."

Ineqarnermut, Attaveqarnermut Angallanermullu Naalakkersuisoq sulianik ineqarnermut tunngasunik aqutsinermut attuumassuteqartunik inaarlugit suliarineqarsimannigitsunik ataatsimut malitseqartitsiviginninnermut ilaatillugu 28. april 2010-mi imatut akivara:

"Asasara Jens B. Frederiksen

Pisortat inissianik attartortitsinerannut inatsisikkut tunngavigisap nalornissutigineqarnera pillugu tunngaviusumik apeqqutit arlallit 2009-mi aamma 2010-mi suliani arlalinisum summerfigaakka.

Pineqartoq pingaartumik tassavoq inissianik attartortitsisarnermik apeqqutip ingerlatsineq pillugu inatsiseqartitsinermi malittarisassani pineqartunut qanoq annertutigisumik ilaatinneqarnera.

Tamatuma qulaajarneqarnera inissianik attartortitsineq eqqarsaatigalugu uanga pisinnaatitaanerma killissalorsorneqarneranut annertuumik pingaaruteqarpoq.

Apeqqut taanna tamatumunnga peqatigitillugu Namminersorlutik Oqartussat kommunillu suliassaasa aktiaateqarluni ingerlatseqatigiiffinnut qanoq annertutigisumik sunalu tunngavigalugu isumagisassannigortinneqarsinnaanerannik apeqqummut pingaaruteqarpoq.

Naalakkersuisoqarfimmut allagarisakka 24. april 2009-meersut, 30. september 2009-meersut, 29. december 2009-meersut kingullertullu Inatsisartut Aningaasaqarnermut Ataatsimiititaliaannut allakkakka 22. februar 2010-meersut innersuussutigaaakka.

Allakkakka 24. april 2009-meersut Naalakkersuisoqarfippit akivai isumaliutersuutikka inissianik attartortitsisarneq pillugu Inatsisartut peqqussutaanik allannigortitaluni suleqqinnermi ilaatinneqarniartut.

Allakkakka 30. september 2009-meersut 9. oktober 2009-mi akivatit akisummik saqqummiussaqaarniartutit.

Allakkakka 29. december 2009-meersut Naalakkersuisoqarfippit 22. januar 2010-mi akivai inissianik attartortitsisarneq pillugu Inatsisartut peqqussutaannik allannigortiterineq "attartortitsinermut tunngasuni nutaamik inatsisiliornermik inernilerneqassasoq", aamma Naalakkersuisut "inissianik attartortitsisarneq pillugu ataqatigiinnilim-

8. Sulianut ukiuni siusinnerusuni nalunaarutini eqqartorneqartunut malitseqartitsineq. Suliat

mik atorluarsinnaasumillu inatsit inatsisip oqaasertaasa oqaaseqaatillu kiisalu inatsisit allanut tunngasut akornanni ataqatigiinneqarnermik aaqqiiviginnittoq suliniutiginiaraat".

Kingullermik Aningaasaqarnermut Ataatsimiititaliap Naalakkersuisut Siulittaasuannut 3. marts 2010-mi allassimavoq Naalakkersuisut inatsisissatut siunnersuummik ajornartorsiutit malugeqqusimasama qulaajarneqarfiannik Inatsisartut ukioq manna ukiakut ataatsimiinneranni saqqummiussinissaat Ataatsimiititaliap kissaatigigaa.

Tamanna aamma innuttaasut ineqarnermik aqutsineq pillugu naammagittaalliuutaannik saaffiginnissutaannillu, matumani A/S Inissiaatileqatigiiffik INI-p aamma Iserit A/S-ip inissianik aqutsinerat pillugu apeqqutit ilanngullugit eqqarsaatigalugit, sulii uanga tigusaqartarnera isiginiarlugit qinnuigaakkit Naalakkersuisut pisortat inissianik attartortitsinerannut inatsisikkut tunngavigisaq qulaajarniarlugu pisumi sunik isumaliutersuuteqarsimanersut sukumiinerusumik paasissutissiisutigeqqullugu.

Taamaalillunga oqaatigaara Naalakkersuisoqarfippit akissutaa kingulleq 22. januar 2010-meersoq inatsisiliornerup massakkut atuuttup ataani ajornartorsiutinik qulaajaqataasuunngitsoq, imaluunniit Naalakkersuisut ajornartorsiut siumut sammititaasumik aaqqinniarlugu qanoq iliuuseqarniarnerat pillugu paasissutissiisuunani.

Inissianik attartortitsisarnerup ingerlatsineramik inatsiseqartitsinermi pineqartumi qanoq annertutigisumik ilaananik Naalakkersuisut paasinninnerat pillugu nassuiaammik tunngavilersugaasumik tigusaqarnissara pisortani oqartussaasut inissianik attartortitsinerat pillugu naammagittaalliuutinik tigusanik qanoq isummerfiginninnissannut naliliiniarninnullu pingaaruteqarpoq.

Taamaattumik qinnuigaakkit ingerlatsineq pillugu inatsiseqartitsinermi malittarisassat pisortanit inissianik attartortitsinermi erseqqinnerusumik qanoq annertutigisumik ator-neqartarnerannik Naalakkersuisut paasinninnerat aamma ingerlatsineq pillugu inatsiseqartitsinerup inissianik attartortitsinermi siunissami qanoq annertutigisumik pisuni ator-neqassasoq Naalakkersuisut isumaqarnerat pillugit nassuiaateqaqullutit.

Inissianik attartortitsisarneq pillugu Inatsisartut peqqussutaata allannguuteqartinneqar-nissaa pillugu Inatsisartut peqqussutaat nr. 9, 5. december 2008-meersoq (ineqarner-mut akiliutinut akiitsut naafferartumik akilersornissaannut periarfissaq), Inatsisartunut Naalakkersuisunullu 30. november 2009-mi nalunaarutigisara, inatsisinilu allani malittarisassat, pingaartumik isumaginninneq pillugu inatsiseqartitsinermi malittarisassat eqqarsaatigalugit, pillugu apeqqut pingaartumik eqqarsaatigalugu malugaara illit Naalakkersuisoqarfinni fuldmægtigip allakkani 22. januar 2010-meersuni oqaatigigaa:

"Ombudsmandip isiginninneri Naalakkersuisut tamakkiisumik isumaqatiginngilaat, pingaartumik inissianik attartortitsisarneq pillugu Inatsisartut peqqussutaata allan-

nguuteqartinneqarnissaa pillugu Inatsisartut peqqussutaata nr. 9-p, 5. december 2008-meersup inatsiseqartitsinermi innarlitsaaliinikkut eqqarsarnartortaqaerneranik oqarneq eqqarsaatigalugu." (Atorfeqarfimmi nutsigaavoq)

Siullertut allaffissornikkut aqutsiviup tungaanit taama erseqqarlutsigisumik oqarneq isummerfigisinnaanngilara.

Aappaattut qinnuigaakkit manna eqqumaffigeqqullugu, tassalu malittarisassat inatsiseqartitsinermi innarlitsaaliinikkut eqqarsarnartortaqaernerannik uanga naliliinera inatsiliornerup inatsisini allani malittarisassanut inatsiseqartitsinikkullu aalajangiisuusumik tunngavinnut siunertarineqanngitsumik naapertuunneqannginnissaannik Inatsisartut sinnerlugit uanga nakkutilliininnut ilaatillugu naliliinerusoq.

Uanga paasinninninnik isumaqatiginninnginnermik imalinnik allaffissornikkut aqutsinermi qanoq qaffasitsigisumik atorfilinnit akineqartarnissaannik Ineqarnermut Attaveqarnermullu Pisortaqarfimmi allakkanni 20. maj 2005-imeersuni, 11.03.29.01/111-02-mik j. normoqartuni, oqaaseqaatikka aamma innersuussutigaaakka.

Naalackersuisut inatsisissatut siunnersuummik inatsiseqartitsinikkut atuuttunik qulaa-jaasumik ukiukkut ataatsimiinnermi saqqummiussinissaannik Aningaasaqarnermut Ataatsimiititaliap kissaatigisaa isiginiarlugu qinnuigaakkit saaffiginnissutinnut akisuteqarnissaq sapinngisamik annertunerpaamik nukingiuteqqullugu.

Isumaliutersuutit ajornartorsiummik uanga paasinninninnut tunngaviusut akisuteqarnermi atugassatut itisilerneqarnissaat pisariaqartikkukku ataatsimeeqatiginissannut piareersimaniarpunga."

Naalackersuisup 12. juli 2010-mi imatut akivaanga:

"Pisortat inissiaataasa attartortittakkat aqunneqarneranni inatsisitigut tunngaviusut pil-lugit Ombudsmandip saaffiginnissutaanut atatillugu nalunaarutigissavara isumalluutita amigarnerat pissutigalugu Ombudsmandip saaffiginnissutaa massakkuugallartoq akisinnaannginnakku."

Malittarisassatigut tunngavigisani atuuttuni amigaatit Naalackersuisunut malugeqqusimasama aaqqinneqarnissaat siunertaralugu suliniutit suut suliniutigissagikka ukiup nalunaarusiuunneqartup naanerani isumaliutersuutigaara.

2009-mi ukiumoortumik nalunaarut, immikkoortoq 5, quppernerit 260 tulluilu

8. Sulianut ukiuni siusinnerusuni nalunaarutini eqqartorneqartunut malitseqartitsineq. Suliat

Piffissaq Isumaginninnermi Naammagittaalliuuteqartarfiup sulianik suliarinninnerminut atortagaa (j.nr. 2008-905-0006)

Inuussutissarsiornermut Suliffeqarnermullu Naalackersuisoqarfiup akissuteqarnissaa 24. marts 2010-mi aamma 8. december 2010-mi eqqaasitsissutigaa.

Akissummik ukiup nalunaarusiuunneqartup naanerani suli tigusaqanngilanga.

2009-mi ukiumoortumik nalunaarut, immikkoortoq 5, quppernerit 298 tullilu

Kommunit isumaginninnermut tunngasunik aqutsinerannik Naalackersuisut nakkutilliinerisa annertussusiat (j.nr. 2008-905-0007)

Isumaginninnermut Naalackersuisoqarfiup allakkiarisimasami assilinera nakkutilliisussaataanerup atuuttup Naalackersuisoqarfimmit qanoq paasineqarneranik nakkutilliinermilu aalajangersakkanik atuuttunik allanngortiterinerup Naalackersuisoqarfimmit qanoq piareersarneqarnissaanik imaqartoq uannut 14. juni 2010-mi nassiuppaa.

Naalackersuisoqarfik 10. oktober 2010-mi nalunaarfigaara suliamik suliarinninnera naammassigiga:

"(...)

Immikkoortunik nakkutilliinerup inatsisikkut iluarsiiqqineqarsimasup nakkutilliisussaataanermik, pisortat ingerlatsineranni inatsiseqartitsinikkut malittarisassani ersertumik, annikillisisuunnginneranik Ombudsmandip paasinninneranut Naalackersuisoqarfik ilaliisoq paasivara. Tamatumunnga peqatigitillugu Naalackersuisoqarfik malittarisassani ersarissisitsiniarluni pilersaaruteqarpoq, taamaalillunilu nakkutilliinerup naammassineqarnerani inatsiseqartitsinikkut pitsaanerusumik isumannaatsuulersitsisallunilu kinguneqarluartitsilissalluni.

Naalackersuisoqarfiup akissutaa imatut paasivara inatsisiliornikkut suliniutiginiakkat aalajangersimasut erseqqinnerusumik misissuiffiqineqarnissaat utaqqimaarneqartoq, matumani meeqqat inuusuttullu pillugit nakkutilliinermi aaqqissuussat ilanngullugit eqqarsaatigalugit, matumanilu meeqqat angerlarsimaffiup avataanut inissineqarsimasut aamma ilanngullugit eqqarsaatigalugit, aamma Danmarkimi inatsiseqartitsinikkut ineriartortitsinermit Naalackersuisoqarfik imminut isumassarsisittarniartoq.

Aammattaq kommunit suliassanik ataasiakkaanik suliarinnittarnerannik Naalackersuisoqarfik nakkutilliinissaminik ataatsimut pisussaanageranik, aamma pisussaanagerup taassuma taamaalilluni kommuninik nakkutilliinermi tikeraartarnerni sulianik suliarinnittarnernik tigulaaraluni misissuisarnernut killissalersuinnginneranik Ombudsmandip paasinninneranut Naalackersuisoqarfik ilaliisoq paasivara.

Taakkua saniatigut Naalackersuisoqarfiup oqaatigisimavaa meeqqat angerlarsimaffiup avataanut inissineqartarnerat pillugu Naalackersuisoqarfimmut nalunaarutiginnittarnerit, tak. meeqqanut inuusuttunullu ikiorsiisarneq pillugu Inatsisartut peqqussutaanni § 30, nakkutilliinermik sulinermut ilanngunneqarniartut.

Tamatuma kingornatigut Isumaginninnermut Naalackersuisup kommunit isumaginninnermi malittarisassanik aqutsinerannik matuma kingornatigut paasinnineq, Ombudsmandip oqaaseqaatimini 25. maj 2009-meersumi oqaatigisaa, naapertorlugu pisarniartut, aamma Naalackersuisut nakkutilliisussaataanerup erseqqinnerusunik inatsiseqartinneqalernissaanik ilaatigut sulissutiginninniartut pillugit uanga paasinninnera tunngaviutippara.

Matuma kingornatigut suliame annertunerusumik iliuuseqaqqissanngilanga."

2009-mi ukiumoortumik nalunaarut, immikkoortoq 7, quppernerit 389 tulluilu

Qitiusumik allaffeqarfissuarmik allannortiterineq (j.nr. 2008-923-0001)

Misissuinnera ukiup nalunaarusiuunneqartup naanerani suli naammassinngilara.

2009-mi ukiumoortumik nalunaarut, immikkoortoq 7, quppernerit 392 tullialu

Sulianik pilersitsisarneq kiisalu iliussissanut pilersaarusanik suliarinnittarneq (j.nr. 2008-901-0007)

Kommuni akissuteqarnissaanik allakkatigut 26. februar 2010-meersutigut aamma 28. september 2010-meersutigut eqqaasippara.

Kommunip akissutaa mailikkut 28. september 2010-meersukkut tiguara. Suliaq allakkatigut 14. oktober 2010-meersutigut inaarlugu imatut suliaara:

8. *Sulianut ukiuni siusinnerusuni nalunaarutini eqqartorneqartunut malitseqartitsineq. Suliat*

"(...)

Iliuusissanut pilersaarusi

Isumaginninnermi allaffiup oqaatigaa sulianik suliarinnineq sulisut taarsaannerujussuat pissutigalugu pitsaanerpaaffimminiissimangitsoq.

Isumaginninnermi allaffiup iliuusissanut pilersaarusi qarasasiakkut siunissami suliarinnittalerni kiisalu kommunalbestyrelsen inssiisoqarnissaa pillugu aalajangiinermik ikinnerpaamik ukiumut ataasiarluni naliliiffiginnittarnissaanik isumaginninniarnera tusaatissat tiguara.

Kommunip akissutaa tamatuma saniatigut imatut paasivara meeqqanik inssiinerit siunertaannik allaaserinninnermi imaluunniit suliat malitseqartitsivigineqarneri pillugit paasissutissanik sukumiinerusunik suliani meeqqanut inuusuttunullu tunngasuni nammineri peqanngitsoq.

Tamanna ajuusaarnartut isigaara, isumaginninnermili allaffiup sulianik tamanik torsaalersimanera tusaatissat tigullugu, matumani paasissutissat amigaataasut taakku suliani angajoqqaatut oqartussaassutimik tigummisaqartunut tunngasuni nassaassaanersut paasiniarneqarnissaasa siunertarinerat ilanngullugu eqqarsaatigalugu.

(...)

Suliami matuma kingornatigut annertunerusumik iliuuseqaqqissanngilanga."

2009-mi ukiumoortumik nalunaarut, immikkoortoq 7, qupperneq 393

Kommunip sulianik siusinaartumik pensionisiantunngasunik suliarinninnera (j.nr. 2008-901-0019)

Akissummik tigusaqannginnama K Kommunip borgmesteria allakkani 27. januar 2010-meersuni qinnuigaara suliami akissummik tigusaqarnissara suliniutigeqqullugu.

Saaffiginnissutinnut akissummik tigusaqannginnarama K Kommuni allakkani 9. august 2010-meersuni nalunaarfigaara saaffiginnissutikka kommunip akinngip-pagit sulinerma kommuni eqqarsaatigalugu ingerlassinnaannginnerata Inatsisartut Inatsisit Atortinneqarnerannut Ataatsimiititaliaannut Naalakkersuisunullu nalunaarutiginnissaa isumaliutersuutiginiariga.

K Kommuni mailikkut 9. september 2010-meersukkut nalunaarpoq akissummik sapaatit akunneranni aggersuni tigusaqarnissara naatsorsuutigisinnaagiga.

Kommunip oqaaseqaatinnut akissutaata immikkoortua siulleg 14. september 2010-mi tiguara.

Kommunip ataatsimut oqaaseqaatit nalunaarummi ilanngunnissaannut pissutis-saqarlunga isumaqarfigisakka eqqarsaatigalugit nalunaarutigaa "suliat siusinaar-tumik pensionisianut tunngasut pillugit allagaatit tamarmik suliami (journal) toqqortarineqartartut, atorneqareeraangamillu utertillugit ilineqartartut". Kom-munip akissutaa tusaatissatut tigugiga allakkani 11. oktober 2010-meersuni nalu-naarutigaa.

2009-mi ukiumoortumik nalunaarut, immikkoortoq 7, quppernerit 395 tullilu

Kommunip atorfinitsitsinermi allakkanik suliarinninnera kiisalu soraarneq pillugu aalajangiisarneri (j.nr. 2008-901-0004)

Kommunip akissuteqarnissaa allakkatigut 28. januar 2010-meersutigut aamma 24. juni 2010-meersutigut eqqaasitsissutigaa.

Kommunip allakkani 1. juli 2010-meersuni makku nalunaarutigai:

"Piffissaq akissuteqarniarnermut atorneqartoq sivisukuluttoq kommunip ajuusaaruti-gissavaa. Tamanna pissutsinik assigiinngitsorpassuarnik pissuteqarpoq, soorlu kom-munit kattutsinneqarnerannik, matumani aaqqissuussaannikkut pisinnaatitaanikkullu al-lannguutit ilanngullugit eqqarsaatigalugit.

Allagaat kommunip atorfinitsitsinermi allakkanik suliaqartarnerata/toqqortarinnittar-nerata kiisalu sulianik sulisunut tunngasunik suliarinnittarnerata iluanni tunaartarisas-sanik imaqartoq ilanngullugu nassiunneqarpoq.

Kommunip nalunaarsuisarnera toqqorterisarneralu pillugit tunaartarisassani nalunaar-suisarnermik toqqorterisarnermillu pilersaarusiaq KANUKOKA-p Kalaallillu Nunaa-ta Allagaateqarfiata suliarisimasaat malinneqarpoq." (Atorfeqarfimmi nutsigaavoq)

Allagaammit kommunip ilanngullugu nassiussaanit makku erserput:

"Atorfinitsitsinermi allakkat suliarineqartarnerat

8. *Sulianut ukiuni siusinnerusuni nalunaarutini eqqartorneqartunut malitseqartitsineq. Suliat*

Atorfinitsitsinermut ataatsimiititaliap ataatsimeereernerani inassuteqaateqartoqarlunilu atorfinitsitsisoqassaaq.

- Inassutigineqartoq tamatuminnga ilisimatinneqassaaq, qinnuigineqassallunilu paasisutissat pillugit immersugassaaq atorfinitsitsinermi allakkat suliarineqarneranni atorneqartussaaq immersoqqullugu.
- Atorfinitsitsinermi isumaqatigiissut paasisutissat pillugit immersugassap tiguneqarnerani suliarineqassaaq.
- Qanoq sivisutigisumik sulisimaneq ilinniagaqarsimanermut allagartat siusinnerusukkullu sulisitsisorisimasanit uppersaatit pineqartup tunniussai aallaavigalugit naatsorsorneqassaaq.
- Qanoq sivisutigisumik sulisimanermik naatsorsueriaatsit isumaqatigiissutini (overenskomster) nassaarineqarsinnaapput.
- Atorfinitsitsinermi isumaqatigiissut naqitanngortinneqassaaq, suleqallu alla peqatigalugu kukkunersiorneqarlunilu amigaatisioneqassalluni.
- Atorfinitsitsinermi isumaqatigiissut suliaassarfiup pisortaanit (imaluunniit sinerisami illoqarfinni innuttaasunut ingerlatsiviup pisortaanit) suliamillu suliarinnittumit atsiorneqassaaq.
- Atorfinitsitsinermi isumaqatigiissut tallimanik assilineqassaaq, ataaseq suliffeqarfimmut/immikkoortortaqarfimmut, ataaseq peqatigiiffimmut/kattuffimmut ilaasortaaffigisamut, ataaseq mappimut suliami allagaatinik imalimmut ataaserlu mappimut uagut allakkatsinnik imalimmut.
- Atorfinitsitsinermi isumaqatigiissutip atsiorneqarsimasup tiguneqarnerani Akissarsialeriffik isumaqatigiissutip assilineranik tunineqassaaq, aningaaserivik il.il. pillugit paasisutissat eqqarsaatigalugit, atorfinitsitsinermilu isumaqatigiissut tamatuma kingornatigut toqqorsivimmi atorfeqartitaasup aqqata ataani toqqorneqassalluni.

Atorfinitsitsineq pillugu isumaqatigiissutinik toqqortarinnittarneq:

- Atorfinitsitsinermi allakkat inimi parnaarneqarsinnaasumi sikaavinni parnaartartuni mappini nivinngartakkani toqqortarineqartassapput.
- K-mi taassumalu nunaqarfiini sulisutut atorfeqartitaasut, ilinniartitsisut ilanngunnaq, atorfinitsinneqarnerini allakkat tamarmik HR-itut immikkoortortaqarfimmi toqqortarineqassapput.

- Kommunimi tamarmi ilinniartitsisut atorfinitsinneqarnerini allakkat Ineriartortitsinermik Ingerlatsivimmi toqqortarineqassapput.
- Suliart sulisunut tunngasut ataasiakkaat tamarmik immikkut nivinngartakkamik mappeqartinneqassapput, taakkulu atermik inuttullu normumik nalunaaqutaqqassallutik.
- Mappini nivinngartakkani ataasiakkaani tamani allattuiffeqassaaq, tassanilu kina mappimik allagaatinik sulisumut tunngasunik imalimmik suliarinninniarluni tigusi-simanersoq allanneqartassalluni. Tassani naqinnerit aqqit aallaqqaataat, suliaq qanga tiguneqarnerisooq qangalu utertillugu ilineqarnerisooq allanneqartassapput.
- Mappit nivinngartakkat inuttut normut tulleriinneri malillugit iliorarneqassapput.
- Soraartoqarnerani mappi nivinngartagaq allagaatinik soraartumut tunngasunik imalik sikaavimmuut mappinik allagaatinik soraartunut tunngasunik imalinnik toqqorsivimmuut nuunneqassaaq.
- Sikaavik mappinik allagaatinik soraartunut tunngasunik imalinnik toqqorsivik ukiup naanerani imaarneqassaaq, imaalu toqqorsivivimmuut (fjernlager) nuunneqassallutik.

Sulianik sulisunut tunngasunik suliarinnittarneq:

- Suliart sulisunut tunngasut pisortaqtigiit susassaqaqfigisaat pisortamit susassaqartumit suliarineqartassapput.
- Pisortaq pineqartoq HR-itut immikkoortortaqaqfimmitt siunnersoqqullunilu ilitser-soqqusinnaavoq.
- Allakkiat pisariaqarnera naapertorlugu suliarineqartassapput, paasitinneqarsinnaati-taaneq pillugu inatsit aamma suliaassat suliarineqartarnerat pillugu inatsit isiginiarlugu.
- Suliani suliaassat suliarineqartarnerat pillugu inatsit tunngavigalugu aalajangiivigineqartuni HR-itut immikkoortortaqaqfik peqataatinneqassaaq, suliami illua'tungiusup inaarutaasumik aalajangiisoqannginnerani isumaanik tusarniaasoqartarnissaa qulakkeerniarlugu.
- Allagaatit suliamut sulisumut tunngasumut attuumassuteqartut suliamut sulisumut tunngasumut HR-itut immikkoortortaqaqfimmittumut, Innuttaasunut Ingerlatsivimmiittumut Ineriartortitsinermulluunniit Ingerlatsivimmiittumut ikineqartassapput.
- Paasissutissat inummumut pineqartumut tunngasut ajornanngippat taamaallaat mappimi allagaatinik sulisumut pineqartumut tunngasumik imalimmi pigineqartassapput. Al-

8. *Sulianut ukiuni siusinnerusuni nalunaarutini eqqartorneqartunut malitseqartitsineq. Suliat*

lagaatinik inuit allat pillugit paasissutissanik suliamut attuumassuteqanngitsunik imalinnik peqarpat paasissutissat taakku allagaatip mappimut suliami allagaatinik imalimmut ikineqannginnerani pineqartut allat kinaassusiinik ilisarnarunnaarsaavigineqartassapput.

Nalunaarsuisarneq:

Nalunaarsuisarneq eqqarsaatigalugu: KANUKOKA-p ilitsersuusiaa nalunaarsuisarneq toqqorterisarnerlu pillugit pilersaarutitalik takuuk.

Toqqorterisarneq:

Toqqorterisarneq eqqarsaatigalugu Kalaallit Nunaata Allagaateqarfiata ilitsersuusiaa atuuppoq.

Kommunip allagai 21. oktober 2009-meersut aamma innersuussutigineqarput, taakkunaniami suliani ataasiakkaani sulianik suliarinnittarnerup qanoq ingerlasarnera arlalinik assersuusiorfigineqarsimammat." (Atorfeqarfimmi nutsigaavoq)

Kommuni tamatuma kingornatigut nalunaarfigaara kommunip atorfinitsitsinermi allakkanik suliarinnittarnera toqqortarinnittarneralu kiisalu sulianik sulisunut tunngasunik suliarinnittarnera pillugit tunaartarisassai tusaatissatut tigugikka, suliamilu annertunerusumik iliuuseqaqqissanngitsunga.

2009-mi ukiumoortumik nalunaarut, immikkoortoq 7, qupperneq 387

Akiitsut pisoqalisootarnerat aamma akiitsoqartumut pinngitsaaliiniutinik inatsisinik unioqquutitsisilluni atuineq pillugit apeqqudit assigiinngitsut (j.nr. 2008-901-0024)

Suliami matumani sulianilu allani Akileraaruserivimmut saaffiginnissutinnut akissutininik sulit tigusaqannginnama pissuseq tamanna Inatsisartunut Naalakkersuisunullu 11. maj 2010-mi nalunaarutigaa.

Aningaasaqarnermut Naalakkersuisoqarfik ajornartorsiut taanna pillugu 16. august 2010-mi ataatsimeeqatigaara, suliallu akineqarnissaannut pilersaarusiaq Naalakkersuisoqarfiup ataatsimiinneq taanna tunngavigalugu suliaraa.

Suliaq 2008-901-0024-mik j. normoqartoq pilersaarut taanna malillugu 2010-p naannginnerani akineqartussaagalarpoq.

Naalackersuisoqarfiulli akissutaanik ukiup nalunaarusiuunneqartup naanerani sulitigusaqanngilanga.

2009-mi ukiumoortumik nalunaarut, immikkoortoq 7, quppernerit 397 tullialu

Qarasaasiakkut allattukkanik/ullorsiutinik naqitanngortitsisanninneq aamma akiligassaqarfiusunik tulleriiaarisarneq pillugit ataatsimut oqaaseqaatit (j.nr. 2008-901-0018)

Suliami matumani sulianilu allani Akileraaruserivimmut saaffiginnissutinnut akissutinik sulitigusaqannginnama pissuseq tamanna Inatsisartunut Naalackersuisunullu 11. maj 2010-mi nalunaarutigaa.

Aningaasaqarnermut Naalackersuisoqarfik ajornartorsiut taanna pillugu 16. august 2010-mi ataatsimeeqatigaara, suliallu akineqarnissaannut pilersaarusiaq Naalackersuisoqarfiup ataatsimiinneq taanna tunngavigalugu suliaraa.

Suliaq 2008-901-0018-imik j. normoqartoq pilersaarut taanna malillugu 2010-p naannginnerani akineqartussaagalarpoq.

Naalackersuisoqarfiulli akissutaanik ukiup nalunaarusiuunneqartup naanerani sulitigusaqanngilanga.

2009-mi ukiumoortumik nalunaarut, immikkoortoq 7, qupperneq 399

Suliani sulisilluni ajoqusernermut tunngasuni kommunit ullormusianik aqutsinerat (j.nr. 2008-907-0001)

Suliaq aalajangersimasumik suliarisimallugu Isumaginninnermi Naammagittaalliuteqartarfiup 22. marts 2010-mi ilisimatippaanga.

8. *Sulianut ukiuni siusinnerusuni nalunaarutini eqqartorneqartunut malitseqartitsineq. Suliat*

Suliaq tamatuma kingornatigut inaarlugu 14. september 2010-mi suliaara, innuttaasumut imatut allallunga, allakkat assilinerat kommunimut Isumaginninnermilu Naammagittaalliuuteqartarfimmut nassiullugu:

"Suliamut sulisilluni ajutoornermut tunngasumut atatillugu ullormusianit ilinnut tunniunneqartunit pisortanit ikiorsiissutigineqartunit ilanngaassisimaneq pillugu suliaq, K Kommunimut (...) -mi tikeraarninni inatsisilerinermi pisortamik Michael Mikkelsenimik oqaloqatiginnissutigisat tunuliaqutaralugu nammineerlunga misissuiffiginninnermik aallartitsivigisimasara matumuuna uterfigaara.

Suliami annertunerusumik iliuuseqaqqinniarnanga aalajangerpunga, tassami Isumaginninnermi Naammagittaalliuuteqartarfiup 25. september 2009-mi aalajangermagu kommunip (...) aningaasat, Kalaallit Nunaanni sulisilluni ajutoornerit malitsigisaasa isumannaallisarneqarnerat pillugu inatsit tunngavigalugu ilinnut tunniunneqarsimasunit ilanngaatigineqarsimasut utertissagai.

Aammattaq misissuinerma ingerlasimanera imaattoq oqaatigaara:

Ilinnut aamma K Kommunimut 14. april 2008-mi nalunaarutigaa kommunip suliamik suliarinninnerani apeqqutit makku misissorneqarnissaat aalajangiussimagiga:

"1. A-mut tunniunneqartunit pisortanit ikiorsiissutitut tunniunneqarsimasunik ilanngaassinissamut kommunip inatsisikkut tunngavigisaa

Kommuni tamatumunnga atatillugu qinnuigaara sulisilluni ajoqusernerit kingunerisassaannut isumannaarinermik inatsisip Kalaallit Nunaannut atortuulersinneqarneranik Kunngip peqqussutaani nr. 273-imi, 24. april 2001-imeersumi § 45-p ilanngaassinernut pineqartunut inatsisikkut tunngaviunera kommunip isumaliutersuutigisimaneeraa paasissutissiissutigeqqullugu, tassami aalajangersagaq taanna oqaasertani malillugit kommunip pisortanit ikiorsiissutaasimasunik sillimmasiisarfimmit utertillugit akiliisitsinissaanut taamaallaat pisinnaatitsimmat.

2. Ullormusianit ilanngaassinernut atatillugu kommunip suliamik paasissutissartalersuina

Kommuni qinnuigineqarpoq kommunip pisortanit ikiorsiissutitigut ikiorsiissutigineqarsimasunik ullormusiatut tunniunneqartunit ilanngaassinnginnerani A-p utertitsilluni akileeqqunissaanut piumasaqaatit kommunip eqqortissimanerai kommunip misissorsimaneera nassuiaqqullugu.

Kommuni aammattaq qinnuigineqarpoq kommunip A ilanngaassinerit sioqqullugit suliami illua'tungiusutut isumaanik tusarniaavigisimaneera nassuiaqqullugu.

3. Kommunip A-mut ilisimatitsissuteqarnera

Kommuni qinnuigineqarpoq ullormusianik tunniussineq sioqqullugu tamatumunngaluunniit peqatigitillugu ullormusiatut tunniunneqartut pisortanit ikiorsiissutitigut tunniunneqarsimasunik kommunip ilanngaaviginiarai allakkatigut oqaasiinnartigulluunniit aalajangiinermik kommunip A nalunaarfigisimaneraa nassuiaqqullugu.

Kommuni tamatumunnga atatillugu qinnuigineqarpoq ullormusiatut tunniunneqartut pisortanit ikiorsiissutitut siusinnerusukut ikiorsiissutigineqarsimasunik ilanngaasivigineqarnissaat kommunip A-mut allakkatigut oqaasiinnartigulluunniit tunngavilersorsimaneraa nassuiaqqullugu, oqaatigaaralu kommunip akissarsialeriffia aqutigalugu A-mut tunniunneqartut allagartaanni ilanngaatigineqartut suussusiisa ilisarnaataasigut taamaallaat takuneqarsinnaasut.

Kommuni aamma qinnuigineqarpoq kommunip A ullormusiassanik tunniussinermut atatillugu pisortanit ikiorsiissutit utertillugit akilerneqarnissaannik aalajangiinerup Isumaginninnermi Naammagittaalliuuteqartarfimmut naammagittaalliuutigineqarsinnaanerani allakkatigut oqaasiinnartigulluunniit ilisimatissimaneraa imaluunniit sulisilluni ajoqusernerit kingunerisassaannut isumannaarinerimik inatsisip Kalaallit Nunaannut atortuulersinneqarneranik Kunngip peqqussutaani nr. 273-imi, 24. april 2001-imeersumi § 65-ip imaattunik oqaasertaqartup imarisaanik ilitsersuussisimaneera nassuiaqqullugu:

"Kalaallit Nunaanni Sulisilluni Ajoqusersinnaanermut Isumannaarineq pillugu Ataatsimiititap inatsit manna malillugu apeqqutit tamaasa aalajangiiffigisassavai, allatut aalajangiisoqarsimangippat."

Tamatumunnga peqatigitillugu aalajangerpunga Sulisilluni Ajoqusersinnaanermut Silimmasiisarnermi Ataatsimiititaliap suliani sulisilluni ajutoorsimanermut tunngasuni ullormusiaqartitsinerup kommuninut isumagisassanngortitsinera inatsisitigut tunngavigisassaqavinnera pillugu apeqqut pillugu oqaaseqaammik Naalakkersuisut Siulittaasuat qinnuiginiarlugu.

K Kommunip allakkatigut 29. august 2008-meersutigut nalunaarfigaanga pisortat ikiorsiissutaasa, sulisillutit ajutoorsimanermut ilinnut taarsiissutigineqartunit ullormusiatut tunniunneqarsimasunit ilanngaatigineqartut utertillugit akilersinneqarnissaannik kommunip piumasaqaateqarneranut atatillugu Isumaginninnermi Naammagittaalliuuteqartarfimmut naammagittaalliuutigineqarsinnaanerannik periarfissaqarnerit pillugu kommuni ilinnut ilitsersuisimangitsoq.

Tamanna tunuliaqutaralugu K Kommuni eqqarsaatigalugu suliaq 20. november 2008-mi inaarlugu suliaaraa, tassungalu peqatigitillugu suliaq Isumaginninnermi Naammagittaalliuuteqartarfimmut ingerlateqqillugu.

8. *Sulianut ukiuni siusinnerusuni nalunaarutini eqqartorneqartunut malitseqartitsineq. Suliat*

Isumaginninnermi Naammagittaalliuuteqartarfik suliame 25. september 2009-mi, oqaatigineqareersutut, aalajangiivoq, aningaasallu ilanngaatigineqarsimasut utertillugit akilerneqarnissaat ilinnut ilaliutigalugu.

Kommunit suliani sulisilluni ajutoorsimanermit tunngasuni ullormusianik tunniussuisarnernut aqutsinerata inatsisinik malinninnersoq pillugu apeqqut pillugu oqaatigaara Kalaallit Nunaanni Sulisilluni Ajoqusersinnaanermut Sillimmasiisarnermi Aqutsisoqarfiup allakkatigut 15. januar 2009-meersutigut nalunaarfigimmanga ullormusianik tunniussisarnermut aqutsineq 1. januar 2009-mit imaalillugu allangortinneqartoq Sulisilluni Ajoqusersinnaanermut Sillimmasiisarnermi Aqutsisoqarfik ullormusianik tunniussisarnermik siunissami isumaginnittussanngorlugu.

Tamanna tunuliaqutaralugu isumaqarpunga ullormusianik ilinnut tunniussisarsimaneq pillugu suliame allanik apeqqutissaaruttoq erseqqinnerusumik uanga misissortariaqakkannik.

Taamaattumik apeqqut taanna pillugu annertunerusumik iliuuseqaqqissanngilanga.

(...)."

2009-mi ukiumoortumik nalunaarut, immikkoortoq 7, qupperneq 399

Isumaginninnermi Naammagittaalliuuteqartarfiup siusinaartumik pensionisiaqalersitsinissap itigartitsissutigineqarneranik atortussanngortitsinera (j.nr. 2008-120-0008)

K Kommunip akissutaa 17. november 2009-mi tigusara misissoreerlugu kommunimut imatut allappunga:

"A-p siusinaartumik pensionisiaqalernissaq pillugu qinnuteqaataata suliarineqarnera pillugu K Kommunimi pensionisiat pillugit ataatsimiititaliap ataatsimiittarnerannit imaqarniliat assilinerinik K2 Kommunip kommunimut tusarniaaninnut 1. oktober 2009-meersumut akissutitut nassippaanga.

Tamatumunnga atatillugu kommunip paasissutissiissutigaa imaqarniliat nassiunneqartut tusarniaaninnut akissutitut atorineqarsinnaanngippata suliaq A-mut tunngasoq qaqqinniarlugu.

Suliaq inaarlugu maanna suliarinialerpara, takusinnaavaralu imaqarniliat nassiunneqartut apeqqutit uku, kommunimut tusarniaassutinni 21. oktober 2009-meersumi apeqqutigisakka, akissutissaqartinngikkaat:

- ”- K Kommunip A-mik 8. oktober 2004-mi ilitersuinini sioqqullugu pineqartoq piginnaangorsaaqqinnerup/sulineramik misiliinerup ingerlanneqarnerata siusinaartumik pensionisiaqalersitsinissamut piumasaqaataaneramik ilitersorsimavaa?
- K Kommunip A siusinaartumik pensionisiaqalerumalluni qinnuteqaatip 26. september 2002-meersup suliarineqarneranut atatillugu piginnaangorsaaqqinnissamik/sulineramik misiliinissamik erseqqissumik neqerooruteqarfigisimavaa?
- K Kommunip siusinaartumik pensionisiaqalerumalluni qinnuteqaammik nutaamik immersueqqullugu A-mut 6. maj 2003-mi qinnuiginnissimaneranut suna pissutava, K Kommunillu siusinaartumik pensionisiaqalerumalluni qinnuteqaatip 26. september 2002-meersup suliarineqarnera piffissami tassani naammassisimavaa?
- Ingerlatsiveqarfiup piginnaangorsaaqqinnermik/sulineramik misiliineramik 7. juli 2003-mi piareersaanera K Kommunip qanoq iliorluni malitseqartitsivigisimavaa?
- K Kommunimi isumaginninnermi suliffissarsiuussinermilu ataatsimiititaliap aalajangiinera 3. september 2003-meersuq tassaava pensionisiaqalerumalluni qinnuteqaammik 26. september 2002-meersumik aalajangiiviginninnerua imaluunniit tassaava pensionisiaqalerumalluni qinnuteqaammik 6. maj 2003-meersumik aalajangiiviginninneq?
- Isumaginninnermi Naammagittaalliuuteqartarfik K Kommunip aalajangiineranik 8. januar 2003-meersumik A-p naammagittaalliuutaata suliarineqarnera pillugu allagaatinik tigummiarussimammat K2 Kommuni qinnuigaara tusarniaanermut akissutit K Kommunip suliap Naammagittaalliuuteqartarfimmi suliarineqarneranut atatillugu Naammagittaalliuuteqartarfimmut nassiussimasaatut naatsorsuutigisama assilineri uannut nassiuteqqullugit.

Apeqqutit qulaani taaneqartut akineqarnerannut kommuni allakkatigut uppersaatinik allanik peqarpat uppersaatinik taakkua assilineri uannut nassiuteqquneqarput.”

Taamaattumik apeqqutigineqartut pillugit akissummik tigusaqarnissannik qinnutigamaanna uteqqippara.”

Kommunip akissutaanik ukiup nalunaarusiuunneqartup naanerani suli tigusaqanngilanga.

8. Sulianut ukiuni siusinnerusuni nalunaarutini eqqartorneqartunut malitseqartitsineq. Suli

2009-mi ukiumoortumik nalunaarut, immikkoortoq 7, quppernerit 405 tulluilu

Inissiaatileqatigiiffik Iserit A/S pillugu naammagittaalliuutinik suliarinnineq (j.nr. 2008-907-0004)

Suliaq manna ukiumi nalunaarusiuunneqartumi 2010-mi inaarlugu suliarisinnasimangilara, inissianik attartortitsisarnermut inatsiseqartitsineri pingaarnertut ajornartorsiutit malugeqqullugit oqaatigisama Ineqarnermut, Attaveqarnermut Angallanermullu Naalakkersuisoqarfimmit isummerfigineqarsimanginnerat pissutigalugu.

Suliap 2008-904-0003-p nalunaarummut ilangunneqartup 2010-mi ingerlasimamera siusinnerusukkut allaaserineqartoq innersuussutigaa.

2009-mi ukiumoortumik nalunaarut, immikkoortoq 7, quppernerit 411 tulluilu

Ineqarneq pillugu Maalaaruteqartarfiup aalajangiineri eqqartuussivikut misilinneqarsinnaanerannik ilitersuutaa (j.nr. 2008-507-0001)

Suliaq manna ukiumi nalunaarusiuunneqartumi 2010-mi inaarlugu suliarisinnasimangilara, inissianik attartortitsisarnermut inatsiseqartitsineri pingaarnertut ajornartorsiutit malugeqqullugit oqaatigisama Ineqarnermut, Attaveqarnermut Angallanermullu Naalakkersuisoqarfimmit isummerfigineqarsimanginnerat pissutigalugu.

Suliap 2008-904-0003-p nalunaarummut ilangunneqartup 2010-mi ingerlasimamera siusinnerusukkut allaaserineqartoq innersuussutigaa.

2009-mi ukiumoortumik nalunaarut, immikkoortoq 7, qupperneq 416

Kommunimi suliak akiliisitsiniarnermut tunngasut pillugit ataatsimut oqaaseqaatit (j.nr. 2009-901-0031)

Suliami matumani sulianilu allani Akileraaruserivimmut saaffiginnissutinnut akissutinik suli tigusaqannginnama pisoq tamanna Inatsisartunut Naalakkersuisunullu 11. maj 2010-mi nalunaarutigaa.

Aningaasaqarnermut Naalackersuisoqarfik ajornartorsiut taanna pillugu 16. august 2010-mi ataatsimeeqatigaara, suliallu akineqarnissaannut pilersaarussiaq Naalackersuisoqarfiup ataatsimiinneq taanna tunngavigalugu suliaraa.

Suliaq 2009-901-0031-mik j. normoqartoq pilersaarut taanna malillugu 2010-p naannginnerani akineqartussaagalarpoq.

Naalackersuisoqarfiulli akissutaanik ukiup nalunaarusiuunneqartup naanerani suli tigusaqanngilanga.

2009-mi ukiumoortumik nalunaarut, immikkoortoq 7, qupperneq 417

Sulianik akiliisitsiniarnermut tunngasunik misissuineq. Inatsisikkut tunngavigisaq pisinnaatitaanerlu pillugit apeqqutit (j.nr. 2009-901-0028)

Suliami matumani sulianilu allani Akileraaruserivimmut saaffiginnissutinnut akissutinik suli tigusaqannginnama pisoq tamanna Inatsisartunut Naalackersuisunullu 11. maj 2010-mi nalunaarutigaara.

Aningaasaqarnermut Naalackersuisoqarfik ajornartorsiut taanna pillugu 16. august 2010-mi ataatsimeeqatigaara, suliallu akineqarnissaannut pilersaarussiaq Naalackersuisoqarfiup ataatsimiinneq taanna tunngavigalugu suliaraa.

Suliaq 2009-901-0028-mik j. normoqartoq pilersaarut taanna malillugu 2010-p naannginnerani akineqartussaagalarpoq.

Naalackersuisoqarfiulli akissutaanik ukiup nalunaarusiuunneqartup naanerani suli tigusaqanngilanga.

2009-mi ukiumoortumik nalunaarut, immikkoortoq 7, qupperneq 417

Sulianik akiliisitsiniarnermut, akiliisinnaajunnaarnermut, qularnaveeqqutit arsaarinninnermi sulianik uppernarsaasersuinnermut, pisortat ilanngaassinissamut periarfissaannut aamma akissarsianit unerartitseqqusissumut malitseqartitsineq pillugu apeqqutinut tunngasunik misissuineq (j.nr. 2009-901-0029)

8. Sulianut ukiuni siusinnerusuni nalunaarutini eqqartorneqartunut malitseqartitsineq. Suliat

Suliami matumani sulianilu allani Akileraaruserivimmut saaffiginnissutinnut akissutinik suli tigusaqannginnama pisoq tamanna Inatsisartunut Naalackersuisunullu 11. maj 2010-mi nalunaarutigaa.

Aningaasaqarnermut Naalackersuisoqarfik ajornartorsiut taanna pillugu 16. august 2010-mi ataatsimeeqatigaara, suliallu akineqarnissaannut pilersaarusiaq Naalackersuisoqarfiup ataatsimiinneq taanna tunngavigalugu suliaraa.

Suliaq 2009-901-0029-mik j. normoqartoq pilersaarut taanna malillugu 2010-p naannginnerani akineqartussaagaluarpoq.

Naalackersuisoqarfiulli akissutaanik ukiup nalunaarusiuunneqartup naanerani suli tigusaqanngilanga.

2009-mi ukiumoortumik nalunaarut, immikkoortoq 7, quppernerit 417 tulluilu

Sulianik isumaginninnermut tunngasunik misissuineq - meeqqanik inissinnermi iliuusissanut pilersaarusanik suliarinnittarneq (j.nr. 2008-901-0010)

K2 Kommuni allakkani 20. januar 2010-meersuni eqqaasippara K2 Kommunimut suliassaqarfimmi akisussaaffeqarfimmik taamani K Kommuniusumit tigusi-simasumut taamani K Kommuniusup isumaginninnermi pisortaata (sulisoqarnikut pissutsit) "aarlerinartutut akuersaarneqarsinnaanngilluinnartutullu" isigalugit oqarnera kommunip qanoq iliuseqarnissaanut pissutissaqalersitsinersoq nalunaarutigeqqullugu qinnutigisannut 2. april 2009-meersumut akissummik tigusaqarsimanngitsunga.

K Kommunip akissutaa 27. januar 2010-mi tiguara, kommunillu allakkamini 2. februar 2009-meersumi oqaatigeriikkami saniatigut makku oqaatigai:

"Takusinnaasakka malillugit immikkoortumi oqaatigisanni qulaani taaneqartuni pissutsit allaaserisakka pitsanngortinneqarsimanngillat. Isumaqarluinnarpunga K-mi meeqqanik sullissinnermut tunngasunik sulinnermi nukingisaarinerit ukiup affaani kingullermi annertunungaarsimasut K-mi eqqaanilu alianartumik pisimasut amerlasuut, alianartunik misigisaqarsimasunik ikiuinnermi suliniutit aamma ikorfartuiniarnermi oqaloqatigiittarnerit pissutigalugit. Taakkuninnga sullissinnermut tunngasut suli sulisussaaleqinerujussuarmik (suleqatigisat marluinnaat, tamarmik sulianut tunngasutigut ingerlaqqittumik ilinniagaqarsimanngitsut), eqqarsartaatsikkut annertuumik naqisimaneqarnermik assut nalaataqarfiupput, tamannalu pissutigalugu suliffik nuanniil-

liorfiulluni. Pissut tamakku ataani atsiortumit arlaleriartumik soorunami kalerriutigineqartarsimapput, tassalu K-mi sullissiveqarfiup pisortaanut aamma K2-mi qitiusumik ingerlatsiveqarfimmut.

K-mi innuttaasumik sullissiveqarfik siorna arlaleriarluni aqutsisutut isumaginninnermi siunnersortimik isumaginninnermi allaffimmut atorfinitsitsiniartarsimagaluarpoq – ajoraluartumilli iluatsitsiviunngitsumik. Sullissiveqarfiup maanna aalajangiussimavaa atorfik taanna ”meeqqat, inuusuttut ilaqutariillu pillugit aqutsisutut” atorfinngortillugu allannngortinniarlugu, taannalu sulii aalajangerniarneqarpoq. Neriuppunga atorfik qinuteqartussanit piukkunnaateqartunit qinuteqarfigissallugu naammattumik pilerinar-tuussasoq.

Taamaattorli tamatumunnga peqatigitillugu kommunerujussuarmini illoqarfittut pingaarnerni sullissiveqarfinit ataasiakkaani atorfiit soqutiginaateqarunnaarsimasutut pasitsaassimavakka – immaqqa kommunit kattussuunnerisa kingornatigut politikikkut allaffissornikkullu pissaanerup illoqarfinni ataasiakkaani isumaginninnermut tunngasuni atorfinitsitsisarnikkut appariaateqariartuaarnissaat inuit naatsorsuutigigamikku.

K-mi ilaqutariinnut sullissiveqarfissaq ajoraluartumik sulii piviusunngortinneqanngilaq aningaasaliiffigineqannginneq pissutigalugu – naak K2 Kommunimi kommunalbestyrelsi qanittukkut nalunaarutigigaluaraa sullissiveqarfissat taamaattut kommunimi suliaasaqarfinni arfineq pingasuni/”illoqarfinni” tamani pilersinneqarnissaat pilersaarutigineqannguatsiartoq. Ilisimatitsissutigissavara K-mi ilaqutariinnut sullissiveqarfissamat akuersinissaq aningaasatigullu akuersissuteqarnissaq kommunalbestyrelsimut qanittukkut (13.01.2010-mi) qinnutigeqqissimagakku.

Taamaakkaluartorli tamatumunnga peqatigitillugu erseqqissaatigeqqissavara takusinnaasakka malillugit K-mi meeqqanut tunngasuni sullissisartut – naak sulisussanik amigaaqartoqartujussuugaluartoq suliaasanillu artukkerneqarsimagaluaqalutik – inissii-sarnerit pillugit inatsisitigut piunasaqaataasunik eqqummaarissorujussuummata, aamma, nalunngisakka malillugit, K-mi eqqaanilu suliani inissiinnermut tunngasuni 2008-p qiteqqunnerata nalaanili iliuusissatut pilersaarusiortarsimammata. K2-mi sullissiveqarfiup aamma K-mi ataani atsiortup inissiinerit nutaat tamaasa pillugit iliuusissatut pilersaarusiortoqartarnissaanik piunasaqaatit atatiinnarneqarnissaat aalajangersimasumik suliniutigaat.

K-mi innuttaasunik sullissiveqarfiup isumaginninnermi allaffiup kaammattuuteqarne-ratigut aalajangiussimammagu allaffissornikkut sulisussamik, isumaginninnermi allaffiup toqqorsiviani immikkoortiterinermik aamma torersaanermik aamma ilaatigut suliani meeqqanut tunngasuni uppersaasarsuinerit pitsaanerusumik ilusilersorneqarnissaanik suliaqartussamik piffissami aalajangersimasumi atorfinitsitsisoqassasoq aammattaaq erseqqissaatigineqassaaq.

8. *Sulianut ukiuni siusinnerusuni nalunaarutini eqqartorneqartunut malitseqartitsineq. Suliat*

Ombudmandip allagai aamma meeqqat inissinneqarsimasut pisinnaatitaaffiinik soqutiginninnera qujassutigeqqippara." (Atorfeqarfimmi nutsigaavoq)

Kommunip allakkami assilinerat K2 Kommunimi qitiusumik ingerlatsivimmut nassiussimavai. K2 Kommuni suliamik tamanna tunngavigalugu sulii ataasiarlunga eqqaaseqqippara, malugeqqullugulu oqaatigalugu K2 Kommunip akissutaanik tigusaqanngikkuma suliaq suliaasaqarfimmi nakkutilliinermi oqartussaasumut, Isumaginninnermut Naalackersuisoqarfimmut, tunniutissanerlugu isumaliutersuutigigiga.

K Kommunip K2 Kommunimi qitiusumik ingerlatsivimmut allaffigeqatiginnitarsimanerani allagaasimasut assilinerinik nassinneqarlunga 3. marts 2010-mi ilisimatinneqarpunga.

K2 Kommunip mailianit 3. marts 2010-meersumit erserpoq K2 Kommunip K Kommunip ulloq taanna qinnuigisimagaa saaffiginnissutigaa akeqqullugu, tassami suliaq sulianut K2 Kommunip pilerner sioqqullugu suliaasimasunut tunngasuummat. Mailikkut allaffigeqatigiittarnermi allagaasimasunit taamatuttaaq erserpoq K Kommunip K2 Kommunip ulloq taanna nalunaarfigisimagaa K Kommunip annertunerusunik oqaaseqaatissaqanngitsoq.

Kommunip akissutaanik tigusaqanngiinnarama Isumaginninnermut Naalackersuisoqarfik allakkani 24. juni 2010-meersuni qinnuigaara Naalackersuisoqarfik malittarisassat atuuttut kommunip K-mi immikkoortortaqarfiani isumaginninnermik ingerlatsiviup suliani meeqqanik inuusuttunillu ikiorsiisarnermut tunngasuni malinnerai sukumiinerusumik misissuinissaminut pissutissaqarluni isumaqarner-soq uannut nalunaarutigeqqullugu.

Naalackersuisoqarfiup akissuteqarnissaa allakkatigut 9. august 2010-meersutigut eqqaasitsissutigaa.

Naalackersuisoqarfiup akissutaa allakkatigut 23. august 2010-meersutigut tiguara, Naalackersuisoqarfiullu tamatumunnga peqatigitillugu oqaatigaa akissunni 7. juli 2010-meersoq, Atorfeqarfiulli tigusimangissaa, nassiateqqinneqartoq.

Naalackersuisoqarfiup akissutaanit makku erserput:

"Inatsisartut Ombudsmandiata allakkamini 24. juni 2010-meersuni Isumaginninnermut Naalackersuisoqarfik K-mi sulisussaqarniarneq pillugu isummernissaanik ujar-tuiffigisimavaa, aamma tamatuma meeqqanut inuusuttunullu kingunerisinnaasai pillu-

git. Naalackersuisoqarfiup ilisimaaraa isorliunerusut ilaanni sulisussat pisariaqartinneqartut pissarsiariuminaatsinneqartarnerat. Sulisussaqaarniarnermik ajornartorsiuteqar-neq kommunit aaqqiivigisassarigaat innersuussutigisariaqarparput.

Isumaginninnermut tunngasunik nakkutilliineq pillugu Namminersornerullutik Oqar-tussat nalunaarutaat nr. 6, 16. februar 2006-imeersoq malillugu Naalackersuisoqarfik X Kommunini kiisalu KX-imi nakkutilliisimavoq. Maannakkut Naalackersuisoqar-fimmiit K2X Kommunimi nakkutilliineq ingerlanneqarpoq. Kingusinerusukkut K3X Kommuni nakkutilliiffiqineqassaaq, 2011-milu K2 Kommuni nakkutilliiffiqineqassal-luni.

Maannamut saqqummiunneqartut malillugit K-mi nakkutilliinissap siulliunneqarnis-saanut tunngavissaqaarsorinannigilaq. Ilanngulluguli oqaatigineqassaaq Naalackersui-soqarfimmiit K-mi sulisoqarniarnikkut pissutsit tusaatissatut tiguneqarmata, taamaam-mallu K-mi nakkutilliineq 2011-p aallartinnerani ingerlanneqassammat."

Naalackersuisoqarfik allakkatigut 2. september 2010-imeersutigut imatut nalu-naarfigaara:

"Naalackersuisoqarfik 24. juni 2010-mi qinnuigaara K2 Kommunip K-mi isumagin-ninnermik ingerlatsiviani sulisut naammattumik amerlassuseqannginnerat pissuti-galugu suliani meeqqanut inuusuttunullu tunngasuni malittarisassat atuuttut kommu-nip malinnerai misissussallugu Naalackersuisoqarfik nakkutilliinermi oqartussaasutut pissutissaqarluni isumaqarnerusut nalunaarfigeqqullunga.

Naalackersuisoqarfik allakkatigut 23. august 2010-meersutigut akivoq Naalackersui-soqarfik pissutsit massakkut atuuttut tunngavigalugit isumaqartoq K-mut misissuiar-torluni angalanissap siuartinnissaanut pissutissaqarani, misissuiartorlunilu angalaneq siusinnerpaamik 2011-ip allartisimalernerani pisinnaasoq.

Naalackersuisoqarfiup akissutaa tusaatissatut tiguara, Naalackersuisoqarfimnulli eqqaasitsissutigalugu kommunit isumaginninnermi malittarisassanik malinninneran-nik Naalackersuisut nakkutilliinerisa annertussusiat pillugu oqaaseqaatinni 25. maj 2009-meersumi ilaatigut makku oqaatigigikka:

Naalackersuisut nakkutilliineranni sulianik ataasiakkaanik misissuinissamut pisus-saaffik taamatuttaaq ilaasoq, aamma misissuiartorluni angalanerit Naalackersuisoqar-fiup kommunini ingerlataasa avataanni, pisussaaffillu taanna misissuinerup qanoq inernilerneqarsinnaanerani imaluunniit Isumaginninnermi Naammagittaalliuuteqar-tarfimmut naammagittaalliuuteqartoqannginnerani naammagittaalliornissamut piffis-saliussap naasimaneranit killissalersugaanngitsaq.

8. *Sulianut ukiuni siusinnerusuni nalunaarutini eqqartorneqartunut malitseqartitsineq. Suliat*

Taamaattumik naatsorsuutigaara kommuniq suliarinninnermini kukkunerisimasinnaasai isumaginninnermik ingerlatsivimmi sulisussaaleqinermik pissuteqarsinnaasut Naalakkersuisoqarfiup malugiguniuk pissutsit qanoq iliorluni aqqinniarneqarsinnaanersut misissussagaa.

Suliami matuma kingornatigut annertunerusumik iliuuseqaaqqissanngilanga."

2009-mi ukiumoortumik nalunaarut, immikkoortoq 7, qupperneq 421

Sulianik akiliisitsiniarnermut tunngasunik misissuineq (j.nr. 2009-901-0026)

Suliami matumani sulianilu allani Akileraaruserivimmut saaffiginnissutinnut akissutiniq suli tigusaqannginnama pissuseq tamanna Inatsisartunut Naalakkersuisunullu 11. maj 2010-mi nalunaarutigaara.

Aningaasaqarnermut Naalakkersuisoqarfik ajornartorsiut taanna pillugu 16. august 2010-mi ataatsimeeqatigaara, suliallu akineqarnissaannut pilersaarusiaq Naalakkersuisoqarfiup ataatsimiinneq taanna tunngavigalugu suliaraa.

Suliaq 2009-901-0026-mik j. normoqartoq pilersaarut taanna malillugu 2010-p naannginnerani akineqartussaagaluarpoq.

Naalakkersuisoqarfiulli akissutaanik ukiup nalunaarusiuunneqartup naanerani suli tigusaqanngilanga.

Ilanngussat

Inatsisartut Ombudsmandiat pillugu Inatsisartut inatsisaat nr. 8, 3. december 2009-meersoq

Kapitali 1

Inatsisartunut attaveqarneq

§ 1. Inatsisartunut qinersisoqareernerit tamaasa atorfillu inuttaarukkaangat Inatsisartut Ombudsmandimik qinersisassapput.

Imm. 2. Ombudsmandi Inatsisartunit tatigineqarunnaarpat Ombudsmandi Inatsisartut soraarsissinnaavaat.

§ 2. Ombudsmandi toqppat Ombudsmandip suliai Inatsisartut ombudsmandimik nu-taamik qinersinissaasa tungaannut kimit suliarineqassanersut Inatsisartut Inatsisit Ator-tinneqarnerannut Ataatsimiititaliaata aalajangissavaa.

§ 3. Inatsisartunut Naalakkersuisunullu ilaasortat kommuninilu qinikkatut ilaasortat Ombudsmandip suliassaanik suliaqarsinnaanngillat.

Imm. 2. Ombudsmandi inatsisilerituutut soraarummeernermi angusisimasuusaaq.

§ 4. Ombudsmandi qaammatinik arfinilinnik siumut ilisimatitsilluni qaammatip naane-rani soraarsinneqarnissaminik piumasaqarsinnaavoq.

Imm. 2. Ombudsmandi qaammatip 65-inik ukioqalerfimmi naanerani soraarsinneqas-saaq.

§ 5. Inatsisartunut qinersereernerit tamaasa kiisalu Ombudsmanditut atorfiup inuttaa-runnerani Inatsisartut Ombudsmandimut taartaasartoq toqqassavaat, taannalu Ombuds-mandip suliassani suliame peqataasinnaassuseqannginnerup nassatarisaanik isumagisin-naajunnaarpagit Ombudsmanditut sulisassaaq.

Imm. 2. Suliami pissutsinik Ombudsmandip arlaannaannilluunniit illersuisuunnginne-ranik qularutiginnilersitsisinnaasoqarpat Ombudsmandip suliaq Inatsisartut Inatsisit A-tortinneqarnerannut Ataatsimiititaliaannut nassiutissavaa, Ataatsimiititaliallu suliaq Ombudsmandimut taartaasartumut Inatsisartut qinigaannut suliarisassanngortillugu tun-niutissavaa.

Imm. 3. Ombudsmandi Inatsisartut Inatsisit Atortinneqarnerannut Ataatsimiititaliaat akuersiseqqaartinnagu pisortat namminersortulluunniit suliffiutaanni, ingerlassaanni, atorfeqarfiutaanni imaluunniit peqatigiiffinni suliffeqaqqusaanngilaq.

§ 6. Ombudsmandi suliameinik ingerlatsinermini Inatsisartunut attuumassuteqanngilaq.

Imm. 2. Inatsisartut Ombudsmandip sulinera pillugu aalajangersakkanik nalinginnaa-sunik aalajangersaasinnaapput.

Kapitali 2

Ombudsmandip pisinnaatitaanera

§ 7. Kalaallit Nunaanni Namminersorlutik Oqartussat kommunillu ataanni pisortat ingerlatsinerisa ilaat tamarmik Ombudsmandip sulinerani ilaatinneqarput.

Imm. 2. Ataatsimiititaliat, namminersortut imaluunniit inuit ataasiakkaat akornanni saqitsaassutunik isumannaatsumik periaaseqarlutik aalajangiisartut pillugit naammagittaalliuutit Ombudsmandip suliarissanngilai, naak ataatsimiititaliat pineqartut pisumi alami pisortat ingerlatsinerannut ilaasutut isigineqaraluartut.

Imm. 3. Ingerlatseqatigiiffiit, suliffeqarfiit, peqatigiiffiit, il.il. aqutsinermi allaffissorluni aalajangiinikkut pisortat ingerlatsineranni suliasat suliarineqartarnerat pillugu Inatsisartut inatsisaannut, pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaannut imaluunniit inuit pillugit paasissutissanik nalunaarsuineq pillugu inatsiseqartitsinermut ilanngunneqarpata Ombudsmandi aalajangiisinnaavoq suliffeqarfiit pineqartut tamatuma annertoqataanik Ombudsmandip sulinerani pineqartunut ilaatinneqassasut.

§ 8. Kommunit ingerlatsinerannik naliliinermi kommunit aqutsineranni atugassarititaasut Ombudsmandip mianerissavai.

§ 9. Ilageeqarnek, pissutsit ilageeqarnermut tunngasut pillugit aalajangersakkanik Namminersorlutik Oqartussat aalajangersaasinnaanerattut annertutigisumik, Ombudsmandip susassarisaanut ilaavoq, matumani apeqqutit ilagiit ajoqersuutaannut imaluunniit upperisamik nalunaajaanerannut toqqartumik allatigulluunniit tunngassuteqartut eqqaassanngikkaanni.

§ 10. Ombudsmandi sulinini pillugu Inatsisartunut ukiumoortumik nalunaarusiortasaaq. Nalunaarut Inatsisartut ukiakkut nalinginnaasumik ataatsimiinnerminni oqaluuse-rissavaat. Nalunaarut tamanut saqqummiunneqartassaaq.

Imm. 2. Ombudsmandi suliaq aalajangersimasoq pillugu Inatsisartunut, Naalackersuisunut imaluunniit kommunalbestyrelsimut § 23 naapertorlugu nalunaaruteqarpat, imaluunniit Ombudsmandip suliaq aalajangersimasoq ukiumoortumik nalunaarummini eqqartorsimappagu, pineqartup misissuinermi imminut sammitinneqartumi imminut illersorluni oqaaserisai Ombudsmandip nalunaarummi imaluunniit ukiumoortumik nalunaarummi paasissutissiissutigissavai.

§ 11. Ombudsmandi Inatsisartut inatsisaanni, Inatsisartut peqqussutaanni imaluunniit aqutsinermi allaffissornikkut aalajangersakkani atuuttuni amigaateqartoqarneranik paasisaqaruni tamanna pillugu Inatsisartunut Naalackersuisunullu nalunaaruteqassaaq. Kommunini aalajangersakkat amigaataat eqqarsaatigalugit Ombudsmandi kommunalbestyrelsimut pineqartumut nalunaaruteqassaaq.

§ 12. Oqartussat § 7-imi taaneqartut pillugit naammagittaalliuutit kimilluunniit Ombudsmandimut naammagittaalliuutigineqarsinnaapput. Kinaluunniit kiffaanngissusiigaasimasoq allakkatigut matoqqasutigut Ombudsmandimut saaffiginninnissaminut pisinnaatitaavoq.

Imm. 2. Naammagittaalliorup atini najugaqarfinilu nalunaarutigissavai, naammagittaalliuutip suliarinera pillugu nalunaarutinik Ombudsmandip naammagittaalliorumut nassiussiffigisinnaasaanik.

Imm. 3. Naammagittaalliuutiginiagaq pisup pineranit ukioq ataaseq qaangiutsinnagu suliassanngortinneqassaaq.

Imm. 4. Imm. 3-mi piffissaliunneqartoq Ombudsmandip pisuni immikkut ittuni sivit-sorsinnaavaa.

§ 13. Pissutsit ingerlatsinermi oqartussaasumut allamut naammagittaalliuutigineqarsinnaasut pillugit naammagittaalliuutit aqutsinermi allaffissornikkut oqartussaasumit qulliuernerusumit aalajangiiffigineqareersimatinnagit suliassanngortinneqarsinnaanngilat.

§ 14. Naammagittaalliuut misissuineramik aallartitsinermut pissutigissallugu naammanersoq Ombudsmandip aalajangissavaa.

Imm. 2. Ombudsmandi naammagittaalliuutip suliarinissaa itigartitsissutiginiarlugu aalajangeruni ajornanngippat naammagittaalliornissamut periarfissat allat pillugit ilitser-suissaaq.

§ 15. Ombudsmandi suliamik nammineerluni misissuiffiginnilersinnaavoq.

Imm. 2. Ombudsmandi oqartussap sulianik suliarinninnera pillugu ataatsimut misissuiffiginninnernik ingerlatsisinnaavoq.

§ 16. Atorfeqarfiit imaluunniit suliffeqarfiit kiisalu atorfeqarfigisat allat suugaluartulluunniit Ombudsmandip sulinerani pineqartunut ilaatinneqartut Ombudsmandip misissuiffigisinnaavai. Ombudsmandip misissuinermut taamaattumut atatillugu, §§ 19-20-p nassatarisaasa saniatigut, pissutsit suliffeqarfiup oqartussaasulluunniit aqqissuussaaneranut ingerlanneqarneranullu tunngasut kiisalu pissutsit suliffeqarfiup oqartussaasulluunniit atuisuisa ingerlataasalu suliarineqarnerannut ingerlanneqarnerannulluunniit tunngasut isummat inuppalaassutsimut inunnillu ikiuinermut tunngasut aallaavigalugit naliiffigisinnaavai.

§ 17. Naalliutsitsisarneq allatullu peqqarniingartumik, inuppalaanngitsumik imaluunniit nikanarsaataasumik pinnittarneq imaluunniit pillaaarneq akiorniarlugu Naalagaaffiit Peqatigiit isumaqatigiissutaannut ilassut 18. december 2002-meersoq nammineq piussuseq malillugu ilannguffigineqarsinnaasoq tunngavigalugu nuna tamakkerlugu pinaveersaartitsisutut suliassaq Ombudsmandip ilassummi aalajangersakkat tunngavigalugit isumagissavaa.

Kapitali 3

Ombudsmandip sulianik suliarinnittarnera

§ 18. Oqartussat Ombudsmandip sulinerani pineqartunut ilaatinneqartut paasissutissanik allagaatinillu il.il. Ombudsmandip tunniuteqqusaanik Ombudsmandimut nalunaaruteqarnissaminnut tunniussinissaminnullu pisussaataapput.

Imm. 2. Ombudsmandip oqartussat sulinermini pineqartunut ilaatinneqartut allakkatigut oqaaseqaateqaqqullugit piunasaqarfigisinnaavai.

Imm. 3. Ombudsmandi inunnik misissuinermini pissutsit pingaaruteqartut pillugit eqqartuussivimmi nassuiaateqartussanik aggeqqusisinnaavoq. Nassuiaatit eqqartuussivimmi killisiuisarneq pillugu malittarisassat malillugit saqqummiunneqassapput.

Imm. 4. Ombudsmandip atorfeqarfiit imaluunniit suliffeqarfiit atorfeqarfiusulluunniit allat suugaluartut oqartussat § 7-imi taaneqartut il.il. suliassaannik ingerlatsiffiusut ornillugit misissuiffigisinnaavai, ininullu tamanut isersinnaatitaalluni.

§ 19. Oqartussat inuilluunniit, Ombudsmandip sulinerani pineqartunut ilaatinneqartut, inatsisinik atuuttunik unioqqutitsisumik iliuseqarnersut imaluunniit allatut iliorlutik suliassaminik ingerlatsinermini kukkussuteqarnernut sumiginnaanernulluunniit pisuusuteqarnersut Ombudsmandip misissussavaa.

Imm. 2. Pisortat ingerlatsineranni suliassat suliarineqartarnerat pillugu Inatsisartut inatsisaanni tunngaviit, tunngaviit allagaatinik paasitinneqarsinnaatitaaneq pillugu malittarisassanut tunngaviusut ilaatinngit, Ombudsmandip sulianik suliarinninnerani aamma taamatut atuutissapput.

§ 20. Ombudsmandi isornartorsiuissinnaavoq, inassuteqaateqarsinnaalluni suliarlu pillugu paasinninnerminik saqqummiussisinnaalluni.

§ 21. Oqartussaq inulluunniit pineqartoq oqaaseqaateqarnissamut periarfissinneqareersimatinnagu Ombudsmandi isornartorsiuilluni, inassuteqaateqarluni il.il. oqaaseqaateqassanngilaq.

Imm. 2. Ombudsmandip aalajangersinnaavaa tusarniaanermi allakkat, oqaaseqaataagallartoq, nassuiaataagallartoq imaluunniit § 15 naapertorlugu suliniut Ombudsmandip nammineerluni misissuiffigisassanngortitaa pillugu nalunaarusiaagallartoq pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat aamma pisortat ingerlatsineranni suliassat suliarineqartarnerat pillugu Inatsisartut inatsisaat tunngavigalugu suliame allagaatinik paasitinneqarsinnaatitaanermut aatsaat ilaatinneqalisasooq inaarutaasumik oqaaseqaatip, inaarutaasumik nassuiaatip imaluunniit inaarutaasumik nalunaarusiap oqartussaasumut pineqartumut ullup nassiussiviusup aqaguani.

§ 22. Pissutsit Ombudsmandip sulinerani pineqartunut ilaatinneqartut pissutigalugit suliap pineqartumut aningaasartuutaanngitsumik eqqartuussivikkut suliarineqarnissaa Ombudsmandip inassuteqaatigisinnaavaa.

§ 23. Ombudsmandip suliamik misissuinerata takutippagu pisortat ingerlatsivianni anertunerusumik kukkussuteqartoqarsimanissaa imaluunniit sumiginnaasoqarsimanissaa ilimagisariaqartoq, Ombudsmandi suliaq pillugu Inatsisartut Inatsisit Atortinneqarneranut Ataatsimiititaliaannut tamatumunngalu peqatigitillugu Naalakkersuisunut imaluunniit kommunalbestyrelsimut nalunaaruteqassaaq.

§ 24. Ombudsmandip aalajangiineri, oqaaseqaatai il.il. pissutigalugit innuttaasunik eqqartuussisarneq pillugu inatsimmi periaatsit tunngavigalugit Ombudsmandimik eqqartuussivimmuut suliaassanngortitsinerit Ombudsmandip piumasaqarnera tunngavigalugu eqqartuussivimmit tunuartinneqarsinnaapput.

Kapitali 4

Pissutsit aaqqissuussaanermut tunngasut

§ 25. Ombudsmandi Inatsisartut Allattaanerattut akissarsiaqartinneqassaaq. Ombudsmandi tamatuma saniatigut pissutsit qanoq ittuunerat apeqquaatillugu inummup tapilernerqarsinnaavoq. Ombudsmandi sulilernerminut soraarnerminullu atatillugu akiliunneqarluni angalasinnaatitaavoq, nuunnermilu aningaasartuutinik akiliunneqarsinnaatitaalluni. Ombudsmandi Ombudsmandiujunnaarnerisutisiaqarsinnaatitaavoq soraarnerussutisiaqarsinnaatitaallunilu il.il., Naalakkersuisuni ilaasortanut tamakku pillugit malittarisassat atuuttut tunngavigalugit.

Imm. 2. Ombudsmandip imm. 1 tunngavigalugu Ombudsmandiujunnaarnerisutisarnermut soraarnerussutisarnermullu taarsiullugu soraarnerussutisiaqartitsinermik aaqqissuussinermut Ombudsmandip toqqagaanut Ombudsmandip akissarsiai tunngavigalugit soraarnerussutisianut akileeqataassutinik Inatsisartut akileraassussinissaat qinnuteqaatigisinnaavaa. Ombudsmandi soraarnerussutisiaqartitsinermi aaqqissuussineq immi-
nut atorneqartussaq suli toqqarnagu toqkukut qimaguppat aappaasumut soraarnerussutisartinneqartussat aalajangersarneqarneranni aaqqiissut aappaasumut iluaqutissarsiviu-
nerpaasoq toqqarneqassaaq.

Imm. 3. Ombudsmandi siumut ilisimatitsissutaanngitsumik tunuartaqassaguni akissarsiasani qaammatip tunuarfimmi naanerani qaammatini pingasuni piginnassavai. Ombudsmandi piffissaq taanna naanngitsoq toquppat akissarsiassaasa ilaat toqunerata nalaani tunniunneqarsimannngitsut Ombudsmandip aapparisaata, imaluunniit aapparisa-
minik qimataqanngippat, Ombudsmandip qitornaasa meeqqanut qimataanersutininik pi-
sinnaatitaasut pissavaat. Akissarsiasat tunniunneqartartillugit Ombudsmandiujunnaar-
nersutininik soraarnerussutisianilluunniit tunniussisoqassanngilaq.

§ 26. Ombudsmandip sulisuni nammineq atorfinitsittassavai soraarsittassallugillu. Taakkua qassiunissaat, akissarsiassaata aamma soraarnerussutisiassaata Inatsisartut Sule-
riaasianni malittarisassat tunngavigalugit aalajangersarneqassapput.

Imm. 2. Ombudsmandip missingersuutai Inatsisartut missingersuutaasa ilagaat.

Imm. 3. Ombudsmandip naatsorsuutaanik saqqummiussineq kukkunersiuinerlu Inatsi-
sartut Suleriaasianni aalajangersarneqassapput.

Imm. 4. Ombudsmandi naatsorsuuserinerminut imminullu aningaasaliissutigineqartut aqunneqarnerinut akisussaavoq.

Imm. 5. Ombudsmandi aaqqissuussaannermini suliassat naammassiniarnerini oqartussaasunit allanillu Ombudsmandip nakkutilliinerani pineqartunut ilaatinneqartunit kiffartuussinernik ikiorneqarnermilluunniit pissarsiniarpat Ombudsmandip oqartussaasoq pineqartoq suliassap naammassiniarneqarnissaa pillugu isumaqatigiissuteqarfigissavaa.

§ 27. Ombudsmandip suliassani sulisumi ilaata utaqqiisaagallartumik suliarissagai aalajangersinnaava.

§ 28. Ombudsmandi pissutsinik sulinermini ilisimalersimasaminik nipangiussisussaa-titaavoq, isertuussinissaq pissutsit imminni pissusissamisoortuutippassuk. Nipangiussi-sussaatitaaneq Ombudsmandip atorfirminit tunuarneratigut atorunnaarneq ajorpoq. Taamatut pisussaaffiligaaneq Ombudsmandip sulisuinut aamma atuuppoq.

Imm. 2. Inuit, suliffeqarfiit aqutsinermilu allaffissornikkut oqartussaasut Ombudsman-dip suleqatigiinnissamik isumaqatigiissuteqarfigisai paasissutissat isertuussassat Om-budsmandip oqartussaasumut, inummut imaluunniit suliffeqarfimmu pineqartumut ni-pangiussisussaatitaanngitsumut ingerlateqqillugit tunniussai eqqarsaatigalugit taanna ni-pangiussisussaatitaassasoq Ombudsmandip aalajangersinnaavaa.

§ 29. Taaguut Ombudsmandi imaluunniit taaguut alla taassumunnga paarlaanneqarsin-naasoq inatsimmik Inatsisartunit akuersissutigineqarsimasumik tunngaveqartinneqan-gikkuni atorneqassanngilaq.

Kapitali 5

Atuutilersitsineq il.il.

§ 30. Inatsisartut inatsisaat manna 1. januar 2010-mi atuutilerpoq.

Imm. 2. Tamatumunnga peqatigitillugu Inatsisartut Ombudsmandiat pillugu Inatsisar-tut inatsisaat nr. 7, 13. juni 1994-imeersoq atuukkunnaarsinneqarpoq.

Imm. 3. Taamaattorli naammagittaalliuutit inatsisip matuma atortuulersinneqannginne-rani Ombudsmandimut naammagittaalliuutigineqarsimasut Inatsisartut Ombudsmandiat pillugu Inatsisartut inatsisaat nr. 7, 13. juni 1994-imeersoq aamma Ombudsmandip suli-nera pillugu Aalajangersakkat Nalinginnaasut 14. juni 1995-imeersut tunngavigalugit suliarineqassapput.

Namminersorlutik Oqartussat, ulloq 3. december 2009

Kuupik Kleist

/

Peter Schultz

Siunnersuut pillugu nassuiaatit

Nassuiaatit nalinginnaasut

1. Aallaqqaasiut

Inatsisartut Ombudsmandiat pillugu Inatsisartut inatsisissaattut nr. 7-itut, 13. juni 1994-imeersutut ullumikkut atuuttuusoq, pisortat ingerlatsineranni suliasat suliarineqartarnerat pillugu Inatsisartut inatsisissaattut kiisalu pisortat ingerlatsinerat pillugu paasitinnerqarsinnaatitaaneq pillugu Inatsisartut inatsisissaattut siunnersuutit tamatumunnga peqatigitillugit oqaluuserineqartut piareersarlugit suliarineqarneranni arlalinnit oqaatigineqarpoq Inatsisartut inatsisaat taakku pingasut inatsisiliatut imminnut ataqatigiissutut Inatsisartunit isigineqartut ineriartortitsineq misilittagaalersullu tunngavigalugit allanngortinneqartariaqartut.

Pingaartumik Inatsisartut Ombudsmandiat pillugu Inatsisartut inatsisaannut atatillugu Inatsisartut 1993-imi ukiakkut ataatsimiinneranni siullermeerinermi oqaatigineqarpoq Ombudsmandi pillugu Danmarkimi inatsimmi, Kalaallit Nunaanni inatsimmut tunngavigineqartumi, allannguutit Inatsisartunit ingerlaavartumik malinnaaffigineqartariaqartut.

Ombudsmandi pillugu Danmarkimi inatsit tamatuma kingornagut Folketingip Ombudsmandia pillugu inatsisikkut nr. 473-ikkut 12. juni 1996-imeersukkut immikkoortutigit arlalitsigut allanngortinneqarpoq.

Ombudsmandip misilittakkat arlallit sulinermi ingerlanerani katersorsimavai, taakkulu takutippaat Inatsisartut inatsisaanni tassani aalajangersakkat arlallit ilaanneeriarlutik nalornissutissaqalersitsisartut. Aammattaaq inatsisip kalaallisut oqaasertai ataasiakkaatigut inatsisip qallunaatut oqaasertalersorneqarneranut nikingassuteqartut paasineqarpoq.

Qanoq paasinninnissamik nalornissutit Inatsisartut inatsisaanni atuuttumi eqqartorneqartunut ukununnga tunngasumik pilersimapput:

- Ataatsimiititaliat, aalajangiisartut allallu aalajangiinissamut oqartussaassuseqartut, Inatsisartunilu ilaasortanit ilaasortaaffigineqartunut ilanngullugit eqqarsaatigalugit Ombudsmandip sulinermini pisinnaatitaanerani killissalersuineq.
- Aktiaateqarluni ingerlatseqatigiiffinnik Namminersorlutik Oqartussanit pigineqartunik Ombudsmandip sulinermini pisinnaatitaaneranut ilanngussineq.
- Ombudsmandip inunnik ataasiakkaanik oqartussaasumit atorfeqartitaasunik misissuineri.
- Ombudsmandip Inatsisartunut, Naalakkersuisunut kommunalbestyrelsinullu nalunaarutiginnittussaataitanaera.

- Inatsimmi atuuttumi § 6, imm. 2-mi oqaaseqatigiit siulliit kalaallisut qallunaatullu oqaasertaasa assigiinngissuteqarnerat.
- Malittarisassalioriaaseq, Inatsisartut inatsisaata saniatigut Inatsisartunit Ombudsmandimut peqqusissummik oqartussaaffiup iluani peqqusissutigineqartumik atuiffiusoq, soorlu Ombudsmandip Sulinera pillugu Aalajangersakkat Nalinginnaasut aqutugalugit taamaattoqartoq. Peqqusissutit taamaattut atuunnerminni innuttaasunut oqartussaasunullu, Ombudsmandip sulinerani sammineqartunut, inatsisitut kimeqanngillat.
- Ombudsmandip akissarsiaqarsinnaatitaanerani soraarnerussutisiaqarsinnaatitaanerani aalajangersaaneq.
- Ombudsmandip oqartussaasunut nakkutigisassaminut attuumassuteqartuunnginneraniq qulakkeerinnineq.

Aammattaaq oqaatigineqassaaq Ombudsmandi, Ombudsmandeqarfiup inuiaqatigiinni saqqumilaartuunissaaniq pisariaqartitsineq matussuserniarlugu, kommuninut angalasar-simammat tamatumunngalu atatillugu kommunit ingerlatsiviini sulianik siumut aalajangeriigaanngitsumik toqqakkanik tigulaarluni misissuineritigut sulianillu tigulaarineritigut kommunit sulianik suliarinninnerannik nakkutilliisarsimalluni. Taamaattumik misissuinerimik suliaqarneq Ombudsmandip suliassaasa nalinginnaasut ilagigaat inatsisikkut aalajangersarneqarpat tamanna naleqquttuusorinarpoq. Aalajangersakkap taassuma tamatumunnga peqatigitillugu Aalajangersakkani Nalinginnaasuni § 2, imm. 3 ingerlateq-qissavaa.

Naalakkersuit aammattaaq Ombudsmandimut 14. maj 2009-mi saaffiginnippot, Ombudsmandi Naalagaaffiit Peqatigiit naallititsisarneq allatullu peqqarniingartumik, inuppalaanngitsumik imaluunniit nikanarsaataasumik pinnittarneq imaluunniit pillaasarneq akiorniarlugit isumaqatigiissutaanut ilassut 18. december 2002-meersoq nammineq piuumassuseq malillugu ilannguffigineqarsinnaasoq tunngavigalugu nuna tamakkerlugu pinaveersaartitsisutut suliassamik tiguserusussinnaanersoq paasiniarlugu.

Saaffiginnissut taanna Danmark eqqarsaatigalugu Danmarkimi Folketingip Ombudsmandiata suliassamik taassuminnga suliassinneqarsimaneraniq tunngaveqarpoq.

Folketingilli Ombudsmandia oqartussaasunik suliffeqarfinnillu Kalaallit Nunaanni Namminersorlutik Oqartussat Savalimmiunilu Namminersornerullutik Oqartussat ataanniittunik misissuinissaminut pisinnaatitaanngilaq. Nunanut Allanut Ministereqarfiup periaatsinik assigiinnik pilersitsisoqarnissaa anguniarlugu Kalaallit Nunaanni Ombudsmandi Savalimmiunilu Ombudsmandi oqartussaasut suliffeqarfiillu pineqartut eqqarsaatigalugit nuna tamakkerlugu pinaveersaartitsisutut toqqarneqassasut Kalaallit Nunaanni Namminersorlutik Oqartussanut Savalimmiunilu Namminersornerullutik Oqartussanut siunnersuutigisimavaa.

Inatsisartut Ombudsmandiata suliassamik taassuminnga isumaginnissaguni pisariaqarneratut attuumassuteqanngitsooreernerata nassatarisaaniq, suliassallu nuna tamakkerlu-

gu pinaveersaartitsisup isumagisassaanut assingusut Ombudsmandip annertuutigut isumagisarereermagit suliassap taassuma Inatsisartut Ombudsmandiannut inissinneqarnissaa aaqqiissutissaqqissorinarpoq, tamatumunngalu peqatigitillugu naleqquttuusorinarluni - inuiaqatigiit aningaasaqarnerannit aamma isiginiarlugu - nakkutilliisoqarfimmik nu-taarluinnarmik pilersitsisoqarnissaanut taarsiullugu.

Isumaqatigiisummut ilassummi aalajangersakkat tunngavigalugit nuna tamakkerlugu pinaveersaartitsisutut sulineq Inatsisartut Ombudsmandiat pillugu Inatsisartut inatsisaa-tigut atuuttukkut tamakkiisumik aalajangersaavigineqarsimanngilaq. Inatsisissatut siun-nersuummi matumani misissuinissamut piginnaatitaanerpiap ilanngunneqarnissaa siun-nersuutigineqaraluartoq manna naleqquttuusorinarpoq, tassalu nuna tamakkerlugu pina-veersaartitsisumut pissutsit immikkut ittut isumaqatigiisummi immikkut taaneqartut, matumani inatsisiliaassamaartut pillugit oqaaseqaateqarnissamut aamma suliffeqarf-inik pisortat ingerlatsiviisa avataanniittunik misissuinissamut pisinnaatitaaneq ilanngul-ugit eqqarsaatigalugit, Kalaallit Nunaanni Ombudsmandi pillugu inatsimmi immikkut aalajangersakkatut ilanngunneqarnissaat.

Tamanna pillugu aalajangersagaq inatsisissatut siunnersuummi § 17-itut ilanngunneqas-sasoq siunnersuutigineqarpoq.

Aktiaateqarluni ingerlatseqatigiiffiit Namminersorlutik Oqartussanit pigineqartut Om-budsmandip sulinerani pineqartunut Ombudsmandi pillugu inatsimmi atuuttumi § 4, imm. 2 tunngavigalugu ilanngunneqarnerat sulinermi qanoq paasinninnissamik nalornis-sutissaqalersitsisarsimavoq.

Suliassat suliarineqartarnerat pillugu inatsimmi § 1, imm. 2, paasitinneqarsinnaatitaaneq pillugu inatsimmi § 1, imm. 2 aamma pisortani oqartussaasut nalunaarsuiffii pillugit i-natsimmi § 2 tamarmik piginnaatitsissummik imaqarput, tassalu Naalakkersuisut nalu-naarutikkut aalajangersarsinnaagaat Inatsisartut inatsisaat pineqartut ingerlatseqatigiif-finnut, suliffeqarfinnut, peqatigiiffinnut il.il. erseqqinnerusumik taaneqartunut, pisortat ingerlatsineranni ilaasutut isigineqarsinnaanngitsunut atuutissasut. Taamaattorli pigin-naatitsissutit taakku atuutissapput pineqartut taakku sulineranni aningaasartuutit Nam-minersorlutik Oqartussanit kommuninilluunniit annertunerusutigut aningaasalersorne-qartarpat, imaluunniit pineqartut taakku Inatsisartut inatsisaat imaluunniit Inatsisartut peqqussutaat tunngavigalugu Namminersorlutik Oqartussat imaluunniit kommuni sin-nerlugu aalajangiinissamut piginnaatinneqarsimappata.

§ 7, imm. 3-mi aalajangersagaq § 4, imm. 2-mik massakkut atuuttumik ingerlatitseqqit-tussatut siunnersuutigineqartoq Ombudsmandi pillugu inatsisip aamma ingerlatsineq pil-lugu nalinginnaasumik inatsiseqartitsinerup atuuffigisaasa ataqatigiissuutinneqarnis-saannik kissaateqarnek taamaalillunilu Ombudsmandip nakkutilliinerata assigiisaartuu-nissaa tunngavigalugu isiginiarneqassaaq, suliffeqarfiit ilaannakortumik pisortanit pigi-neqartut namminersortulluunniit Ombudsmandip sulinerani ilanngunneqarnerisa inatsi-

sikkut imaluunniit allaffissornermik aqutsinermi aalajangiinikkut aalajangersarneqarnerat imaluunniit ilanngussinerup inatsisini malittarisassani inatsiseqartitsinikkulluunniit tunngavinni inatsisikkut aalajangersagaanngitsuni pineqartunut ilaatinneqarnerat apeq-qutaatinnagu.

Ombudsmandip aaqqissuusaanikkut Inatsisartut aamma Naalakkersuisut eqqarsaatigalugit taakkununga attuumassuteqartuunnginnera inatsisissatut siunnersuutikkut aammattaq erseqqissarneqarpoq.

Malittarisassanik Ombudsmandip Atorfeqarfiata eqqartuussiveqarnerullu akornanni pisisusunik aqutsisunik aalajangersaanissaq pisariaqarsorineqanngilaq, tassami eqqartuussiveqarneq naalagaaffiup ullumikkut oqartussaaffigisaanut ilaammat, Namminersorlutik Oqartussat taamalu aamma Ombudsmandip pisinnaatitaanerata avataaniittoq.

Inatsisartut Siulittaasoqarfiata Ombudsmandip saaffiginninnerata kingornatigut Inatsisartut Ombudsmandiat pillugu Inatsisartut inatsisaata allannguutissaatut siunnersuut 2000-imi suliaraa.

Siunnersuut taanna naalagaaffimmi, Namminersornerullutik Oqartussani kommuninilu aqutsinikkut oqartussaasunut arlalinnut tusarniaatigalugu nassiunneqarsimavoq, taamattuarlu Kalaallit Nunaata Eqqartuussivia tusarniaavigineqarsimalluni. Taakkua saniatigut KANUKOKA aamma Folketingip Ombudsmandia siunnersuut pillugu tusarniaavigineqarsimapput.

Tusarniaanermut akissutit tiguneqartut pingaartumik kommunit soqutigisaannik saqqummiussisut sulianik suliarinninnermi pitsaassuseqartitsineq naammaginarloq qulakkeerniarlugu kommunit pitsaanusumik tunngavissaqalernissaannik pisariaqartitsineq pillugu ataatsimuunerusoq oqaasertaligaasunik tikkuussisuupput.

Tamanna tunngavigalugu inatsisissatut siunnersuummik saqqummiussinissaq unitsikkallarneqarsimavoq, tusarniaanermi akissutini pisariaqartitatut saqqummiunneqartup anertussusiata naliliivigineqarnissaa siunertaralugu.

Massakkut pineqartoq tassaavoq kommunit (aqutsinermilu allaffissornermik oqartussasut allat) sulinerminnik suliassat suliarineqartarnerat pillugu malittarisassanut naleqqusaanissaminnut ukiut 15-it sinnerlugit periarfissaqareersimalerterat, Ombudsmandillu ataatsimut paasinninnera unaavoq aqutsinikkut allaffissornerup pitsaassusia piffissap ingerlanerani pitsanngoriartinneqarsimasoq, suliassat suliarineqartarnerat pillugu inatsisip atortuulersinneqarnerata kingornatiguinnaanngitsoq, aammali piffissami Ombudsmandi pillugu inatsisip allanngortinneqarnissaanik siunnersuutip 2000-imi tusarniaatigalugu nassiunneqarnerata kingornatigut ingerlasimasumi.

Tamatuma saniatigut pineqartoq tassaavoq kommunini suliassa qarfiit aaqqissuuteqqinneqarnerat pillugu Inatsisartut inatsisaata nr. 14-ip, 19. november 2007-imeersup atorulersimanera, tamatumalu nassataralugu nunami maani kommunit 18-iusut 1. januar 2009 aallarnerfigalugu kommunerujussuarnut sisamanut katigutsinneqarsimanerat. Tamatumunnga peqatigitillugu nammagassanik suliassanillu agguataarinermik iluarsaaqqinneq ingerlanneqarsimavoq, tamatumalu nassataralugu akileraaruserinerup ingerlanneqarneranut akisussaaffiup akiliisitsiniarnermullu oqartussaanerup Namminersorlutik Oqartussanit tiguneqarnerat.

Ombudsmandip Siulittaasoqarfimmut oqaatigisimavaa Ombudsmandi sulisunilu aqutsinermi allaffissornikkut immikkoortotaqarfiit nutaat ilusilersuinermik iluarsaaqqinnerup kingunerisaanik pilersimasut eqqarsaatigalugit atuartitsinermik paasisitsiniaanermillu suliaqarnissaminut piareersimasut.

Kiisalu Kalaallit Nunaanni Namminersorlutik Oqartussat pillugit inatsisikkut, 21. juni 2009-mi atortulersukkut aalajangersarneqarpoq Kalaallit Nunaanni pissaaneq pingasunut agguataagaasoq, tak. inatsimmi tassani § 1, taamatuttaarlu Namminersornerullutik Oqartussani oqartussaasut/immikkoortut pillugit taaguutit qallunaatuui manna tikillugu atuussimasut Namminersorlutik Oqartussat atulersinneqarnerisigut allangortinneqarsimapput, tassa qallunaatut taaguutit Landstinget aamma Landsstyret atorunnaarlutik Inatsisartut aamma Naalakkersuisut aamma qallunaatut taaguutigittinneqalersimammata.

Tamanna tunngavigalugu Inatsisartut Siulittaasoqarfiata paasinninnera unaavoq inatsisissatut siunnersuummik saqqummiussinissamat piffissanngorsimasoq, taamaalilluni Ombudsmandi pillugu inatsit allangortitaaq Namminersorlutik Oqartussat kommunillu ilusilersuinnikkut allangortinneqarsimasut Ombudsmandimit nakkutigineqarnerannut tunngaviusinnaaleqqullugu.

2. Siunnersuummi immikkoortut pingaarnerit

Inatsisissatut siunnersuut immikkoortunik pingaarnerik imaattunik nassataqarpoq:

- Aalajangersakkat Nalinginnaasut atorunnaarsinneqassapput, inatsisissatullu siunnersuummut ilanngunneqarlutik.
- Inatsisip paasiuminarsagaasumik imatut aaqqissoqqinneqarnissaa siunnersuutigineqarpoq, tassalu inatsisip paasinarlungorsarnissaa eqqarsaatigalugu kapitalinut imaalillugu agguarneqassasoq: Ombudsmandip Inatsisartunut pissusai pillugit aalajangersakkat nalinginnaasut inatsimmi §§-ini 1-imit 6-imut katersorneqarlutik, Ombudsmandip pisinnaatitaanera pillugu malittarisassat inatsimmi §§-ini 7-imit 17-imut katersorneqarlutik, Ombudsmandip sulianik suliarinnittarnera aamma qisuariarnissaminut periarfissai inatsimmi §§-ini 18-imit 24-mut katersorneqarlutik, Ombudsmandeqarfiup iluani pissusit pillugit malittarisassat inatsimmi §§-ini 25-mit 29-mut katersorneqarlutik kiisalu atuutilersitsineq pillugu aalajangersakkat § 30-mi.

- Ombudsmandip misissuinerisa malittarisassatut pingaarnertut pisortani oqartussaasunut, inunnulli ataasiakkaanut pinnatik, sammitinneqartarnerat malillugu inatsit aqqis-sorneqassaaq.
- Ombudsmandip sulinerata ilaatut assigiinngitsut akornanni nammineerluni suliniutit, nakkutilliinermut atatillugu misissuiartornerit atorfeqartitsiviusunillu misissuiartornerit pillugit malittarisassaq inatsimmi ilanngunneqassaaq.
- Naalagaaffiit Peqatigiit naalliutitsisarneq allatullu peqqarniingaartumik, inuppalaanngitsumik imaluunniit nikanarsaataasumik pinnittarneq imaluunniit pillaasarneq akiorniarlugit isumaqatigiissutaanut ilassut 18. december 2002-meersoq nammineq piumasuseq malillugu ilannguffigineqarsinnaasoq tunngavigalugu Ombudsmandip nuna tamakkerlugu pinaveersaartitsisutut suliassaa inatsimmi ilanngunneqassaaq.
- Tusarniaalluni allakkat oqaaseqaataagallartullu il.il. suliassat suliarineqartarnerat pillugu inatsimmi aamma paasitinneqarsinnaatitaaneq pillugu inatsimmi suliani allagaatinik paasitinneqarsinnaatitaaneq pillugu aalajangersakkani pineqartunut ilaatinnginnisaannut Ombudsmandi periarfissaqalissaaq.
- Ombudsmandip qisuariarnissaminut periarfissami ilaattut suliap pineqartumut aningaasartuutaanngitsumik eqqartuussivimmi suliarineqarnissaanik akuersisoqarnissaa inasuteqaatigisinnaavaa.
- Ombudsmandip oqartussaasunut nakkutigisassaminut attuumassuteqartuunnginnera qulakkeerneqassaaq.
- Siunnersuutigineqarpoq Ombudsmandimik taassuma sulinera pillugu eqqartuussivimmut suliassiissutinik Ombudsmandip piumasaqaateqarneratigut eqqartuussiviup tunuartsisinnaanera pillugu aalajangersakkamik ilanngussisoqassasoq.
- Taaguutip ”Ombudsmand”-ip illersugaanera.
- Ombudsmandip inatsisilerituutut soraarummeernermi angusisimasuunissaa saneqqunneqarsinnaanngitsumik piumasaqaatinngortinneqarpoq.

3. Oqartussaasunut aningaasaqarnikkut aqutsinikkullu kingunerisassai

Naalliutsitsisarneq allatullu peqqarniingaartumik, inuppalaanngitsumik imaluunniit nikanarsaataasumik pinnittarneq imaluunniit pillaasarneq akiorniarlugit pinaveersaartitsineq siunertaralugu nakkutilliinermut atatillugu misissuiartorsinnaatitaanerup suliffeqarfinnillu misissuisinnaatitaanerup sukumiisumik ilanngunneqarnerisa Ombudsmandip suliassaasa amerlassusiannut sunnuteqarnissaa ilimagineqarpoq, ilaatigut nakkutilliinermut atatillugu misissuiartortarnerit pillugit nalunaarusiortarnissat sulisunik atuiffiunissaat pissutigalugu, ilaatigullu ilimagisariaqarpoq Ombudsmandip, assersuutigalugu Namminersorlutik Oqartussat paaqqinniffiini najugalinnik oqaloqateqarnerinut atatillugu, naammagittaalliutinik aalajangersimasunik saqqummersoqartarumaartoq imaluunniit sulianik nammineerluni misissuiffigisassanik aallartitsisoqartarumaartoq.

Tamakkua saniatigut aqutsinermi oqartussaasut isumaqatigiissutit aqputigalugit suliassanik Ombudsmandimut kiffartuussisinnaanerannik aalajangersaanerup, tak. § 26, imm.

5. Isumaqatigiissutaasimasut akilerneqarnissaannut aningaasaliissutinik Ombudsmandip tunineqartarnissaa nassatarissavaa.

4. Inuussutissarsiornermut aningaasaqarnikkut aqutsinikkullu kingunerisassai

Siunnersuutip inuussutissarsiornermut sunniuteqannginnissaa naatsorsuutigineqarpoq.

5. Avatangiisinut pinngortitamullu kingunerisassai

Soqanngilaq.

6. Innuttaasunut aqutsinikkut kingunerisassai

Ombudsmandip innuttaasunut, suliffinnut, peqatigiiffinnut, suliffeqarfinnut allanullu Ombudsmandimut naammagittaalliorsinnaasunut attuumassuteqarnerata inatsimmut massakkut atuuttumut sanilliullugu allannguuteqannginnissaa tunngavigineqarpoq.

7. Naalagaaffeqatigiinnermut Namminersorlutillu Oqartussanut tunngasut

§ 12, imm. 1, § 22 aamma § 24 malittarisassanik naalagaaffiup akuersinissaanik piunarsaqateqarfiusunik imaqarput. Tamanna Justitsministereqarfiup oqaaseqaataani 8. marts 2001-imeersumi saqqummerpoq.

8. Oqartussaasunik, suliniaqatigiiffinnik il.il. tusarniaaviginninneq

Inatsisissatut missingiut piffissami 2009-mi 8. septemberimit 2009-mi 8. oktoberip tunngaanut makkununga tusarniaassutigineqarpoq:

- KANUKOKA

- Kommunit:

- Kommune Kujalleq
- Kommuneqarfik Sermersooq
- Qeqqata Kommunia
- Qaasuitsup Kommunia

- Namminersorlutik Oqartussani Naalackersuisoqarfiit:

- Naalackersuisut Siulittaasuata Naalackersuisoqarfia
- Ineqarnermut, Attaveqarnermut Angallanermullu Naalackersuisoqarfik
- Aningaasaqarnermut Naalackersuisoqarfik
- Aalisarnermut, Piniarnermut Nunalerinermullu Naalackersuisoqarfik

- Inuussutissarsiornermut Suliffeqarnermullu Naalackersuisoqarfik
 - Isumaginninnermut Naalackersuisoqarfik
 - Peqqissutsimut Naalackersuisoqarfik
 - Kultureqarnermut, Ilinniartitaanermit, Ilisimatusarnermut Ilageeqarnermullu Naalackersuisoqarfik
 - Nunami namminermit pissutsinut Naalackersuisoqarfik
- Naalagaaffiup Sinniisaa
- Eqqartuussisuuneq
- A/S Inissiaatileqatigiiffik INI
- Folketingip Ombudsmandia

Nunami namminermit pissutsinut, Pinngortitamut Avatangiisinullu Naalackersuisoqarfik kiisalu Peqqissutsimut Naalackersuisoqarfik siunnersuummut oqaaseqaateqanngillat.

Naalackersuisut Siulittaasuata Naalackersuisoqarfiata siunnersuummi siunertarineqartut isumaqatigai aammalu siunnersuutip saqqummiunneqarnera pitsaasutut isigalugu. Taamaattorli taaguutinut Siulittaasoqarfimmit akuerineqartunut inatsimmut missingiutip qulequtaata naapertuuttunngortinneqarnissaanut Naalackersuisoqarfik kaammattuivoq.

Aammattaaq Ombudsmandip ingerlatai pillugit inatsimmik ullutsinnut naleqqunnerusumik suliarinnittoqarnera Ineqarnermut, Attaveqarnermut Angallannermullu Naalackersuisoqarfiup pitsaasutut isigaa.

KANUKOKA kommuninit oqaaseqaatinik pissarsisimavoq:

Kommuneqarfik Sermersuup siunnersuutip imarisai naammagisimaarpai.

Qaasuitsup Kommuniata (allaffissornikkut) tusarniaanermut akissutai matuma kingulii-niittuni issuarneqarput, apeqqtutinut ataasiakkaanut Siulittaasoqarfiup oqaaseqaatai uingasumik allanneqarlutik:

1) Kommunit nutaat eqqarsaatigalugit atuartitsinermit paasititsiniaanermilu suliaassanik tigusinissaminut piareersimalluni Ombudsmandip oqarnera pillugu:

Pikkorissartitsinernik il.il. ingerlaavartumik pisariaqartitsisoqartoq Qaasuitsup Kommu-niata nassuerutigaa, pisariaqartitali ombudsmandeqarfimmit tunniunneqarnissaat naleq-quuttuunersoq apeqquuserlugu. Aallaavittut isigalugu ombudsmandip nukissani pingaar-nertut suliaaminut pingaarnertullu oqartussaaffimminut atortariaqarpai, tassalu pisortat ingerlatsinerannik nakkutilliineq. Tamatuma kingorna apeqqutaavoq pisortat inger-

latsiviannik, ombudsmandeqarfimmit ilinniartitsivigineqarsimasumik nakkutilliilluni misissuineq ombudsmandeqarfimmut ima kinguneqarsinnaanersoq; sulianik piginnaasatigut amigaataasinnaasunut Ombudsmandeqarfiup akisussaaqataatitaasinnaanermigut uparuarneqarsinnaallunilu suliamut attuumassuteqarluni peqataasinnaanngitsutut pasineqarsinnaanersoq? Ombudsmandip namminersortumik iliuuseqarsinnaanera pissutigalugu pingaartumik atuartitsineq allanut tunniunneqarsinnaasutut isigineqarpoq.

Inatsimmut nassuiaatini allassimasutut Ombudsmandip Siulittaasoqarfimmut oqaatigisimavaa Ombudsmandi Ombudsmandillu sulisui aqutsinermi allaffissornikkut imikkooortotaqarfii nutaat ilusilersuineramik iluarsaaqqinnerup kingunerisaanik pilersimasut eqqarsaatigalugit atuartitsinermik paasisitsiniaanermillu suliaqarnissaminnut piareersimasut.

Sulianik ingerlatsinermi pitsaassutsimik naammaginartumik qaffasissusilimmik qulakkeerisinnaanissamut pingaartumik kommunini ingerlatsivinni oqartussaasut piginnaanerini pitsanngorsaaniissamik pisariaqartitsineq iliuuseqarfiginiarlugu taama oqartoqarpoq.

Tamatumunnga taarsiullugu (peqatigitilluguluunniit) pikkorissartitsinermik neqeroorteqartartut piginnaaneqarluartut kommuninit nammineq isumaqatigiissuteqarfigineqarsinnaasut imaluunniit Naalakkersuisut kommuninik nakkutilliinerata ilaatut paasisutissiisarnermi ilitersuinermilu suliniutit nukittorsarnerisigut pisariaqartitsineq tamanna soorunami matussuserniarneqarsinnaavoq.

Ombudsmandili kommuninut tikeraartarnerminut atatillugu, Ombudsmandip nukissaanut annertunerusumik artukkiutaanngitsumik, pisortat ingerlatsineranni malittarisassat pillugit nalinginnaasumik paasisutissiinermik kommunini allaffeqarfiit suli neqeroorfigisinnaassavai aamma tamanna aqutigalugu sulianik ingerlatsinermi kukkusarnerit pinaveersaartinnissaannut ikiuussinnaalluni.

Pisortat ingerlatsineranni malittarisassat nalinginnaasut pillugit paasisutissanut atatillugu kommunit Ombudsmandimut imaluunniit Ombudsmandip sulisuinut pisortatigoortuunngitsumik saaffiginnissinnaasarsimmata tamanna Ombudsmandip kommunillu akornanni tatigeqatigiinnermut iluaqutaasimasoq Ombudsmandip oqaatigaa. Kommuninut tikeraarnernut atatillugu pikkorissartitsinernik neqeroortit taama tatigeqatigiinnerup annertusineranut peqataasinnaappata tamanna aamma tunngavissaavoq Ombudsmandip taama iliornissaanik mattunneqannginnissaanut.

Qaasuitsup Kommuniata oqarneratuulli atuartitsinermi paasisutissiisarnermilu suliasat Ombudsmandip pingaarnertut suliassaanut; pisortat ingerlatsiviinik nakkutilliineq; nukissat eqqarsaatigalugit artukkiisariaqanngillat. Aammattaaq suliasat taakku – tunngaviusumik pissutsit pissutigalugit - ima iluseqartillugit Ombudsmandimit isumagine-

qartariaqanngillat tamanna kommuninut aalajangersimasumik siunnersuinertut iluseqarluni.

2) Inatsisilerituutut ilinniarsimanissamik piumasaqaat pillugu (inatsisissatut missingiummi § 3, imm. 2):

Inatsisissatut siunnersuummi § 3, imm. 2 naapertorlugu “Ombudsmandi ajornanngippat inatsisilerituutut ilinniarsimasuussaaq”. Tassuuna inatsit maanna atuuttoq ingerlateqqineqarpoq.

Inuiaqatigiinni inuunerup pisariunerulersimanera aammalu pisortat ingerlatsineranni su-liassat amerleriaateqarnerat eqqarsaatigalugit Danmarkimi ombudsmandimut inatsisip matumani aamma isumassarsiorfiginissaa aammalu inatsisilerituutut soraarummeersimanissamik piumasaqaat pinngitsoorani piumasaqaataassasoq Qaasuitsup Kommuniata kissaatigaa.

Kaammattuut taassuma pissuseqataa Inatsisit Atortinneqarnerannut Ataatsimiititaliamit tiguneqarpoq. Inatsisissatut siunnersuummi saqqummiunneqartumi kaammattuut malinneqarpoq.

3) Inatsisissatut siunnersuummi § 8 pillugu: Kommunit ingerlatsinerannik naliliinermi kommunit aqutsineranni atugassarititaasut Ombudsmandip mianerissavai.

Aalajangersagaq aaqqissuinikkut allanngortillugu Ombudsmandi pillugu inatsimmi § 4, imm. 3-mut atuuttumut naapertuuppoq. Taamaakkaluartoq aalajangersakkap ombudsmandip ulluinnarni atuunneranut saqqumnerusumik atuunnissaa Qaasuitsup Kommuniata kaammattuutigaa. Kommunit namminneq aqutsinerannut missingersuutinullu akissusaasuunerannut annertunerusumik mianerinninnissaq paasinninnissarlu kissaatigineqarpoq, tak. aalajangersakkamut nassuiaatit.

Inatsisip oqaasertaanik allannguinnissaq pinnagu Ombudsmandip ingerlatai sapinngisamik annertunerpaamik pingaernerutillugit aalajangersagaq pineqartoq ilateqqullugu oqaatigineqartut Ombudsmandimut kaammattuutaasutut Siulittaasoqarfiup paasivai.

4) Inatsisissatut siunnersuummi § 10, imm. 2 pillugu: Oqaaseqatigiit ”imminut illersorluni oqaaserisai”.

Oqartussaasup il.il. misissuiffigineqartup imminut illersorluni qanoq oqaaseqarsinnaanera pillugu ukiumoortumik nalunaarutigisartakkamini ukiumoortumilluunniit nalunaarummini paasissutissiissutiginnissaannut Ombudsmandip pisussaaffilerneqarnera inatsisissatut missingiummi § 10, imm. 2-mi aalajangersarneqarpoq.

Oqaaseqatigiit “imminut illersorluni oqaaserisai” atorneqarnerannut Qaasuitsup Kommunia akerliliivoq. Qaasuitsup Kommunia isumaqarpoq oqaatsip “illersorluni” atorneqarnera eqqartuussivimmitullusooq misissuineranut eqqaanartoq. Ombudsmandeqarfik immikkut eqqartuussiviunngilaq allaffissornikkut aalajangikkanik suliarinnittarfiusoq aammalu ombudsmandeqarfiup misissuinerana eqqartuussivinnut taamaattunut sanilliunneqarsinnaanngilaq. Oqaaseq assersuutigalugu “oqaaseqaatit” assigisaaluunniit naleqqunnerussagalarpoq, tak. assersuutigalugu § 21, imm. 1.

Aalajangersakkakut Inatsisartut inatsisaanni atuuttumi § 10, imm. 3 atoqqinneqarpoq aammalu oqaaseqatigiit atorneqartut Danmarkimi Ombudsmandi pillugu inatsimmi aalajangersakkap assingani atorneqarput (§ 11, imm. 2).

Saqqummersitami “Ombudsmandsloven med bemærkninger” (Ombudsmandi pillugu inatsit oqaaseqaatitalik) (Jon Andersen, Kaj Larsen & Karsten Loiborg, Jurist- og Økonomforbundets Forlag 1999) oqaatigineqarpoq aalajangersagaq “akerliliissuteqarsinnaanermi tunngavissanik pissusissamisoortumik ingerlateqqiinerusoq aammalu suliat eqqortumik ingerlanneqarnissaat (‘fair trial’) pillugu tunngavissanut nalinginnaasunut naapertuuttoq”.

Inatsisissatut missingiummi § 10, imm. 2 missingiummi tassani § 21, imm. 1-imut pissusissamisoortumik attuumassuteqarpoq, tassani aalajangersarneqarluni oqartussa q inulluunniit pineqartoq oqaaseqaateqarnissamut periarfissinneqareersimatinnagu Ombudsmandi isornartorsiulluni, inassuteqaateqarluni il.il. oqaaseqaateqassanngitsoq.

Aamma aalajangersagaq taanna atoqqinneqarpoq, Danmarkimi Ombudsmandi pillugu inatsisaanni (20, imm. 1) aalajangersakkap assingata oqaasertai assigalugit.

Saqqummersitami “Ombudsmandsloven med bemærkninger” oqaatigineqarpoq “akerliliissuteqarsinnaatitaanermut malittarisassaq pineqartoq”, taanna malillugu “Ombudsmandip misissuininini isornartorsiuinertalimmik inassuteqaatitalimmillu il.il. naammassinngippagu misissuiffigineqartoq imminut illersorsinnaanissamut Ombudsmandimit periarfissinneqassaaq.”

Siuliani allassimasut tunngavigalugit inatsisissatut siunnersuummut saqqummiunneqartumi missingiummi oqaasiliornarup attatiinnarneqarnissaa ajornarluinnartutut isigineqarpoq.

5) Inatsisissatut missingiummi § 16 pillugu: Nakkutilliinermi suliassaq.

Atorfeqarfinnik/suliffeqarfinnik tamanik il.il. Ombudsmandip sulinerni ilaatinneqartunik misissuinissamut inatsisissatut missingiummi § 16-ip Ombudsmandi piginnaatippaa. Tassunga atatillugu isummat inuppalaassutsimut inunnillu ikiuineranut tunngasut aallavigalugit pissutsit aqqissuussaanneranut ingerlatsinermullu tunngasut kiisalu atuisut

qanoq pineqarnerat, tassunga aamma ilanngullugit ingerlatat suliffeqarfimmit atuisunut neqeroorutigineqartut Ombudsmandip naliliivigisinnaavai.

Aalajangersakkap Qaasuitsup Kommuniata allanik apeqquteqarnissamut tunngavissippaa: Suliap tamatuma isumaginissaanut Ombudsmandeqarfik pisariaqartunik oqartussaaffeqarlunilu nukissaqarpa? Aalajangersagaq tamanna malillugu oqartussaaffiit suliffeqarfinnit, assersuutigalugu sullivinnik nakkutilliisoqarfimmit, oqartussaaffinnik pisariaqartunik peqareersunit isumagineqassappata tamanna ilaatigut pitsaanerussannginnerluni?

“Ombudsmandip sulinera pillugu aalajangersakkani nalinginnaasuni” § 2, imm. 3 aalajangersakkatut siunnersuutigineqartukkat ingerlateqqinneqarpoq erseqqissarneqarlunilu, tassaalluni ingerlatsivinni suliffinnik takuniaanissamut, tassunga ilanngullugu assersuutigalugu kommunit allaffinik, atuarfeqarfinnik isumaginnittoqarfinnillu nakkutilliinermik Ombudsmandip ingerlatsisinnaaneranut inatsisitigut tunngavissaq, Folketingip Ombudsmandiata oqartussaaffiata assigisaa.

Aammattaaq aamma pissutsit (tassunga ilanngullugit illutatigut tarnillu pissusaatigut pissutsit) suliffeqarfiup sullitaminut neqeroorutigisai innuttaasut inatsiseqartitsinikkut innarlitsaalineqarnissaannik, mianerinninnissamut inuppalaartumillu sullissinissamut nalinginnaasumik piumasaqaatinut naapertuunnersut Ombudsmandip suliffeqarfinnik il.il. nakkutilliinermi naliliivigissagai aalajangersakkatut siunnersuummi erseqqissatigineqarpoq.

Aammattaaq aalajangersagaq inatsisissatut missingiummi § 17-imut atatillugu isigineqartariaqarpoq, taanna malillugu naalliutsitsisarneq allatullu peqqarniingaartumik, inuppalaanngitsumik imaluunniit nikanarsaataasumik pinnittarneq imaluunniit pillaaarneq akiorniarlugu Naalagaaffiit Peqatigiit isumaqatigiissutaannut ilassut 18. december 2002-meersoq nammineq piumassuseq malillugu ilannguffigineqarsinnaasoq tunngavigalugu nuna tamakkerlugu pinaveersaartitsisutut suliaasaq Ombudsmandip ilassummi aalajangersakkat tunngavigalugit isumagissavaa.

Isumaqatigiissummi tassani artikel 18-imi naalagaaffiit peqataasut pisussaatinneqarput nunami pinaveersaartitsisut pituttorsimasuunnginnissaat kiisalu sulisut pituttorsimasuunnginnissaat qulakkiissallugu. Tamannarpiaq pissutigalugu pisortat ingerlatsiviisa iluini oqartussaaffiit atuuttut nakkutilliinermi suliamut ilanngunneqarsinnaassanngillat.

Naalagaaffiit Peqatigiit isumaqatigiissutaat naapertorlugu Kalaallit Nunaata pisussaaffiit naamassiniarlugit aqqissuussaasumik nakkutilliisarnerit suliffeqarfinnillu takuniasarnerit eqqarsaatigalugit Ombudsmandip nukissaasa annertusineqarnissaat annikinnerusumik pisariaqartinneqassaaq (ilaatigullu ombudsmandeqarfimmi oqartussaaffinnik nutaanik ineriartortitsinissaq/oqartussaaffinnik pigineqareersunik ineriartortitsinissaq aamma pisariaqarsinnaassalluni, tamannali suliaasap isumagineqarnissaanut

ingerlatsivimmik pituttorsimangitsumik nutaavimmik pilersitsinermiit inuiaqatigiit aningaasaqarnerannut iluaqutaanerussaaq.

Paatsoortoqaqqunagu aamma erseqqissaatigineqassaaq inatsisissatut missingiut tusarniaassutigineqartumut atatillugu inatsisissatut siunnersuummi inaarutaasumi § 16-imi paragrafimut innersuussut iluarsineqarmat. Taamaalilluni § 20-mut innersuussut taarserneqarpoq §§ 19-20-mut innersuussummik.

6) Inatsisissatut missingiummi § 18, imm. 3 pillugu:

Inatsisissatut missingiummi § 18, imm. 3-kkut Ombudsmandi piginnaatinneqarpoq inunik – uppersarsaasulerlugit - misissuinermini pissutsit pingaaruteqartut pillugit eqqartuussivimmi nassuiaateqartussanik aggeqqusisinnaanermut. Aalajangersagaq Inatsisartut inatsisaanni maanna atuuttumi § 7, imm. 4-mik ingerlatitseqqineruvoq.

Taanna atorneqanngisaannarsimasoq atorneqarnissaaluunniit naatsorsuutigineqartoq aalajangersakkamut nassuiaatini paasissutissiissutigineqartoq Qaasuitsup Kommuniata maluginiarpaa. Tamanna tunngavigalugu aalajangersagaq isummamut matumunnga oqariartuutaasimassaaq: “pissaaneqarnermi sakkussamik pisariaqartitsigaluarluni peqannginnermit atorfissaqartinnagulu pissaaneqarnermi sakkussaqarnissaq iluarnervoq”. Apeqqutaavoq pissaaneqarnermi sakkussanik/pisinnaatitaanernik taamaattunik ombudsmandeqarfik ilumut peqartariaqarnersoq imaluunniit taakku immikkoortoqarfinit eqqornerusunut inissinneqartariaqarnermut?

Aalajangersagaq (imarisamigut Danmarkimi Ombudsmandi pillugu inatsimmi § 19, imm. 3-mut naapertuuttoq) § 18-imi aalajangersakkat sinnerinut atatillugu isigineqassaaq: Paasissutissanut, uppersarsaatinut allakkatigullu oqaaseqaatinut atatillugu Ombudsmandimit qinnuteqaatit malinnissaannut oqartussaasut pisussaataapput. Aammattaaq ininut oqartussaasumit pineqartumit atorneqartunut tamanut Ombudsmandip isertinnissaanut oqartussaasut pisussaaffeqarput. Taamaalilluni suliamik oqartussaasumilluunniit il.il. misissuinermini atugassaminik paasissutissanik Ombudsmandip pissarsiniarnermini periarfissaanut § 18 allattorsimaffiuvoq.

Allaffeqarfik inatsimmi tunngavissanik aammalu ingerlatsinermut maleruagassanik allasimangitsunik malinninnersoq pillugu nakkutilliinissamik Inatsisartut inatsisilioritut Ombudsmandi suliakkerpaat.

Paasissutissanik tamanik Ombudsmandip naliliinissanut pingaaruteqarsinnaasunik pissarsinissamut Ombudsmandi aatsaat qulakkeerneqarsimappat taamatut nakkutilliinissamut periarfissaqarpoq.

Inatsisartut ima inissisimatinneqalissanngillat suliami takussutissat tammarnerat pissutigalugu imaluunniit oqartussaasup paasissutissanik Ombudsmandimut tunniussiu-

mannginera pissutigalugu Inatsisartut Ombudsmandiat suliamik misissuisinnaajunnaarluni.

Ilisimannittunik apersuinerit eqqartuussiveqarnermi inatsimmi aalajangersakkat naapertorlugit eqqartuussivinni ingerlanneqartarput, taamaalillunilu tunngavissat toqqissimanartut malillugit ingerlanneqartarlutik.

7) Inatsisissatut missingiummi § 24 pillugu: Ombudsmandip saqitsaassummik suliaakkiissutigineqarnera.

Ombudsmandip aalajangigai il.il. pissutigalugit Ombudsmandip saqitsaassummik suliaakkiissutigineqarnerani Ombudsmandip piunasaqarnera tunngavigalugu eqqartuussivinnit tunuartinneqarsinnaanerit inatsisissatut missingiummi § 24-mi aalajangersarneqarpoq.

Ombudsmandeqarfiup taama illersorneqarneranut tunngavigineqartoq Qaasuitsup Kommuniata apequtigaa. Kommunip oqarnera malillugu eqqartuussiviit tassaapput aqqiagiinnigissutit misilinneqartarnissaannut qullerpaatut oqartuussaassuseqartutullu aalajangiisartut, taamaattumillu tunngaviummik isigalugu Ombudsmandi saqitsaassummik suliaakkiissutigineqarsinnaassanngikkaluarnarluni?

Ombudsmandip saqitsaassummik suliaakkiissutigineqarnissaanut periarfissamik aalajangersagaq mattussinngilaq. Eqqartuussiviit taamaalillutik piunasaqaammik malinnissaminnut eqqartuussiviit pisussaaitaanngillat. Oqaaseqatigiinnili "Ombudsmandip piunasaqarnera tunngavigalugu eqqartuussivimmit tunuartinneqarsinnaapput" naatsorsuutigineqarpoq ombudsmandip eqqartuussivimmi suliaassanngortinneqarnerani saqitsaassummik suliaakkiutigineqartunik akuersinissamut atatillugu eqqartuussiviit kililersuisinnaassasut. Tamatuminnga naliliinermi Ombudsmandip saqitsaassummik suliaakkiissutigineqarsinnaassasut. Tamatuminnga naliliinermi Ombudsmandip saqitsaassummik suliaakkiissutigineqarsinnaassasut. Tamatuminnga naliliinermi Ombudsmandip saqitsaassummik suliaakkiissutigineqarsinnaassasut.

Suliaakkiisut inuinaat inatsisinut tunngasumik suliami soqutigisaqartarnerat qaqutigoortuuvoq. Ombudsmandip misissuinerimik aallartitsinissaq itigartissimappagu imaluunniit oqartussaasoq pillugu innuttaasup pineqartup naammagittaalliuutaa Ombudsmandimit taperserineqarsimangippat inuinaat saqitsaassummik suliaakkiuteqarsinnaapput.

Naammagittaalliuut misissuinissamut naammaginartumik tunngavissiiinersoq Ombudsmandip nammineq aalajangertarpaa (takuuk inatsisissatut missingiummi § 14). Taama aalajangiiniarnermi ilaatigut Ombudsmandeqarfiup nukissai suliaqassusialu pillugit isumaliutiginninnerit aammalu pisumi tassani ajornartorsiutit sorliit pingaaruteqarnerpaanersut pillugu naliliinerit ilanngunneqarsinnaapput. Taama aalajangiinerit eqqartuussivinnit ingerlanneqartumik misissorneqarnissamut naleqquttuunngillat (Aamma takuuk Østre Landsretsip eqqartuussutaa 21. december 1992-imeersoq).

Pisunut Ombudsmandip naammagittaalliuuteqartumut tapersiisimanninneranut atatil-lugu saqitsaassummik suliakkiisoqartillugu naammagittaalliuuteqartoq inatsisinut tunngasumik suliami pisariaqartumik nalinginnaasumik soqutigisaqarneq ajorpoq. Ingerlatsivimmu; taassuma aalajangigaa pissusilersuutaaluunniit innuttaasumit pineqartumit Ombudsmandimut naammagittaalliuutigisimallugu; saqitsaassummik suliakkiut aq-qutigalugu naammagittaalliuuteqartup soqutigisai eqqumaffiginiarneqarsinnaapput.

Aamma saqitsaassummik suliakkiissutit, inatsisitigut tunngavigisaaq oqartussaasumit pi-neqartumit isumaqatigineqarnani Ombudsmandimit inassuteqaatigineqartut, oqartus-saasunit imaluunniit inunnit pisortani suliffeqartunit suliakkiissutigineqartut nalingin-naasumik ingerlanneqarnissat pisariaqarneq ajorpoq. Pisuni taamaattuni Ombudsman-dip inassuteqaataanik malinninnissaaq oqartussaasup malikkumaannangissinnaavaa – tamatumalu kingunerisaanik innuttaasup saqitsaassummik suliakkiuteqarsinnaanera utaqqimaaginnarlugu.

Akerlianik Ombudsmandip isornartorsiugaata oqartussaasumit inummilluunniit pine-qartumit tunngavissaqanngitsutut isigineqartup imaluunniit kukkunermut sanilliullugu annertuallaatut isigineqartup eqqartuussivimmi misissorneqarnerani oqartussaasut i-ngerlatsivimmiluunniit inuit ataasiakkaat pisut aallaavigalugit inatsisinut tunngasumik suliami soqutigisaqarsinnaapput.

Erseqqissaatigineqassaaq - innuttaasup oqartussaasullu akornanni eqqartuussivikkut suliat eqqarsaatigalugit - ingerlatsiviup aalajangigaata eqqartuussivimmi suliap aallar-tinninnerani Ombudsmandimit isummerfigineqarsimasup misissorneqarnissaanut eqqartuussiviit aalajangersakkakut killilersorneqanngimmata.

Aalajangersakkap siunertarisaanut tunuliaqutaanullu atatil-lugu aamma Danmarkimi Ombudsmandi pillugu inatsimmi (§25) aalajangersakkap assingata piareersarneqarne-rani suliat innersuussutigineqarput.

A/S Inissiaatileqatigiiffik INI tusarniaanermut akissuteqarpoq, taassumalu akissutaani immikkoortut pingaernerit matuma kinguliiniittuni issuarneqarput, Siulittaasoqarfiullu apeqqutinut ataasiakkaanut oqaaseqaatai uingasumik allassimallutik:

1) Inatsisissatut missingiummi § 5 pillugu: Ombudsmandip suliami peqataasinnaanera: Ombudsmandip sulisuisa suliami peqataasinnaanerannut malittarisassanik aalajanger-saasoqarnissaanik siunnersuut.

Ombudsmandip sulisuisa sulianik namminneq inuttut soqutigisaqarfigisaminnik inger-latsisinnaannginnerat pillugu aalajangersakkamik ilanngussisoqassasoq A/S Inissiaatile-qatigiiffik INI-p siunnersuutigaa. Aammattaaq Ombudsmandip sulisui oqartussaasut namminneq inuttut aaqqiagiinnngissuteqarfigisatik pillugit sulianik ingerlatsisinnaan-

nginnerat pillugu aalajangersakkamik ilanngussisoqarnissaa inissiatileqatigiiffiup siunnersuutigaa.

Ombudsmandeqarfik pisortat ingerlatsiviinut ilaanngilaq. Taamaattorli sulianik ingerlatsineranut inatsimmi periaaserineqartut – suliassamut tunngasumik ilisimasaqarnissaq pillugu maleruagassat pinnagit – aamma Ombudsmandip sulianik ingerlatsineranut atorneqarnissaat “Ombudsmandip sulinera pillugu aalajangersakkani nalinginnaasuni” atuuttuni § 6-ikkut aalajangersarneqarpoq.

Inatsisissatut missingiut aalajangersakkap taassuma assinganik imaqanngilaq. Pisor-talli ingerlatsineranni sulianik ingerlatsinermi periaaserineqartut Ombudsmandip im-mikkut suliaanut ingerlataanullu attuumassuteqartillugit assersuunneqarsinnaatillugil-lu aamma Ombudsmandeqarfimmut aamma atuunnerisa allanngortinneqarnissaat siu-nertaasimannngilaq.

Inatsisissatut siunnersuummi inaarutaasumik tamanna pillugu aalajangersakkamik ilanngussinissaq toqqarneqarpoq.

Suliamut attuumassuteqarneq pissutigalugu peqataasinnaannginneq eqqarsaatigalugu aalajangersakkap kingunerisaanik suliamut attuumassuteqarneq pissutigalugu peqataa-sinnaannginneq pillugu ingerlatsinermi inatsisitigut periaasereqqusat nalinginnaasut Ombudsmandeqarfimmut atuutissapput (aamma takuuk Ombudsmandip suliamut attuu-massuteqarnini pissutigalugu peqataasinnaannginnera pillugu § 5).

Aalajangersakkaniilli inissiatileqatigiiffimmit ugartorneqartunit tunngavissat taakku sakkortutiginnngillat. Suliamut attuumassuteqarneq pissutigalugu peqataasinnaanngin-nermut malittarisassanit ingerlatsivinnut (eqqartuussivinnullu) atuuttunit sakkortuneru-jussuarnik suliamut attuumassuteqarneq pissutigalugu peqataasinnaannngitsutut Om-budsmandeqarfiup aalajangersakkatigut malittarisassiornissaa tunngavilersorluagaa-nanilu tulluartuunngilaq.

2) Inatsisissatut missingiummi § 7, imm. 3 pillugu, ingerlatseqatigiiffiit, suliffeqarfiit pe-qatigiiffiillu il.il. eqqarsaatigalugit Ombudsmandip pisinnaatitaanera pillugu.

Ingerlatseqatigiiffiit, suliffeqarfiit, peqatigiiffiit, il.il. aqutsinermi allaffissorluni aalaja-ngiinikkut pisortat ingerlatsineranni suliassat suliarineqartarnerat pillugu Inatsisartut i-natsisaannut, pisortat ingerlatsinerat pillugu paasitinneqarsinnaatitaaneq pillugu Inatsi-sartut inatsisaannut imaluunniit inuit pillugit paasissutissanik nalunaarsuineq pillugu i-natsiseqartitsineranut ilanngunneqarpata inatsisissatut missingiummi § 7, imm. 3 naaper-torlugu Ombudsmandi aalajangiisinnaavoq suliffeqarfiit pineqartut tamatuma annerto-qataanik Ombudsmandip sulinerani pineqartunut ilaatinneqassasut.

Ingerlatseqatigiiffiit il.il. Ombudsmandip pisinnaatitaaneranut ilaatinneqassanersut Ombudsmandip aalajangersinnaassagaa A/S Inissiatileqatigiiffik INI-mit kissaatigineqanngilaq.

Tamatumunnga atatillugu ingerlatseqatigiiffik Ombudsmandip pisinnaatitaaneranut inissinneqarnerata kingunerisaanik aki ingerlatseqatigiiffiup sullissinerinut innuttaasut akilertagaat qaffariaateqarsinnaasoq, taamaattumillu ingerlatseqatigiiffik Ombudsmandip pisinnaatitaaneranut inissinneqassanersooq pillugu Naalakkersuisut aalajangiisuusari-aqartut inissiatileqatigiiffiup oqaatigaa.

Inatsisissatut missingiummi § 7, imm. 3 ima oqaasertaqarpoq:

“Ingerlatseqatigiiffiit, suliffeqarfiit, peqatigiiffiit, il.il. aqutsinermi allaffissorluni aalajangiinikkut pisortat ingerlatsineranni suliassat suliarineqartarnerat pillugu Inatsisartut inatsisaannut, pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaannut imaluunniit inuit pillugit paasissutissanik nalunaarsuineq pillugu inatsiseqartitsinermut ilanngunneqarpata Ombudsmandi aalajangiisinnaavoq suliffeqarfiit pineqartut tamatuma annertoqataanik Ombudsmandip sulinerani pineqartunut ilaatinneqassasut.”

Inatsisartut inatsisaanni atuuttumi § 4, imm. 2 malillugu ingerlatseqatigiiffiit, suliffeqarfiit peqatigiiffiillu il.il. Ombudsmandip sulinermini toqqaannartumik susassaqaarfianut ilaatinneqarput, ingerlatseqatigiiffiit il.il. pineqartut pisortat ingerlatsineranni suliassat suliarineqartarnerat pillugu inatsimmi imaluunniit pisortat ingerlatsinerat pillugu inatsimmi maleruagassat tamakkiisumik ilaannakortumilluunniit ilaatinneqarnissaat Naalakkersuisunit aalajangerneqarsimappat. (Tamatumunnga inatsisitigut tunngavissaq suliassat suliarineqartarnerat pillugu inatsimmi aammalu pisortat ingerlatsinerat pillugu inatsimmi nassaassaavoq).

Inatsisartut Ombudsmandiat pillugu Inatsisartut inatsisaata aammalu pisortat ingerlatsineranni inatsisit nalinginnaasut (suliassat suliarineqartarnerat pillugu inatsit imaluunniit pisortat ingerlatsinerat pillugu inatsit) atuuffissaasa akornanni naapertuuttogarnissaanik qulakkeerinissaq tamatumani siunertarineqarpoq.

Aalajangersagarli maanna atuuttoq ilaatigut tunngaviusumik ajornartorsiutitaqarpoq ilaatigullu atuutsitsinermut tunnganerusumik ajornartorsiutitaqarluni.

Tunngaviusumik isigalugu aalajangersagaq atuuttoq ima ajornartorsiutitaqarpoq taamaalillutik Naalakkersuisut tassaasut Ombudsmandip pisinnaatitaaffiisa annertususissaannik aalajangersaasartut. Ombudsmandip pisinnaatitaaneranut pingaarnertut tunngavissat oqartussaasunit Ombudsmandimit nakkutigineqartussatut Inatsisartunit aalajangerneqartunit aalajangersarneqaratik Inatsisartunit aalajangersarneqartariaqaraluarput.

Atuutsitsineq eqqarsaatigalugu ingerlatseqatigiiffiup imaluunniit suliffeqarfiup peqatigiiffiulluunniit ingerlatai suliaaluunniit sorliit pisortat ingerlatsineranni maleruagassanut, taamaalillunilu Ombudsmandip pisinnaatitaaffiit ilaatinneqassanersut nalunaarummi atuuttumi Naalackersuisunit erseqqissumik killilernerqarsimatinnagit aalajangersagaq atuuttoq ajornartorsiutitaqarsinnaavoq.

Inatsisissatut missingiummi aalajangersakkatut siunnersuutip kingunerisaanik pisuni tamani inatsit allaffissornikkulluunniit aalajangiineq malillugu suliffeqarfik malittarisassanut tunngavissanullu pisortat ingerlatsinerannut atuuttunut ilanngunneqartillugu suliffeqarfimmu atattillugu Ombudsmandip pisinnaatitaaffini pisariaqartillugu killilersortariaqassavai. Taama killilersuineq suliffeqarfik pineqartoq suleqatigalugu pissasoq naatsorsuutigineqarpoq.

Aalajangersakkap taassuma assingajaa Danmarkimi Ombudsmandi pillugu inatsimmi § 7, imm. 4-mi nassaassaavoq, tassanili taamaallaat pineqarlutik ingerlatseqatigiiffiit, suliffeqarfiit peqatigiiffiillu il.il. allaffissorneq eqqarsaatigalugu pisortat ingerlatsinerat pillugu inatsimmu ilanngunneqarlutik. Ingerlatseqatigiiffiit, suliffeqarfiit peqatigiiffiillu il.il. inatsit aqqutigalugu pisortat ingerlatsinerat pillugu inatsimmi maleruagassat ataannut ilanngunneqartut taamaalillutik Danmarkimi Ombudsmandi pillugu inatsimmi § 7, imm. 4-mut ilaatinneqanngillat.

Ingerlatseqatigiiffiit, suliffeqarfiit peqatigiiffiillu il.il. erseqqinnerusumik aalajangerneqartut pisortat ingerlatsineranni maleruagassanut tunngavissanullu ilaatinneqarnernik saniatigut Ombudsmandimit nakkutilliivigineqannginnissaat pillugu inatsisikkut aalajangersaanissamut Inatsisartut aalajangersakkakut mattunneqanngillat. Taamaakkuartuq Inatsisartut manna tikillugu pisarnertut Inatsisartut Ombudsmandiat pillugu inatsisartut inatsisaasa aammalu pisortat ingerlatsinerat pillugu inatsisit nalinginnaasut atuuffiisa akornanni naapertuuttoqarnissaa sulissutigissagaat naatsorsuutigineqartariaqarpoq.

3) Inatsisissatut missingiummi kapitali 3-p annertusineqarnissaanik siunnersuut

Ombudsmandip sulianik ingerlatsinera pillugu malittarisassanik ilanngussisoqarnissaa A/S Inissiatileqatigiiffik INI-p siunnersuutigaa. Pingaartumik sulianik ingerlatsinerami piffissaq atornerqartoq pillugu malittarisassat, Ombudsmandip allagaasa atuaruminartuunissaat pillugu malittarisassat kiisalu malittarisassat Ombudsmandip oqaaseqaataanut isornartorsiutinut Ombudsmandip isummernissaanut pisussaaffiliisut inissiatileqatigiiffimmit ujartorneqarput.

Ombudsmandeqarfik pisortat ingerlatsiviinut ilaanngilaq. Taamaattorli pisortat ingerlatsineranni sulianik ingerlatsineranut periaasereqquneqartut – suliassamut tunngasumik ilisimasaqarnissaaq pillugu maleruagassat pinnagit – aamma Ombudsmandip sulia-

nik ingerlatsineranut atorneqarnissaat “Ombudsmandip sulinera pillugu aalajangersakkani nalinginnaasuni” atuuttuni § 6-ikkut aalajangersarneqarpoq.

Inatsisissatut missingiut aalajangersakkap taassuma assinganik imaqaangilaq. Sulianili ingerlatsinermi pingaarnertut tunngavigineqartut, tassunga ilanngullugit sulianik pitsaasumik ingerlatsinissamut tunngavigineqartut aamma Ombudsmandeqarfimmut atuuttussanngortillugit allanngortinneqarnissaat siunertaasimanngilaq.

Inatsisissatut siunnersuummi inaarutaasumik tamanna pillugu aalajangersakkamik ilanngussinissaq toqqarneqarpoq, tamannalu pisut malillugit ajornartorsiutinut saqqummiunneqartunut attuumassuteqarsinnaassaaq.

Piffissaq Ombudsmandip sulianik ingerlatsinermut atugaa immikkut eqqarsaatigalugu soorunami ajuusaarnarpoq piffissaq Ombudsmandip sulianik ingerlatsinermut atugaa suliat ilaanni ima sivisutigisinnaasarmat Ombudsmandip nammineq naammaginangitsutut isigalugu. Pisuni taamaattuni piffissaq sulianik ingerlatsinermut atorneqartoq pillugu Ombudsmandi naammagittaalliuuteqartumut soorunami utoqqatsissuteqartarpoq aammalu sulianut nammineq aallartitaminut atatillugu piffissaq sulianik ingerlatsinermut atorneqartoq pillugu oqartussaasumut utoqqatsissuteqartarluni.

Taamaakkaluartoq piffissaq sulianik ingerlatsinermut nammineq atukkani Ombudsmandip killiliinnarmik nammineq aqutaraa. Taamaalilluni qaqutigoortuunngilaq oqartussaasup akissuteqarniarnerani piffissaq sivisooq ingerlasinnaasarmat akissuteqaatilluunniit tiguneqartut allanik apeqquteqarnissamut allanilluunniit misissuinnissamut tunngavissisarmata.

Tamatuma saniatigut Ombudsmandip suliaanut tatiginninneq eqqarsaatigalugu suliat inatsisilerinikkut pitsaassusaat apeqqutaassaaq, tamatumanilu suliat taakkulu inatsisigut tunngavigisaasa misissorneqarnissaannut nukissat annertuut pisariaqassallutik.

Atuaruminaatsogarnera eqqarsaatigalugu oqaatigineqarpoq inatsisilerinikkut apeqqutit imaannaangitsut Ombudsmandimit oqaatigineqarajuttartut, taakku inuinnarnut paasiuminarsarlugit ingerlateqqinniarnarat ajornakusoortarluni. Ombudsmandip oqaaseqaatimi oqartussaasunut innuttaasunullu paasiuminarsarneqartarnissaat ingerlaavartumik sulissutigaa, taamaattorli inatsisilerinikkut pitsaassuseq tamatumani pilliutiginaveersaarlugu imaluunniit inatsisilerinikkut oqariartaatsit atornaveersaarnissaat pinnagu. Suliniutit taakku ilaattut Ombudsmandip nalunaarutai oqaatsit tusagassiorfinni ingerlatitseqqinnissamut naleqqussarniarneqartut ataatsit atorlugit Ombudsmandip nittartagaanut saqqummiunneqartarput.

Kiisalu Ombudsmandip isornartorsiuinernut isummernissamut pisussaaffia eqqarsaatigalugu oqaatigineqarpoq inatsisissatut missingiummi § 21, imm. 1 naapertorlugu oqartussaag inulluunniit pineqartoq oqaaseqaateqarnissamut periarfissinneqareersimatinna-

gu Ombudsmandi isornartorsiulluni, inassuteqaateqarluni il.il. oqaaseqaateqassanngitsoq. Tamatumani aamma oqartussap pineqartup inatsisitigut paasinnittaasianut isummernissaminut Ombudsmandi pisussaaitaavoq.

Akerlianik Ombudsmandip suliaq naammassisimappagu Ombudsmandip inerniliinerinut isornartorsiutaasinnaasunut Ombudsmandip isummernissaa aallaavittut isigalugu naatsorsuutigineqarsinnaanngilaq. Ombudsmandilli tamanna siunertarisamut naleqquuttut isigippagu Ombudsmandip suliamik naammassinninnissani sioqqullugu suliami paasisani pillugit nassuiaammik oqartussaasoq pineqartoq nassissinnaassavaa, taamaaliortoqarpallu Ombudsmandip saqqummiussaanut suliamullu isumaanut oqaaseqaateqarnissamut oqartussaag periarfissinneqassaaq. Aallaavittulli isigalugu suliani immikkut annertussusilinni, ajornakusoortuni tunngaviusuniluunniit, pingaaruteqarluinartuni imaluunniit innuttaasunit immikkut soqutigineqartuni aatsaat tamanna pisinnaassaaq.

4) Inatsisissatut missingiummi § 22 pillugu: Suliap pineqartunut aningaasartuutaanngitsumik eqqartuussivikkut suliarineqarnera.

Inatsisissatut missingiummi § 22 malillugu pissutsit Ombudsmandip sulinerani pineqartunut ilaatinneqartut pissutigalugit suliap pineqartumut aningaasartuutaanngitsumik eqqartuussivikkut suliarineqarnissaa Ombudsmandip inassuteqaatigisinnaavaa.

Aalajangersakkap peerneqarnissaanut A/S Inissiaatileqatigiiffik INI kaammattuivoq. Tamatumunnga ikorfartuutitut ingerlatseqatigiiffiup makku oqaatigai:

Aalajangersakkap siunnersuutigineqartup kingunerisaanik inuit isertitaqqortuut eqqartuussissuserisumik ikiorneqarlutik namminneq akiliuteqarnatik oqartussamik suliassanngortitsisinnaassapput. Inuit isertitakitsut namminneq akiligarinnngisaminnik suliaq eqqartuussivikkut suliaritissinnaavaat. Taamaattumik aalajangersakkatut siunnersuutigineqartoq inunnu isertitaqqortuunuinnaq iluaqutaassaaq kingunerissallugulu innuttaasut allat tamarmik pisortat ingerlatsiviinik annikinnerusumik iluaquteqalernerat.

Eqqartuussivimmi suliat eqqartuussissuserisunit aqunneqartut oqartussamut annertoorujussuarmik aningaasartuutaapput, tamatumalu kingunerisaanik oqartussaag suliassavimminut nukissaajarneqartarluni.

Kalaallit Nunaanni eqqartuussisarnermik inatsimmi atuuttumi 1. januar 2010-meersumi § 254 naapertorlugu inuk qinnuteqarnikkut piginnaatitaavoq nammineq akiligarinnngisaminik eqqartuussisulersuussinissamut

- 1) eqqartuussisulersuussinissamut pissutissaqarluartutut isumaqarfiginassappat,*
- 2) suliamik ingerlatsinissamut inatsisitigut ikiorsertariaqartut isumaqarfiginassappat, aamma*

3) inuk suliassami inatsisitigut ilinniarsimasumik eqqartuussinermi sinniisutut piginnaassusiligassamik pissarsinermut atasumik aningaasartuutunik annertuumik annaasaqaatigalugu akiliisinnaassappat.

Taamaakkaluartuq (inatsimmi tassani § 255 naapertorlugu) Inatsisinik atortitsinermut ministeri taamaasiornissamut immikkut ittunik pissutissaqartillugu qinnuteqarnek mallillugu nammineq akiligassarinnngisamik eqqartuussisulersuussinissamut akuersisinnavaoq piumasaqaatit naammassineqanngikkaluartut. Pingaartumik suliassani pingaarutilinni imaluunniit tamanut nalinginnaasumik soqutiginaatilinni imaluunniit qinnuteqartup inuttut imaluunniit inuussutissarsiornikkut atugarisaanut annertuumik pingaarutilinni taamaattassalluni.

“Suliassani pingaarutilinni imaluunniit tamanut nalinginnaasumik soqutiginaatilinni” suliap aningaasartuutaanngitsumik eqqartuussivikkut suliarineqarnissaanik nalunaaruteqarnissamut inatsisitigut tunngavissamut tassunga inatsisissatut missingiummi aalajangersakkatut siunnersuutigineqartoq pissusissamisoorumik attuumassuteqarpoq.

Aalajangersakkap Danmarkimi Ombudsmandi pillugu inatsimmi § 23-mut naapertuut-tup Ombudsmandip maannamut ingerlatai inatsisitigut tunngavissippai.

Pisuni oqartussaasup naammagittaalliutigineqartup aalajangigaa kukkusutut Ombudsmandimit isigineqartillugu aammali allannngortinnissaanik Ombudsmandi inassuteqaraluartoq oqartussaap aalajangikkaminik attassiinnartillugu naammagittaalliortup inatsisitigut pisinnaatitaaffimminik angusaqarniarnerani ikiornissaa suliap aningaasartuutaanngitsumik eqqartuussivikkut suliarineqarnissaanut inassutigineqarnerani siunertarineqarpoq. Suliap eqqartuussivinnut saqqummiunneqarnerani inatsisitigut inissisimanerup nalornissutigineqarnerata qulaajarneqarnissaanut siunertarisaq peqataasinnaavoq.

Oqartussamut suliassanngortitsinerit oqartussaasumut aningaasaqarnikkut nukissatigullu nanertuutaanerit aalajangikkat eqqartuussivinni misissortinneqarsinnaannginnerannut tunngavissaatinneqarsinnaanngilaq.

5) Inatsisissatut missingiummi § 25 pillugu: Ombudsmandip akissarsiassai.

Tamanna pillugu A/S Inissiaatileqatigiiffik INI ima oqaaseqarpoq: Ombudsmandiujunnaarnersiutit soraarnerussutisiallu eqqarsaatigalugit sooq Ombudsmandi Naalakkersuisunut ilaasortatulli pineqassanersoq INI-p ilisimanngilaa, tamannali Inatsisartut namminneq aalajangissavaat.

Inatsisissatut missingiummi § 25-mi aalajangersarneqarpoq malittarisassat Naalakkersuisunut ilaasortanut atuuttut malillugit Ombudsmandi ombudsmandiujunnaarnersiuteqarsinnaatitaallunilu soraarnerussutisiaqarsinnaatitaasoq.

Inatsisartut Ombudsmandiat pillugu Inatsisartut inatsisaat atuuttoq malillugu Ombudsmandi Namminersornerullutik Oqartussani pisortaanertut akissaateqartinneqassaaq, tamatumalu saniatigut Ombudsmandi inummut tapisiaqartinneqarsinnaalluni. Ombudsmandi utaqqinermi akissaateqartussaavoq soraarnerussutisiaqartussaallunilu Inatsisartunut Naalackersuisunullu ilaasortat aningaasarsiaqartinneqarneri soraarnerussutisiaqartinneqarnerilu il.il. pillugit malittarisassat naapertorlugit.

Taamaalilluni ombudsmandiujunnaarnerisuteqarsinnaatitaaneq soraarnerussutisiaqarsinnaatitaanerlu eqqarsaatigalugit Ombudsmandip piginnaatitaaffiisa allanngortinneqarnissaat siunertarineqanngilaq. Taamaakkaluartoq Naalackersuisunut aammalu Inatsisartunut ilaasortanut assigiinngitsunik malittarisassanik akuersissuteqartoqarsinnaanera pissutigalugu (maannakkutut: Naalackersuisunut AAMMA Inatsisartunut ilaasortanut piginnaatitaaffiit pinnagit) Naalackersuisunut ilaasortat piginnaatitaaffiitut attuumassuteqarnissaa toqqarneqarsimavoq.

6) Inatsisissatut missingiummi § 26, imm. 1 pillugu: Ombudsmandip sulisui.

A/S Inissiaatileqatigiiffik INI isumaqarpoq suliat Ombudsmandimit suliarineqartartut amerlassusiannut sanilliullugu Ombudsmandip sulisui amerlavallaartut. Taamaattumik Ombudsmandip sulisui suliaasaqassuseq malillugu amerlassusilerneqarnissaat assersuutigalugu nassuiaatini aalajangersarneqassasoq Inissiaatileqatigiiffiup siunnersuutigaa.

Ombudsmandi ukiut tamaasa Inatsisartunut nalunaarummik tunniussaqaqartarpoq, tassaani qaammatisiutit ukiuani siuliani Ombudsmandip suliani nassuiaatigisarlugit. Ombudsmandip ukiumoortumik nalunaarutaani kingullermi takuneqarsinnaavoq 2008-p naanerani ombudsmandeqarfimmi sulisut tassaasut inatsisilerinermi pisortaq, nutserisut pingasut, fuldmægtigit pingasut allatsilu ataaseq. Ukiup naanerani fuldmægtigit atorfik ataaseq inuttaqanngilaq.

Ombudsmandip sulisunik atorfinitsitsisarneranut aningaasaliissutitigut killissaritit Aningaasanut Inatsimmi aalajangersarneqarput, taamaalillutillu Inatsisartunit akuersaallutik.

Allaffeqarfik inatsimmi tunngavissanik aammalu ingerlatsinermut malittarisassanik allassinngitsunik malinninnersoq pillugu nakkutilliinissamik Inatsisartut inatsisiliorlutut Ombudsmandi suliakkerpaat. Taamaalilluni Ombudsmandi tassaavoq Inatsisartut Naalackersuisunik inatsisinillu atuutsitsisunik nakkutilliineranni sakkussaq, tamatumali peqatigisaanik tassaalluni nunatsinni innuttaasut inatsisitigut isumannaatsuunissaannik qulakkeerisoq. Suliassap tamatuma toqqissisimanartumik naammassinissaanut Ombudsmandi periarfissinniarlugu Ombudsmandimut aningaasaliissutit aalajangersarneqarput.

7) Inatsisissatut missingiummi § 26, imm. 5 pillugu: Oqartussaasunit Ombudsmandip nakkutilliinerani ilaatinneqartunit kiffartuunneqarneq ikiorneqarnerluunniit

Ombudsmandi aaqqissuussaannermini suliassat naammassiniarnerini oqartussaasunit allanillu Ombudsmandip nakkutilliinerani pineqartunut ilaatinneqartunit kiffartuussiner-nik ikiorneqarnermilluunniit pissarsiniaruni inatsisissatut siunnersuummi § 26, imm. 5 naapertorlugu Ombudsmandip oqartussaasoq pineqartoq suliassap naammassiniarneqar-nissaa pillugu isumaqatigiissuteqarfigissavaa.

A/S Inissiaatileqatigiiffik INI-p maluginiarpaa aalajangersakkamut taaneqartumut inat-simmumt nassuiaatini paasissutissiissutigineqartoq “aqutsinermi oqartussaasut taakku Ombudsmandimut taassumalu sulisuinut ilumut peqqusissuteqarsinnaanerannik nalor-nissutiginnilersitsisarsimavoq”.

Tassunga atatillugu Inissiaatileqatigiiffiup oqaatigaa Ombudsmandip sulisui sulisorisa-nut inissiamik attartornissamut isumaqatigiissummik atsiornerminni allat assigalugit pi-sinnaatitaaffeqarnerat pisussaaffeqarnerannut INI-mit nalornissutigineqanngisaannarsi-masoq.

Ombudsmandip, INI-p, Nukissiorfiit oqartussaasullu allat akornanni isumaqatigiissutis-satut siunnersuutigineqartoq Inissiaatileqatigiiffiup isumaa malillugu iluaqutaanavian-ngilaq.

Ombudsmandeqarfimmi nukissatigut killilersuinerit (aammalu Namminersorlutik Oqar-tussani nukissat tulluussakkamik atorneqarnissaat eqqarsaatigalugu) kingunerisaannik aaqqissuussaananikkut suliassat arlalippassuit Ombudsmandeqarfiup allaffissornikkut oqartussaasunut tunniussimavai. Tamatumani ilaatigut pineqarput akissarsialerineq aammalu (piffissat ilaanni) naatsorsuuserineq.

Oqartussaasut Ombudsmandip nakkutigisassaasa Ombudsmandeqarfimmut atatillugu taakku oqartussaanerminni pisinnaatitaaffeqannginnissaat aalajangersakkatut siunner-suutikkut anguniarneqarpoq. Tamanna Ombudsmandeqarfiup oqartussaasullu pineqar-tup akornanni suleqatigiinnermi pisinnaatitaaffiit pisussaaffiillu inuit ataasiakkaat pil-lugit inatsiseqartitsinerup tunngavigineratigut qulakkeerneqassaaq, tassalu isumaqati-giissuteqarnikkut.

Ilaatigut oqartussaasunut Ombudsmandip nakkutiillivigisaminut Ombudsmandip attuu-massuteqartuunnginnissaanut illersorneqarnissaanut ilaatigullu Ombudsmandeqarfiup peqataasinnaanerata illersorneqarnissaanut aalajangersagaq atuuppoq.

Taamaattoqassappat paatsoortoqaqqunagu oqaatigineqassaaq Ombudsmandeqarfiup inissiaatileqatigiiffimmik INI-mik isumaqatigiissuteqarnissaa pisariaqartinneqassaner-soq inatsisissatut siunnersuummi isummerfigineqanngimmat.

Aammattaaq Kalaallit Nunaanni Naalagaaffiup Sinniisuanit tusarniaanermut akissut ti-guneqarpoq, taassuma tusarniaanermut akissutaa kinguliini allassimasuni issuarneqarluni, Siulittaasoqarfiullu apeqqutinut ataasiakkaanut oqaaseqaatai uingasumik allanneqarlutik:

1) Inatsisissatut missingiummi § 7, imm. 1 pillugu: Ombudsmandip pisinnaatitaanera

Pisortat ingerlatsinerisa ilaat tamarmik Ombudsmandip sulinerani ilaatinneqartut inatsisissatut siunnersuummi § 7, imm. 1-imi aalajangersarneqarpoq.

Naalagaaffiup Kalaallit Nunaanni ingerlataasa Inatsisartut Ombudsmandiata pisinnaatitaaneranut ilaatinneqannginnerisa inatsisissatut siunnersuummi § 7, imm. 1-imi erseqqissaatigineqarnissaa Kalaallit Nunaanni Naalagaaffiup Sinniisuata kissaatigaa.

Kaammattuut inatsisissatut siunnersuummi saqqummiunneqartumi malinneqarpoq.

2) Inatsisissatut siunnersuummi § 29: Ombudsmandip taaguutaata illersorneqarnera.

Taaguut Ombudsmandi imaluunniit taaguut alla taassumunnga paarlaanneqarsinnaasoq inatsimmik Inatsisartunit akuersissutigineqarsimasumik tunngaveqartinneqanngikkuni atorineqassanngitsoq inatsisissatut missingiummi § 29-mi aalajangersarneqarpoq

Ombudsmandip taaguutaata illersorneqarnerata taassuma taaguutip “Naalagaaffiup Sinniisaa”-ta atorineqarneranut killilersuinngitsoq inatsisip oqaasertaani imaluunniit inatsimmut nassuiaatini erseqqissaatigineqassasoq Naalagaaffiup Kalaallit Nunaanni Sinniisaata qinnutigaa.

Kaammattuut inatsisissatut siunnersuummut nassuiaatini saqqummiunneqartuni malinneqarpoq.

Tusarniaanermi periaatsip nassuiaatigineqartup saniatigut Inatsisip Atortinneqarnerannut Ataatsimiititaliaq, ilaatigut Inatsisartut Ombudsmandiannut Ataatsimiititaliatut atuuttoq Siulittaasoqarfiup isumasiorsimavaa. Inatsisip allannortinneqarnissaanut Inatsisip Atortinneqarnerannut Ataatsimiititaliaq tunngaviummik isumaqataavoq.

Taamaattorli inatsisissatut siunnersuutip qulequtaa oqaatsinut atorineqartussatut Siulittaasoqarfiup akuerineqartunut naapertuuttunngortinneqarnissaanut Inatsisip Atortinneqarnerannut Ataatsimiititaliaq (Naalakkersuisut Siulittaasuata Naalakkersuisoqarfia assigalugu) kaammattuuteqarpoq.

Aammattaaq Inatsisartut Inatsisartunut qinersisoqareernerit tamaasa Ombudsmandip suliasaminik ingerlatsisinnaanngikkallarnermi taartigisartagassaanik qinersisarnissaat pillugu aalajangersakkap (“Ombudsmandip sulinera pillugu aalajangersakkani nalingin-

naasuni” atuuttuni § 12, imm. 2-mut naapertuuttup) attatiinnarneqarnissaa Inatsisit Atortinneqarnerannut Ataatsimiititaliap kissaatigaa. Suliame Ombudsmandi suliamut attuumassuteqarnini pissutigalugu peqataasinnaangitsutut nalunaartillugu Inatsisit Atortinneqarnerannut Ataatsimiititaliap (imaluunniit Inatsisartut) suligasuarnermigut Ombudsmandip taartigisartagassaanik toqqaasarneratigut periaatsip atorneratigut pissutsit suuneri apeqqutaatillugit suliap ingerlanneqarnera pisariaqanngitsumik kinguarsarneqassanngilaq, taama naliliivoq Inatsisit Atortinneqarnerannut Ataatsimiititaliaq.

Kiisalu Inatsisit Atortinneqarnerannut Ataatsimiititaliaq (Qaasuitsup Kommunia assigalugu) isumaqarpoq Ombudsmandip inatsisilerituutut soraarummeersimasuunissaa pingitsoorani piumasqaataasariaqartoq.

Inatsisit Atortinneqarnerannut Ataatsimiititaliamit inassuteqaatit tamarmik inatsisissatut siunnersuutikkut malinneqarput.

Siunnersuummi aalajangersakkanut ataasiakkaanut nassuiaatit

Kapitali 1 - Inatsisartunut tunngasut

§ 1 pillugu

Imm. 1 pillugu.

Siunnersuummi imm. 1-ip allannguutit kingunerinik naqqiissuteqartinneqarluni Ombudsmandi pillugu inatsimmi atuuttumi §1-ip pissuseqatigaa. Ombudsmandip piffissamik Inatsisartut qinigaaffiannik malinninnera pillugu aalajangersakkap allanngortinneqarani ingerlateqqinneqarnissaa siunnersuutigineqarpoq.

Inatsimmi atuuttumi § 1, imm. 1-imi oqaasertap imaattup: “Inatsisartut sinnerlugit Namminersornerullutik Oqartussat ingerlatsinerannik kiisalu kommunit ingerlatsinerannik paasisimasaqartumik” peerneqarnissaa siunnersuutigineqarpoq, taamaaliornikkut Ombudsmandip pisinnaatitaanera pillugu aalajangersakkat inatsisissatut siunnersuummi §§-ini 7-imit 17-imut katersorneqarsinnaalissammata. Ilanngutinngitsuinerimi Ombudsmandip pisinnaatitaanerata annertussusiani allannguuteqartitsinissaq siunertarineqanngilaq.

Inatsimmi atuuttumi § 1, imm. 2 § 2-nngorpoq.

Imm. 2 pillugu.

Siunnersuummi imm. 2, oqaasertalioqqinneqarnera ilanngullugu, imarisamigut inatsimmi atuuttumi § 1, imm. 3-mut naapertuuppoq.

Ombudsmandip Inatsisartunit tatigineqarunnaaruni Inatsisartunit soraarsinneqartarnissaa pillugu malittarisassap allannguuteqarani ingerlateqqinneqarnissaa siunnersuutigineqarpoq.

Ombudsmandimik qinersinerimi soraarsitsinermilu periaaseq pillugu aalajangersakkat siunnersuummi sukumiinerusumik allaaserineqanngillat, aalajangersakkammi taamaattut malittarisassanut, Inatsisartut sulinerannik, tassalu Inatsisartut Suleriaasiannik, allaaserinnittunut atammata.

§ 2 pillugu

Aalajangersagaq taanna inatsimmi atuuttumi § 1, imm. 2-mut naapertuuppoq, taamaattorli imatut allannguuteqarluni, tassalu Inatsisartut Inatsisit Atortinneqarnerannut Ataatsimiititaliaat, imaanngitsoq Inatsisartut Siulittaasoqarfiat, tassaasoq Ombudsmanditut suliamik kia suliaqarallarnissaanik aalajangiisussaq, Inatsisartut katersuunnissaasa Ombudsmandimillu nutaamik qinersinissaasa tungaanut.

Allannguutissatut siunnersuutip Inatsisartut Inatsisit Atortinneqarnerannut Ataatsimiititaliaata Ombudsmandip sulineranut ataatsimiititaliatut oqartussaataitaasutut qinerneqarneranik Inatsisartut aalajangernerat 26. oktober 1995-imeersoq inatsisikkut tunngavisippaa.

§ 3 pillugu

Imm. 1 pillugu

Aalajangersagaq inatsimmi atuuttumi § 2-mut sanilliullugu annertusineqarpoq, Ombudsmandilu Inatsisartunut, Naalakkersuisunut taamatullu kommunalbestyrelsinut nunaqarfinnilu aqutsisunut qinigaanissamut mattunneqanngitsaq, kisiannili Ombudsmandi qinigaaguni Ombudsmanditut sulinerminik ingerlatseqqissinnaanngitsaq erseqqissarneqarluni.

Ombudsmandi piffissap qinigaaffiup ingerlanerani suliassanut taamaattunut qinigaaguni tunuartariaqarpoq.

Aalajangersakkami tassani kommunalbestyrelsit nunaqarfinnilu aqutsisut pineqarput.

Imm. 2 pillugu

Imm. 2-kkut aalajangersarneqarpoq Ombudsmandi inatsisilerituutut soraarummeernermi angusisimasuussasoq. Aalajangersagaq taanna inatsimmi atuuttumi § 2-mi Ombudsmandi "inatsisinik ilinniarnertuutut ilinniarsimasariaqarpoq"-mut sanilliullugu Ombudsmandip suliatigut pisinnaasaqarnera pillugu piumasaqaatinik sakkortusisitsineruvoq.

§ 4 pillugu

Imm. 1 pillugu

Inatsimmi atuuttumi § 13, imm. 1-imut naapertuuppoq.

Imm. 2 pillugu

Inatsimmi atuuttumi § 13, imm. 2-mut naapertuuppoq, taamaattorli siunnersuut pineqarput angutaanera arnaaneraluunniit ersersinnagu oqaasertaliugaavoq. Aalajangersakkap pingaartumik nassataraa Inatsisartut katersuunneranni, piffissami Ombudsmandip qinuteqaateqareermigut imaluunniit utoqqalinini pissutigalugu soraarnissaata siorna niittumi qaninnerpaami, Inatsisartut Ombudsmandimik nutaamik qinersissasut. Ombudsmandip 65-inik ukioqalernermini pinngitsoorani soraarninngornissaanik aalajangersakkap maannamut atuuttup atatiinnarnissaa siunnersuutigineqarpoq, tamatumalu

nassataraa inuup 65-inik ukioqalereersimasup Ombudsmanditut sulinissaminut qinigaa-sinnaannginnera.

§ 5 pillugu

Imm. 1 pillugu

Aalajangersakkap taassuma Aalajangersakkani Nalinginnaasuni § 12, imm. 2 ingerlateq-qippaa, taamaattorli erseqqissarneqarluni Ombudsmandimut taartaasartoq Inatsisartunut qinersereernikkuinnaanngitsoq, aammali atorfiup inuttaarunnerani, qinerneqartassasoq. Ombudsmandimut taartaasartumik atorfiup inuttaarunnerani qinersineq Inatsisartut nalinginnaasumik katersuunnerannut tulliuuttumut siullermut nalinginnaasumik utaqqi-maarunneqarsinnaasussaavoq.

Imm. 2 pillugu

Aalajangersakkamut tunuliaqutaasoq pisortat ingerlatsineranni inatsiseqartitsineq naa-pertorlugu suliameq peqataasinnaanissaq pillugu nalinginnaasumik tunngavissaqarnerup kinguneraa, tassalu inuk suliap suliarineqarnerani peqataasinnaanngitsoq suliap suliarinerani suugaluartuniluunniit peqataassanngitsoq. Tamatuma kingorna suliap suliarineqarnerani peqataasinnaanngitsumut suliassiisup, pisumi matumani Inatsisartut Inatsisit Atortinneqarnerannut Ataatsimiititaliaata, isummerfigisassarilissavaa suliaq qanoq iliorluni suliarineqassanersoq.

Ombudsmandip suliameq peqataasinnaannginnerminik nalunaaruteqarnerata kingunerisaanik, Ombudsmandip sulisui suliameq pineqartumik sutigulluunniit suliaqarnissaminut peqataasussaajunnaassapput. Taamaattorli Ombudsmandi taassumaluunniit sulisui, Ombudsmandimut taartaasartup matuminnga qinnutigisaqarneratigut, suliameq sulissutiginninnernik sullissinerinnaviusunik suliaqarsinnaapput, soorlu allagaatinik nutserinermik, suliameq allagaatinik aalajangersimasunik assigisaannillu pissarsiniarnernik.

Aammattaaq aalajangersakkap periaaseq maannamut atorneqartoq, Ombudsmandip aamma Inatsisartut Inatsisit Atortinneqarnerannut Ataatsimiititaliaata akornanni isumaqatigiissutigineqarsimasoq, inatsisikkut aalajangersaavigaa, tassalu suliassat, Ombudsmandip suliameq peqataasinnaannginnerminik nalunaaruteqarfigisai, Inatsisartut Inatsisit Atortinneqarnerannut Ataatsimiititaliaannut nassiunneqartassasut.

Aalajangersakkani Nalinginnaasuni maannakkut atuuttuni § 12, imm. 2 imaattunik oqaasertaqarpoq:

“Inatsisartut inatsisartunut qinersisoqareernerit tamaasa Ombudsmandip suliassaminik ingerlatsisinnaanngikkallarnernini taartigisartagassaanik qinersissapput.”

Imm. 3 pillugu

Imm. 2 inatsimmi atuuttumi § 12, imm. 2-mut naapertuuppoq, tassami Ombudsmandip atorffianut akuersinermik nalunaaruteqarnissamut pisinnaatitaaneq Inatsisit Atortinneqarnerannut Ataatsimiititaliamut tunngatinneqassasoq siunnersuutigineqarmat, tassasoq Inatsisartuni ataatsimiititaliaq Ombudsmandip sulinera pillugu apeqqutinik ilaatigut suliarinnittartuusooq. Aammattaaq aalajangersakkap imatut annertusineqarnissaa siunnersuutigineqarpoq, tassalu peqatigiiffimmi suliaqarnissaq pillugu Ombudsmandi Inatsisit Atortinneqarnerannut Ataatsimiititaliap akuersissutaanik pissarsisassasoq.

Aalajangersagaq taanna Ombudsmandip arlaannaannulluunniit attuumassuteqartuunnginnissaaq piumasaqaateqarnermut ataneqartillugu isiginiarneqassaaq.

§ 6 pillugu

Aalajangersagaq inatsimmi atuuttumi § 3-mi oqaaseqatigiit aappaannut naapertuuppoq, imarisamigullu allannguuteqartinneqarani.

Imm. 1 pillugu

Ombudsmandip Inatsisartunut attuumassuteqannginnerata pingaartumik kinguneraa Inatsisartut Ombudsmandi suliamik aalajangersimasumik suliaqaqqullugu peqqusinnaanngimmassuk, Ombudsmandi suliamik suliaqaqqunagu inertsinnaanngimmassuk imaluunniit Ombudsmandi peqqusinnaanngimmassuk suliamik suliaqarneq aalajangersimasumik inernilerneqassasoq.

Arlaannaannulluunniit attuumassuteqannginneq atorneqarnermini Inatsisartut ataatsimiititaliaasa Ombudsmandip oqaaseqaataanik isummerfiginnittannginnerisigut imaluunniit isornartorsiuisannginnerisigut erseqqissarneqartarpoq.

Inatsisartut Ombudsmandeqarfik aqqutigalugu ingerlatsinermik nakkutiginninnerisa saniatigut nakkutilliineq Inatsisartut ataatsimiititaliaasa Naalakkersuisunut ilaasortanik isumasioqateqartarnerisigut taamatullu ataatsimiititaliat sulianik Inatsisartut Naalakkersuisullu pillugit Inatsisartut inatsisaat Inatsisartullu Suleriasissaat naapertorlugit allatigut suliaqartarnerisigut pisarpoq. Inatsisartut aalajangissappassuk ataatsimiititaliarsuit (kommissionit) misissuisartussat pillugit inatsiseqartitsinermik atortuulersitsisoqassasoq, Inatsisartut nakkutilliinerat taamatuttaaq taakkunatigut ingerlanneqarsinnaasassaaq.

Inatsisartut taakkualuunniit ataatsimiititaliaasa suliamut isummersimasinnaanerannik, Ombudsmandip suliasumik suliaqalernissaanik imaluunniit suliap suliarineranik ingerlatsiinnarnissaanik mattussisumik, nalornissuteqalersinnaanerit ikilissinniarlugit Inatsisartut Inatsisit Atortinneqarnerannut Ataatsimiititaliaata Ombudsmandillu 1998-imi majip qaammataani suleqatigiinnissamik isumaqatigiissuteqarnermi isumaqatigiissutigisi-

mavaat, ilaatigut Ombudsmandip matuminnga apeqquilliissutini Inatsisartut Inatsisit Atortinneqarnerannut Ataatsimiititaliaannut ingerlatittassagai, assilinerata ataatsimiititaliamut allamut pineqartumut nassiullugu, ilaatigullu Inatsisartut Inatsisit Atortinneqarnerannut Ataatsimiititaliaata suliamik ataatsimiititaliami oqaluuserinninnerup inernerata pil-lugu Inatsisartut ataatsimiititaliaasa allat Ombudsmandimut nalunaarutaannik akunnermiliuttuuneq ataqatigiissassagaa. Inatsisartut Inatsisit Atortinneqarnerannut Ataatsimiititaliaata Ombudsmandillu suleqatigiinnissamik isumaqatigiissutaat Ombudsmandip 1998-imi ukiumoortumik nalunaarutaani naqitigaavog, tamatumani tak. kalaallisuuani quppernerit 11 tulliilu aamma qallunaatuani quppernerit 11 tulliilu.

Ombudsmandip Atorfeqarfiata siunertaa naalakkersuinikkullu arlaannaannulluunniit atuumassuteqartuunnginnera erseqqissarniarlugit naatsorsuutigineqarpoq Inatsisartut Ombudsmandi suliami annertunerusumik iliuuseqatigiissinnaajunnaarsillugu suliaq pil-lugu isummersimanersut Ombudsmandip suliani ataasiakkaani nammineq naliliiffigissagaa.

Imm. 2 pillugu

Inatsimmi atuuttumi § 3-mi oqaaseqatigiit siulliit allannguteqartinnagit ingerlateqqinneqarput. Naak Aalajangersakkat Nalinginnaasut atuuttut inatsisissatut siunnersuummi uani atorunnaarsinneqarnissaat siunnersuutigineqaraluartoq, aalajangersakkap atatiinarneqarnissaa siunnersuutigineqarpoq, Inatsisartut Ombudsmandip sulineranut aalajangersakkanik nalinginnaasunik aalajangersaanissaq kingusinnerusukkut kissaatigilissagaluarpassuk, taamanikkussamut iliuuserisassat pisariillisarniarlugit.

Kapitali 2 - Ombudsmandip pisinnaatitaanera

Ataatsimut

Siunnersuutigineqarpoq inatsimmi atuuttumi § 7, imm. 3, aamma § 9, imm. 1, inuit ataasiakkaat pillugit naammagittaaliuutinik misissuinernut tunngasoq, ingerlateqqinneqas-sanngitsoq, tamatumuunakkut ersersinniarlugu Ombudsmandip suliassaa pingaarnertigut oqartussaasunut sammitinneqartoq inunnullu ataasiakkaanut, oqartussat sinnerlugit iliuuseqartunut sammitinneqarnani. Taamaattorli Ombudsmandip pisuni immikkut illuinnartuni misissuinini inunnullu aalajangersimasunut, oqartussaasut sinnerlugit qanoq iliuuseqartunut, suli sammitittarsinnaavaa, inatsisinillu unioqutitsisoqarsimanera paasi-neqarpat tamatuminnga malersuinissamik inassuteqarsinnaalluni.

§ 7 pillugu

Imm. 1 pillugu

Imm. 1-ip inatsimmi atuuttumi § 1, imm. 1 aamma § 4, imm. 1 ingerlateqqippai, tamatumunngalu peqatigitillugu Aalajangersakkani Nalinginnaasuni § 1 ingerlateqqillugu.

Aalajangersakkami oqaatigineqarpoq oqartussaaitaasunut sorlernet tunngasumik Ombudsmandi pisinnaatitaasoq. Namminersorlutik Oqartussani kommuniniluunniit pisortatigoortumik ingerlatsinermut Ombudsmandip maannamut pisinnaatitaanerani allannguuteqartitsinissaq anguniarneqanngilaq. Taamaammat Ombudsmandip Inatsisartunut, taakkua ataatsimiititaliaannut imaluunniit eqqartuussivinnut tunngasumik pisinnaatitaannginnera ataannarpoq.

Ombudsmandip Inatsisartunut attuumassuteqartuunnginnini pissutigalugu Inatsisartut sulinerat isummerfigisinnaanngilaa, taamaattumillu Inatsisartut ataatsimiititaliaat avatartut imaluunniit ataatsimiititaliarigallagaat Ombudsmandip sulinerata avataaniipput. Inatsisartut aqutsinerat tamatuma pissuseqataanik Ombudsmandip sulinerata avataaniipput.

Naalagaaffiup Kalaallit Nunaanni ingerlatsinera Inatsisartut Ombudsmandiata pisinnaatitaanerani pineqartunut ilaangilaq, Folketingilli Ombudsmandiata pisinnaatitaanerani pineqartunut ilaalluni.

Imm. 2 pillugu

Imm. 2 nutaajuvoq, aallaaviusorlu Ombudsmandip ataatsimiititalianut, pisortat ataatsimiititaannut il.il., inuinaat akornanni saqitsaassutinik aqqiisartunut, tunngasumik pisinnaatitaanermini maannamut killiliussimasaa inatsisikkut aalajangersarlugu.

Ombudsmandip pisinnaatitaanerata, Ombudsmandip pisinnaatitaaffinngisaanik aalajangersakkami taaguinikkut, killiliivigineqarnissaa siunnersuutigineqarpoq, taamaalilluni Ombudsmandi pisortat ataatsimiititaasa, toqqissisimanartunik periaaseqarlutik aalajangiisartut, tassa assersuutigalugu imaappoq eqqartuussivinnut assingusunut eqqartuussinullu ilaasortaaffigineqarajuttartut, tungaannut pisinnaatitaassanani.

Ombudsmandi, soorlu tamanna Ombudsmandip nalunaarutaanit oqaaseqaataanillu ersertoq, maannamut pisinnaatitaanerminik killiliisimavoq oqartussaaffiup pineqartup suliaanik, katitigaaneramik aqqissuussaaniikkullu inissisimaneranik pisuni pineqartuni naliliineq tunngavigalugu.

Taamaalilluni Ombudsmandi oqartussaaffiit makkua pillugit naammagittaalliuutinik suliaqarnermut tunngasumik pisinnaatitaasutut imminut isigivoq:

- oqartussaaffiit aqutsinermi allaffissornermik suliaqartartut, ingerlatsinermi oqartussaasut suliaasaannut assingusunik suliaqartartut, assersuutigalugu akuersissutinik, tapiissutinik imaluunniit taarsigassarsinissamik qinnuteqaatinik suliaqartartut, assers-

suutigalugu Inuussutissarsiutitigut Tapersiisarnermut Ataatsimiititaliaq (takuuk kinguliiniittut) aamma taamani Immikkut Ikiorsiisarnermi Aningaasaateqarfiusoq,

- oqartussaaffiit pisortani oqartussaasut aalajangiinerinik naammagittaalliuuteqartarfittut ingerlasut, assersuutigalugu Isumaginninnermi Naammagittaalliuuteqartarfik, Ilinniagaqarnersiuteqartitsinermi Naammagittaalliuuteqartarfik aamma Ineqarneq pillugu Maalaaruteqartarfik,
- oqartussaaffiit ajornartorsiutit illua'tungeriit marluk akornanni inuit ataasiakkaat pillugit inatsiseqartitsinermit tunngasumik pissusillit aqqinnissaannik suliallit, oqartussaaffik misissuinissamik nakkutilliinissamillu, pisortanut oqartussaasunut inatsiseqartitsineq naapertorlugu tunngavilinnik, pisussaatinneqarsimappat, assersuutigalugu Atuisunut Pisisartunullu Maalaaruteqartarfittut Ataatsimiititaliaq Inatsisartut inatsisaat naapertorlugu pilersinneqarsimasoq,
- oqartussaaffiit inatsisinut naapertuutsitsinermit nakkutilliisutut suliaqartut, assersuutigalugu Kalaallit Nunaanni Kommunit Nakkutilliisoqarfiat, aammattaaq kinguliiniittut takukkit.

Oqartussaaffiit suliaqaqatigiissut, taakkunani Inatsisartunut ilaasortat inatsit naapertorlugu imaluunniit allamik tunngaveqartumik oqartussaaffik tamaat ilaannaaluunniit ilaasortaaffigalugu, Ombudsmandip 1995-imut nalunaarutaa malillugu immikkut ajornartorsiuteqarfiupput.

Inuussutissarsiornermut Tapersiisarnermut Ataatsimiititaliamut tunngasumik 1995-imi taamatut ajornartorsiuteqartoqarsimavoq, Ombudsmandilu pisinnaatitaanerninik killiliinermini ima eqikkaasimavoq, ataatsimiititaliaq sulianik ingerlatsinermit oqartussaasut suliaasa nalinginnaasut assinginik suliaqartartilluni, soorlu ilaatigut qinnuteqaatinik ataasiakkaanik aalajangiisarnermigut, taamaattumillu naalakkersuisut suliaqaqarfianni, Inatsisartullu sulinerata nalinginnaasup ilaatut pinnani, suliaqarluni, taava ataatsimiititaliaq Ombudsmandip pisinnaatitaaneranut ilaavoq.

Atuisartunut Pisisartunullu Maalaaruteqartarfittut Ataatsimiititaliaq Inatsisartut toqqagaannik pingasunik ilaasortaartoq eqqarsaatigalugu Ombudsmandi 1996-imi pisinnaatitaasutut isigisimavoq.

Oqaaseqaammi 1998-imeersumi, Ombudsmandip ukiumut 1998-imut nalunaarutaani eqqartorneqartumi, ombudsmandi isummernerit taakkununga assingusut tunngavigalugit Kalaallit Nunaanni Kommunit Nakkutilliisoqarfiannut tunngasumik pisinnaatitaasutut imminut isigivoq, tassami Ombudsmandip aamma pingaartissimammagu, siulersorneqarnermik 1994-imi iluarsaaqqinnermi Inatsisartut nakkutilliisoqarfimmi sinniisuuti-taasa amerlassutsimikkut ikilisinneqarsimanerat, ilaasortanit amerlanerussuteqartunit 3-

nit ilaasortanut ikinnerussuteqartunut 2-nut, Ombudsmandeqarfimmut pilersinneqassa-
maartumut tunngasumik pisinnaatitaanerup killiliiviginissaa innersuussutigerpiarlugu.

Pisinnaatitaanerup killissalersugaanera pillugu apeqqut naalagaaffimmi oqartussaasut
eqqarsaatigalugit aamma atuussimavoq:

Taamaalilluni Kalaallit Nunaanni Sulisilluni Ajoqusersinnaanermut Sillimmasiisarner-
mi Ataatsimiititaliaq eqqarsaatigalugu Ombudsmandi 1995-imi pisinnaatitaasutut immi-
nut isigisimavoq, tassami ataatsimiititaliaq taanna, naalagaaffimmi malittarisassat tun-
ngavigalugit pilersinneqarsimagaluarluni, Den Sociale Ankestyrelsilu oqartussaasutut
qulliunerusutut naammagittaalliorfissaagaluartoq, aqqissuussaanikkut Namminersor-
nerullutik Oqartussani (massakkut Namminersorlutik Oqartussat) inissinneqarsimam-
mat.

Sulisilluni Ajoqusersinnaanermut Sillimmasiisarnermi Ataatsimiititaliaq Kalaallit Nu-
naanni sulisilluni ajoqusersinnaanermut sillimmasiisarneq pillugu inatsisip atortuuler-
sinneqarnera pillugu Kunngip peqqussutaa nr. 991, 3. oktober 2008-meersoq tunngavi-
galugu Sulisilluni Ajoqusersinnaanermut Sillimmasiisarfimmit Kalaallit Nunaanni
Namminersorlutik Oqartussat ataanni oqartussaasumit taarserneqarpoq.

Kalaallit Nunaanni Tugassiuutit pillugit Aalajangiisartut, naalagaaffimmi oqartussaa-
suusut, naalagaaffiup toqqagaannaanik ilaasortaqaartut eqqarsaatigalugit Ombudsmandi
1998-imi pisinnaatitaanngitsutut imminut isigisimavoq.

Ombudsmandi tamatuma kingornatigut, tassalu 24. marts 2009-mi, Tusagassiuutit pillu-
git Aalajangiisartut, Naalakkersuisut tusagassiuisarnermi akisussaassuseqarneq pillugu
Inatsisartut inatsisaanni nr. 17-imi, 19. november 2007-imeersumi § 41 tunngavigalugu
pilersissimasaat eqqarsaatigalugit pisinnaatitaasutut imminut isigilersimavoq. Ombuds-
mandip aalajangiinera taanna Tusagassiuutit pillugit Aalajangiisartut nutaat suleriaasiat
aqqissuussaanikkullu inissimanerat pillugit paasisutissat pigineqartut tunngavigalugit
pismavoq, imaammammi Tusagassiuutit pillugit Aalajangiisartut taakku naalagaaffiup
Kalaallit Nunaanni Tugassiuutit pillugit Aalajangiisartuinut tamakkiisumik assersuunne-
qarsinnaanngitsut, Aalajangiisartullu taakku ingerlatsineq pillugu inatsiseqartitsiner-
mi aqqiagiinngissutinik aalajangiiviginnittartutut Ombudsmandip sulinerani ilaatinneqar-
tariaqanngitsutut isigineqarnissaannut erseqqissumik tunngavissaqanngimmat.

Inuit normuisa atorneqarnerat pillugu Namminersornerullutik Oqartussat (massakkut
Namminersorlutik Oqartussat) kommunillu sulianik suliarinninneri pillugit naammagit-
taalliuutit suliarinissaannut Ombudsmandi 2000-imi pisinnaatitaasutut imminut isigisi-
mavoq.

Ombudsmandip Kalaallit Nunaanni Politimesteri 2001-imi nalunaarfigisimavaa nappaa-
tit tunillaassortut akiorniarlugit iliuutsit pillugit Inatsisartut peqqussutaat tunngavigalugu

tunillaassortunik nappaalanersuaqarneranut ataatsimiititaliarsuaq Politimesterip aalajangersimasumik siulitittaasuuffigisaa eqqarsaatigalugu Ombudsmandi pisinnaatitaasutut imminut isigisoq, tassami Politimesteri ataqatigiinneqarnermi tassani Namminersorne-rullutik Oqartussat (massakkut Namminersorlutik Oqartussat) sinnerlugit aqutsinikkut suliassamik isumaginnittuummat.

Imm. 3 pillugu

Imm. 3 inatsimmi atuuttumi § 4, imm. 2-mik oqaasertaasigut allanngortitsilluni ingerlatitseqqineruvoq, Ombudsmandillu ingerlatseqatigiiffinnut, suliffeqarfinnut il.il., allaffis-sornikkut aalajangernikkut suliassat suliarineqartarnerat pillugu inatsimmi aamma paa-sitinneqarsinnaatitaaneq pillugu inatsimmi malittarisassanut imaluunniit ingerlatsineq pillugu inatsiseqartitsinermi tunngaviit inatsisikkut aalajangersagaanngitsunut ilanngun-neqartunut, naleqqiussilluni pisinnaatitaanerani killissalersuinermi tunngavissaaneru-sutigut ajornartorsiutinit arlalinnit pilersinneqarsimalluni.

Siunnersuutikkut tamatumunnga peqatigitillugu siunertarineqarpoq tunngaviusumik ajornartorsiutaasup, § 4, imm. 2-p atuuttup nassatarisimasaata aaqqiissuteqarfiginissaa, tassami Naalakkersuisut, Ombudsmandip pisinnaatitaaneranut ilaatinneqartut, allamut atassuteqartumik Ombudsmandip pisinnaatitaanera pillugu aalajangiisnaammata. Iliuseqarniarnerit, Ombudsmandip pisinnaatitaanerata annertussusissaa pillugu aalaja-ngernernut tunngassuteqartut, Inatsisartunit aallaaveqartariaqarput, Naalakkersuisunit pinnatik.

Suliassat suliarineqartarnerat pillugu inatsimmi aamma paasitinneqarsinnaatitaanermik inatsimmi § 1, imm. 2 Naalakkersuisut ingerlatsinermut inatsisit ingerlatseqatigiiffinnut, peqatigiiffinnut, il.il., erseqqinnerusumik taaneqartunut, pisortat ingerlatsinerannut ilaa-sutut naatsorsuunneqarsinnaanngitsunut, tamakkiisumik ilaannakortumilluunniit ator-tuutinneqarnissaat pillugu malittarisassanik sukumiinerusunik aalajangersaanissaannut piginnaatitsissummik imaqarput.

Piomasqaatit, suliassat suliarineqartarnerat pillugu inatsimmi taamatullu paasitinneqar-sinnaatitaaneq pillugu inatsimmi taaneqartut, ingerlatseqatigiiffiup, suliffeqarfiup, pe-qatigiiffiup, il.il., suliassat suliarineqartarnerat pillugu inatsisip aamma paasitinneqarsin-naatitaaneq pillugu inatsisip malittarisassartaannut ilanngunneqarnissaannut inatsisini eqqartorneqartuni taakkunani marlunni taaneqartut, tassaapput oqartussaaffiup sulinera-ni aningaasartuutit Namminersorlutik Oqartussanit imaluunniit kommunimit annertune-rusutigut matussuserneqassasut imaluunniit oqartussaaffiup inatsisikkut imaluunniit i-natsit naapertorlugi Namminersorlutik Oqartussat sinnerlugit imaluunniit kommuni sin-nerlugu aalajangiinissaminut pisinnaatitaaffilerneqarsimaneratut annertutigisumik ta-manna atuutissasoq.

Naalackersuisut piginnaatinneqarneq taanna maannamut A/S Inissiatileqatigiiffimmut INI-mut atorsimavaat, tamannalu Namminersornerullutik Oqartussat nalunaarutaatigut nr. 37-kkut 19. december 1996-imeersukkut pivoq.

Nalunaarut, soorlumi tamanna Ombudsmandip 1997-imi ukiumoortumik nalunaarutaa-ni quppernermit 11-mit ersertoq, Ombudsmandip ingerlatseqatigiiffinnut suliassanik, su-liassat pisortat oqartussaasut ingerlatsinerannut inatsiseqartitsineranut taamatullu inuit ataasiakkaat pillugit inatsiseqartitsineranut tunngasut pissuseqataannik, isumaginnittunut tunngasumik pisinnaatitaanerata annertussusia pillugu qularutiginninnernut nalornissu-teqarnernullu pissutaasarsimavoq, taamatuttaarlu soorlu ingerlatseqatigiiffimmik piler-sitsineq pillugu inatsimmit erseqqissumik ersinngitsoq, ingerlatseqatigiiffik suliassaqar-finni suni Namminersornerullutik Oqartussat (massakkut Namminersorlutik Oqartussat) sinnerlugit imaluunnit kommuni sinnerlugu aalajangiinissaminut pisinnaatinneqarner-soq.

Ombudsmandi ingerlatseqatigiiffimmik tassungalu oqartussaataitaalluni pisortaqarfim-mik oqaloqatiginnereernerit kingornagut ingerlatseqatigiiffiup suliassaanik aalajangersi-masumik naliliineq tunngavigalugu pisinnaatitaanini pisariaqartutigit killilerpaa, ta-mannalu Ombudsmandip nalunaarummi amigaatinik Inatsisartunut Naalackersuisunullu 1997-imi decembarip qaammataani nalunaarutiginninneranik nassataqarsimavoq.

Inatsisissatut siunnersuutip kingunerissavaa Ombudsmandi pisuni ataasiakkaani tamani, oqartussaaffik allaffissornikkut aalajangerneq malillugu ingerlatsinermi inatsiseqartitsi-nermut ilanngunneqaraangat, pisariaqartitsineritut annertutigisumik pisinnaatitaanermi-nik oqartussaaffimmut naleqqiussilluni killiliisariaqassasoq. Naatsorsuutigineqarpoq oqartussaaffik pineqartoq suleqatigalugu taamatut killissaliisoqartarumaartoq.

Inatsisartut tipsernermit lottornermillu iluanaarutinit agguaassisarneq pillugu Inatsisartut inatsisaanni nr. 13-imi, 11. november 2000-imeersumi taamani atuuttumi (massakkut I-natsisartut inatsisaanni nr. 7-imi, 1. juni 2006-imeersuni § 3-kkut) § 2-kkut aalajanger-sarsimavaat aningaasat taakku Kalaallit Nunaanni Timersoqatigiit Kattuffiata aamma Team Greenlandip agguaatissagaat. Aalajangersagaq taanna piareersarlugu sulianit er-serpoq taanna Naalackersuisut suliassat suliarineqartarnerat pillugu inatsit tunngavigalu-gu suliniaqatigiiffinnut taakkununga marlunnut atuuttussanngortissinnaagaat. Tamanna suli pisimangilaq, suliniaqatigiiffiillu taakku marluk eqqarsaatigalugit pisinnaatitaasin-naanini pillugu apeqqummut Ombudsmandi suli saqqummiussiffigineqarsimangilaq.

Tamatuma saniatigut pineqartoq tassaasimavoq Inatsisartut takornariartitsisarnermik inuussutissarsiuteqarnerup aamma nunami inuussutissarsiutit siuarsarneqarnissaat pillu-git Inatsisartut inatsisaata allanngortinneqarnera pillugu Inatsisartut inatsisaatigut nr. 10-kkut, 14. november 2004-meersukkut aalajangersaasimasut suliassat suliarineqartarnerat pillugu inatsit aqutsinermi ingerlatseqatigiiffimmut namminersortumut taamaattumut atuutissasoq.

Ingerlatseqatigiiffik taamaattoq eqqarsaatigalugu Ombudsmandip pisinnaatitaanerani apequt Ombudsmandimut aalajangiiffigisassatut suli saqqummersimangilaq.

Aammattaaq Inatsisartut ilinniagaqarnersiutit pillugit Inatsisartut peqqussutaanni nr. 5-imi, 14. november 2004-meersumi aalajangersarsimavaat ilinniagaqarnersiutit pillugit malittarisassanik aqutsinermik suliffeqarfimmut namminersortumut Naalakkersuisut isumagisassanngortitsisinnaasut.

Inatsisissatut siunnersuummut nassuiaatinit erserpoq taamatut isumagisassanngortitsinermi suliffeqarfik namminersortoq taanna suliassat suliarineqartarnerat pillugu inatsimmi pineqartunut ilaatinneqassasoq.

Suliffeqarfik namminersortoq taamaattoq eqqarsaatigalugu Ombudsmandip pisinnaatitaanerani apeqummik Ombudsmandi aamma saqqummiussiffigineqarsimangilaq.

Oqartussaaffimmut ingerlatsinermi inatsiseqartitsinerup malittarisassartaanut ilanngunneqartumut tunngasumik Ombudsmandip pisinnaatitaanerani killissaliineq Ombudsmandip pisortat ataatsimiititaliaannut, ataatsimiititalianut, il.il., tunngasumik pisinnaatitaanerinik killiliineranit allaassuteqangaarnerunissaa ilimagineqanngilaq, takuuk matumuunakkut siunnersuummi § 7, imm. 2.

Tamanna ilaatigut ima nassataqarpoq Ombudsmandi, oqartussaaffiup pineqartup allafissornikkut ingerlataanik, aqqissuussaannikkut inissisimaffianik, oqartussaaffiup oqartussaasutut qulliinerusutut naammagittaalliorfusinnaanermi periaasianik il.il., pisuni ataasiakkaani naliliisarumaartoq, oqartussaaffiup Ombudsmandip pisinnaatitaaneranut ilanngunneqarnissaa pillugu aalajangiinissaq siunertaralugu.

Nalunaarsuutit naalakkersuisuni pisortat ingerlassaat pillugit inatsit Kalaallit Nunaannut atuuttoq naapertorlugu, folketingip inatsisaani nr. 294-imi, 8. juni 1978-imeersumi § 2 naapertorlugu, ministerip pisussaasup nalunaarsuutini nakkutiginnittut oqaaseqarteqqaarlugit aalajangersinnaavaa inatsit atortuussasoq nalunaarsuutitut ingerlatseqatigiiffiit, suliffeqarfiit, peqatigiiffiit, il.il., erseqqinnerusumik kikkussutsiminnik nalunaarneqartut naalakkersuisut pisortaqaarfiinut atanngitsutut naatsorsuuttariaqartut atugassaattut ingerlanneqartunut, taakkua ingerlatsinermi aningaasartuutaat amerlanerit naalagaaffimmit imaluunniit kommunimit akilerneqartarata.

Oqartussaaffeqarfiit inuit ataasiakkaat pillugit inatsiseqartitsineq tunngavigalugu aqqissuunneqarsimasut Ombudsmandip sulinerani pineqartunut ataqatigiinneqarnermi tassani ilanngunneqassappata tamanna siullertut oqartussaaffeqarfiit taakku nalunaarsuutit inatsimmut ilanngunneqarnissaannik naalagaaffiup oqartussaasuisa akuersinerannik tunngaveqassaaq. Aappaattut piomasqaataassaaq oqartussaaffeqarfiup taamaattup ingerlanneqarnera Namminersornerlutik Oqartussanit kommuninilluunniit annerpaamik aningaasaliiffigineqartartuussasoq.

Inuit pillugit paasissutissanik suliarinnitarneq pillugu inatsit Danmarkimi atuuttoq Kalaallit Nunaannut atortuulersinneqarsimangilaq, inatsilli Kalaallit Nunaanni ingerlatsiviit ilaannut Inatsisartut Ombudsmandillu suliarissallugit pisinnaatitaaffigisaanut atuutinneqalissagaluarpat Ombudsmandi pillugu inatsisip allanngortinneqarnissaa pisariaqarunnaarsillugu inatsisip oqaasertalersorneqarnissaa naleqquttutut isigineqarpoq.

§ 8 pillugu

Aalajangersagaq oqaasertami allannguallatsinneqarneri ilanngullugit inatsimmi atuuttummi § 4, imm. 3-mut naapertuuppoq.

Aalajangersagaq naalackersuinermit inatsiseqartitsinermit tunngaviusuni sumiiffimmi namminersorluni aqutsinerup ataqqineqarnissaanik tunngaveqarnermut ersiutaavoq.

Aalajangersagaq pingaartumik ima kinguneqarpoq, Ombudsmandip kommunimi misingersuusiornissamut pissaaneqarneq ataqqissagaa, kommunalbestyrelsilu tassaasoq inatsisip atuuttup killissarititaasa iluanni isumalluutunik agguataarisussaq tunngaviutissagaa.

Aammattaaq aalajangersakkap nassataraa kommunimi naliliinikkut aalajangiinerit pineqartillugit, inatsisip atuuttup killissarititaasa iluanni sumiiffimmi naalackersuinikkut nalilersuinerit tamatumalu nassatarisaanik kommunit akornanni assigiinngissuteqarsinnaanerit Ombudsmandip ataqqissagai.

§ 9 pillugu

Aalajangersagaq nutaajuvoq, Ombudsmandillu naliliinermini tunngavigisaani killissalinerinik imaqarluni, taamaattumillu inatsimmi ilanngunneqarnissaa siunnersuutigineqarpoq.

Aalajangersagaq inatsisitigut pissusiusunik atuuttunik erseqqinnerulersitsinissamik siunertaqarpoq, taanna malillugu ilagiinni siulersorneqarnikkut pissusiusut allaffissorinikkut sulinertut, Ombudsmandip nakkutilliineranut ilaatinneqartutut isigisariaqarlutik, akerlianilli ilagiit nalunaajaanerminnut tunngavigisaat upperisamillu ajoqersuuteqarnerat Ombudsmandip nakkutilliineranut ilanngunneqarsinnaanngitsut, tassami ilagiit sulinerisa ilaannut tassunga malittarisassat naalackersugaanermit inatsiseqartitsinikkut Inatsimmi Tunngaviusumi § 4-mit aqunneqarmata, inatsisiliortullu Inatsimmi Tunngaviusumi § 66 naapertorlugu pisinnaatitaanerannut ilaatinneqaratik.

Namminersorlutik Oqartussat eqqarsaatigalugit ilagiit siulersorneqarnerat Kalaallit Nunaanni ilageeqarneq pillugu inatsit nr. 264, 6. maj 1993-imeersoq naapertorlugu naalagaaffiup aamma Namminersornerullutik Oqartussat (massakut Namminersorlutik Oqartussat) akornanni agguataagaavoq, taanna malillugu Kalaallit Nunaanni biskoppe-

qarfimmut biskoppinngortussaq ilageeqarnermut ministerip inassuteqarneratigut kungimit atorfinitsinneqassalluni, tak. inatsimmi § 4, imm. 4, akerlianilli ilagiit allatigut siulersorneqarnerannut tunngasut tamatumunnga ilanngullugit ilagiinnut sinniisoqarneq atuagarsuarnillu allattaaveqarneq pillugit malittarisassat Namminersornerullutik Oqartussanit aalajangersarneqartarlutik, tak. inatsimmi §§-it 5 aamma 6.

Taamaalilluni Ombudsmandi ilagiit kalaallit tamatuma tungaatigut allaffissornerannut, Kalaallit Nunaanni ilageeqarneq pillugu inatsimmi §§ 5 aamma 6 naapertorlugit Inatsisartut peqqussutaatigut aqunneqartumut tunngasumik pisinnaatitaavoq.

Suliani ilagiit oqartussaataat Inatsisartut Ombudsmandiata pisinnaatitaaneranut ilaatinneqartut biskoppip atorfini naapertorlugu peqqusinera malillugu taannaluunniit suleqatigalugu sulineranni suliaasuni naatsorsuutigineqarpoq Inatsisartut Ombudsmandiata misissuinermini Folketingip Ombudsmandia, pisariaqartitsineq naapertorlugu, akuliutsit-tassagaa.

§ 10 pillugu

Aalajangersagaq oqaasertami allannguallatsinneqarneri ilanngullugit inatsimmi atuuttumi § 10, imm. 2-mut aamma imm. 3-mut kiisalu Aalajangersakkani Nalinginnaasuni § 9-mut naapertuuppoq.

Imm. 1 pillugu

Erseqqissarneqarpoq ukiumoortumik nalunaarut Inatsisartut ukiakkut ataatsimiineranni suliarisassanngorlugu Inatsisartunut tunniunneqartassasoq.

Ukiumoortumik nalunaarut eqqarsaatigalugu Ombudsmandip ukiumoortumik nalunaarut Inatsisit Atortinneqarnerannut Ataatsimiititaliamut tunniuttassagaa tunngavigineqarpoq. Ukiumoortumik nalunaarutip Inatsisartuni qanoq iliorluni suliarineqartarnissaa Inatsisartut namminneq aalajangigassaraat.

Ukiumoortumik nalunaarutit Inatsisartut Inatsisit Atortinneqarnerannut Ataatsimiititaliaata aalajangiiffigisassatut siunnersuutitut saqqummiussaa aqcutigalugu ukiuni kingul-lerni isummerfigineqartarsimapput.

Ombudsmandip inatsisikkut aalajangersagaasumik paasissutissiissussaatitaaneq nalunaarutitik tamanut saqqummiunneqarsimasunik Ombudsmandip nittartakkaminut www.ombudsmand.gl-imut ilanngussisarnermigut tapertalertarpaa. Aammattaaq Ombudsmandip, Inatsisartut Inatsisit Atortinneqarnerannut Ataatsimiititaliaat isumaqatigiissuteqarfigereerlugu, suliat Ombudsmandip ukiumoortumik nalunaarummut ilanngutissamaagai, nittartakkamut ukioq nalunaarusiorfiusoq 2009 aallarnerfigalugu ilanngunneqartalissasut aalajangerpaa.

Imm. 2 pillugu

Aalajangersakkap taassuma inatsimmi atuuttumi § 10, imm. 3 allannguteqartinnagu ingerlateqqippaa.

§ 11 pillugu

Aalajangersagaq inatsimmi atuuttumi § 11-mut naapertuuppoq.

Aalajangersakkani Nalinginnaasuni § 7, imm. 2-p ingerlateqqinneqannginnisaa siunnersuutigineqarpoq, siunnersuumili § 11-p imarisaaniilluni.

Naatsorsuutigineqarpoq Ombudsmandip inatsisini atuuttuni erseqqarlunnernik amigaatinillu naliliinernut oqaatsimut inatsisitigut inissisimanermi innarlitsaalineqarnissamik qularnaallisitsinermik taaneqartartumut ilaasunut, aamma inatsisinik akuersissutigineqarsimasunik allaffissornikkullu aalajangersakkanik naalakkersuinikkut naliliinernik tunngaveqanngitsunut, atassuteqartumik nalunaaruteqartarnermi maannamut periaaserisimasani attatiinnassagaa.

Ombudsmandip Inatsisartunik nakkutilliisussaanninnerata malitsigisaanik Inatsisartut pissutsinut isummereersimappata Ombudsmandi aalajangersagaq taanna malillugu nalunaaruteqarsinnaanngilaq.

Naalagaaffiit Peqatigiit naalliutsitsisarneq allatullu peqqarniingartumik, inuppalaanngitsumik imaluunniit nikanarsaataasumik pinnittarneq imaluunniit pillaasarneq akiorniarlugit isumaqatigiissutaannut ilassut nammineq piumassuseq malillugu ilannguffigineqarsinnaasoq tunngavigalugu Ombudsmandip nuna tamakkerlugu pinaveersaartitsisutut inatsisit pioreersut imaluunniit inatsisissatut siunnersuutit pillugit oqaaseqaatinik saqqummiussinissaminut periarfissaa eqqarsaatigalugu inatsisissatut siunnersuummi § 17-mut nassuiaatit innersuussutigineqarput.

Nalunaarutigisassat nalinginnaasumik Inatsisartut Inatsisit Atortinneqarnerannut Ataatsimiititaliaannut kiisalu Naalakkersuisunut nalunaarutigineqartarput.

Malittarisassani amigaatit, assersuutitut Ombudsmandimit nalunaarutigineqarsinnaasus-sat, suussutsimikkut imatut oqaatigineqarsinnaapput:

- Malittarisassap kalaallisut qallunaatullu oqaasertaanni naapertuutinngitsoqarnera.
- Malittarisassap atuuffigisassaa pillugu erseqqarluttoqarnera.
- Allaffissornermi aqutsinikkut malittarisassap inatsimmik tunngavissaqannginnera imaluunniit inatsimmik tunngavissaqarnerata nalorninar-toqarnera.

- Allaffissornermi aqutsinikkut malittarisassat marluk aamma imaluunniit Inatsisartut inatsisaasa imaluunniit Inatsisartut peqqussutaasa marluk akornanni naapertuutinninnerit.
- Inatsisartut inatsisaata, Inatsisartut peqqussutaata malittarisassallu nalinginnaasut, Namminersornerlutik Oqartussat malissallugit pisussaaffigisaasa, matumani Namminersorlutik Oqartussat pillugit inatsit, Inatsit Tunngaviusoq aamma Inuit Pisinnaatitaaffii pillugit Europami Isumaqatigiissut ilanngullugit eqqarsaatigalugit, akornanni naapertuutinnitsoqarnera.
- Oqartussaasup qulliunerusup naammagittaalliorfiusinnaasup suunerata erseqqarlunera.
- Periaaseq inatsimmik tunngavissaqanngitsoq.

§ 12 pillugu

Aalajangersakkap inatsimmi atuuttumi § 6, imm. 1 aamma Aalajangersakkani Nalinginnaasuni § 2, imm. 1, § 3 kisianni imm. 2, nr. 1 pinnagu, kiisalu § 4 ingerlateqqippai.

Imm. 1 pillugu

Imm. 1-imi oqaaseqatigiit siulliit inatsimmi atuuttumi § 6, imm. 1-imut aamma Aalajangersakkani Nalinginnaasuni § 3, imm. 1-imut naapertuupput.

Kialluunniip Ombudsmandimut naammagittaalliorsinnaanerani aalajangersakkap nasataraa, assersuutigalugu naammagittaalliorlutup nammineersinnaassuseqarnera, danskisut innuttaassuseqarnera imaluunniit Kalaallit Nunaanni najugaqarnera pillugit piumasaqaateqartoqarsinnaanngitsoq.

Naammagittaalliorlutup suliami illua'tungiusutut inissisimanagera inatsisinulluunniit tunngasumik suliami soqutigisaqarnera aallaavittut piumasaqaataannilaq. Taamaattorli Ombudsmandip suliani, inuit ataasiakkaat namminneq pissuserisaannut tunngasuni, isumaqataanissaq imaluunniit naammagittaalliuut inummit naammagittaalliorlutut allaanerummit saqqummiunneqarsimappat, naammagittaalliorlutut piginnaatitsissuteqarnissaq piumasarisarparaa. Tamatumuunakkut Ombudsmandip qulakkiissavaa suliami illua'tungiusoq Ombudsmandip suliamik suliaqarnermi ilaatut suliami illua'tungiusup inuinnartut pissusaanut tunngasut, Ombudsmandip oqaaseqaataani issuarneqarsinnaasussat, pillugit paasissutissanik paasiniaaneranut isumaqataasq.

Taamaattorli Ombudsmandip naammagittaalliorlutut annertuumik imaluunniit naleqquttumik inatsisinut tunngasumik suliami soqutiginninnermik takutitsinnigitsut itigartissinnaasarumaarpai, aamma tak. inatsisissatut siunnersuummi § 14, imm. 1-imut nassuiaatit.

Oqartussaasut allat pillugit oqartussaasut naammagittaalliuutaat Ombudsmandimit aallaavittut suliarineqartassanngillat. Kisiannili, soorlumi Ombudsmandip 1996-imi ukiu-

moortumik nalunaarutaani qupperneq 27-mit tamanna ersertoq, pisortanit oqartussaasunit pisortat oqartussaasut allat pillugit naammagittaalliutit suliarinissaanut pisinnaati-taasut Ombudsmandi imminut isigivoq, tassami naammagittaalliortoq suliami aalajang-ersimasumi tassani suliami illua'tungiusumut inuinnarmut sanilliuttariaqarmat.

Ombudsmandi Inatsisartunit Inatsisartulluunniit ataatsimiititaliaannit naammagittaal-liuummik suliaqarnissaminut pisussaaffeqanngilaq, tamannami Ombudsmandip Inatsi-sartunut attuumassuteqanngitsuunerata kingunerimmagu, Ombudsmandilu Inatsisartunit taakkulu ataanni oqartussaasunit peqqusissuteqarfigineqarsinnaanani.

Imm. 1, oqaaseqatigiit aappaat nutaajupput, inuillu tarnikkut nappaateqarnermut tunngasut pillugit inatsiseqartitsineq naapertorlugu allaffissornikkut kiffaanngissusiagaa-sut taamatullu inuit, pinerluttulerinermut inatsiseqartitsineq naapertorlugu misissuinerup imaluunniit pinerluttulerinermut inatsiseqartitsineq naapertorlugu oqartussaasut kif-faanngissusiiasunit misiliisuutitaqartitsiviunngitsumik pineqaatissiinerup ilaatut kif-faanngissusiagaasut Ombudsmandimut naammagittaalliorsinnaanerannik qulakkeerus-sinissamik siunertaqarlutik.

Inatsisartut Ombudsmandiannut tunngasumik tamanna ima nassataqassaaq, aammattaq inuit kiffaanngissusiagaasimasut Kalaallit Nunaanni imaluunniit Qallunaat Nunaanni na-jugallit Namminersorlutik Oqartussat kommunillu pillugit naammagittaalliorsinnaasas-sat, tamanna oqartussaasumit kiffaanngissusiiasumit killilersorneqartinnagu.

Inatsisartut Ombudsmandiannut saaffiginnissuteqarnerni malunnaarsaarnermik Folketi-ngip Ombudsmandianut saaffiginnissuteqarnerni atuuttup assinganik kiffaanngissusiak-kat atugaqartinnissat aalajangersakkami siunertaavoq.

Taamaattorli aalajangersakkap immikkoortua, eqqartuussisarnermik inatsimmut tunngassutilik, aammalu inunnut kiffaanngissusiagaasunut angerlarsimaffimmi, Inatsisar-tut Ombudsmandiata § 7 naapertorlugu pisinnaatitaaneranut ilaanngitsumi najugalinnut tunngassuteqartoq naalagaaffiup oqartussaaffinik isumaqatiginniutigineqaaqqaartussaa-voq.

Inatsisinik Atortitsinermut Ministereqarfiup allakkani 8. marts 2001-imeersuni Inatsisar-tut nalunaarfigai aalajangersagaq taanna ministerip oqaaseqaatissaqarfiginngikkaa.

Imm. 2 pillugu

Imm. 2 inatsimmi atuuttumi § 6, imm. 2-mi oqaaseqatigiinnut siullernut naapertuuppoq, oqaasertalerneqarnerani imatut allannguallalluni, tassalu erseqqissarneqassasoq naam-magittaalliutit kinaassutisimik isertuisut naammagittaalliutillu najugaqarfigisamik, Ombudsmandip suliamik suliaqarnera pillugu nalunaarutinik nassitsiffiginnaasamik taasqarfiunngitsut Ombudsmandimit suliarineqarsinnaanngitsut. Nassuiaatini nalingin-

naasuni oqaatigineqartutut inatsisip atuuttup aalajangersagartaani kalaallisut qallunaatullu oqaasertat taamaaqatigiinngillat.

Aammattaaq pineqartoq tassaavoq Ombudsmandip sulinermini inatsiseqartitsinikkut isumannaatsuutitsineq eqqarsaatigalugu piunasaqaatigisimagaa naammagittaalliuutit e-mailikkut nassiuuneqartut, scannikkamik atsiorneqanngitsut, nassiussisup allakkatigut imaluunniit telefaxikkut malitseqartitsivigisassagai, nassitsisullu kinaassusia tassuuna uppernarsarlugu. Periaatsip taassuma atorneqarnerata ingerlaqqinnissaa naatsorsuutigineqarpoq.

Imm. 3 pillugu

Imm. 3 Ombudsmandip sulinera pillugu Aalajangersakkani Nalinginnaasuni § 6, imm. 2-mi oqaaseqatigiit aappaannut aamma § 3, imm. 2 nr. 2-mut naapertuuppoq. Naammagittaalliornissamut piffissarititaq ukiumik ataatsimik sivisussusilik taamatorluinnaq paasineqassaaq imatut, piffissarititamik sanioqqutsinissamut inatsisitigut tunngavissaqanngitsoq. Taamaattumik Ombudsmandip naammagittaalliuut kingusinnerpaamik pissutsit naammagittaalliuutigineqartut pisimanerannit ukiup ataasinngornerani tigoreersimasussaavaa.

Naammagittaalliornissamut piffissarititap aallartiffissaa saneqqutassaangilluinnartutut Ombudsmandimit maannamut paasineqartarsimavoq, tassalu naammagittaalliornissamut piffissarititaq ullormit suliami inaarutaasumik aalajangiiffiusumit ingerlalersussatut naatsorsuutigineqarluni.

Naammagittaalliornissamut piffissarititap naaneranik saneqqutsinnginnissamik paasininnermut tunngavilersuutaasoq tassaavoq Ombudsmandip naammagittaalliuutinik Kalaallit Nunaanni nunap immikkoortuinit tamanit tiguneqartunik suliaqarnerani assigiaarnerusunngortitsinissamik pingaartitsineq. Aammattaaq oqartussaasut suliami aalajangiisimasut eqqarsaatigineqarput, tassami oqartussaasut suliap inaarneqarsimanera naatsorsuutigisinnaasariaqarmassuk. Kiisalu naggataatigut saneqqutsinnginnissamik paasinnineq Ombudsmandip, taamaaliornissamut tunngavissaqarpat, naammagittaalliuut kingusinaarluni tunniunneqarsimasoq tunngavigalugu suliasamik nammineerluni aallartitsinnaajumaarnissaanut sanilliullugu isigineqartariaqarpoq. Aammattaaq takukkit inatsissatut siunnersuummi § 14, imm. 1 pillugu nassuiaatit.

Imm. 4 pillugu

Imm. 4 nutaajuvoq, matumalu erseqqissarneqarnissaa siunertaralugu, tassalu allaffissorinikkut aqutsinermi oqartussaasup qullerpaap isummernissaa Ombudsmandip suliniutigisimappagu naammagittaalliornissamut piffissaliussaq ukiumik ataatsimik sivisussusilik, imm. 3-kkut aalajangersarneqarsimasoq, Ombudsmandip sivitsorsinnaagaa.

Erseqqissaanermi pisut Ombudsmandip naammagittaalliummik suliarinninneranut § 13-ip toqqaannartumik akornutaanngiffii Ombudsmandilli § 14 tunngavigalugu suliamik suliarinninnginnermini suliap allaffissornikkut aqutsinermi oqartussaasumit suliarineqartariaqartutut isumaqarfigisai pineqarput.

Tamanna assersuutigalugu pisariaqarsinnaavoq Ombudsmandi isumaqarpat suliaq kommuninik nakkutilliinermi oqartussaasumut nalinginnaasumut saqqummiunneqartariaqartuq, imaluunniit Namminersorlutik Oqartussani oqartussaasumit ingerlatsiveqarfimmik pineqartumik nakkutilliinissamut piginnaatitaasumut saqqummiunneqartariaqartuq.

Naammagittaalliuut nutaaq aalajangiinerup naammagittaalliuutigeqqaarneqartup kingorna ukiumik ataatsimik piffissaliussap naannginnerani suliarineqarsinnaanngitsoq pissutsit ilimanarsisippassuk Ombudsmandip naammagittaallioruq pisuni taamaattuni nalunaarfigisinnaavaa aalajangiineq naammagittaalliuutigeqqaarneqartuq pillugu naammagittaalliuut nutaaq piffissaagallartillugu tunniunneqartutut isigineqassasoq, naammagittaalliuut suliat ataasiakkaarlugit sivikinnerusumik piffissaliussatut nalunaarutigineqartup iluani tiguneqarpat.

§ 13 pillugu

Aalajangersakkap inatsimmi atuuttumi § 6, imm. 3 aamma Aalajangersakkani Nalinginnaasuni § 3, imm. 2 nr. 1 aamma imm. 4 ingerlateqqippai.

Aalajangersagaq tunngaviummik isummamut imaattumut ersiutaavoq, tassalu ingerlatsiviup innuttaasullu akornanni saqitsaassutit illua'tungeriit akunnermini aqqinniartariaqaraat, nakkutilliisutut oqartussaasup avataaneersup Inatsisartut Ombudsmandiattut ittup suliamut akuliutitineqannginnerani.

Inatsisartut inatsisaanni atuuttumi § 6, imm. 3-mi aalajangiinerit pillugit naammagittaalliuutit pineqarput. Ombudsmandip periaaseraa pissutsit allat pillugit naammagittaalliuutit, taakkunani oqartussaasumut qulliunerusumut naammagittaalliorsinnaaneq atorneqarsimanngikkaangat, aalajangiinerit pillugit naammagittaalliuutit assigalugit oqartussaasumut qulliunerusumut naammagittaalliorfusinnaasumut nassiunneqassasut, tassani isummerfigineqarnissaat siunertaralugu. Periaasiusoq unaavoq, Ombudsmandip naammagittaallioruq oqartussaasup qulliunerusup suliamik isummerfiginninnissaanik utaqqimaqqusarlugu, naammagittaallioruq naammagittaalliumminik Ombudsmandimut saqqummiussinnginnerani.

Taamaattumik aalajangiinerit pillugit naammagittaalliuutit aamma pissutsit allat pillugit naammagittaalliuutit akornanni immikkoortitsisarnerup ingerlateqqinneqannginnera inatsimmi malittarisassatut nutaajuvoq, Ombudsmandip naammagittaalliummik suliarinninnginnerani allaffissornikkut aqutsinermi oqartussaasunut qulliunerusunut naam-

magittaalliornissamut periarfissat tamarmik tamatigut atorneqarsimanissaannik tunngavimmik allaaserineqartumik qulakkeerinnittusaaq.

Ombudsmandip sulinermi periaatsimini inatsimmi atuuttumi § 6, imm. 3 imatut paasisimavaa innuttaasut inatsimmi naammagittaalliornissamut piffissaliunneqartup iluani oqartussaasumut qulliunerusumut naammagittaalliornissamut periarfissanik atueqqaarnatik Ombudsmandimut naammagittaalliortut naammagittaalliuutaasa suliarineqarnissaat (aamma) itigartitsissutigineqartassasut. Periaatsip taassuma manna aallaavigaa, tassalu innuttaasooq allaffissornermi aqutsinikkut naammagittaalliornissamut periarfissamut taarsiullugu Ombudsmandimut naammagittaalliornissamik toqqaasinnaasariaqanngitsoq. Periaatsip taassuma inatsisissatut siunnersuutip nassatarisaanik allannguuteqarani ingerlaqqiinnarnissaa naatsorsuutigineqarpoq.

Ombudsmandimut naammagittaalliornissamut piffissarititaq ukiumik ataatsimik sivisus-susilik, tak. inatsisissatut siunnersuummi § 12, imm. 3, aatsaat piffissamit, pisup naammagittaalliuutigineqartup oqartussaasumit qullerpaamit aalajangiiffigineqarnerata kingornatigut aallartittutut naatsorsorneqalersarpoq.

Taamaalilluni piffissaliunneqartup qaangerneqarnera pissutigalugu itigartitsineq, tak. inatsisissatut siunnersuummi § 12, imm. 3, oqartussamut qulliunerusumut naammagittaalliornissamut periarfissamik atuisimanginneq pissutigalugu itigartitsinermut sanilliullugu periarfissatut kinngullertut inissisimavoq.

Taamaattorli Ombudsmandip, tak. inatsisissatut siunnersuummi § 15, imm. 1, suliaq nammineerluni suliarilersinnaavaa, allaffissorinikkut oqartussaasumut qulliunerusumut inatsisitigut aalajangersagaanngitsumik naammagittaalliorfiusinnaasumut naammagittaalliorsinnaatitaaneq imaluunniit naammagittaalliorsinnaatitaaneq inatsisitigut aalajangersagaasooq atorneqarsimangikkaluarpataluunniit.

§ 14 pillugu

Imm. 1 pillugu

Imm. 1 inatsimmi atuuttumi § 6, imm. 4-mut naapertuuppoq.

Aalajangersakkakut Ombudsmandi, naak naammagittaalliuut piffissaq eqqorlugu naammagittaalliuutigineqarsimagaluartoq, oqartussaasumut qulliunerusumut naammagittaalliorsinnaaneq atorneqarsimagaluartoq naammagittaalliuullu pissutsinut, Ombudsmandip pisinnaatitaaneranut atagaluartoq, naammagittaalliuutip suliarinissaata itigartitsissutiginiissaanut periarfissinneqarpoq.

Aalajangersagaq taanna manna tikillugu suliat itigartitsissutiginiissaanut suliallu suliarineqarnissaminut naleqquttunngorsarnissaanut, taamaaliornikkut naammagittaalliu-

tip immikkoortuisa ilaannai aalajangersimasumik misissuiffigineqassallutik, atorneqarsinnaavoq.

Aalajangersagaq taanna suliat makku suliarineqarnissaasa itigartitsissutigineqarnissaanut atorneqartarsimavoq:

- annikitsuarsuit pillugit naammagittaalliuutit,
- pissutsit inuit ataasiakkaat pillugit inatsiseqartitsinermi malittarisassanut sanilliussilluni pisortat suliffiutaannik naliliinissamik piumasagaateqarfiusut pillugit naammagittaalliuutit,
- naammagittaalliuutit misissuinissamut nukissanik naleqqutinngitsumik amerlasuunik piumasagaateqarfiusut,
- naammagittaalliuutit Ombudsmandip naalackersuinikkut siunertaqartutut naliliiffigisai aamma
- naammagittaalliuutit, assersuutigalugu pissutsinik uppersaasersuinermit tunngasunik pissuteqarluni eqqartuussivinnit aalajangiivigineqarnissaat pissusissamisoornerusut.

Kiisalu aalajangersagaq sulianik, Ombudsmandip nammineerluni suliniutitut suliarinissaat naleqquttuunerpaasutut isumaqarfigisaanik itigartitsissuteqarnermut atorneqartarsimavoq, oqartussaasuni taakkuusuni pissutsit assigiiartut pillugit naammagittaalliuutininik arlalinnik naammagittaalliuuteqartoqartarsimanera pissutigigajunnerullugu.

Naammagittaalliuutininik, Ombudsmandimit suliarineqarnissaminnut allatigut naammassinnittunik, itigartitsissuteqarnissamut Ombudsmandip piginnaatinneqarnerata Ombudsmandip siunertarisamut naleqqunnerpaasorinninneratut atuinneqarsinnaasariaqarpoq.

Imm. 2 pillugu

Imm. 2 Aalajangersakkani Nalinginnaasuni § 3, imm. 3-mi malittarisassamik ingerlatitseqqippoq. Aalajangersakkani Nalinginnaasuni imm. 3-mi oqaaseqatigiit aappaanni Ombudsmandip itigartitsissuteqarnermut atatillugu suliamik Folketingip Ombudsmandianut ingerlatitseqqilluni nassiussisinaanera pillugu aalajangersakkap ingerlateqqinneqannginnissaa siunnersuutigineqarpoq.

§ 15-imut

Imm. 1 pillugu

Imm. 1 inatsimmi atuuttumi § 6, imm. 5-imut naapertuuppoq, taamatuttaarlu Aalajangersakkani Nalinginnaasuni § 2, imm. 2 ingerlateqqullugu.

Periaatsimi suliassat nammineeeluni suliarineqalertarput suliassaq pissutsinik tunngavissaanerusunik tunngaveqaraangat, imaluunniit suliassap paasissutissat pigineqartut tunngavigalugit kukkunernik annertuunik pingaarutilinnillu imaqarsinnaanera tunngavigalugu. Tamatumunnga pissutaasinnaavoq suliap tusagassiuutini eqqartorneqarnera, naammagittaalliuutip kingusinaarluni tunniunneqarsimanera imaluunniit naammagittaalliuutit imarisamikkut imaluunniit imarisaasa immikkoortuisa ilaasa tamanut tunngasumik immikkut misissuiffigineqarnissaminut piukkunnarnerpaanerat.

Imm. 2 pillugu

Imm. 2 nutaajuvoq erseqqissassallugulu Ombudsmandip nammineeeluni suliniutinik, oqartussaasumi suliassanik arlalinnik ilalinnik imaluunniit oqartussaasuni arlalinni suliassanik pissuseqatigiinnik, aallartitsisinnaaneranut inatsisitigut tunngavissaqartoq.

§ 16 pillugu

Ombudsmandip sulinera pillugu Aalajangersakkani Nalinginnaasuni § 2, imm. 3-p oqaasertaligaanerata allangortinneqarnissaanik siunnersuutikkut siunertarineqarpoq manna erseqqissarneqassasoq, tassalu Ombudsmandi suliffeqarfinnik il.il. misissuinermini -apeqqutit inatsiseqartitsinermut tunnganerusut pillugit naliliinermi saniatigut - suliffeqarfiup/paaqqinniffiup sullitaasa inuttut timikkut tarnikkullu ikiuineq eqqarsaatigalugu atugaat pillugit aamma naliliisassasoq. Ombudsmandip tamatumunnga atatillugu naliliinera innuttaasut inatsiseqartitsinikkut innarlitsaalineqarnissaannik, mianerineqarnissaannik inuppalaartumillu pineqarnissaannik piumasaqaateqarnermit sunnerneqarsimasaaq. Ombudsmandip naliliinera assersuutigalugu illuutit allangortinneqarnissaat, pitsaanerusumik aserfallatsaalineqarnissaat imaluunniit sunngiffimmi sammisassaqartitsinermilu pitsaanerusunik suliniuteqartoqarnissaa pillugit inassuteqaatitut saqqummersinnaavoq.

Aalajangersakkap taassuma tamatuma saniatigut Aalajangersakkani Nalinginnaasuni § 2, imm. 3-mi Ombudsmandip ingerlatsiveqarfiup atorfeqartitsiviinik takusaasinnaanera pillugu aalajangersagaq inatsisikkut aalajangersarlugulu ingerlateqqippaa, matumani Ombudsmandip kommunip allaaffiinik, suliffeqarfinnik atuartsiviusunik, isumaginninnermi paaqqinniffinnik pisortallu allaffeqarfiinik il.il. assersuutigalugu Folketingip Ombudsmandiata pisinnaatitaaneratul pisinnaatitaalluni misissuivissinnaatitaanera ilanngullugu eqqarsaatigalugu. Misissuiartorluni takusaanerit taamaattut Ombudsmandip naliliinera tunngavigalugu immikkut suliniuteqarnertut imaluunniit allatigut illoqarfinnut nunaqarfinnulluunniit tikeraarneranut atatillugu ingerlanneqarsinnaapput.

Suliamik paasissutissutissartalersuinerup ilaatut Ombudsmandip suliffeqarfinnik takusaanera pillugu nassuiaatini § 18, imm. 4 innersuussutigineqarpoq.

§ 17 pillugu

Aalajangersakkap taassuma nutaajusup erseqqissarpaa Naalagaaffiit Peqatigiit naalliut-sitsisarneq allatullu peqqarniingartumik, inuppalaanngitsumik imaluunniit nikanarsaa-taasumik pinnittarneq imaluunniit pillaasarneq akiorniarlugit isumaqatigiissutaanut ilas-sut 18. december 2002-meersoq nammineq piumassuseq malillugu ilannguffigineqarsin-naasoq tunngavigalugu nuna tamakkerlugu pinaveersaartitsisutut suliaasaq Ombuds-mandip sulineranut ilaasoq.

Suliasap annertussusia isumaqatigiissummut ilassummi nammineq piumassuseq malil-lugu ilannguffigineqarsinnaasumi artikilini 17-imit 23-mut aamma artikilimi 35 imaattu-nik oqaasertaqartuni erseqqinnerusumik allaaserineqarsimavoq:

"Artikel 17

Naalagaaffiup peqataasup suulluunniit isumaqatigiissummut ilassutip matuma atortuulernerata imaluunniit atortuulersinneqarnerata akuerineqarnerataluunniit kingornatigut kingusinnerpaa-mik ukioq ataaseq qaangiutsinnagu naalliutitsisarneq pinaveersaartinniarlugu nuna tamakker-lugu pinaveersaartitsisoq ataaseq arlallilluunniit atatissavai, toqqassavai pilersissallugilluun-niit. Pinaveersaartitsisut qitiunngitsumi inissisimasunit toqqagaasut nuna tamakkerlugu pina-veersaartitsisutut toqqarneqarsinnaapput, isumaqatigiissummut ilassut manna siunertaralugu, taakku isumaqatigiissummut ilassummi aalajangersakkanut naapertuuttuupata.

Artikel 18

1. Nuna tamakkerlugu pinaveersaartitsisut sulinerminni arlaannaannulluunniit attuumassute-qannginnerat sulisuisalu arlaannaannulluunniit attuumassuteqannginnerat naalagaaffiit peqa-taasut uppersassavaat.
2. Nuna tamakkerlugu pinaveersaartitsinermi immikkut ilisimasallit suliatigut pisariaqarneratut pisinnaasaqarnissaat ilisimasaqarnissaallu qulakkeerniarlugu pisariaqartumik iliuuserineqar-tussat naalagaaffiit peqataasut isumagissavaat. Angutit arnallu amerlaqatigiissinniarneqassap-put, nunallu inoqqaavisa nunamilu ikinnerussuteqartut naammaginatumik sinniisoqartinneqar-nissaat anguniarneqassalluni.
3. Nuna tamakkerlugu pinaveersaartitsisut sulisinnaaqullugit pisariaqartitaannik atugassikku-mallugit naalagaaffiit peqataasut imminnut pisussaattipput.
4. Nuna tamakkerlugu pinaveersaartitsisunik pilersitsinermi nunami pineqartumi inuit pisin-naatitaaffii pillugit suliniaqatigiiffiit inissisimanerat naalagaaffiit peqataasut pisariaqarneratut mianerissavaat.

Artikel 19

Nuna tamakkerlugu pinaveersaartitsisut annikinnerpaaffiatigut makkuninnga pisinnaatitaasapput:

- a) inuit kiffaanngissusiiagaasimasut tigummineqarfiini, tak. artikel 4-mi nassuiaat, pinninnerup akuttunngitsumik misissortarnissaanut, naalliutsitsinermut peqqarniingaartumillu inuppalaanngitsumik imaluunniit nikanarsaataasumik pineqarnermut pillarneqarnermulluunniit illersorneqarnerisa nukittorsarneqarnissaat siunertaralugu;
- b) oqartussaasunut susassaartunut kaammattuutininik saqqummiussinissaminnut, inuit kiffaanngissusiiagaasimasut pineqarnerisa atugaasalu pitsaanerulersinneqarnissaat siunertaralugu aamma FN-ip aalajangersagai pineqartut isiginiarlugit naalliutsitsineq allatullu peqqarniingaartumik, inuppalaanngitsumik imaluunniit nikanarsaataasumik pinninneq imaluunniit pillaneq pinaveersimatinniarlugit;
- c) inatsisaareersut inatsisissatulluunniit siunnersuutit pillugit siunnersuutininik oqaaseqaatinillu saqqummiussinissaminnut.

Artikel 20

Nuna tamakkerlugu pinaveersaartitsisut piginnaatitaanerminnik naammassinninnissaat anguniarlugu naalagaaffiit isumaqatigiissummut ilassummi peqataasut imaaliornissamut imminnut pisussaattipput:

- a) tigumminniffinni, tak. artikel 4-mi nassuiaat, inuit kiffaanngissusiiagaasimasut amerlassusiat kiisalu tigumminniffiit amerlassusii sumiiffiillu pillugit paasissutissanik tamanik tunniussinissamut;
- b) inuit taamaattut pineqarnerat kiisalu kiffaanngissusiiagaanerminni atugaat pillugit paasissutissanik tamanik tunniussinissaminnut;
- c) tigumminniffinnut taakkulu illuutaannut atortulersuutaannullu tamanut isersinnaatitsinnissaminnut;
- d) inuit kiffaanngissusiiagaasimasut kiisalu inuit kikkulluunniit paasissutissanik pisariaqartineqartunik tunniussininnaasutut nuna tamakkerlugu pinaveersaartitsisup isigisaanik nakkutigineqaratik ilisimannittoqaratilluunniit oqaloqatiginissaannut periarfissiinnissaminnut, inuk nammineq oqalutseqarluniluunniit oqaloqatigalugu, tamanna pisariaqartoq naliliisoqarpat;
- e) sumiiffinnik iserfigerusutanik inunnillu oqaloqatigerusutanik toqqaanissaannut kiffaanngissuseqartinnissaannut;
- f) pinaveersaartitsinermi komitémut attaveqarfiginnissinnaatitsinnissaminnut, paasissutissanik tassunga nassiussinninnaatitsinnissaminnut taassuminngalu naapeqatiginnissinnaatitsinnissaminnut.

Artikel 21

1. Oqartussaasup imaluunniit atorfilittap kialuunniit inuk suliniaqatigiiffilluunniit paasisutis-sanik nuna tamakkerlugu pinaveersaartitsisumut tunniussisimanagera pissutigalugu naalliutsinne-qaqqusinnaangilaa pineqaatissinneqaqqusinnaanaguluunniit, imaluunniit tamanna akuersaar-sinnaanagu akueriinnarsinnaanaguluunniit, paasissutissat eqqortuunerat imaluunniit eqqun-gitsuunerat apeqputaatinnagu, paasissutissanillu tunniussineq inunnut suliniaqatigiiffinnul-luunniit taamaattunut ajoqutissarsiffiusumik kinguneqartinneqassanani.

2. Paasissutissat isertuunneqartussat nuna tamakkerlugu pinaveersaartitsisumit katersorneqar-tut nipangiussisimasusaatitaanermik aalajangersakkani pineqartunut ilaatinneqarput. Pissutsit inunnut ataasiakkaanut tunngalluinnartut pillugit paasissutissat inuk pineqartoq erseqqilluin-nartumik akuersisimangippat tamanut saqqummiunneqassanngillat.

Artikel 22

Naalagaaffimmi peqataasumi oqartussaasut taamaaliornissaminnut pisinnaatitaasut nuna ta-makkerlugu pinaveersaartitsisup kaammattuutai suliarissavaat, naammassinninniarnilulu iliuu-serineqarsinnaasoq pillugu oqaloqatiginnissallutik.

Artikel 23

Naalagaaffiit isumaqatigiissummut ilassummi matumani peqataasut imminnut pisussaatiipput nuna tamakkerlugu pinaveersaartitsisut ukiumoortumik nalunaarusiaasa tamanut saqqummiun-nissaannut ilisimaneqarlersinniarlugillu siammarterinissaminnut.

(...)

Artikel 35

Pinaveersaartitsinermi komitémut ilaasortat aamma nuna tamakkerlugu pinaveersaartitsisut su-linermik ingerlannerani arlaannaannulluunniit attuumassuteqannginnissamik pisariaqartitsine-rup annertussusia naapertorlugu pisinnaatitaaffilerneqarlutillu attorneqarsinnaanngiffilerneqas-sapput (immunitet). Pinaveersaartitsinermi komitémut ilaasortat FN-ip pisinnaatitaaffii attorne-qarsinnaanngiffiilu pillugit isumaqatigiisutaani 13. februar 1946-meersumi § 22-mi aalaja-ngersarneqartunik pisinnaatitaaffilerneqarlutillu attorneqarsinnaanngiffilerneqassapput, isuma-qatigiisummi tassani imm. 23 isiginiarlugu." (Atorfeqarfimmi nutsigaavoq)

Pingaartumik suliffeqarfiit namminersortut pisortanillu ilaannakortumik pigineqartut eqqarsaatigalugit artikel 4-mi pisinnaatitaaneq, artikel 18, imm. 2-mi attuumassuteqar-neq immikkullu ilisimasaqarneq inatsisilerinerup saniatigut allanik immikkut ilisimasa-linnik ilanngussinissamut pisussaaffimmik nassataqarsinnaasoq, artikel 19, litra c-mi i-natsisaareersut inatsisissatulluunniit siunnersuutit pillugit siunnersuuteqarsinnaaneq oqaaseqaateqarsinnaanerlu, artikel 21, imm. 1-imi inuit nuna tamakkerlugu pinaveer-saartitsisumut paasissutissanik tunniussisut pineqaatissinneqarsinnaannginnerat, artikel 22-mi naammassinninniarnermi iliuuserisassat pillugit oqaloqatiginnittusaatitaaneq kii-

salu artikel 35-mi nuna tamakkerlugu pinaveersaartitsisup attorneqarsinnaanngiffeqarnera Ombudsmandip sulineranut nalinginnaasumik tunngavimmik saneqqutsinerummat siunnersuutigineqarpoq isumaqatigiissummut ilaasumi aalajangersakkat Ombudsmandi pillugu inatsimmi ilanngunneqassasut, suliassaq nalornissutigineqaleqqunagu.

Kapitali 3 - Ombudsmandip sulianik suliarinnittarnera

§ 18 pillugu

Aalajangersakkap inatsimmi atuuttumi § 7, imm. 1 aamma imm. 4 ingerlateqqippai. Imm. 4-p Aalajangersakkani Nalinginnaasuni § 2, imm. 3 ingerlateqqippaa.

Siunnersuutigineqarpoq inatsimmi atuuttumi § 7, imm. 2, Ombudsmandip tamanna pillugu eqqartuussisarnermik inatsimmi malittarisassanut innersuussilluni paasissutissanik piunasaqarnerani killiliinernut tunngasoq, atorunnaassasoq. Malittarisassat pineqartut eqqartuussisarnermik inatsisip ilisimannittunik nalunaajaaqqusinnginneq aamma ilisimannittoq imminut pillarneqartiinnassagaangat imaluunniit inuulluarnerminik annaasaqartitsiinnassagaangat imaluunniit naalagaaffiup isumannaatsuutinnissaa imaluunniit naalagaaffiup takornartanut pissaanilinnut pissuserisai pissutigalugit ilisimannittunik nalunaajaanngitsoortitsinissaq pillugu malittarisassartaanut tunngapput.

Aalajangersagaq taanna pisariaqanngitsutut isigineqarpoq.

Eqqartuussivimmi killisiuinissamik imm. 3-mi piunasaqarsinnaatitaaneq Ombudsmandip atorsinnaasarumaarpaa imaluunniit oqartussaasumik eqqartuussisunut suliassanngortitsisinnaajumaarluni, Ombudsmandip allatut iliorluni oqartussaasoq pappiaranik uppersaatissanik paasissutissanilluunniit qinnutigineqartunik tunniussisinnaangikkaangagu. Qisuariarnissamut periarfissaq taanna manna tikillugu atorneqarsimangilaq, siunissamilu qaqutigorujussuaannaq atorneqartarnissaa ilimagineqarluni.

Imm. 1 pillugu

Imm. 1 paasissutissanik imaluunniit allagaatinik pigineqareersunik, matumunnga ilanngullugu aamma allakkianik suliffiup iluani atugassanik, allattaavinnik, paasissutissanik qarasaasianiittunik il.il., tunniussinermut tunngavoq.

Ombudsmandip periaasia Ombudsmandip 1996-imi ukiumoortumik nalunaarutaani allaaserineqarpoq, tassani Ombudsmandip erseqqissarsimmamagu “naammagittaalliortumut tunngasumik suliame mappimik atukkiussinissamik” qinnutigisaqarnerup oqaasertaa naapertorlugu paasineqassasoq, suliamilu allagaatinik paasitinneqarsinnaatitaaneq pillugu malittarisassat kingunerisaannik killiliiffigineqassanngitsoq.

Tamatumunnga atatillugu oqaatigineqarpoq allagaatit suliami allagaatinik paasitinneqarsinnaatitaanermi qulangersimaneqarnerat pingaaruteqanngitsoq. Pappiarat atortussat suliffiup iluani pigineqartut, ombudsmandimut tunniunneqarnermikkut suliffiup iluani atorneqartussaannermittut pissuseqarnerit annaaneq ajorpaat.

Aammattaaq Ombudsmandip erseqqissarpaa oqartussaasut suliami allagaatit sorliit nasiiunneqartussat naleqquttuunerinik nalilersuinissaminut pisinnaatitaanngitsut, qinnutigisaqarnerli suliami allagaatinut mappimik pigeqqaakkamik suliami uppersaataatissanik, suliami pigineqartunik oqartussaasullu suliamik suliaqarnerannut tunngaviusunik, tamanik imalimmik atukkiussinissaq pillugu qinnutigisaqarnerit paasineqassasoq.

Aalajangersagaq Ombudsmandip suliaasinik suliaqarnerani pingaaruteqartuuvoq. Ilaatigut imatut pisoqarsinnaasarpoq, Ombudsmandip suliami oqaaseqaateqarenermi kingornagut paasigaa oqartussaasut suliami allagaatinik tamanik atukkiussisimanngitsut, taamaattumillu ombudsmandip naliliinerminut tunngavigisani nalileqqittariaqaraa, immaqalu isornartorsiuinini nalileqqittariaqarlugu.

Imm. 2 pillugu

Imm. 2 nutaajuvoq, periaatsimilli inatsisitigut aalajangersaanerulluni. Aalajangersagaq imm. 1-imut, ombudsmandip suliami pappiaraatinik atortussanik pioreersunik piumasarsinnaatitaaneranik taamaallaat eqqartuisumut tapersiutaavoq. Aalajangersakkakkut siunertarineqarpoq Ombudsmandip paasissutissanik paasinaasinnaatitaanermi paasissutissaannavinnik paasinaanermi uppersaataatissanillu oqartussaaffiup pigisaanik pissarsiniarnermini killiliivigineqannginnissaa, aammattaaq piumasarsinnaallugu oqartussaasooq periaatsimut, oqartussaasup susasaqarfimmini atortagaanut, tunngaviusutut aamma/imaluunniit tamanut tunngasumik pissuseqarnerusumut inatsisitigullu paasinnittaatsimik tunuliaqutaasumut nassuiaammik saqqummiussinissaa.

Imm. 3

Imm. 3-p inatsimmi atuuttumi § 7, imm. 4 taarserpaa. Aalajangersakkap Ombudsmandi suliani, oqartussaasup paasissutissanik, Ombudsmandip piumasarsaanik tunniussimanngiffigisaani imaluunniit suliaq ingerlatsivimmi tammarsimassagaluarpat, inunnik eqqartuussivimmi killisiorneqartussanik aggeqqusinissaanut periarfissippaa. Taamaattorli aalajangersagaq kalaallit qallunaalluunniit Ombudsmandit sulinermit periaaseqarneranni atorneqanngisaannarsimavoq, taamaakkaluartorli Ombudsmandip nakkutiliinermit sunniuteqarluartumik sulinermini periarfissaanik killiliinnginnissaq pissutigalugu atatiinnarneqarnissaa siunnersuutigineqarluni.

Inatsimmi atuuttumi § 7, imm. 4-mi aalajangersakkap, eqqartuussisarnermit inatsisip misissuinermit killisiuisarneeq pillugu malittarisassartai naapertorlugit nalunaajaasoqarnissaanut tunngasup, eqqartuussinerit tamanut ammasuunnginnerinut taamatullu inuup

naammagittaalliummi pineqartup nammineq illersuisoqarlunilu nalunaajaasitsinermit najuussinnaatitaaneranut tunngasup, ingerlateqqinneqannginnissaa siunnersuutigineqarpoq. Tunuliaqutaasoq tassaavoq Ombudsmandip misissuineranut atatillugu eqqartuussivimmi killisiuinerit malittarisassanik, eqqartuussisarnermik inatsimmi aalajangersarneqarsimasuninngarnit allaasunik malittarisassaqartinneqartariaqannginnerat. Taamaattumik eqqartuussinerit tunngaviusumik tamanut ammasuusarumaarput. Aammattaaq siunnersuut manna tunuliaqutaralugu isigineqartariaqarpoq, tassalu Ombudsmandip misissuinini qaqutigunnaq inunnut ataasiakkaanut imaluunniit atorfeqartitanut ataasiakkaanut tunngatittarmagu, aallaaviusutulli oqartussaasunut tunngatittarlugu. Taamaattumik killisiuinerit najuuffiusinnaatitaanerat pillugu illersuisumillu ikiorteqarnissaq pillugu aalajangersakkap atatiinnarnissaanut tunngavissaqanngilaq.

Oqaatigineqarpoq Kalaallit Nunaanni eqqartuussisarneq pillugu inatsimmi nr. 305-imi, 30. april 2008-meersumi, 1. januar 2010-mi atuutilersussami § 707-ikkut eqqartuussisarneq pillugu inatsimmi atuuttumi kapitali 8, § 1-imi pissutsit inatsiseqartitsinermut pingaaruteqartut pillugit misissuinerit paasissutissartalersuinerimullu atatillugu eqqartuussivimmi killisiuinerit pillugit aalajangersagaq ingerlateqqinneqarmat.

Imm. 4 pillugu

Imm. 4-p oqaasertamigut allannguallatsinneqarluni aalajangersagaq Aalajangersakkani Nalinginnaasuni § 2, imm. 3-mittoq nuuppa. Aalajangersakkakkut erseqqissarneqarpoq Ombudsmandip suliamut tunngasumik paasissutissartalersuinerana aammattaaq misissuiartornermut takusaanermullu atatillugu ingerlanneqarsinnaasoq.

Taamaalilluni nammineerluni misissuiartorneq § 16-imi pineqarpoq, kiisalu Ombudsmandip suliaanut tunngatillugu paasissutissartalersuinerit ataneqartillugu suliffeqarfinnik takusaaneq § 18, imm. 4-mi pineqarpoq.

§ 19 pillugu

Imm. 1 pillugu

Aalajangersakkap inatsimmi atuuttumi § 5 ingerlateqqippaa erseqqissarlugulu Ombudsmandip naliliinerminut tunngavigisaa tassaasoq inatsisit atuuttut, matumani aamma ingerlatsinermit inatsisit immikkullu inatsiseqartitsinermit suliassat suliarineqartarneranut malittarisassat. Tamatuma saniatigut suliassanik suliaqarneq oqartussaasut suliassanik suliaqartarnerannut oqartussallu ingerlatsinermit ileqqorissaarnissamik maleruaanerannut tunngavigisat inatsisitigut aalajangersagaanngitsut tunngavigalugit nalilerneqartarpoq. Kiisalu Ombudsmandip nalilertarpaa oqartussaasup malittarisassiinermini iliuserisaminilu inuttut piginnaatitaaffinnik maleruaanersoq. Misissuiartorluni takusaanermik suliaqarnerminut atatillugu Ombudsmandip naliliinerminut tunngavigisaa pillugu § 16-imut nassuiaatinut innersuussisoqarpoq.

Ombudsmandip misissuiartorluni suliaqartarnerminut atatillugu naliliisarneranut tunngavik eqqarsaatigalugu § 16-imut innersuussisoqarpoq, tassami aalajangersakkamut tassunga innersuussinermi erseqqissarneqarmat Ombudsmandip misissuiartornermini naliliisarnermini tunngavia atitunerummat inatsisitigut misiliisarnermut tunngavimmut, Ombudsmandip sulianik misissuisarneranut atuuttumut, naleqqiullugu.

Naalagaaffiit Peqatigiit naalliutsitsisarneq allatullu peqqarniingaartumik, inuppalaanngitsumik imaluunniit nikanarsaataasumik pinnittarneq imaluunniit pillaasarneq akior-niarlugit isumaqatigiissutaanut ilassut 18. december 2002-meersoq nammineq piumas-suseq malillugu ilannguffigineqarsinnaasoq tunngavigalugu Ombudsmandip nuna ta-makkerlugu pinaveersaartitsisutut sulinera eqqarsaatigalugu § 17-imut nassuiaatit inner-suussutigineqarput.

Imm. 2 pillugu

Aalajangersakkakut tassuuna "Ombudsmandip sulinera pillugu Aalajangersakkat Nalinginnaasut"-ni § 6-imi atuuttut ingerlateqqinneqarput, tassanilu aalajangersarneqar-poq pisortat ingerlatsineranni suliassat suliarineqartarnerat pillugu Inatsisartut inatsi-saanni tunngaviit Ombudsmandip sulinerani taamatut atuutsinneqassasut, taamaattorli allagaatinik paasitinneqarsinnaatitaaneq pillugu malittarisassat ilanngunnagit.

Aalajangersakkap manna nassataraa, tassalu Ombudsmandip (Ombudsmandillu sulisui-sa) suliameq peqataasinnaassuseqannginneq (tamanna § 5-imi aalajangersakkap aamma nassataraa), ilitsersuisussaataitaaneq, suliameq illua'tungiusup isumaanik tusarniaasarneq tunngavilersuisarnerlu kiisalu nipangiussisimasussaataitaaneq (tamanna § 28-mi aalaja-ngersakkap aamma nassataraa) pillugit tunngavinnik malinnittussaana.

Ilitsersuisussaataitaanermik tunngavik Ombudsmandi eqqarsaatigalugu suliatigut sunniu-teqanngilaq.

Ingerlatsineq pillugu inatsiseqartitsinermini tunngaviit inatsisitigut aalajangersagaanngit-sut (matumani ass. isiginiagassanik suliameq attuumassuteqanngitsunik ilanngusseq-qusaannginneq ilanngullugu eqqarsaatigalugu) naatsorsuutigineqarpoq Ombudsmandip taakku sulianik suliarinninnermini suli atortassagai, tamanna Ombudsmandip immikkut atuuttuuneranut sulineranullu attuumassuteqartoq ataneqartinneqarsinnaasorlu naliliiso-qaraangat.

Tamatuma pissuseqataa ingerlatsinermini ileqqorissaarnermik tunngavinnut ingerlatsineq pillugu inatsisini taaneqanngitsunut aamma atuuppoq, matumani ilaatigut ingerlatsiviup inussiarnersuunissaanik, mianerinnittuunissaanik tatiginninnermillu pilersitsisuunissaa-nik piumasaqaatit kiisalu angusaqarluartarnissamik toqqissisimanartunillu periaaseqar-nissamik piumasaqaatit ilanngullugit eqqarsaatigalugit.

Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni tunngaviit aalajangersakkami tassani pineqartunut ilaatinneqanngillat. Taamaakaluartoq Ombudsmandi qulaani "toqqissisimanartunik periaaseqarnissamik" piumasaqaatip nassatarisaanik, allattuisussaataitanermik piumasaqaammik aallaavittut malinnit-tussaasutut isigineqarpoq.

Ombudsmandi ingerlatsineq pillugu inatsiseqartitsinermi aalajangiinermik oqartarnermi aalajangiinertut ittunik aalajangiineq ajorpoq, taamaalillunilu aalajangersakkap saneq-qunneqarnera assersuutigalugu Ombudsmandip nalunaarutiginninneri, inassuteqaatai imaluunniit suliamik misissuiffiginninniarani aalajangiineri eqqarsaatigalugit atuussin-naassuseqannginnermik nassataqarsinnaasussaani.

Aalajangersakkamik saneqqutsinerup pisortani oqartussaasoq Ombudsmandi eqqarsaati-galugu, Inatsisartut inatsisaata nassatarisaanik, soorlu paasissutissanik Ombudsmandi-mut nalunaaruteqarnissamut allagaatinilluunniit Ombudsmandip piumasaanik tunniussi-nissamut aamma pisussaaffiiangilaa.

Taamaalillutik oqartussaasut naammagittaalliortulluunniit aalajangersagaq taanna tun-ngavigalugu Ombudsmandimut atortussaatisiniarsinnaanngillat. Aalajangersakkamilli saneqqutsineq Ombudsmandip Inatsisartullu akornanni pissutsinut sunniuteqarsinnaa-voq, tamannalu ajornerpaatut kinguneqartinneqarpat Inatsisartut Ombudsmandi soraar-sissinnaavaat, Ombudsmandip suliassani Inatsisartunit tatigineqarunnaarutigisaminik i-ngerlappagit.

§ 20 pillugu

Aalajangersakkap oqaasertai allanngortinneqarput, inatsimmilu atuuttumi § 9, imm. 2 aamma Aalajangersakkani Nalinginnaasuni § 7, imm. 1 ingerlateqqillugit.

Atorfillip atorfimmini naalasseriitsuliornerata misissuiffigineqalernissaanik piumasa-qarnissamut Ombudsmandip periarfissaqarnera pillugu inatsimmi atuuttumi § 9, imm. 1-imi aalajangersakkap ingerlateqqinneqannginnissaa siunnersuutigineqarpoq, tassami taanna Ombudsmandip oqartussaasut pillugit, inuillu ataasiakkaat pinnagit, naammagiti-taalliutinik suliaqartarnera pillugu tunngavigisamut naapertuutinngimmat.

Oqartussaasorli akisussaasoq sulisumik naliliinikkut malersuineramik aallartitsinissaanik inassuteqaateqarfigissallugu Ombudsmandi mattunneqarsimassanngilaq, taamatuttaarlu pisuni immikkorluinnaq ittuni Ombudsmandi ingerlatsivimmi sulisumik politiinut un-nerluutiginnissinnaasussaalluni. Aammattaaq borgmesterit kukkussutigisaat sumigin-naanerilu kommunini ataatsimiititalianut aamma Kalaallit Nunaanni Kommuninik Nak-kutilliisoqarfimmut nalunaarutigisinnaasussaavai.

Inuttut akisussaatsineq atuutsinneqassanersoq misissuisoqaqqullugu Ombudsmandip inassuteqaataa Namminersorlutik Oqartussani oqartussaasumit akisussaasumit malinneqarumangippat tamanna Ombudsmandip Inatsisartut Inatsisit Atortinneqarnerannut Ataatsimiititaliaannut nalunaarutigisinnaavaa, tak. inatsisissatut siunnersuummi § 23 taannalu pillugu nassuiaatit.

§ 21 pillugu

Aalajangersakkap taassuma inatsimmi atuuttumi § 10, imm. 3 aamma Aalajangersakkani Nalinginnaasuni § 5, imm. 1 aamma § 6 ingerlateqqippai.

Ombudsmandip naammagittaalliummik suliaqarnerata tjenestemandit pillugit inatsit naapertorlugu atorfimmi naalasseriitsuliornermik misissuininngorluni ingerlanneqaler-nissaanik tjenestemandip piumasaqarsinnaanera pissutigalugu malittarisassap maanna-mut atuuttup ilanngutinngitsoornissaa siunnersuutigineqarpoq, tassami tamanna ilaatigut Ombudsmandip misissuinerisa inunnut ataasiakkaanut pinnani, oqartussaasunullu sam-mitinneqartarnerannik tunngaveqarnermut tulluutinngimmat, ilaatigullu aalajangersagaq sulisunik suliaqaqatigiinnik allanik, naalasseriitsuliornermut tunngasunik taamatut sulia-qartitsinissaminnut periarfissaqanngitsunik, tjenestemandinut naleqqiussilluni assigiin-ngisitsinermik kinguneqarmat.

Malittarisassaq atorneqarluni oqartussaasuni atorfilittanilu, Ombudsmandip malittarisas-samik ilisimatitsinissaminik pissutissaqarfigisimasaani, paatsuuinernut aammattaaq pis-sutaasarsimavoq, tamannalu pisarsimavoq atorfillip ataatsip naammagittaalliortumut pissusilersornera naammagittaalliuutigineqaraangat. Taamaalilluni assersuutissaqarpoq atorfillip naammagittaalliuutigineqartup taassumalu sulisitsisuata Ombudsmandip § 7, imm. 3-mi malittarisassaq pillugu, naammagittaalliuutip aalajangersimasumik suliarine-qarnissaata aallartinnginnerani, paasissutissiinera kukkusumik imatut paasisimagaat, ta-manna atorfillip atorfimmini naalasseriitsuliorsimanagerata misissuiffigineqalernissaanut tunngavissaqarnera pillugu nalunaarutaasoq.

Imm. 1 pillugu

Aalajangersakkami erseqqissarneqarpoq oqartussaasup naammagittaalliuutigineqartup tusarniaaviginissaanut immikkullu illuinnartunik pisoqartillugu inuup naammagittaal-liutigineqartup tusarniaaviginissaanut Ombudsmandi pisussaaffeqartoq. Inuulli naam-magittaalliuutigineqartup tusarniaaviginissaanut pisussaaffeqarnek pisuni immikkut illuinnartuni taamaallaat pisassasoq naatsorsuutigineqarpoq, tassami Ombudsmandip misissuineri siullertut pingaarnertullu oqartussaasunut, imaanngitsoq inunnut ataasiak-kaanut, sammititaammata. Pisussaaffeqarnek misissuineranut, naammagittaalliuuteqarto-qarneratigut sulissutigineqalersunut taamatullu sulianut, Ombudsmandip nammineerluni suliniuteqarnertut aallartitaanut atuuppoq.

Aalajangersakkakut erseqqissarneqarpoq tassani akerliliissuteqarsinnaatitaanermut malittarisassaq pineqartoq, illua'tungeriit tamarmik immikkut illua'tungerisap oqaatigisaanik ilisimasaqalersinnaatitaanissaat taakkunungalugu oqaaseqarsinnaatitaanissaat pillugu malittarisassaq.

Ombudsmandip suliamik suliarinninnini pilertortumik misiliineq tunngavigalugu suli inaarsinnaasarumaarpaa, tassa imaappoq oqartussaasoq naammagittaalliuutigineqartoq tusarniaaviginagu, assersuutigalugu suliame allagaatinik misissuinerinnarmigut, tassalu misissuineq isornartorsiuinani inassuteqaateqaraniluunniit inaarneqassappat.

Kisiannili Ombudsmandi pillugu inatsisip maannakkut atuuttup atuunnerata nalaani aalajangersimasumik aamma periaasiusarsimavoq oqartussaasup naammagittaalliuutiginenartup tusarniaavigineqanngitsuinnartarnera, Ombudsmandi naammagittaalliuut tunngavigiinnarlugu imaluunniit suliame allagaatinik misissuereernermi kingorna suliassaq itigartitsissutiginiarlugu aalajangerpat imaluunniit nalilerpagu oqartussamut naammagittaalliuutiginenartumut isornartorsiulluni oqaaseqarnissamut inassuteqaateqarnissamul-luunniit tunngavissaqanngitsaq. Inatsisissatut siunnersuut taamaalilluni periaatsimik atuuttumik inatsisikkut aalajangersaanermut ersiutaavoq.

Imm. 2 pillugu

Imm. 2. aalajangersagaavoq nutaaq suliame nalileereernerup kingorna paasitneqarsinnaatitaanermut suliamilu illua'tungiusut paasitneqarsinnaatitaaneq pillugu inatsit aamma suliassat suliarineqartarnerat pillugu inatsit naapertorlugit suliame allagaatinik paasitneqarsinnaatitaanerisa allagaatinut aalajangersimasunut, Ombudsmandip suliamik qanoq paasinnikkallarneranik imalinnut, tunngasumik atuuttussaanneginerani aalajangernissamut Ombudsmandi periarfissippaa.

Aalajangersagaq assersuutigalugu nassuiaatigigallakkamik tamanut nalunaarutiginninerup ingerlatsineranut oqartussaasumut pineqartumut imaluunniit inuit ataasiakkaat inatsisit naapertorlugit innarlitsaalineqarnissaannut naleqqutinngitsuusorisariaqarneranik pisoqarfiusuni atornerqarsinnaavoq, pingaartumik Ombudsmandip nalilerpagu, nassuiaataagallartup oqartussaasumillu tusarniaaviginnereernerup kingorna inaarutaasumik nassuiaatip akornanni allannguuteqartoqarsinnaasoq.

Ombudsmandi suliame allagaatinik paasitneqarsinnaatitaanermik atorunnaarsitsinissaq sioqqullugu oqartussaasumit pineqartumit immikkut ittumik oqaaseqaammik apeqqut pillugu oqaaseqaateqartitsiniarsinnaavoq.

Ombudsmandip suliamik suliarinninnerani allagaatit pigineqarallartut allagaatinik paasissutissiinermi ilaatinneqartariaqarnerisut aalajangiinermi pingaartillugu isiginiartariaqarpoq manna illua'tungeriinnut tamanut illersorneqarsinnaanerpaajussasoq, tassalu inuiaqatigiit nalunaarusianik, oqaaseqaatinik, nassuiaatinik il.il. taakkulu inernilerneqar-

nerinik paasissutissat tamarmiusut eqqortullu tunngavigalugit oqaluuserinninnissaminut periarfissaqarnissaat.

§ 22 pillugu

Aalajangersagaq nutaajuvoq Ombudsmandillu maannamut periaaserisaanik inatsisitigut tunngavissiilluni, taanna malillugu Inatsisartut Ombudsmandiat Folketingip Ombudsmandiata inassuteqaateqarnissaminut periarfissaqartitaanerata assinganik periarfissaqarluni, tassalu naammagittaalliortoq allalluunniit eqqartuussivimmu suliassanngortitsiner-mi aningaasartuutunik akiliisinneqassanngitsut, pineqartup aningaasatigut matumunnga piumasarineqartunik naammassinninnera apeqqutaatinnagu.

Aalajangersagaq pingaartumik pingaaruteqalersinnaavoq pissutsit pisimasut imaluunniit inatsisinut tunngasut uppersaanikkut, Ombudsmandip misissuineranut killissarititaasut iluanni naammassineqarsinnaananilu naammassineqartariaqanngitsukkut, taamaallaat paasinarsisinneqarsinnaappata.

Assersuutigalugu uparuarneqarsinnaapput suliata oqartussaasup taarsiiviginninnissamut akisussaanerata aalajangersarnissaa naammagittaalliortumut pingaaruteqartut ingerlatsinermullu inatsiseqartitsineq naapertorlugu kukkussuteqarnernik paasisaqarneq minnerusuinnarmik pingaaruteqartut. Taarsiivigineqarnissamik piumasaqarneq Ombudsmandip isummerfigisinnaanngilaa, taamaattumillu pisortanut oqartussaasunut piumasagaatit taamaattut amerlanertigut eqqartuussivinnit aalajangerneqartariaqartassallutik.

Aalajangersakkap suliani inatsisit naapertorlugit apeqqutinik nalorninaateqarluninartunik, assersuutigalugu inatsisinut piareersaataasut isummorsornerisigut paasinarsisinneqarsinnaasimannngitsunik ilalinni, imaluunniit aamma suliani ingerlatsiviup suliarnik suliaqarnermi kukkuluttorsimasinnaanerata pisussaaffiusumik aalajangiivigineqarnissaa innuttaasup inatsisitigut soqutigisaqarfigisaani, atorneqarnissaa aamma eqqarsaatigineqarsinnaavoq.

§ 23 pillugu

Aalajangersagaq aaqqissuinikkut allannguutit ilanngullugit inatsimmi atuuttumi § 10, imm.1-imut aamma Aalajangersakkani Nalinginnaasuni § 8-mut naapertuuppoq.

Malittarisassamik taassuminnga atuinermi ilimagisariaqarpoq Ombudsmandi naliliinerminut tunngavigisamini aallaaveqassasoq, tassalu inatsisit naapertorlugit innarlitsaalineqarnerup inatsisillu naapertorlugit illersorneqarnissap tungaatigut mianerisassat, taamaaliornikkut ingerlatsinermi amigaatit pingaaruteqartut imaluunniit innuttaasunut tunngasumik inatsisunik unioqqutitsinerit annertuut nalunaarutigineqartarumaarlutik.

Kommunip ingerlatsinerani kukkunernik sumiginnaanernillu annertuunik Ombudsmandip nalunaarutiginnittarnera taamatuttaaq Inatsisartut Inatsisit Atortinneqarnerannut Ataatsimiititaliaannut, suliap Naalakkersuisunut imaluunniit Naalakkersuisut Siulittaasuannut, kommuninik nakkutilliinermi oqartussaaffimmuut qullerpaamut siulittaasuusumut, naalakkersuinikkut suliaassiissutiginninnissaminut periarfissaqartumut, taamatuttaaq pisarumaarpoq.

Ombudsmandip sulinera pillugu Aalajangersakkani Nalinginnaasuni, inatsisit oqaasertaasigut ingerlateqqinneqannginnissaat siunnersuutigineqartuni Inatsisartunut Naalakkersuisunullu immikkut nalunaarutiginnittussaatitaaneq § 8-mi oqaatigineqarpoq, Ombudsmandi isumaqarpat Naalakkersuisunut ilaasortat akisussaassuseqarnerat pillugu Inatsisartut inatsisaat naapertorlugu Naalakkersuisunut ilaasortaq suliaassanngortittariaqartoq.

Aalajangersakkap inatsisip oqaasertaasigut ingerlateqqinneqannginnissaa siunnersuutigineqarpoq, tassami inatsisissatut siunnersuut malillugu Ombudsmandip misissuineri, tak. § 7 taannalu pillugu nassuiaatit, aallaaviusutut oqartussaasunut sammitinneqartarmata, inunnullu ataasiakkaanut sammitinneqarnatik.

Taamaattorli Ombudsmandi, tamanna qaqutigunnaq pisumik pisariaqarsorineqassagaluarpas, inuit, tamatumani aamma Naalakkersuisunut ilaasortat, atorfimminnik ingerlatsinerat pillugu eqqartuussisunut suliaassanngortinnissaat pillugu inassuteqaateqarsinnaatitaaginnassaaq, matumanittaaq tak. inatsisissatut siunnersuummi § 7 aamma § 20 pillugit nassuiaatit.

Naalakkersuisunut ilaasortat akisussaassuseqarnerat pillugu Inatsisartut inatsisaat naapertorlugu Naalakkersuisunut ilaasortap eqqartuussisunut suliaassanngortinneqarnissaa-nik inassuteqaateqarnerup § 23 naapertorlugu Inatsisartunut Naalakkersuisunullu nalunaarutigineqartassasoq naatsorsuutigineqarpoq.

§ 24 pillugu

Aalajangersagaq nutaajuvoq, Ombudsmandillu oqaaseqaataa atorfik naapertorlugu saqqummiunneqarsimasoq pissutigalugu inuit ataasiakkaat eqqartuussivinnut suliaassiissuteqarnerinut, assersuutigalugu Ombudsmandip oqaaseqaataata atortussaatinnginnissaa-nik imaluunniit Ombudsmandip misissuinerimik aallartitsisussaatinnissaa-nik siunertaqartunut taamaallaat atuulluni. Ombudsmandimik inuinnartut eqqartuussisunut suliaassanngortitsinerit tamatuma avataaniipput. Aalajangersagaq sulianik, Ombudsmandip suliarisimasaanik eqqartuussiviit tamatuma kingornagut misissuinerinut tunnganngilaq.

Oqaatsimik “-sinnaavoq”-mik atuinikkut aalajangersakkamit erserpoq eqqartuussiviit Ombudsmandip itigartitseqqusissutaata malinnissaanut pisussaaffeqanngitsut.

Inatsisunik Atortitsinermut Ministereqarfiup allakkani 8. marts 2001-imeersuni Inatsisartut nalunaarfigai aalajangersagaq taanna ministerip oqaaseqaatissaqarfigingikkaa.

Kapitali 4 - Aaqqissuusaanermut tunngasut

§ 25 pillugu

Imm. 1 pillugu

Imm. 1-imi oqaaseqatigiit siullit inatsimmi atuuttumi § 12, imm. 1 taarserpaat, tassami Ombudsmandip akissarsiaqartinneqarnerata Naalakkersuisuni atorfillit akissarsiassaanik aalajangersaanermik ullumikkut tunngaveqarnera siunertarisamut naleqquttuusorineqanngimmat. Aalajangersagaq taanna Ombudsmandip akissarsiamigut inissisimanageranut allannguutinik imaaliaallaanaq nassataqassanngilaq.

Ombudsmandi suli inummut tapilerneqarsinnaasussaasaaq. Inummut tapiliisoqassappat inummut tapit Ombudsmandi isumaqatiginiareerlugu Inatsisartut Siuliuttaasoqarfiannit aalajangersarneqassapput.

Atorfininnermut soraarnermullu atatillugu akiliunneqarluni angalasinnaatitaaneq pillugu aalajangersagaq Ombudsmandit atorfup immikkut ittuuneranik tunngaveqarpoq, Ombudsmandillu sulilernermini soraarnerminilu Naalakkersuisunut ilaasortanit ajornerusumik inissinneqannginnissaa qulakkeerlugu.

Ombudsmandit soraartup suliffimmut allamut naleqqussarnissaa imaaliaallaanaq ajornakusoorsinnaavoq, tassami Ombudsmandip oqartussaasumut Ombudsmandit sulinermi nalaani nakkutigisimasaminut nuunnissaa piviusorsiorpallaanngitsutut isigineqartariaqarmat, taamatuttaarlu Ombudsmandi inatsisissatut siunnersuummi § 5, imm. 2-p nasatarisaannik Ombudsmandit sulinermi nalaani namminersorluni inuussutissarsiornermut attuumassuteqarnissaminut mattusimaneqarluni.

Ombudsmandip nuunnermi ajunngitsorsiassaqartitaanermigut aamma soraarnermut atatillugu akiliunneqarluni angalasinnaatitaanermigut suliamut nutaamut nuunnermi ajornartorsiutinut allaaserineqartunut taamatut taartisiaqartinneqarnissaa naleqquttuusorinarpoq.

Tamatuma pissuseqataanik malittarisassatut siunnersuutigineqartoq taanna sulisussarsiniarneq aamma Ombudsmandimut inuttut piumasaqaatit annertuut piumasaqaatigineqartut isiginiarlugit aamma naleqquttuusasaaq.

Ombudsmandip soraarnerussutisiaqarsinnaatitaanera aamma Ombudsmandiujunnaarnerisuteqarsinnaatitaanera pillugit aalajangersakkap oqaasertalersorneqarnerani siunnersuutigineqarpoq Ombudsmandip pisinnaatitaaffia Naalakkersuisunut ilaasortat pisinnaa-

titaaffiannut immikkut ataneqartinneqassasoq, taamaalilluni Ombudsmandip soraarnerussutisiaqartitaanikkut inissisimanera nalornissutigineqartaqqunagu, Naalakkersuisunut ilaasortat pillugit malittarisassat immikkut ittut qaquguugaluarnersoq aalajangersarneqassappata.

Soraarnerussutisiaqartitsineq taamaattoq soraarnerussutisiaqarnissamut sillimmasiisarfik namminersortoq aqputigalugu sillimmasiivigineqassappat tamatumani tunngaviuvoq Ombudsmandi soraarnerussutisiaqarnissamut sillimmasiisarfimmik atorneqartussamik toqqaanermi Inatsisartut Siulittaasuannut inassuteqaateqassasoq.

Imm. 2 pillugu

Imm. 2 nutaajuvoq, matumalu qulakkeerneqarnissaa siunertaralugu, tassalu Ombudsmandip soraarnerussutisiaqarnermik aqqissuussineq Naalakkersuisunut ilaasortanut Naalakkersuisunut ilaasortaajunnaarnerisuteqartitsineq soraarnerussutisiaqartitsinerlu pillugit malittarisassanik malinnginngitsaq toqqarsinnaagaa, tassami Ombudsmandip Ombudsmanditut atorfimmi soraarnerussutisiaqarsinnaatitaanermi soraarnerussutisiaqartitsinermik aqqissuussinermut, assersuutigalugu soraarnerussutisiaqartitsinermi aningaasaateqarfimmut Ombudsmandip Ombudsmanditut ivertinneqannginnermini imaluunniit Ombudsmanditut soraarnermi kingornatigut attaveqarfignisaminut nuunnissaata periarfissaqarnissaa naleqquttuusorinamat.

Aalajangersagaq taanna pisuni Ombudsmandip akissarsiaasa Naalakkersuisunut ilaasortat akissarsiaannit qaffasinnerusut aalajangersarneqarfianni Ombudsmandillu qinigaaffinni arlalinni qinigaqqiffigisaani aamma naammaginartuusussaavoq, tassami pisumi tassani § 1 tunngavigalugu soraarninngornerup nassatarisinnaasussaammagu Ombudsmandip akissarsiat Ombudsmandip akissarsiarisimasaanit appasinnerusut aallaavigalugit soraarnerussutisiaqartinneqarnera.

Ombudsmandip malittarisassat sorliit tunngavigalugit soraarninngortinneqarnissani tuliullugulu pensionisiassat naatsorsorneqarnissaat kissaatiginerlugu kingusinnerpaamik piffissami soraarfigisamini toqqarsimassavaa. Ombudsmandi soraarnerussutisiaqartitsinermik aqqissuussineq imminut atorneqartussaq suli toqqarnagu toqkukut qimaguppat aappaasumut soraarnerussutisiaritinneqartussat aalajangersarneqarneranni aqqiissut aappaasumut iluaqutissarsiviunerpaasoq toqqarneqassaaq.

Imm. 3 pillugu

Imm. 3 oqaasertamigut allannguallatsinneqarnini ilanngullugu inatsimmi atuuttumi § 14-imut naapertuuppoq.

§ 26 pillugu

Aalajangersakkap allanngortinneqarluni inatsimmi atuuttumi § 15 Aalajangersakkanilu Nalinginnaasuni § 11 ingerlateqqippai.

Aalajangersagaq oqaasertamigut allanngortinneqarsimavoq annertusisneqarsimalluni, taamaaliornikkut tassanga erseqqissumik erserluni Ombudsmandip allaffissornikkut aqutsinera Ombudsmandimullu aningaasaliissutigineqartut Inatsisartut iluminni ingerlatsinerisa iluanni suliassaasut, taamaalillutillu Naalakkersuisunut suliassaajunnaarlutik.

Ombudsmandip Namminersornerullutik Oqartussat (massakkut Namminersorlutik Oqartussat) kommunillu allagaateqarfii nalunaarsuiffiilu pillugit inatsisnik atuuttunik malinnittusaaanera pillugu Aalajangersakkani Nalinginnaasuni § 10-mi aalajangersakkap atuuttup ingerlateqqinneqannginnissaa siunnersuutigineqarpoq, tassami oqartussasut Ombudsmandip pisinnaatitaanerani pineqartunut ilaatinneqartut pissutsit Ombudsmandeqarfiup iluanut tunngasut pillugit aalajangiisinnaanerat pitsaasuusorineqanngimat. Allagaatinik tunniussinissaq toqqortaqaarnissarlu pillugit naatsorsuutigineqarpoq Ombudsmandip Nunatta Katersugaasivia Allagaateqarfialu tamanna pillugu immikkut isumaqatigiissuteqarfigissagaa.

Imm. 1 pillugu

Ombudsmandi sulisumi atorfinitsinnissaannut nammineeirluni suli oqartussaavoq.

Imm. 2 aamma 3 pillugit

Aalajangersakkat taakku nutaajupput, periaaserli inatsisikkut aalajangersarlugu.

Imm. 4 pillugu

Atorfeqarfimmi naatsorsuuserineq maannamut Inatsisartut Siulittaasoqarfiannit piginnaatitsissut naapertorlugu pisarsimavoq, matumani Aalajangersakkani Nalinginnaasuni § 11, imm. 2 takuuk. Taamaattumik Ombudsmandip naatsorsuuserinermut akisussaananermik Inatsisartunit tigusaqarnerata inatsimmi ilanngunneqarnissaa siunnersuutigineqarpoq.

Imm. 5 pillugu

Imm. 5 nutaajuvoq, matumalu qulakkeerneqarnissaa siunertarlugu, tassalu oqartussasut Ombudsmandip nakkutigisai Ombudsmandimut peqqusissuteqarnissaminut inatsiseqartitsinikkut pisinnaatitaanngitsut. Tamanna Ombudsmandip arlaannaannulluunniit attuumassuteqanngitsutut inissisimanerata piviusumik imaqarnissaanut tunngavisorujussuuvoq.

Kalaallilli Nunaanni Ombudsmandip Atorfeqarfiani atugassiissutaasut killeqarnerat pisutigalugu pisuni arlalinni aqqiisussaanikkut suliassat aqutsinermi allaffissornikkut oqartussaasunut isumagisassanngortinneqartarnissaat Ombudsmandip pisariaqartittarsimavaa.

Siullertut pineqartoq tassaavoq akissarsianik Ombudsmandip aqutsinera, taannalu Inatsisartut Allattoqarfiata aqutsisoqarfiullu isumaqatigiissutaat tunngavigalugu Aningaasaqarnermut Naalackersuisoqarfiup Sulisoqarnermik Aqutsisoqarfiani akissarsialeriffimmit ullumikkut isumagineqarpoq.

Aammattaaq pineqartoq tassaavoq sulisunut inissianik Ombudsmandip sulisuminut atugassiissutigisartagaanik innersuussisarneq aqutsinerlu.

Inatsisartut Allattoqarfiata aamma Ineqarnermut Attaveqarnermullu Pisortaqaqarfiup Inatsisartuni aamma Ombudsmandeqarfimmi sulisunut inissianik innersuussisarneq pillugu isumaqatigiissut inissianik attartortitsisarneq pillugu Inatsisartut peqqussutaat tunngavigalugu isumaqatigiissutigisimavaat.

Ombudsmandip naatsorsuuserisoqarfia piffissat ilaanni, pingaartumik atorfiit ilaasa inuttaqannginnerisa nalaanni, Ombudsmandimut aalajangersimasumik isumaqatigiissutit tunngavigalugit Qitiusumik Naatsorsuuserisoqarfimmit aammattaaq isumagineqartarsimavoq.

Suliassanik oqartussanut Ombudsmandip nakkutigisaanut taamatut isumagisassanngortitsisarneq pisuni arlalinni aqutsinermi oqartussaasut taakku Ombudsmandimut taassumalu sulisuinut ilumut peqqusissuteqarsinnaanerannik nalornissutiginnilersitsisarsimavoq.

Taamaattumik siunnersuutigineqarpoq suliassat Ombudsmandip Atorfeqarfiata aqqiisussaaneranut tunngasut oqartussaasunut allanullu Ombudsmandip nakkutigisaanut isumagisassanngortinneqartarnissaat Ombudsmandip suli pisariaqartutut isigippagu tamatumunnga inatsisitigut tunngavigisaq tassaassasoq inuit ataasiakkaat pillugit inatsiseqartitsineq tunngavigalugu isumaqatigiissut, tasanilu Ombudsmandip aamma oqartussaasup pineqartup pisinnaatitaaffii pisussaaffiilu aalajangersarneqassasut.

Aalajangersakkap taassuma imaaliallaannaq kingunerisassa tassaavoq suliassaqaqarfinni isumaqatigiissutitigut aalajangersaavigineqareersimanngitsuni isumaqatigiissuteqartoqarnissaa.

§ 27 pillugu

Aalajangersakkap oqaasertamigut annikitsumik allanngortinneqarluni Aalajangersakkanni Nalinginnaasuni § 12, imm. 1 taarserpaa. Suliassamik isumaginnittussanngortitsisin-

naatitaaneq pisunut, assersuutigalugu Ombudsmandip napparsimaneq, sulinngiffeqarneq, aallarsimaneq pissutigalugu allamilluunniit pissuteqarluni suliarnik isumaginninnissinnaajunnaarallarnernut tunngavoq. Atorfeqarfimmi sulisut amerlassusiisa killeqarnerat pissutigalugu aamma Ombudsmandip nammineerluni suliffiup iluani allaffissornermik isumaginninnissaanik tunngaveqarneq, tak. aammattaaq § 26, pissutigalugu siunnersuutigineqarpoq suliassamik isumaginnittussannortitsinerup annertussusissaanik tamatumani atugassarititaasunik sukumiinerusunik aalajangersaanissaq Ombudsmandimut namminermt tunniunneqassasoq.

Suliassamik isumaginnittussannortitsisinnaatitaaneq suliassat piareersarneqarnerannut taamatullu oqaaseqaammik inaarlugu suliarnik tunniussinermt kiisalu § 26 naaperlorlugu pisinnaatitaanernik suliarninnermt atuuppoq.

§ 28 pillugu

Imm. 1 pillugu

Aalajangersagaq taanna oqaasertamigut annikitsumik allannortinneqarluni inatsimmi atuuttumi § 8-mut naapertuuppoq. Ombudsmandi taamatullu Ombudsmandip sulisui pinnerluttulerineq pillugu inatsisip nipangiussisussaataaneq pillugu aalajangersagartaanik malinnittussaatinneqarput, matumani takuuk pinnerluttulerineq pillugu inatsimmi § 29.

Ombudsmandi tamatuma pissuseqataanik paasissutissanik allanut isertuussassanik tamanut ingerlatitseqqissinnaangilaq. Taamaattumik suliarnik Ombudsmandip ukiumoortumik nalunaarutaani saqqummiunneqartut issugaaneranni kinaassutsit ilisarnarunnaarsinneqartarput.

Imm. 2 pillugu

Imm. 2-mi aalajangersagaq nutaajuvoq, matumalu qulakkeerneqarnissaa siunertaralugu, tassalu Ombudsmandip suliassat suliarneqartarnerat pillugu inatsimmi pineqartunut ilaatinneqanngitsup allaffissornikkut aqutsinermi oqartussat suliassat suliarneqartarnerat pillugu inatsimmi § 27, imm. 3-mi nipangiussisimaqqusisinnaanerisa pissuseqataanik oqartussaasunut, suliffeqarfinnut inunnullu Ombudsmandimut isumaqatigiissuteqar-nikkut Ombudsmandeqarfimmi suliassanik kiffartuussillutik sulisunut nipangiussisimaqqusisinnamut periarfissaqarnissaa. Aalajangersakkap taassuma assersuutigalugu suliffeqarfinnut eqqiaanermik ingerlataqartunut, qarasaasialeriner-mik suliarneqartunut ingerlatsinermilu oqartussaasunut Ombudsmandip isumaqatigiissuteqarfigisaanut ator-neqartarnissaa eqqarsaatigineqarsinnaavoq, tak. inatsisissatut siunnersuummi § 26, imm. 5.

Imm. 2-p paasissutissanut pisortat ingerlatsineranni suliassat suliarneqartarnerat pillugu inatsimmi § 27, imm. 1-imi pineqartut assinginut ator-neqartarnissaa tunngaviuvoq.

§ 29 pillugu

Aalajangersagaq nutaajuvoq taaguutillu Ombudsmandip atorfinni, atorfeqarfinni il.il., inatsisikkut Inatsisartunit akuersissutigineqarsimasunuinnaq atorneqarnissaata qulakkeerneqarnissaanik siunertaqarluni.

Aalajangersakkap, Danmarkimi Ombudsmandi pillugu inatsimmi § 30-mut naapertuut-tup nassataaraa atorfeqarfiit, suliffiit, peqatigiiffiit il.il. Kalaallit Nunaanniittut, inuit ataa-siakkaat pillugit inatsiseqartitsineq tunngavigalugu pilersinneqarsimasut taamatullu Ka-laallit Nunaanni kommunit inatsimmik tunngaveqaratik nakkutilliivittut oqartussaaffim-mik taamatut taaguutilimmik pilersitsisinnaatitaanngitsut.

Taaguut naalagaaffimmi oqartussaasut taaguummik "Rigsombudsmand"-imik atuine-rannut killilersuineramik nassataqanngilaq.

§ 30 pillugu

Imm. 1 pillugu

Ikaarsaariarneq pillugu aalajangersakkami imm. 3-miittumi erseqqissarneqarpoq naam-magittaalliuutit, inatsisip matuma atuutilersinneqannginnerani Ombudsmandimut naam-magittaalliuutigineqarsimasut, Ombudsmandi pillugu inatsimmi atuuttumi aalajanger-sakkat tunngavigalugit suliarineqassasut.

Imm. 2 pillugu

Inatsisartut Ombudsmandiat pillugu Inatsisartut inatsisaata nr. 7-ip, 13. juni 1994-imeer-sup atorunnaarsinneqarnissaa siunnersuutigineqarpoq. Tamatumunnga peqatigitillugu Ombudsmandip sulinera pillugu Aalajangersakkat Nalinginnaasut Inatsisartut 14. juni 1995-imi aalajangiinerisigut akuerineqartut atorunnaarsinneqassapput. Oqaatineqassaaq Aalajangersakkat Nalinginnaasut inatsisip oqaasertaanut ilanngunneqarmata.

Imm. 3 pillugu

Imm. 3-mi ikaarsaariarneq pillugu aalajangersakkami siunnersuutigineqarpoq naamma-gittaalliuutit inatsisip matuma atuutilersinneqannginnerani Ombudsmandimut tunniun-neqartut Ombudsmandi pillugu inatsimmi massakkut atuuttumi aalajangersakkat tunnga-vigalugit suliarineqartassasut.

ISSN 1600-2563

Rosendahls-Schultz Grafisk